



19664

I Mag. St. Dr.

P





19664

XXIV. 2. 22

Hist 3017

300



I. Hyacinthus Vohia reducat Japonicos Lly alio

Augustinus Chaturinus ex ducē Sinen  
si deserta cum dāre in alio dōcendū pō  
situs filio filiāq; dōs factus singlō

B. Decretum Destināonis est absolutum  
interim pōposita scientia media per  
quam infallibiliter cognovit in his et  
in illis circumstantiis cum auditio gra  
tie liberum arbitrium quid sit factum  
M. Li. media appellat indicē inquisiti

Comitio Matetura ejus pōdit quia  
eius deserta dicitur ad hos adjungit  
qui sunt viri graves docti modesti  
pleni et animarum charitate pōdi

M. Vocius Summa Indiarum explorato  
rimus, ejus socius fuit R. P. Petrus de Ca  
villano ordinis Sancte Trinitatis qui prophē  
tavit de futuris pōnitio  
Rmus Turus Generalis Contra predetermina  
tionem physicam insurrexit hūmili

Uolmanowry.



Pius IV scribens ad Carolum regem Gallie  
regem dicit Societatem et ad Apostolica Se-  
de confirmatam et a Concilio Tridentino  
approbatam 29 Maji 1565



hic Liber inscriptus Catalogo Societatis M.S.U.  
Cracoviae ad S. Barbaram.

1



S

R

P.

*Don*



# FASTI SOCIETATIS JESU.

Res, & Personas Memorabiles  
EJUSDEM SOCIETATIS,

*PER SINGULOS ANNI DIES*  
repræsentantes,

## OPERA & STVDIO

REVERENDI

P. JOANNIS DREWS, S. J.

PRUTHENO - VARMIENSIS  
S. THEOLOGIE DOCTORIS.

*Donatus Probst*

CONCINNATI.  
OPUS POSTHUMUM

*Wolfgang J. A.*

✠:✠:✠

---

BRUNSBERGÆ

Typis Collegii Societatis JESU. ANNO 1723.



FAST  
SOCIETATIS  
JESU

Hoc & Personae Memorabiles  
SOCIETATIS  
JESU

OPERA & STUDIO  
REVERENDI  
P. JOHANNIS DREWS, S.J.  
PRUDENTIS & ARMENSIS  
& THEOLOGICI DOCTORIS

1966.4.7

BRUNSBURG  
The College of the Holy Spirit, and the



## APPROBATIO

*Perillustris ac Reverendissimi Domini Vicariis  
Generalis Varmiensis.*

**P**osthumum Opus sub Titulo Fasti Societatis JESU, Res  
& Personas memorabiles, ejusdem Societatis, per sin-  
gulos dies, repræsentantes, Authore Adm: Reveren-  
do Patre, Joanne Drews S. J. Pruthenô - Varmienfi,  
cum Summô Studiô & diligentia tam affabrè factum & con-  
cinnatum esse adinvenio, ut publico prælo dignissimum sit,  
prout esse judico, & Autoritate Ordinariâ Administratoriali  
approbo. In quorum fidem præsentem manu meâ subscriptas Si-  
gillô Administratoriali solitô muniri jussi. Dabantur ad Ecclesi-  
am Cathedralē Varmiensem die vigesima secundâ Mensis Ju-  
nii, Anno Millesimo Septingentesimô, vigesimô Secundô

MICHAEL REMIGIUS LASZEWSKI  
CUSTOS CANONICUS ET ADMINISRATOR  
EPISCOPATUS VARMIENSIS.

---

## FACULTAS

*Reverendi Patris Provincialis.*

**C**um posthumum opus, cui titulus est, *Fasti Societatis JESU,*  
*res, & Personas Memorabiles ejusdem Societatis, per singulos an-*  
*ni dies representantes,* operâ & studio Patris Joannis Drews  
S. J. Prutheno - Varmienfis concinnatum, quatuor nostri Theologi



recognoverint; & in Lucem edi posse judicaverint, potestate mihi a Patre Nostro Michaele Angelo Tamburino Praeposito Generali Societatis JESU, ad id data facultatem concedo, ut hic liber typis mandetur, si ijs, ad quos pertinet, ita videbitur. In cujus rei fidem has literas manu mea subscriptas, & Sigillo officii mei munitas dedi. Varaviae 11mâ Junii 1722.

ALEXANDER SAWICKI

SOCIETATIS JESU

PER PROVINCIAM LITVANIAE PRAEPOSITUS PROVINCIALIS.

PROTESTATIO AUTHORIS

**I**nstituto Decreto SS. D. N. Urbani VIII ejusq; confirmationi ac declarationi, observantiâ, ac reverentiâ, quâ par est; profiteor hand alio sensu, quidquid in hoc libro in laudem cujusquam refero, quod speciem Sanctitatis, aut miraculi habere videatur, accipere, & accipi ab ullo velle, quàm quo ea solent, quae humana duntaxat auctoritate, non autem Divina Catholica Romana Ecclesia, aut S. Sedis Apostolica nitantur; ijs tantummodo exceptis, quos eadem S. Sedes Sanctorum Catalogo adscripsit.





## I. JANUARI.

I.



Estum Titulare & Eucharisticum celebrat Societas: quod ex Nomen Soci-  
mio DEI favore, in specialem Sacrosancti & Salutiferi Nomi- etatis JESU  
nis JESU participationem sit admissa: atq; in ea Apostolica Se Ordini nostro  
dis, ac praesertim Gregorii XIV, Decretis in perpetuum firma- aeternum est ac  
ta. In Bulla enim incip: *Ecclesia Catholica*, constituit Gregorius: *Venerabile*.  
*Nomen Societatis IESV, quo laudabile hic Crdo nascens, à Sede Apo-*  
*stolica nominatus est, & hactenus insignitus; perpetuus futuris tempo-*  
*ribus in ea retineretur esse.* In ampliorem hujus beneficii contesta-

tionem, primaria Societatis basilica, quæ est Domus Professæ Romanæ, eodem Sacro-  
sancto Nomine est insignita, sancitumq;: ut per universam Societatem, perpetuis  
temporibus, singuli Sacerdotes Sacrificium Missæ; & qui Sacerdotes non sunt, Ro-  
sarium integrum, aut tres Coronas Marianas, hoc die offerant DEO pro ipsa Socie-  
tate; ut Magnum Nomen sibi inditum implere, ac Duci suo JESU pro viribus se  
conformare satagat, in promovenda DEI gloria, & Animarum salute.

2. Gregorius XIII. Pont. Max. idem festum Plenariâ Indulgentiâ, Christi fide- Indulgentiâ  
libus in Ecclesiis Societatis concessâ, ornavit Anno 1578. 7. Maji, Constit: *Quanta in plenariâ pro*  
*vinea Domini &c.* In strenam verò Novi Anni obtulit Societati, eodem Anno, ipsis Ja- *festis Circum-*  
nuarii Calendis Bullam perquam favorabilem, incip: *Pastoralis officii cura*: quâ confir cisionis.  
mat exemptionem Societatis à quibuscumque decimis, etiam Papalibus, prædialibus, per-  
sonalibus &c. aliisque oneribus, factam ab Antecessoribus suis Paulo III & Pio IV;  
derogatq; expresse Capitulo: *Nuper de decimis*, & Innocentii III Constitutioni: *Bullar.*  
*Soc: & Bullar. Magnum Constit: 51. Gregorii XIII.* Verum hac Exemptione à decimis,  
in quibusdam provinciis ob bonum pacis ultro cessit ipsa Societas.

3. Emanavit hoc die etiam Breve Innocentii X. anno 1646. incip: *Prospero feli Bulla de No-*  
*cio, statui*, de celebranda singulis novenniis Congregatione Generali, & eligendis in *vennali Con-*  
ea novis Assistentibus, atq; de trienniali tantum gubernatione Superiorum; post quam *gregatione*  
ab omni gubernatione vacare debeant, saltem per annum & dimidium. Verum hæc *Gen. & Tri-*  
Innocentii sanctio, quo ad vacationem Superiorum, ab Alexandro VII. inprimis variè la- *ennio Superi-*  
xata, deinde anno 1663. 1. Januar. motu proprio penitus est abrogata & cassata, pro- *orum.*  
pter varia nec levia incommoda. Quoad Novennium Congregationis Generalis, &  
Electionem novorum Assistentium, relicta est in suo robore & vigore.

4. Hæc die Anno 1593. Congregationem Generalem indixit Claudius Aquivi-  
va, volente Pontifice Clemente VIII. ad instantiam Philippi II. Regis Hispa- Congregatio  
niarum, inducti à quibusdam Societatis perturbatoribus. Causæ indicationis asserun- Generalis sub  
tur in literis datis ad Provinciales eadem die, nempe: *[ut collecta in unum tota Societate, Claudio,*



ac Spiritus Sancti aspirante gratia, de iis rebus tractaretur, quæ ad stabilendum huius corporis statum, & promovendam ejusdem in obsequio divino & virtute alacritatem, plurimum habere momentum viderentur: ut ratio iniretur, qua reduci ad quietem possent aliquot Societatis provinciæ, quibus id magnopere necessarium esse intelligebatur: tum in primis, ut summo Pontifici Clementi VIII. id ipsum ob eandem causam, pro sua erga Societatem nostram paterna providentia, volenti satisfaceret.] Hujus porrò congregationis eventum, eo majori sollicitudine, universa Societas expectabat, quòd prima omnium esset, quæ vivo Generali Prapósito haberetur, & quòd novo quodam indicta fuisset more, nec ei pristina libertas facillè constatura videretur. Juvenius l. 11. part. 5. §. 8.

*Censura Libri P. Molinæ ad incudem revocatur.*

5. In causa Libri P. Ludovici Molinæ, de concordia gratia eum libero arbitrio, cum adversarii instantissimè urgerent; ut liber quantocyus damnaretur Romæ, quamvis approbatus in Lusitania post rigidum Examen, & in Hispania absolutus esset: ex parte Societatis supplex libellus oblatus est Pontifici Clementi VIII, anno 1599. 1. Jan. ut saltem audiretur Molina, & defensionem justæ locus daretur. Impetratum facillè; quia Pontifici suspecta jam fuit præcipitantiæ Consultorum, seu Examinatorum, qua raptim percurrebant librum: ideoq; jusserat illum & judicia lata secundis curis recognosci. Eleutherius lib. 3. historia de Auxilijs. cap. 4. §. 5.

#### *Eodem die obierunt.*

*Doctor Marianus.*

6. Tolosæ in Gallia, anno 1564, P. Joannes Pellerarius, à S. Ignatio Sancti Re-  
toris, à populo Apamiensi & alibi Doctoris S. Mariae, elogio honoratus, ob frequen-  
tes, quæ publicè, quæ privatim de V. DEipara sermones, ejus statum ab hæreticis  
dejectam, magnifica supplicatione instituta, loco suo restituit, nequicquam fremen-  
tibus iconoclastis. Injecta ipsi ab his etiam vincula: quæ eadem toleravit constan-  
tiâ, qua oblatam Cadurcensem Insulam repudiaverat.

*Peruanum regnum Christo subiectum.*

7. Cusci in America Peruviana, anno 1598. P. Alphonfus Barzena, Peruanorum  
Apostolus dictus. Ultimum gentilis Peruvii monarcham cum numerosissimo populo,  
Christo subiecit, potens verbo, opere, atq; memoriâ, qua undecim barbaras linguas,  
& omnes Apostoli Epistolas est complexus. Solo Eucharistico pane refectus, sæpe  
quinq; vel sex dies, labores gravissimos sustinebat; iter octo dierum aliquando pau-  
cis horis emensus. Infantia Christi tenerrimè addictus, cum in gravi ægritudine par-  
vam ipsius statuam non posset adducere in consuetos amplexus: ipsa accessit statua,  
& ulnis ægri se ingessit, dicens: Ecce me, adsum tibi; non est, quòd te fatiges.

*Devotio erga Iesum Infantem.*

*Orationis studium.*

*Votorum renovatio frequens castitas verecunda.*

8. In Philippinis insulis, anno 1617, P. Gabriel Sanchez, vir Apostolicus: Ora-  
tionis studio tam addictus, ut inter copiosissimos labores, quotidie horas 7. ei im-  
penderet; Votorum religiosorum tam amans & observans, ut diebus singulis eo-  
rum formulam sexagies renovaret; Angelicæ puritatis tam studiosus, ut naufragus,  
in fundo maris non sit passus ab urinatores vestem sibi detrahi ad enatandum faci-  
lius.

*Labor & felicitas in conficiendis diebus, noctesq; pro miserabilium illarum animarum salute, in carcere transfigere, orando, & exhortando; quidquid moverent dæmones, & quamvis in veneficorum Senatu conclamatum fuerit de capite ipsius.*

9. Treviris anno 1607. P. Lucas Elleniz; in disponendis ad ferale bustum ve-  
nificis mirè sollicitus, laboriosus, & felix. Facile docentis salutariter adfuit solitus  
dies, noctesq; pro miserabilium illarum animarum salute, in carcere transfigere,  
orando, & exhortando; quidquid moverent dæmones, & quamvis in veneficorum  
Senatu conclamatum fuerit de capite ipsius.

II. JA-



## II. JANUARI.

1. **A**Nno 1604, Edictum Henrici Magni de restituenda in Galliis Societate, editum in Septembri anni 1603, hoc die registratum est in Parlamento Parisiensi, ac deinceps executioni mandatum. Ne verò post fata Regis, novas in Societatem concitarent tempestates adversarii, præsertim hæretici: Ludovicus XIII. *Edictum in rex Christianissimus* Edictum Patris, sua, & Reginae Matris regnantis, autoritate *Gallia de So-* amplissimè solidissimèq; confirmavit; præcepitq; Consiliariis suis in Curia Parlamen- *cietate resi-* ti, Seneschalcis, cæterisq; justitiæ administris; ut suâ operâ & autoritate protegen- *nenda.* dent Societatem, & ab impetitionibus vindicarent. *Gomez in Elog. Societ. par. 2. Classe 2.*

2. Anno 1556. Universitas Lovanienfis, requisita à Serenissima Regina Maria, *Lovanienfis* Belgii gubernatrice; quid sentiret de Instituto Societatis, & hominibus ejus institu- *Academia* ti? præclarum in scripto dedit testimonium de Sanctitate Instituti; & quòd nihil in *præclarum te-* Societatis Privilegiis, Bullis, moribus & conversatione possit inveniri; quod toti Ec- *stimonium da-* clesiæ, & inferiori Germaniæ non sit expeditius & utile. *Gomez ibid. Classe 9. & Or-* *Societate.* *landinus p. 1. hist. Soc. l. 6. 10.*

3. Perpiniani in Hispania anno 1671, placuit Divinæ Bonitati vim meritorum *Ope P. Franci-* magni servi sui Ven. P. Francisci Suarez demonstrare, reddita sanitate cuidam Docto- *Suarez sani-* ri, Joanni Giraus, Sacerdoti templi principis. Febri torrida, pertinaciq; catartha op- *tas restituta.* pressus, mortem operiebatur in horas: cum subiit animum cogitatio implorandi o- *pem Ven: P. Francisci,* pium: P. Francisci, siquidem humana non superessent remedia. Curat igitur è Collegio accersiri P. Antonium Deschamps, eiq; mentem suam aperit. Probat iste consilium, suadetq;: ut promittat, se Suarii imaginem pingi curaturum, si ejus ope convaluerit. Editò voto, mox febris nocte decessit, & intra breve tempus plena sanitas restituta voti reum fecit. *Masseius in vita, cap. 24.*

### *Eodem die obierunt.*

4. In Commorino, Indiæ Orientalis promontorio, anno 1549, Adamus Francis- *Scholasticus* *zelosus.* cus, Sacerdotio nondum initiatus, sed gravi S. Xaverii testimonio, *Vir planè pius, ma-* *gniq; animi ardore in ethnicis ad Christum convertendis.* Equidem addit Xaverius, magis illi *me commendo, quàm ipsum DEO.*

5. Manilæ in insulis Philippinis, anno 1632, P. Franciscus de Enzinas, strenu- *Splendor vul-* *us loco lam-* *padis in Brevi-* *ario noctu re-* *citando.* issimus per annos 30 Indorum cultor. Post diem usq; ad profundas tenebras impen- sum consitentibus, conversus ad recitandas horas Canonicas, promicantibus è vul- *tu radiis ita illustrabat Breviarium; ut lampade vel candelâ non indigeret.*

6. Hamburgi in Germania, anno 1654, P. Henricus Schachtius, impiger & in- *Zelus ingenio-* *sus & humi-* *lis.* dustrius in castris Germanicis, & inter A catholicos Missionarius. In Suecia, ut la- teret securius ad juvandos Catholicos, artificis muscipularum, imò & gerulæ per- sonam induit; solitus apud Upsalensem Consulem Catholicum cunas infantum agi- tare. Proditus tandem, & è lecto fere nudus in tetrum carcerem abreptus, frigus, catenas, pædorem, & ter repetitos equulei acerbissimos cruciatus fortiter sustinuit. Consule Anthelio, cum Secretario Gregorio Ursino, in odium fidei securi percussis, P. Henricus fatalem ictum evasit, quòd non esset indigena. Redux in Germaniam, perutilem operam navavit in castris Catholicis.



### III. JANUARI.

1. **I**ndiarum Apostolus S. Xaverius, anno 1552, Cocino ex India Orientali epistolam dedit in Lusitaniam ad P. Simonem Rodericum, unum ex primis decem, petens ab eo suppetias pro Japonia. Quæ ut utiliores venirent, requisivit in ipsis dotes sequentes. 1. Ut essent non solum eximia animi virtute, sed etiam egregio corporis robore præditi, ad tolerandas tum vexationes Bonziorum, tum æris inclementiam, & victus penuriam ac vilitatem, & inter hæc laborum assiduitatem. Ideoq; disertè petiit Germanos & Belgas, cœlo rigidiori assuetos. 2. Egregiè exercitatos in tricis Logicis & Metaphysicis: ut & evadere Bonziorum captiones, & ipsosmet propriis laqueis irretire possent, atq; auctoritatem in Japonicis Academiis sibi comparare, præsertim in Banduensi, cæteris celebriore. Concludit epistolam: Iterum te oro, Frater charissime: ut quos in Indiam è Societate submittes, viri sint; qui vel pauci magno usui esse possint. Ita Xaverius *Epistolarum Veterum lib. 4. ep. 2.*

*Vir Apostolicus  
& corpore  
animo valeat.*

*P. Mastrillus  
à S. Xaverio  
sanatur.*

2. Anno 1634. prodigiosè persanatus est Neapoli à S. Francisco Xaverio P. Marcellus Mastrillus S. J. lethaliter ægrotus; Xaverio se ipsi sæpe diuq; spectabilem exhibente, & conceptis verbis, consuetam votorum Societatis formulam ita recitante: ut Marcellus, eo præeunte, illam verbis totidem pronunciaret. Addidit votum de Indiis adeundis. Deniq; voluit Xaverius, ut particulam Ligni S. Crucis capiti quassato admooveret, eamq; his verbis salutaret: *Ave Lignum Crucis, Ave Crux preciosissima: me tibi totum dedico in perpetuum. Quo facto, plenè sanatus est, ut postmodum sacris sit operatus. Nada si in Indice Memoriali, & 17. Octob. in Marcelli Vita.*

*Sixtus V. à  
Societate alienatus.*

3. Initio Anni 1589. Pontifex Sixtus V, qui Societati in variis turbis magno præsidio fuerat, repente alienatus ab illa apparuit. Vel à quopiam incitatus, vel quòd alterius Ordinis, in quo antè meruerat, imbutus esset principiis, institutum Societatis accuratius per se expendere voluit. Quod dum oculo minus benevolò lustrare incipit, statim in ipso lumine in Nomen Societatis JESU impegit; deinde alia & alia, quæ multis arridebant, appositâ notâ signavit, atq; omnia Cardinali Carasæ cognoscenda tradidit, ut corrigerentur. Decumana imminabat tempestas, institutum funditus everfura: nisi ultronea cunctatio Card. Carasæ (cui omnia omnino probabantur, præter appositâ à Sixto notas) & opportunè superveniens anno sequente mors Pontificis, propositorum suorum tenacissimi, minacem turbinem dissipasset. *Sacchin. p. 5. lib. 9. n. 1. & seq.*

*Mors ejus op-  
portuna.*

#### *Eodem die obierunt.*

*Contemptus  
sui aditus est  
ad familiari-  
tatem cum Deo.*

4. Calari in Sardinia anno 1624. Jacobus de Alagon, Marchionatus, imò mundi contemptu illustris Coadjutor temporalis in Societate. Culinae, stabuli, & similia officiorum mediastinum agere, pretiosius illi fuit, quàm populis imperare. Sed cum Dominus ad intimam secum familiaritatem evexit, & subinde extaticis contemplationibus inter cælestes voluptates recreavit, quibus tamen carere malebat ille; quòd hoc tempus non gaudendi, sed patiendi esset.

*Desiderium  
crucis.*

5. Virduni in Lotharingia P. Petrus le Camus, anno 1634. Cum aliquando ardentissimo patiendi desiderio correptus, Christi amore quàm plurimas optaret ac provocaret crucis: mox exauditus se sensit, acerbissimis cruciatibus toto triennio, instar Jobi, dirè exagitatus.



6. Tornaci in Belgio anno 1592. Balduinus Cuvillionius, in pueritia eremita, in adolescentia tyro Societatis perfectus. Novennis adhuc, auditâ veterum anachoretarum vitâ, cum socio coætaneo se recepit in vicinum urbi collem, Patres illos imitaturus. Maturior Societati se addixit, relicta nobili & lauta domo; paremq; initiis illis vitam egit. Identidem ingeminabat Evangelicum illud: *Va vobis divitiibus!* Er, difficile est à delicijs terrestribus transire ad celestes. Hic paupertate, jejuniis, alijsq; acerbitatibus juvat acuerere appetitum: ibi erit, quo sine fastidio, incredibili cum voluptate, satiemur.

*Puer anachoreta.*

*Contemptus mundi.*

#### IV. JANUARI.

1. **H**abita est disputatio 36. in Causa Molinæ, anno 1605, coram Clemente VIII; in qua ad quæstionem à Pontifice propositam, *An Decretum Predestinationis sit absolutum, vel Conditionatum?* respondit P. Joannes Bastida S. J. *esse absolutum, & solum præsupponere Scientiam mediam, seu Conditionalem futurorum liberorum, non autem Decretum aliquod Divinum Conditionale, quo DEus statuatur conditionaliter Petrum salvare, si in tali rerum, seu circumstantiarum ordine constitutus, rectè usus fuerit his auxiliis.* Nulla enim est necessitas talis decreti; cum DEus per scientiam conditionalem infallibilem certissimus sit: quid in his illisve circumstantiis, & cum his illisve auxiliis acturum sit liberum arbitrium: ideoque statim decernere absolute potest salutem æternam. Quam esse doctrinam S. Augustini & Molinæ latè præbavit & efficaciter. *Eleuther. hist. de Auxilijs lib. 5. cap. 49.*

*Decretum predestinationis absolutum est.*

2. Burdegalense Collegium in Gallia, anno 1574, concussit turbo triplex, ab Hugonotris hæreticis potissimum concitatus. Inprimis post mortem Fundatoris ejusdem Collegii, hac die sine testamento defuncti, impedièrunt; ne quidquam subsidii Collegio accederet; imò & Abbatiam à Pontifice & Rege illi attributam, avellere nitentur. Deinde cum post mortem Caroli regis, Collegium externorum, quod Aquitanicum vocant, in laudem Defuncti carmina quædam multarum ut linguarum, ita errorum, proposuisset palam, quæ acutus & incertus auctor falsis epigrammatibus castigavit: eam censuram Societati impeerunt, eamq; famosis libellis præsciderunt. Deniq; cum finito Philosophiæ cursu, Philosophi nostri promovendi essent de more in publica Urbis Academia: magna contentione laboratum est, ne honore illo potirentur Candidati. Sed secundum opem divinam, autoritate Archiepiscopi, Advocati regii, & aliorum Procerum tota tempestas innoxie detonavit. *Saschim. p. 4. lib. 2. n. 67. & seq.*

*Burdigalenses turba contra Societatem.*

#### *Eodem die obierunt.*

3. Valentia in Hispania P. Michâel à Fontibus anno 1609. Apostolicis laboribus aliquando fesso in India, adfuit spectabilis DEipara V. quam exquisitis officiis colebat, promissitq; absq; Purgatorii poenis iturum ad Beatos. Quod beneficium ferri secundâ acceptum, ut perenni gratitudine recoleret, quot hebdomadis eum diem humilibus obsequiis dicabat, humi cibum sumendo, & operam suam culinæ addicendo. Animam ipsius statim à morte vidit non nemo è S. Francisci familia, sanctimonie & doctrinæ famâ insignis, cælum conscendere; obviam autem illi fieri DEiparam V. cum SS. Joanne atq; Ignatio, & clientem suum imposita immortalitatis coronâ, honorare.

*A Purgatorio immunitas.*

*B. V. clientem suum coronat.*



*Sanctorū ve-  
neratio ante  
somnum.  
Patiendi desi-  
derium.*

4. Eboræ in Lusitania anno 1610 Vincentius de Rocha, juvenis ad pietatem natus. Cubitum iturus, prius ad singulas per cubiculum imagines adibat, & Sanctos illis expressos, de genibus, velut vale facturum, venerabatur. Mortem nuncianti amplexum & cilicium, quod uti solebat, dono dedit. Inter morbi incommoda & dolores ingeminabat: *Non sat est Domine, non sat est.*

*Professor unius  
discipuli per  
annum.*

5. Gandiæ in Hispania anno 1576, P. Didacus Puellas, Angelicâ quadam modestiâ conspicuus, inde natâ: quod semper in cogitatione presentis DEI versari consuevisset. Insigne obedientiæ specimen dedit: quando per annum integrum, promptus & alacer ad scholam itabat, lectionemq; tradebat, unico tantum discipulo. Non tam copia Auditorum, quam insignis eruditio, & accurata diligentia, commendat Professore. Tantum pro unius, quantum pro plurium institutione constanti, minerval dabit cœlum.

6. Hac die in Neapolitana Probationis Domo recurrit anniversaria Memoria Fratris Josephi Mariæ de Hieronymo Coadjutoris temporalis, quem gradum studio humilitatis elegerat, cum nihil in eo desideraretur, quod minus provehi ad sacerdotium posset. In ipso Tyrocinio veteranam, & emeritam virtutem ostendit; adeo ut vix peracto biennio propter pietatem, modestiam, & prudentiam, quas dotes felici nexu junxerat, destinatus fuerit socius Magistri Novitiorum: quo in munere per annos 40 Tyrones non modo exemplo, sed illorum etiam Magistrum consilio juvit. Orationi cum primis deditus fuit; charitatem & mortificationem impensè coluit; per annos complures somnum in lecto non cepit, abstinuit fructibus, cilicium non exuit: flagellis, vigiliis, cæterisque poenitentiae acerbitatibus prolixè semper indulgit. In comprimendis verò & domandis animi perturbationibus ejus virtus potissimum enituit; offensus non indoluit, reprehensus nihil unquam excusavit; contradicentibus nihil opposuit. Insimulatus aliquando perperam; & jussus officium deponere, placidè acquievit. In magna ministeriorum varietate semper sui compos, & animi serenitatem ore læto præ se ferens, semper idem, nunquam sui dissimilis, nunquam perturbatus, semper actuosus & alacer, nunquam fractus, & abjectus; omnium semper studens commodis, nunquam suis. In suprema & laboriosa ægritudine nihil gravius tulit, quam aliorum laborem, in se unum transferri ac duplicari cupiens, quidquid alii tolerabant. Diem & horam prædixerat, qua in Domino quievit Anno 1713. ætatis 58. Societatis initæ 42. Quo ipso tempore mortem ejus longè absens cognovit, DEo monstrante P. Franciscus de Hieronymo frater ipsius carne, ac multò magis spiritu. *In Memor.*

## V. JANUARI.

*Sodalitates erigendi facultas.*

1. **A**Nno 1586. Sixtus V. facultatem erigendi Congregationes scholarium externorum in Collegiis Societatis, easq; Romanæ Sodalitati, cum participatione Indulgentiarum, aggregandi, concessam à Gregorio XIII. extendit ad non Scholares, etiam in Domibus seu Ecclesiis, quibusvis Societatis erigendas (Constit: *Superna dispositione* &c. *Bullar. Soc.*) sive sub titulo B. MARIE Annuntiatae, sive quovis alio. Quam extensionem ampliavit idem Sixtus Anno sequente 1587: ut etiam in Seminariis, & aliis locis sub gubernio Societatis existentibus Sodalitates erigi possint, & Romanæ primariæ aggregari. Constit: *Romanum docet Pontificem.* Clemens VIII. anno 1602. 30. Aug. id concessit expressè pro Residentiis quibusvis Societatis.

2. Ma-



2. Madriti in Hisp. anno 1595, Camillus Cajetanus, Nuncius Apostolicus, instante Philippo II. rege, sententiam tulit contra iniquissimum Societatis calumniatorem (Avendanium O. P.) eumq; privavit facultate concionandi per biennium in primariis Hispaniæ Cathedris; vetuitq; sub pœna Excommunicationis: ne in posterum malè de Patribus Soc: J. aut Instituto eorum, privatim aut publicè, directè vel indirectè, per se vel per alios, loqueretur aut scriberet. Deniq; pro pœna ulteriore remisit illum ad superiores suos. *Eleuther lib. 2. hist. de Auxil. cap. 27.* In Appendice. n. 2. recitat totum Nuncii Decretum.

*Societatis calumniator re-ligio/punitus*

3. Granatæ in Hisp. anno 1548, ortum est illustre fidus Theologiæ, nascente Francisco Suarez: qui ut generis sui claritatem, ita Societatem & Ecclesiam universam, ubertate ac soliditate doctrinæ Theologicæ eximiè illustravit. *Massejus in vita cap. 1.*

*Franc. Suarez nascitur.*

### *Eodem die obierunt.*

4. Romæ anno 1583 P. Joannes Maldonatus, Hispanus, editis in Sacram Scripturam, præsertim in 4. Evangelia, doctissimis Commentariis, & methodo zeloq; infectandi atq; convincendi hæreticos, celeberrimus. Theologiam & Sacras literas explanantem in Gallia, tanto plausu & aviditate audiebant, etiam Concionatores, Parochi, Abbates & Episcopi ipsi, imò & ministri heterodoxi: ut prælectionum tempus unâ alterâve horâ prævenirent, ne auditorum multitudine excluderentur; quæ in tantum excrevit, ut sæpe in aperto, extra scholarum parietes docere cogeretur. A Gregorio XIII. è Gallia in Urbem accersitus, ut operam suam conferret ad editionem Græcam septuaginta Interpretum, quam meditabatur Pontifex; non diu superstes fuit: oppetiitq; mortem vitæ sanctæ conformem, nec improvisam. *Sorvellus in Biblioth.*

*Aviditas audiendi lectiones Maldonati*

5. Granatæ in Hisp. anno 1632 P. Jacobus Granadus, vir prudentiæ, doctrinæ & sanctitatis merito, inter prima Societatis lumina numerandus. In Philosophica & Theologica Cathedra, 30 annis transactis, Theologiam universam editis Tomis 8, eximiè illustravit. Perfectionis Religiosæ exemplar absolutissimum se exhibuit, extraordinariis etiam gratiis, ante & post mortem, divinitus honoratus. Miram præferebat templorum reverentiam, solitus in eorum conspectu aperto capite semper procedere. Gratiam vocationis Religiosæ tanti faciebat: ut anniversarios dies sui in Societatem ingressus, nuncupationis primorum Votorum, & Professionis religiosæ, toto ostidio celebraret, variis pietatis specialis exercitiis. Mortis nuncium excepit carmine illo Davidico: *Latatus sum in his, quæ dicta sunt mihi.* *Sorvell. in Biblioth. Soc.*

*Theologia per annos 30 Professor.*

*Templorum veneratio.*

*Votorum religiosorum re-neratio. Mors jucunda.*

6. Tacaschi in Japonia anno 1564. Eduardus de Silva Lusitanus, Coadjutor Apostolicus, S. Xaverii Socius fidissimus. Primus Japonicam Grammaticam Lexicæque copiosè edidit, magno Sociorum usu. Funas centum & triginta è primoribus baptismo lustravit, impiger in agendo, fortis in patiendo: quæ sunt principes dotes Virorum Apostolicorum.

*Coadjutor Apostolicus.*



## VI. JANUARI.

1. **S**ententia Nuncii Apostolici contra Fr. Alphonsum Avendanium, de qua heri, per Notarium publicum prælecta fuit eidem, idoneis testibus, & P. Provinciali ipsius præsentibus. Die verò sequenti Copia authentica sententiæ latæ & intimatæ, Pro-  
*Societas non* curatori Societatis est consignata. Eâ acceptâ, statim Superiores Societatis supplicâ-  
*desiderat præ-* runt Nuncio Apostolico, P. Generali Domin: & ipsi Regi Philippo: ut reus à pœnis im-  
*nas adversa-* positus immunis esset. Non enim cordi esse Societati, ut ejus adversarii pœnis atteran-  
*riorum.* tur, sed tantum famæ ipsius integritati consulatur. Quæ moderatio non minus ædi-  
 ficationi, quàm admirationi fuit, placuitq; Regi. *Eleuther lib. 2. hist. de Auxil. cap. 17.*

2. Turnone in Gallia Cardinalis Turnonius insigni Collegium ædificaverat: quod hac die anno 1561, Societati consignavit, optimè instructum. Apertæ sunt eo-  
 dem anno Scholæ publicæ, non solum Humaniores, sed etiam Philosophia, Mathematica  
 & Theologia, numerosa juventute confluyente. Beatas prædicabat idem Cardinalis ci-  
 vitates, quibus datum esset hoc frui bono. *Sacchin. l. 2. hist. Soc. l. 1. n. 189 & 196.*

3. Laureti anno 1570, à DEipara V. jussus est Societatem ingredi, ipso Epiphaniæ  
 Domini sacro die, Joannes Thomas Lauretanus, Mutinensis antea dictus Amurates Ro-  
 bertus. Is relicta patriâ, Lauretum contendit, ibiq; tuguriolum sibi construxit, ut  
 pauperem vitam duceret in cultu DEiparæ V. quam effictum amabat & honorabat.  
 Cumq; subinde sentiret stimulum ingrediendi Societatem, à qua maximè abhorrebat,  
 multum torquebatur animo: donec spectabilis ei facta DEipara, disertè, & minis inten-  
 tatis, ni parceret, imperavit: ut ob majorem DEI gloriam tugurium suum defereret, ex-  
 emplo trium Regum Orientalium; qui etsi maximè afficerentur Infantis DEI cunis, ta-  
 men ab illis avulsi sunt, ut in terris suis Christum prædicarent natum. Proinde & ipse  
 eodem die in Societatem se reciperet. Conclussit deniq; Virgo: *I celer, te totum Obedien-*  
*tia subde.* Paruit deniq; petiit, receptusq; est, & insigni exemplo vixit in Societate.  
*Sacchin. p. 3. hist. Soc. lib. 6. n. 13. & seqq.*

### Eodem die obierunt.

4. In Molucensibus Orientalis Indiæ insulis anno 1558, P. Alphonfus de Castro,  
 Lusitanus, In Maurica regione, quam excolebat, à Mahometanis tentus, nudatus, &  
 tormentis pro-  
*Fortitudo in* instar S. Andreæ Apostoli crucifixus, solis ardori, & muscarum aculeis expositus est.  
*tormentis pro* Deinde ad truncum religatus, verberibus laceratus, inediâ octiduo cruciatus, atq; ad  
*fido.* festam Mahometanam amplectendam grandibus etiam promissis sollicitatus, infracto  
 animo, & mira vultus hilaritate inter tormenta, perstitit Christo & Societati fidelis.  
 Deniq; securi trucidatus gloriose occubuit; corpus in mare projectum, per aliquot  
 dies visum est seopulo insidere, aquis in modum fornicis supra illud curvatis. Postea  
 in litore repertum est, cælesti lumine circumfusus, vulneribus recenti sanguine ma-  
 nantibus. Unde apud ipsos Mahometanos singularis ei veneratio accessit.

5. Majoricæ in Insula Hispana, anno 1580, Joannes Meseguer Coadjutor, ante no-  
 tem bene sanus, intempesta nocte, forti instinctu urgente, adiit Rectorem Collegii,  
 & Sacramentis muniri petiit ad supremam luctam. Advocatus medicus non alium  
 esse morbum pronunciavit, quàm phantasie. At Joannes nihil omisit, quod mortem  
 religiosam deceret; instructusq; rite Sacramentis, mori prius, quàm infirmari, visus  
 est. Nimirum qui in vita didicit divinis parere instinctibus, in morte illos facile ag-  
 novit. Medicorum judicia non raro deludunt ægros,  
 VII. JA-



## VII. JANUARIIL.

1. **B.** Pius V. anno 1566 creatus est Pontifex Max: qui Societatem summâ bene-  
volentiâ, maximisq; beneficiis est profecutus. Non solum enim editis Con-  
stitutionibus & Decretis ejus indemnitati, commodis & honori consuluit:  
sed Sociorum operâ plurimum uti voluit, usq; ad invidiam quorundam. Pignus il-  
lustre pronissimi affectus dedit statim inter solemnem pompam, quâ novi Pontifices  
ad Lateranensem Basilicam perveniunt. Cum enim advertisset Borgiam Praposi-  
tum Generalem præ foribus Domûs Professæ, in sui venerationem excubantem: ac-  
citum ad lecticam, arcto primùm complexu, tum longo sermone ad dimidiatum ho-  
ræ quadrantem, tenuit; toto interim consistente, & admirante splendidissimo agmi-  
ne. Dum verò idem Prapositus Borgia de more Societatem illi tradidit, ad omnem  
nutum paratam: illacrymatus Beatus Pontifex, professus est: *Plurimum se & consilio &*  
*auxilio Societatis usurum.* Quod & fecit in variis occasionibus. Cum autem aliquando  
rumor spargeretur: Pontificem cogitare quædam immutare, seu reformare in Soci-  
etate; atq; rogatu Prapositi Generalis per Cardinalem Paciecum id delatum eidem  
esset; fertur exclamasse: *Abstî à nobis hoc peccatum grande. Videmus D'eo complacitum in*  
*his famulis suis, perq; eos utilitates Ecclesiæ suæ præclaras asferre. Dum ita vivunt; non est,*  
*quidd negotium eis quisquam facessat, sed ut favorem potiùs a'q; patrocinium accommodet.* Sac-  
chinus Parte 3. hist. Soc. lib. 2. & 3. qui creationem Pii V. ponit 8. Jan. sed Spon-  
danus hoc die ad annum 1566.

*B. Pius V.  
Pontifex crea-  
tur.*

*Affectus erga  
Societatem.*

*Abhorret ab  
ejus reforma-  
tione.*

2. In Congregatione Generali VIII, anno 1646, electus est hodie in Praposi-  
tum Generalem P. Vincentius Carafa, natione Italus, patriâ Neapolitanus, ex prin-  
cipe familia nobilissimâ Domûs Carafarum. In gubernanda Societate amissis ipsi e-  
rat Institutum Societatis: nec illo metu vel spe ab illo se sinebat dimoveri. Severi-  
tati in exigenda disciplina admiscebat opportunè suavitatem; sed quæ Patris magis  
erat, quàm matris. *Sorvellus in Biblioth. Scriptorum Societ*

*P. Carafa è-  
ligitur Gene-  
ralis.*

*Magis patrem  
quàm matrè  
se exhibet.*

3. Decima Congregatio Generalis eodem die inchoata est anno 1652. Patre  
Goswino Nickel Vicario Generali, post obitum P. Francisgi Piccolomini. *Ex Decre-  
to ejusdem Congr.*

### Eodem die obierunt.

4. In regno Manadæ apud Indos Orientales, anno 1583, P. Petrus Mascarenia  
Lusitanus, propinato in odium fidei veneno. Salsitanos pagos 66. primus multo la-  
bore excoluit; apud Ternatenses, Celebes & plures alias barbaras gentes Evange-  
lium prædicavit; Sionium & Manadium regulos, regem quoq; Sangium cum re-  
gina & multis proceribus Christo subjecit. Cum aliquando è monte subjectum pa-  
gum idololatrarum, non sine intima commiseratione aspiceret: repente vocem pu-  
eri è subjecta valle ascendentem, audit; clarè enunciantem: In nomine Patris, & Fi-  
lii, & Spiritûs S. Qua voce, & SS. Trinitatis velut auspicio, mirificè recreatus &  
accensus est ad quidvis agendum & patiendum pro D'eo, & animarum salute.

*Gentes mul-  
tas convertit  
P. Mascare-  
nia.*

*SS. Trinita-  
tis confessio.*

5. Omuræ apud Japones, in carcere teterrimo, per annum & amplius fidei  
causâ tolerato, per gloriosam mortem in libertatem & lucem æternam evolavit anno  
1620., Ambrosius Fernandez Coadjutor. Sanctam ejus mortem reliqui Confessores  
Christi, in eodem carcere detenti, honorârunt decantato Psalmo, *Laudate Dominum*  
*omnes gentes.*

*Victima fidei  
in Iaponia.*



Solicitude de

perseverantia

in Societate.

Dimisso de So-

cietate fatalis.

Stationes 7.

in cubiculo.

Cum Angelo

Cust. famili-

aritas.

Tergiversatur

in surgendo

offendit Ange-

lum.

6. Cortraci in Belgio anno 1579. piissime decessit P. Joannes Francisci, de per-

severantia in Societate semper mirè sollicitus. Identidem rogabat Socios: *Orate pro*

me, ne excidam Vocatione. Quam petitionem in ipso agone ferventius iteravit. Dice-

bat enim auditam sibi adhuc tyroni vocem: *Ioannes si in Societate perseveraveris, salva-*

beris: si tuâ culpâ ex ea dimissus fueris, damnabere. Peccata quotidiana confessione elu-

ebat; post Sacrificium divinum celebratum; tribus aliis eximia devotione intererat;

cubiculum in 7. stationes Patientis Christi diviserat, quas quotidie constanti pieta-

te obibat. Et tamen vir religiosissimus tam sollicitus fuit, ne vocatione excideret!

7. Burgis in Hisp. memoria Fratris Joannis Carera, Custodis sui Angeli cul-

tu &amp; familiaritate eximii. Conferebat cum illo omnia consilia sua, &amp; agenda: ha-

bebatq; in promptu respondentem. Quotidiè ab eo excitabatur de nocte ad oran-

dum: cum autem aliquando gravatus somno tergiversaretur; Angeli consuetudine

per aliquot dies caruit, donec multis precibus &amp; jejuniis cum sibi reconciliaret.

Cum enim Angeli omnes sint administratorii Spiritus, amant alacres in obsequio

DEi, aversantur desidiosos.

## VIII. JANUARI.

1. Ignatius Venetiis anno 1537. mira charitate &amp; humanitate excepit 9. Socio-

suos primos, ex Gallia appulso, itinere dierum 50, inter varia discrimina,

&amp; adversitates. Noluit sinè mora eos Romam ducere, sed aliquantisper

quiescere Venetiis. Quies autem erat, servire ægrotis in variis nosodochiis, quæ inter

illos distribuit. Xaverio obtigit cura insanabilem: quibus an charitate, an sui Vi-

ctoria majore inservierit, dubites. Ibi enim ad edomandam naturam, ab ulcerofo-

rum conspectu tactuq; abhorrentem, è fædissimo ulcere saniem purulentam exfuxit.

Alius Sociorum in Nosodochio SS. Joannis &amp; Pauli, videns leprosum hominem lectu-

lo destitutum, in partem sui lecti cum admisit, insigni operæ pretio. Nam sequenti

die totum se leprâ squalere vidit; leprosus autem ille nusquam comparuit, &amp; lepra

in lectulum suum omnis die sequenti evanuit, DEo charitatem cumulatè remunerante. *Baroli in Vita*

eius admittit. S. Ignatij, lib. 2. n. 31.

2. Gregorius XIII. anno 1575. amplam concessit Societati facultatem circa libro-

rum prohibitorum usum, communicandam cum delectu inferioribus à Præposito Ge-

nerali; non obstante Bullâ Canæ, cæterisq; contrariis quibusvis. Breve incipit: *Ex-*poni nobis nuper fecerunt Gr. Videndum Bullar. Soc: & Compendium Privileg. tit: *Libri**Prohibiti*; ubi post §. 6. additur in Advertendo 2. Facultatis legendi & habendi Libros

prohibitos Universalem revocationem editam esse à Gregorio XV. 30. Dec. anno 1622.

ut in Bullar. comm. Constit. 40; atq; ab Urbano VIII. 2. Apr. 1631. ibid. Constit. 145.

3. Hac die anno 1595. nostri Lutetiâ demigrarunt. Incedebat Religiosum &amp; mise-

rabile agmen, rebus omnibus ad longinquum &amp; ignotum iter necessarijs destitutum,

vix uno stipatore, qui tot homines ab hæreticis, &amp; grassatoribus tutaretur concessio.

Prosequebatur populus, ab ira &amp; furore, ad commiserationem, contra quam sperabatur,

inflexus. Alijs canitiem senum, alijs juniorum aliquot ætatem; discipulis carissimo-

rum præceptorum calamitatem lamentantibus, &amp; in complexu longo hærentibus; adeo

ut avelli vix possent, &amp; secuti ad vesperam plurimi, multa jam nocte in urbem se rece-

perint. Oculos omnium advertebat præ cæteris P. Clemens Puteanus Provincialis,

senatoria &amp; clara in primis domo Lutetiæ ortus, doctrina ipse, eloquentiâ &amp; pruden-



tiâ insignis; qui amicis fletibus & propinquis comitatus, exulem suorum turbam abducebat in Lotharingiam. Eò post diem quintum decimum, quàm erant Lutetia digressi, pervenerunt incolumes, beneficio præsertim Ludovici Gonzagæ, Nivernensium Ducis, qui nonnullos è cohorte sua equis illis ad præsidium opportunè submiserat. Pars sociorum Virodunum confedit, pars Mussipontum cum Puteano concessit: invitante ultro, pro sua erga Societatem constanti benevolentia Carolo II. Lotharingiæ Duce ac sua oppida, fortunas & sinum offerente. Juvencius fol. 53. Aliis diebus hujus mensis nostri excesserunt Lugdono, Biturigibus, Niverno, Bullonio quinto post mense, causam hujus exilii vide 27. Dec.

### *Eodem die obierunt.*

4. Mexici in America, annò 1599, Franciscus à Villa Regali, Coadjutor, *Nativitas insigni orationis & lacrymarum dono præditus. Perpetuum illi acroama erat: Lau- desur Dominus noster IESVS Christus.* IESU nascentis cunas in stabulo, inter miras *bulo celebrata* cæli delicias, celebrabat. Sæpe fixis in cælum oculis repertus est à sensibus abstractus. In di miserabilis vulnus tabæ ac fœtore horridum purgabat amanter, subinde *Lingvâ ulcus abstersum.* etiam linguâ sordes purulentas abstergebat.

5. Panormi in Sicilia anno 1627, P. Josephus Scammacca, innocentia vitæ, nulla unquam lethali labe temerata, & gratiis etiam gratis datis à DEO honoratus. *Concionantis capiti columba insidere visa.* Concionator erat magni nominis, magniq; fructus: malebat enim solidus esse, quàm comptus. Inter dicendum visus est aliquando gestare columbam capiti insidentem; aliàs cælestis lucis radio illustrari.

6. Horasiewiczii in Bohemia, anno 1610, P. Wenceslaus Swihowski, Bohemus, sanguine à veteribus Bohemiæ regibus ducto, clarus: sed illustrior modestissima virtute, arte pacificandi dissidentes, & zelo felici convertendi hæreticos. Præter magnam enim civium & virorum insignium copiam, plurimas illustres scæminas Ecclesiæ reddidit; ab omnibus Viri Apostolici elogio meritò honoratus: ut qui non solum mirè industrius, sed etiam mirificè cautus fuit in agendo cum blandiore se- *Donum convertendi scæminas illustres*

## IX. JANUARI.

1. Celebratus est anno 1598. Romæ à Consultoribus, seu Examinatoribus, Libri P. Molinæ, Conventus II. Primus habitus fuit 2. Januarij ejusdem Anni, in quo statutum, ut inquireretur: Quis fuerit scopus Molinæ in scribendo & edendo libro suo de Concordia? In secundo igitur Conventu scopum illam assignarunt: quòd scilicet appetigerit gloriam inventi novi modi, concordandi liberum arbitrium cum gratia divina. Sed hunc scopum imposuerunt Molinæ: qui nihil magis passim proficetur, quàm doctrinam suam non esse novam, verùm ex Concilijs, veterumq; Patrum & Doctorum scriptis hausam. Unde pag: 489. Editionis Ulyssiponensis concludit: *Quod si à fidei dogmatibus, à Sanctorum Patrum, Doctorumq; Catholicorum intento, aut ab eorundem indubitatis sententiis, vel tantillum in nostra hac via ea omnia conciliandi, discreparemus: jure sanè suspectam haberi posse.* Eleuther. hist. de Auxil. lib. 3. cap. 3.

2. In Peruviam anno 1567. expeditio prima suscepta est à Societate, petente Phi- *Expeditio pri- ma Societatis in Peruviam.* lippo II. rege Hispan. mandante Francisco Borgia, Præposito Generali. Socii 8. expediti, qui anno sequente terram illam Americanam feliciter sunt ingressi, miro po- *puli*



*Mira efficacia  
in persuaden-  
do.*

*Mercatorum  
consternatio sa-  
lutaris.*

puli & Procerum plausu. Hieronymus Portillus, cæteris cum potestate Provincialis præpositus, cum è navi ab universa multitudine deducerentur in templum princeps, in suggestum progressus, duo præcipue commendavit. Primum; ut quoniam multi advenarum ex navigationis incommodis ægrotarent, nec valetudinarium esset commodum, novum adornaretur nosocomium: alterum, ut conflaretur Sodalitium Nominis DEI: quandoquidem Civitas, quam ingressi essent, appellaretur *Portus Nominis DEI*. Impetratum utrumq; sine mora: tantusq; fuit fervor pii populi; ut, antequam Sacrificum Divinum finiretur, mille ducenti aurei fuerint oblati in nosocomium construendum; quibus mercatorum quidam alios mille adjecit. Inde Panamam, quæ urbs est primaria & opulenta, progressus Portillus, non minus obsequentes reperit cives. Prima concione cum invehctus esset in modos luorandi injustos; tantum valuit apud mercatores præsentis; ut pleriq; conclamarent; se omnium opum collectarum, quam animæ suæ jacturam malle; multi non ante sumpserunt cibum, quam negotiarionis suæ tabulis inspectis, rationes cum DEO composuissent. Commisum deinde communi consilio P. Portillo: ut secundum DEum & justitiam ordinaret, præscriberetq; negotiandi formam. Tantum autoritatis novis his operariis tribuit DEus. *Sacchm. hist. Soc. p. 3. lib. 4. n. 307. & seqq.*

### *Eodem die obierunt.*

*Castitati su-  
enda præsidia.*

*Absinentia  
in itinere.*

*DEipara V.  
præsidium in  
agone.*

*Vita diutur-  
nior impetrata  
per B. V.*

*Accuratus re-  
ligiosus.*

3. Madriti in Hisp. anno 1556, P. Joannes Ruiz, vir miræ innocentiae. Castitatis tuendæ præsidia duo potissimum adhibebat; singularem DEiparæ V. cultum, & implacabile corporis sui odium; quod cilicij, flagris, inediâ, lapidibus in lectulum con-jectis, somno brevi, oratione autem proluxa, perpetuo atterebat. Oblatum sibi iti-neranti esculenti quidpiam, intactum attulit ad Rectorem Collegij, dicens: se illud re-cusare non potuisse, potuisse autem non libere.

4. Neapoli in Italia, anno 1598, exul decessit P. Gaspar Haywodus, Anglus, post gloriosos labores exantlatos, & ærumnolos carceres toleratos, proscriptus è patria. Mira dexteritate, & valida vi argumentorum, magnam hæreticorum, etiam comitum & principum, copiam reduxit ad Ecclesiam. Post acrem in agone ultimo conflictum, exclamavit: Gratias ago tibi, dilectissima Domina, Mater DEI mei; quod in subsidium mihi venire, & imminentem hostem dignata es propulsare. *Tanner in hist. Apost. imit.*

5. Alnionacidij in Hisp. anno 1623, P. Franciscus de Ubierna. Theologiæ studio incumbens, gravi ægritudine correptus; cumq; se morti proximum cerneret, vehementer indoluit: rapi se ante labores. Conversus itaq; ad imaginem Matris DEI ar-denter petijt prorogationem vitæ, plurium saluti strenue impendendæ. Responsum accepisse fertur, de precibus exauditis; & eventus probavit. Liber enim à fatali mor-bo, totos 15. annos, quibus deinceps vixit, animarum saluti indefessus impendit.

6. Monachij in Bavaria, anno 1611, P. Hieronymus Torrensis. Inter cætera hoc raro elogio honoratus est: quod nunquam visus sit quidpiam aut facere, quod Societas prohiberet; aut omittere, quod juberet: brevi elogio consecutus omnia; cum in his duobus pendeat universa perfectio, & sanctitas nostra Religiosa.



# X. JANUARI.

1. IN Hispania Maria Anna Austriaca, Hispaniarum Regina, & post obitum Philippi IV. Gubernatrix, Decreto expedito anno 1668, ad Rectorem Universitatis Sal-

manticensis, crexit in eadem Universitate Societati duas Cathedras Theologicas:

*ob majorem auctoritatem, ac fam. in ipso. Universitate; obiente.*

*ob majorem auctoritatem & ornatum Religionis Societati.* Gomez in Elog. Soc: p.2. Classe 2.

Sic tandem Benignitas Divina compensasse videtur acerbis vexationes, quibus vehem-

enter ibidem exagitati sunt, tum Sanctus Societatis Parens Ignatius, anno 1526; tum

tenera adhuc Societas anno 1548: quando Melchior Canus, primarius illius Academiae

Doctor, eam traduxit longè lateq; , ut hypocritarum familiam, & præcursorum Anti-

christi colluviem, &c. Persuaserat enim sibi, ejus adventum non longè abesse; puta-

batq; jam operari mysterium iniquitatis, ejus cooperatrix esset recenter conflata So-

cietas. Sed deterferunt has labe, æstu æmulationis Societati asperlas, tum saniora &

honorificentissima aliorum, è Sacro Prædicatorum Ordine, maximorum virorum ju-

dicia; tum Sociorum constans vitæ doctrinæq; integritas; tum Serenissimarum dua-

rum Reginarum, Margarethæ & Mariæ Annæ beneficentissima in Societatem animi pro-

pensio: quarum illa egenum & humile Collegij domicilium, regio sumptu eò prove-

xit; ut nullum splendidius totâ Societate censeatur: ista erectas Societati in ipsa Sal-

manticensi Academia Cathedras geminas Theologicas, iisdemq; omnino juribus ac

privilegiis firmavit, quibus gaudent aliæ aliorum.

2. In India S. Franciscus Xaverius, anno 1546, Malacâ in Molucas insulas solvit:

ubi primùm in Amboino tam Lusitanis, quàm ethnicis & Saracenis plurimam ac ad-

modum necessariam tulit opem. Deinde Ternatenfes Christianos excoluit, ethnicos

fidei luce illustravit tanto successu: ut videretur in Molucis fructus major Apostolicis

ejus laboribus respondere, quàm in reliqua India. Ad Mauricas insulas quin tenderet,

præ cæteris barbaras & feras, multis & rationibus, & lacrymis inhibebant amici: at

ipse illud Christi reponebat: *Qui voluerit animam suam salvam facere, perdet eam.* Si naves

non adessent, se natatu ad illas perrecturum, discitabat. Ivit ergo, & innumeram im-

manium hominum multitudinem Christo subegit. *Orland: hist. Soc: p.1. lib.6 n. 102.*

*& seqq.*

## Eodem die obierunt.

3. Madriti in Hisp. anno 1605, P. Ludovicus Gusmanus, semel Boeticæ, bis To-

letanæ Provinciæ Præpositus. Quamvis vitam ageret ad amissim religiosam ac-

curatissimè compositam: non tamen eum vel tanta religio, vel officia præ-

clare gesta, vel Oratio ad horas 12. passim producta, tueri potuerunt, quin gravissi-

mâ calumniâ appeteretur, & coram Ecclesiastico tribunali reus ageretur. Sed hoc au-

rum in tali camino clarescere debuit. Re severè examinata, pronunciavit Nuncius A-

postolicus: Non solum de innocentia P. Ludovici constare; sed ea de illo comperta esse,

ut posset in Sanctorum numerum referri. Calumniatoribus suis impunitatem impe-

travit bonus Pater in tribunali humano: sed divinum pœnam non distulit.

4. Græcij in Sciria anno 1617, P. Joannes Deckerius, Belga. Cùm in extremo ago-

ne suspiraret: *Veni Domine IESU, veni,* adderetq; *Ego venio:* abiit; vir non minus re-

ligiosa perfectione, quàm eminente doctrinâ clarus. A vespera Feriæ s. Cænæ Domini,

Salmantica  
duæ Cathedra

Theologica

Graviss. infa-  
matio Societa-  
tis, ab homine  
docto & reli-  
gioso.

Infamia gra-  
vis viri reli-  
giosissimi.

Gloriosè ab-  
sterfa.  
Oratio pro ca-  
lumniantibus.

Iejunium ri-  
gidum.



usq; ad prandium Paschatis jejunus perdurabat. Opus insigne chronologicum, per 3. Tomos fufum, annorum 40. studio elaboratum, cum alij expeterent, alij supprimendum putarent, dixit: se sine ulla animi perturbatione in ignem conjecturum, si ita videretur Superioribus. Primus P. Joannes usus ea methodo Philosophiam, Theologiamq; tradendi, qua, tanquam commodiore, nunc passim utuntur scholæ.

5. Bruxellis in Belgio anno 1663, P. Gulielmus Staniburstius, Belga. Vir fuit morum innocentia, mentisq; candore planè virgineus: qui in adolescentia, per simili cum S. Thoma procacitate impudentis femina frustra tentatus; simile dicitur victoria præmium retulisse: ut nullum exinde larnis stimulum senserit. Purissimi animi nitorem ita spirabat vultus: ut ipsis hæreticis venerabilem fecerit. Ex eorum numero comitissa quædam, in secta sua pertinacissima, primo Patris Guilielmi conspectu ita est mutata, ut exclamârit: Si ullus est in mundo Sanctus, hic certè est. Informationem ergo ipsius in Fide & libens admisit, & facilis veritati manus dedit: quam nihil tam splendide fortiterq; ac vitæ sanctitas commendat. *Sorvell. in Bibl. Soc.*

*Modestia innocens efficacia*

## XI. JANUARI.

*Ferdinandi I.  
Imp. affectus  
erga Soc:*

1. Ferdinandus I, Caroli IV. Imperatoris frater, ipsomet procurante, inauguratus est Aquisgrani Rex Romanorum, anno 1531, cum jam esset Rex Hungariæ, & Bohemiæ. Quo affectu fuerit erga Societatem, testantur, erectum Collegium Viennense, munificentia pensionibus annuis extensa ad Romanam Societatem juvandam, Consilium datum Philippo II. Hispaniæ regi ad eam in Belgium recipiendam, institutum Pragæ Collegium, & assidua laborum Societatis commendatio. *Orland. hist. Soc. lib. 11. 15. & 16.*

*Henricus IV.  
Rex Gall. zelosissime agit  
pro Societate  
in senatu.*

2. In Gallia quoq; inclytum nacta est Societas Patronum, imò Patrem, Henricum IV. Regem: quem alij rebus bello præclare gestis dixerunt Magnum, nos forti & constanti in Societatem amore fateri debemus Maximum. Postquam pro illa in Galliam restituenda, non minore eloquentia, quam zelo disseruisset in Senatu, atq; Harlæi Præsidis objecta 19. graviter confutasset; ac nihilominus quidam assensum præbere tergiversarentur: hoc demum die, anno 1604, decretorium mandatum in scripto misit ad senatum: *Ut sine mora, & sine ulla apposita conditione, Decreti sui promulgatio, quam primum fieret: expensa esse, examinataq; à se omnia; mandare, jubere, ut Societas suis in Gallia sedibus restituatur.* Et sic deniq; perfractæ sunt Alpes, multis annis maceratæ. *Imago I. Sac. Soc. I. lib. 4. c. 7.*

*Academia Mediolanensis  
tradita Soc.*

*Gregorii XIII  
liberalitas &  
magnificencia  
in extruendo  
Collegio Romano.*

3. Anno 1573, aperta est Mediolani à S. Fundatore Carolo Borromæo, Academia, & Societati consignata. Romæ autem anno 1582, nomine Gregorij XIII. Pontif. Max. positus est Lapis primus novi Collegij à Cardinali S. Sixti, Boncompagno; promotaq; strenuè fabrica. Sed cum jam in notabilem altitudinem provectam, invisisset Gregorius, judicavit nimis rudem, & dignitati Romani Pontificis non respondentem. Jussit ergo totam dirui, & eâ, quâ nunc conspicitur, magnificentia construi. Ut autem fortiretur debitam amplitudinem, ad cœmendas duas vicinas domorum insulas, impendit 47. aureorum millia. *Sacch. hist. Soc. p. 5. lib. 2. n. 19. & lib. 1. n. 52.* Voluit enim, ut Collegium illud non solum esset Urbis, sed Orbis: in quo nimirum alerentur Viri Apostolici, in totum orbem dispersendi, & ex omni natione collecti. *Sacchini p. 5. lib. 2. n. 19. & lib. 1. n. 51.*

*Eodem*



*Eodem die obierunt.*

4. In Brasilia, anno 1608, P. Franciscus Pintus, à barbaris Ibiapanis odio fidei traditus; sed postea in veneratione habitus, quod dicerent: se ipsius beneficio cælitus pluviam accepisse sitientibus agris. Hujus mortis gloriam prædixerat illi P. Josephus Anchieta, Brasiliæ Thaumaturgus: quando ægotantem invisit, sanavit, jussitq; ad magnos labores pro DEo se parare. Addidit: *non levem manuum lotionem præcessuram, prius quam caelesti mense accumberet.* Nimirum non aquâ, sed sanguine lavandum, indicavit. Confestim ergo vestes illi porrigi præcepit, ac dixit: *Surge, age, atq; ad SS. Sacramentum te confer, gratias DEi pro sospitate hac redditurus.* Surrexit obedienter Franciscus, repentinò sanus, ac templum adiit, ut jussus erat. Postmodum ad barbaros Tapoias missus, inde per famem, sitim, frigora, impeditissimis itineribus ad Ibiapanos penetravit. Quos dum omni industria & labore Christo subjugare contendit, intentum recitandis horis Canonicis globus irruentium barbarorum trucidavit, maxillis confractis, oculis, cranio comminuto, atq; sacra supellestiale direpta.

*Ante convvitiū caeleste, qualis manuum lotio.*

5. Septæ in Mauritania anno 180 P. Alexander Vallaregius, Italus, multis magnisq; in Europa, Asia & Africa pro DEI gloria, & animarum salute gestis, memorabilis. Aliquando morti jam proximo, cū Sacræ unctionis Sacramentum applicatum esset, momento convaleuit. In Indiam deinde & Japoniam profectus, maximo fructu ibi laboravit: sed cū animo se tantū sustentaret, fractis penitus corporis viribus; à S. Borgia Præposito Generali in Europam revocatus est. Nihil acerbius ea revocatione totâ vitâ sua sensit Vir Apostolicus: paruit tamen prorsus heroicâ Obedientiâ, feliciterq; in Europam rediit. Româ in Lusitaniam missus, cum Sebastiano rege in Africam trajecit, & in conflictu vexillum Crucifixi effigie insignitum militi Christiano in prima acie prætulit. Post infelix prælium captus à Mauris, duram servitutem per annum passus, tandem lytro perfoluto, rediit in Lusitaniam: sed mox ab Henrico rege in Africam remissus, ad alios redimendos captivos, cū peste afflatis indefessus ibi serviret; contracta lue ad præmia evocatus est. *Alegambe in Viâ. Char.*

**XII. JANUARIIL**

1. Indiarum Apostolus S. Xaverius, miraculo sedatâ horribili tempestate, Cocinū appulit anno 1548. Tanto ventorum furore, triduo toto jactatus est: ut similem expertus fuerit nunquam. Metu mortis imminentis fere exanimati tam nautæ, quàm cætera turba, cum in lamenta perpetua soluti essent: ipse animo serenus, divinis consolationibus affluebat tam largis liquidisq;: ut vix crederet, se majorum capacem; quemadmodum Romam scribens testatus est. Tandem post arduentes ad DEum fusas preces pro salute hominum & navis, prodiit in apertum, jussitq; sibi dari bolidis funiculum: cui decerptum ex ora infima vestis suæ fragmentum alligavit, demisitq; in mare dicens: DEus Pater, Fili, & Spiritus Sancte, miserere hujus populi & mei. Quibus dictis, subito posuerunt venti, rediitq; mari optata tranquillitas, navi cursus expeditus. *Baroli in vita lib. 2. n. 19.*

*S. Xaverii serenitas in summa tempestate.*


2. Idem Sanctus Apostolus anno 1544. prolixam dedit Epistolam ad Societatem Europæam Cocino: qua docet 1. Quam methodum teneat ipse in instituendis Comorinensibus, qui præter nomen nihil habebant Christiani 2. Quomodo pueros bene infirmatos adhibeat in ministros Evangelii, & DEus per ipsos multa bona opere-

*Sedat tempestatem.*

*Methodum quam in prædicando tenuit S. Xaverius.*

pere-





peretur. 3. Quomodo perlustratis & informatis pagis 30. ejus regionis, iterum redeat ad primum, & consequenter ad alios, confirmandos, & solidandos in doctrina accepta. 4. Quòd ardeat circumcursare omnes Europæ Academiæ, præsertim Parisiensem, & inclinare: *Hec, quàm ingens animarum numerus vestro vitio exclusus celo, deturbatur ad inferos!* 5. Quòd summam ceperit voluptatem ex nuncio de confirmata Societate à Christi Vicario. *epistolarum Veterum lib. 1. epist. 5.*

*Hæreticorum  
furor Regni.*

3. Anno 1585. Rigæ in Livonia, ab hæreticis civibus ingens concitatus est tumultus, effractæ custodiæ publicæ, grassatum incendiis, jamq; vis ingens armatorum irruperat in cæmeterium ut trucidatis nostris everterent Collegium: Sed DEI benignitate, & accursu quatuor honestiorum civium mitigatus est furor, datumq; Sociis spatium ad securiora se recipiendi. *Sacch. hist. Soc. lib. 5. n. 89.*

*Eodem die obierunt.*

*Concionator  
carbo sit ignis*

4. Compluti in Hisp. anno 1563, P. Antonius Madridius, Apostolicus Ecclesiastes. A pastoritia vita ad scholas transgressus, partâ Theologiæ laureâ, in Societatem se recepit, egitq; Concionatorem tanto spiritu & ardore: ut *Carbo ignis* diceretur: tanto fructu, ut una concione omnes prostituti pudoris feminas (aderant autem non paucæ) ad solidam constantemq; penitentiam permoverit. Ante concionem dirè flagris in se sæviebat, quasi ex filice ignes concionatorios excussurus: donec S. Franciscus Borgia solus is ictus ipsi permitteret, valetudinis causâ, moneretq; reliquum obedientiæ daret. Crebrò se ipsum alloquebatur: *Morere tibi, perpetua DEI laus vita tua sit.*

*Apparatus ad  
mortem.*

5. Ibidem anno 1577, P. Petrus Manrique, qui spes & res ingentes mundo reliquerat. Libellum sibi concinnaverat è selectis Psalmorum & SS. Patrum sententiis, quem vicinus morti, cujus tempus prædixerat, prælegi sibi curavit. Moribundum contemplatus Dominicus Fernandez Coad: petiit: ut celo potitus, impetraret sibi veniam brevi sequendi. Promisit Petrus, & intra menses 4. secutus est Dominicus.

*Secreta cordi-  
um aperta.*

6. In Mexicana Missione, anno 1621, P. Hieronymus Ramirez, strenuissimus, in vinea Christi operarius. Tepegnanos & Parras primus Evangelii luce aspersit. Convictorum Collegio cum præset, adolescentum corda præ oculis habere credebatur: ita non paucis secretissimas cogitationes detexit, atq; ad confessionem mittebat. Unde qui pravam aliquid moliebantur, cavebant in conspectum ejus venire. Hæsitanti circa statum vitæ amplectendum, adfuit vir veneranda specie, monuitq;: DEI

*Vocatio ad So-  
cietatem.*

voluntatem esse, ut Societati JESU accederet.

### XIII. JANUARI.

*S. Ignatii ope  
liberatur juve-  
nis diabolo  
mancipatus.*

1. **S.** Ignatius anno 1613 è diaboli faucibus cælitus eripuit juvenem, Michælem Schrammeum. Missus hic fuit Herbiopolim ad excolendum literis sublimioribus animum: sed paulò post infelix in magum incidit magistrum; à quo ut quandam acciperet radicem, cujus virtute & seras quasvis aperiret, & catenas solveret, & latentes in terra pecunias extraheret &c. diabolo se consignavit dato schiographo. Compos factus thaumaturgæ radicis, cum mirabilia operaretur, in suspicionem pessimæ artis se conjecit, & semel iterumq; vix furcam & gladios evitavit. Reversus ergo in se, cum modum quæreret extricandi se è laqueis Satanæ, ductus est Molshemium ad Patres Societatis: ut ope S. Ignatii, in similibus casibus jam exploratè



ploratâ, recuperaret chirographum damoni traditum. Domi nostræ detentus, per dies 12 jejuniis, cilicio, aliisq; corporis afflictionibus strenuè incubuit, ductusq; ad Sacellum S. Ignatii, iussus est in præsentia Suffraganei Argentoratensis demonem ejurare, & fidei facere professionem. Quod dum conaretur, à damone fere suffocatus est, voce interclusa. Reditum ergo ad jejunia aliasq; corporis macerationes & orationes: donec hac die, ardentius implorata ope S. Patris, tempore Sacrificii damoni extorta est syngrapha, quam altaris mappæ subjecit. *Bartholomæi Vita S. Ign. lib. 5. num. 95.*

2. In Synodo Tridentina cùm anno 1547 ageretur de Sacramentis Ecclesiæ, jussu sunt hac die sententiam dicere Theologi Pontificii è Societate JESU, Lainius & Salmeron, recensendo & confutando sectariorum errores in ea materia. Præstitit hoc tam copiosè, comptè ac eruditè Lainius: ut cùm aliis Theologis vix hora concederetur ad dicendum; ipsi Præses Concilii ternas tribuerit horas. *Orlandum par. 1. hist. Soc. lib. 7. n. 23.*

*Lainij auctoritas in Concilio Tridentino.*

### *Eodem die obierunt.*

3. Genuæ in Italia anno 1606, P. Franciscus Adornus, qui S. Carolo Borromeo à sacris Confessionibus fuerat, in speciali amore & honore semper ab ipso habitus. Post mortem suam spectabilis ei factus S. Cardinalis, dixit: Bene secum agi; adjecitq;: Tu quoq; brevi accerseris. Proscacem sceminam ad scelus sollicitantem, castissimo ingenio elusit: quando, arte in Societate satis usitata, latrinæ sordibus foedata facie, foediores illius amores in horrorem vertit. Cujus victoriæ temporale præmium videtur fuisse mira quædam pulchritudo, quam DEUS demortui faciei afflavit.

*Castitas tam pi remedio servata.*

4. Potofigi in India Occidentali, anno 1589, P. Bartholomæus Jacobi, magna magnæ charitatis victimâ cecidit, inter strenuam operam pestifera lue infectis præstitam. Nestor quidam Indicus, ob eloquentiæ dotem, videbatur. Ab Indis *Mizquimi*; id est, *lingua mellea* dicebatur.

*Nestor Indicus.*

5. Romæ anno 1685, P. Daniel Bartolus, Italus. Postquam in præcipuis Italiæ urbibus non minùs zelosum, quàm disertum egit Ecclesiasten: ad conscribendas res gestas à Societate, applicatus, compluribus eam Spartam voluminibus exornavit, & Romanum Collegium Rector gubernavit. Libros ab illo in diversa materia editos, viginti recenset Soutvellus in Bibl. Soc. quos omnes insignis eruditio, elegantia & gravitas styli commendat: ut non minùs delectare, quàm docere videatur.

*Styli elegantia & gravitas.*

## XIV. JANUARI.

1. Concessum est anno 1701 à sacra Rituum Congregatione, auctoritate Clementis XI, Provinciæ Litvanæ S.J. Officiū, hac die, sub ritu Duplicis majoris, jâ nunc secundæ classis, unâ cum Missa, de SS. Nomine JESU: quod speramus in universam Societatem propagandum, propter communem Titulum ejusdem Sacrosancti & salutiferi Nominis, & innumera maximaq; beneficia à bono Jesu percepta: de quibus videri potest Gomez par. 3.

*Officiū & Missa de SS. Nomine IESU.*

2. S. Xaverius anno 1549 Cocinò dedit Epistolam ad S. Ignatium: quâ informat de pravitate & indocilitate Indorum. 2. Eos, qui ad propagandum Evangelium mittendi sunt in Indiam, non tam literis multis, quàm virtutibus instructos esse debere,

*S. Xaverius describit doctores mittendos.*



in Indiam.

Societas est So-  
cietas amoris  
& concordia.  
iudicio S. Xa-  
verij.  
S. Xaverij re-  
verentia erga  
S. Ignatium.

maximè verò castimoniâ & humilitate. 3. petit: ut qui mittendus est Collegio Goano Re-  
ctor, sit inprimis singulari obedientiâ insignitus obsequio atq; humilitate benevolentiam sibi conciliet  
Magistratum, Praepositorumq; Ecclesiasticorum. Deinde facilitas excellat, affabilisq; in congressu  
& sermone sit potius, quam severus & gravis - omninoq; is non sit, qui timeri se, quam amari malit.  
Subjungit paulò post: Et sanè, ut mihi videtur, Societas IESV nihil aliud est, nisi Societas  
amoris atq; concordia; à qua profectò acerbitas ac timor servilis longissimè abhorret. 4. Signifi-  
cat, se in Japoniam profecturum, ob spem maximam magni animarum lucri sibi in-  
jectam. Deniq; concludit: Te ergo, Pater anima mea, summèq; mihi venerande, posita humi-  
genibus (sic enim tibi hanc epistolam scribo) tanquam si presentem intuerer, suppliciter oro: ne  
DEum pro me in Sanctis Sacrificiis tuis ac precibus obsecrare desistas &c. Epistolarum Vete-  
rum lib. 2. epist. 9.

### Eodem die obierunt.

Paupertas ac-  
curata.

Stationes in  
cubiculo.

Ars obli-  
scendi.  
Vestis annos 30  
gestata.

Studium assi-  
duum.

3. Duaci in Belgio anno 1614. P. Joannes de la Haye Servius; vir experrectæ  
semper & quætuosæ in DEum fiduciæ; paupertatis verò tam rigidus amator, ut ne  
reperctæ quidem unius aciculæ ufum admitteret, nisi magna reverentiæ signifi-  
catione petita facultate. Per cubiculum suum Imagines distribuerat pro stationibus  
frequentius obeundis, quas singulari pietate obibat.

4. Eboræ in Lusitania anno 1617. P. Martinus de Mello. Cùm Collegiis vel  
Provinciæ præesset, pollebat sva vitate nulli suspecta, & arte oblivionis, qua debebat,  
quidquid ullus deliquisset, si tamen emendasset. Omnium omnino votorum & re-  
gularum, sed paupertatis potissimum observantissimus, per totos triginta annos  
eâdem veste usus est, si vestis dici meruit, & non potius cento ex innumeris segmentis  
confarcinatus.

5. Varsoviæ in Polonia anno 1695 P. Albertus Tylkowski, Polonus. Ad om-  
nem literaturam capax & promptum attulit ingenium: quod assiduo studio, & bibli-  
othecarum diligenti excussione ita perfecit: ut in promptu haberet omnem ad quod-  
vis edendum opus, eruditionem. Etiam in Prælatorum Ecclesiasticorum aulis, quibus  
adhærere iussus erat, tempus lucubrandi invenit; & si mensa, ut solet, esset proli-  
xior, cum bona Prælati venia se recipiebat ad musæum suum. Edidit in varia mate-  
ria opera & opuscula complura, quorum novemdecim recenset Soutvellus, in bibl.  
Soc: sed multò plura postea prodierunt.

### XV. JANUARI.

Academia Hi-  
spalensis Sus-  
fragium pro  
libro Molina.

1. **H**ispalensis in Hisp. Academia anno 1602. egregiam dedit epistolam  
ad Clementem VIII. Pont. Max. pro libro P. Molinae de Concordia  
Gratiæ & liberi arbitrij: de quo libro testatur; quòd cum Doctores Hispa-  
lenses frequenter lectitaverint, evolverint, excusserint, dignum censuerint,  
cujus doctrinam ipsi haurirent, & suis auditoribus propinarent; in publicis  
disputationibus defendendam proposuerint, magno omnium sapientum con-  
sensu, magna docentium laude, & doctrinæ æstimatione: ut quæ illis ha-  
ctenus procul dubio visa est cum Sacri Concilij Tridentini Decretis miri-  
ficè consonans; atq; Sanctorum Patrum, Augustini præsertim, sententiis bene  
munita



munita; tum etiam cum hominis libertate, cumq; DEI gratia egregie consonans. *Im illi.* Orant deniq;: ut antequam sua Sanctitas ad ferendum iudicium accedat, velit illius Universitatis, & Theologiæ Professorum, de eo libro sententias, in Urbem mittendas, ponderare. *Eleuther. hist. de Auxil. lib. 2. cap. 13.*

2. Anno 1582. P. Antonius Possevinus, missu Summi Pontificis Gregorij XIII. adijt Poloniam & Moschoviam; ut negotium pacis tractaret inter Polonos & Moschos, quorum Dux gravi bello pressus à Stephano Rege, auctoritatem Pontificis imploraverat ad pacem conciliandam. Possevinus ultrò citròq; commeans, qua erat industriâ, pacem deniq; feliciter confecit, cedente Moscho universâ, quam occupaverat, Livonia, Stephano autem reddente, quæ in Moschovia expugnârat, loca. Susceptum fuit id pacificationis negotium à Pontifice & Possevino, inductis Moschorum amplissimis pollicitationibus in favorem rei Catholicæ. Sed ubi confectum fuit, aliam prodidit mentem Moschus, tamq̃ue, durum & ferocem se præstitit Possevino causam Pontificis & Ecclesiæ agent; ut parum abfuerit à supremo capitis periculo. Ad hanc obstinationem Moschi non parum contulerunt Angli quidam & Hollandi hæretici, Pontificem traduentes ut Antichristum. In reditu ex Moschovia Possevinus Rigæ accepit literas à Pontifice de fundando Vilnæ Seminario ad erudiendos Ruthenos & Moschos: quod paulò pòst institutum. *Sacch. hist. Soc. p. 5. lib. 2. n. 67. & seqq.*

*Eodem die obierunt.*

3. Lovanii in Belgio anno 1623. vir immortalitate, non uno titulo dignus, P. Leonardus Lessius, non tam vivere, quàm mori tandem desiit. Tam diris enim cruciatibus stomachi, colicæ, calculi, herniæ duplicis, aliorumq; morborum, à juventute ad sexagesimum nonum ætatis annum exagitatus semper fuit: ut fateretur ipse, morte graviora esse, & illis levius fore incendium, quo vivus conflagraret. Ferebat tamen ærumnas omnes incredibili patientia, excitabatq; se potissimum patientis Christi memoriâ, uti solitus illo Symbolo: *Amor meus Crucifixum est.* Miraculo igitur proximum videtur: tot & tam assiduos inter dolores, tot tamq; doctas, in varia materia, ab ipso confici potuisse lucubrationes, Theologis & Jurisperitis in summo pretio habitas. Doctrinam ejus de Prædestinatione & Auxiliis gratiæ notaverant quidem iusto rigidiore censurâ Academiæ Lovaniensis & Duacena: sed paulò pòst sublata à Sixto V. Pont. Max. per Nuncium Apostol. eâ censurâ, majus pretium accessit doctrinæ Lessianæ.

4. Yamoritæ in nova Hispania annu 1635. magna zeli animarum, & sanctimonix relictâ famâ, obiit P. Petrus Cravina. Inter alia mira de illo relata, non postremum est; quòd Christianis configentibus cum barbaris Indis, Capiraneus copiarum Christianarum Suarez, viderit Petrum longè dissitam, conflictui præsentem, atq̃ue

*Possevinus pacem conficit inter Polonos & Moschos.*

*Moschus paritâ pace feroc.*

*Vilnensis Alumnatus eruditio.*


*Lessius morborum ergastulum.*

*Patientia heroica*

*Lessii doctrina de gratiæ auxiliis & prædestinatione inædemnis.*

*Absens configit cum Christianis contra barbaros.*





una manu Christi Crucifixi simulacrum attollentem, alterâ flagro armatâ se se ex-  
dentem. Et stetit penes Christianos victoria, à P. Petro jam antè promissa.

*Gravis lucta  
viri innocentis  
in extremo a-  
gone.*

*Abnegatio sui  
necessaria ad  
conjunctionem  
cum DEO.*

5. Vilnæ in Litvania anno 1657. P. Jacobus Brentus, post acrem cum Dæmo-  
ne luctam in extremo agone, victor abiit. Nullius per omnem vitam gravis culpæ  
sibi consciûm, aggressus tamen est seductor ille tantâ violentiâ, ut Pater Jacobus au-  
ditus sit exclamare: *Domine vim patior, responde pro me. Quàm execrabilis, quàm turpis,*  
*quàm malus est Dæmon!* Invisenti se cuidam è Patribus dixit: *Quantam ego habui*  
*luctam cum Dæmone!* Voluit me adducere ad spiritum blasphemix, sed jam DEI  
gratiâ superavi. Magistrum Novitiorum insigni prudentia & dexteritate egit, soli-  
tus monere Novitios: *Quò magis sine vobis eritis, eò magis cum DEO eritis.*

## XVI. JANUARI.

*Censuram libri  
Molina ini-  
quum judicium.*

*Prædestinatio  
non est propter  
liberi arbitrij  
bonum usum.*

*Missa frustra  
essa.*

*Lucernenses  
Helveti extor-  
quent, Colle-  
gium sibi con-  
cedi.*

**A** Nno 1598 habitus est Romæ Conventus tertius Consultorum, seu Ex-  
aminatorum Libri P. Molina; in quo conclusum: Unum ex 4. Mo-  
lina principijs esse; *In particulari dari rationem Prædestinationis, bonum*  
*usum liberi arbitrij futurum.* Sed tantum abest, ut in eo principio Molina  
suam doctrinam fundarit; ut potius oppositum constanter & evidentissi-  
mè tradiderit, ac miretur eam doctrinam sibi imponi: nam 1. p. q. 23. art. 4  
disp. 1. membro 12. sic inquit: Non desuerunt, qui mihi tribuere voluerint,  
me asserere: dari causam Prædestinationis ex parte boni usus liberi arbitrij.  
Non possum non vehementer mirari eum, qui integrum opus nostrum le-  
git, mihi eam tribuere opinionem: cum frequentissimè in eo clamem, effi-  
caciterq; ostendam; Prædestinationem non esse propter bonum usum liberi  
arbitrij prævisum, ne ut conditionem quidem sine qua non; sed pro sola li-  
bera voluntate DEI, qui sua dona distribuit, prout vult, & quibus vult.  
Ita Molina. *Eleuther. hist. de Auxil. lib. 2. cap. 8. & lib. 3. cap. 3.*

2. In Sicillam appulit anno 1549. P. Jacobus Laynez, Diocesim Mon-  
tis Regalis rogatu Farnesij Cardinalis visitaturus, & concionibus ad popu-  
lum operam daturus: quibus tantum profecit: ut non solum in populo &  
proceribus insignem fecerit morum mutationem; sed etiam sexdecim pro-  
stituti pudoris mulierculas reduxit ad frugem meliorem, Sanctimoniali-  
um coetum ad religiosam promoverit observantiam, & Collegio Panormi-  
tano dederit initium; vir quàm ardens verbo, tam potens opere. *Orland.*  
*1. Parte hist. Soc. lib. 9.*

3. Anno 1577 Lucernenses in Helvetia, forti epistola ad Everardum  
Præpositum Generalem datâ, postulârunt, & impetrârunt Collegium. Nos,  
inquiiebant, ij semper fuimus, sumusq; hodie, qui Catholicam fidem defen-  
dimus (quod sine jactantia dictum sit) adducta in discrimen dignitate, re-  
vîa



vita & sanguine: neq; id solum in patria nostra, sed ubicunq; nostra opera expetatur. Equum igitur est; ut qui religiosi laboribus summè contendunt, ut sustineant & amplificent veram fidem, pietatemq; Christianam; adsint nobis, qui idem profiteamur, & efficimus armis, vitæq; periculo &c: Sic illi militari eloquentiâ. *Sacch. p. 4. in hist. Soc. lib. 5. n. 104.*

4. Anno 1697 finita est in Urbe Congregatio XIV. Generalis, sub P. Thyrso Gonzalez Præp. Gen. quæ inchoata fuerat anno præcedente 15. Novemb. Finita autem est, & celebrata, admodum pacificè: cum turbulentam fore, alij timuerint, alij sperarint; & Acatolici etiam ad ejus exitum arrecti fuerint.

*Congregatio  
Generalis XIV  
finita.*

*Eodem die obierunt.*

5. Romæ anno 1620. P. Stephanus Benassai, pestifera lue contracta in Pontificiis triremibus, quibus singulari charitate deserviebat, exultabundus supremum agonem absolvit. *O bene est, beate est, Patres, ingeminabat in Paradisum, in Paradisum immo!* Eodem planè, quò decessit, tempore in Collegio Romano, spectandum se præbuit cuidam è Sociis in domo Probationis, in veste cándida, vultu hilari, & copiosa luce circumfusus. Degentem adhuc in sæculo, Archiepiscopali dignitate ornare parabat Paulus V. Pont. Max. sed ille elegit abjectus esse, in minima Societate JESU in qua homo quinquagenarius linguam Illyricam à primis elementis; condidit; ut populis illis erudiendis idoneum se præberet. Romæ eximia illius charitas eluxit in Ægyptiis doctrinâ Christianâ erudiendis, & in gremium Ecclesiæ deponendis.

*Mors iucunda*

*Linguarum  
studium.*

6. Eberspergæ in Germania, anno 1621. P. Georgius Hoffer: Inter alia religionis pietatis exercitia, illud etiam in more habebat: ut post preces Canonicas absolutas, illa semper è Litanis communibus Verba subjungeret: *A subitanea & improvisa morte libera nos Domine.* Et verò dum pro more domi Litanie dicerentur, ille mortem obiit, certè non improvisam: de qua diebus singulis tam sollicitus erat.

*Ad mortem  
apparatus.*

7. Meliaporæ in India anno 1656. P. Robertus Nobilius, seu de Nobilibus Italus. Applicatus Missioni Madurensi, imprimis tres præcipuas illarum gentium linguas tam limatè didicit; ut ad omnium stuporem cultissimè loqueretur Tamulicè, Badagicè, & Grandonicè. Deinde ut Brachmanas supremi Ordinis, Christo lucraretur; rigidissimum ipsorum vivendi modum & habitum assumpsit, non solum carnibus, verum & piscibus perpetuò abstinendo. Quæ conformatio, quàm fuit fructuosa, tam visa est non paucis indecens; ideoq; copiosa bono Patri oblata est materia patiendi. At ubi ille suam agendi rationem, ut erat insigniter excultus Theologiâ, copiosius exposuit: à partibus ipsius steterunt non Archiepiscopi tantum, verum & Gregorius XV. Pont. Max. Sic viri Apostolici semper habent & quod agant, & quod patiantur. *Sontvellus in Bibl. Soc.*

*Linguarum  
peritia.*



*Bulla contra  
Apostatas à  
Societate ex-  
tensa.*

1. **A**Nno 1565. Pius V. Pont. Max. confirmavit, & extendit Privilegia Societatis, à Paulo III. & Pio IV. concessa, contra Apostatas: constituitq; 1. Nullum, post emissà Vota religiosa, sub quovis prætectu, vel indulto, posse exire è Societate, absq; licentia obtenta specialiter à Superiore suo. 2. Neminem posse absq; licentia simili transire ad quemvis alium Ordinem Religiosum, præter Carthusiensem. 3. Transeuntes absq; licentia legitima ad alium Ordinem, tam ipsi, quàm qui eos recipiunt, sunt ipso facto excommunicati: nec possunt absolvi, nisi à Papa, aut à Superiore Societatis. 4. Qui voluerint transire ad Carthusienses, debent id facere infra tres menses, à die, quo à Societate recesserunt. Qui verò licentiam obtinuerunt, ad alium Religiosum Ordinem transeundi, debent talem Ordinem actualiter ingredi, infra tempus eis à superiore Societatis assignatum: & si in talibus Religionibus permanere nollent, vel non possent; absq; ulla morâ ad Societatem regredi tenentur, sub pœna Excommunicationis præfatæ; quam tam ipsi religiosi transeuntes, quàm illos recipientes, vel eis auxilium, consilium, vel favorem præstantes incurrunt. 5. Transeuntes sine licentia ad alios Ordines post emissà vota, vel alibi in sæculo commorantes deserta Societate, potest Generalis & alii immediati Superiores Societatis, etiam adhibito brachio sæculari, & non servatâ formâ judicij, ad Societatem revocare, capere & incarcerare, ac debitæ pœnitentiæ subicere autoritate Apostolica. 6. Communicantur Societati omnia Privilegia aliorum Ordinum, quo ad modum procedendi contra apostatas. *Bull. Soc. Constitutio Pij V. incipit: Equum reputamus &c.*

*Expeditio in-  
fausta in Pe-  
ruviam.*

2. Anno 1574 Socij tredecim ex Hispania solverunt in Peruviam cum 40 ex Ord. Præd. Sed postridie ingruente tempestate, fractoq; gubernaculo, hausta deniq; navis est, quæ plurimos vehebat; naufragi tamen omnes in aliam, quæ propè erat, navim recepti, evaserunt in portum Gaditanum, meliorem paulò post tentaturi fortunam. *Sacch. p. 4. lib. 2. n. 137.*

3. Feliciore usi sunt navigatione in eandem Americam anno 1691 Missionarij 44 è Societate. Cum enim hoc die Gadibus solvissent, sexta Aprilis ejusdem Anni prosperrimè Paraquariam, ad quam excolendam missi erant, attigerunt, nemine desiderato. *Ex Relatione P. Antonii Sepp. impressa Norimbergæ.*

*Eodem*



Eodem die obierunt.

3. Potosii in America Peruana, anno 1620, P. Jacobus Alvarez de Paz, notum inter celebriores Ascetas nomen solidissimis ejus lucubrationibus magnum pondus divinitus accessit: quando visus est inter scribendum cœlesti fulgore circumfusus, & adstante quodam viro gravissimo, quæ scribebat in aurem excipere. Voto se adstrinxit de omni etiam veniali peccato plenè voluntariè non admittendo. Quotidie tamen priùs ad Confessionem, quàm ad aram accedebat: ubi visus est amplexum à Christo accipere.

4. In Paraguaría nobilis pro fide & animarum salute victima cecidit anno 1639. P. Didacus de Alfaro: ad quam mortem sibi prævisam & amico prædictam, se per ascetica unius mensis exercitia secessu accuratissimo præparaverat.

5. Romæ, anno 1559, principem Romanæ juventutis Robertum Cardinalem Nobilium mors immatura sustulit. Devoverat se Societati sed non sinebatur aulam cum Domo probationis permutare. Vitam ergo & aulam suam ad normam Societatis & Collegii Romani accuratè composuit, mirâq; humilitate, & obedientia se Præposito Generali submisit. Brevem vitæ cursum, nec excedentem octo supra decem, annos, heroicâ patientiâ in supremo morbo extendit. Moriens supremam, maximèque memorabilem magnis & parvis, edidit vocem: *Humilitas, Humilitas, Humilitas!*

6. Viennæ Austriæ P. Carolus Musart, Belga, anno 1653. Vir fuit ad omnium, præcipuè tamen vilioris conditionis hominum, obsequia factus, quàmvis Theologiæ laureâ exornatus. Tractandis juvenum animis, atq; ad omnem virtutem formandis, singularem prodebat industriam & efficaciam. In eum finem complura edidit pia opuscula; Soutvells in Bibl. Soc. unum supra viginti numerat.

7. Romæ anno 1687. P. Silvester Maurus, Italus, vir quàm modesti, tam subtilis ingenii; Aristotelis in philosophicis, & D. Thomæ Aquinatis in Theologicis observantissimus. Unde Aristotelis Opera omnia, cum Paraphrasi edidit Tomis 6. in 4. Theologicâ verò opuscula complura, sententiæ D. Thomæ strictè inhærentia. Doctrinæ tamen excellentiam superavit studium perfectionis religiosæ.

XVIII. JANUARIU.

I. **F** Initia est anno 1594. Congregatio V. Generalis, quæ prima fuit habitata superstitè Generali, sic volente Clemente VIII. Celebravit illam P. Claudius Aquaviva, Præpositus Generalis, à 3. Novemb. anni 1593. ad 18. Januarij anni sequentis. Inter cætera declaratum est in ea Congregatione *Decr. 5.* Verba illa Formulæ votorum simplicium: *Et promitto, eandem Societatem me ingressurum &c.* Verè & propriè habere rationem voti, & habuisse; & ab omnibus censeri. debere. Votum peculiare, à tribus alijs in eadem formula contentis distinctum, quo quis se obligat ad acceptandum gradum Professorum vel Coadjutorum Formatorum, prout Præposito ad majus DEI obsequium fore videbitur. Prohibitum quoq; severè Decreto 47. ne nostri ullo modo se immisceant in negotia politica statûs

P. Jacobi Alvarez scrip-  
tam  
Ascetica, cœli-  
tus illustrata,  
& inspirata.  
Votum de vi-  
tandis peccatis  
venialibus.

Amplexus à  
Christo acceptus  
inter sacri-  
candum.

Ad mortem  
præparatio per  
exercitia spiri-  
tualia.

Card. Nobilis  
spiritu in Soc.  
Humilitatis  
commendatio.  
Juvenum in-  
formatio &  
pauperum.

Observantia  
D. Thomæ &  
Aristotelis.

Promissis in-  
grediendi Soci-  
etatem, in for-  
mula votorum  
simplicium, est  
verum Votum



Negotia secu-  
laria principis,  
graviter vesti-  
ta.

statu, etiam invitati & illecti. Quod decretum firmatum & aggravatum est alio, scilicet 79, ubi in Virtute S. Obedientiæ, & sub poena inhabilitatis ad quævis officia, & dignitates, seu prælationes, vocisq; tam activæ, quam passivæ privationis: ne quisquam publicis & secularibus principum negotiis, quæ ad rationem Status (ut vocant) pertinent, ulla ratione se immisceat. Superioribus autem commendatum: ut si quos ad id propensos adverterint; Provinciale quamprimum commonefaciant, ut eos loco mutet, si illic sit occasio, vel periculum, se ejusmodi implicationibus irretiendi. *Ex Decretis ejusdem Congreg.*

### Eodem die obierunt.

Pœnitentia e-  
piscopam Martyri-  
bus non negli-  
genda.

Officium Ec-  
clesiastic. tri-  
plex quotidie  
recitatum.

Animas de-  
funct. juven-  
di studium.

3. In India Orientali, ad urbem Dabul. Vincentius Alvarus cum Goam peteret, studiis altioribus operam daturus, à Mahomeranis piratis interceptus est. Cum pro aliis captivis lytrum facile admisissent, pro hoc se admissuros negabant; quod hujusmodi homines in Mahometem, ejusq; legem iniquiores essent. Acceptâ mortis sententiâ, inter gestientis animi argumenta pœnitentiæ oblitus non est, ecciditque Psalmum quinquagesimum decantans, anno 1606. Corpus in mare abjectum.

3. Viennæ in Austria piè decessit anno 1627. P. Joannes Goboncelius, Carniolus: Ecclesiasticis Breviarii Romani precibus adeo non gravatus; ut quotidie officio dijei alia duo adjiceret, alterum de S. Spiritu, vel SS. Eucharistiæ Sacramento, alterum de S. Barbara V. M. Duobus quotidie Sacrificiis intererat, præter illud, quod ipse faciebat. Eodem, quo obiit, tempore, quidam 26 leucis Vicaniâ dissito, clara luce ac vigili, ante meridiem conspectus est pileo atq; baculo instructus, quasi ad iter æternitatis accinctus, hilaris & vultu amabilis.

4. In Anglia anno 1648. P. Franciscus Gardinerus, Anglus pii candidiq; laude ingenii amabilis. Vindicandis animabus à Purgatorii flammis mirifice addictus, munitam ab ipsis opem confidentissimè in omnibus periculis, & arduis negotiis sperabat; nec sefellit ipsum spes sua. Fuit, cum sacrum Viaticum ad ægrum deferens, incidit in apparitores; qui nescio quid suspicati, hominem tenuerunt, & occultum quidpiam scrutantes, vestibus omnibus usq; ad lineam subuculam exuerunt. Tum ille ad Christum conversus, *salva jam te ipsum, mi Deus, nam ego ultra non possum; simulque parvulam pyxidem intra volam manus recepit; nec quisquam inspexit illam.* Sic non rarò minùs suspecta sunt, quæ aperta,

## XIX. JANUARI.

Cum principi-  
bus reverenter  
& fidei a-  
gendum.

1. Indiarum Apostolus S. Xaverius, anno 1545. Cocinò epistolam dedit ad Joannem III. Lusitaniam regem, quâ foriter & reverenter promovet causam Indorum conversorum & convertendorum ad fidem Christianam, Statim in capite epistolæ sic ponit: Domine. Sic velim habeat Majestas tua, itaq; secum, quæso, reputet: DEum Dominum nostrum Tibi potissimum, præ cunctis, qui uspiam sunt, Christianis principibus, harum Indiarum Imperium



rium tribuisse; ut experimentum tui caperet, probaretq;: qua fide commissum negotium gereres; quoq; officio grati animi beneficijs responderes. Neq; in hoc tam spectasse, ut regium tuum fiscum ditaret proventu pretiosorum fructuum è terris exteris, & importatione gazæ peregrinæ: quàm ut suggerendis occasionibus heroicorum laborum, virtuti ac religioni tuæ benignam materiam offerret &c. Clauditis epistolam. Adjuva me, quæso, Domine tuis orationibus: postulando à DEo Domino nostro pro me idem, quod ego vicissim pro Majestate tua postulo: nempe ut in hac vita det Tibi gratiam sentiendi, & agendi id, quod in momento Tuæ mortis gauderes Te fecisse. *Epist. novarum lib. 3. epist. 10.*

*Cur divisiones  
ipsis commissæ?*

*In vita agendum,  
de quo in morte non  
doleamus.*

2. Anno 1561 P. Consalvus Silveria potentissimum in Africa regem Monomotapæ, cum Matre ipsius baptizavit. Impulit hominem in lustrales aquas DEipara V. cujus effigiem humili cultu pridie veneratus erat. Nam semisopito Regi quinq; circiter noctibus spectabilem sese exhibuit, summaq; benignitate ipsum affari visa est, sed lingvâ incognitâ. Valde igitur anxius rex, quod sermonem cæli Regina non intelligeret, accersit P. Consalvum, & queritur de imperitia sua. At Pater reponit: eam lingvâ caelestem esse, nec intelligi, nisi ab ijs, qui Regina illius Filium agnoscerent DEum, legemq; ejus amplecterentur. Operata est id ea responsio: ut rex de Lege Christi & mysterijs fidei doceri voluerit, & post dies aliquot, satis instructus, lustralibus aquis cum matre expiatus est. Secuti paulò post ad sacrum fontem Procerum ultra trecentos. *Sacch. hist. Soc. p. 2. lib. 5. n. 224 &c.*

*Rex Monomota-  
pæ baptizatus*

*Deipara V.  
benignitas.*

*Eodem die obierunt.*

3. Romæ anno 1565. P. Jacobus Laynez, Hispanus, Secundus Societatis Præpositus Generalis, Vir ingenio maximo, prudentiâ, & doctrinâ summâ, innocentia & sanctimonia vitæ singulari, modestiâ, & morum sçavitare suprâ, quàm dici potest amabilis. Condendæ ac instruendæ Societati S. Ignatio primarius adjutor fuit. Italiam fere totam zelosissimis concionibus, maximoq; fructu percurrit, nec cessavit à concionandi munere, etiam in regimine Societatis universæ. A Pio IV. in Galliam cum Estensi Card. legatus, Theodorum Bezan, Petrum Martyrem, aliosq; hæreticorum antesignanos, Catholicis insultantes, in publico Regni conventu repressit, domuit, mutoiq; reddidit. Ad Sacram Tridentinam Synodum ter, à tribus Pontificibus, expeditus tanquam Apostolicæ Sedis Theologus, primum inter Theologos locum tenuit, tantaq; sacri illius consensu approbatione, admiratione, acclamatione disputavit: ut passim Theologorum Princeps, oraculum Spiritûs S. Arca utriusq; Theologiæ prædicaretur. Post oblatam à Paulo IV. & humillimè repudiatam Cardinalitiam dignitatem, eodem Paulo defuncto, complurium, ex purpurato Ecclesiæ Senatu lectissimorum, suffragia meruit pro summa in terris dignitate. At Laynio satis fuit, me-

*P. Laynez  
quantus?*

*In condenda  
Societate ad-  
jutor primarius*

*In Gallia con-  
tra hæreticos  
potens.*

*In Concilio  
Trid. Theolo-  
gus nemini se-  
cundus*

*Pro Pontifica-  
tu candidatus*



*Conversorum  
à P. Augerio  
multitudo.*

*Concionatorii  
thesaurus pri-  
marus.*

4. Novocomi in Italia P. Edmundus Augerius, Gallus, Caroli IX & Henrici III, Regum Gallia, Confessarius & Ecclesiastes Apostolicus, ad Ecclesiam triumphantem transiit, anno 1591. clarus conversorum hæreticorum manubiis. Quadraginta, & amplius (quidam ad septuaginta extendunt) hæreticorum millia, cum 40, heterodoxis ministris, ad Ecclesiam Christi reduxisse traditur, longè pluribus vacillantibus in fide, confirmatis; ut non immerito vocatus sit, Pater Patriæ, Conservator fidei, salutaris publicæ restitutor, torrens eloquentiæ Gallicanæ. Thesaurus dicendi illi fere fuerunt Isaias & Paulus. A 4. sæculis parem illi Ecclesiasten Franciam non habuisse dicebatur. Moribundus auditæ cœlesti Symphoniâ, *abeamus ergo, Ab-eamus* aiebat; & abiit stipatus splendidissimâ cœlitum coronâ, ut cuidam ostensum divinitus, præcedente & præcinente numerosa parvulorum turmâ, quorum Sodali-  
tatem olim instituerat in Gallia.

## XX. JANUARI.

*Molina Cassi-  
ano non con-  
sensit.*

1. Disceptatio XIII. de Doctrina P. Ludovici Molina, habita est anno 1603 coram Clemente VIII. Quæstiones propositæ sunt duæ. 1. An Molina & Cassianus eodem modo exponant locum illum Pauli 1. Cor. 10. *Fidelis DEus, qui non patietur vos tentari supra id, quod potestis?* 2. An Molina & Cassianus conveniant in hac Conclusionem: *Ante receptionem gratiæ servanda est laus libero arbitrio?* Ad utrumq; respondit P. Arrubal pro Molina, negativè. Primum probavit: quia Cassianus docet: quòd DEus non patietur tentari homines supra id, quod possunt viribus naturæ; Molina autem explicat; quòd DEus non patietur nos tentari supra id, quòd possumus virtute gratiæ à DEo donatæ. Utriusq; sensum deducit ex textibus eorum. Alterum probavit: quia Cassianus dicit, ante receptionem omnis gratiæ prævenientis esse in libero arbitrio laudem operis pij, & idonei ad Justificationem: quòd negat Molina. Probavit utrumq; ex allegatis utriusque locis. *Eleuther. hist. de Auxil. lib. 5. cap. 17.*

*Molina concor-  
dat cum S.  
Augustino.*

2. Disceptatio XXIV, de eadem Molina Concordia habita est coram eodem Pontifice anno 1604; in qua quidem à Pontifice propositæ fuerunt quæstiones 5. uno die resolvendæ: sed cum P. Ferdinandus de Bastida ex parte Societatis, de duabus primis disseruisset totis duabus horis, nec quidquam superfluum dixisset; reliquæ tres quæstiones servatæ sunt in aliud tempus. Prima quæstio fuit: *An sit de expressa S. Augustini sententia, aut saltem de ejus mente, vel potius contra ejus doctrinam: quòd interna Dei vocatio ad fidem, licet donum Dei sit, multum tamen pendeat à libero arbitrio ejus, qui vocatur?* Altera, *An interna excitatio fidelis ad pœnitentiam, quàm maximè pendeat à ministris Ecclesiæ, atq; à libero arbitrio?* Ad 1. respondit Bastida: Sententiam S. Augustini, & Molina esse: quòd interna Dei

voca-



vocatio ad fidem nullo modo pendeat ab actu liberi arbitrij ejus, qui vocatur, tanquam à Causa meritoria; pendeat tamen ordinariè tanquam à dispositione prævia; scilicet ab actu, quo infidelis liberè vult audire prædicantem. Ad 2. respondit ex mente S. Augustini & Molinae, affirmativè; scilicet secundùm cursum ordinarium. Utrumq; dilucidè & solidè probavit ex eorum doctrinâ. *Eleuther. lib. 5. cap. 23.*

3. Lutetiam Parisiorum hoc die, anno 1590 attigit P. Robertus Bellarminus, nondum Cardinalis, datus à Pontifice Sixto V. socius Legato Henrico Cajetano Cardinali in Galliam misso ad componendam tempestatem, ferventem inter Principes Catholicos, & Henricum IV. regem Navarræ, tunc adhuc A catholicum, Ibi largè cumulavit gloriam editis libris, & sapientiæ eximiæ famâ partam; quando nullo modo adduci potuit à Legato Cardinale, ut politicis quibusdam negotiis, quæ agitabantur, sese immisceret: imò ex confesso Procerum, cui ipsum adesse voluit Legatus, dextrè se subduxit, & in angulum recepit. Urgenti Cardinali, ut adesset; liberè & candidè respondit: se ad ea tantùm tractanda missum esse, quæ Religionem concernerent. Quo responso non solum non offendit; sed plurimùm auxit opinionem de se conceptam, præsertim apud Cardinalem, & Senatûs Parisiensis Præsidentem Segnerium. *Petræ sancta in Vita Bellarmini lib. 2. c. 9.*

*Eodem die obierunt.*

4. Macai, in insula Sinenfi, anno 1606, P. Alexander Valignanus, Orientalium Indiarum zelosissimus Provincialis & Visitator per annos 33. Trium principum Japonicorum legatos ad Gregorium XIII. expeditavit Romam. Immenfis itinerum tractibus & periculis emensis, rem Indicam & Sinensem Missionem stupendâ industriâ & constantiâ feliciter promovit, atq; nascentis ibi Ecclesiæ fastos magno suo nomine, & labore implevit; contra omnia pericula & incommoda indefesso orandi, & sese afflicti studio munitus.

5. Ibidem anno 1615 Mancius Taichieu Coadjutor, Japon, fidei causâ, quam picturâ sacrarum imaginum promovebat, ejectus è patria quantumvis æger, navigationis incommodis fractus occubuit.

6. Pechini apud Sinas anno 1688. P. Joannes Verbieft, Belga. Successit in munere Præsidis Mathematicum, & gubernatione Societatis in illo imperio Patri Joanni Adamo Schal, Herculi Atlas. Imperatoris singulari favore & autoritate officii sui prudenter utebatur, ad firmandam & propagandam rem Christianam: adversariorum injurias beneficentiâ ulcisci maluit; qua arte plurimùm profecit, & legis Christianæ sanctitatem luculenter demonstravit.

*Bellarminus  
fugit negotia  
secularia.*

*P. Valignani  
labores in pro-  
moven-  
da Ec-  
clesiâ Japoni-  
& Sinarum.*

*Pictura apta  
ad promoven-  
dam religionem.*

*Arts firmandi  
& propagandi  
rem Catholicâ.*



## XXI. JANUARI.

*Bonus usus gratia non provenit à solo libero arbitrio, sed etiam à gratia præveniente & adjuvante.*

**C**elebrata est coram Clemente VIII, anno 1605, disceptatio trigesima septima in causa Molinæ. Ad propositam quæstionem, *An bonus usus auxiliorum divinorum proveniat à sola innata libertate hominis: & quæ de hoc sit Sententia S. Augustini & Molinæ?* respondit P. Ferdinandus Bastida: provenire eum non à sola libertate innata hominis, sed etiam à gratia præveniente, & Concomitante atq; adjuvante; non autem ab aliqua gratia physicè prædeterminante. Illæ enim gratiæ omninò necessariae sunt juxta S. Augustinum & Molinam: ista non solum non necessaria, sed noxia liberati. Quod latissimè probavit. *Eleuther. lib. 5. hist. de Auxil. c. 51.*

*P. Alex. Gottifredus electus Generalis.*

2. Anno 1651 electus est in Præpositum Generalem IX. Societatis P. Alexander Gottifredus, Italus, illustri & peruetusta stirpe ortus. A teneris annis militiæ Clericali adscriptus, eam morum maturitatem induit, & vitæ innocentiam, quæ futurum Præpositum Generalem deceret. Ad Societatem evolare illi non licuit, nisi post multas victorias de parentibus, cognatis, & Prælatiis, Religiosisq; relatis, & ab ipso summo Pontifice obtentam veniam; ut invitis etiam parentibus Societati se addicere posset. Cardinalis Perbenedictus, in cujus ædibus diu multumq; explorata fuit Alexandri Vocatio, perspecta Juvenis indole atq; constantia, abeunti dixit: *Vade, age, feliciter ad Societatem Jesu, cujus futurus aliquando es Præpositus Generalis.* Fuit; sed ferè tantum ad explendam hujus Vaticinij fidem. Nondum enim elapsis mensibus duobus ab electione, sublatu est *Sorvell. in Bibl. Soc.*

*Cito defunctus.*

*Cantus Catechismi gratias Indis.*

3. Ex India epistolam hac die dedit S. Xaverius Romam ad Societatem: qua refert inprimis labores suos, & eorum fructus in insulis Molucis, per Catechismi traditionem, adhibito cantu. Tantus, inquit, Neophytorum animis divinarum laudum carmina decantandi injectus est ardor: ut Molucenses pueri in plateis, puellæ ac mulieres in tectis, agricolæ in campis, piscator in mari, pro obsœenis ac vecordibus cantilenis, Christianæ Fidei canerent rudimenta. Narrat deinde, quantis periculis & incommodis perfunctus sit in Insulis Mauricis quantisque simul inter illa perfunctus sit cæli delicijs. Deniq; exponit: quomodo Malacæ instituerit, civitate volente: ut sub noctem certus homo cum laterna & tintinabulo urbem obiret, altumq; inclamaret: ut pro Defunctis, & Existentibus in peccato mortali orarent. *Epist. veterum lib. 2. epist. 6.*

*Nocturna oratio pro defunctis, & existentibus in peccato mortali.*

*Eodem*



4. Romæ, anno 1612. Paulinus Cecottus Coadjutor. Inter cæteras religiosas doctes, ita orationis dono excellabat: ut crederetur facile impetraturus, quidquid peteret. Unde cum P. Mutii Vitelleſei vita à medicis jam pro deplorata haberetur; à Claudio Aquaviva Præpoſito Generali juſſus eſt Paulinus tam diu orationi inſiſtere, donec extra periculum poneretur infirmus. Paruit ille, atq; octo integris horis ardenti orationi datis, lætus ſurrexit: ſenſitq; eodem tempore Tuſculi decumbens P. Mutius plurimum levamenti, ac poſt plenè convaluit. S. P. Ignatii reliquiis cum plurimos ſanaret morbos Paulinus, rogatus admovit eandem Blondi cujuſdam, deſertoris Societatis cæco oculo: ſed contrarium, DEo vindice, accidit: contactu enim reliquiarum deſertor ille alterum quoq; oculum amiſit.

*Orationis efficaciam.*

*Reliquia S. Ignatii excitant deſertorem Societatis.*

5. Lovanii in Belgio, anno 1653, P. Jodocus Schapelinck Belga, meritis rarum illud elogium, quod *non offenderit in Verbo*. Nec bene de ſe, nec malè de alio locutus unquam, verba omnia in ſtatera prudentiæ, humilitatis & charitatis appendebat; ſemper intentus, quo modo corpus exueret, ſoloq; ſpiritu viveret.

*In loquendo cautela.*

6. Oſcæ in Hiſpania, anno 1646, P. Raymundus de Funes, vir ad ſtuporem omnium ſemper idem vultu & animo, in proſperis & adverſis, imò nec voce impetu quodam elatâ, vel fractâ. Memorabile eſt ejus eſſatum, quo affirmavit: *eum qui ſe dō virtuti ſtuderet, debere liberè annos decem de vita ſibi detrahere, vel paſſi ut detraxantur.*

*Æquanimiſ  
Virtuti ſtudent  
dum etiam cō  
vita jaclura.*

## XXII. JANUARI.

1. Petrus Faber, cum viſitaſſet Belgium, rediit Coloniam anno 1543. In itinere Leodium, Trajectum, Aquilgranum uſq; adeò ſuis concionibus concitavit: ut ex iis urbibus plurimi ad eum Coloniam ſe venturos reciperent, pro ulteriore inſtructione per Exercitia Spiritualia, & opportuna conſilia. Colonia primarium illi negotium erat cum Archiepiſcopo & Electore Hermano, in fide nutante, imò jam labante, ſuſtentando. Is abſente Fabro, advocarat è Germauiâ Superiore Bucerum, Melanctonem, Piſtorium, Sarcerium, & id genus portenta, ad diœceſim ſuam novis dogmatibus imbuendam. A quorum peſtilenti lue cum diœceſim omnem non poſſet ſervare immunem Faber: in id intentus totis viribus fuit: ut ipſam ſervaret Civitatem Coloniensem. Nondum enim novatores illi ſuam peſtem palàm inſpirare Coloniensibus auſi fuerant. Plurimis ergo locis ardentes, doctiſſimasq; habet conciones ad auditores lectiſſimos, veterem fidem firmat, mores reformat, Sacramentorum crebriorem uſum inducit, & frequentibus cum pseudoministris Evangelij novi congreſſibus, arrogantiam eorum retundit, inſcitiam prodit, & faceſſere cogit: ut meritò fidelium vox fuerit: Niſi Fabri vigiliæ interveniſſent, perituram funditus Coloniz fidem fuiſſe. *Orland. part. 2. hiſt. Soc. lib. 4.*

*P. Fabri labor Colonis pro fide ſervanda.*



*In Iaponia religio Christiana calius defensa.*

2. In Iaponia cum felici Sociorum labore regio Omurensis tota Christo accessisset; graviter commovit ea res Satanam, & vicinum regem Riosogem: qui valido exercitu Principem Omuræ Bartholomæum aggressus, insignem hac die cladem accepit, cum Bartholomæus non plures sex milibus sub signis, Cruce insignibus, haberet. Fassi sunt hostes, non à sex milibus, sed ab ingenti exercitu, pro Christianis pugnante, se cladem accepisse. *Sacch. hist. Soc: p. 4. lib. 6. n. 315.*

*Eodem die obierunt.*

*Obedientia ca-*

*Aqua cribro hausta non effluit.*

3. Grannatæ in Hispania, anno 1585. Jacobus de Yevenes Coadjutor, S. Joannis de DEo olim discipulus, & in ministerio pauperum ægrorum Socius, innocentiam vitæ, orationis, & obedientiæ, quam cæcam vocant, studio insignis. Jussus haustam cribro adferre aquam, hausit; nec gutta effluxit. Visus in angulo culinæ non semel inter orandum à terra sublimis.

*Mors musica.*

4. Bilbili in Hispania, eodem anno, P. Matthæus Albenosa, vir placidissimi ingenii, & teneræ erga omnes charitatis. In supremo morbo à DEipara V. quam exquisitè semper coluerat, cum S. Petro visitatus & recreatus, expirantem linguam in hæc ultima verba cantu solvit: *Videant te oculi mei, dulcis & bone IESU; videant te oculi mei: & ecce me, ut statim emoriar.* Cecinit, & vixit.

*Coronatus ferro athleta Christi.*

5. Varsoviæ in Polonia, anno 1614. P. Martinus Costensis, Polonus, evocatus est ad percipiendam coronam Justitiæ, pro vita religiosissimè acta, & pro ferrea corona librarum sexdecim, quæ, interceptus ab hæreticis, oneratus fuit. Iherant circulo ferreo duo cornua ferrea, quæ clavus adstringebat, caputq; constringebat. Sic coronatus, ventos, nives, imbres, frigoraq; inter dolores & ludibria, integro Semestri egregiè sustinuit.

*Imber parcat itineranti.*

6. Limæ in America Peruana, anno 1649, P. Joannis Almeida, Brasili, Apostolicos labores coronavit DEus. Indis magister, medicus, Servus, frater & omnia fuit. Itinera & plurima, & maxima, & difficillima, non nisi baculo nixus, emensus est. Bunti aliquando ad ægrum cælo pluvio, imber pepercit, siccumq; dimisit. Spiritu prophetiæ crebro afflatus hominibus admirationi fuit; at Angelis jucundo spectaculo, quando viderunt diurnis laboribus fessum, pernoctantem in oratione DEI, à qua callum in genibus contraxerat.

*Orationis assiduitas.*

## XXIII. JANUARI.

*Censores libri Molina non probantur Pontifici.*

1. Clemens VIII. anno 1601, Consultores seu Examinatores libri Molinae, quos valde variantes in judicijs suis deprehenderat, acciri jussit, unâ cum Cardinalibus Bernerio & Bellarmino; præsentescq; his verbis compellavit. Censuras vestras biennio, & ampliùs elaboratas ac recognitas, Jesuitæ probare nolunt: multa Molinae afficta conqueruntur, nihilq; ab eo assertum dicunt, quod Pelagianismi meritò notari possit. Tum Antonium Bovium, unum ex illis, digito monstrans, Regens quoq; Carmelitarum



tarum, inquit, prolixam mihi nudius tertius Molinæ defensionem exhibuit; quâ nihil in ejus Concordiâ fidei repugnans scriptum obtendit. Rem itaq; præsentibus Prædicatoribus ac Jesuitis, iterum expendi volo, ac diligentius inquiri: quibus in Capitibus Molina Pelagianis ac Semipelagianis assentiatur. Quâ sententiâ satis ostendit Pontifex, Examinatores nec ipsi, nec causæ, nec muneri suo fecisse satis. Quod postmodum ex iis, quæ contigerunt, manifestissimè patuit. *Eleuther. hist. de Auxil. lib. 3. cap. 19 & seqq.*

*Novæ discus-  
sio doctrinæ P.  
Molina.*

*Eodem die obierunt.*

2. Ategnete in Hispania, anno 1646, P. Joannes de Cassarubios; singularum exequiarum frequentia & celebritate elatus, ob insignem sanctimoniam opinionem, quam diuturno virtutum religiosarum studio, usq; ad annum ætatis 97, religiosæ vitæ sexagesimum quartum, & quibusdam divinis gratiis, quas gratis datas dicunt, comparaverat. Mortificatio & oratio maximè spectabilem fecerunt, cui senex horas octo impendebat quotidie; dormiebatq; & parum & vestitus, ut expeditior prosliret ad orationem. Omnes insigni respectu & reverentia honorabat, dicebatq; *in hoc non dari parvitatem materiæ.*

*Orationis stu-  
dium.  
Reverentia erga omnes.*

3. Oeniponti Gaspar Gelosus, Coadjutor: inter cujus egregias dotes singulariter eluxit accurata lingvæ custodia; quam ut cœderet, antequam se ad Socios, pro more, à mensa conferret, ad animum colloquio relaxandum; solebat in Imaginem Christi orbem judicantis attentiores defigere obtutum, & expendere: quam strictam olim redditurus esset rationem de singulis verbis, & horæ momentis transactis.

*Lingua custo-  
dia.  
Iudicii Divini  
metus.*

4. In Collegio Narensi, in Sicilia, anno 1624. magnum sui desiderium reliquit P. Gaspar Paranympus, Siculus, vir in Missionibus, & aliâs, potens opere & sermone, ab ipsa V. DEipara coram quodam laudatus ob insignem paupertatis cultum. Negabat se concionari posse, sinè cilicio, cui ærem sui verberationem jungebat. Visus inter dicendum splendor è Crucifixo in illius faciem evibratus: habebantq; ejus conciones semper aliquid de Christo patiente. Morientem cœlestis musica recreavit, conspexitq; non nemo gloriosum ferri in cœlum.

*Paupertatis  
studium à B.  
V. laudatum.*

*Concionator ci-  
licio horridus,  
sed cœlesti splen-  
dore illustratus.*

5. Antverpiæ in Belgio anno 1629. P. Andreas Schottus, Belga, solida virtute, & multa eruditione conspicuus; quâ etiam apud herodoxos eximia sibi comparavit elogia. Fere libris scribendis ætatem proveciorem consumpsit: septem supra quinquaginta in varia materia typis editos recenset Soutvellus *in Biblioth.* Multum lucis contulit SS. Patrum aliorumq; Auctorum veterum scriptis, adjectis doctissimis notis.

*Libri numerosi  
editi.*

6. Parisiis anno 1640. P. Jacobus Salianus, Gallus, Historicus celebris. Historiam Ecclesiasticam locupletavit sex operosis Tomis Annalium, à Mundo condito usq; ad mortem Christi; quos ipsemet insigni compendio collegit in Epitomen unius Tomi in folio; quæ facit Tomum septimum. Octavum dant libri de Amore & Timore DEI ab eodem editi; sicut & Ars placendi DEo, & Enchiridion Chronologicum. Eluxerunt in eo per omnem vitam Modestia, Mansuetudo, contemptus sui, Religiosæ disciplinæ amor, labor indefessus,

*Saliani Annæ-  
les Mundi.*



*Sinensem me-  
tropolim Pechi-  
num feliciter  
adit P. Riccius.*

*Horologii con-  
siliat ingressu  
in regiam.*

*Ex imagine  
Salvatoris a-  
gnoscutur DE-  
us Vivus.*

*Domicilium  
stabile concessu  
P. Riccio apud  
Sinam.*

*S. Xaverius de  
Iaponia rever-  
situr in Indiā.*

*Senex Sacerdos  
Coadiutorum  
officijs fungitur*

*A. B. V. cura-  
tus, ut possit  
in Societatem  
recipi.*

1. **P** Mattheus Riccius, qui meritò Sinensium Apostoli elogio honorari potest, secundo adiit Pechinum, Metropolim Orientalem ejusdem Imperij, anno 1601. Cùm enim prima expeditio irrita fuisset propter bellum Sinis illatum à Japonibus, ideoq; P. Mattheus Nanchinū redire debuisset: ubi minimè sperabatur, allatum est Imperatoris mandatum, ut quantocius cum muneribus suis adesset. Inciderat enim ei ex improvviso memoria supplicis libelli in prima expeditione sibi porrecti; in quo præter alia munera offerenda, horariæ machinæ fuerunt affabrè elaboratæ. Quæsit ergo Imperator: ubi esset campana illa, quæ nemine movente, sonum ederet? Cùm Eunuchus, qui perpetuus est illius comes, respondisset: ad libellum illum nondum esse factum rescriptum regium: jussit statim rescribi, & P. Mattheum advocari. Aduit, quàm potuit celerrimè, sumptibus regijs itinere longissimo confecto. Obtulit præter duas horarias machinas, & alia Europæa munera, imaginem valdè elegantem Christi Salvatoris. Quam ubi Imperator vidit, obstupefactus exclamavit: *DEus vivus est iste!* Et hoc nomen perpetuum mansit Imagini illi; & Patres Nostri vulgò appellabant ut *illi, qui Regi DEum vivum obtulerunt.* His muneribus delinito rege, ut semper ad manum essent, qui horarias machinas, & clavicymbalum (quod etiam oblatum, nec unquam Sinis auditum fuerat) moderari possent, tolerati sunt Nostri primò ad tempus: deinde DEo favente, quamvis post plurimas tribulationes, permitti sunt Pechini stabile figere domicilium, cum maximo rei Christianæ, & gentis illius commodo, *Trigautius de Exped. Sinensi l. 4. c. 12.*

2. S. Franciscus Xaverius, postquam annos duos cum dimidio in Japonia impendisset Evangelij prædicationi, relictis ibi quibusdam Sociorum, reversus est in Indiam, Cocinum: ut Collegia ac domos Societatis inspiceret, Missionarios ordinaret, expediretq; in varias regiones, præsertim Japoniam. *Epist. veterum, lib. 4. ep. 1.*

*Eodem die obierunt.*

3. Forolivij in Italia anno 1608, P. Laurentius Brixianus, plenus dierum, & Sancti nomine vulgò honoratus. Cùm alijs laboribus non sufficeret grandævus, Coadiutorum temporalium munia alacris obibat, toto 15. annorum spatio ad mensam lector, & in triclinio instruendo occupatus; nunquam reus violati silentij.

4. Bastoniæ in Gallia, anno 1639, P. Thomas Cornierus, Anglis pro præmio Apostolicorum laborum abiit. E tyrocinio Societatis ob gravem & incurabilem morbum dimissus, à DEipara V. curari meruit, atq; in Societatem iterum recipi: in qua, cùm strenuissimus Missionarius usq; ad annum ætatis 77. desudasset, redeunte morbo illo, cujus



cujus causâ è tyrocinio expeditus fuit, pie decessit, trium votorum Professus, cum quartum oblatum vir humillimus non admisisset.

*Professio 4.  
Votum hu-  
militer repudi-  
ata,*

*Aulicus insti-  
tutus.*

*Sermo brevis  
cum externis.*

5. Viennæ Austriæ anno 1624 P. Martinus Becanus, Belga. Celeberrimum reddit facilis quædam in interpretando D. Thoma Aquinate, Fideiq; controversiis eno-  
bat. Unde à Mathia Imperatore evocatus est ad Academiam Viennensem illustran-  
dam: à Cæsare autem Ferdinando assumptus, ut sibi esset à Confessionibus, mirificè  
& Cæsari & aulæ, imò Nobilitati toti, etiam heterodoxæ, satisfecit: quòd nihil attingeret negotiorum politicorum. Cum externis brevia amabat colloquia; satius exi-  
limans, sui desiderium, quàm fastidium relinquere; & tempus lucrari, quàm fallere.  
Edidit plurima contra Acatolicos opuscula; quæ postea duobus Tomis comprehen-  
sa prodierunt. Celebre est ejus Controversiarum Fidei Manuale, & Compendium ejus.  
*Sourvellus in Bibl. Soc.*

## XXV. JANUARI.

1. Urbanus VIII. anno 1631, Constitutionem Pauli V. reservantis summo Pontifici duo vota simplicia Professorum Societatis, post solemnem Professionem edi solita, scilicet Votum speciale de Paupertate, & aliud de non admittendis dignitatibus extra Societatem, ampliavit: ut comprehendantur etiam dignitates & officia secularia jurisdictionem habentia: nec quisquam, qui aliàs generalem habet facultatem dispensandi, commutandi & relaxandi Vota, possit in illis dispensare: sed solus Summus Pontifex.  
*Bullar. Societ. & Bullarium Commune Constit. Urbani 173. tom. 5.*

*Vota pauper-  
tatis & de non  
admittendis  
dignitatibus.*

2. S. Xaverius anno 1549 Cocinò epistolam dedit in Lusitaniam ad P. Simonem Rodericum, in qua præter alia significat: sibi ratum fixumq; esse, adire Japoniam, quantumvis per plurima pericula. *Non est enim, inquit, aliud fructus animi major in hac ærumnosa vita, quàm vivere in magis moriendi periculis; quorum adeundorum unica & vera causa fuerit solus DEi amor; & ei gratificandi, dilatandæq; nostræ sanctæ Religionis sincerum studium. Suavius, mihi crede, homini est, in hisce laboribus versari, quàm sinè illis pacatè otiosèq; vivere.* Epist. veterum, lib: 5. ep. 10.

*Pericula pro-  
pter Deum su-  
scipere, jucunda.*

3. Dies hic Conversioni S. Pauli sacer, suggerit; quod contigit nostro P. Joanni Fernandez, ad concionem dicturo, & jam eunti. Adfuit enim Apostolus, & latinè illum allocutus, dixit: *Eja Joannes, esto bono animo: ambo enim hac horâ simul concionabimur.* Et visus est totâ illâ horâ præsens ei adesse in Cathedra. *Nadasi in Indice Memoriali.*

*S. Paulus si-  
mul cum P.  
Fernandez cõ-  
cionatur.*

*Eodem die obierunt.*

4. In Anglia, anno 1621. P. Robertus Pechamus, Anglus, post reorum ergastula, & ærumnas, fidei causâ non semel fortiter toleratas, supremo morbo confictus,

*tus,*



34  
Moribundus à tus, jamq; Sacramentis procuratus, rogavit: num in Sacro, quod celebrabatur, Sa-  
IESVS & MARIA cerdos jam consecrasset? Ubi audiit consecrâsse: *Itaq;*, inquit, *moriendum est; vo-*  
RIA evocat. *cant me IESVS & MARIA;* & placidè expiravit.

5. Ibidem anno 1652, egregius fidei pugil, P. Joannes Wortingus, & ipse An-  
glus, è carcere, quem annis aliquot infractus sustinuit, in libertatem triumphanti-  
um filiorum DEI assertus est; postquam periculosissimas illas Missiones, per annos  
totos 46, admiranda prudentia, dexteritate & zelo obivit.

6. Gaudia in Hispania anno 1570, Franciscus Hernandez, Coadjutor, mortem  
Sanctam, certòq; prævisam & prædictam oppetiit; olim à DEIpara V. illustri Ma-  
jestate conspicua, ab ovium grege, quem pascebat, ad Societatem Filii sui diserrè  
vocatus, & Murciam ad nostros expeditus; quibus, Coadjutoribus potissimum, in-  
figne Religiosæ vitæ exemplar relinquit.

## XXVI. JANUARI.

S. Xaverius  
regem Lusita-  
nie fidenter  
admonet de  
morte.

S. Xaverius anno 1549 dedit Cocinò epistolam ad Joannem III. Lusitaniae  
regem, conquerendo de crudo agendi modo ipsius Praefectorum in In-  
dia, cum Neophytis. In fine monet, ut sibi maturè consulat, ob mortem  
imminentem, additq; : Regna & principatus transeunt. His nova succedet,  
& inopinatissima facies rerum, planè qualis nè cogitatione quidem ac su-  
spicione prima, Majestati tuæ unquam in mentem venerit. Videbis enim  
Te per mortem spoliatum regnis, & possessionibus ejectum cunctis, in alia  
longè diversa contrudi terribilia & tenebrosa regna &c. *Epist. vet. l. 5. ep. 12*

Societas non  
tenetur dimis-  
sis prestare al-  
imenta.

2. Congregatio VII. Generalis finita est anno 1616: in qua cum Ponti-  
fex Paulus V, ex occasione dimissi cujusdam Sacerdotis, petentis à Societa-  
te alimenta, per Cardinalem Bellarminum proposuisset; ut videret Con-  
gregatio, quid facto opus esset circa dimissos è Societate Sacerdotes, qui  
nec patrimonium, nec beneficium habent, unde sustententur: post seriam  
discussionem declaravit Congregatio *Decreto 3.*; Societatem nullatenus ten-  
neri ad præstanda hujusmodi dimissis alimenta. Tum quia Sacerdotes, qui  
dimittuntur vel propter culpam suam, vel propter importunas preces, ita  
sunt instructi & naturalibus & acquisitis dotibus: ut facile sibi comparare  
possint beneficium, si vitam Sacerdote dignam agant: tum quia Societas  
magnos sumptus impendit in illos literis, & probis moribus excolendis; &  
eorum operà uti non potest ipsorum vitio & voluntate; tum quia per talia  
alimenta sterneretur alijs via ad defectionem; tum quia Fundatores & be-  
nefactores non instituerunt Collegia aliasq; domos, ut earum proventibus  
alerentur dimissi, sed idonei Jesuitæ. Accedit quod universaliter Judex non  
teneatur alere à se damnatos, & beneficio vel alijs bonis privatos: nec præ-  
stent



stent suis dimissis aliæ Religiones; & Parlamentum Tolosanum, petente alimenta dimisso quodam Sacerdote, decidit iniquum postulare. Clemens quoq; VIII, & alij Pontifices, in simili causa nihil imposuerunt Societati. Quibus informatus Pontifex, acquievit. *Ex Decretis Congreg. Gen.*

*Eodem die obierunt.*

3. Oropeæ in Hispania, anno 1567. P. Antonius Cordova, profunda solidaq; humilitate, quàm illustrissimis natalibus, clarior. Illa impellente, non solum regimine Collegii in Societate se abdicavit, & infimæ Grammatices classi docendæ se addixit: verum & purpuræ Ecclesiasticæ, ad quam à Carolo V. Cæsare promovebatur, se subduxit; tamque heroica contemptus sui assiduè argumenta edebat: ut non minùs secularibus, quàm religiosis stupori esset. Post mortem mirabili splendore circumfusus apparuit.

*Contemptus insignis sui & honorum.*

4. Ingolstadii in Germania, anno 1647, Ignatius Soier, Scholasticus, Germanus, heroica morte occubuit, cùm latè grassante pestifera lue, se in victimam obtulisset DEO, ut Collegium servaretur illæsum. Voto potita est tam generosa charitas. Solus peste sublatus est Ignatius, toto Collegio salvo.

*Pro incolumitate Collegij se devovet, Scandit scholasticus.*

5. Quebeci in Nova Francia anno 1673. P. Hieronymus Lallement, Gallus. Quanto ardore Missionem Canadensem in America expetiit; eodem ad illam se accinxit, impetratâ licentiâ. Eodem enim die, quo Nuncium accepit de impetrata facultate, munus Rectoris, quoungebatur in Collegio Flexienti, post laudatè gubernatum Blesense, abdicavit, & festinatè ad mare contendit, ne fortè elaberetur occasio transmittendi in Americam. Viginti, & amplius annos consumpsit in cultura ardui illius novalis: solebat autem Socios in Apostolicis illis laboribus animare, dicendo; *Matii, ô Patres: laboremur DEO, quamdiu vivimus: quia tota aternitate quiescemus.* Quievit tandem octogenarius Confessor, Martyrii laureâ, quam ardentissimè appetebat, reservatâ nepoti ipsius P. Gabrieli Lallement; de quo 17 Martii. *Soutvelius in bibl. Soc.*

*Missionis ardua cupido.*

*Laborum solatium.*

XXVII. JANUARI.

1. Alexander VII. anno 1657 humanissimis literis gratias egit Serenissimæ Reipub: Venetæ, pro restituta in ditionem suam Societate ad instantiam suam. Ipsi verò Alexandro pro adhibita in eo negotio sollicitudine summas pariter ac humillimas, solemni decreto, egit gratias Congregatio Generalis XI, nomine totius Societatis, cujus Sacrificia & preces pro sua Sanctitate devotissimè obtulit eidem. *Decret: 26. & 33.*

*Restitutio Societatis in ditionem Venetam per Alexand. VII.*

2. Disceptatio decima quarta in causa Molinæ habita est coram Clemente VIII, anno 1603, in qua ad quæstionem: An in hac propositione; *Nihil aliud requiritur ad donum perseverantiæ, quàm gratia habitualis & sufficiens*; Cassianus & Molina conveniant? respondit P. Arrubal, latum & multiplex esse inter utrumq; discrimen; ostenditq; ex Molina; ipsum,

*Donum perseverantiæ requiritur.*



ut gratiam ef-  
ficacē, non ta-  
men prædeter-  
minantem.

non solum sufficientem, sed efficacem requirere gratiam ad donum perse-  
verantiæ: non tamen gratiam physicè prædeterminantem. *Eleuther. de*  
*Auxil. lib. 5. cap. 18.*

Converso  
multarū gen-  
tium in India.

3. S. Franciscus Xaverius epistolâ ad Societatem Europæam datâ an-  
no 1545, significavit: se in regno Travancoridis recenter ampliùs, quàm  
decem millia unius mensis spatio, per baptismum expiâsse; ad insulam Ma-  
nariam alium expeditivisse Sacerdotem, qui petentibus baptismum, satisfa-  
ceret; paulò post autem multos ex recentibus Christianis, odio fidei inter-  
fectos esse à rege Japhanatapaniæ; in insula Ceilano principem, regni hæ-  
redem à rege interfectum esse, quod Christiana Sacra suscepisset; in regno  
Macazariensi tres dynastas cum subditis suis ad Christum accessisse. Deniq;  
affirmat, sperare se: quòd hoc anno ad centum millia Indorum, Christo  
sit lucraturus. *Epist. veterum, lib. 1. epist. 8.*

4. Insignem erga Missionarios nostros tesseram edidit hoc die Impe-  
rator Sinenſis Camhi, anno 1700; quando rogatus à P. Joanne Gerbillon  
Gallo, ut facultatem & subsidium gratiosum conferret pro ædificanda no-  
va Ecclesia, quæ esset futura tertia Pekini, & cessura in usum Patrum Mis-  
sionariorum Gallorum: facilè annuit; sed convocatos Patres omnes Pekini  
residentes, graviter monuit; ut cùm essent filii Religionis unius, simul-  
tates omnes, ex spiritu nationali ortas deponerent. Promisit deinde mu-  
nificentiam suam ad erigendam novam Ecclesiam, sed quæ non Gallorum  
duntaxat, aut Italarum, aut Lusitanorum esset, sed omnium è Societate Jesu.  
Addidit: se nostros numerare in suis, & se dispositurum de ipsis & rebus i-  
pſorum, & prout viderit magis expedire ad obsequium suum, & commo-  
dum. Gratias humiles egerunt Patres, inclinato novies capite, lætiq; di-  
scesserunt. *Ex literis P. Kiliani Stumpf 1700, 5. Febr. Pekino datâ.*

#### *Eodem die obierunt.*

Patientia stu-  
pe

4. Romæ, anno 1597, P. Stephanus Tuccius, affligendi sui, & dolores toleran-  
di studio stupendus. Somnum per brevem super nudo assere capiebat; nec vestes un-  
quam deposuit, nisi cùm flagris in corpus saviendum esset. Voluntariis tormentis  
accessit enata illi in cervice Natta, quæ in molem capitis intumuit atque nervos, fau-  
ces & os ita contraxit: ut famem non aliter, quàm ardore calidi panis & coctarum  
carnium, solari posset. Premebat tamen dolores mirando silentio, optabatq; his mul-  
to maiora, & ipsa Purificatorii tormenta æternum pati amore JESU. Audita ejus  
morte, Clemens VIII. Pont. Max. dixit: *Ergo demum mortuus est Sanctus?*

Patienti ardor

Grammatica  
tradita annis

36.

5. Hispali in Hispania anno 1600, P. Hieronymus de Zara, Hispanus, virtutum  
religiosarum splendore illustris, maximè autem insigni humilitate & patientia, in  
docenda



docenda per annos 36. Grammatica, ad percipiendum in cœlo minerval promissum abiit.

6. Neapoli anno 1644. P. Bernardus de Ponte: cujus operantis ad aram facies, & aliàs totum corpus, visum est cœlesti splendore circumfusum, atq; à terra sublimè. Laurretum cùm pedes iret, & oppidò fessus in antro quodam paulisper quiesceret, adfuit illi DEipara V. & ad sudorem abstergendum, byssum porrexerit. *B. V. peregrino nostro ad sudorem abstergendum byssum*

7. In Mindanao insula, anno 1621 heroa morte in odium fidei cecidit P. Joannes del Campo, Hispanus, eximia dicendi facultate, actuosâ industriâ, amabili consuetudine multisq; animarum lucris præstans. Templi fabricæ intentum, telis lanceisq; barbari consecere. *porrigit. Victimam pro fide.*

## XXVIII. JANUARI.

1. P. Paulus V. Pont. Max. anno 1621, munere Papali & vitâ defunctus, gratissimam sui memoriam reliquit Societati: tum ob novam Instituti & Privilegiorum Societatis Confirmationem, Constitutionum Gregorij XIII. & XIV. atq; Decretorum quorundam Societatis contra perturbatores, approbationem, per Constitut: *Quantum Religio Societatis &c.* anno 1606. editam: tum ob Controversias de Auxiliis Gratiæ Divinæ, inter Societatem, & Sacrum Prædicatorum Ordinem compositas, permissâ utriq; parti Sententiâ suâ, concessâq; Doctrinâ P. Ludovici Molinæ, plena indemnitate. Fuit quidem ea æmulatorum quorundam præsumptio: ut non sint veriti confingere & vulgare quandam ejusdem Pauli V. Constitutionem, seu Decretum, quo doctrina Molinæ & Societatis damnatur, & configitur: sed detectâ imposturâ, declaravit Innocentius X, nullam omninò hujusmodi Constitutioni esse fidem adhibendam; neq; eam ab alterutra parte, seu à quocunq; alio allegari posse, vel debere. Constitutionem recitat *Eleutherius in Præfat. historia de Auxil. pag. 52.*

*Paulus V. finit Controversias de Auxiliis Gratiæ.*

*Molina doctrina indemnitate vadit.*

2. S. Xaverius anno 1545 ex India epistolam dedit ad S. Ignatium, petendo: ut plures operas expediat in Indiam; etiam si scientiis minùs valent, modò sint animo resoluti ad labores & pericula ferenda. Nonnunquam enim, inquit, DEI beneficio, ejusdem causâ, capitis discrimen est subeundum, quod salva charitate vitari non potest. Sed meminisse debent, nos natos esse mortales; nihil autem optabilius Christiano, quàm mortem optere pro Christo &c. *Epist. ver. lib. 1. ep. 10.*

*Viris Apostolicis mors formidabilis non est.*

### *Eodem die obierunt.*

3. Nanci in Lotharingia, anno 1643, P. Joannes Bonvetus, mortem appetijt, qualem optavit. Per annos 25. quot hebdomadis, quantum per Ecclesiæ leges licebat, unum de V. DEipara sacrum faciebat in eum finem; ut Sacramentis rite munitus, & nemini gravis moreretur; in quem finem etiam, pluribus ante mortem annis, quod

*Mors nemini gravis optata impetrata.*



*Aequanimitas*

tidie unam coram SS. Eucharistiæ Sacramento horam orationi impendebat. Utrumque cumulatè impetravit. Nam sacris operatus, & subita ægitudine correptus, iterumque epulo Divino refectus, intra 8. horas vivere desistit; vir semper sibi similis, nec unquam aut lætitiâ efferri, aut mœrore dejici visus.

4. In Naxo, maris Mediterranei insula, anno 1651, mense Januario, sed incerto die, heroicam animam Charitati litavit P. Franciscus Albertus, Gallus, vir insignis literaturæ virtutisq; & Orientalium lingvarum apprime peritus. Cùm enim epidemico malo afflatæ fœminæ Græcus Sacerdos opem ferre recusaret: P. Franciscus intrepidus adiit ægram, morientem Christianis sacris munivit, & in charitatis præmium pretiosam retulit mortem. Moribundum cœlestis lux horæ unius spatio circumfulsit: corpus exanime suavissimum sparsit odorem, animæ cœlestis tellera.

## XXIX. JANUARI.

*S. Xaverij erga S. Ignatium amor & reverentia.*

*S. Ignatij erga S. Xaverium amor.*

*Japones delicias S. Xaverij.*

*Sinas adire cepit.*

1. **S** Indiarum Apostolus Xaverius ad S. Ignatium Cocinò dedit literas, anno 1552. Inscriptio est: *Meo in Christo Sancto Patri Ignatio.* Orditur epistolam sic: Verissimè Pater mi, accepi modò Malacæ, huc appellens è Japonia, literas tuæ Sanctæ Charitatis: quæ quoniam de vita & valetudine tam chari & venerabilis mihi capitis, quod optabam, docuerunt: scit DEUS Dominus noster, quanta animum meum voluptate compleverint. Multas equidem in iis jucundè legi, suavitatem spirantes tuam pietatemq; sententias, quas & identidem, fructu animi mei præcipuo retracto, mente versans, & quodammodo regusto, præsertim autem illa extrema verba, quibus velut charitatis quodam sigillò, Epistolam obsignasti: *Totus tuus, adeò ut nullo unquam tempore oblivisci tui possim, Ignatius.* Quæ ego, ut illic cum dulcissimis lacrymis legi, ita & stens hic describo &c. *Epist. vet. lib. 5. ep. 17.*

2. Aliam eodem die & anno dedit idem Sanctus Epistolam ad Societatem Europæam, qua prolixè agit de Japonia, & moribus ritibusq; Japonum (quos in fine epistolæ *delicias suas* appellat) atq; de laboribus suis & eorum fructu in illis terris, in quibus primus ipse Evangelium prædicavit. Quamvis verò totus in Japonum salutem effusus esset: postquam tamen didicit, Japones à Sinensibus accepisse Deos & sacra sua, & ab ipsismet Japonibus amandaretur ad Sinas, ut primùm ipsis persuaderet Evangelium suum: ingentes concepit animos eam gentem adeundi, nec priùs id conari, quàm vivere, desijt. *Epist. lib. 4. ep. 1.*

3. In China anno 1700 iterum vocati ad Imperatorem Socij omnes Pekinî residentes, cùm ad palatium accurrissent; Imperator singulis dono dedit duo volumina panni serici, & argenti uncias 50. Negavit P. Rector, se tantam suæ Majestatis munificentiam paucos ante dies expertos, posse manum



manum extendere ad nova munera. Quod libenter audivit ille, jussit tamen oblata acceptare. Gratijs amplissimis actis, rogavit P. Rector: ut liceret hæc dona regia novæ Ecclesiæ fabricæ dedicare. Assensit pronissimus Imperator, ostenditq; id sibi fore gratissimum. *Ex literis P. Kiliani Stumpf Anno 1700 Pekino datis.*

*Eodem die obierunt.*

4. Bivonæ in Sicilia, anno 1619, P. Salvator Susa, egregius sui victor. Plenus morborum quâvis esset, nihil tamen peculiare, quo foveretur, admisit. Ut se pervinceret, exemplo S. Xaverii, foedam saniem, ex ulcere hominis cancro laborantis, generose exsuxit; ægrumq; insigni hac sui victoriâ persanavit.

5. Ingolstadii in Germania, anno 1625 pro gloriosorum laborum præmio mi-gravit P. Jacobus Gretserus, Germanus, fortissimus pro fide Catholica athleta, hereticorum domitor & malleus, quos mirâ diligentia & constantiâ per omnem vitam acerrimè insectatus est plurimis & eruditissimis scriptis. Alegambe in Bibliotheca Societatis recenser ejus duodecim supra centum, partim Tomos, partim libros, & Opuscula edita in varia materia, præsertim contra heterodoxos. Scribendis tot libris, ac insuper instruendis assidue per pagos rudibus, satis suppetebat illi temporis: quia nihil illius perdidit, verborum ac somni parcissimus. Singularem viri eruditionem par ornatu humilitas, quâ repulit cives suos, optantes ejus effigiem quam in Curia sua reservarent ad posterorum venerationem. At Gretserus non sine stomacho reposuit: tum demum illos suam habituros imaginem, si pictam in tabula asinum haberent.

6. In Mindanao, Insulâ Philippinâ, anno 1648, cruenta morte sublatus est P. Franciscus Paliola, Italus; in odium fidei gladiis lanceisq; confixus à barbaris, concitatis à quodam apostata, quem fidei & Ecclesiæ restituere nitebatur. Fidei odium etiam in Sacram suppellectilem barbaros concitavit, ligneamq; Christi Crucifixi effigiem columnæ alligatam, fustibus dirè cæciderunt, prodideruntque: quæ esset furoris sui causa.

XXX. JANUARI.

1. Clemens VIII, antea Hippolytus Aldobrandinus, Florentinus, creatus est Pontifex, anno 1592. Visus est quibusdam minùs affectus Societati, imò prosperis ejus progressibus adversari. Quæ fama cum ad ipsum delata esset, ingenti animi sensu erupit in hæc verba: *Qui dixerit, me adversari Societati JESU, mentitur planè: semper enim existimavi, Societatem JESU esse brachium dextrum Ecclesiæ.* Ita testatur Christoph. Avendanno Carmelita, Tom. de Sanctis. Serm. de S. Ignat. & Xav. discurs. 3. Et Suar. tom. 4. de Relig. lib. 1. cap. 7. Repetiit hoc elogium idem Clemens Pont. Max. quando anno 1600 Patribus ex universa Societate congregatis, pedibusq; suis affulsis, contestatus est: *Anno Societatem, atq; unicè charam habeo, eamq; Dextrum Ecclesiæ brachium merito profiteor & profitebor.* Imag. I. Sæc. Soc.

*Sanies ex ulcere hausta, & ager sanatus.*

*Hæreticorum malleus Gretserus. Librorum editorum copia.*

*Contemptus sui*

*Victima pro fide.*

*Societas dextrum Brachium Ecclesiæ, ex oraculo Clem. VIII.*



Soc. lib. 5. cap. 9. Eundem affectum testatus est re ipsa: quando missis ad Sigismundum Bathorem, Transylvaniæ principem Legatis, strenuè institit: ut Societas, quam hæretici proscriperant, reciperetur iterum in Transylvaniam. *Ibid.*

*Eodem die obierunt.*

2. Madriti in Hispania, anno 1573, P. Antonius Araozus, S. P. N. Ignatio non minus virtute, quàm sanguine junctus, magni nominis in Societate Provincialis, Commissarius & Assistent, ac Ecclesiasticus. Cùm ad populum diceret, Angelus dicebatur; ad moribundos juvandos singulari gratiâ & industriâ valuit. A Philippo II. Rege Hisp. aulaq; tota avidissimè audiebatur. Notatus est subinde 14 horas per diem, noctemq; orationi dedisse.

3. Avinionæ in Gallia, anno 1633, P. Joannes Pujolus Gallus, celebris tyronum Societatis Magister. Eorum unum, Sebastianum Davin, ut in obedientia cæca exerceret, jussit: ut jacentem in horto siccum ramum tamdiu irrigaret, dum viridantibus foliis effloresceret. Paruit Sebastianus, & DEUS incrementum dedit, ramo illo, tandem germinante, atq; in ignotæ indolis arborem excrecente; quæ diu superstes, tandem *Arbor obedientia* vocabatur, donec fabricæ locum ut daret, excisa est, digna, quæ in omnium religiosorum non tam hortis, quàm cordibus reflorescat.

4. Manchestræ in Anglia, anno 1645, P. Richardus Bradlæus, Anglus, operarius navissimus, carceris, in quem fidei causa conjectus fuerat, ærumnis confectus, in libertatem triumphantium Filiorum DEI assertus est.

5. Corcagiæ in Hibernia anno 1580, eandem ob causam P. Edmundus Donatus, Hibernus, post graves carceris ærumnas & cruciatus, quod Re. inam agnoscere nollet caput Ecclesiæ strangulatus, & mox excarnificatus, è patibulo profiliit in cælum, à capite omnis Ecclesiæ Christo coronandus.

XXXI. JANUARI.

P. Angelus  
Tamburinus  
electus in Ge-  
neralem.

1. Anno 1706 felicissimis auspicijs electus est in Præpositum Generalem Societatis P. Michæl Angelus Tamburinus, etiam ante obitum P. Thyrsi, Vicarius Generalis, qui in Congregatione XIV. Generali munere Secretarij laudatissimè functus fuerat. Continuet illi favens cælum regimen, addatq; grandia meritorum incrementa.

Vota duo post  
Professionem  
edi soluta, Bon-  
tifici reservata.

2. Paulus V. Pont. Max. dispensationem in duobus votis simplicibus, de Paupertate non relaxanda, & non ambienda vel admittenda dignitate extra Societatem, quæ Professi emittunt, reservavit Papæ, anno 1618. per Breve incip. *Ex incumbenti.* quod ampliavit Urbanus VIII. ut sup. 25. Januarij.

3. In India anno 1559 Societas Damani novam Sedem accepit. Oppugnaturus eam urbem Prorex Indiæ Constantinus, inter alios Religiosos comitari classem voluit P. Consalvum Silveriam, Indiæ tunc Provincialem. Præsidarij barbari cùm exponi viderent copias Lusitanas, non expectantes

con-



congressum diffugerunt. Occupata sine prælio urbe, Consalvus recta ad fanum Mahometanum tetendit, illudq; potestate à Pontifice accepta, expiavit, & Sacrificium victori DEO sine mora obtulit; cum præter ipsum nemo aliorum Sacerdotum esset jejunos. Quo factum, ut Prorex Societati ædem illam adjudicaret, tanquam primò occupatam à Provinciali Silveria. Is, ut eam Sedem in Collegium paulò post evasuram ornaret, muniretq;: è duabus thecis reliquiarijs S. Xaverij, quæ apud ipsum erant, alteram Damanensibus Socijs obtulit, alteram Cocinenſi Collegio dono misit. In hac ænea theca, reverenter aperta, repertum est aliud nihil, præter exiguas S. Thomæ Apostoli reliquias, formulam Professionis Votorum solemnium, & Nomen S. Ignatii in scheda ex epistola quadam S. Patris reſecta. Hic fuit Magni Indiarum Apostoli thesaurus. *Sacchin, p. 2. hist. Soc. lib. 3. n. 111. & 120.*

*Theca reliquiaria S. Xaverij*

*Nomen S. Ignatii inter reliquias gestabat S. Xaverius.*

#### *Eodem die obierunt.*

4. Romæ, anno 1615, P. Claudius Aquaviva, Quintus Soc. Præpositus Generalis, difficillimis temporibus illi tuendæ, propagandæ, & saluberrimis instructionibus atq; Epistolis dirigendæ, à DEO & DEIPARA datus. Rexit Societatem annis 34. inter plurimas gravissimasq; ejusdemq; impetitiones, semper animo infractus, & prudentiâ stupendus. Noctu orantem solatus est aliquando Christus: *Noli timere, quia ego tecum sum.* Archiepiscopatum Neapolitanum à Clemente VIII. sibi ingestum, constanter repudiavit. S. Philippus Nerijs testatus est, à se visum multo lumine perfusum cælitus; alii inter precandum, sublimem in ære per semihoram conspexere. Accepto per Cardinalem Bellarminum imminentis mortis nuncio, Ambrosianum illud reposuit: *Mori non timeo, nec vivere erubescio, quia bonum Dominum habemus.* Defuncti funus incredibili dynastarum, religiosorum, populiq; concursu celebratum est.

*Providentia Divina erga Societatem.*

*Christi favor erga Claudium Gen.*

*Mors sine metu.*

*Victima charitatis.*

5. Gadibus in Hisp. anno 1649, magnam animam in obsequio pestiferorum posuit P. Sancius de Mendoza, Hispanus, generis claritudine, humilitatis studio, quam multis annis in tradenda pueris Grammatica laboravit, missionibus institutis, & heroica charitate memorabilis.

*Pestifera luis vigesies victor.*

6. Eadem pretiosa morte Leodij occubuit anno 1643, Edmundus Renart Coadjutor, Belgæ; qui vigesies caput suum devovit obsequio peste tactorum, vigesies victor evasit, donec tandem eidem malo gloriosè succubuit.

*Sapientia simplex.*

7. Græcij in Styria anno 1651. P. Franciscus Amicus, Italus, pro laureola cælesti capienda evolavit; quam editis novem eruditissimis Theologicis, meruisse visus est. Vir, quàm eruditus & ingeniosus, tam candidus & simplex; qui præter DEUM & literarum studia, ignorare cætera omnia videbatur. *Soutwell. in bibl. Soc.*

8. Monasterij in Germania anno 1668 P. Hermannus Busenbaum, Germanus. Post operam diligentem positam in docendis scholis Humanioribus, Philosophiâ, & Theologiâ tam Scholastica, quàm Morali, in arbitrum conscientiæ datus Celsissimo Principi & Episcopo Monasteriensi, egregijs virtutum ornamentis aulam illustravit: nec minore exemplo fructuq; Collegia gubernavit, Hildesienſe, & bis Monasteriense.



Busenbaum  
Theol. Mora-  
lu.

Sed nihil tam celebrem fecit toto orbe literario, ac edita in lucem *Medulla Theologia Moralis*, quàm exigua mole, tam grandis eruditione morali: quam vix alius quispian tam feliciter in tantillum compendium còegit. Libri hujus pretium nihil tam disertè testari potest, ac sæpissimè in variis regionibus frequentata ejusdem reimpressio. Soutvellus in bibl. Soc. affirmat, jam tunc quinquies & quadragesies è prælo prodiiisse.

## I. FEBRUARI.

Expedi-  
tio pri-  
ma in Bra-  
sili-  
am.

1. **A**Nno 1549 facta est prima Expeditio Societatis in Brasiliam, ad gentem immaniter barbaram, & carnibus humanis assuetam. Iverunt cum Emmanuele Nobrega Socij 5, ad labores Apostolicos & mortem cruentam paratissimi. Cum, rege Joanne mandante, urbs nova, Salvatoris dicta, conderetur: Nostri pro excitando templo DEiparæ V. Adjutrici, suis humeris aquam, ligna, cæteramq; materiam comportarunt, exalceati & seminudi, nondum ulla in eorum victum, & amicum à rege decretâ pecuniâ, adeoq; victum sæpè ostiatim corrogantes. Non tamen propterea negligebant Lusitanis & barbaris spiritualement impendere operam doctrinâ & Sacramentorum administratione. Cum è Lusitania Sacerdos appulisset idoneus, qui Parochi munere fungeretur, tam operosè constructam ædem sacram illi consignarunt; ipsi extra urbem inter barbarorum tuguria sedem sibi delegerunt, non sine magno apertoq; vitæ discrimine; totiq; incubuerunt in cicurandos barbaros. Qui antequam baptisimi fierent capaces, infantes moribundos venabantur, quorum magnam copiam lustralibus aquis tinctam ad cælum expediverunt, pro parentibus futuros oratores. *Orlandinus hist. Soc. lib. 9. n. 85. & seqq.*

Institutum So-  
cietatis: & Vota  
simplicia confir-  
mantur.

2. Gregorius XIII. Pont. Max. Societatis Institutum, Privilegia & Constitutiones confirmavit, declaravitq;: Vota simplicia post biennium Tyrocinij emissa, veros facere Religiosos. Constituit: *Quanto fructuosius*. anno 1582. Pontificatus sui undecimo. *Bullar. Soc.*

Prima Vota  
S. Borgiæ.

3. S. Franciscus Borgia, tum adhuc Dux Gandiæ, emisit Vota Societatis è formula, quæ servatur in Archivo Romano. *Nadasi in Indice Mem.*

Cracovia Do-  
mus Professæ  
& Probationis  
inchoata.

4. Cracoviæ in Polonia anno 1583, operâ Stephani Regis, Roberti Bologneti Nuncij Apostolici, & nostri Antonij Possevini, tandem obtenta est à Societate certa, eaq; duplex Sedes. Pro domo Professæ concessum illi est hoc die, probante Pontifice, templum S. Barbaræ: pro Domo Probationis templum S. Stephani, cedente, imò offerente Thoma Plaza Parocho. Academici, quanquam multum reluctati, Possevini dexteritate mitigati, tandem etiam in Collegium consenserunt. *Sacchin. hist. Soc. p. 5. l. 3. n. 60 & seqq.*



5. In Ægypto Missionarij nostri à Pontifice expediti, Joannes Bapt. Elianus, & Franciscus Saxus, anno 1584, iterum disceptarunt cum Patriarcha & Episcopis Cophthorum, qui sunt Christiani Ægyptij, sed Dioscori & Eutychetis erroribus depravati. Eò tandem illos deduxerunt: ut faterentur, Christum esse verum DEum & Hominem, duasq; in ipso esse naturas, Divinam & Humanam. Sed mox totum dissipatum est negotium, fugiente clam Patriarcha in solitudinem. *Sach. ibid. p. 5. lib. 4. n. 45.*

*In Ægypto irritum negotium conversionis.*

*Eodem die obierunt.*

6. In India Occidentali apud Cirupas, anno 1632, P. Julius Pasqualis, Italus, & P. Emmanuel Martinez, Lusitanus; Sagittis venenatis in odium fidei à barbaris confixi: quòd ipsos lege Christiana à brutalibus arcerent voluptatibus. Uterq; multà virtute religiosa ad honorem Martyrii se disposuerat: P. Julium, etiam in vita, quædam miraculi speciem habentia commendarunt.

*Victima pro fide.*

7. Londini in Anglia, anno 1645. P. Henricus Mors, Anglus, post carceris ærumnas triennales, & iteratas ex Anglia ejectiones, cum nihilominus pro Apostolicis laboribus, & morte pro fide oppetenda rediisset: tandem voti reus, comprehensus, suspensus, & sectus est. Accepto mortis nuncio, exultans in DEo salutari suo, exclamavit: *Veni, mi IESU dulcissime, ut devinctus tibi, à te nulla aternitate avellar! Venite vincula, crates, tormenta, laniena mortis, venite! IESU amore placetis.* Ita Mors mortem lacecessit, & superavit.

*Patris Mors cruenta & iucunda mors.*

*Desiderium patiendi.*

8. In America, anno 1619, Petrus de Vega, Coadjutor, Hispanus, qui, ut Societati esset utilior, Sexagenarius artem futoriam didicit, & navissimè exercuit. Postquam prædixisset, se non nisi extremo vitæ die decubiturum; pro stipendio laborum abiit, prout prædixerat.

*Sexagenarius artem futoriam discit & exercet.*

9. Villaregii in Hisp. anno 1606. P. Joannes Ponce, Hispanus, ducis de Arcos filius, sed à splendore generis sui tam alienus: ut illius mentionem facere nunquam sit auditus. Unde & illa regii Vatis verba, quæ etiam fere extrema ipsi fuerunt, identidem regustabat: *Elegi abjectus esse in domo DEI mei magis, quam habitare in tabernaculo peccatorum.* Egros tractabat tenerrimo affectu, & exquisita accuratione, cibosq; illis ipse coquebat. Mortem suam, quam prædixerat, eo expectabat apparatu: ut Religiosus quidam, qui intererat, Abbas, diceret: nihil simile se unquam vidisse; prolixumq; inde in concione funebri habuerit dicendi argumentum.

*Humilitatis studium.*

## II. FEBRUARII.

1. Anno 1621 Ostrogij in Polonia, ope DEiparæ V. & S. Ignatij à dæmone liberata est nobilis fœmina hæretica: unde tantum accessit gloriæ religioni Catholicæ, quantum dedecoris sectæ Calvinianæ. Cum ministri ejus sectæ nihil auderent tentare, Societatis Patribus eam committendam duxerunt. Rogatus Rector Collegij, quæsitum primùm: an apud ipsos indubitatum esset, fœminam à dæmone obsessam esse? Affirmantibus illis

*Energumena hæretica liberata.*



*Hæretici non  
audent adhi-  
bere exorcis-  
mos.*

*Calvini libros  
deſcultur  
dæmon.  
Imaginẽ S.  
Ignatij horres.*

communi affenſu; quòd lingvis varijs, quas nunquam didicerat, loquere-  
tur, occulta & valde remota panderet &c: inſtitit Rector, ut ipſi primùm  
Evangelium ſuum ſuper ipſam recitarent, deinde Ruthenorum Schisma-  
ticorum opem implorarent, deniq; ſi neutri proficerent, ad ſe recurre-  
rent. Sed cùm conditio non admitteretur, & preces cumularentur, volu-  
it Rector adferri Inſtitutionum Calvini libros, & foeminæ applicari: quos  
illa ſumma aviditate excipiebat, amplectebatur, & oſculis lambebat. At  
ubi Rector clàm icunculam aliquam S. Ignatij libro inſeruit, & foeminæ  
reſtituit: vociferari illa, ululare, & apertè fateri, non poſſe à ſe tolerari  
inſertam imaginem. Poſt cumulas preces; jejunia, & exorcifmos, juſſus  
dæmon proſari, à quo pellendus eſſet: DEiparam V. & S. Ignatium con-  
temptim nominavit. Ergo ipſo ſolemni feſto Purificationis Marianæ, in  
templo Societatis, ad aram DEiparæ & S. Ignatij, coram ingenti hominum  
multitudine (hæretici clàm id fieri flagitabant) exorcifmi fortiùs vibrantur,  
DEipara & S. Ignatius ardentius invocantur: ac tandem impurus hoſpes  
hoſpitiò exturbatur. Foemina ſolo allifa, cùm animos reſumpſiſſet, ejurato  
Calvino Catholicis acceſſit. *Bartoli in Vita S. Ignatij lib. 4. n. 21.*

*Eodem die obierunt.*

*Reſtor Collegij  
ante Sacerdo-  
tium.*

*Supplicatio pro  
ſanitate Patris  
Zuniga.  
Mœſtum ob  
mortem dilata  
ſolatur DEi-  
para.*

*Oratione P.  
Bareira proſli-  
gantur barbari*

*Non parè pe-  
tendum à Deo  
& DEipara.*

2. Limæ in America Peruana, anno 1577. P. Joannes de Zuniga, inter dulces,  
quos occinebat, hymnos, deſunctus. Etiam in ætate non proveſta, tam maturæ ſoli-  
dæq; virtutis erat: ut necdum Sacerdos, Limano Collegio præſuerit Rector. Egit  
tamen ipſe moderatore; ne in corpus ſuum, licet Virginitatis honore conſpicuum,  
æquo inclementius ſæviret. In ſuprema ægritudine, per dies 40, quibus æger decu-  
buit, per omnia Urbis cænobia pro eo in vita retinendo, varijs quâ precibus, quâ  
corporis afflictationibus, fuit ſupplicatum non ſine fructu. Mœſtum de valetudine  
aliquantùm recreata, & morte dilata, inviſit DEipara V. promiſitq; proximo ſibi  
feſto die migraturum: & migravit.

3. In miſſione Guincenſi valde ardua, anno 1612, Apoſtolicis laboribus fractus  
P. Balthaſar Bareira, Luſitanus, quievit in Domino eadem die, qua anno 1583, illuſtris  
victoriæ auctor fuit Luſitanis. In hoc viro Apoſtolicò placuit Dominò renovare ex-  
emplum Moysi, oratione proſligantis Amalecitas. Cùm enim Paulus Diaz, à P.  
Balthaſare animatus, cum 300 tantùm Luſitanis, paucis verò Æthiopum auxiliari-  
bus manipulis, moviſſet contra duodecies centena Angolanorum millia; ineunte acer-  
rimo prælio, Pater in tabernaculum ſe abdedit, & manibus menteq; in cœlum ſubla-  
rimo prælio, Pater in tabernaculum orabat: factumq; eſt, ut ipſo animum in oratione vel  
intendente, vel remittente, eadem eſſet prælii facies, nunc prævalentibus, nunc ce-  
dentibus Luſitanis Philippus II. Rex accitum in Hiſpaniam P. Balthaſarem, multo  
honore & gratijs varijs, pro illarum gentium ſalute, cumulavit.

4. Romæ, anno 1652, P. Hieronymus Anfaldus, Sardus, piè deceſſit; monitus  
aliquando à DEipara V. ut ne tam parcus eſſet, ac verecundus in petendo; ſed fiden-  
tior



tior deinceps plurā postulare. Inter sacrificandum visus elevari, & nube lucida circumdari, Christo cor suum aperto P. Hieronymi pectori inferente.

5. Valentia in Hispania anno 1658, cursum suum feliciter consummavit P. Hieronymus Lopez, indefessus & planè Apostolicus per universam Hispaniam, atque insulas Majoricam & Yuicam, Missionarius; quas Incredibili Zelo & fructu percurfabat, Jubilæi gratiam secum circumferens, & ubiq; generalium Confessionum, & solennissimi Actûs contritionis author; cooperante Domino signis & prodigiis, usq; ad mortui cujusdam suscitationem. Multa & imitanda & admiranda exhibet typis edita ejus vita.

Christus cor  
suum inferis  
sacrificantiâ

Actus contriti-  
onis & Confes-  
siones Genera-  
les promotæ.

### III. FEBRUARI.

1. **P**ost partam heri à Lusitanis gloriosissimam & prodigiosam victoriam de barbaris Angolanis, seu Ambundijs, postero & sequentibus aliquot diebus conspecta est in cælo Crux ingens & lucidissima, terris Angolanorum imminens: sive ut pateret barbaris, quâ virtute prostrati essent; sive ut omen acciperent Fidei Christianæ felicis ibi propagandæ. Christiani, authore P. Barreira, decreverunt quotannis, recurrente die Purificatæ DEIPARÆ, triumphalem illam pugnam gratâ memoriâ recolere. Philippus verò II, rex Hisp. & Lusitan: edicto mandavit Prætori suo & Præfæctis in terris illis: ut nihil notabilis momenti susciperent agendum, nisi consulto Barreira, tanquam Viro spiritu DEi pleno. *Sacch. p. 5. lib. 3. n. 166 & seqq.*

Cruz in cælo  
visa.

Gratitudo pro  
victoria.

2. In Germania cùm hesterno die, anno 1561, Trevirense Collegium DEIPARAM V. delegisset studiorum suorum Præsidentem ac Patronam: ipsius auspicijs hodie datum est illis initium insigni celebritate, in frequenti nobilitatis, & Magistratuum corona, proludentibus compta oratione Professoribus. Præfens erat Everardus Mercurianus tunc Provincialis, cui placuit, omnium scholarum, etiam Theologiæ, lectiones simul inchoari, ad majorem Collegio conciliandam auctoritatem: quod permisit in corpus Academicæ cooptari, salvis tamen legibus Societatis. *Idem p. 2. lib. 5. n. 172.*

Deipara studi-  
orum publico-  
rum Patrona  
electa.

*Eodem die obierunt.*

3. In Florida, Americana regione, anno 1571, insignes pro fide victimæ, P. Ludovicus Quiros cum Joanne Bapt. Mendez, & Gabriele Solis novitiis; Sagittis perempti à quodam Caciquio Ludovico apostata, qui in Hispania simulatè baptismum susceperat, quem P. Ludovicus operosè ad Ecclesiam reducere laborabat.

Victimæ 3. pro  
fide.

4. Ferrariæ in Italia anno 1607, Joannes Petrus Divitia Coadjutor jejuniis aliq; macerationibus exelas corporis exuvias posuit, laborandi & orandi studio eximius. Horam, quæ recreationis est à mensa, cum bona superiorum gratia, ad SS. Sacramenti aram supplex transigebat, ejusdemq; ter in hebdomadam sumendi copiam habebat; nunquam accessit ad focum, vel culcitram, aut linteamina pro somno admisit, nec nisi uno cibi genere vescabatur.

Recreationis  
hora coram Sa-  
crabili tradu-  
ctâ.  
Uno cibi genere  
contentus.



*Indifferentia  
necessaria.*

*Vox Dei per  
Superiores.*

5. Novellariæ in Italia anno 1620 Josephus Braccus, Italus, Coadjutor Temporalis. Indifferentiam ad quavis munia & obsequia quotidie petebat à DEO, dicebatque: *Sine illa Religione Paradisum esse Infernum.* Addebat: DEI vocem in superioribus agnoscendam; eamq; per Officiales inferiores ad nos descendere tanquam per fistulas ligneas; per Rectores tanquam per argenteas; per Provinciales tanquam per fistulas aureas, per Generalem tanquam per auream, gemmis distinctam. Omnes morbi supremi dolores animabus Purgatorii donavit, lætusq; sustinuit, quidquid sentiebat ab igne sacro, quo rota illi pellis per omne corpus exusta est.

#### IV. FEBRUARI.

*S. Xaverius  
duos à Societa-  
te dimittit.*

*Adolescens  
non admittit,  
nisi in nosoco-  
mio probatū.*

*Expediit ad  
Cafres.*

*Pietatis exerci-  
tia in diuturna  
navigatione.*

1. **S** Indiarum Apostolus Xaverius, anno 1552, literis datis ad P. Paulum (fortè Camertem) mandavit: ut cum P. Michæle de Morales accederet Illust. Episcopum, eiq; traderet præfatum P. Michælem, tanquam religiosi votis à se absolutum, & ratione Ordinis Sacerdotalis Episcopo jam plenè subjectum. Franciscum Gonzalez etiam jussit, sibi res habere suas, volutq; ut cum dimissis nostri nullam haberent communicationem, etiam per colloquia. Adolescentem Thomam Gonzalez, admissionem ad Societatem, expetentem, amandavit ad nosocomium, ut ibi ægrotis serviret, usq; ad adventum suum. *Epist. novarum lib. 5.*

2. In India Orientali cum ineunte anno 1560 P. Consalvus Silveria navigationem ad Cafres, immanem & perfidam Africæ gentem, instituisset; hoc die feliciter Mozambicum, Africa regionem, tenuit. Quo erat Apostolico spiritu, nauticam turbam, & variae conditionis homines, qui eadem vehebantur navi, ita ad pietatem instruxit: ut navis illa religiosi cœnobij formam præ se ferret. Non fœda vel impia dicta, non jurgia audiebantur. Diem auspicabantur & claudebant omnes, decantatis Cœlitum Litanij. Manè de gradibus Perfectionum DEiparæ, quos tredecim numerabat, sermonem instituebat Consalvus, jucundè dicens: quòd sicut Gubernator navis continuo intentus esset in Cynosuram, & ejus gradus; ita sibi, & cuivis pio, diligenter observandos esse gradus Excellentiarum DEiparæ, tanquam suæ Cynosuræ, seu Stellæ altioris poli. Deinde miscebantur pia colloquia, tradebatur doctrina Christiana, ministrabatur infirmis; nec quidquam omittebatur, unde aliquid spiritualis lucelli capi posset. *Sacch. p. 2. hist. Soc. lib. 4. 210.*

*Eodem die obierunt.*

*Mortificatio  
corporis rigida.*

3. Ezyæ in Hisp. anno 1638. P. Augustinus de Espinosa. Tandem mors finem illi fecit tormentorum, quibus corpus suum dirè, ingeniosè ac irremissibiliter cruciabat. Sæcularis altioris perfectionis studiosos perscitè tractabat, suadebatq; in pri-  
mis



mis diligentem & constantem piorum librorum lectionem, eoque medio integras famulias ad egregiam virtutem deducebat. Defuncti etiam illius operâ non raro utebantur; inter quos externus quidam ipsi ante mortem confessus, & ante dies aliquot sepultus, eum media nocte in cubiculo convenit, atque ex Collegio eduxit (conscio Rectore) in domum suam; ubi P. Augustino chartam dedit, cum nominibus creditorum, quibus in vita non satisfecerat; tantumque auri addidit, quantum necesse erat, rogans Patrem: ut debita omnia extingveret, residuum in alia pia opera converteret. Post 8. dies rediit defunctus, & pro rebus fideliter expeditis gratias egit. Cum oculos haberet ægerrimos P. Augustinus, affirmaretque medicus fore, ut oculorum usum planè perderet, si domo foras prodiret: iussus subinde per occasionem à superiore, negotii quidpiam extra Collegium conficere, dixit id, quod medicus affirmarat; adjecit tamen, se ire paratum, si porro ita vellet superior. Hoc persistente in sententia, abiit ille, & cæcus domum rediit, vixitque triennio; latus tamen, quod lucis & oculorum usum ex occasione obedientiæ amisisset.

4. Anicii in Gallia, anno 1623, P. Marcellinus Bompar, Gallus, multa magnaque virtute pretiosam mortem meritis, eandem invenit inter milites pestifera luc laborantes, quorum animabus serviebat.

5. In Valsensi Germaniæ Residentia, anno 1646, P. Matthæus Cuberus, Germanus. Cum adhuc adolescens graviter ægrotaret, per quietem ei DEipara V. apparuit, & Convalesces, inquiebat, fili: per te multa bona Filius meus operabitur. Societatem ingressus, patrem suum hæreticum, & fratres germanos tres, pagosque integros Ecclesiæ Christi restituit vir zelosissimus, & omnino talis, qualem futurum DEipara prædixerat.

*Lectione librorum spiritualium utilissima.*

*Defunctus petit pro debitis à se relictis satisfieri.*

*Obedientia heroica cum oculorum amissione.*

*Victima charitatis.*

*Operarius insignis.*

## V. FEBRUARI.

1. **P**etrus Canisius, anno 1548, eximium heroicæ obedientiæ specimen edidit. Missurus in Siciliam S. P. Ignatius operarios è Societate, periclitari voluit Sociorum, qui Romæ degebant, resolutionem indifferentem ad quævis officia & loca. Scripto igitur proposuit illis, & scripto à singulis responderi sibi voluit post triduum per ardentem orationem consulto Deo: 1. An omnino indifferentes essent, ad eundem in Siciliam, & manendum in urbe, vel ubicunque; demum vellet Superior? 2. An, si eundem sit in Siciliam, parati essent ad tractanda sive literaria, sive servilia officia, ita: ut & docti vellent labore manuum occupari; & indocti quasvis docere scientias & artes liberales, quantum in ipsis esset? 3. Si docendum fuerit, an parati essent agere, vel discipulos sub quovis professore, & in arte quacunque; vel magistros in quavis disciplina? 4. An, quidquid injungeretur, habituri sint pro meliore & convenientiore ad DEI gloriam, sensum suum & voluntatem plenè subjiciendo & conformando judicio & voluntati Superioris. Ad has propositiones scripto respondit hac die P. Canisius: se omnino indifferentem esse ad manendum Romæ, vel eundem in Siciliam, vel in Indiam &c. Quod si

*Obedientia Sociorum explorat S. Ignatius.*

*P. Canisii heroica resolutio.*

in



in Siciliam eundum sit, paratum se esse ad quodvis officium, sive Coqui, hortulani, ostiarii, &c. sive professoris in quacunq; disciplina, licet sibi ignota. Votum addidit: se nullam habiturum curam commoditatum suarum, & intellectum atq; voluntatem suam plenè resignare Superiori suo. Tam liberali Canisij, & aliorum Sociorum omnium, resolutione mirè lætus S. Pater, duodecim ex diversis nationibus expedit in Siciliam, inter quos erat Canisius; cui Rhetorica cathedra assignata est in Collegio Mamertino. Ad hanc promptissimè se dimisit ille Canisius, qui cum Colonia Agrippinæ disceret Theologiam, jam sacras Literas maximo plausu explicabat in eadem Academia, universi Cleri nomine legatione fungebatur ad Cæsarem Carolum V, & contra Archiepiscopum Coloniensem Hermannum hæreticum gloriosè decertabat; ille Canisius, qui in Concilio Tridentino Bononiam translato, jam dixerat doctissimè sententiam, & à summis Ecclesiæ Præsulibus ad maximè ardua adhibebatur negotia &c. Sed his omnibus potior ei erat Obedientia. *Orland. hist. Soc. lib. 8. n. 8. & seqq.*

*Eodem die obierunt.*

*SS. tres Martyres Japonæ.*

2. Nangasachi in Japonia, anno 1597, trias SS. Martyrum Japonum, Paulus Michi, Joannes de Goto, Jacobus Kysai. Crux illis currus triumphalis fuit, quem lanceis per latera adactis, tinxerunt purpurâ sanguinis. *Paulus*, è forte scholasticorum, nobile genus virtute, ac prædicandi zelo atq; insigni facundia illustravit, quam & in carcere, & in ipsa cruce, miro ardore, nec sine fructu exercuit. *Ioannes*, & ipse scholasticis accensendus, floridus 19 annorum adolescens, Catechistam tunc agens, patri suo præsentì, & filii martyris cruore asperso, precatorem DEiparæ V. corollam, quâ usus fuerat, donavit. *Jacobus* è classe coadjutorum temporalium, jam annis 64, meritissq; gravis, incredibili gestiit lætitiâ, quod se Crucis-Christi participem videret; solitus aliàs ejusdem Patientis historiam in libello secum gestare, camque quotidie meditari legere. Honoravit DEus mortem fervorum suorum variis prodigiis; Urbanus VIII. Pontifex Max. authentica in Martyrum catalogum relatione.

*Corona precatoria.*

*Patientis Christi historia.*

*Vidua pro fide.*

*Theologia Martinonis.*

*Scripta nostra moderate amanda.*

3. Punicale in India Orientali, anno 1552. P. Paulus Vallius, à S. Xaverio ut insigni perfectione & virtute vir celebratus. Cum pro concione diceret, à barbaris Badagis captus, atq; diurnâ inedia, & carceris ærumnis extinctus est.

4. Burdigalæ in Gallia anno 1662. P. Joannes Martinon, Gallus, Theologus ingenio, eruditione atq; virtute excellens. Theologiam Scholasticam universam Tomis 5. editis comprehendit, & illustravit; diligens & accuratus in referendo, brevis pariterq; clarus in exponendo, acutus & prudens in discernendo. Fœtus ingenii sui, quàmvis suspicerentur ab aliis, tam amabat moderatè: ut, cum laboriosa quæpiam lucubratio intercidisset, æquissimo animo tulerit jacturam, dixeritq;: *Salva anima salute, nihil esse, cujus detrimentum moveat hominem.* Soutvell. in bibl. Soc.



## VI. FEBRUARI.

49

1. **P** Mattheus Riccius anno 1600 feliciter reversus est Nanchinum regiam olim Sinarum urbem, populi frequentia & ædificiorum splendore, nulli vel in Europa, vel apud ipsos Sinas secundam; ex qua anno præterito turpiter ejectus fuerat. Cum enim moestus urbe excessisset, & curarum plenus in somnum incidisset: Salvator noster spectandum se illi exhibuit, ac ferè totidem verbis, sicut antè S. Ignatio, favorem protectionemq; promissit: *Ego in utraq; urbe regia (scilicet Nanchini & Pechini) tibi propicius ero.* Non vanum fuisse somnium docuit eventus. Reversus enim anno prædicto Nanchinum, omnia alia invenit: proceres & summos Magistratus tam pronos habuit in sua vota: ut non solum certatim, cum amplissimis muneribus hospitem inviserent, & ad eam urbem incolendam prolixè invitarent: sed etiam domicilium ultro obtruderent; nec erat, qui advenæ negotium faceretur, quem cernebant omnes sic honorari à summis. Ergo P. Mattheus secundis utendum ventis censuit, propitioq; DEo sedem Nanchini fixit, in magnum Societatis Seminarium evaluram. *Trig aut. de Exped. in Sinas lib. 4. c. 4. & lib. 3. c. 10.*

*Christus promissit, se propitium futurum P. Riccio.*

*Nanchini fundatur domicilium Societatis*

2. Riga in Livonia iterum tumultuatum est ab hæreticis anno 1586, contra nostros & Senatum. Arguebatur iste, quasi Rectori Collegii scripto promississet Armamentarium civitatis Societati tradendum. Non defuit unus & alter testis, magis suspicionibus, quàm probationibus instructus. Rector ergo Collegij Rubenus datur in custodiam, è qua, postquam satis se purgavit, dimissus quidem est: sed postea turbis renovatis, Senatores duo torti & necati sunt; quod Collegium civitatis regi tradidissent, Jesuitis tradendum, & Cathedralem quoq; Ecclesiam promississent. *Sæcch. p. 5. hist. Soc. lib. 6. n. 29. & seqq.*

*Rigenses turba*

### *Eodem die obierunt.*

3. Romæ, anno 1612, P. Christophorus Clavius, Germanus, sæculi sui Euclidis. Correctum Calendarium Ecclesiasticum, jussu Gregorii XIII. strenuè vindicavit contra impugnatores: Quantus eminebat ingenio, eruditione, per s. Mathematicum Tomos sparsa: tantus virtute fuit Clavius, præsertim solida humilitate, quæ neminem unquam sibi, se omnibus semper postposuit. Non minorem oculorum suorum, quàm majorum Cœli luminarium, curam habuit. Cum aliquando per patentem cubiculi fenestram prospiciens in plateam, fortè incidisset in sceminae conspectum: fortuitum illum oculorum errorem tam severè castigavit: ut fenestrâ solidè observatâ, nunquam per omnem vitam prospectum in plateam sibi licere voluerit.

*P. Clavius vindicat Calendarium novum.*

*Curiositas oculorum severe puniunt.*

*A. Punicale, in India Orientali, anno 1600, P. Henricus Henriquez, Lusitanus,*

*pluri*



*Labor diuturnus in excolenda Indis.*

*Virtus honorata post mortem.*

*Choreis antecuratorialibus miscet se Damon.*

*Maturè consulendum salutari.*

50

plurimarum animarum piscatione dives, quas per annos 53 lucratus est in gemmifera illa regione, quam oram Piscariam vocant. Apostoli Commorienſium elogium decumanis laboribus meruit. Tam liquidis è coelo voluptatibus diffuebat, quam duris in terra calamitatibus premebatur. Sepulchrum ejus gloriosum fecerunt lapides & anathemata appensa pro beneficiis, per illum à DEO impetratis.

5. Flexiæ in Gallia, anno 1654, P. Joannes de la Chaufec, Gallus. Ad Societatem mirabili casu accitus fuit. Per licentiam antecuratorialium dierum eum undecim insignis nobilitatis Sociis personatus, atq; in choreas effusus, vidit tertium decimum Saltatorem repente cæteris immistum. Corripuit omnes non levis pavor, præsertim quando sequenti die malus genius inter exorcismos Joannem indigitans, inclamavit: Culamistratus ille meus est; meus est, ni caveat. Ego hesterni timoris causa fui; ego decimum tertium Saltatorem egi. Percussus Joannes, ut sibi consulere, ad Societatem se recepit, atq; in ea aliam personam, imò Christum, induit, potissimum per heroicam patientiam.

## VII. FEBRUARI.

*Vicarius Generalis ambitus accusatur.*

*Privatur suffragio passivo.*

1. **C**ongregatio IV. Generalis inchoata est anno 1581, à P. Oliverio Manarco, Vicario Generali, post obitum P. Everardi Mercuriani, indita: in qua felicissimis auspicijs electus est in Præpositum Generalem P. Claudius Aquaviva, planè necessarius temporibus illis. Ante electionem turbatum est non leviter, ob levissima quædam indicia ambitus, quæ videbantur cadere in Vicarium Generalem Oliverium Manareum. Sed cum hæc non probarent, & nihilominus Congregatio declarare vellet, quantopere id vitium abominaretur, decretum est: ut Oliverius officiū Vicarij retineret quidem & exerceret, cum jure suffragij activi; suffragio tamen passivo careret. Quo perlibenter ipse caruit, & jam antè ultro illo cessit, ut turbatis rebus rediret serenum. Oliverium in medium progressum, sic locutum refert Sacchinus: *Multarum, Patres, conscius equidem mihi sum culparum, propter quas non modò honore, sed et sancta quidem hæc Societate, dignum me agnosco, atq; profiteor: ceterum cujus criminis reus agor, ab eo me abesse longissimè, testis est mihi conscientia mea, & qui inruetur corda, vivosq; ac mortuos, judicaturus est, Christus JESUS; testes, ut opinor, è vobis plurimi, qui me nōstis. Infamia tamen omni sum dignus multis nominibus, neq; eam neq; ullam penam recuso aut deprecor, dummodo Societatis dignitas & tranquillitas salva sit. Agite igitur, create Præpositum Generalem huic oneri parem: Ego quidquid juris per leges mihi tanquam Professo debetur, eo omni, pacis causâ, hoc ipso loco prudens, volensq; quàm optima ratione, cedo, abdicòq; me. Re tota paulò post ad Gregorium XIII. Pontificem delata, postquam omnia, quæ contra Oliverium allata erant, scripto sibi tradita, diligenter exami-*



examinavit, Claudio jam electo Generali accito, sic pronuntiavit: *Renuncia Congregationi, me causam hanc diligenter cognovisse, & scripta illa incendisse: Porro Oliverium mihi planè bonum virum videri; istos verò Patres (qui negotium facessiverant) ulera quàm Constitutiones permitterent, longè progressos.* Sic suus honor Oliverio restitutus, & deinceps honorifica munera Provincialis & Visitatoris in varijs Provincijs demandata. *Sacch. hist. Soc. p. 5. lib. 1. n. 16. & seqq.*

*Eodem die obierunt.*

2. Punicale, in India Orientali, anno 1549, prima è Societate pro fide victima P. Antonius Criminalis, Italus, à barbaris Badagis impulsu Brachmanum, non ferentium stragem idolorum suorum, lanceis confixus incerto die; hodie tamen recolitur natalis ejus in vitam immortalem, quando natus est in mundum. A S. Xaverio, scribente ad S. Ignatium, laudatus est ut vir Sanctus, ac omnibus charissimus, talesq; plures desideravit pro Indiis. Totam Commorinensem Provinciam, quæ ipsi demandata fuit, singulis mensibus, nudipes, per ducenta, & amplius, passuum millia percurabat, incredibili animarum zelo impellente. Quotidie tricies, sæpe quadragies, postis humi genibus, precabatur.

3. Albenaci, in Gallia, anno 1593, in odium fidei aliæ duæ ceciderunt hostiæ, P. Jacobus Salesius, & Guilielmus Saltamochius, Coadjutor, Gallus, uterq;. Ab hæreticis capti, longa fame sitiq; cruciati, variisq; aliis ærumnis vexati, tandem trucidati sunt. Pater Jacobus primum sclopo trajectus, mox inter orandum pro occisoribus, ferro in pectus adducto, confossus est: Guilielmus prostratum Patrem amplexus, pugionibus necatus; cadavera per dies 6. jacuere inhumata. Ad hanc palmam egregiè se paravit uterq;. P. Salesius, licet variis morbis continuò obnoxius, laborabat ut valens: Ubi ubi esset, aliquem è Sociis deligebat, qui ipsum de erratis admoneret. Cubiculi januam pulsante quopiam, curvatis genibus dicebat: *Intra DEUS meus, intra animam meam.* SS. Eucharistiam fere horis singulis adorabat, petebatq; copiam Martyrii à Rege Martyrum, bono JESU, cujus amor semper illi erat in corde & ore, sive prædicanti, sive familiariter colloquenti.

4. In Gallia anno 1610 P. Simon Riviere, Gallus. Quàm amicus humilitati, tam constans hostis fuit vanæ gloriæ. Ultimis septem vitæ annis ad officia Coadjutorum temporalium descendit. Etiam morienti sæpe in ore fuit: *Fugiamus vanam gloriam.* Et illud Apostoli sæpe sibi inculcari voluit: *Abstine mihi gloriari, nisi in Cruce D. N. JESU Christi.* Post octiduum prædixerat sibi obitum, & obiit.

VIII. FEBRUARI.

1. Anno 1550 creatus est Pontifex Max: Julius III, antè Joannes Maria de monte, seu Montanus, Cardinalis Prænестinus: qui ut in Tridentino Concilio, cui Sedis Apost. Legatus præsidebat, prolixè Societati faverat; sic in Pontificatu, quanti eam faceret, & verbis declaravit & rebus. Institutum Societatis à Paulo III. approbatum, sua auctoritate confirmavit, & quæ in

A Gregorio XIII. innocens pronuntiatur.

Primus è Societate pro fide casus.

Zelus Apostolicus.

Oratio frequens.

Victima gemina pro fide.

Corrector defectuum.

SS. Eucharistia fere in horas adorata.

Vanæ gloriæ fugienda.

Julius III Pontifex creatus.



Institutum So-  
cietatis confir-  
mari & decla-  
rari.

S. Ignatium  
praecepto obedi-  
entiae jubet pe-  
tere à se etiam  
temporalia ne-  
cessaria.

Reverentia er-  
ga ipsius.

Pauli Bulla obscuriora, variamq; admittere interpretationem, ad Ignatii mentem declaravit. Incipit Bulla, *Exposcit debitum pastoralis officij &c.* Spiritualibus gratis temporalia subsidia liberaliter adjecit: & S. P. Ignatium spiritualia tantum petentem pro animarum bono, praecepto Obedientiae adstrinxit: ut in angustiis Domus Professae Romanae ad se fidenter & sine verecundia accederet: monuitq; unum de familiaribus suis: ut eum de Domo illa sublevanda subinde admoneret. Praefectum cubiculi sui admonuit: ut quoties ad se se Ignatius accederet, omnes ei confestim paterent aditus; neq; sineret prae foribus morari, quamvis aliquid negotij cum Cardinalibus haberet Pontifex. *Orland. hist. Soc. p. 1. lib. 10. & 14.*

2. Anno 1581, inchoata Congregatione IV. Generali, Vicarius Generalis Oliverius Manaræus cum alijs aliquot deputatis Patribus, Gregorium XIII. Pontificem Max. pro more adiit, benedictionem petiturus pro felici electione Praepositi Generalis. Pontifex exceptis paternè Patribus, magnificè in laudes Societatis excurrit, atq; inter alia: *Sanctus hic Ordo vester, inquit, ac verè inquam Sanctus, toto jam Orbe terrarum propagatus est; ubiq; Collegia & domicilia habetis, Regna & Provincias, & orbem totum vos regitis &c.* Quae postrema verba paulò post iterum repetijt. *Sacchin. hist. Soc. p. 5. lib. 1. n. 13.* Nimirum Orbem regit Societas non imperio & auctoritate; sed opportuna directione in spiritualibus.

*Eodem die obierunt.*

Victima pro fide.

Apostolici labo-  
res charitate,  
paupertate, pa-  
tientia ornati.

Victima pro fide.

3. Ozaca in Japonia, anno 1636. P. Didacus Yuki, Japon. Pro fide totius tridui suspendium, prono in foveam capite, toleravit, certavitq; fortis usq; ad mortem, imò morte fortior. Proscriptis, Daifusama Imperatoris edicto, è Japonia Sociis, perlicit ipse in patria, dissimulatà personà, magnis pro re Christiana itineribus, magnis laboribus exantlatis per ipsos 20 annos. Nullius unquam usus est hospitio, ne ulli noceat; errabat per sylvas, è quibus opportunè prodibat ad juvandos Christianos, folis agrestibus herbis victitans.

4. In Florida, Americana regione, anno 1571, à fidei desertore alijsq; barbaris trucidati sunt, & concisi, P. Joannes Bapt. Segura Hispanus, cum 4. Sociis, Gabrielle Gomez, Petro de Linares, Sanctio Savallio & Christophoro Rotundo. Savitum in Sacram supellectilem, praesertim in Imaginem Crucifixi; ut appareret magis, quo impulsu in eam eadem exarserint homicidæ.

5. Triguera in Hispania, anno 1566, piè decessit P. Joannes Leonius, Hispanus, mortis Nuncio ea animi exultatione accepto, ut nunciantis medici manum poposcit ad osculum. Ob suavissimam morum facilitatem Agnus dictus. Vox tamen ipsius in Sacra cathedra, vox leonis erat, ad percellendos animos. Alterius P. Joannis Leonii, Belgæ, mentionem facit Alegambe in Bibliotheca Societatis; qui ad propagandum DEiparæ V. cultum, & animos adolescentum teneriore pietate imbuedos,

Agnus idem  
& leo.



hos, primus Romæ instituit anno 1563 Sodalitatem Marianam, quam deinde Parisios promovit, nunc per universas Societatis domos & Collegia felicissimè diffusam cernimus, cum incredibili fructu, & sedis Apostolica approbatione. Obiit diem suum Taurini; annus & dies obitus non exprimuntur.

*Institutor Sodalitatis Marianarum in Collegijs Soc.*

6. Pragæ in Bohemia anno 1692 P. Mathias Tanner, Bohemus, virtute, eruditione & Theologiæ laureâ clarus. Præter alia edidit insignia duo opera, *Societatem usq; ad sanguinis profusionem militantem; & Societatem Apostolorum unitricem*. Utrumque Tomum elegantibus iconibus exornavit, & magna parte se ipsum expressit.

*Tanneri opera de Societate.*

## IX. FEBRUARII.

**A**Nno 1621, post obitum Pauli V. Pont. Max. ipso die ingressus Cardinalium in Conclave, qui erant quinquaginta duo, raro consensu creatus est Pontifex Gregorius XV, antea Alexander Ludovisus dictus, Archiepiscopus Bononiensis, & Presbyter Cardinalis *Spondanus an: 1621*. Canonizavit Sanctos Ignatium & Xaverium, concessitq; Indultum, recitandi Officium, & Missam celebrandi de B. Aloysio Gonzaga. *Bullar. Comm.*

*Gregorius XV. creatur Pontifex.*

2. In Gallia anno 1565, tempore Conventus Poissaci, in quo tractabatur de componendis gravissimis turbis inter Catholicos & dissidentes; præclaram Ecclesiæ Catholicæ navavit operam P. Jacobus Laynez Præpositus Generalis, à Pontifice illuc expeditus cum Cardinali Farnesio. Hæreticorum ministrorum arrogantiam, præsumptum in Conventu illo Augusto sedere, cum Catholici Doctores starent, compressit; Reginam regnantem, ne interesset disputationibus inter Catholicos & hæreticos, quas non intelligebat, admonuit, & impetravit; Sacrosanctum Missæ Sacrificium egregiè declaravit; Conciones per Adventum Domini magno cum fructu habuit; Collegiorum Academicorum Rectores, Religiosorum Ordinum Superiores, Prælatos & Principes, specialiter Condæm, indefessus conveniebat, & ad tuendam Religionis integritatem animabat; ne templa hæreticis concederentur, libello Regine oblato zelosissimo institit, hæreticorum pertinacissimos & violentos conatus infregit; Societatem in Gallia recipi impetravit; ea deniq; gessit, quæ ab uno homine fieri posse, vix esset credibile. *Sacch. hist. Soc. p. 2. lib. 5. & 6.*

*P. Laynez Præp. Gen. ingens & fructuosus labor.*

### *Eodem die obierunt.*

3. Romæ, anno 1645, P. Mutius Vitellescus, Italus, genere illustris, sed virtute magis, ac regimine felici universæ Societatis. Præpositorum Generalium ad admirabilitatem usq; longè travissimus, sibi semper simillimus, ad levamentum afflictorum mirè dexter, ac perspicax agendorum. Apertæ illi semper ad quemvis audendum aures, patientia multo majore, quàm sperari posset ab homine adeo occupato; erectus animus, & quantum citra injuriam Instituti licebat, indulgens; honorare

*Patris Mutij Gen. suavitatis & aquanimitas.*



*Gratitudo pro  
beneficio voca-  
tionis in Socie-  
tatem.*

*Victima Cha-  
ritatis.  
Modestia &  
pietas in sacri-  
ficando.*

*Ad mortem  
omni hora pa-  
rans*

*Mors Fratri.  
Oviedo.*

omnes illi planè congenitum: quibus dotibus mirum quantum sibi omnium corda devinxerit. Nihil mediocre in illo apparebat, sive adolescens studiis operam daret, jam tum singulari morum innocentia conspicuus, sive Philosophiam ac Theologi-  
am Romæ doceret, sive pro concione diceret, Assistens Italiae, sive Provincias, Ro-  
manam & Neapolitanam, ac deniq; Societatem totam annis 35 gubernaret. Vocati-  
onem ad Societatem quantopere æstimarit, non obscure prodidit, solitus diem 15  
Augusti, quo ingressus est, præmissa pridie in triclinio flagellatione sui, quamdiu  
per ætatem licuit, celebrare, eoq; die aliquem recipere in Societatem.

4. Gadibus in Hisp. anno 1649, Charitatis victima insignis, cecidit P. Joannes  
Avellanda, Anglus, postquam pestifera lue tactis mira sedulitate servivit. Angelica  
illi innocentia micabat ex vultu oculisq; modestissimis. Etiam sæculares sedulo o-  
peram dabant, ut videre sacrificantem possent: tam sanctè sancta tractabat. Præter  
P. Joannem occubuerunt eodem anno, in eodem obsequio 17 à Societate in diver-  
sis locis. *Alegambe in Victim.*

5. Turnone in Gallia, anno 1617, mortem appetiit P. Gaspar Masius, Gallus,  
adèd non improvisam; ut rogatus, quid facturus esset, si eunti ad scholas, vel re-  
creationem nunciaretur; post horam moriendum esse? respondit: *Se tum etiam, et  
obedientia destinatione, ad scholas, vel recreationem, iturum.*

6. Compluti in Hisp. anno 1651 immaturâ morte sublatus est P. Franciscus de  
Oviedo religiosa pietate, & doctrinæ soliditate, quam ejus opera Philosophica &  
Theologica testantur, celeberrimus. Peracto enim insolita devotione divino sacrifici-  
o, ac lectione in schola tradita, regressus in cubiculum, concidit & exspiravit.  
*Sontrevallus in bibl. Soc.*

## X. FEBRUARI.

*Victoria pra-  
clara regis  
Bungi in Ia-  
pon. faventis  
Christianis.*

*Ignis parit cu-  
biculo Patrum  
in Iaponia.*

1. O Pportunè anno 1553 in Japonia Amangucio Bungum redijt P. Baltha-  
sar Gagus, qui rem Christianam in terris illis curabat. Arma enim  
contra regem Bungi, Christianis apprimè faventem, corripuerant rebelles  
quidam Procerum. Misit ergo Gagus Joannem Fernandium, lingvæ Japo-  
nicæ peritiorem, qui regem erigeret, firmaretq; spe auxilij sibi adfuturi à  
DEO, quem Xaverius ipsi prædicaverat, & cujus ministros semper authori-  
tate protexerat. Animatus rex irruit in rebelles, eosq; internecione delevit.  
Cum autem domibus eorum ignis injiceretur, is ultra limites progressus,  
etiam innocentium ædes corripuit, atq; inter alias domum amici, apud quem  
Patres supellectilem sacram & profanam deposuerant. Ea tamen discreti-  
one, moderante cælo, usum est insatiabile elementum: ut, cum cæteras do-  
mûs partes in cinerem redegisset, solum illud cubiculum Patrum reliquerit  
intactum. Quæ res plurimum valuit ad illustrandos ethnicos, & firman-  
dos neophytos. *Orland. hist. Soc. lib. 13. n. 92. & seqq.*

2. Anno 1605 Cardinalis Perronius (Eminentissimus non solum di-  
gnitate



gnitate sacra, sed doctrinâ, & dogmatum Ecclesiæ contra hæreticos propugnatione) epistolam dedit ad Cardinalem Bellarminum, Archiepiscopum tunc Capuanum: qua se luculenter purgavit à calumnia sibi impacta: quasi minùs æstimaret editas ab ipso Controversias Fidei, tanquam operosas in adducendis hæreticorum argumentis, sed imbelles in confutandis; dixissetq;: Futurum Ecclesiæ utilius, si controversias istas nunquam imprimi permisisset. Ad quod sic respondet dictus Cardinalis: *Hæc horribilis, & ab ipso parente mendacij effusa criminatio affectu animum meum stupore inenarrabili; meq; affixit tantò acerbius, quantò certior ego sum: non vocem modò, sed ne cogitationem quidem ullam esse in me hujus mendacij ream. Imò & quæ dixeram, & quæ cogitaveram antea, ubicunq; demum vixi, cò collinearunt semper: ut ostenderem à me pluris æstimari Opus Controversiarum Bellarmini: quàm opus aliud quodcunq;, quod pro Ecclesiæ defensione vel à millesimo anno in lucem prodierit.* Hæc & plura similia sapientissimus & zelosissimus Cardinalis. *Petræ sancta in Vita Bellarm. lib. 2. cap. 7.* Vide infra 12. Febr. Et sanè si auctoritatem Controversiarum Bellarmini extenuaverimus: quod Opus ostendemus, quod solidius tueatur Fidei dogmata, & pejus oderunt, impugnâruntq; hæretici?

Card. Perronij  
judicium gra-  
vissimum de  
Controversiis  
Bellarmini &  
aliiq;

### *Eodem die obierunt.*

3. Novocomi in Italia, anno 1610, P. Carolus Carlantinus, potens Verbo, sed *Mirâ converse* maximè lacrymis, cùm Sacro poenitentia tribunalis præsideret. Multos habuit filios *homicida vin-* lacrymarum, quibus corda obdurata mollebat, & accendebat. Fuit, quando tem- *dictam spiratq;* plum adiens in foribus ejusdem offendit hominem sclopo occulto, aliisq; armis in- *is.* structum, ut inimicum suum trucidaret. Sceleratâ hominis cogitatione divinitus cognitâ; *Quid tu,* inquit P. Carolus, *hic spectas miser? quid meditaris infelix? Veni seque-* re me, & confitere de peccatis. Apprehensumq; manu duxit ad sacrum tribunal. Attoni- tus ille, ac pene mente motus, ubi animum collegit, rite confessus, dissidium omne solvit, mundoq; nuncium remisit. Non defuit & gratia sanitatum, & potestas in spi- ritus malignos, ac veneficia. Servo DEi; tantusq; erat in omnium opinione: ut nobi- les ac docti quidem vel de solea ejus calcamenti aliquid sibi postulârint

4. Vefontione, in Lothoringia, anno 1638, religiosè decessit P. Leonardus Pe- *Reverentia vi-* rinus, Lotharingus, ejus Sanctimonix tanta fuit opinio; ut obeuntem è quadam *ri verè religios* urbe in genua procumbentes cives, quaquâ ibat, orarent; bene sibi ut precaretur. Obedientia illi ad extemporalitatem prompta, ita; ut conciones pro singulis Adven- *Indifferentia* tus diebus habendas, ex tempore, nulla præmissa præparatione, nihil excusans vel *specialis ad* prætendens, susceperit: & cùm Theologiam doceret, ad docendam Rhetoricam lu- *quodlibet inno-* bens descenderit, eoq; munere per annos plures laudatè functus, iterum ad concio- *cus.* nes, tum ad Theologiam iterum redierit.

5. Lugduni in Gallia, anno 1656, P. Franciscus Daix, Gallus, in conspectum opta-



SS. Trinitatis  
cultus.  
Visitatio Ven.  
Euchar.  
Sanguinis quo-  
tidiana profusio  
Erga S. Scri-  
pturas reve-  
rentia.

Medicina peri-  
ti socij possunt  
subvenire infir-  
mis citra adu-  
sionem & inci-  
sionem.

Judicium Car-  
din. Mantuani  
de P. Lainio.

Expeditio in  
Africam.

Ieiunium Qua-  
drag. sancte &  
salubriter ob-  
servatum.

optatissimum divinæ Triadis, ut credere licet, evocatus est, cuius cultui erat addi-  
tissimus, uti & Ven: Eucharistjæ; quam die nocteq; frequenter viscebat, & quoties ad  
portam accersitus erat, non prius redibat ad cubiculum, quam illâ visitatâ & ado-  
ratâ. Cruciandi corporis sui studiosissimus, molestum sibi fore diem æbebat, quo san-  
guinis aliquid non libaret Christo: si Martyr esse non possit, debere se tamen passio-  
num Christi aliquatenus esse participem. S. Scripturæ quotidie Capita aliquot per-  
legebat flexis genibus, & capite apertò, prophetiæ dono & alijs gratis gratis da-  
tis à DEO honoratus.

## XI. FEBRUARI.

1. Anno 1576 Gregorius XIII. Pont. Max. concessit: ut ex Societate medi-  
cinæ periti mederi possint agris citra adusionem & incisionem &c.  
Breve incip. *Unigeniti DEi Filij*. Concedit igitur: ut Religiosi præfati id  
absq; aliquarum censurarum, seu poenarum incursum, & conscientiæ scrupu-  
lo valeant exercere de Superiorum suorum licentia, quibuscunq; personis  
infirmis, citra tamen adusionem, vel incisionem per se ipsos faciendam  
quando tamen medici sæculares commodè haberi non possunt. Non ob-  
stantibus quibusvis Constitutionibus, &c. *Bullar. Societ.*

2. Anno 1563 Præpositus Generalis Societatis Lainius, cum in Triden-  
tino Concilio Theologum Principicum magno plausu ageret, ita Præsidi  
Concilij, Cardinalis Mantuani, sibi ac Societati cor devinxit: ut Imperare  
sibi non potuerit, quin illum expediret Mantuam, cujus urbis erat Episco-  
pus, ad fundandum ibi Collegium, & ordinandam dioccesim. Tridento i-  
taq; profectus, pari celeritate ac felicitate, commissa expedivit, ad popu-  
lum & sacras Virgines pios sermones habuit, rebusq; confectis, nono die  
Tridentum redijt. *Sacchin. hist. Soc; p. 5. lib. 7. n. 1.*

3. In Africæ regionem Angolanam expediti sunt anno 1574 Socij 4.  
quamvis unum, antea missum, in custodia detineret rex barbarus, Patrem  
Franciscum Goveam. Triplex ibi hominum genus repererunt, Lusitanos,  
ethnicos, & advenas ex vicino regno Congi Christianos, sed qui præter no-  
men vix aliquid Christiani habebant. A carnibus abstinebant nunquam,  
inclementioris cæli obtentu: cumq; videbant Patres in Quadragesima a-  
liisq; diebus vetitis abstinentes, dicebant: paulò post scabie & elephantiasi  
corruptum iri. Sed isti constanter Ecclesiæ præceptis morem gerentes, ac  
nihilominus sani, ipso exemplo suo absurdam consuetudinem sustulere.  
*Sacchin. p. 4. lib. 3. n. 191.*

*Eodem die obierunt.*

4. Valentiz in Hisp. anno 1606, P. Michaël à Fontibus, operarius strenuissimus  
in Amc-



in America Peruana. Apostolicis laboribus fesso, aliquando spectandam se dedit DEi-para V. ( quam ille religiosissimè ac ingeniosè colebat ) promissiq; : hujusmodi labores & ærumnas illi loco purgatorii futuras, ut sine mora cœlum adire possit. Cuius promissi gratiam quavis feriâ secunda certis mortificationibus recolebat. Religiosus quidam ex sacra D. Francisci familia, singulari virtute eminens, testatus est, P. Michaëlis animam cœlos conscendentem, obviam habuisse DEiparam V. cum Apostolorum Principe, S. Joanne, & S. Ignatio, quæ suismet manibus splendidam coronam beatæ illi animæ imposuit.

*Labores Apostolici liberant à Purgatorio.*

*B. V. Clientem suum deducit ad cœlum & coronat.*

5. Namurci in Belgio, P. Joannes de Renesse, Belga, in Societatem & Animas defunctorum beneficentissimus. Placuit Divinæ Bonitati in illo adumbrare vetus illud patientiæ miraculum, Divum Job. Nam & P. Joannes incredibili fortitudine animi sustinuit, tum horrendam nobilissimæ familiæ suæ & fratris ruinam atq; catastrophem; tum ingentes & diuturnos morbi corporis dolores, tum acerbissimos animi scrupulos & mortis futuriq; judicii terrores. At sub vitæ fidem serenissima animi tranquillitate potitus, nihil magis, quàm dissolvi expetiit, obiitq; inter ea geſtantis animi argumenta: ut DEus præteritas ærumnas cumulatè ipsi compensâsse, etiam in hac vita, videretur.

*Patientia fortis.*

6. Ulyssiponem Lusitanæ principem urbem cùm anno 1599 atrox pestis depopularetur, expositi sunt complures è Sociis diversarum lingvarum, qui popularibus suis, ægris & valentibus, solatio essent & auxilio. Sex illorum in ea fatali, imò triumphali, arena ceciderunt variis temporibus; hoc die P. Calixtus à Motta, vir impiger, & zelo ardens animarum.

## XII. FEBRUARII.

1. **A**Nno 1605 cùm in urbe fama iniquissima, sparsa ab invidis gloriæ Card; Bellarmini percrebuisse: quasi Card. Perronius utilius Ecclesiæ existimâſset, si Controversiæ Fidei Roberti Bellarmini in lucem non prodissent: petiit urgentibus literis Bellarminus jam Cardinalis, ut Cardinalis de Joyeuse, intimus Card. Perronij, opportunè exquireret hac super re sententiam ipsius. Fecit Joyeuse, quod rogatus fuerat, prædictoq; anno & die respondit Bellarmino: *Blasphemiam adeò immanem* ( hoc enim nomine appellare vocem illam criminiosissimam voluit ) *à Card. Perronio proficisci non potuisse*. Statim enim ac hujus famæ mentionem in familiari sermone apud ipsum fecit, ita consternatum affirmavit; *ut ferè linguæ animo visus sit*; nec ipse, Joyeuse, unquam viderit hominem, *vel magis perturbatum, vel indolentem gravius*. Quomodo ipse Card. Perronius se purgaverit, recole dicta 10. Februarij; & vide Petrasanctam, utriusq; Epistolam recitantem, cum summa Controversiarum Bellarmini commendatione, *lib. 2. Vitæ Bellarmini, cap. 7.* Advertant ad hoc maximorum ac doctissimorum Ecclesiæ Prælatorum judicium, communemq; etiam heterodoxorum sententiam

*Bellarmini controversiarum estimatio vindicta.*



rentiam, moderni quidam sciolii; quibus desipit Bellarminus, quem vel non largiùs gustarunt, quàm canis Nilum, vel non capiunt. Advertant ad gravissimum iudicium Card. Barronij, qui ad Ann: 53. n 32. Controversias Bellarmini appellat *Nobilissimum planè opus, quod instar curris illius, quam David edificavit cum propugnaculis, ex qua mille pendent rhypei, & omnis armatura fortium, in Ecclesia habeatur.*

Raynii reditus  
Romam ex  
Gallia.

2. Anno 1564 Lainius, Præpositus Generalis, à Conventu Poissaco in Gallia, Religionis causâ celebrato, rediit Romam, plenus meritorum & gloriæ ibi partæ prudentiâ, eruditione, & zelo singulari.

Turba in His-  
pania externa  
& interna.

3. In Hispania anno 1587 magnam iniecerunt sollicitudinem Præposito Generali Claudio & universæ Societati, non solum Quæsitores sacri, qui ex levibus indicijs quosdam nostrorum coniecerunt in carceres: sed etiam, & multò magis, degeneres quidam, capitosi, & rerum novarum cupidi Socij, quorum caput Dionysius Vasquius, publicè criminantes tum rationem gubernationis, tum ipsum Institutum. Horum sollicitatione inducti Quæsitores, Provinciali Castellæ mandârunt hoc die, sub pœna Excommunicationis, ut intra mensem, omnia Exemplaria Instituti, Privilegiorum & Rationis studiorum, quotquot essent in Provincias Hispaniæ, ad ipsos deferrentur. Prohibuerunt insuper; ne quisquam sine ipsorum licentia proficisceretur extra Hispaniam. Rebus tam afflictis, recurrit post DEum, ad Pontificem Sixtum; quem ita benevolùm invenit: ut gravibus literis supremum Quæsitorem, Cardinalem Quirogam, & Libros omnes restituere, & totam causam ad se remittere, sub pœna Depositionis ab Officio & privatione Cardinalatus jussit. Sic compositis motibus externis, etiam Domesticis seditionis injecta cura est, religiosius componendi mores suos. *Sacchin. p. f. lib. 7. n. 80 & seqq.*

*Eodem die obierunt.*

Rektor juvenis  
sed maturus.  
Contemptus sui  
insolentia  
Industria facit  
hominem eru-  
diti.  
Zelo animarum.  
Facilior secula-  
rium quam spi-  
ritualium con-  
versio.

4. Ulyssipone in Lusitania, anno 1571, P. Alphonsus Nunnus Barretus, Collegii primùm Eborensis, deinde Ulyssiponensis Rektor, licet 27 annos ætatis vix numeraret. In tyrocinio Societatis ardentiore sui contemptus studio abreptus vili tæmerna tectus ac nudipes, in forum Conimbricense prodiit, infami columnæ sese alligavit, atq; voce misericordiam à JESU, infami columnæ adstricto, imploravit, stupente Urbe. Infamiam bajulorum faciem, crassâ divinorum inscitia laborantem, ut contracta familiaritate, opportuniùs suaviùsque erudiret, simili illis cultu corporis instructus, tanquam unus ex ipsis cum ipsis agebat, probeque instructos ad confessionem adducebat. Sacerdoti obsecrâ vitâ infami, famulum se addixit, ut opportunis monitis eum ad sanio rem mentem traduceret. Cùm nihil profecisset, conversus ad complicem mulierculam, tanto verborum pondere cum illa egit, ut ad expian-

dam



dam vitam totam, & constantem emendationem eam adduxerit.

5. Neapoli, anno 1581, P. Christophorus Rodriguez, Lusitanus, Missiones suas perarduas beato fine conclusit. Magnis itineribus laboribusq; fidei promovendæ causâ susceptis, celebris, Cayrum & Alexandriam adiit, à Pio V. ad magna quæq; adhibitus. In navali Joannis Austriaci contra Turcas expeditione, militi pugnanti medios inter hostium globos, intrepidus effigiem Crucifixi præferebat, & victoriam cruenta sui flagellatione sæpius repetitâ, conciliare studebat. Provinciâ cum præesset, Collegia visitabat pedes, Sarcinulæ suæ bajulus, nec alio, quàm, emendicato viatico usus.

*Missionarius ex aliens.*

*Provincialis pauper & humilis.*

*B. P. clientes suos coelo invenit.*

6. Rigæ in Livonia, anno 1611, florens, sed in brevi consummatus, juvenis Jacobus Mlocki, Scholasticus, natione Litvanus, raptus est splendido cœli Reginae curru. DEiparam V. præcipua veneratione profecutus, ab eadem imminere sibi mortem celerem, didicit. In extremo morbo, valetudinarii ministro dixit: Magnos hic habemus hospites: eni gloriosam Cœli Reginae splendido advectam curru, quo animas in cœlum avehere solet. In agone oculos in Crucifixum, digitum in abducenturam se DEiparam intendens, feliciter ut credere licet, avectus est.

### XIII. FEBRUARII.

1. Anno 1557 Andreas Oviedus, è Societate assumptus ad Episcopatum, ac deinde Patriarcharum Æthiopiæ, cum feliciter appulsus esset cum Patriarcha Joanne Nunnio Barreto, Goam in India: relicto ibi Patriarcha, solvit hoc die in Æthiopiam, ut exploraret animû Claudij Imperatoris; quantum propendeat ad suscipiendum Patriarcham legitimum, & ad unionem cum Ecclesia Romana. Non obscura enim dederat ejus propensionis argumenta: quibus permotus rex Lusitaniæ, impetravit à Summo Pontifice consecrationem, & missionem in Æthiopiam, unius Patriarchæ, & duorum Episcoporum è Societate. Si etiam P. Ignatius ad dictum Imp. Claudium zelosissimas dedit literas (quas recitat Orlandinus p. 1. hist. Soc. lib. 15, n. 105 & seq.) quibus ei commendabat dictam Unionem, & Prælatos ab Apostolica Sede expeditos. Sed homo perfidus, ubi rem seriò agi vidit, & Patriarcham non admisit, & Episcopum Oviedum, quantocius excedere regno jussit. Perstitit ille tamen: & paulò post vidit Claudium malè pereuntem cum exercitu profligato à Mahometanis anno 1559. *Soutvell. in Biblioth. Soc. sub Nomine Andreæ Oviedi.*

*Patriarcha Æthiopiæ & Episcopi è Societate.*

*S. Ignatij littera ad Imperatorem Æthiopiæ.*

*Hæretici & Schismatici Orientales perfridi.*

#### *Eodem die obierunt.*

2. Neapoli, anno 1585, P. Alphonsus Salmeron, Hispanus, unus è decem primis fundamentalibus Societatis lapidibus. Missionibus compluribus & gravissimis à Summis Pontificibus fuit applicatus. A Paulo III. in Hiberniam expeditus, cum Nuncii Apostolici potestate; à Paulo IV. in Belgium & Poloniam; ter ad Concilium Tridentinum ut Theologus Pontificius; ubi summi ingenii & incredibilis eruditio-

*P. Alphonsus Salmeron Missionarius Apostolicus, & Theologus.*



*Eruditio ejus  
summa in con-  
cilio Trident.  
& editis 16.  
Tomis.*

*Festinandum  
in via perfe-  
ctionis.  
Operarius in  
desessis.*

*Incommodorū  
tolerantia.*

*Sitis diu tole-  
rata.*

nis specimen dedit. Coram Pio V in verno jejunio, jussus conciones habuit magna cum satisfactione. Collegium & Provinciam Neapolitanam fundavit, primus rexit, & gliscentes ibi Lutheri errores scriptis & concionibus compressit. Eruditionem suam sacram, per XVI Tomos in Evangelia, & reliquum Testamentum novum, diffudit, typis sæpius repetitis, obiitq; magno amplissimæ civitatis mœrore, vir par eminens pietate, zelo, & sapientiâ.

3. Collegio Theatino in Italia, anno 1626, ereptus est morte maturè prævisa, P. Ignatius de Juliis. Biduo ante supremum morbum, coram Ven: Eucharistia ardentius oranti allapsa est clara vox: *Festina Ignati. festina: quoniam per paucos tibi superant dies.* Dum valeret tot unus obibat officia; quot, illo defuncto, tribus gravandis Sacerdotibus sufficiebant. Singulari pollebat industria ad disponendos moribundos; ut passim, etiam illi, qui aliàs alieno à Societate animo erant, P. Ignatii operam pro illo articulo expeterent. Ad ignem nulla illum hyemis sævitia, ad frigidæ levamentum nullus æstatis ardor, ad lectulum nulla corporis lassitudo compellere potuit.

4. Vallisoleti in Hisp. anno 1585, Sancius de Aula, Novitius, Hispanus. In diuturno 80 dierum morbo, cum ingenti siti æstualet, atq; ad manum semper haberet frigidam; nunquam eâ linguam refrigeravit, ardorem sitis Christo in cruce sitienti offerens. Biduo ante mortem Salvator ei apparuit, qualis in cruce sitibundus pependerit: cui Sancius, *Domine mi. summe inter electos tuos?* Affirmante Domino, subdidit ille: *Domine accipiesne me tecum?* Tum Christus; *Ita fili, accipiam te mecum.* Sic Sancius post longam sitim abiit ad torrentem voluptatis æternæ.

#### XIV. FEBRUARI.

*Iter Apostolicū.*

*Donum lingua-  
rum in S.  
Xaverio.*

*Vaticiniū du-  
plex.*

**A**Nno 1546 S. Xaverius Malacā discedens in Amboinum, seu Molucas insulas, hodie in earum conspectum venit, postquam turbam nauticam, idolis addictam, ad Christum convertit, & baptismo expiavit. Erant nimirum sermones, quos ad ipsos habebat, miraculo armati. Cum enim essent linguarum diversarum, omnes ipsum suo sermone loquentem audiebant; vel si Lusitano sermone uteretur, omnes ipsum intelligebant, ac si patrio ipsorum sermone loqueretur. Duplex eo in itinere edidit vaticinium; & de Molucis insulis altero die in conspectum venturis; & de securitate à piratis. In scapham enim majoris navigij dimisso Xaverio, ut in Amboinum exscenderet (nam navis in Bandam insulam pergebat) apparuerunt duo prædatoria navigia, quæ in scapham plenius velis involabant. Sed repente valido vento exorto in altum rejecta est, piratæ verò extra conspectum abacti. Cum nihilominus timeretur, ne piratæ per insidias navim invaderent: securos esse jussit vectores Xaverius; nihil mali eventurum asseverans. Et verò feliciter commodeq; Amboinum tenuerunt. *Bartoli in Vita lib. 2. n. 10.*

*Eodem die obierunt.*

2. Lovanii in Belgio, anno 1589. P. Joannes Hamelius, Belga, inter prima Bel-

gii la-



gii lumina sua ætate habitus, Collega P. Lessii in Theologia tradenda. Peste contracta à moribundo, quem disponebat ad supremam luctam, sublatus est. Angeli apparitione primum recreatus. Eodem anno Barcinonæ in Hispania sex è nostris occubuerunt in eodem pestiferorum obsequio: Vilnæ in Litvania duo.

*Victima charitatis.*

3. In Zebu, insula Philippina, anno 1627, Gaspar de Garay, Coadjutor, Hispanus, svavissima morte defunctus est, post vitam asperimè actam. Singulis hebdomadis ter inediâ se macerabat; nullum diem sine linea cruenta, per acrem flagellationem, elabi patiebatur; nullus, ne in supremo quidem morbo, culcitra aut lineæ supellestilis, usus, quàmvis in sæculo insignem inter varias commoditates egerit navarchum. Extremis 12 vitæ annis captus oculorum luce, quidquid in templo sacrificiorum erat, devotissimè a diebat.

*Mortificatio constans.*

4. Colonia Agrippinæ anno 1656 P. Hermannus Baving, Germanus. Cùm provinciam gubernaret Rheni inferioris, & aliàs, Magistros impensè hortabatur: ut inter discipulos, S. Angeli Custodis cultum studiosè promoverent. Ipse & moribus & vultu, & perpetua animi serenitate Angelum egregiè repræsentabat. Ter quotidie, ut minimum, Coronam DEiparæ V. recitabat: Litanias verò ejusdem toties, quoties vel minima ei dabatur temporis non occupati aliis negotiis particula,

*Angeli Cus-  
tulus.*

*DEip. V. cul-  
tus.*

## XV. FEBRUARII.

1. **A**ndreas Oviedus, Episcopus Hieropolitanus è Societate Jesu, anno 1557 Goâ solvit in Æthiopiam: ut res & ingenia Æthiopiarum exploraret, & Patriarchæ Joanni Nunnio Barreto, accessum sterneret ad Imperatorem illius gentis. Socios secum duxit quinque; . Ut Baroam attigit, quod est oppidum imperij Abassyni, subiectum Principi Isaaco Barnagazio: is obviam egressus, perhumaniter & magno honore excepit Episcopum. Populi verò ea fuit gratulatio, isq; ad manus ei deosculandas concursus, ut inde velut è secundo hospitio præcipere liceret latum totius rei eventum. Per multis ibi ministrata Sacramenta Baptismi & Confirmationis, & sancta Domini- cæ Passionis hebdomada solemnissimè celebrata. Reassumpto itinere, cum octiduum processum esset, vir primarius regis jussu cum jumentis occurrit ad deferenda Episcopi & comitum impedimenta. Cùm verò unius tantum diei itinere abesset à castris regiis (in castris enim passim rex habitat non in urbe) misso nuncio vetiti sunt ulterius procedere, donec rex ipse advocaret. Post triduum, feriâ tertiâ Pentecostes, advocavit, rursusq; ad ictum sclopeti jussit subsistere, eodemq; loco figere tentoria: quæ Lusitani Comites Episcopi eleganti specie fixerunt. Altero die multi ex aula nobiles & regis cognati adfuere, deducturi Episcopum ad regium tentorium. Ibi post multam moram cum datus esset accessus ad regem, seu Imperatorem Abassynorum Claudium: Episcopus eidem reverenter tradidit literas Patriarchæ, atq; In-

*Expediit in  
Æthiopiam E-  
piscopi Oviedi.*

*Ritus excipi-  
endi hospites.*



diæ Protegis. Accepit eas amicè; non ita tamen, quin aversum à Religione orthodoxa proderet animum, sectæ Dioscori cum tota gente addictus. Institit Episcopus: ut conventum suorum Doctorum coeret, in quo de rebus fidei ageretur. Coactus sinè mora, sed hominum quàm obesi cerebri, tam pertinacium in errore suo. Rex ipse præstabat omnibus, & ingenio & rerum fidei peritiâ: ipse, quæ alicujus momenti erant, objiciebat; ipse à nostris objecta, quæ poterat, solvere nitebatur. Quæ dum geruntur, adest nuncius, Turcas in Abassiam validis copiis irrupisse. Sic Religionis curâ dissolutâ, sollicitudo omnis ad bellum gerendum est translata, Patriarcha interim Nunnius Goæ expectabat sollicitus legationis eventum, & Indis curandis incumbibat. *Sacch. hist. Soc. p. 2, lib. 1. n. 140, & seqq.*

*Eodem die obierunt.*

*Fratres 5. in  
Societate.*

2. Salmantica in Hisp. anno 1599. P. Josephus à Costa, Hispanus. Quintus fuit & quinq; fratribus, qui Societati nomen dederunt, cæteris minor ætate non ingenio & virtute. Tradendis lectionibus Theologicis intento spectabilem se dedit Angelus, cubiculum ingressus, ac manu incensam facem gestans, *Sic, agebat, tu in Indis resplendeas.* P. Josephus hac face accensus, dum se totum offert DEO in holocaustum, ecce adsunt S. Borgiæ, tunc Præpositi Generalis literæ, quibus in Indiam destinabatur. Ivit, atq; in India occidentali talem tantumq; egit in scholis, in concionali pulpito, in scribendis libris, in consiliis, in provinciis gubernandis; qualem quantumq; summi quiq; in India & Hispania (ad quam revocatus fuit) suspexerunt, & mirati sunt.

*Nova vestis  
obsequiis culi  
naribus initia-  
ta.*

3. Parisiis, anno 1626, P. Antonius Sucquet, Belga, cùm Româ in provinciam rediret, vitæ mortalis terminum invenit; vir à Collegiorum, domûs Probationis, & Provinciæ totius, prudenti gubernatione, modestiâ, mirâq; pietate laudatus. Paupertatis amantissimo si nova vestis obtruderetur, ad illam humilitate sive expiandam, sive consecrandam potius, quàm primùm ad culinam descendebat, atq; ollis purgandis operam dabat.

*Victima dua  
pro fide.*

4. Rubeaci in Alsatia, anno 1634. P. Jacobus Mayering, & Andreas Martini, Coadjutor, Germani ambo, è templo extracti ab hæreticis, scelopis trajecti, & ferro trucidati, in odium fidei, gloriôsè occubuerunt.

## XVI. FEBRUARIU.

*Obsequia hu-  
milia aptissi-  
ma ad Con-  
versionem ani-  
marum.*

1. **M**agnus Indiarum Apostolus Xaverius, anno 1546 Amboinum, seu Moluccas, celebres insulas, ob aromatum copiam, attigit, non absteritus amicorum terroribus & incolarum ferina barbarie. Quam ut cicuraret, non tam verbis, quàm charitatis operibus agendum putavit. Ipse igitur ægrotos invisere, solari, fovere; pauperes pascere, vitâ functos sepelire, valentes docere, & omnibus omnia fieri; præsertim ijs, qui ob irruptionem barbarorum ex insula Mauro, in montium speluncas se receperant.

His



His ardentis charitatis carbonibus non poterant non incalescere cruda capita, & dissolvi rigentia corda. Proinde & se dociles exhibebant, & infantes ad fontem lustrallem prompti ferebant. *Bartoli in Vita lib. 2. n. 12.*

2. Coram Clemente VIII. habita est anno 1604 disceptatio 25 de Molinæ doctrina; quæsitumq; fuit: *An sit de expressa sententia S. Augustini, aut saltem de ejus mente, vel potius contra ipsius doctrinam; quod dum sumus in vita, in manu liberi arbitrij posita sit nostra salus; per nosq; ipsos stet, quod ad Deum non convertamur?* Responsioni præmisit noster Bastida suppositionem: quod per illas particulas, *in manu liberi arbitrij*, idem significetur, ac *esse in ejus potestate*: prout ad illa verba Eccl. 15. *Constituit illum in manu consilij sui*, Glossa ordinaria & Patres communiter exponunt. Deinde respondit: Quod, *dum sumus in via, semper in manu liberi arbitrij sit posita nostra salus; ac per nos stet, quod ad Deum non convertamur*; Sententia sit expressa S. Augustini. Demonstravit hoc prolixè testimonijs S. Augustini, imò & aliorum Patrum: vindicavitq; Molinam ab impostura. *Eleuther. hist. de Auxil. lib. 5. cap. 29.*

*Eodem die obierunt.*

3. Vallisoletæ in Hisp. anno 1624, P. Ludovicus de Ponte; Hispanus, clarum inter ascetas recentiores nomen. Post obitum visus fuit Doctoris laureolâ ornatus propter pias, copiosas, solidasq; lucubrationes suas: vivens conspectus est sæpe, toto corpore radiis coruscare, aut globus igneus orantis capiti imminere. Crudior cum esset in corpus suum, illudq; duris crebrisq; verberibus laceraret, habuit aliquando Angelos medicos, qui vulnera curabant blandioribus fomentis. Noctes sæpe totas coram Ven: Eucharistia pervigil ducebat, quam de die frequentissimè visibat, tanta divinæ lucis copiâ perfusus: ut aliquando inambulaas, & velut fatiscens, ingemina-ret: *Satis est, Domine, luminis, satis est. Non plus, Domine, Sufficit.* Voti religionem se obligavit, extremis ante mortem 20 annis, de non admittendo deliberatè ullo peccato veniali: quod ab illo integrè servatum esse, eximia viri Sanctitas, & singulares gratiæ cœlitus acceptæ probant.

4. Cracoviæ in Polonia, anno 1612, P. Gaspar Petkoroski, Polonus, quievit ab ea laborum assiduitate & contentione: ut annuæ literæ eum appellent Virum infinitorum laborum; cibi tamen tam modici, ut omisso inter labores prandio, vulgari coena contentus esset. Cracoviensi Episcopo à Sacris Confessionibus cum esset, ita aulæ adhæsit, ut ab ejus fumis nihil candori ejus decederet, nihil accederet vanitatibus aut laxamenti, meritis passim *Sancti* cognomen.

5. Montilii in Gallia, anno 1630, pretiosa charitatis victima cecidit P. Ludovicus Bouillet, Gallus, mirè latus, quod in Societate & in obsequio peste tactorem occumberet. Socios habuit in simili obsequio & morte viginti duos per varias Galliarum civitates. *Ex Tann.*

*In manu hominis est salus ipsius juxta Augustinum.*

*P. Ludovicus de Ponte Asceta celebris.*

*Doctoris laureatæ visus in cœlo coronatus*

*Angeli curant vulnera ejus ex flagellatone.*

*Luminis divini copia.*

*Votum de non committendo peccato Veniali*

*Labor multus, cibis modicis & obviis.*

*Ex aulâ nihil dampni.*

*Victima charitatis 23.*



*Non solum Essentialia Instituti Societatis, sed etiam alia ad ipsum pertinentia, revelata S. Ignatio*

1. **S.** P. Ignatius, anno 1555, confidenter retulit P. Ludovico Consalvo, tunc Ministro Domus Professæ Romanæ, Romam missio à Joanne III. rege Lusitanæ; ut omnia dicta factaq; Ignatij curiosè observaret, atq; ad se perscriberet: retulit, inquam; Non solum Essentialia Instituti Societatis, sed etiam multa alia ad ipsam pertinentia, in una magna illustratione intellectus à Domino nostro sibi esse manifestata Manresæ scilicet primo anno conversionis suæ. Idem affirmabat P. Hieronymus Natalis, scriptumq; reliquit: quòd *S. Ignatius, cum de Instituto rogaretur, solebat causam referre ad eximiam illustrationem, quam illi Deus gratificatus est Manresæ, quâ illa omnia accepisset à Domino, in spiritu quodam Architectonico.* Utebatur autem S. Pater valde familiariter Patre Natali, eumq; misit per Provincias, ut Institutum & Regulas promulgaret ac explicaret. *Lancic. tom. 2. Opusc. 1. cap. 1.* ubi multa de hac materia congerit.

*Revelatio facta S. Borgia de salvandis, qui in societate moriuntur.*

2. Anno 1616, hac die, retulit eidem P. Nicolao Lancicio P. Ferdinandus de Pontze, tunc Provincialis Boeticæ Provinciæ (cùm convenissent ad VII. Congregationem Generalem pro eligendo Præposito Generali) veram esse relationem de revelatione facta S. Francisco Borgia: quòd *primus aliquot centenis annis, prout Ordini S. Benedicti concessum fertur, nemo sic damnandus, qui in Societate morietur.* Cùm enim Frater Michæl Marcus, post Meditationem matutinam prædictum S. Borgia de more accessisset, invenit insolitâ læticia gestientem, cujus causam rogatus, non aliud prodidit, quàm *O si scires Marce, o si scires, quantopere DEUS amet Nostram Societatem!* His illectus Marcus, institit ardentius, ut secretum resciret; cùmq; urgeret importuniùs: aperuit Sanctus Privilegium illud, de quo dictum, Societati concessum. Hoc retulit ipse Marcus Barcinone P. Vincentio Madresio, qui id ipsum communicavit præfato Patri Pontze; iste autem P. Lancicio. ita idem *Lancic. tom. 2. Opusc. 17. lib. 2. cap. 1.* ubi plura de hac materia videri possunt.

*P. Molina doctissima à Cassiano.*

3. Coram Clemente VIII. habita est anno 1603 disceptatio XV. de Molinæ Doctrina, quam longè diversam esse à doctrina Cassiani, demonstravit P. Arrubal. *Eleuther. bist. de Auxil. lib. 5. cap. 19.*

*Eodem die obierunt.*

*Iesus parvulus cruce sua erigit prostratus.*

4. Manilæ in Philippinis, anno 1605, P. Hieronymus de Prado, vir sereni semper, & DEO intenti animi. Cùm in itinere pedestri lassus, & gravi periculosoq; lapsu, prostratus esset, parvulum IESUM (cujus infantie addictus erat cultu tenerrimo) cruce ornatum spectabilem habuit: valuitq; non solum ad roborandum virum, sed etiam incredi-



eredibili voluptate perfundendum. Aliàs vidit S. Franciscum Seraphicum, urbem Manilam contra Chinenſium incurſionem, defendentem. Humilitatis ſtudio, & S. Auguſtini exemplo, non erubuit: peccata ſua ſcripto conſignata publicare.

5. Ibidem anno 1615, Paulus Rioin, Coadjutor, Japon, fidei zelator magnus & ſacundus, à Cubofama Imperatore Japonià ejeétus, atq; navigationis ærumnis conſectus, in portum cæleſtis patriæ ſe ſe recepit.

6. Pultoviæ in Polonia, anno 1611, P. Georgius Skarſinski, Polonus, operarius indefeſſus, repentina ſed felici morte deceſſit in actu charitatis. A præſide Collegii miſſus ad infirmum, corpore & animo bene ſanus, cùm ad excipiendam ægri conſeſſionem ſe accingeret, repente queri cœpit de ſuborto dolore capitis: quod cùm in ſinum aſſidentis ſocii reclinaſſet, ſuaviter exſpiravit; implevitq; illud Sap. 4. *Luſus, ſi morte præoccupatus fuerit, in refrigerio erit.*

*Confefſio publi- ca delictorum.*

*Ejeétus à pa- tria pro fide, appellus in ca- lum.*

*Mors ſuavis in obſequio Charitatis.*

## XVIII. FEBRUARII.

1. **N**atalis Collegij Romani, Capitis & normæ omnium Collegiorum per univerſam Societatem: quando conductis à S. Ignatio anguſtis ædibus ad radices Capitoli, Socij 13 ſub Rectore Joanne Pelletario, Gallo, ex Domo Profeſſa expediti ſunt anno 1551, ad aperiendas ibi Scholas. Ve- rùm crescente mox numero tum diſcipulorum, tum Noſtrorum, ex illis an- guſtiis translatus paulò poſt eſt Collegium in ampliorem Domum Marij Capoccij Nobilis Romani: ubi quinquennium cùm ſubſtituiſſet; multitu- dine Auditorum urgente, migrandum fuit in ampliffimam Domum Joan- nis Bapt. Salviati, anno 1556, quo ad Collegium Beatorum transla- tus eſt S. Ignatius. Ibi demum ſtabilitum eſt, & in eam, quæ hodie ſpecta- tur, formam redactum munificentia Gregorij XIII. Pont. Max. *Sourvellus in Biblioth. Soc.*

2. In Luſitania obtinuit tandem anno 1616 à Philippo III. Hiſpania- rum & Luſitaniæ rege, P. Franciſcus Suarez, ferias à laboribus Scholaſticis in Academia Conimbricenſi exantlatis, pridem deſideratas & expetitas, ob valetudinem debilem, & ætatem provectam; ſed quam ipſi gratas, tam in- gratas & mœſtas toti Academiæ, apud quam per annos 20, prælectionibus & lucubrationibus ſuis, ſummam authoritatem, amoremq; ſummum com- paraverat. Liber à ſcholis, optabat liber eſſe etiam à libris ſcribendis, adeoq; contemplationi, & ſolidæ ad mortem præparationi vacare. Sed cùm ea de re & DEi, per Exercitia ſpiritualia, & Superiorum mentem exploraret: juſ- ſus eſt etiam extremas vires eidem labori impendere pro DEi gloria, & Ec- cleſiæ bono: quòd fideliffimè præſtitit. *Maſſeus in Vita cap. 17.*

*P. Franc: Sua- rez liberatur à lectionibus Theologicis.*

*Non à libris ſcribendis.*

3. Anno 154 valida Sociorum manus, duo ſupra quadraginta, à Lu- stania ſolvit in Indiam, cum P. Valignano Viſitatore, diſtributi in quinq; naves.

*Expediit in Indiam Socia- rum 42.*



naves. Non solum viaticum, sed etiam pro novis domicilijs in India erigendis sumptum, liberaliter suppeditavit Sebastianus Rex. Mozambicum cum feliciter pervenissent., aucti sunt duobus Socijs, qui in regnum Monomotapæ destinati fuerant, sed penetrare non poterant. Goam appulsi sunt omnes rara felicitate, & opportunissimè. Valde enim per mortem complurium exhausta fuit ea Provincia, & specialiter Collegium Goanum; quod in annum jam quartum infesti affligebant morbi, extinctis præstantibus viris 58: ex recentibus etiam advectis operarijs jam quatuor occubuerant. Valignanus ad impetrandum cælitus tanto malo remedium conversus, gravi oratione de quatuor potissimum capitibus corrigendis admonuit Socios, si fortè irrepsissent. 1. Quisq; in se inquirat, & discutiatur affectum suum erga alias Religiosas familias; ne fortè sinistri aliquid lateat, aut proditum sit. 2. An sit aliquis excessus in præsumenda nimia autoritate, quasi à nobis vel solis, vel præcipuè, pendeat conversio & salus illarum gentium? 3. An non sit aliquis defectus charitatis inter domesticos, sive æquales sive Superiores? 4. An adhibeantur debita media ad conversionem illarum gentium; an magis sint addicti Lusitanis, quàm Indis &c.? Qua mente hæc proposita sunt à Visitatore, eadem accepta fuisse à Socijs, patuit ex morbis citò abactis, & reddita sanitate. *Sacchin. p. 4. lib. 2. n. 93. & seqq.*

*Eodem die obierunt.*

*Iaponia Episcopus ex elemosynis vivit.*

*Ejectus è Iaponia moritur in mari.*

*Crucifixi effigies amplexantur ægrum.*

*Sacrificium in cilicio.*

*Examen particulare.*

*Nec sua auctores non prodit P. Ferdinandus.*

4. In mari Malacensî Indiæ Orientalis, anno 1598, P. Petrus Martinez, Lusitanus, Japoniæ Episcopus. Cum adhuc degeret inter Socios, cum rege Sebastianiano profectus est in Africam. Exercitu deleto, & rege amisso, duram servitutem serviit caprus P. Petrus. Naufragio quoq; afflicto, tandem Pontificis jussu, consecratus est Japoniæ Antistes. Vineam suam feliciter adiit, naviterq; excoluit. Inter assiduos labores Evangelicos ex elemosynis victitabat, semperq; spem inter & metum fluctuabat, donec tempestate concitata graviore in Christianos, à tyranno relegatus, navigationis incommodis oppressus est. Præsul heroica virtute eximius, nec miris animi demissione constanti, quàm Ecclesiastica dignitate eminens.

5. Bracharæ in Lusitania, anno 1615, P. Joannes Cardim. Morientis ori ad osculum admota Crucifixi effigies, revulsis à cruce manibus, visa est ægrum amplectari. Nunquam nisi cilicio acinctus introibat ad altare DEI. Examinis particularis libellum gestabat de collo, cum formula votorum suo sanguine exarata. Cibo ita utebatur, ut censeretur totâ hebdomadâ jejunare. Mortui cadaver, septimo post anno, odore fragrans repertum; & patrata non obscura miracula, de quibus tabulæ rite sunt confectæ.

6. Eboræ in Lusitania, anno 1555, P. Emmanueli Fernandio, Afro, Apostolicam animam eliserunt impuri quidam scortatores, propter scortum ab ipsorum amoribus ad frugem conversum. Deprehensum in itinere tam dirè contuderunt, ut mortem



tem paulò post oppeteret. Relatum in urbem Henricus Cardinalis inuifit, mortuum urbs tota flevit, & folemnnibus exequiis honoravit. Adduci non potuit P. Emmanuel, ut pròderet Sicarios: fed ultro prodidit fe, & rem totam unus illorum, qui gravi sermone Patris, inter verbera ad pœnitentiam hortantis, commotus, dilapfis locis, apud jacentem femianimem peccata fuerat confelfus. In componendis diffidentibus ea erat induftria & felicitate fingulari: ut aliquando una die quinquagenos, inter fe & cum DEO reconciliârît. Sermo concionantis ardebat ut facula, quem accendebat Divino Sangvine fumpto in Miffa, quam Concioni præmittere solebat.

*Felicitas in reconciliandis diffidentibus.*

*Miffa concioni præmiſſa.*

7. Hifpali, anno 1673, piiffimè deceſſit P. Franciſcus de Sylva, Hifpanus, fingulari Spirituum difcretionẽ, & confcientias tranquillandi arte præditus, licet ipſe magnis timoribus & angoribus exerceret: in concionibus admirabili energiâ verborum, planè regem animorum agebat. nunquam ad ſatietatem auditus, multoties viſus non ſolùm Chriſto cordi eſſe, ſed in ipſo ejus corde reſidere. *Tinner in Soc. Apoſt.*

*Conſcientia aliorum facilius quam propria præcitur.*

*Secura quies in corde Chriſti.*

## XIX. FEBRUARI.

1. **A**Nno 1581 P. Claudius Aquaviva, Filius Ducis Atriæ, Neapolitanus, cum poſt gubernatam Provinciam Neapolitanam, regeret Romanam, electus eſt in Præpoſitum Generalem, quamvis annum ætatis 40 nondum attigiffet. Viſa eſt non uni DEipara V. cum S. Bernardo, quem eximie colebat Claudius, & S. Ignatio, offerre illum magni comitij Patribus, ut eligeretur. Et erat Claudius opportuniffimus illis temporibus, Societati ſatis iniquis; utpote vir verè cordatus, Inſtituti ſcientiffimus & retinentiffimus, quem nec adverſa frangerent, nec proſpera extollerent; par cuicunq; fortunæ, & quibuſvis adverſarijs, etiam potentiffimis. *Sourvell. in Biblioth.*

*P. Claudius Aquaviva eligitur Generalis.*

2. In Japonia anno 1614 nova, eaq; gravis excitata eſt perſecutio Chriſtianorum, à totius Japoniæ Imperatore: cujus edictum in Metropoli Meaceniſi hoc die propoſitum eſt Patribus noſtris; ut intra diem ſeptimum omnes ſe conferrent Nangafachum, atq; inde quiſq; renavigaret in patriam ſuam. Idem edictum intimatum eſt Patribus S. Auguſtini, Dominici & Franciſci. Laborabant tunc in vinea Japonenſi, præter Japones Catechiſtas, & ſæculares quorſdam Sacerdotes, centum & quinquaginta è 4. Ordinibus Religioſis: è S. Auguſtini familia 4, è S. Dominici 9, è S. Franciſci 14, è Societate JESU 123, cum Epifcopo ex eadem Societate, Chriſtianorum cenſebantur aliquot centena millia, & ſpes erat, totam Japoniam brevi ſubjectum iri Chriſto: cùm ecce concitante Satana & afflantibus quibuſdam ejus miniſtris horrida concitatur tempeſtas. Dynaſtæ quidam admonuerunt Imperatorem de ingenti numero Chriſtianorum, deorum patriorum exter-

*E Japonia proſcribuntur omnes Religioſi.*



*Hæretici Eu-  
ropæi concitant  
persecutorem.*

minio, & imminente periculo, ne imperium totum in exterorum manus delabatur. Confirmarunt suspicionem Europæi quidam sectarij, variis calumnijs onerantes Religiosos præsertim Societatis JESU, & argumentum suspicionis ducentes ex Philippinis insulis, recenter subjectis Hispaniæ Regi Philippo. Sic conflatum est ingens incendium, & in Christianos, præsertim Sacerdotes sævire coeptum ferro, igne & alijs, etiam inauditis tormentis. *Hugo in Vita P. Caroli Spinola, cap. 12.*

*Eodem die obierunt.*

*Vocatio ad So-  
cietatem.*

*Summa Voto-  
rum, Amare*

*& Pati.*

*Operarius stre-  
nuus.*

*Castitatis pra-  
sidia.*

*Vitima pro  
fide.*

*Integer viam  
medio nationis  
prava.*

*Iesus parvulus  
moriens dat o-  
sculum & am-  
plexum.*

3. Hispali in Hisp. anno 1582, P. Jacobus Sancius. Fluctuanti in electione statutus, & coram Ven. Eucharistia ferventius oranti, allapsa est è sacro tabernaculo diserta vox: *Esto de Societate nominis mei.* In Societate summa votorum & negotiorum ejus fuit, Amare & Pati.

4. In insula Majorica, anno 1621, P. Raphaël Oller, Hispanus, jussus est ut requiesceret à laboribus suis, qui tribus haud inertibus operariis occupandis sufficiebant. Sancti, & Apostoli nomine celebratus, per totos 40. dies tam verni jejunii, quam natales Christi ferias antecedentes, etiam cum quotidie ad populum diceret, jejunabat. Virginitatem perpetuam studiis, inedia, contiauis laboribus, variâ in se asperitate, SS. Eucharistiæ, & DEiparæ V. sine labe Originali conceptæ cultu singulari, illæsam conservavit.

5. Colonix in Germania, anno 1622, P. Arnoldus Boccop, Belga, ab hæreticis tentus, & carcere vexatus, cum nihil appareret, cujus causâ plecti posset, propinato veneno (ut medicus testatus est) sensim contabuit inter acerbissimos dolores. Locupletis domus in Batavia hæres, & in Bataviæ Academia per annos complures versatus, non fidem solum Catholicam, verum & Virginitatem servavit intaminatam.

6. Freganale in Hisp. anno 1680, fatis cessit P. Jacobus Serranus, Hispanus, singulare illud elogium meritis: quod post fata nemo illi precatus sit requiem æternam; cum vulgo notissimum esset, cum propter eminentem virtutem suffragiis vivorum non egere. Moriens visus est ab absentibus quibusdam personis, Sanctitatis opinione celebribus, dulci amplexu, & osculo stringi à parvulo JESU. *Tanner in Soc. Apost. Imis.*

## XX. FEBRUARII.

*Legati expedi-  
untur è Japo-  
nia ad Pontifi-  
cem Max.*

1. **P** Valignanus, Visitator Indiæ & Japoniæ, solvit è Japonia in Europam anno 1582, cum legatis trium principum Japonensium Christianorum, ad deferendam Christi Vicario, Romano Pontifici, qui erat Gregorius XIII, reverentiam & obedientiam. Erant hi, Franciscus rex Bungi potens, Protasius rex Arimæ, & Bartholomæus princeps Omuræ. Ordinata est ea expeditio, tum pietatis gratiâ ad venerandum Vicarium Christi, Patremq; Universalis Ecclesiæ; tum ut ipsi Japones oculis suis cernerent majestatem Religionis Christianæ, & Principum Christianorum Europæorum, adeoq; illam



illam æstimarent magis, suisq; commendarent popularibus; tum ut Pontifex & Principes non solum per literas acciperent statum Ecclesiæ Japonicæ, sed viva voce ipsorum Japonum. Lecti sunt ad legationem obeundam juvenes duo nobilissimi, prædictis regibus sanguine juncti, egregijs naturæ ac gratiæ dotibus instructi; quorum ætas ultra annum septimum & decimum se non extenderat: ut pares essent ferendis diuturnæ navigationis incommodis. Regis Bungenfis legatum agebat Mancius Itum, regis Arimæ & principis Omuræ Michæel Cingiva: cuius additus fuit socius legationis; ut si quid humani eveniret alicui, præstò esset, qui vices legati suppleret. Nimirum Mancio additus fuit Martinus Fara, Michæeli Martinus Nicaura, natalibus & moribus insignes. Insuper obsequij gratiâ additi ephēbi nobiles duo: ac deniq; omnibus appositus est moderator unus è Nostris Georgius Loyola Japon, morum gravitate atq; prudentiâ præstans. Hos omnes ducebat, auspice DEo, P. Valignanus, sed non perduxit. Cùm enim Goam venissent, invenit literas Claudij Generalis, quibus jubebatur in India subsistere, & ibi Societatem moderari Provincialis. *Sacchin. hist. Soc. p. 2. lib. 5. n. 230 & lib. 3. n. 236.*

*Cur en legatio adornata.*

*Legatorum familia.*

*Eodem die obierunt.*

2. Nangasachi in Japonia, anno 1614, P. Ludovicus Cerquiera Lusitanus, Japoniæ Episcopus, quam per annos 16, Apostolicis laboribus, & paternâ curâ excoluit, Prælati erat ea morum gravitate pariter ac suavitate; ut ex aurea sæculorum ætate lectus videretur, & ethnicis etiam gratus esset ac venerabilis. Modum vivendi quotidianum, quem in Societate didicerat, tenuit constanter demittebatq; se perlibenter ad capiendâ ab illius superioribus consilia. Templâ 4 Japonibus Parochis & supellectile sacra instruxit. Lusitanos mercatores abducentes in mancipia Japonæ, fulmine Ecclesiastico absterruit. Ipse non dives, pauperes, præsertim pro fide exules, liberaliter juvabat; charitate & comitate omnibus gratus. *Nadasi in Anno 1614. Mem. Soutellus obitum ponit 15. Febr.*

*Episcopus Japonia.*

*Modi vivendi in Societate retinens.*

*Pauper & liberalis.*

3. Londini in Angliâ, anno 1647, Curbertus Prescottus Stephani, Coadjutor, Anglus, post evitatas per annos complures insidias, captus, cùm ad furcam damnandus non videretur, quod Sacerdos non esset, perpetuo carceri in odium fidei additus est, in quo aliquot annorum ærumnis toleratis, tandem consumptus est.

*Carceris ærumna pro fide.*

4. Vallisoleti in Hisp. anno 1595, P. Franciscum de Morales, inter alternantes acerbissimos dolores, & cœlestes voluptates, pretiosa mors occupavit. Cùm in supremo morbo dolorum acerbitas, querulam vocem aliquam extorsisset; vidit, auditq; Christum amicè subsannantem: *Tu quereris, & ego rideo.* Incredibiliter animo erectus Franciscus: *Et quid est Domine, reposuit, quod ego optem magis, quàm delectare te? Si risum tibi movent hi dolores mei, veniant sanè cumulatissimi; expectati aderunt.* Dixit, ac in fortissima patientia possedit bonam animam suam in vitam æternam, indefessus & felix in disponendis moribundis, præsertim qui publico supplicio plestebantur.

*Querelis moribundis inter dolores delectatur Christus.*



## XXI. FEBRUARII.

*Labores Apo-  
stolici loco Pur-  
gatorij.*

1. S. Xaverius Anno 1544 scripsit P. Francisco Manilla in Commorinum  
eunti, excitando ipsum ad multam patientiam in laboribus Aposto-  
licis. Sic tecum reputa, inquit, quasi purgatorium isthic tuum sit; in quo  
jam noxarum tuarum poenas luas: & agnosce non vulgare DEI beneficium,  
indulgentis tibi; ut vivens spiransq; , summo gratiæ quæstu, ærumnâ mul-  
tò minore, peccata juventutis expies. *Epist. novarum, lib. 1. ep. 9.*

*Gallia datur  
Assistens.*

2. Anno 1608 inchoata est sub P. Claudio Aquaviva Præp. Gen. Con-  
gregatio Generalis VI; quam tempore Congregationis V. cogi voluit post  
sexennium Clemens VIII. Pontif. (ut habetur Decreto 73. Cong. V.) atq; in  
ea eligi novos Assistentes pro Italia, Hispania, Lusitania; qui etiam electi  
sunt in Congr. VI. Germaniæ Assistens non motus: quia non pridem id mu-  
neris susceperat. Pro Galliæ Provincijs datus est Decreto 1. Assistens quin-  
tus: cum antea habuissent communem cum Germania & cæteris Trans-  
alpinis. *Ex Decreto Congr. 5. & 6*

*Eodem die obierunt.*

*P. Gutierrez in  
Martyrj cho-  
ro visus.*

3. Cardeliaci in Gallia, anno 1573, P. Martinus Gutierrez, Hispanus. Dum per  
Gallias Romam ireret, interceptus ab hæreticis, tam dirè habitus est; ut intra paucos  
dies ærumnis sit confectus. S. Theresia, datis Romam, ad P. Assistentem Hispaniæ  
litteris, significavit: P. Martinum sibi à DEO ostensum in choro Martyrum: Omni-  
bus religiosis virtutibus in gradu excellenti conspicuus, eminebat singulari prorsus  
in V. DEiparam cultu & amore filiali, quam vicissim ut Matrem amantissimam ex-  
periebatur. Sub pallio ejus vidit aliquando universam Societatem collectam, & no-  
stros, velut pullos, sub DEI Matris alis protectos. Defuncto in carcere P. Marti-  
no, adfuit Matronda spectabilis, quæ cadaver nitidè composuit, & videri desiit.

*B. V. cultor  
eximius.  
Vidit Societa-  
tem sub ejus  
pallio.*

*Magister No-  
vitiarum per  
annos 40. P.  
Alphonſus Ro-  
driguez  
Victima pro  
fide.*

4. Hispali in Hispania anno 1616. P. Alphonſus Rodriguez, plenus dierum &  
meritorum, Nonagenarius enim decessit. Per annos 40, summa cum laude Magi-  
strum Novitiarum egit, eamq; comparavit Religiosæ perfectionis notitiam, quam  
expressit & in moribus suis, & in præclaro illo opere *Exercitij perfectionis*; multo Re-  
ligiosorum quorumvis usu, & repetitis in omni lingua typis commendato.  
5. Cleraci in Gallia, anno 1622. P. Heryus Malvesius, Gallus, in Missionibus  
castratibus, & aliis multa cum laude versatus, ab hæreticis trucidatus est in ope-  
re charitatis, dum capta dolo civitate poenitentibus aurem daret. Tanquam in Sa-  
cerdotem sævitum crudeliùs, decem vulneribus illatis.



1. **A**Nno 1659 Alexander VII. Pont. Max. iterum erexit Collegium Pœnitentiariorum in urbe ad Basilicam Principis Apostolorum: siquidem à Pio V, qui id reformaverat, & Societati tradiderat, Literæ Apostolicæ super hoc expeditæ non fuerunt. Alexander igitur, Constitutione incip: *In Apostolicæ dignitatis fastigio*, Motu proprio, & de Apostolicæ Sedis plenitudine, confirmavit, erexit & instituit iterum prædictum Collegium, Habitationem & redditus assignavit, Collegium Apostolicum nominari præcepit, & Societati perpetuò tradidit ea lege: ut tredecim de Societate Pœnitentiariorum munere perpetuò fungerentur, &c. *Bullar. Comm. Constit. 60. Alexandri VII.*

*Tredecim Pœnitentiarij in Varicana S. Petri basilica fundantur è Societate.*

2. Ad componendam Controversiam de Auxilijs Gratix, absq; contentiosis disputationibus, conveniens existimavit Clémens VIII: ut partes dissidentes convenirent coram Cardinale Madrutio, & expositis sententijs suis de natura Gratix efficacis & sufficientis, inirent inter se viam componendi dissidia. Anno igitur 1599, 22 Februarij convenerunt Generales, Dominicanorum & Societatis, cum quibusdam ex parte utraq; Theologis, apud Madrutium Card. Et quidem Societatis Theologi prompti fuerunt ad proponendam Societatis doctrinam, perorante copiosè solideq; ipso Claudio Aquaviva: Adversarij autem multa tergiversatione conflictum generalem declinabant, solius Molinæ censuram urgentes. *Eleuth. hist. de Auxil. l. 3. c. 6.*

*Controversia de Auxilijs Gratix.*

3. In Collegio Parisiensi anno 1564 primùm apertæ sunt scholæ, multis tempestatibus exagitandæ, sed tandem triumphaturæ. Ut id jure ac auspiciatò fieret, conciliatus primùm est DEUS per sacrificia, orationes & mortificationes: deinde à Rege, Regina regnante, & Cardinali Lotharingo impetrata diplomata, actum cum Academicis & regijs Advocatis, adeoq; nihil de Divinis & humanis subsidijs neglectum. Hoc demùm die propositus est patentibus locis Index Læctionum tradendarum. Cæteros inter Professores eminuit P. Joannes Maldonatus, qui Aristotelem assumpsit ex Græco interpretandum & explicandum; breviq; plures trecentis numeravit ordinarios Auditores. *Sacrb. hist. Soc. p. 2. lib. 8. n. 78.*

*Schola Parisiensis aperta.*

*Auditores Philosophiæ trecenti.*

4. In Japonia, anno 1624, P. Didacus Carvallius, Lusitanus, post ingentia itinera, & labores exantlatos, primùm in Cocincina, deinde in Japonia. Comprehensus ibi ab apparitoribus, hyemante celo, in fossam aquæ gelidæ cum 9 Sociis Christianis missus est nudus & atroci gelu trium horarum spatio cruciatus. Extraxit

*Victimam pro fratre de frigore consumptam.*



aus inde, & sollicitatus, ut Sociis author esset fidei deferendæ; eos potius, quàm potuit, efficacissimis verbis ad constantiam hortatus est. Iterum igitur stagno gelido immersi, & palis alligati, perstiterunt fortes, à prandio ad mediam noctem, ventis nivibusq; perfrigidam; donec vi frigoris animæ corporibus solutæ, evolarent ad superos, P. Didaco ultimum agmen claudente.

*Desponsatio  
DEipara V.*

*Crucifixi in-  
tuitus monitor  
mortis.*

5. Græcii in Styria anno 1612, P. Martinus Ertmerus, Germanus, Religiosus talis, quales optat Societas. Cùm adolescens in Sodalitatem Marianam adlegeretur; DEiparam V. sibi despondit in Sponsam eo annulo, quem mater ei tradiderat, & quo in ea familia juvenes solebant sibi obstringere sponfas. Oculis aliquando intentius in Crucifixum defixis, moneri se sensit de morte vicina. Quàmvis ergo nulla apparerent periclitantis valetudinis argumenta, Rectore monito, se ad mortem disposuit Sacramentis susceptis: & mox mente motus est, ac post paucos dies extinctus.

6. Hildesii in Germania anno 1656, Henricus Werden Coadjutor, Germanus. Omni religiosa virtute, sed potissimum eximia ad quævis charitatis officia promptitudine & alacritate eminuit, etiam inter non levia vitæ pericula. In civitate hæretica lignis & lapidibus malè acceptus, aliquando ab hæreticis ita faucius, ut pro mortuo haberetur, tantùm abest, ut aliquid prodiderit indignationis; ut etiam statas quotidie preces sibi pro illis indixerit, & fideliter fuerit executus. Omnem vitam, sed præcipuè proveciorem, SS. Eucharistiæ studiosissimè colendæ addixerat: unde multa illi coram eadem, & proluxa, & humilis de genibus oratio.

## XXIII. FEBRUARI.

*S. Ignatij zelo  
pro conversione  
Æthiopia.*

1. A Nno 1555 S. P. Ignatius dedit literas ad Prete-Joannem, Æthiopiæ Regem, Claudium: quibus ei gravibus argumentis author est, ut cum Romana Ecclesia sentiat, & in Pontifice Romano Principem Apostolorum Petrum, agnoscat & audiat. Commendat deinde Socios 12 cum Patriarcha Joanne Nunnio, è Societate, expeditos ad populum ejus juvandum, & in vera fide instruendum. *Orland. hist. Soc. p. 1. lib. 15. n. 105.*

*Professionem &  
Votorum faci-  
ri, quomodo  
mediocritatem  
in virtute ex-  
cedere debent.*

2. Congregatio Generalis IX. finita est anno 1650, cùm post mortem P. Vincentij Caraffæ, Præpositum Generalem legisset P. Franciscum Piccolomineum. Eadem Congregatio decrevit Decr. 6. ut admittendi ad Professionem 4 Votorum omnino excedant mediocritatem in virtute. Illi autem censendi sunt excessisse mediocritatem, qui ut plurimum in rebus, quæ occurrunt, operantur secundum exigentiam virtutis; speraturq; idem facturos in difficilioribus, si quæ id exigeret occasio; qui parvos defectus religiosè cavent, & si quando labantur, reprehensiones & pœnitentias libenter, atq; humiliter excipiunt, & culpam emendant; qui in quotidiano virtutum exercitio Superioribus æquè ac Domesticis satisfaciunt.

*Eodem*



*Eodem die obierunt.*

3. Glacii, in Germania, anno 1657, P. Andreas Metsch, Germanus. Magnæ in illo eloquentiæ & charitatis dotes, sagax ad animos disponendos ingenium. Quo factum, ut decies milleni & eo amplius, ab hæresi ad Ecclesiam Christi, numerentur ab illo, traducti; concionales ministri novem, apostatæ à fide centum ac novem. Sodalitates Marianas octo erexit; nec ulli defuit occasione pietatem & Ecclesiam propagandi.

*Hareticorum  
Vis ingens ad  
Ecclesiam re-  
ducta.*

4. In Gallia, anno 1620, Ludovicus Freredoux, Burgundus, Scholasticus, animam Creatori suo reddidit non solum ab omni noxa lethali immunem; verum etiam eximia charitate & humilitate conspicuam; cujus impulsu deprimebatur, ad vestigia Sociorum deosculanda, & calceos eorum nitide expurgandos. Angeli Custodis cultui addictissimus, in Examine Philosophico meruit eundem habere instructorem. Rogatus enim, unde ipsi tam insolita in respondendo facilitas? sincerè respondit: arcana voce, distinctè ad singula, sibi in aurum suggestum esse responsum.

*Humilis chari-  
tas.*

*Angeli Cust.  
auxilium in  
Examine scho-  
lastico.*

5. Posnaniæ in Polonia anno 1667, P. Martinus Hincza, Prutenus: vir insigni gubernandi peritia, juxta spiritum, quem in tyrocinio Romano hauserat. Rexit Collegia, Thorunense, Gedanense, Jaroslaviense secundum; Domum probationis & domum Professam, Vilnæ & Cracoviæ: deniq; toti Provinciæ bis præfuit, magnæ prudentiæ, zeli, charitatis, & fortitudinis laude. *Sourvell. in bibl. soc.*

*Gubernandi  
talentum.*

XXIV. FEBRUARI.

1. **L**udovicus XIII. rex Galliarum, anno 1621, plenas propensissimi animi Lerga Societatem, dedit literas ad Gregorium XV. Pont. Max. pro Canonizatione S. Ignatii. Inter cetera, Nulla, inquit, ex omnibus gratijs & favoribus, quos à Sede possum obtinere, tantam mihi dabit voluptatem; ac hæc sola: ob primam educationem, tam in rebus fidei Catholicæ, quàm in bonis moribus, à Patribus Societatis emanatam. Illi hucusq; magno bono meo profectuq; intima meæ conscientiæ gubernarunt. Ad hanc Canonizationem petendam moveor: quia spero firmiter, B. Ignatii intercessionem protectioni mihi futuram, & juvami potentiissimo ad eas res exequendas, ad quas à DEo missus in mundum, & in quibus Religio, quam fundavit, publica utilitate laborat &c. *Gomez Elog. Soc. part. 2. Classe 2.*

*Canonizatio-  
nem S. Ignatii  
urget Ludov.  
XIII rex Gall.*

2. In Gallia cum anno 1570 Carolus rex advertisset, quàm altas radices per omnem Pictaviam egisset hæresis, de ea purganda, rege dignam suscepit cogitationem. Primario igitur concionatorum suorum id negotij dedit: ut totis viribus incumberet in illas extirpandas. Sed cum is parum profecisset, scripsit ad Fratrem suum, ducem Alenconium, Parisiorum tunc gubernatorem: ut è Collegio Parisiensi sex impetraret Socios, qui ad Pictavos mitterentur, & securim ad radicem ponerent. Designatis in eam expeditionem

*Pictaviam in  
Gallia ab hæ-  
resi purgant  
socij.*



*Viaticum re-  
cusant.*

Archiepiscopus Senonensis, Cardinalis Pelleuius, regis nomine viaticum liberale obtulit: at illi incunctanter renunciârunt; Providentiâ Divinâ contenti. Quod valde placuit Cardinali, addidit tamen: Regem non passurum, ut evangelizantium curæ onerentur, vel distrahantur mendicitate. Hoc die Pictavium ingressi Patres: quorum tres in aliâ oppidâ sunt distributi; tres alij inter quos Maldonatus, in ea urbe, geminis quotidie habitis concionibus, & insuper publicis disputationibus, hæresi bellum indixerunt eo successu: ut brevi non solum plurimî e plebe, sed etiam quadringenti circiter primariorum & eruditorum, Ecclesiæ sint reconciliati: imò populus omnis paratus fuerit Catholicis accedere, modò rex juberet; ut scilicet non tam victi, quàm coacti viderentur. *Sacchin. p. 3. lib. 6. n. 63.*

*Eodem die obierunt.*

*Infans vix na-  
sus, ad oratio-  
nem se cõponit.*

*Cleri informa-  
tio melior In-  
dorum instru-  
tione.*

*Professoris feli-  
citas in promo-  
vendis discipu-  
lis ad statum  
Religiosum.*

*Obedientia ca-  
ca rectâ ducit  
ad calum.*

*B. V. commen-  
dat curam a-  
nimarum Puv-  
gatorij.*

3. Neapoli in Italiâ, anno 1637, P. Franciscus Pavonus. Statim ac natus est, testatæ sunt, quæ interfuerunt infantem in genua procubuisse, & ritu orantis, manus in cœlum extulisse. In Societate intellexit divinitus, se gratus DEO præstitu- rum obsequium, si clerum ad virtutem formaret in Sodalitate, quàm si Indias ad- iret. Cum Philosophiam doceret, sexaginta; cum Poësim, omnes ejus discipuli reli- giosum statum sunt amplexi: tanta illis efficacitate de divinis & æternis loquebatur; subinde visus cœlesti lumine fulgere.

4. Cæsaraugustæ in Hisp. anno 1579, Joannes Ximenes, Coadjutor, Hispanus, per securam solidamq; obedientiæ cœcæ viam ad superos est delatus, Deiparæ du- ctu. Cum enim coram DEiparæ V. imagine, supplex rogaret: num rectum salutis & perfectionis teneret tramitem? disertè respondit Virgo: *Macte animo Ximenes; per- ge prosperè per hanc ipsam, quam tenes, obedientia cœcæ viam: hac rectis itineribus, & regia viâ pergis.* Aliàs ab eadem monitus est, ut memor esset animarum purgatorii.

5. Manilæ in Philippinis anno 1615 Mathias Sanga, Japon, Scholasticus. Post multam, & admodum fructuosam, operam positam in erudiendis popularibus suis Catechesi & concionibus; in tempestate concitata contra Christianos à Daifusama Imper. ejectus è patria, post ærumnosam navigationem Manilæ diem clausit extre- mum religiosissimus exul.

## XXV. FEBRUARI.

*B. Aloysius su-  
scipit ordines  
Minores.*

**A**Nño 1588 Romæ in Basilica Lateranensi, primâ tonsurâ initiatus est B. Aloysius Gonzaga cum Abrahamo Georgio Maronita, in odium fidei postea cæso à Mahometanis. 28. Febr. factus est Aloysius Ostiarius, 6. Martij Lector, 12. Martij Exorcista, 29. Martij Acolythus est inauguratus. *Nadasi in Indice Memor.*

*S. Borgia à  
Pont. missus ad*

2. S. Franciscus Borgia anno 1571 à summo Pontifice Pio V, cum Car- dinale Alexandrino expeditus in Hispaniam & Galliam; ut sua authorita- te,



te, prudentia & dexteritate, regibus illis persuaderet Societatem foederis cum Pontifice ac Venetis contra Turcas Cypro imminentes; confectis feliciter in Hispania (non item in Gallia) rebus; hac die anno 1572 ex Gallia in Italiam iter aggressus est. Quia verò Cardinalis nuncium accepit de mala Pontificis valetudine, coactus est, quàm posset maximè, accelerare. Quæ festinatio magnum meritorum cumulum per patientiam adjecit Francisco. Utebatur enim & ille tam ægra valetudine: ut per eam vix potuerit attingere Romam, ac paulò post sit consumptus. Divinæ autem Bonitati placuit exaggerare servi sui patientiam. Nam præter incòmoda quotidiana viarum, illis diebus, qui quieti dabantur, cruciabatur ille vehementiùs, augente Deo dolores, ut auctius esset præmium, quò propiùs aberat & viæ & vitæ terminus. *Sacchinus p. 3. lib. 8. n. 6. & seq.*

*conficiendum  
foedus contra  
Turcas.*

*Patientia in  
viarum incom-  
modis.*

*Eodem die obierunt.*

3. In Paraquaria, Americæ regione, anno 1651 P. Adrianus Knudde Crespus, Belga, post Apostolicos labores annis 23 impensis rudibus illis barbaris instruendis. Conciones elaborabat accuratissimè, illud identidem ingeminans: *Maledictus, qui o-  
pus Dei facit negligenter.* Barbarorum benevolentiam sibi conciliabat, ingeniosè ad-  
ornatis munusculis: quæ ibi pro miraculis habebantur. Quoties cubiculo exhibat, vel  
revertebatur, DEiparam V. reverenter salutabat; nec ullum præterire patiebatur sab-  
batum absq; jejuniis.

*Diligentia in  
concionibus pa-  
randis.*

*Salutatio  
DEip. egredi-  
endo & ingre-  
diendo cubicu-  
lum.*

4. Massiliæ in Gallia, anno 1655, Philippus le Fort, Coadjutor, Gallus, post bis præstitum pestifera lue tactis obsequium, ad immortales transiit, cum ea sanctitatis opinione; ut in exequiis prohiberi non potuerit, populus, quin ejus rosarium, ve-  
stis lacinias & similia diriperet ad venerationem. In omnem se afflicandi occasio-  
nem intentus, per totos 40 annos lecto abstinuit.

*Levi usus ne-  
glectus.*

5. Catanæ in Sicilia Basilius Lazzari Coadjutor Siculus. Per ipsos duo de vi-  
ginti annos, quibus janitoris munus Catanæ obivit, nunquam in silentii legem pec-  
cavit: necessaria responsa dabat ita librata, ut verbum nullum esset superfluum. Perpetuò versabatur cum DEo, Sancti nomen domi forisq; consecutus. Ajunt, eum  
futura ex vero prædixisse, adhibito P. Lætavallii pileo mira patrâsse, coram SS.  
Eucharistia sublimem à terra conspectum. Patris Michaëlis Lætavallii animam vidit  
ab Angelis gestientibus in cœlum deduci.

*Silentium stric-  
tum.*

## XXVI. FEBRUARI.

1. CLEMENS VIII. in Controversia de Auxilijs gratiæ imposuerat utriq;  
parti silentium. Quod cum ægriùs ferrent PP. Prædicatores, suppli-  
cem Pontifici porrexerunt libellum; ut ipsis relaxaret Decretum, quo tamen  
PP. Societatis stringi volebant. Pontifex re maturè discussa, dato Brevis hac  
die, anno 1598, relaxavit utrisq;: ut possent doctrinam suam in ea Contro-  
versia, tradere in scholis, atq; de ea publicè disputare. Verùm sicut per im-  
posi-

*Libertas con-  
cessa tractandi  
de Auxilijs  
Gratiæ.*



positum silentium, ita per ejus relaxationem evitari non potuit: quin causa devolveretur ad Curiam Romanam. *Eleuther. bist. de Auxil. l. 2. c. 19. 29.*

SS. Ignatius &  
Xav. incendium  
extinguunt.

2. Florentiæ grande coortum incendium intempesta nocte, flante vento vicinas ædes corripuerat, jamq; pervenit ad domum Donati Galligati: cui cum nullum suppeteret medium, quo flammam domaret; in genua provolutus, Tutelares suos Divos Ignatium & Xaverium supplex invocavit, spondens: se omni studio DEI offensam deinceps evitaturum, si salva persisteret domus. Et ecce sublimes in aëre videt Sanctos, audivitq; Ignatium immunitatem ab incendio promittentem. Quæ sine mora secuta est, compressis, quæ undiq; domum cinxerant, flammis. *Bartoli in vita S. Ignatii lib. 5. n. 11.*

Votum de peccatis  
vitandis  
efficax.

3. S. Xaverius in epistola ad P. Simonem Rodericium data Cocino: Mihi, inquit, nihil gratius accidere potest in vita; quam in maximis meis periculis, Christi Domini, & Christianæ Religionis causâ susceptis, vitam transigere. Christianum quippe est, in cruce magis, quam in quiete lætari. *Epist. veterum, lib. 2. ep. 12.*

In cruce ac periculis  
solidum  
gaudium.

#### *Eodem die obierunt.*

Victima pro  
fide.

4. Laureti, anno 1594, P. Joannes Leleszy, Hungarus. E Transylvania ab hæreticis proscripto, venenatum poculum, in odium fidei, illustris quædam, sed heterodoxa matrona porrexerat: unde in domo Mariana, velut in Sinu DEiparæ V. sensim contabuit. Virum ad omnia summa natum, vocant Annales. Qua diligentia incubuit in instituendum Catholica religione Sigismundum Batorem Principis Transylvaniæ filium; eadem in profliganda per Transylvaniam hæresi usus est. Claudio-poli magnum Catholicorum numerum reliquit; ubi non plures, quam sex repererat.

Zelus animarum.

Angelis curam  
gerit agonizantis.

5. Mediolani in Italia, anno 1602, P. Joannes Bapt. Velatus, ab ipso S. P. Ignatio ad Societatem receptus, vir multæ laudis, ac potissimum obedientiæ. Cum æger ad extrema devenisset, fratre qui curam habebat, non advertente, imò altum dormiente; objecta est eidem fratri species sacrificantis P. Joannis, ministrante spectatissime venustatis adolescente. Post consecrationem minister ille Angelicus, cereum & candelabro sumptum attulit fratri, monuitq; ut sine mora adesset agonizanti Patri. Experrectus ille, accurrit ad ægrum, reperitq; animam agentem. Advocati properè domestici, migrantem animam solita comprecatione sunt prosecuti.

Possessio in itinere  
& labores.

6. Ferrariæ in Italia anno 1611 ab arduis missionibus, legationibus, & laboribus, quievit in Domino P. Antonius Possevinus, Italus: vir quàm acris ingenii & singularis prudentiæ; tam religiosæ vitæ, & ferreæ tolerantia. Plurima egit & passus est in Sabaudia & Gallia ab hæreticis, quos acerrimè impugnabat. A Gregorio XIII gravissimis legationibus adhibitus, bis in Sueciam ad Joannem III Regem; bis ad gravissimis legationibus adhibitus, bis in Sueciam ad Joannem III Regem; Joannem Basilii, magnum Ducem Moschoviz, atq; ad Stephanum Poloniæ regem; bis ad Romanorum Imperatorem, expeditus est, pariq; felicitate ac celeritate negotia expedit. Ipse opera atq; industriâ sedem stabilem Cracoviæ obtinuit Societas;

Legationes.

Institutio Seminariariorum  
Pensiliciorum.

per



per ipsum Pontificia liberalitate instituta sunt Clericorum Seminaria Græcii, Olo-  
mucii, Pragæ, Brunsbergæ, Vilnæ, Claudiopoli. Fractis corporis viribus, animam  
indefessus applicuit ad lucubrandum, præsertim pro fide orthodoxa. Opera ejus in  
varia materia viginti quatuor recenset Soutvellsus in *Biblioth.*

*Libri editi.*

## XXVII. FEBRUARII.

1. **A** Nno 1594 Henricus IV. inauguratus est Rex Galliæ, magno regni &  
Societatis bono, cujus strenuissimum constantemq; se exhibuit Prote-  
ctor & Promotorem, contra hæreticorum odia, & Decreta senatus Parisien-  
sis, à quo toto regno proscripta fuit; sed à Parlamentis Tolosano & Burdi-  
galensi in suis jurisdictionibus conservata; ac tandem anno 1604 auctori-  
tate ac indefesso studio Optimi regis, non solum omnibus suis sedibus re-  
stituta; sed etiam aucta. Flexienti Collegio, munificentissimè fundato &  
dotato à rege: qui pro ampliori animi sui erga Societatem contestatione,  
ex eadem P. Petrum Cotonum, virum religiosissimum & eloquentissimum,  
sibi delegit in Confessarium & Prædicatorem. *Spondanus anno 1594. n. 12.*  
*Et 23. Item anno 1604. n. 4.*

*Henricus IV.  
rex Gallia in-  
auguratur.*

*Societatem re-  
stituit.*

*Concionatorem  
ex illa sibi de-  
legit.*

2. In Germania Collegium Ratisbonense, ante quadriennium incho-  
atum, anno 1589 absolutum est. Monasterium enim Sandimonialium S.  
Pauli, prope vacuum, eidem à Pontifice Sixto V. traditum est hoc die, quon-  
dam à S. Wolfgango Ratisbonensi Episcopo conditum. In sacra supelle-  
ctili inter cætera calix erat, & vestis, quibus ipse Sanctus Wolfgangus, ante  
sexcentimum annum in sacrificijs utebatur. *Sacch. p. 5. lib. 9. n. 104.*

*Ratisbonense  
Collegium.*

*Eodem die obierunt.*

3. Londini in Anglia, anno 1601, P. Rogerius Filcocus, Anglus. Inclyta Hero-  
um fidei morte occubuit Londini, suspensus & sectus, post egregios pro fide Catho-  
lica exantlatos labores.

*Vidima pro  
fide.*

4. Ibidem Lincolnia, anno 1645, P. Joannes Grossus, Anglus incruenta, sed æ-  
rumnosa morte, sublatus est. Septem ac viginti annorum Apostolicos ejus labores,  
dirus carcer excepit per menses septem, ex quo quidem amicorum operâ redem-  
ptus est, sed viribus adeò attritis, ut mense non integro superstes, viribus defectis  
concederet, atq; absoluto sacrificio divino, inter varia pietatis exercitia expiraret.

*Cæteris arma  
na fideles.*

5. Ulyssipone in Lusitania anno 1580 Alexander Coelhus Lusitanus, Coadjutor  
temporalis, inter obsequia pestiferis addicta, occubuit; vir, quem ad mortis talis  
gloriam à prima infantia Deus mirabiliter servavit. Patrio in vico mulier honesta,  
conspicata in compito canem involucrum quoddam ore gestantem, abegit, eripuit,  
atq; in eo infantem ægrè ducentem animam reperit; baptizatum educavit pro suo.  
Aliquanto pòst aheni aquæ ferventis vix se se non extinxit. Deinde adolescens stu-  
pendia meruit per Europam, & in classe ad Echinadas contra Turcam feliciter pu-  
gnavit. Ibi puella pudicitiam à commilitonum petulantia, datis armis suis, redemit:

*Providentia  
divina.*



cumq; impar esset aliis emendis, militiâ profanâ relictâ, in Lusitania Societati nomen dedit, atq; in ea insignibus humilitatis, patientiæ, charitatis, atq; obedientiæ relictis exemplis, vixit. Socios in eodem pretioso charitatis obsequio habuit octo in eadem urbe. Eboræ verò quatuor, Conimbricæ unum. *Alegambe in Visitm. Char.*

## XXVIII. FEBRUARI.

*Superiores,  
maximè initio  
officii, sint hu-  
miles & mo-  
desti.*

1. **S** Franciscus Xaverius, cùm anno 1552, Collegij Bazainensis Rectorem constituisset P. Melchiorem Nunnez: certam illi misit Instructionem, ad cujus amissum suum obiret munus; ac deniq; monet: Super omnia, per quantum obsequi & gratificari DEo Domino nostro studes, oro & obsecro te; cave, ne in offensionem cuiuspiâ incurras, aut justam præbeas occasionem querelarum. Id assequeris; si te demisse modestum, & ab omni specie fastûs, alienissimum, semper populus observaverit. Quare auspiciari præfecturam, edendis publicè tui depressionis exemplis, debes, obeundo palàm, omnis generis officia humilia; in nosocomijs, in custodijs; ministrando, egenis, rudem plebem docendo &c. Hæc imprimis popularia, amorem in te multitudinis accendent. *Epist. novarum lib. 5. epist. 13.*

*Labor infru-  
ctuosus com-  
pensatus.*

2. Idem Sanctus post longum & arduissimum iter susceptum & confectum in Japoniæ metropolim Meacum, exeunte Febuario anni 1551, coactus est idem iter religere, rebus infectis, iisdem terrâ mariq; periculis. Fervebat enim in urbe amplissima apparatus sævi belli in vicinos reges; nec erat, qui prædicanti aurem dare vellet. Amanguccium ergo redijt: ubi quàmvis ante iter Meacense malè habitus esset, & Apostolicâ sagenâ nihil cepisset; invenit corda jam aliter disposita, DEo volente servo suo compensare steriles labores itineris Meacensis. Nam bimestri spatio baptizavit quingentos, magnam partem illustres nobilitate ac literis. Regem autem, à quo ante spretus fuerat, invenit tam benevolum: ut publico edicto copiam faceret subditis suis, Christiana sacra amplectendi. Donum quoq; linguarum ipsi DEus, instauravit ita: ut Sinicè & Japonicè expedite prædicaret, atq; ad propositas plures & diversissimas quæstiones unico responso satisfaceret. *Barcoli in Vita lib. 3. n. 26. & seqq.*

*Immunitas  
à Choro.  
Ordines sacri  
suscipi possunt  
ante Professio-  
nem.*

3. Anno 1573 Gregorius XIII, per Breve incip: *Ex Sedis Apostolicæ benignitate*, approbat concessam à Paulo III. & Julio III, atq; de novo, motu proprio, concedit Societati facultatem, Horas Canonicas recitandi extra chorum, & privatim, à singulis, qui ad eas tenentur: quò acrius studijs, & prædicationibus intendere possint. Item, ut qui biennio tyrocinij finito vota fecerunt, possint ante solemnem Professionem sacros Ordines suscipere. *Bullar. Societ.*

*Eodem*



*Eodem die obierunt.*

4. Conimbrizæ in Lusitania, anno 1598, P. Ignatius Martinus. Floridus primò concionator; sed postquam Patavij S. Antonij de Padua linguam piè exosculatus est, repente in Oratorem alium mutatus, Apostolicum dicendi stylum, magno auditorum fructu tenuit. Extremos 17 annos catechesi tradenda addixit, ut commissos olim in se- ctanda putida eloquentia errores expiaret. Inter catechizandum, cum aliquando ro- gasset; ut Salutationem Angelicam quispiam recitaret; obmutescentibus ineptà vere- cundiâ cæteris; infans semestris vinculum linguæ rupit, & clara voce recitavit. Eo anno, quo obiit, pro concione dixit: oprare se reliquam omnem ætatem flexis geni- bus orando transigere, inter actiones gratiarum Divinæ bonitati; quòd in Societate vixisset. Sacrum nunquam sine cilicio celebravit; notatus, singulis noctibus horas 5. meditationi dedisse.

5. Manilæ, in Philippinis insulis, anno 1615, Andreas Saito Coadjutor Japon. Non verbis solum, sed disertioribus factis, ut perpetuo sui contemptu, fidei zelo, pauper- tatis studio, civibus suis prædicabat Christum, multisq; saluti fuit. Comprehensus, cum Christo constans adheret, etiam ad tormenta paratus, ejectus est in exilium. In- ter navigandum ærumnis fractus, exilium cum beata patria commutavit.

6. Vilnæ in Litvania anno 1670 P. Benedictus Boym Roxolanus Leopoliensis. Ut ingrederetur Societatem, dixit amico suo, se à DEipara V. cujus erat studiosissi- mus, monitum: Ne autem frater natu major impediret; numeratis ei de patrimonio suo decem millibus florenorum, obtinuit, eoq; pretio religiosam sibi comparavit pau- pertatem. In Societate ardentissimo animarum zelo flagrabat semper; cumq; Indias impetrare non possët; ad revocandos in Ecclesiæ græmium Schismaticos Ruthenos, totus incubuit & prædicatione & libris editis. Proximus morti Sacerdotem præ- sentem compellavit. *Pater mi, videtne? Ecce adsum SS. Patres. Ecce stant ante lectulum meum. Ecce S. Nilus. O S. Nile, ora pro me.* Græcos enim Patres venerabatur impen- sius, ut Patronos haberet contra contumaciam Schismaticorum. *Ex Annuis.*

**I. MARTII.**

1. **S** Xaverius, ex insulis Molucis Malacam reversus, inexplicabili gaudio suo excepit ibi Angerum quendam nobilem Japonem, adventum su- um summo desiderio operientem. Torquebatur enim is homo irrequietis conscientie turbis, metuq; suppliciorum æternorum. Quamvis enim eth- nicus, nihil adhuc de Evangelio edoctus, certum tamen habebat; ut erat ingenio insigni, Animam corpori mortuo superstitem esse, & post fata dan- das ei esse poenas pro delictis commissis: nec in ullis Bonziorum officinis remedium reperit, angoribus suis sedandis. Ergo Xaverio, de quo ma- gna mira; acceperat per famam, instituendum se tradidit. Ille solita com- itate sua hominem facile sibi devinxit: atq; ut per otium liberaliùs insti- tueretur, Goam, quò properabat, secum duxit. Malacà (post debellatos pro- digiosa victoriâ Azenos non tam à Lusitanis, quàm Xaverio) profecti, an- no-

*Lingua S. A-  
tonij mutat sty-  
lum conciona-  
toris.*

*Conciones flo-  
rulenta expia-  
ta Catechismi  
traditione.*

*Infans seme-  
stris Salutati-  
onem Ang. re-  
citavit.*

*Sacrificium  
cum cilicio.*

*Meditatio præ-  
lata.*

*Exul pro fide.*

*Vocatio ad So-  
cietatem per  
B. V.*

*Paupertas em-  
pta.*

*Zelus conver-  
tendi Schisma-  
ticos.*

*Conscientia  
angores.*



Primitia Iaponia.

no 1548, Goam pervenerunt ineunte Martio. Ibi Angerus egregiè instructus, cum duobus famulis, solemnè pompa ab Episcopo baptizatus est; mirum in modum exultante Xaverio, ob has Japonum primitias DEo oblatas. *Bartoli in Vita lib. 2. n. 49. & 50.*

Gandia prima Societatis Academia.

2. In Hispania ipsis Martij Calendis, anno 1549, aperta est Gandiæ prima Societatis Academia, à S. Francisco Borgia, tunc adhuc Ducem agente, erecta: quam diplomatibus Pontificijs & Cæsareis communivit, ornavitq; Carolo V. rege ac Imperatore, omnibus Academiarum, Salmanticensis & Complutensis, privilegiis, eam honorante. *Orland. hist. Soc. part. 1. lib. 7. n. 55. & lib. 9. n. 75.*

Dimissa è Societate fraudes.

3. In Urbe deprehensus tandem est anno 1590 insignis impostor, è Societatis dimissus tyrocinio ante annos complures, ob morbos incurabiles Philippus Justinianus. Institit ille quæstum facere ex valetudine sua infirma, sive vera, sive potiùs affectata. Mirabiles prodebat paroxysmos & symptomata, quæ nemo medicorum intelligebat. Multis in hunc modum exactis annis, prænunciare cœpit, se Pontificis Sixti V. benedictione valetudinem recuperaturum: ita sibi DEum significasse. Ipso ergo die Circumcisionis anno 1589 in Vaticanum se deduci iussit. Sixtus re audita, subridens respondit: se Pontificem non esse, qui miracula faciat: tamen cum rogaretur, formato signo crucis de more benedixit. Æger illico surrexit, & sanus domum redijt. Ergò iterum petit, tanquam plenè sanus, admitti ad Societatem: sed Claudius aliquid subodoratus, distulit de die in diem. Tandem hoc die anno 1590 proditus est. Dum enim inter vespertinas tenebras domum se recipit, auditur fragor explosi sclopeti, & Philippus se percussum exclamat. Accurrunt urbani satellites, vident vestes perforatas, & plumbeam glandem in pectore compressam. Miraculum exclamatur. Sed satellites percussorem insequentes, comprehendunt: qui sine torturis confessus est, sibi ita convenisse cum Philippo. Philippus quoq; confessus est, se vestes perforasse, globum sinui indidisse, & morbos confinxisse; parumq; abfuit, quin capite fraudes lueret. Deportatus est in insulam Melitam. *Sacchin. part. 5. lib. 10. n. 4. & seqq.*

#### Eodem die obierunt.

Ultima Fidei

4. In America apud Papigochos anno 1652, in odium fidei casus P. Jacobus Antonius Basile Italus, eo ipso tempore, quo Christianos Pœnitentiæ Sacramento expiabat. Inter sacrificandum, eodem quo à barbaris obruncatus est, die, sublata de more sacra hostiâ visa est cruento circulo circumdata, & deposita super sacrificalem mapulam, eandem recenti sanguine cruentavit. Complures Indi testati sunt: se vidisse, ex ore

Præfugia mortis cruenta.



ex ore morientis Patris Jacobi pulcherrimum infantem in cœlum evolare, duobus aliis parvulis stipatum. Ad tam felicis mortis gloriam, à teneris annis sese disposuit tanta innocentia in lubrica ætate; ut, quod alias de S. Bernardino traditum est, ipso præfente nemo præsumeret putidum aliquod verbum proferre.

*Adolescentia  
innocens & ve-  
nerabilis.*

5. Cocini in India Orientali anno 1645, in sinum DEiparæ V. se recepit Petrus Bassus, Coadjutor Lusitanus. Ipsam enim tenerrima & constanti pietate, unà cum S. Angelo Custode, semper coluerat, singularibus gratiis vicissim ab ea honoratus. Ferunt, visitantem quoddam DEiparæ templum, ac peregrinatione fessum, prandio cœnâq; refectum ab ipsa, locumq; monstratum, in quo securus quiesceret. Aliàs cum Novitiis Societatis de more peregrinanti, comites se dederunt Matrona illustris, cum viro ætate & autoritate venerando, atq; suavissimo pusione. Cumq; pios peregrinos instructa cœnâ recreassent; rogati quinquam essent? responderunt: *Nos fundavimus Societatem;* simulq; videri desierunt. Alebat Petrus hanc cum DEo & DEipara familiaritatem prolixa & fervente oratione. Sub noctis enim medium è strato surgebat, & reliquum noctis in oratione ducebat: quidquid contrà fremerent tenebrarum potestates.

*B. V. peregrinū  
suum prandio  
& cœna reficit.*

*Fundatores  
Societatis IE-  
sus & MA-  
RIA.*

*Oratio no-  
cturna.*

6. Eboræ in Lusitania anno 1561 Gaspar Fonsæca, Novitius, Lusitanus. Paucorum mensium tyro tam robustam prodidit virtutem, quando foedum apostema in ejus latere sæpius aperiendum fuit: ut medici stuperent; unde in corpore teneri adolescentis tanta fortitudo & animi excelsitas. Sed illam Gaspar trahebat è vulneribus Christi, quæ tunc menteolvebat. Nullum aliud unquam solatium, auxilium aut remedium expetiit. Interrogantibus quemadmodum haberet? perpetuò respondebat: *Bene, laus DEO.* Pharmaca acerbissima Obedientiæ saccharo condita, avidissimè hauriebât. Ubi de vita desperarum esse intellexit; ita gaudio exiliit: ut reviviscere spe mortis vicinæ sit visus.

## II. MARTII.

1. **S**. Xaverius postquam Classis, quæ vehebatur è Lusitania in Indiam, hymasslet in Mozambico, initio Martij movit Goam, defunctus periculosissimo morbo, post septies incisam venam: quem contraxerat ex obsequiis spiritualibus & corporalibus indefessè impensis multitudini ægrorum. *Bar-rolæ in Vita lib. 1. n. 21.*

2. Anno 1589 sanctè defuncti Cardinalis Alexandri Farnesij corpus hoc die illatum est basilicæ Domus Professæ Romanæ, quam ipse in perpetuum sui erga Societatem affectus monumentum, magnis sumptibus splendide extruxerat. Ibi à præsentibus quadraginta duobus Cardinalibus justis funebribus est honoratus, panegyrim perorante nostro P. Francisco Bencio. Vixit est magnus hic Cardinalis singulari DEi Providentia electus, qui miniam hanc familiam, velut è fascijs eductam, paternæ charitatis sinu foveret, ac luce virtutis dignitatisq; suæ illustraret. Ita Ordinem nostrum ab ipso illius exordio sine exemplo, & ad extremum usq; spiritum sine tædio

*Alexandri  
Farnesij exe-  
quie in templo  
Professæ domo.*

*Magnus Soci-  
etatis Patronus*



aut intermissione, fovit, promovit, commendavit, præsidio ac patrocinio protexit. *Sacchin. p. 5. lib. 19. n. 35. & 44.*

3. Cùm sparsa esset per Urbem fama anno 1589, de proxima Cardinalium novorum creatione, inter quos non ultimus ponebatur P. Bellarminus, propter insignia in Ecclesiam viri merita, & sanctimoniam: percussus ipse est graviter, non ignarus; famam publicam & sæpè errare, & subinde verum canere. Neq; diu dissimulandum sibi putavit. Hac die, sub noctem accessit Præpositum Generalem, porrectaq; syngrophâ monuit: ut pro ratione Instituti Societatis, eam dignitatem, si forte, juxta rumorem publicum, deferretur, totis viribus à se arceret; se quoq; partibus suis non defuturum, *Petrasanta in Vita, lib. 3. cap. 1.*

*Eodem die obierunt.*

*In morte gaudium Gluct9.*

*Sine poenitentia nemini decedendum.*

*Inobedientia erga medicum castigata.*

*Memoria stupenda.*

*Theologus Admirabilis.*

*Innocentia vite mater eruditionis altioris*

4. Vilnæ in Litvania, anno 1591, P. Antonius Arias Hispanus, Theologiæ Professor eruditissimus. Inter alternantes gaudii & poenitentiae affectus, religiosissime extinctus est. Nunc in sacros cantus erumpebat: *Cantabo Domino in vita mea; psallam Deo meo, quamdiu fuero &c.* mox poenitenciales intermiscebat threnos cum S. Augustino dicens: *Namini, etiam Sancto, ex hac vita discedendum esse sine poenitentia.* Cùm conscientiam remorderet scrupulus quispiam; quod in morbo medici judicio non omnino conformasset suum; tamen re ipsa morigerum se præstitisset: institit, urstiq; apud P. Rectorem: ut in triclinio eam ob rem, culpâ ut ajunt, dictâ, accusaretur: idq; tertiâ ante mortem horâ iterum petiit, quæsitq; an peractum esset, quod flagitârat? Tam delicatæ conscientiae in vita & morte fuit: & necesse est, esse religiosos.

5. Neapoli in Italia, anno 1590, celebris alter Theologus, pro capeffenda laurea cœlesti abiit, P. Augustinus Justinianus; Pauli Justiniani, Genuensis reip. ducis filius. Tantis ingenii ac memoriæ dotibus instructus apparuit ut cùm Philosophiam Theologiamq; doceret Mediolani, Patavii, Romæ; non nisi è memoria dictaret. S. Augustinum in locos communes digesserat, juxta methodum S. Thomæ, videbaturq; totam memoriâ tenere. Nam ubi ubi res postulabat, aptissima ex Augustino loca; è memoria, non aliter ac è libro recitabat. Sed plus in illo laudis habebat ratio vivendi ad omnes legum apices accuratissime composita: sine qua sublime ingenium est annulus sinè gemma.

6. In Hispania, non procul Occania, redux Româ occubuit anno 1649 P. Antonius Perez, Theologi Admirabilis elogio honoratus, ob disputandi subtilitatem pariter ac soliditatem. Card. Pallavicinus, illius in cathedra Theologica Romana, Collega, hoc eum ornat encomio, in Vindiciis Societatis. Antonius Perez, in Theologico Magisterio mihi Collega, vir ingenio mortalium, quos ego unquam noverim viventes, aut unquam in Societate nostra floruisse, sciam, pro mea æstimatione nulli secundus, simulq; religione, ac pietate inclytus. Qui extremam ejus Confessionem in itinere excepit, religiosus S. Francisci, sanctè testatus est: P. Antonium cum prima gratiæ stola, in baptismo accepta, obiisse. *Sourvellus in Biblioth. Soc.*



### III. MARTII.

I. Clemens VIII. Pont. Max. in frequenti Purpuratorum Patrum Senatu, Anno 1599, tredecim Cardinales novos nominavit; atq; inter hos P. Robertum Bellarminum S. J. de cujus electione sic prolocutus est: *Hunc eligimus, quia non habet parem Ecclesia DEI quoad doctrinam; & quia est nepos optimi & sanctissimi Pontificis Marcelli II.* Hoc accepto nuncio, hæsit primùm attonitus Bellarminus; deinde solutus in lacrymas, convocari curavit Seniores omnes Collegij Patres, rogans; quid concilij superesset ad purpuram declinandam? Dum consultatur, & media declinandi quæruntur: adsunt ex aula Pontificia, qui tergiversantem deducant ad Pontificem, pro delati honoris insignibus capeffendis. Adventanti occurrit Card. Aldobrandinus, nomine Pontificis inhibens sub pœna Excommunicationis, ne reluctaretur. Parendum ergo fuit oclusis undiq; effugij vijs. *Petrus sancta in Vita lib. 3. cap. 1.* Prædicabant interea cuncti non minorem eligentis Pontificis, quàm ejus qui eligebatur, gloriam: adeo ut Card. Petrus Carafa non dubitaret affirmare invidendam Summo cuilibet Pontifici fuisse Clementis VIII. felicitatem, qui Bellarmini & Baronij præclara merita Romano coronare potuisset ostro. Idem profitetur Joan. Nic. Eryth. tom. I. n. 47. *Duos, inquit, singulari ingenio, sanctissimis moribus & incredibili eruditione viros hæc nostra ætas in amplissimo Purpuratorum Patrum collegio conspexit, quorum utrumq; plus ad purpuram splendoris attulisse, quàm ab ea accepisse, est in confesso apud omnes; nimirum Robertum Bellarminum, & Cesarem Baronium.*

*Bellarminus  
cur facit Car-  
dinalis?*

*Sub pœna Ex-  
comm: jubetur  
admittere pur-  
puram.*

2. Magni favoris Divini erga Societatem fuit hæc proventus Bellarmini ad supremum Ecclesiæ Senatum. Opportunissimè enim accidit eo tempore, quo coram eodem Pontifice Clemente agitanda fuit causa Libri Molinæ, & vindicanda Societatis doctrina, de Auxilijs Divinæ gratiæ, & Prædestinatione. Scientissimus enim doctrinæ Societatis Bellarminus, egregiè eam declaravit, & indemnem servavit.

*Opportuna So-  
cietati illius  
promotio.*

3. Clemens verò Pont. Max. cùm circa eam Controversiam componendam, vel definiendam, annis 5. & ampliùs laborasset, & coram ipso Disputationes 37. habitæ fuissent; negotio non confecto decessit hac eadem die, anno 1605. *Eleuther. hist. de Auxilijs lib. 5. cap. 53.* Quantum æstima-  
verit doctrinam Societatis, vel inde patet: quòd eam vocitaret *Societatem Ingeniorum.* Contzen lib. 6. Politic. c. 28. §. 5.

*Clemens VIII.  
moriatur.*

4. Anno 1590 B. Aloysius Castilione ad concionem dixit, ardore ac efficacitate tanta: ut necesse fuerit Sacerdotes Sæculares & religiosos totam

*B. Aloysius fr-  
atru magno com-  
muniatur.*



cam noctem audiendis confessionibus distineri. *Nadasi in Indice Memor.*

*Eodem die obierunt.*

*Victima fidei  
P. Soutvellus.*

*Decies tolera-  
vit equuleum.*

*Triplici donat9  
laureolâ.*

*Ob impatienti-  
am in morbo se-  
norum à Socie-  
tate*

*Pœnitentia  
fructuosissima.*

*Lotio pedum  
usitata in Soc.  
erga hospites.*

*Hebraus gente,  
missionari9 re-  
latus.*

5. Londini in Anglia anno 1595 P. Robertus Soutvellus Anglus, in odium fidei suspensus & excarnificatus. Decies toleravit equulei tormentum, animo non solum constanti, sed etiam sereno, ad stuporem ipsorum hæreticorum. De statu vitæ deliberatione habita, dixit: se Societatem deligere, ut tres in ea consequeretur laureolas; Virginis, Doctoris & Martyris. Consecutum esse, argumento sunt mores innocentes, zelus Apostolicus & mors cruenta pro fide.

6. In Corsica, maris Mediterranei insula, anno 1554 P. Sylvester Landinus, Italus. A S. Patre Ignatio, quamvis non omino è Societate dimissus, in patriam tamen, extra Societatis domicilia, remissus fuerat: quod in morbo stomachosior, & non optimi exempli visus esset. Quæ poena stimulus illi fuit, ad magna & agenda & patiendi, ut dignum se Societate præstaret, & in gratiam S. Patriarchæ rediret. Præstans illi erat, solers, & industriam ingenium, quotidiana jejunia, dies laboriosissimi, noctes fere insomnes, fructus in animabus par laboribus. Virum Apostolicum homines laudibus, Deus raptibus extaticis, dono prophetiæ, & cælesti lumine honorarunt.

7. Romæ anno 1589. P. Joannes Bapt. Elianus, verus Israelita, gente Hebræus, natione Ægyptius, in sinum Abrahæ receptus est. Magna illi nationum, linguarumque peritia & dexteritas. Domi nostræ receptus hospes, cum vidisset nostros ad pedes sibi abluendos provolutos, vehementer ea humilitate & charitate firmatus est in sancto proposito. Ut quantocyus salutaribus aquis expiaretur, impulit ipsum candida columba, quæ in Collegium advolans, ipso spectante, delapsa est in puteum. Lotus ergo, in Societatem admittus, necessariâq; doctrinâ instructus, Memphim in Ægyptum missus est à Pio IV Pontifice: ubi à matre Hebræa agnitus, multis insidiosis appetitus, feliciter, quàmvis naufragio factò, evasit. Ad Maronitas quoq; Pontificis jussu non semel profectus, res arduas feliciter confecit. Multa de illo dat Historia Societatis p. 5.

8. Viennæ in Austria, anno 1679, P. Joannes Nadasi, Hungarus: Vir insigni pietate ac eruditione, quæ relucet in plurimis ab eo editis libris & libellis, ad excitandam & fovendam pietatem. Duobus Præpositis Generalibus, P. Nickel, & Oliva fuit ab Epistolis Latinis ad Provincias Assistentiæ Germaniæ: deniq; Confessarium egit Augustissimæ Eleonoræ Imperatricis Viduæ, vir ad omnem religionem & eruditionem formatus.

#### IV. MARTII.

*S. Ignati9 Epi-  
stola de perfe-  
ctione.*

1. S. Pater anno 1547 Epistolam de Perfectione Religiosa, dedit ad Patres Fratresq;, qui sunt in Hispania. 1. Liquidissimo gaudio se perfusum, refert, acceptâ noitiâ: quàm acri studio incumbant in virtutum solidarum studium. 2. Urget: ut fervore constanti spiritûs progrediantur ad apicem perfectionis. 3. Monet: ut fervor non sit indiscretus sed prudentiâ, & Superiorum nutu regatur. 4. Hortatur: ut dum salutis & perfectioni propriæ incumbunt, non obliviscantur salutis & perfectionis proximi. *Ex literis Præpos. Gener. epist. 2. S. Ign.*

2. In



2. In Polonia Illust: Episcopus Chijoviensis & Czernihoviensis, Thomas de Rupniew Ujeyski, post multas preces, sollicitationes, labores, & intercessionem etiam regum, tandem anno 1676, obtinuit Româ licentiam dimittendi Episcopatum, & Religioso Ordini se se addicendi. Quam ille mirâ spiritus exultatione, & madentibus gaudio lacrymis excepit; ac sine mora se accinxit ad ingressum Societatis, futurus tyro inter tyrones, sed absolutæ perfectionis Magister etiam professus. Io: Brictius in Vita c. 30.

*Eodem die obierunt.*

3. Messanæ in Sicilia P. Hieronymus Ottellus. Ob stupendam vim sacri eloquii, & morum innocentiam, elogium illud consecutus est: *Domine agnus, in pulpito leo.* Nunquam Evangelicum illud ipsi applicatum est: *Nunquam sic locutus est homo.* Quamvis in illo nullæ eximiæ dotes humanæ elucerent, non corporis forma, non vox gratiosa, non oratio compta: tantum tamen valuit dicendo Romæ, Florentiæ & Messanæ: ut cordium dominus diceretur. Tantam dicendi vim & felicitatem alebat potissimum & acuebat profunda humilitate, & crebra diuturna; oratione: cui dimidiam noctis partem dabat.

*Domine agnus, in cathedra leo*

*Dominus cordium per orationem maximè & humilitatē*

4. Jaroslaviæ in Polonia, anno 1593, P. Benedictus Herbestus, Roxolanus. Inventus est in medio cubiculi, flexis genibus in modum orantis compositus, sed exanimis. Relicto Posnaniensi Canonicatu, in Societate indefessum & planè Apostolicum, egit operarium. Verbo & opere potens, multas de hæreticis retulit palmas; quarum princeps fuit, quam tulit de principe scæmina, Elisabetha Radivilia, admodum sciola; ac primùm Calviniana, deinde Ariana, tum Hebræa, deniq; labore Patris Benedicti, Catholica.

*Mors devota.*

*Princeps varia religionis tandem Catholica*

5. Posnaniæ in Polonia anno 1613 P. Stanislaus Grodzicki, Polonus. Cum Romæ funeri B. Stanislai Koska adfuisset, spiritum incundæ Societatis concepit; ad quam ut instructor veniret, iussus est Theologiæ Doctoris laureâ insigniri. In patriam redux, exacto tyrocinio, periclitanti Litvaniæ ob invalescentes hæreses, tam strenuam efficacemq; tulit opem: ut Litvaniæ Apostolus dictus fuerit. In publica urbis platea hæreticus puer transeunti scedè faciem consputavit: quod advertens mulier Catholica, magno clamore viciniam concitavit, & jam tumultus oriebatur. At P. Stanislaus negavit sibi ignominiam factam: nihil enim honorificentius esse, quàm Christi causâ quidpiam pari; composuitq; turbam placido vultu & sermone. *Sourvelius in vit. l. Soc.*

*Litvania novus apostolus.*

*Patientia in ignominia.*

## V. MARTII.

1. P. Simon Rodericius, ad Indias Orientales cum S. Xaverio destinatus, Româ abiit cum Paulo Camerte in Lusitaniam anno 1540. In itinere pertinacem contraxit quartanam, qua confectus est etiam in Lusitania, usq; ad Xaverij adventum. Is cum eodem anno, exeunte Junio Ulyssiponem pervenisset, atq; Simonem in Nosocomio decumbentem, tenerimæ charitatis amplexu arctissimè strinxisset; illico febris omnis fugata.

*P. Simon Rodericius amplexu sanatus S. Xaverius.*



ta est, nullo sui relicto vestigio. *Bartoli in Vita S. Xaverij lib. 1. n. 7. & 12.*

2. In Hispania concitatae sunt anno 1594 non leves turbæ ab Adversarijs Molinæ, occasione Thesium, quas publicè defendendas proposuerat P. Antonius Padilla, è Societate, vir stirpe illustris, sed doctrina & virtute illustrior, Theologiæ Professor in Collegio Vallisoletano S. Ambrosij. Quæstio proposita fuit: *An cum equalibus auxilijs gratia* (scilicet Prævenientis) *possit contingere: ut è duobus infidelibus ad fidem vocatis, alter convertatur, manente altero in infidelitate?* Quam quæstionē sex Conclusionibus, ex Molinæ Concordia excerptis, solvit Padilla. Offensus est gravissimè ea doctrinæ Molinianæ defensione P. Didacus Nunno Ord. Præd. qui jam antè sexigis invecus fuerat in Molinam, contrarijsq; Thesibus promisit se erroneam & hæreticam eam doctrinam confutaturum. Sed non contrarias proposuit, verum longè diversas, & quæ doctrinam Molinæ nec tangebant. Ex his initijs cœpit deinceps trahi funis longissimus acerbarum altercationum. *Eleuther. hist. de Aux. lib. 2. cap. 23. & 27.*

*Altercatio de  
Gratijs aquali-  
bus, sed non a-  
quæ efficacibus.*

*Eodem die obierunt.*

*Concionator  
lanceis confossus*

3. Apud Malabares in India Orientali, anno 1596, P. Petrus Aloysius, è principis Malabaricorum Brachmanum genere oriundus. Ferventiùs prædicantem Christi legem, & inhumanos infidelium mores arguentem, ethnici quidam lanceis confoderunt, & pro mortuo reliquerunt. Sed placuit DEO, ulteriori bono Ecclesiæ, servum suum servare supersitem, & fidelem ministrum Confessorum suorum aureolâ coronare.

*In domo religi-  
osa nihil vile.*

4. In Peruana America, anno 1630, P. Joannes de Villalobos, Peruanus, mortem, cujus tempus prædixerat, oppetiit. Omnia ad religiosam domum spectantia magni faciebat: nihil abjectum, sed omnia esse magnifica & splendida in domo DEI, dictitans. Semper amictus cilicio confessiones audiebat; sceminarum sibi consistentium, faciem non noverat. Tempore afflictionis cujusdam ferventiùs oranti & mœsto, ostensa est cælitus Crux ingens, addita voce disertâ: *Bono animo esto, fili. alia te manet adhuc crux major, & longè gravior.* Sic heroibus Christi crux major in remedium minoris imponitur.

*Afflicto crux  
ostensa cū pro-  
missione majo-  
ris afflictionis.*

*Obedientia si-  
ne discursu.*

5. Ibidem in Collegio Assumptionis anno 1654 P. Joannes Ignatius Beizama. Ab ipso tyrocinio pro Sancto, & altero Aloysio, habitus est. Nemo unquam, contra aliquam Societatis legem peccantem vidit. In tertiæ probationis anno jussus præstituta horâ arbusculam quandam irrigare; obedienter id fecit, etiam ruente imbre. Mirantibus respondebat: *sibi id imperatum esse, citra ullam cœli sudi & pluviosi mentionem.*

*Carcere & ca-  
tens 30 annis  
pro fide solera-  
ta.*

6. Belmontii in Anglia, anno 1616, Thomas Pondo Anglus, genere & Apostolicis laboribus passionibusq; illustrissimus, Primus operarios è Societate in Angliam induxit, eidemq; se postea addixit. Quàmvis verò opportunitatem habere non potuerit, ut sacris Ordinibus initiaretur: Ministri tamen Christi, & Viri Apostolici munus cumulatè implevit, innumeris partim ad fidem adductis, partim in eadem con-  
servatis.



servatis. Unde ingens hæreticorum odium incurrit: & quàmvis cruenta morte sub-  
latus non sit, sive ob respectum familiæ illustrissimæ, sive quòd olim inter hono-  
rios reginæ ephēbos meruerit, præ cæteris graciosus; annis tamen omnino triginta,  
ærumnolosissimos carceres, catenis, & cõpedibus onustus, stupenda constantiâ tole-  
ravit, ac velut Paulus in vinculis, prædicare non destitit. *Tanner. in Societ. Apost. Imit.*

*Paulus alter in  
vinculis.*

## VI. MARTII.

1. **P**ost assumptionem P. Roberti Bellarmini in Cardinalem, Claudius A-  
quaviva literas dedit ad Provinciās: quibus docebat, nihil vel à se, vel  
à Bellarmino omissum esse, quò evitari posset ea dignitas: at Pontificem ita  
fuisse obfirmatum in sententia; ut deprecanti Bellarmino censuras inten-  
taret, nì sine mora pareret. Deinde erexit omnes in spem multorum bono-  
rum, quæ ex hac assumptione obventura sint Ecclesiæ & Societati, ob Viri  
summam eruditionem & sanctimoniam excellentem. Deniq; Sacerdotibus  
omnibus imposuit offerendum Sacrificium Missæ, Fratribus autem Rosa-  
rium, pro impetrandis novo Cardinali gratijs divinis, ad implendam me-  
ritis eminentiam dignitatis. *Petrasantæ in Vita Bell. lib. 3. cap. 1.* Bellar-  
minum, inquit Aquaviva, in Cardinali non perdidimus. Ita sacer illum cœ-  
tus admisit, ut cum Societas non amiserit, quam eò clariùs illustrabit, eò  
proteget faciliùs, quò splendidior est, ac potentior.

*Epistola P.  
Claudij ad pro-  
vincias post as-  
sumptionē Bel-  
larmini ad  
purpuram.*

2. Respondit expectationi & votis Aquavivæ Bellarminus. Vix pur-  
puram induerat, cùm ante Christi in cruce pendentis effigiem stratus humi  
decrevit hæc tria. Primum nihil se mutaturum, de pristino, quem hæc-  
tenus tenuerat in Societate, cursu: alterum, nullas collecturum opes, aut au-  
genda rei suæ, aut locupletandis consanguineis; aut si quid superesset, post  
impensas in familiam necessarias, id levandis pauperibus, aut sacris ædibus  
ornandis daturum: tertium majores proventus non petiturum à Pontifice,  
quàm qui sibi forent assignati, nec doni quidquam à viris Principibus ac-  
cepturum. Hoc postremum statim opere sanxit, oblatamq; ab Oratore Hi-  
spaniensi, nomine Catholici Regis, pensionem opimam recusavit; pertine-  
re dictitans ad Pontificem Max. ut qui se Cardinalem creasset, creatum  
aleret. Nec ita multò post Cardinalis S. Cæcilie aliquot ei nummorum  
aureorum millia submitit, quæ uti puris offerebantur manibus, ita  
puris accipi poterant: at ille nihil retinuit ex eo munere, nisi grati &  
memoris animi perpetuam obligationem. Priora duo capita, ac totius vi-  
tæ rationes ita composuit, ut in Cardinali Bellarminum eundem, qui hæc-  
tenus fuerat; nec imminutam honore virtutem, sed ornatam & auctam ag-  
nosceres. *Juvenius fol. 334.*

*Qualē se præ-  
buerit Bellar-  
minus in nova  
dignitate.*

*Eodem*



Superior excellens.

3. Perusij in Italia, anno 1557, P. Andreas Galvanellus, Italus. A S. P. Ignatio Venerabilis Collegio Rector præfectus, ita rem gessit: ut varijs alijs præfici mereretur. Pontificis missu adiit Vallem Telinam: ubi quàm honorificè est exceptus, tam cumulatè populi vota explevit, nihil passus desiderari, quod Apostolicum deceret Missionarium. Perusino Collegio præesse iussus, ita rexit: ut Historia Societatis illum ejus Collegij vocet Lumen ac Robur; ita Divinæ gloriæ & animarum saluti se impendit: ut passim vocaretur, & honoraretur ut Sanctus.

Paupertatis Evangelica prætiū non omnibus cognitum.

Concionum efficacia non ita in verborum strepitu, quàm dicentis spiritu.

4. In Hispania anno 1565, P. Petrus Tablares, Hispanus. Hic anno 1547 cùm à P. Villanova, sæcularis adhuc, Exercitijs S. Patris excoletur; paupertatem sequacium Christi stomachatus, terga vertere meditabatur, colapho prius impacto Villanova. Sed repertè divinitus perculsus, eidem, quod cogitârat, aperuit, & quam horruerat Paupertatem Evangelicam, in Societate est amplexus. Magna illi, utpote homini peracuto facundoq; , apud dynastas erat autoritas, & magna in obduratis ad penitentiam & lacrymas permovendis, efficacia: quæ non tam in magno verborum strepitu, quàm dicentis spiritu sita erat.

5. Ulyssipone in Lusitania anno 1599 Didacus Diaz, Lusitanus, Coadjutor hodie occubuit, unus è sex charitatis heroibus, qui ibidem inter palmas fortitudinis, & oleas misericordiæ conciderunt victores.

## VII. MARTII.

Doctrina S. Thomæ Aquin. tenenda Professoribus Theologia, & quomodo.

1. Festum hujus diei Sole Theologico, D. Thoma Aquinate, illustre, admonet nos observantiæ, quam S. Doctori, & ejus doctrinæ, ex Institutio Societatis debemus. Inprimis Constitutionum p. 4. cap. 14. §. 1. sancit S. Pater: *In Theologia legatur Vetus & Novum Testamentum, & Doctrina D. Thomæ, &c.* Deinde Congregatio V. Generalis Decreto 41. *unanimes consensu statuit: Doctrinam S. Thomæ in Theologia Scholastica, tantumquam solidiorem, securiorem, magis approbatam, & consentaneam nostris Constitutionibus, sequendam esse à Professoribus nostris.* Quod repetijt, & declaravit Decr. 56, positis sequentibus Regulis, quibus præscribitur 1. Nostris omninò S. Thomam ut proprium Doctorem habeant, eumq; in Scholastica Theologia sequi teneantur, tum quia Constitutiones eum nobis commendant p. 4. cap. 14. §. 1. & Summus Pontifex Clemens VIII. id se cupere significavit; tum quia, cùm unius Scriptoris doctrinam in Societate eligendam Constitutiones moneant p. 8. cap. 1. lit. k. nullius hoc tempore doctrina potest occurrere, quæ sit eà solidior aut securior: ut non immeritò S. Thomas Theologorum Princeps ab omnibus habeatur. 2. Non sic tamen Sancto Thomæ adstricti esse debere intelligantur: ut nulla prorsus in re ab eo recedere liceat: cùm illi ipsi, qui se Thomistas maximè profitentur, aliquando



quando ab eo recedant; nec arctius nostros S. Thomæ alligari par sit, quàm Thomistas ipsos. 3. In quæstionibus merè Philosophicis, aut etiam in ijs, quæ ad Scripturas & Canones pertinent, licebit sequi etiam alios, qui eas facultates magis ex professo tractaverunt. 4. Cæterum ne fortè ex ijs, quæ dicta sunt,umat aliquis occasionem S. Thomæ doctrinam facile deserendi; præscribendum videtur; ut nullus ad docendum Theologiam assumatur, qui non sit verè doctrinæ S. Thomæ studiosus: qui verò ab eo sunt alieni, omnino removeantur. Nam qui ex animo S. Thomæ fuerint addicti, certum erit, eos ab eo non recessuros, nisi gravatè admodum & rarissimè. Ita cit. *Decretum*.

2. Anno 1608 ex mandato Pauli V. Pont. electi sunt in Congregatione Generali novi Assistentes quinq; Deputatis à Congregatione Patribus, incommoda varia ex tali Electione allegantibus, respondit Pontifex: se eam velle, non permotum qualitate personarum, quæ jam eo munere fungebantur: sed intuitu majoris obsequij Divini, & commodi Societatis. *Decretum* 10. & 14. Congr. 6.

*Pontifex novos  
vult eligi Af-  
sistentes.*

*Eodem die obierunt.*

3. Caravacæ in Hisp. anno 1579, P. Ferdinandus Garzia: vitæ austeritati supra modum addictus, nec aliud fere desiderans, quàm contemni, & pati. Factus est quoad alterum hoc punctum voti compos, per totos 4 annos lecto affixus; quos tam forti patientia transegit: ut nihil singularis indulgentiæ admitteret. Jam depositus à medicis, cum urgeretur; ut fidenter posceret, quidquid sibi commodum existimaret: non sine stomacho & horrore respondit: *Egone, DEUS bone, id petam, quod jucundum sit?* Mortem appetiit non improvisam, die ipsius maturè designatâ.

*Religiosi solati  
votum est. con-  
temni & pati.*

*Contemptus  
commodi atq.*

4. In regno Peruano anno 1626, P. Jacobus de Samanlego, Vir singulari morum innocentia, & omnis peccati horrore maximo conspicuus. Post Angelorum Reginam, præcipuè addictus fuit cultui S. Michaëlis Archangeli: qui P. Jacobo aliquando se multo splendore gloriosum ostendens, suam ipsi fidelem operam pollicitus est, in animabus ad fidem frugemq; perducendis; præstititq; fideliter, multis magnisq; infidelium & peccatorum conversionibus per P. Jacobum patratis. Unâ eademq; veste, seu potius pretioso centone, usus est per annos 33. Quam hominis abnegationem, & corporis sui neglectum, visus est DEUS honorasse multis prodigijs gratis ad ejus sepulchrum exhibitis.

*Michæel Ar-  
changelus clienti  
opem suam pro-  
mittit & præ-  
stat.*

*Vestis una per  
annos 33.*

5. Messanæ in Sicilia anno 1625, P. Franciscus Torresius, Italus. Cum Panormi Rector præesset, non solum nullum admisit cubiculi administrum; verum alijs ad vineam digressis, ipse domi verrebatur majus conclave, seu aulam, ut vocant. Toto illo ante cineres triduo, sedebat in villam, ibiq; parco & servili cibo usus, totus erat in preces effusus, ad placandum deliranti mundo DEUM. Mortem uno anno antè prævidit, & prædixit; advenientem excepit Hymno, Te DEUM laudamus, alacriter recitato.



## VIII. MARTII.

*Edictum à re-  
ge Lusit. in fa-  
vorem Christi-  
anitati Indicae  
editum petente  
S. Xav.*

1. **F**lagitante Indiarum Apostolo Xaverio, anno 1546, Joannes III. Lusitaniae rex, ampla & pietatis plena decreta edidit in favorem Christianitatis Indicae, & Honoris divini. Ut Goæ omnia Pagodum simulacra tollerentur, nec liceret ulli eadem deinceps fingere. Quicumq; Brachmanum inveniretur obfistere promovendæ religioni Christianæ, extra fines ditioris Lusitaniæ proscriberetur. Tria millia aureorum, quæ Bazaini quotannis pendebantur delubro Mahometis, impenderentur pauperibus conversis. Ethnici omnes excluderentur publicis muneribus. Gemmarum piscatio (si id Xaverius probasset) penes Christianos tantum esset, nec compellerentur, nisi iusto pretio eas vendere: & plura similia. Sed ministrorum avaritia optimè constituta evertit, ut solet. *Barroli in Vita lib. 1. n. 45.*

*Theologi 2. à  
Pio V. expediti  
ad comitia Im-  
perij.  
In Canisio fer-  
reus animus,  
& cruda corpo-  
ris patientia.*

2. Anno 1566 Pius V. Pontifex expeditur duos à Societate Theologos, Natalem & Ledesmam in Germaniam ad comitia Imperij, celebranda Augustæ Vindelicorum: quò post arduum iter, admodum attrita Natalis valetudine, feliciter hoc die pervenerunt, ad quamvis cum heterodoxis dimicationem parati. Supervenit & Canisius, quem Pius IV. expelierat, ut per Germaniæ Ecclesias circumferret promulganda Concilij Tridentini Decreta. Post iter mensium 4, non minus periculosum, quam laboriosum, ita se novis laboribus Augustæ dedit vir operosissimus: ut Natalis, qui ipse inter validissimos & dexterrimos operarios habebatur, non posset satis mirari in Canisio ferreas animi vires, & affecti corporis crudam patientiam. Habuerunt omnes negotij satis superq; in comitijs illis, tum ut exagitarent sectarios, tum ut firmarent Prælatos Proceresq; Catholicos, consultando, disputando, scribendo, circumcursando dies noctesq;. In fine maxime eorum eluxit labor, prudentia & dexteritas: quando jam propè aberat, ut dissolverentur sine fructu ea Comitia. Per hos enim Triumviros steterunt, & feliciter consummata sunt, facta conspiratione Principum Germ: cum Cæsare contra Turcam Hungariam instantem. Habuit inde Societas eum privatum fructum: quòd Cæsar Maximilianus, qui comitijs interfuerat, aliam deinceps & benigniorem conceperit de Jesuitis, opinionem: quos publico bono tam utiles expertus erat. *Sacchin. p. 3. lib. 2. n. 20. & seqq.*

*Egregia opera  
præstata in Co-  
mitijs Augusta-  
nis.*

*Eodem die obierunt.*

*S. Ignatius ca-  
stitatem P. Ca-  
jætanæ defendit.*

3. Panormi in Sicilia anno 1620, P. Octavius Cajetanus, Siculus, virginitate intemerata, & singulari morum innocentia conspicuus. Impura fœmina cum lenociniis non proficeret, Acheronta contra P. Octavium movit: sed dæmon disertè fas-

*sus*



fus est, conatus suos omnes irritos esse, adversante sibi S. Ignatio, quem ille singulari cultu venerabatur. Ergo nequiores damone puellam subornat Stygia meretrix, quæ ductu & opera dæmonis in P. Octavii cubiculum se insinuaret, & ad scelus sollicitaret. Sed manè conveniens puellam, ut de rei successu doceretur, invenit ipsam, alias formosam, facie distortam, & dæmonis instar atram, clamantemq;: *Ignatius, Ignatius, Ignatius prohibuit. Et infor unij mei author es!* Consternata his scemina ad cor rediit, & animâ apud P. Octavium expiatâ, vitam seriò emendavit. DEus verò servum suum castioribus hospitibus recreavit, integro SS. Siciliæ Virginum choro, in ejus cubiculum immisso. Aliquando parvulus JESUS, multo splendore conspicuus, facemq; ardentem manu gestans, visus est è tabernaculo Eucharistico prodire, & P. Octavium amanter amplecti.

*Amplexus à Jesu Eucharistico datus.*

*Cubiculo egressus DEipara statuâ salutari.*

*In castris tubæ clangore pro salutanda B. V. signum datum B. V. supplicat Filio pro duntimore vita P. Sailij.*

*Eruditionis copia.*

4. Bruxellæ in Belgio, anno 1625, P. Thomas Sailius, Belga, DEiparæ V. cultor eximius. Nunquam cubiculo prodibat, nisi statuâ ipsius de genibus salutarâ. Sacrificaturus DEiparam orabat: ut ipsum disponderet ad Filium suum decenter tractandum. Missionarium castrensem agens, Duci Parmensi author fuit: ut manè in castris clangore tubarum ter repetito, salutareretur cœli Regina, & Imago ejus in vexillis præferretur. Signo ad præliandum dato. Rosarium Marianum instar balthei humero injiciebat; & inter mille pericula salvus evadebat. Aliquando P. Thomas graviter ægrotante, jamq; vicino morti, visa est DEI Mater supplicare Filio: *sine, nostrum hunc servulum etiamnum paulisper vivere.* Audita est, & P. Thomæ insperata, reddita sanitas.

5. Antverpiæ in Belgio anno 1670, P. Henricus Engelgrave, Belga, editis in subsidium concionatorum eruditissimis voluminibus, clarus. Quàm feliciter gubernavit Collegia, Aldenardense, Casletanum, Brugense; tam scitè pieq; direxit per multos annos Sodalitatem Marianam Conjugatorum, simulq; ad Sanctimoniales peroravit. Confessarius in templo assiduus, mirum est, quando eruditionem tantam comparare potuerit, ob cuius copiam illustri agnomine *Officina scientiarum* dicebatur. *Soutwellus in bibl. Soc.*

## IX. MARTII.

1. ANNO 1568, feria tertia, in arce sua Castilionensi, natus est auspiciousimè B. Aloysius Gonzaga, Ferdinandi Marchionis Castilionensis, S. R. Imp. Principis primogenitus. Periclitabatur mater in partu gravissimè: sed in desperatione opis humanæ, voto ad B. Virginem Lauretanam concepto, brevi periculum omne depulsum est, & Aloysius natus ope DEI Matris. Habuit Aloysius id commodi ex eo periculo: quòd antequam toto corpusculo ederetur in lucem, baptizatus sit ab obstetrice. Quòd beneficium ex singulari DEI favore evenisse S. Melchitildi, traditur; ut citius stollâ gratiæ vestiretur, & gratiosa appareret in conspectu Domini. *Nadusi in Indice Memoriali.*

*B. Aloysius baptizatus, antequam totus prodiret.*

2. Anno 1570 Lusitana Societas coloniam duxit in insulam Materi-  
am, non multum distitam à Fortunatis, nec infortunatiorem ipsis, ob soli

*Colonia Societatis in insulâ Materiâ.*



fertilitatem & salubritatem. Hoc die Ulyssipone solvit cum Socijs novem Emmanuel Segneira, Collegio idem & Cathedræ Ecclesiasticæ præfuturus. Quàm libenter suscepti sunt à populo, tam à se alienum experti insulæ Præfectum: quamvis fratres duos primæ authoritatis haberet in Societate. Ita humana media non semper respondent bonæ intentioni virorum Apostolicorum. Perfregerunt tamen difficultates, & Collegium in domo conducta fundarunt. *Sacch. p. 3. hist. Soc. lib. 6. n. 180. & seqq.*

*Eodem die obierunt.*

*Castrensis Missionarii egregius. Angeli ore equum conscendit.*

3. Palentiæ in Hisp. anno 1595, P. Joannes Ferdinandus, Hispanus. Missionarium in castris Belgicis egit præservidum, & muneri suo accuratè intentum. Diem militibus instruendis, & ægris fovendis; noctis magnam partem dabat orationi. Cum aliquando præ virium imbecillitate equum conscendere non posset, Angeli Custodis opem imploravit: & mox, ne tacto quidem stapede, in sella collocatus est. S. Pater Ignatius iteratè se illi spectandum exhibuit: imò & Virgo DEipara cum numerofo S. Mauricii Sociorumq; Martyrum comitatu, atq; Sanctarum Virginum corona: ut operarium suum Castrensem recrearet.

*Professor inferiorum scholarum perpetuus, & ordinatus.*

4. Hefdinii in Gallia anno 1655, P. Robertus Planterose, Gallus: illâ scholas docendi methodo memorabilis; quòd adolescentulos ab infima Grammatices classe ad Rhetoricam usq; deducere sit solitus, multo labore, nec minore fructu. Rhetoricæ præceptis accuratè traditis, redibat ad Infimam classem Grammatices, rursus cursum suum repetebat usq; ad Rhetoricam: & hunc, sanè virtuosum, circulum formabat frequentabatq; , quamdiu vita comes fuit.

*Carcere pro fide*

5. In Anglia anno 1666 quievit in pace, P. Jacobus Munfordus, Anglus. Proditus, captusq; à petulanti milite, in carcerem facinorosorum Nordovici conjectus est: prius tamen amictu Sacerdotali, à scolopetariis per urbem circumductus ad ludibrium. Navigio dein impositus, ut ad alium carcerem transferretur; diem noctemque arctè colligatis manibus pedibusq; traduxit. Sed cum Nordovicenses sibi vindicassent vinctum suum, humanius primum habitus est in liberiore custodia; tandem plenè absolutus, quòd non satis probaretur sacerdos. Reliquum igitur vitæ inter labores & pericula transegit in Anglia operarius indefessus, & animarum Purgatorii, quibus bonorum operum suorum partem satisfactoriam totam applicuerat, patronus singularis. *Sourvell. in bibl. Soc.*

*Anima purgatorii adiuta.*

## X. MARTII.

*Privilegium docendi etiam ubi Academia sunt.*

1. **B** Pius Papa V. anno 1571, Privilegium concessit Societati, incip: *Cum literarum studia:* [ ut ipsius Professores, tam literarum humaniorum, quàm liberalium Artium, Theologiæ, vel cujusvis earum facultatum; in suis Collegijs, etiam in locis, ubi Universitates extiterint, suas lectiones etiam publicas, legere ( dummodo per duas horas de manè, & per unam horam de serò, cum Lectoribus Universitatum non concurrant ) liberè & licitè possint: quodq; quibuscunq; Scholasticis liceat in hujusmodi Collegijs lectiones,



ones, & alias scholasticas exercitationes frequentare; ac quicumq; in eis Philosophiæ vel Theologiæ Auditores fuerint, in quavis Universitate ad gradus admitti possint; & Cursuum, quos in Collegijs prædictis confecerint, ratio habeatur, ita ut si in Examine sufficientes inventi fuerint; non minus sed pariformiter, & absq; ulla penitus differentia, quàm si in Universitatibus prædictis studuissent, ad gradus quoscunq; tam Baccalaureatus, quàm Licentiaturæ, Magisterij & doctoratus, admitti possint, & debeant; eisq; super præmissis specialem licentiam & facultatem concedimus.] Inhibet deinde sub pœna Excommunicationis majoris &c. ne Rectores Universitatum & quicumq; alij concessis contraveniant &c. *Bullar. Soc.*

*Discipuli non sibi in Philos. & Theol. in quavis Academia promoveri possunt, & debent, si digni sint.*

2. In Japonia, fluentibus è voto operariorum Evangelicorum rebus, P. Gaspar Coëlius Vice-Provincialis solvit Nangazaquio Ozacam, ut à novo Japoniæ Imperatore Cambacundono aliquid gratiæ & commodi impetraret pro re Christiana. In itinere quatuor & viginti Matronas illustres, uxores nobilium Christianorum, Baptismo tinxit. Ozacâ certior factus est de singulari erga Socios & religionem Christianam benevolentia Imperatoris: qui & Domum nostram non invitatus visitavit, & audita Lege Christi, respondit: Omnia sibi probari, tanquam rationi consentanea, præter unum Singularitas uxorum id erat, quæ effreni in libidinem barbaro, viam salutis obstruxit. Interim tamen Christianorum Legem sectis Japonum præferebat, & in Bonzios diras jaciebat. *Sacch. p. 5. hist. Soc. lib. 5. n. 164 & seq.*

*Felix iter.*

*Imperatoris Japonia favor.*

*Legis Christianæ probat omnia præter uxorum singularitatem.*

*Eodem die obierunt.*

3. Glasquæ in Scotia anno 1615, P. Joannes Ogilbæus, è scalis patibuli unico saltu provectus in cœlum. Dum reliquias fidelium impiger excolit, comprehensus, diro carcere, fame diuturna, & coortis inde febribus maceratus est. Deinde ferreæ ducentarum librarum perticæ duobus annulis innexus, ac demum diuturnis gravissimisq; insomniis cruciatus est. Per octo enim dies, nec dormire, nedum dormire permissus, aciculis, stylisq; ferreis pungebatur, & variè vellicabatur, ne quid somni admitteret. Insuper variis & subdolis quæstionibus agitur, respondit semper cautè, doctè, promptè atq; Catholicè: sed sæpe ingeniosè, falsè, jucundè, adeoq; semper intrepidus libertatem illam & magnanimitatem primorum Martyrum repræsentabat. Reus mortis pronuntiatus, nuncii hujus bajulo, & post carnifici, amanter amplexum dedit; patibulum quoq; pio amplexu & osculo veneratus, divini Magistri discipulum, & magni Apostoli Andreæ condiscipulum se probavit.

*Victima fidei.*

*Insomnia per 8 dies.*

*Patibulum osculo & amplexu veneratus P. Ogilbæus.*

*Sacerdotum veneratio.*

4. Placentiæ in Italia, anno 1651, Joannes Bapt. Mocchius, Coadjutor virtutis ordinariam supergressæ. Demortuo locus datus est inter Patrum mortuorum funera; utpote Sacerdotum eximio cultori, quibus pro Socio assignatus, sequebatur, eos potius, quàm comitabatur. Cubiculum ejus ornabant angustæ, tenebræ, paupertas. Si quid patiendum esset, familiari utebatur lemmate: *Et hoc breve est. Sancti Patres.*

*Patentia.*

*Patentia.*



5. Compluti in Hisp. anno 1570, P. Franciscus Gonzalez Hispanus. In humili & despicabili ejus corpusculo, præter ingenium humanâ & divinâ literaturâ apprime instructum, elucebat cœlestis quædam, & res altè inspiciebat, prudentia Sanctorum, adeò ut & Rector Collegii & Provincialis dicerent: illius cubiculum sibi esse instar oraculi pro adminiculo ad regendum. Inde illi domi & foris ingens auctoritas. Cum DEo multum, cum hominibus rarò & breviter loquebatur. Tyronibus quando præerat; ut ne verbulo alienam famam perstringerent, magnus & severus illis author fuit. Inter acerrimos quinq; annorum dolores effusè exultare, visus est: quòd DEus ita vellet.

## XI. MARTII.

*Prædeterminatio physica lapsus offensionis.*

1. **C**ongregatis coram Pontifice, Clemente VIII, Cardinalibus S. Officij, anno 1599, retulit Card. Madrutius; Patres Dominicanos permoveri non posse, ut communem doctrinam suam de Auxilijs physicè prædeterminantibus, scripto traderent; non omnes enim in ea consentiebant; urge-  
re autem, ut in censurando Libro Molinæ procederetur. Contra verò Patres Societatis unicè desiderare, ut seposito particularis authoris libro, ageretur de Auxiliorum divinorum efficacia, an ea consistat in gratia physicè prædeterminante? Hanc enim esse lapidem offensionis, quo sublato, facile inter partes conveniret de cæteris. Rogatis Cardinalium sententijs, vix unus Card. Ausculanus, qui ex Ord. Præd. erat, pro Dominicanis stetit; Pontifex ergo de reliquorum omnium consensu pronunciavit: *Velle, ac jubere se, ut causa Molinæ seponatur: generalis autem Controversia de Auxiliorum efficacia tractetur.* Addidit autem disceptantibus velut moderatores Cardinales duos; Asculanum Dominicanis, Jesuitis Bellarminum recenter opportunèq; creatum: qui cum Madrutio cœtib; futuris præessent. *Elev-ber. hist. de Auxil. lib. 3. cap. 7.*

*Epistola P. Oliva ad Episcopum Chyoviensem cum gratiis pro fama Societatis vindicata.*

2. In Poloniam annò 1673, hac die dedit Epistolam P. Joan. Paulus Oliva, Præpositus Generalis, ad Illust. Episcopum Chyoviensem, Thomam Ujeyski, amplissimas ei gratias agendo; pro strenuissimè vindicata Societatis fama. Intellexi, inquit, quanta egerit Illust. Dominatio Vestra pro vindicanda Societatis fama adversus Dominum NN, qui editis non semel libellis eam proscidit. Nunquam verò de fama nostra ille tantum detrahere potuit, quantum suo isto tam impensò studio Illust. Dom. Vestra eam amplificavit. Nihil enim ad minimæ hujus Societatis commendationem illustrius atq; honorificentius esse potuit, quàm quòd ea talem vindicem assertoremq; sit nacta &c. Offert deinde preces & sacrificia indicenda per Poloniam & Litvaniam. *Joan. Brictius in Vita cap. 29.*

*Eodem*



3. Neapoli anno 1610, ad immortales transit P. Petrus Albizius, eximia sanctitatis famâ clarus. Episcopus Acernatum dicere solebat: mira se de Patre Petro proditum, si illi superstes esset: sed prior obiit, & Pater sua se humilitate & abnegatione constanter involvit. Sacrificabat inter liquidissimas cœli voluptates, divina patiens, & subinde à terra sublimis. Singulari pollebat arte, & industriâ tractandi animos. Trecentis plures numerati sunt, quos laqueis sæculi expeditos, ad varios transtulit Ordines Religiosorum.

*Sanctus occultus.*

*Felicitas in dirigendo ad statum religiosum*

4. Ibidem anno 1622 P. Guilielmus Levesquius, Gallus, Mortem oppetiit multò antè prædictam notabili vaticinio: quod scilicet moriturus esset quarto post anno, pridie quàm BB. Ignatius & Xaverius in Sanctorum numerum rite referantur. Veritatem vaticinii probavit eventus. Morbos pellere, cordiumq; arcana introspectere, res illi fuit non rara: sed magis eum commendavit defacata & solida virtus.

*Vaticinium de tempore mortis*

4. Viennæ in Austria anno 1662 P. Joannes Gans, Germanus, concionandi & hæreses infectandi dote excellens. A Ferdinando III. Imp. in concionatorem & conscientiæ directorem adscitus, magna cum laude munus utrumq; sustinuit. Ipso potissimum annitente promotus insigniter est cultus & honor DEiparæ V. Immaculatæ Conceptionis, posita in foro Viennensi ejusdem statuâ, & inductis Universitatibus ditionum hæreditariarum, ad juramentum pro defensione piæ sententiæ, *Sauvvelus in Biblioth.*

*B. V. cultus promissus.*

## XII. MARTII.

1. Celebrata est in Urbe, anno 1622, à Gregorio XV. Pont. Max: sollemnis canonizatio SS. Ignatii & Francisci Xaverij: pro qua à multis annis institerant Ferdinandus Imp: Henricus IV. & Ludovicus XIII. reges Christianissimi, Philippus II. & III. reges Catholici, Sigismundus III. rex Poloniae, & complures alij principes; præ omnibus autem DEus ipse, ingentium miraculorum gloria Servos suos orbe toto clarificando. In perennem hujus beneficii memoriam & gratitudinem, sancitum est: ut hac die singuli Sacerdotes offerant S. Missæ Sacrificium, & qui Sacerdotes non sunt Coronam Marianam.

*Canonizatio S. Ignatii & Xaverii.*

*Gratitudo Societatis pro eo beneficio.*

2 Sacrum hunc Apotheoseos suæ diem S. Xaverius insigni miraculo illustravit anno 1658: quando Maceratæ in Italia Alexandrum Philippuccium è Societate Scholasticum, desperatæ valetudinis, repentina sanitate donavit. Miraculum, post diligens examen, agnovit Episcopus Maceraten-sis, ac typis vulgari permisit. *Nadasi in Indice Memor.*

*Miraculæ cessata sanitas à S. Xaverio*

3. Anno 1583 Gregorius XIII. pro incomparabili zelo suo dilatandæ Fidei & salutis animarum, Legationes varias expedit in Orientem. Ad Jacobitarum Patriarcham Davidem, & ad Armenorum, Melchitarumque Patriarchas, atq; ad Hierosolymitanum Archiepiscopum missus Leonardus

*Expeditiones variæ in Orientem.*

Abe-







8. Romæ anno 1633 P. Cornelius Cornelij à Lapide, recentiorum Sacrarum Scripturarum Interpretum facile princeps, natione Belga. Magno ingenio, magnoq; labori, magnum junxit religiosæ perfectionis studium. Unde cum eruditissimos in omnem S. Scripturam (præter Psalmos & Job, quos morte præventus non absolvit) confecisset Commentarios, cum Salomone tamen dictitabat: *Verè, & in conscientia mea, stultissimus virorum ego sum; & sapientia hominum non est mecum.* Soutvellus in Bibl. Soc.

*Humilitas erudita.*

### XIII. MARTII.

1. **A** Nno 1533 Parisijs in Collegio S. Barbaræ, S. P. Ignatius, completo Philosophiæ cursu, ejusdem laureâ insignitus est Doctor. *Nadasi in Indice memoriali.* Obtinuit & alteram ibidem eamq; pretiosorem lauream heroicæ patientiæ, quâ se comparavit ad sustinendam infamem publicam castigationem, eò quòd pijs colloquijs & monitis condiscipulos ad studium virtutis, & solidæ pietatis cultum excitaret. Sed avertit DEus hoc probrum à servo suo, atq; Rectorem Collegij Jacobum Goveam subito permovit, non solum ad revocandum decretum iniquum; sed etiam ad deprecandum publicè & cum lacrymis Ignatium. Hic est ille Govea, qui postea Joanni III. Lusitanæ regi author fuit: ut in conversionem Indiarum Ignatij Socios adhiberet. *Bartoli in vita S. Ignatii lib. 1. n. 40.*

*S. Ignatius Parisijs Philosophicæ laureâ insignitus.*

*Adversarius in Patronum mutatus.*

2. Romæ anno 1598, undecimus & postremus habitus est cœtus Consultorum & Examinatorum doctrinæ P. Molinæ, numeratæq; iterum sunt decem ejus assertiones damnabiles. Decretum deniq;: Censemur, è re Catholica esse, ut liber, qui inscribitur *Concordia liberi arbitrii cum gratia donis*, compositus à Ludovico Molina, & ejus doctrina omninò prohibeatur. Atq; idem censemur de commentarijs ejus in primam Partem S. Thomæ, quousq; saltem purgentur &c. Sententia hæc, utpote ab hominibus sinistro affectu præoccupatis præcipitata, effectum alium non habuit: quàm ut Clemens Pontifex, miratus tam celerem de re gravissima sententiam, mandaret librum Molinæ iterum & maturius expendi. Quod enim examen nec anni spatio confici poterat: abolverunt illi intra menses duos & paucos dies. *Eleuther. hist. de Auxil. lib. 3. cap. 3. & 4.*

*Decretum Censorum contra librum Molinæ non probatum Pontifici.*

3. Ex Hispania in Floridam, Americæ regionem barbaram, Martyrumq; feracem, solvit hoc die anno 1568 P. Joannes Bapt. Segura cum Socijs quinq; adolescentibus 8. Societatis Candidatis, & quinq; Floridanis, in Hispania Baptismo initiatis. Quod subsidium opportunissimè venit rei Christianæ in illis terris valde laboranti. *Sacchin. hist. Soc. p. 3. lib. 4. n. 298.*

*Expedio in Floridam.*



## Eodem die obierunt.

*Febris transla-  
ta redit ad pri-  
us hospitium.*

4. Duaci in Belgio anno 1633 P. Joannes Robe, Scotus, in Missione Scotica & Hollandica multis perfundus laboribus. Quartana febris laborantem, ut pristinae valetudini & Evangelicis laboribus redderet pia quædam Virgo: petiit à DEO, febrim Patris in se transferri. Impetravit. P. Joanni reddita est sanitas, illa menses 4 febris afflicta: quam cum nimis pertinacem videret, temeritatis se damnavit, quasi mescisset, quid peteret. Nec mora: puellam febris deseruit, Patrem iteratò corripuit, & extinxit.

*Morificatio  
rigida.*

5. Moricæ in Sicilia anno 1648, P. Fabius Justinianus, Græcus. Morte non inopinata, nec ingloria defunctus est, post operosas plurium annorum Missiones per insulas Cyclades. Cum aliis prædicaret, ne reprobis ipse fieret, cruda severitate corpus castigare non destitit. Somnum capiebat vestitus, totoq; triennio non deposuit cilicium è ferreis catenulis contextum. In extremo morbo agere illi persuasum, ut deponeret loricam illam: verum ferreis instrumentis opus fuit, ut extraheretur è carne. Cadaver ne à pio populo directis vestibus, planè nudaretur, in sacrarium deferri debuit.

*Missionarius  
Sinenfis præ-  
stans.*

6. Pechini apud Sinas anno 1630 P. Joannes Terentius, Germanus. Societatem ingressus est jam tunc celebris per totam Germaniam Medicus, Philosophus & Mathematicus. Virtute maturus Apostolico muneri, adiit Sinas, ibiq; ad mortem usq; fructuosissime laboravit, plurimorum animabus salutaris per occasionem corporibus medendi. Calendarium Sinense cum corrigendum esset, primus Imperatori propositus est ad id muneris P. Terentius, à quo Pechinam evocatus, cum se ad laborem illum accingeret, quievit in Domino. Cum Indiam, Bengalam, Summatram, Cocincinam & Imperium Sinense peragrasset ubiq; naturas peregrinarum plantarum, mineralium, animalium & hominum diligenter observavit; atq; ex his observationibus duos ingentes Tomos confecit, quos vocavit *Plinium Indicum*. Sourvellus in bibl. Soc.

*Plinius Indico*

*Libri contra  
hæreticos copiosi*

7. Moguntia in Germania anno 1665 P. Melchior Cornæus, Germanus, vir multarum palmarum, præsertim ab hæreticorum impugnatione reportatarum, quos compluribus libris acerrimè exagitavit; viginti sex recenset idem Sourvellus in Bibl.

## XIV. MARTII.

*Admissio ad  
Societatem si-  
ne restrictione  
conceditur.*

1. **P**AULUS III. Pont. Max. cum anno 1540 primum approbaret Societatis Institutum, tanquam digito DEI, mirabilium patratore, formatum; restrinxit numerum personarum ad sexaginta tantum. At ubi experimentis quotidianis comperit: quanta per pusillum hunc gregem pro Ecclesiæ bono DEUS operari dignatus est; concepta spe non vana longè amplioris commodi proventuri Ecclesiæ, si in partem laborum plures venirent operarii; laxavit fines præscriptos, & per Bullam, *Injunctum nobis desuper &c.* anno 1543, licentiam concessit; quosvis idoneos sine restrictione numeri admittendi. *Bullar. Soc. Orland. hist. Soc. p. 1. lib. 4. n. 2.*

2. In



2. In India anno 1544, S. Xaverius epistolam dedit ad P. Mansillam, qua se probavit non solum comem & suavissimum in conversatione: sed etiam, instar Apostoli Pauli, rigidum in vindicandis inveteratis delictis. Se-  
verè còdèrceri vult, & còdèrciturum se, ubi advenisset, promittit ebriosos Pa-  
tangates, præsertim mulieres, quæ potu Orracha dicto, se ingurgitabant.  
Minatur, se jussurum vinètos abduci Cocinum viros: unde nunquam sint  
in patriam redituri. Talem aculeum habuit apud illa. *Epist. novar. l. 1. ep. 10.*

S. Xaverij se-  
veritas in ebrri-  
os.

3. Eodem tempore Domus Professæ Romanæ construendæ, oppor-  
tunissimo loco, facultas oblata est præter omnem spem, propè divini-  
tus. Visitaverat Urbis Ecclesias Salassiorum Episcopus, Philippus Ar-  
chintus, Vicarius Romani Pontificis per Urbem, deprehenditq; non pro-  
cul ab Arce Romana, seu Capitolio, desertam Ecclesiam curialem, quam  
unica mulier custodiebat, Curione in aula & obsequiis Ducis Placen-  
tini commorante. Refert ergo ad Pontificem, insinuatq;: eam Ecclesiam  
cum domo sua & horto opportunam videri Societati, ad id temporis ad-  
huc in alieno hospitanti. Pontifex Societatem, tanquam partum suum com-  
plexus, eas ædes offert Ignatio, translata animarum curâ Parochiali ad ali-  
am vicinam S. Marci Ecclesiam. Hæc ubi Romæ geri didicit Curio ille  
Ecclesiæ desertor, magnis passibus advolavit, grandem litem moturus Igna-  
tio. Sed eam DEus citò diremit. In itinere collapsus, quo vehebatur, equus,  
miserum oppressit, extinxitq;. Sic vacuus possessore locus, nemine contra-  
veniente cessit Societati. *Orland. cit. n. 4.*

*Eodem die obierunt.*

4. Dolæ in Burgundia anno 1623, P. Valerius Reginaldus, Burgundus. Quàm  
excellens doctrinâ, tam humilis fuit in conspectu suo. Præclarum opus, quod in  
materia Theologiæ Moralis elucubraverat, & etiamnum in usu & honore est, tam  
vile putavit: ut alienum illi nomen cogitaret præfigere, ne qua labes inde in Soci-  
etatem redundaret. Nunquam verbo offendisse, visus est: si tamen existimaret, duri-  
us aliquid sibi excidisse, humili deprecatione corrigere studebat. Vocatus ad portam  
domus, non redibat ad cubiculum, nisi salutatâ & adoratâ Ven: Eucharistiâ. Ma-  
gna illi frequentia parentatum est: multiq; primarii & religiosi viri, eos in animo  
fenserunt motus; ut se illi magis, quàm illum DEo commendarent.

Sermo cautus  
& castigatus.  
Ven. Eucharis-  
tiae veneratio.

5. Romæ anno 1631, P. Virgilius Ceparius, Italus, concionator disertus & so-  
lidus, in provehendis animabus ad perfectionem dexterrimus. S. Maria Magdalena  
de Pazzis, cum Rector esset Florentiæ, ipso utebatur Confessario: quæ de ipso testa-  
ta est, quòd in quadam Exhortatione, quam domi ad Socios habuit, Spiritus San-  
ctus illi verba omnia, quæ protulit, formaverit in ore. Inter alia scripsit Vitam  
ejusdem Sanctæ, S. Franciscæ Romanæ, B. Aloysii Gonzagæ, & Joannis Berchmans S. J.

Exhortatione  
dicta prius  
S. P. Cepario.



6. In Hispania anno 1579, P. Antonius Lopez Hispanus, cum ab Ordinibus Sacris susceptis Granatam rediret; à Mauriscis grassatoribus in via interfectus & concisus est cum 4 aliis religiosis. Causam cædis fuisse non tam lucri cupiditatem, quam Fidei odium, intellectum est postea, quando homicidæ capti & supplicio affecti sunt. Cadavera spoliata & vulneribus scæda, cum non possent aliud ab alio internosci; P. Antonius agnitus est ex libello Examinis particularis, quem secum tulerat, & in via quoq; utilissimum illud Societatis exercitium non intermiserat.

## XV. MARTII.

S. Xaverius  
Philosophia  
Magister crea-  
tus

S. Xaverij sus-  
fragium pro  
Præposito Ge-  
nerali.

1. **A**Nno 1530 S. Franciscus Xaverius Parisijs Philosophiæ Magister creatus, eandem per tres annos cum dimidio, præcipua cum ingenij commendatione, publicè professus est. *Nadaſt in Indice Memor.*

2. Idem Sanctus, antequam proficiſceretur in Indiam, reliquit Romæ obſignatum chirographum hoc die ſcriptum, cum ſuffragio ſuo, quem vellet Societatis univerſæ Præpoſitum Generalem. Ego *Franciſcus*, inquit, *dico & affirmo: me cenſere ex animi mei conſcientia, eligendum in Societatis noſtræ Prælatum, cui omnes obedientiam præſtemus, antiquum noſtrum Prælatum, & verum Patrem D. Ignatium: qui ut ſuo non exiguo labore nos collegit, ita omnium optimè nos conſervaturus eſt, reſturus, & ſemper in meliorem proſecturus; ut qui penitus omnibus nos nôrit. Et poſt mortem illius, loquendo ex animi mei ſententia, ut ſi mox eſſem moriturus, iudico eligendum P. Magiſtrum Fabrum; & in hac parte DEUS mihi eſt teſtis, me non aliter loqui ac ſentio. In cujus fidem ſubſcribo manu propria. Romæ anno 1539 15. Martij. Franciſcus.* Bartoli in Vita S. Ign. lib. 2, n. 48.

3. In Hispania Valentia ad hunc diem cômoratus P. Araozius an: 1545, profectus eſt Gandiam ad Ducem Borgiam. Egerat autem Valentia negotiû ſalutis animarum tam ſtrenuè: ut bis terve in diem ad populum diceret, nec templa caperent conſertiffimum populum, fenestras etiam, & recta vicina inſidentem. Ea audiendi erat aviditas: ut duabus ternisq; horis producta concione, non fatigarentur. Facilis inde fuit ad fundandum ibidem Collegium progreſſio. *Orland. hiſt. Soc. part. 1. lib. 4. n. 124.*

*Eodem die obierunt.*

Viſtima fidei.

Rex cû proce-  
ribz baptizatus

Corpus P. Syl-  
veria crocodi-  
los manifeſte  
cit.

4. Monomotapæ in Africa, anno 1561, P. Gonſalvus Sylveria, Luſitanus, qui illuſtriſſimos natales ornavit purpurâ Martyrum. In Caſtraria, genti maximè barbaræ prædicavit Evangelium, Regemq; Monomotapæ potentiffimum, cum Matre ſua & plurimis proceribus ſacro fonte expiavit. Sed rege paulò poſt per ſacrificulos Mahometanos, & quosdam magnates, perverso; ejus juſſu ſtrangulatus eſt. Corpus P. Gonſalvi in amnem projectum, crocodilos in illo latentes manſuefecit, ut deinceps hominibus noxi non fuerint: locum verò, in quo demerſum fuit, calcſci luce

DEUS



DEus illustravit. Cùm autem ad litus devolutum esset, aquilæ quinq; adfuerunt custodes, ne à bestiis violaretur. Ad mortem tam gloriosam disposuit se P. Gonsalvus insigni morum innocentia, tantoq; religiosa perfectionis studio: ut absq; Martyrii gloria, inter Sanctos Confessores adscribi mereretur.

5. Ulyssipone anno 1575, P. Ludovicus Gonsalvus à Camera, Joannis & Sebastiani Lusitaniæ regum Confessarius gratissimus in Europa, & operarius indefessus in Africa. A rege Joanne III Romam fuit missus, ut tacite accurateq; observaret modum agendi & virtutes S. Ignatii: cui P. Ludovicus perquam familiaris fuit, viditq; illum non raro cœlesti lumine circumfusus. Quanti fecerit rex Sebastianus suum hunc Confessorem & Instructorem, audita ejus morte declaravit: quando diem totum jejunus transiegit, quinq; dies in luctu atratus exegit, & visitato defuncti sepulchro, sacrum exequiale in præsentia sua celebrari curavit.

6. Hispali in Hispania anno 1632, P. Didacus Ruiz, quàm eruditus, tam studiosus perfectionis religiosæ. Theologiam editis Tomis 6, illustravit, culinam autem domesticam aliq; viliora loca, stupendis humilitatis exemplis exornavit. Diebus, quibus à schola vacandum erat, laxamenti loco, orationis spatia extendebat. Mensibus singulis seponerat diem solidum, quo intima sua inspiceret, disponderetq; se ad diem Æternitatis, ad quem frequenter ardenteq; anhelabat: *O dies Æternitatis, quando te videbo!* Flexis genibus studebat, humili situ se disponens ad cœlestia lumina recipienda.

## XVI. MARTII.

I. A Nno 1540 S. Xaverius, ordinante S. Ignatio, & benedicente Paulo III. Pontifice, cum Legato regis Lusitaniæ, Româ discessit in Lusitaniam, inde moturus in Indiam. Pridie monitus fuit à S. Patre, ut se ad hoc iter compararet. Apparatus totus in eo fuit: ut laceras vestes utcunq; sarciri curaret, Socijs valediceret, & Pontificiam benedictionem impetraret. Pontifex novum Apostolum opportunis monitis instituit: ut ad calcandas Apostoli Thomæ vias se miti cogitaret; tanti præcessoris conciperet spiritus, paratumq; gereret animum, ad consignandam Prædicationem Evangelij etiam sanguine fuso. His Xaverius ea, qua decebat, submissione, & alacritate ad currendam viam in orbem alterum, respondit, & Europam valere jussit. *Baroli in Vita lib. 1. n. 7.*

2. Eodem die anno 1554 ejusdem Indiarum Apostoli corpus, cùm jam à laboribus Apostolicis quiesvisset, Goam advectum est, summo, qui fieri poterat, apparatu, nec sine manifestis miraculis. Navis enim, quâ vehebatur, vetustate ferè consumpta, & malè facta, cùm propè Goam in celocem expositum esset corpus sacrum, & merces transportatæ: velut suo functa munere, illico sua sponte, mariq; tranquillo, demersa est. Sanitas compluribus ægris reddita. Sed admirationem maximè movit sacri corporis inte-

*Custoditur ab aquila.*

*S. Ignatii gesta & dicta observari jussa à rege Lusitania.*

*Mortem P. Gonsalvi lugebat rex Lusitanus.*

*Dies vacationum à scholis prolixiori orationi dati.*

*Mensibus singulis delectus: dies pro recollectione.*

*Æternitatis desiderium.*

*Studia flexis genibus.*

*S. Xav. Româ movet in Indiam.*

*Pridie monitus, ut se pararet pro hoc itinere.*

*Apparatus ad iter qualis est*

*Corpus S. Xaverij defuncti Goam delatum, integrum, succulentum & fragrans.*

*Prodigia multis parata.*



gritas, viva species, & cælestis, quam exhalabat, fragrantia. *Bartoli in Vita pag. 283. Orland. hist. Soc. lib. 13. n. 87. &c.*

*Timor Domini  
operariū no-  
strorum anti-  
dotum.*

3. In Hispania anno 1545 Vallisoletum pervenerunt è Lusitania PP. Petrus Faber & Araozius. Cūmq; in aulam Philippi principis regij, ex commendatione regis Lusitanæ & Procerum, faciles aditus habuissent, & humanissimè excepti essent; utentes favore principis, fidenter se laboribus Apostolicis impenderunt apud omne genus hominum, magnā virtutis suæ famā. In hanc falsè jocosus Melchior Canus, notus Societatis amicus, sparsit: Patres illos instructos esse herbā quadam, cujus beneficio, etiam in conversatione cum teneriore sexu, intaminati manerent. Avidus sciendi, quid rei esset, misit ad Araosium Philippus princeps, ut aperiret secretum. Intellexit Araosius, quid ageretur, responditq; rotundè: Eam herbam esse timorem Domini. Acceptum secundissimis auribus responsum, auxit Patrum æstimationem. *Orland. hist. Soc. lib. 5. n. 60. & seqq.*

*Eodem die obierunt,*

*Victima pro  
dei gloria.*

4. In Nova Francia, Americæ regione anno 1649 gloriosa pro fide victima P. Joannes Brebeuff, Gallus. Dum Hurones, gentem à Gallis domitam, excoleret, ab Iroquæis barbaris captus, horrendis tormentis in odium fidei trucidatus est. Primum evulsi sunt ei ungues aliquot, & inflicta sudibus verbera per singulas corporis partes; tum præcisæ manus, os contusum lapidibus, lingua adusta; deinde sub alas & ad renes admotæ candentes secures, ignita collo appensa collaria, circumdatum cingulum è pice & resinatis corticibus: Joanne interea animo in cælum elevato, omnia tolerante stupendo silentio, & corpore inter flammam immoto. Ubi verò cælestia loqui cœpit, os illi obseptum circulo, labra concepta, truncatus nasus. In baptismi ludicram imitationem, aqua bulliente totus persusus; deniq; alligato ad palum, quem peramanter amplexus est, detracta cutis de capite, amputati pedes, caro à coxis ad ossa usq; avulsa, mandibula securi diffissa, ferro ustæ plantæ, dissectum pectus, cor evulsum & devoratum, Sic P. Joannes egregium specimen dedit fortitudinis priscorum Martyrum; sed non minus illustre argumentum zeli veterum Confessorum. Appulsus enim ad illas regiones, neminem reperit Christianum, moriens facile septem millia reliquit.

*Zaborum fru-  
ctus.*

*Post luctū po-  
nitentia conso-  
lationes divina*

5. Romæ anno 1626, Joannes Tibaldus, Coadjutor. Ex milite factus religiosus, totus fuit in deploranda prioris vitæ licentiā: donec moneretur à Novitiorum Magistro, ut absterfis lacrymis, lætiores de amore DEI susciperet cogitationes. Sic purgato cælestes deliciæ pleno alveo se infuderunt, mirisq; gratijs servum suum dignati sunt JESUS & MARIA. Ajebat, se à DEipara nullam unquam passum esse repulsam in iis, quæ petierat. Aliquando examen cum cæteris tyronibus instituenti, Christus adfuit, velut ad excipiendas confessiones in sede compositus; suggererebatq; Joanni errata, & remedia ad illa evitanda? Interea Joannes tantis affluebat animi deliciis, ut diceret: *Non amplius Domine, non amplius; quia emorior.* Monuit insuper Christus;



stus; ut in dubiis confidenter recurreret ad superiorem, & dictis ejus acquiesceret. Aliàs laboranti in culina, Christus amabilissima specie se illi spectabilem exhibuit. Sed mox tam gravis menti incubuit tentatio: ut non solum culinam, sed Societatem etiam deserere cogitaret. Quare ducto profundo suspirio, *IESV*, agebat, *IESV bone, ne me desere.* Et *JESUS* respondit: *Habe fidem, quod ego sum Salvator tuus, & cognosce tuam superbiam, ac scito, quod sine me nihil possis facere.* Erubuit Joannes, & omnis abacta est, nec unquam rediit, tentatio.

## XVII. MARTII.

**I.** Anno 1548 Socij decem Ulyssipone solverunt in Indiam, exigua turma, sed cujus singuli multorum vicem implerent. Eminebat inter ceteros Gaspar Barzæus, Belga, cui post Xaverium vix parem habuit India: Quid inter navigandum præstiterint, docuit exscensio facta in portu. Complures enim, qui ea classe vehebantur, ad pedes Xaverij provoluti, Societatem petierunt: inter quos navis unius Præfectus, alius Gubernator arcis cujusdam præcipuæ, insignis item Doctor Juris, & alij. Ad has cogitationes impulerunt illos tum vitæ discrimina inter navigandum, tum præcipuè Exercitia Spiritualia, quæ in itinere, obierunt. *Bartoli in Vita S. Xav. lib. 2. n. 45. & 46.*

*Iter Indicum  
fructuosum.*

**2.** In Europa electus est anno 1652 in Generalem Societatis Præpositum Decimum P. Goswinus Nickel, Germanus, post magna cum laude gubernata varia Collegia, & bis Provinciam Rheni Inferioris. P. Francisci Piccolominei Assistentem cum ageret pro decem Provinciis, adeo se probavit: ut supremo chirographo ita scripserit de P. Goswino: *Societatem ei commendo, quem Vicarium nomino, & juratus judico aptissimum, P. Goswinum Nickel, Assistentem Germania.* Vicarij Generalis munus tam laudatè gessit: ut post brevem P. Alexandri Gottifredi Præfecturam, plurimâ Patrum suffragatione eidem successerit. *Nadaui in Anno dier. Memor.*

*P. Goswinus  
Nickel electus  
Præp. Gen.*

**3.** In Indiam etiam anno 1667 suppetiæ missæ, quæ hac die solverunt Ulyssipone. Eminebat inter ceteros Socios P. Organtinus, celebre nomen in historia Indica: cujus is ardor fuit in ea provincia expetenda: ut datis ad Præpositum Generalem Franc. Borgiam literis scripserit: se vivere non posse, illa negata missione, præ æstu cordis & animi in sola cogitatione illius expeditionis intolerabili. Totum nihilominus cum se obedientiæ permisisset, his verbis conclusit epistolam: *Quamquam, si negabitur Missio Indica, oportebit te, Pater, suppliciter rogare Dominum, ut hoc desiderium temperet. Nam ut nunc quidem est, tanto in æstu consistere diu vita non potest.* Multa & egit, & passus est in Japonia. *Sacchin. p. 3. lib. 3. n. 222.*

*Missionis Indi-  
cæ ardens desi-  
derium.*

*Eodem*



*Tormenta horribilia Christi causâ tolerata.*

4. In Nova Francia anno 1649, P. Gabriel Lallemant, Gallus, P. Joannis Brebeuf, de quo heri, Socius laborum & tormentorum. Præter tolerata omnia, incredibili constantia, quæ heri narrata sunt, tormenta, acutis in corpus suffixis subulis excruciatuſ est P. Gabriel; oculi effossi, & in eorum cavitatem inserti carbones ardentes, totum deniq; corpus tostum, caro frustatim avulsa, & à barbaris devorata. Stupenda fanè in homine tenerioris complexionis virtus divinæ gratiæ, ad tanta fortiter constanterq; tamdiu toleranda. Solebat aliàs P. Gabriel se ipsum excitare, ac animare: *Age anime, pereamus sanctè: ut dulcissimo Iesu cordi vel sit in unitatem, quam possumus pariamus. Dignus est Iesus, pro quo aspera omnia perferamus*

*Patiendi ardor purissimæ amor*

*Operarius fervens in nube ascendit cælum.*

5. Mexici in America anno 1610, P. Ferdinandus Gomez, è Mexicano Curione operarius Societatis indefessus. Sequenti ab ejus obitu die, Religiosus Ordinis S. Dominici vidit, ex nostri Collegii fastigio candidam leveri nubem, atq; Orientem versus tendere, tum instar scalæ ad cælum ferri. Quæ ille animo gestiente spectans, cum intellexisset, P. Ferdinandum expirasse: ob vulgatam viri sanctimoniam non dubitavit, eum hoc schemate representatum, in cælum ascendisse.

*Conciliorum Collectio Maxima.*

*Librorum editorum ingens copia.*

6. Parisijs anno 1667, P. Philippus Labbe, Gallus, celebris & copiâ & mole librorum editorum. Conciliorum omnium Collectionem Maximam edidit Tomis 17 in folio: quorum quatuordecim in lucem emisit ipse, reliquos P. Gabriel Cossartius. Opus palmare, & tantis viris dignum. Sed quod magis mirandum, præter vastos illos Tomos, plurimos alios in variâ materia libros non tenues edidit Labbæus: Soutvellus in biblioth. Soc: recenset tres supra sexaginta. Rarus certè, qui vel obiter tot perlegerit volumina.

## XVIII. MARTII.

*S. Xaverii petit methodum agendi in India*

*Consilia humana, præsertim superiorum, neglecta, privant lumine Divino.*

1. **S** Francisus Xaverius, cum in procinctu esset, adeundi Apostolatum suum in India, Ulyssipone anno 1541 geminas Romam dedit literas. Alias ad S. Ignarium & P. Codurium; aliàs ad PP. Jagum & Laynez. In prioribus informat inprimis de eximio Regis erga Societatem, & Indorum salutem affectu, totaq; aulâ ipsius ad singularem pietatem compositâ. Deinde orat obnixè & repetitis precibus: ut sibi & duobus Sociis in Indiam ituris, Ignatius & Codurius præscribant accuratè & minutim modum procedendi in Conversione gentium illarum. *Esse enim non diffidimus, quin nos experientia ipsa præsens doctrina & directura nonnihil in eo sit: præcipuam tamen spem intelligendi, quid in hujus totius administratione negotij, potissimum DEo cordi sit; in suggestionem admonitioneq; vestra ponimus.* Ad hanc suppliciter petendam, dicit se compelli metu: ne hujusmodi subsidij humanis neglectis, DEus sibi subtrahat lumina & auxilia necessaria & efficacia; prout solet subtrahere iis, qui vel ex incuria, vel ex animi præfidentia & tumore, negligunt consilia aliorum, præsertim Superiorum &c. *Epist. novarum lib. 1. epist. 7. & 8.*

2. In



2. In hunc diem cum incidat festum S. Gabriëlis Archang: juvat recollere disertam ab ipso factam cuidam religiosiori personæ cōmendationem Exercitiorum Spiritualium S. Ignatij, an: 1600 in Hispania. Cum enim illa proposuisset, animum excolere prædictis Exercitijs; laudavit Archangelus ejus propositum, addiditq;: Singulare obsequium per hoc Reginæ nostræ præstabis. Significat enim tibi: se fuisse & esse, Patronam & Fundatricem illorum Societatis Exercitiorum; seq; adjuvisse, ac docuisse S. P. Ignatium, ut ita fierent. *Nigrönus Tract. 6. de Exerc. spirit. cap. 4.*

*Exercitiorum  
S. Ignatij Pa-  
trona & Fun-  
datrix DEspa-  
ra V.*

*Eodem die obierunt.*

3. Apud Cosanes in America, anno 1611 P. Raphaël Ferrer, Hispanus, à barbaris, quos ad fidem erudiebat, de ponte præcipitatus & demersus. Quadringentos Christo subjecit, & oppida tria condita civibus implevit. Zelus ejus contentus non fuit quibusvis Missionibus, sed maximè arduas appetebat. Insigni dono lacrymarum præditus, quoties vel sacrum diceret, vel litanias aut alias preces recitaret, vel librum spiritualem legeret pijs lacrymis diffundebat. Ex aliorum quoq; oculis eas eliciendi artem callebat. Confluxerat aliquando populus ad profanum spectaculum, neglecta Ecclesiâ: ergo P. Raphaël Crucifixo arrepto in scenam provolavit, tamq; acri oratione spectantes concussit, ut communi comploratione coorta, omnes à spectaculo discesserint.

*Vidua fidei.*

*Appetitus ma-  
gis arduorum.*

*Spectaculū pro-  
fanum discuss-  
um.*

*Eucharistia  
medica.*

*Ardor loquen-  
tis de divinis.*

4. Cadurci in Gallia anno 1632, P. Jacobus Roche. Erga Ven. Eucharistiam piissimè affectus, cum in ætate juniore vi morbi ad extrema esset redactus, ardentè petiit, illam sibi quantocyus ministrari, non tam ut Viaticum, quàm ut pharmacum. Illâ pastus, illico convaluit, cum stupore medicorum. Divino amore adeo æstuabat: ut ex ore loquentis de divinis, viderentur scintillæ proflire, & audientibus de divinis.

5. Mexici in America anno 1640 P. Alphonsus Guererus, Hispanus. Orationi & meditationi mente tam attenta inhærebat: ut excitator matutinus in medio cubiculi hestentem, atq; à terra sublimem, repererit. Egrotorum tam amantem se præbuit, ut cum pro nulla alia re facultatem generalem peteret; pro hoc solo obtinuerit, ut infirmos invisere posset. Ager ipse, gratias DEo agebat, & identidem ingeminabat: *Domini sumus Domini sumus*. Tandem, *valde*, inquit, *sitio: sed DEo gratia; quod tam prope absumus à fonte aquarum viventium*. In lectulo ergo se composuit tanquam moriturus, Sociosq; sui securos jussit ad quietem se recipere. Manè repertus est requievisse in pace.

6. P. Joannes Bonifacius, Hispanus Villagarcie anno 1606. Annos amplius 40. docuit Grammaticam. Huic erat Germanus frater, alumnus religiosi Ordinis; munia concionatoris, Doctoris, Provincialis, & si qua sunt alia in religiosis familiis honestamenta, consecutus. Ille cum fratrem longo intervallo viseret, miratus est, ipsum in ludi litterarii pulvere tot jam annos sepultum jacere. Siccine inquit, ætatem tuam, frater, doctrinam, ingeniumq; contemni? commissum oportet à te aliquid gravius, cuius poenam luas. Cui Bonifacius subridens retulit, magna censeretur apud nos munia, quæ despiceret. Se hanc scholam theologicis, in quibus docere potuisset, cathe-

*Grammatica  
dini dicitur frater-  
nus.*



cathedris prætulisse. Tum fratrem deducit in cubiculum, ac libellum è serinio promit, in quo descripta legebantur nomina præsulum, procerum, & religiosorum in primis virorum, amplius mille ac ducentorum, qui è sua disciplina prodissent: & his, inquit, radicibus adeo humilibus & obscuris nituntur illæ arbores, quarum fructus ad publicam utilitatem tam longè lateq; pertinet. *Inuencius fol. 446.*

## XIX. MARTII.

1. **C**rescentibus in Hispania desidijs, inter Sacrum Prædicatorum Ordinem & Societatem, ratione doctrinæ Molinianæ de Concordia Gratiæ cum libero arbitrio: ad ea componenda, noluit sapientissimus rex Hispaniæ Philippus II, suam deesse operam. Inprimis per literas Ordinis Provinciales convenit: ut omni studio concordiam inirent, pacemq; colerent. Cum nihilominus Burgis, Palentiæ, Vallisoleti, Salmanticæ & alibi, adversarij graviter inveciti essent & publicè in doctrinam Societatis: evocavit ad se Provinciale PP. Dominicanorum, & Visitorem Societatis P. Garziam Alarconium, iussitq;: ut uterq;, inito cum suis consilio, deligerent, ac scripto sibi traderent Media quædam, quæ traderent efficacia ad pacem & amicitiam conciliandam, servandamq;. Quæ postquam rex attentè perlegit; suggestit & ipse, pro exquisita sua prudentia, constituitque quædam ab utrisque servanda: quæ ipsis per Confessarium suum, Didacum Jepez, scripto tradidit hoc die, anno 1596. 1. Utrobiq; præficiantur Collegijs & Universitatibus Lectores bene affecti erga doctrinam S. Thomæ; malè affecti removeantur. 2. Donec aliud statuatur, religiosi unius Ordinis non eant ad disputationes alterius. 3. Nemo qualifcet doctrinam alterius tanquam erroneam, hæreticam, &c. 4. Si quis contra hæc peccasse deprehendatur; quantocyus ad regem deferatur, si non fuerit à suis Superioribus severissimè castigatus. Hæc rex pacis studiosissimus, ordinavit, meliore affectu, quàm effectu. *Eleuther. hist. de Auxil. lib. 2. c. 28.*

*Inter Ordines  
Prædicatorum  
& Societatis,  
dissidentes quo  
ad doctrinam  
de Auxilijs  
Gratiæ, concor-  
diam promo-  
vet rex Hispaniæ.*

*Favor Imperatoris  
Sinasæ erga  
legem Christi.*

2. Apud Sinas anno 1692 obtulerunt Patres Pechinenfes libellum supplicem Imperatori Camhi, in corona Mandarinorum primi Ordinis pro tribunali sedenti: quo querebantur de persecutione excitata à prorege in provincia Chekiam contra Christianos, & Christianæ legis prædicatores; opemq; suæ Majestatis implorabant, ac insuper petierunt abrogationem Decreti contra Christianam religionem lati tempore universalis persecutionis. Non ingratus fuit Sux Majestati libellus, quia ab ipsamet in favorem Legis Christianæ & nostrorum compositus. Ut tamen servaretur stylus Curix, remisit eum ad Tribunal Rituum: à quo cum non satis favorabile



bile decretum emanasset; iterum cum magna indignatione eum remisit ad idem Tribunal, accuratius recognoscendum. Quo factum est, ut tandem libertas prædicandi & suscipiendi Religionem Christianam, per totum Imperium sit concessa publico & universali Imperatoris edicto. *Ex literis P. Thomæ Pereira Romam datis ad P. Gener. anno eodem,*

*Eodem die obierunt.*

3. Parisijs anno 1626 P. Petrus Cotonus, Gallus, unum è majoribus Societatis Gallicanæ luminaribus. A rege Henrico Magno assumptus in Ecclesiasten, ita placuit: ut ei etiam arcana conscientia crederet; ac suo illum curru ad templum vèxerit, manuq; prehensum, suggesto, ut concionaretur, admoverit. Delphini quoq; institutionem ei commisit, parabatq; virum ad Arelatensem Archiepiscopatum, & purpuratum Ecclesiæ Senatum evehere. Sed ille tam scitè tamq; validè eos honores est deprecatus: ut hoc ipso deinceps fuerit regi pretiosior. Erat Cotonus cuivis par muneris, & scientiarum excellentiâ, & eminentis virtutis merito, & singulari agendi dexteritate efficaciq; . Ex aula fumis & illecebris ita nihil prorsus illi adhæsit: ut passim *Bonus aula Angelus* diceretur. Animum ejus DEo semper inhærentem, nulla inter orandum turbabat distractio; zelum, quo infectabatur hæreticos, nulla extinxerunt pericula, etiam gravi vulnere per ficarium accepto. Et vivum & mortuum non paucis prodigiis gratis honoravit DEus & Angelus Custos.

*P. Petrus Cotonus ab Henrico Magno honoratus.*

*Contemptus honorum.*

*Aulicus innocent.*

*Card. Petrus Pazmanus.*

*Zelus pro Ecclesia.*

*Humilis magnificus.*

4. Posonii in Hungaria anno 1637, magnum extinctum est lumen Ecclesiæ & Societatis Petrus Cardinalis Pazmanus, Hungarus. Purpurâ & Archiepiscopatu Strigoniensi, scientiam virtutemq; ejus condecorârunt Urbanus VIII. & Imperator: ut labenti Ecclesiæ Pannonicæ validos supponeret humeros. Nec fefellit spem de se conceptam. Clerum accuratissimè reformavit, multos proceres Ecclesiæ restituit, tum verbo suavi pariter ac potenti; tum editis nitido stylo patrio libris. Collegium Societatis, quam semper ut matrem amabat, honorabatq; Posoniense, Academicam Tyrnaviensem, Seminarium Clericorum Viennæ, Conventum Patrum Franciscanorum in Arce nova, Cœnobium S. Claræ Posonii, insigni munificentia fundavit; ubiq; zelosus, magnificus, & quod magis mirum, humilis.

5. Goæ in India Orientali anno 1634, P. Antonius de Andrade, Lusitanus, indefessus per regnum Tibet Missionarius. Veneno propinato à quodam hæretico, extinctus est: sed DEus sepulchrum ejus fecit gloriosum, tum persanatis ægris, tum vivâ effigie P. Antonii, in superimposito marmore, relucente, tamq; altè marmori impressa: ut deleri & eradi non potuerit.

## XX. MARTII.

1. **A**Nno 1544 Manapare epistolam dedit S. Xaverius ad Franciscum Manasilam in Comorinum: in qua stimulat ipsum ad prosequendos Apostolicos labores, ad quos assumptum esse, raræ felicitatis est. *Tene, inquit, semper demissum ante DEum animum, in dulci sensu perpetuæ gratiarum actionis: quod elegerit te, in officium tam sublime, quàm istud est, in quo*

*Missionariorum officium sublime.*



versaris &c. Epist. novarum lib. 1. epist. 11.

Disputationes  
de Gratia ad  
suum tribunal  
revocat Cle-  
mens VIII.

Disputatio 1.

Molina nec  
maiores nec mi-  
nores tribuit vi-  
res libero arbi-  
trio, quàm S.  
Augustinus.

Sodalitas pœ-  
nitentiæ insti-  
tuitur operâ S.  
Augery.

Puer radijs cir-  
cumfusus.

Magis Virtuti,  
quàm scientiis  
studendum.

Liberalitas pro-  
fusa, in e-  
genos Patris  
Brignole.

2. In Urbe, cùm Controversia de Auxilijs Gratia, & doctrina Molinae, primum agitata apud Consultores à Pontifice designatos, deinde apud Cardinalem Madrutium & ipsius Assessores, procul videretur abesse ab optato fine: Pontifex Clemens VIII, anno 1602, ad summum Tribunal suum revocandam censuit; voluitq; in Vaticano palatio ipse adesse disputationibus ut arbiter supremus & iudex. Prima igitur hoc die habita est coram Pontifice disceptatio, partes PP. Prædicatorum agente Didaco Alvarez, Societatis Gregorio de Valentia. Pontifici assidebant Cardinales duo, Pompejus Arigonius, & Camillus Burghesius, qui post Clementem Pontifex fuit Paulus V. Episcopi aderant complures, doctrinâ præstantes. Quæstio agitata fuit: *Quis majores vires ad bonum, libero arbitrio tribuat, S. Augustinus, an Molina?* Respondit P. Valentia: Molinam non majores tribuere vires libero arbitrio, quàm tribuerit S. Augustinus; nec ullas eidem negare, quas tribuit S. Augustinus. Utrumq; solidè ac prolixè probavit adductis testimonijs S. Augustini & Molinae: & visus est, etiam adversarijs non diffidentibus, palmam obtinuisse. *Eleuther. hist. de Aux. lib. 5. cap. 2. & 3.*

3. In Gallia anno 1583 Henricus Rex, daris manu sua bis literis, ad se Lutetiam evocavit P. Edmundum Augerium: ut ejus operâ uteretur in condenda, quam moliebatur, Sodalitate Pœnitentium. Hoc die initium illi factum est admodum speciosum. Nam præter ducentos, & ampliùs è prima nobilitate, Rex ipse, Principes 12, Cardinales 6, Duces 3, Episcopi 16, in eam nomina dederunt, & in saccis pœnitentium publicè apparuerunt, stupente populo. *Sacchin. p. 5. lib. 3. n. 103.*

*Eodem die obierunt.*

4. Romæ anno 1597, P. Jacobus Tyrius, Scotus, Germaniæ Assistent. Ex ejus adhuc pueri, capite visi sunt radii quidam promicuisse, futuræ sanctimoniae prodromi, Operam navanti Logicæ in Collegio Romano, nimiumq; literis addicto, spectabilis adfuit S. P. Ignatius, graviterq; redarguit: quòd languente virtutum studio, ex orandi tempore aliquid ad studendum decerperet, ignobili & damnofo furto. Monitum conclusit hoc epiphonemate: *Iacobe, plus de virtute, minus de scientia.* Resipuit Jacobus, DEOq; & virtuti integrè tradens quæ DEi sunt, evasit in virum virtute & scientiâ præstantem.

5. Genuæ in Italia anno 1662, P. Antonius Julius Brignole, olim Senator reip. Genuensis opibus & præclaris operibus insignis, maximè verò stupendâ in pauperes liberalitate. Unico anno 1651 expendit in pauperes plùs, quàm ducenta & quadraginta millia librarum. Extremo ante initam Societatem decennio, ut non nemo collegit ex registris (quanquam non omnia scribebantur) notatus est plùs, quàm quadrin-



quadringenta & sexaginta quinq; millia librarum eleemosynæ nomine erogasse. Un-  
de passim vocabatur Thesauri divini Præfectus, *Cassero di Dio*. Ex tantis eleemosy-  
nis Societati obvenit nihil, quod errore multis infuso, putârit eam non egere. Quem  
errorem ubi postea, jam receptus in Societatem, deprehendit ex visu usq; quotidi-  
ano, multum indeluit: à nemine unquam ex Societate ea de re apud se mentionem  
esse factam, proditamq; domesticam egestatem. Sed cum defectum compensavit a-  
bunde, quando se ipsum, talem tantumq; tradidit Societati. Rogatus à magno quo-  
dam viro, an religiosa paupertate contentus viveret? Annuit, & adjecit: *Si totum mun-*  
*dum uni ovi inclusum haberem; ovum illud cum omni mundi gloria terra alliderem.* Monitus  
ut mitior esset in corpus suum, reposuit: *Animi delicias esse corporis cruciatus.* Conciona-  
torem egit planè Apostolicum; verbis & operibus potens. Plura dat Vita typis edita.

*Societati per  
errorem nihil  
prater se dedit.*

*Contemptus  
mundi.*

## XXI. MARTII.

1. **P**ost hesternum coram Pontifice congressum Gregorij de Valentia, &  
Didaci Alvarez, non æquè sereni fluxerunt utriq; parti litigantium di-  
es. Nam, ut ipse Thomas de Lemos, in tom. 2. M. S. Actorum suorum te-  
statur: Jesuitæ plaudentes extollebant Valentiam suam: Adversarij autem  
in luctu positi, quærebant hominem, quem Alvarezio substituerent: designa-  
runtq; ipsum de Lemos, non quidem eruditione, sed ætate & ore validio-  
rem; qui deinceps cum Theologis Societatis congressus est, ac privatim  
conscripsit Acta quædam in hujusmodi congressibus. Verùm talibus Actis,  
sicut etiam Francisci Pegnæ, omnem fidem abrogavit Innocentius X. *Eleu-*  
*therius in Tractat. art. 10.*

*Disputatio 2.  
de Gratia soci-  
etatis plausibilis*

*Acta Lemosij  
& Pegnæ repro-  
bata.*

2. S. Franciscus Xaverius in Indiam proficiscens, anno 1540, hoc die  
Laureti, in sacro illo DEiparæ Sanctuario sacris operatur, & Legato regis  
Lusitaniæ, aliisq; itineris comitibus, divinam Eucharistiam impertit.  
*Nadasi in Indice Memor.*

*S. Xaverium  
cum Socijs sine-  
ris Laureti  
invisit.*

### *Eodem die obierunt.*

3. Antverpiæ in Belgio, anno 1616, P. Gerardus Florentii, Belga, impiger &  
dexterrimus per Hollandiam Missionarius. Morbo, apud Prætorem pagi cujusdam  
simulato, ab eo benignè acceptus licet ignotus, tam opportunè ac dextrè se se infi-  
nuavit: ut ad religionem Catholicam ipsum, & paulò post potissimam pagi partem,  
adduxerit. Ad omnem obedientiæ nutum promptissimus, cuius opitulari & servire  
paratissimus, omnibus omnia fieri satagebat præstare quidvis & poterat, & volebat.  
Ægro cuidam operam navabat sanus, & diserte prædixit; se illo citius è vita discef-  
surum: postea triduum vitæ sibi superesse dixit: nec plus superfuit.

*Missionarius  
industrius.*

4. Majoricæ anno 1621, Joseph Cladera, Coadjutor. Cum magno teneretur de-  
siderio Societatem ingrediendi, nec tamen petere auderet: pia scemina divinitus &  
docta, quid animo volveret: Vade, ait, Joseph, Societatem JESU pete, nec time, im-  
petrabis. Petiit, & impetravit. Manè una alterave horâ ante alios surgebat: atq; tem-  
pus illud flagellando se, sacra lectitando, atq; orando ducebat.

*Studium mor-  
tificationis, le-  
ctionis & ora-  
tionis.*



*Calumnia gra-  
vis heroica hu-  
militate tolera-  
ta.*

5. Mexici in America anno 1622, P. Nicolaus Arnaya, Hispanus, vir inter pri-  
ma Societatis Americanæ decora numerandus, & qui omnium septemtrionalis Ame-  
ricæ regionum Pater appellari possit. Orationis & Humilitatis studio potissimum ex-  
celluit. Illius testes sunt nocturnæ horæ, & subinde noctes integræ inter precandum  
ductæ: istius illustre specimen dedit, quando Rectorem Collegii Guadianensis agens,  
apud Proregem de gravi facinore accusatus fuit à quodam magistratu, famaq; per  
varias regiones percrebuit, P. Nicolaum in vincula coniectum teneri. Nihil etiam  
refutationis adhibuit; sed suæ se involvens conscientiæ innocentia & humilitate, pro  
calumniatore orabat. Adfuit in tempore DEus, & hominem maledicum eò adegit: ut  
coram multis arbitris caneret palinodiam; atq; innocenti fieret bonæ famæ accessi-  
o, unde procurata fuerat pessima. *Soutwellus in bibl.*

## XXII. MARTII.

*Corpus S. Xa-  
verij Malacæ  
delatum.*

1. **C**orpus Magni Indiarum Apostoli, S. Francisci Xaverij, anno 1553, è  
Sanciano Sinarum insula, Malacam in India delatum, integrum, sua-  
veolens, & vivo simillimum; licet integro semestri calce viva obrutum ja-  
cuerit. Occurrit adventanti Vicarius Episcopi cum Clero & effusa urbe,  
atq; in Ecclesiam reverenter detulere. Remuneratus est largè & sine mora  
id officij Sanctus. Pestifera enim lues, quæ complures quotidie absumebat,  
illicò depulsa est, nec ullus deinceps illa ictus. Fami quoq; , non minori  
malo, qua laborabat populus, adfuit confestim remedium, appulsis cum an-  
nona copiosa navibus. Accessit & tertium miraculum. Candelæ enim cerea  
coram Sancti sepulchro constituta pro ceræ quantitate arsuræ horas decem,  
arsit totos 18 dies; & ceræ, quæ ex illa defluerat, pondus majus fuit, quàm  
ipsius integræ candelæ. *Bartoli in Vita lib. 4. n. 36.*

*Peste liberat  
civitatem, &  
fame.*

*Cereus ardens  
non imminuit*

*Societate ipso  
non indigere,  
quisq; sibi per-  
suadeat.*

2. Idem Sanctus anno 1552 Goā epistolam dederat Armuziam ad P.  
Joannem Rodericum: qua illi commendavit veram constantemq; animi  
submissionem; ad quam concipiendam duo illi proposuit media: Ut cogi-  
tet, se Societati necessarium non esse, & dum aliorum salutis curam gerit,  
suæ non sit immemor. *Ad modestiam autem submissionemq; animi retinen-  
dam, illa nobis, inquit, cogitatio salutis erit. 1. Multò magis nos Societate,  
quàm Societatem nobis indigere. 2. Qui sui immemor sit, aliorum salutariter  
memorem esse non posse.* Epist. veterum lib. 4. epist. 4.

*DEus in donis  
suis distribu-  
dis ratione ha-  
bet plerumq;  
liberi arbitrij.*

3. Romæ coram Clemente VIII. habita est, anno 1604, disceptatio 26,  
de Auxilijs Gratia. Quæstio ventilanda erat: *An sit expressa sententia S.  
Augustini, vel saltem de ejus mente, an potius contra ejus doctrinam: quòd  
DEus leges ordinarias donorum suorum adultis distribuendorum, magna ex  
parte usui liberi arbitrij accommodaverit?* Respondit pro Molina P. Ferdi-  
nandus



nandus Bastida ; & cū Quæstionis sensum explicuisset, ostendit inductione multarum legum, quas servat DEus in distribuendis donis suis, quàm illæ sint accommodatæ usui liberi arbitrij: ac tandem necessitatem hujus accommodationis ratione à priori demonstravit. Deniq; doctrinam Molinæ de his, S. Augustini doctrinæ omninò conformem esse ostendit. *Eleuther. hist. de Auxil. lib. 5. cap. 30.*

*Eodem die obierunt.*

4. Nangasachi in Japonia anno 1643, P. Antonius Rubinus, Italus, in scrobe Japonica suspensus pro fide. Vix appulerat in Japoniam Evangelii prædicandi gratiâ, mox cum sociis captus, & sollicitatus est ad Christum ejurandum. Cū generosè renuisset: in ærumnosum carcerem primum compactus est; deinde per totos septem menses, destinatis diebus, tormento aquæ maxima copiâ ori infusæ, & mox maximâ violentiâ compresso ventre, inter acerbissimos dolores egestæ, cruciatus est. Deniq; palàm circumvectus cum adscripta supplicij causa: *Quod ipse, & Socij, Christi fidem prædicatum venissent contra edictum Imperatoris*, in scrobem suspensus capite depresso, pedibus in altum sublatis, est interemptus.

*Victima fidei.*

*Tormenta Japonica scrobis & aqua.*

5. In Paraquaria Americæ regione anno 1645, apud Itatines, quos excolebant, clavâ lignæa trucidati sunt P. Petrus Romerus, & Matthæus Fernandez Hispani. Præcordia evulsa, & præciso jugulo, in linguam, qua Christi legem prædicabant, sævitum.

*Victima fidei.*

6. Antverpiæ in Belgio, anno 1655, P. Franciscus Perez. Habuit eam felicitatem, ut die nascentis Christi nasceretur, & postea ipso Christi morientis die moreretur. Ante ingressum in Societatem mirè liberalis in pauperes, Angelum, vel Christum ipsum, sub pauperis specie meruit habere convivam. Duos filios dedit Societati, quos deinde secutus est ipse; atq; ante illos sacris initiatus, dum primam DEO hostiam litaret, & aliàs non semel, ministros ad altare habuit, uno diaconi, altero subdiaconi officio fungente. Postquam autem & ipsi primum obtulerunt sacrificium, utriq; filiorum pater adstitit, ut director, jucunda rarâq; scenâ

*Cum Christo natus & moriens.*

*Pater cum duobus filiis in Societate primam DEO hostiam offert.*

*Mors ex obedientia.*

7. In Gallia anno 1628, obedientissimam usq; ad mortem animam tradidit DEO Petrus Colet, Coadjutor, Gallus. Vicinus morti, rogavit P. Rectorem, juberet mori: ut vel sic aliquomodo conformaretur Salvatori suo, obedienti usq; ad mortem. Drectavit durum imperium Rector: ne tamen infirmus optato fraudaretur merito, monuit: ut se quàm accuratissimè conformaret universali illi decreto divino, quo statutum est omnibus hominibus, mori: Acquievit Petrus, & obediens obiit.

XXIII. MARTII.

1. Iulius III. Pont. Max: gravem Societati luctum indixit funere suo, anno 1555, Pontificatus sui quinto. Sensit inprimis immaturam ejus mortem Collegium Romanum, cui liberale annuum vectigal assignavit: sensit & Collegium Germanicum in Urbe, cui certa pecuniarum subsidia subministrabat ex intervallo; sensit deniq; Societas universa, quæ Iulium agnoscebat ut Patrem, à quo amplissimo diplomate confirmatam, immunitatibus auctam,

*Iulius III moritur.*



auctam, munitam privilegijs, ornatam beneficijs, propugnatam & propagatam autoritate, se agnoscebat. *Orland. hist. Soc. p. 1. lib. 15. n. 2. § 3.*

*Legatorū Japonum adven-  
sus in Urbem.*

2. Romam cum anno 1585 heri pervenissent Japones, Legati Christianorum Regum, de industria dilatus est in noctem ingressus eorum; ut sequenti majore Pompâ celebraretur. Placuit enim Pontifici Gregorio XIII. ut eadem solemnitate, qua Europæorum regum Legati, exciperentur, & in Aula regia Senatus Patrum Purpuratorum ipsis daretur. Pridie ergo inter tenebras diverterunt ad Domum Professam Societatis, ubi à Claudio Generali, & 200. circiter Socijs, amantissimè, nec sine lacrymis intimi gaudij testibus, sunt excepti, & in templo Hymnus Eucharisticus decantatus, ob tot itinerum difficultates & discrimina feliciter superata, toto jam exacto triennio, ex quo è Japonia solverant. Hodie ad Villam Julij Tertij extra portam Flaminiam delati curru tecto, salutati sunt nomine Pontificis, à quibusdam Curia Pontificia Ministris; ac dein solemnissima pompâ, reboantibus è Castro S. Angeli tormentis, profecti sunt ad palatium Vaticanum, equites, habitu Japonico, vultibus egregiam indolem, ætatis florem, & generis morumq; non vulgarem nobilitatem præferentes. Excepti illos in aula regia Pontifex cum Cardinalibus, vultu blandissimo, sed oculis madentibus; accedentesq; insigni cum reverentiâ ad pedum oscula, atq; literas regum suorum exhibentes, ceu filios dulcissimos iterum iterumq; amplexatus est. Exposuerunt post hæc per Interpretem P. Jacobum Mesquitam, qui ipsos ex India deduxerat, causam Legationis suæ: ut scilicet principalium suorum nomine, verum ac fidele obsequium deferrent Summo Christi Vicario, & Universalis Ecclesiæ Pastori. Respondit Pontifex graviter; tandemq; ad privatum illius conclave sunt deducti, dulciq; colloquio distracti, donec epulo tempus adesset. Pari etiam deinceps humanitate atq; splendore habiti sunt, quamdiu in Urbe commorari placuit. *Sacch. p. 5. l. 5. n. 6. & seq.*

*Solemnis eorum  
ingressus.*

*P. Mesquita  
Legatos deduxit.*

*Eodem die obierunt.*

*Vidua fidei  
in Japonia P.  
Meczynski.*

*Sermo de B.V.*

*Salutatio ejus-  
dem.*

3. Nangasachi in Japonia anno 1643, P. Albertus Meczynski, Polonus, non minus religiosa virtute, quam genere clarus. Iisdem tormentis in eadem causâ, cum P. Rubino, de quo heri, sublati sunt. Cum luculenta hæreditate Societatem in Polonia juvisset: tam, ait, nihil habeo, nisi sanguinem, quem Deo meo tradam. Hunc ut pro Christo funderet, Japoniam impetravit. In tyrocinio Romano imitatus B. Koskam, de V. DEipara, inter tyrones mira verborum sensuumq; affluentia sermonem ferebat, novaq; eam colendi artes afferebat in medium. Cubiculum ingressurus vel egressurus, facie ad ædem S. Mariæ Majoris conversa, DEI Matrem Dominam suam, venerabatur. Tali tyrocinio respondit vita omnis, & mors gloriosa.

4. Porti in Lusitania anno 1547, Vascus Ferras, Scholasticus, Lusitanus. E nobili



bili & locuplete Canonico factus humilis & pauper religiosus, quantum has Christi virtutes amaret, declaravit: quando suadentibus medicis, ad patriam auram, qua reficeretur, missus, non in domum paternam, sed in nosocomium se recipit. Mortis die ex vero prædictâ, fertur à DEipara V. & Sanctis Joanne atq; Augustino visitatus & recreatus.

5. Placentiæ in Hisp. anno 1564, P. Joannes Paulus Alvarez, Ecclesiastes, mirabili gratiâ & efficaciâ clarus. Evangelio super ægros recitato pellebat morbos, & dæmones. Methymnæ & Placentiæ Rectorem cum ageret, eam suaviter fortiterque induxit religiosæ disciplinæ observantiam: ut *Angelorum Collegia* dicerentur. Vitam longiorem non optabat, nisi ut amore Christi plura pateretur.

*Æger non ad domum paternam, sed nosocomium devenit.*

*Angelorum Collegia.*

*Patiendi ardor*

## XXIV. MARTII.

1. **S** P. Ignatius anno 1522, novam vitam solemniter auspicaturus, cum pridie festi Annunciationis DEiparæ V. venisset in pagum ad radices Montis Serrati positum, proprium peregrinorum simul & poenitentium comparavit sibi habitum; vilem tunicam ex crassa canabe, funem, quo cingeretur, cucurbitulam aquariam, & viatorium baculum. Sic instructus ad sacrum montem perrexit: ubi exhomologesim totius vitæ tam accuratè districteq; peregit, tantoq; cordis dolore: ut totum triduum poenitentialis luctus tenuerit. Confessione absoluta, pretiosas vestes sub noctem mendico donavit, & recenter comparata diploide sese vestivit, totamq; noctem ante aram DEiparæ, stans, vel de genibus precando, vigilavit. *Bartoli in Vita, lib. 1. n. 10.*

*S. Ignatius vitam novam auspicatur.*

2. In Indiam hoc die, anno 1578, è Lusitania expedita sunt nova subsidia, Socij quatuordecim; parvus numerus, sed multis magnisq; rebus gerendis idoneus. Inter cæteros eminebant Rodolphus Aquaviva, qui postea in Salsettis Martyrij purpurâ donatus est; Michæel Rogerius, & Matthæus Riccius, qui primi in Sinarum mediterranea penetrarunt, & claustrum illud Evangelio referarunt. Felici navigatione, & opportunissimè pervenerunt Goam. Cœperat enim ibi quorundam levitate laxari disciplina domestica: quæ mox religiosissimis advektorum hospitem exemplis ad normam debitam est feliciter composita. *Sacchin. p. 4. lib. 6. n. 231.*

*Exempla magis quam verba valent ad reformandos mores.*

3. Michæel Bay errores suos agnoscit & retractat his verbis: Ego Michæel de Bay, Cancellarius Universitatis Lovaniensis, agnosco & profiteor me ex varijs colloquijs & communicationibus, habitis cum R. P. D. Francisco Toletio, Concionatore Sux Sanctitatis, & ad hanc rem specialiter misso, super diversis sententijs & propositionibus, jam olim à Sanctissimo D. N. Pio V. fel. record, sub data Kalendarum Octob. anno 1567, & nuper à

*Bay agnoscit & retractat errores suos.*



Gregorio XIII. moderno Pontifice Max. de data IV. Kalend. Febr. 1579 iteratò damnatis & prohibitis, ita motum, & eò perductum esse, ut planè mihi habeam persuasum earum omnium sententiarum damnationem atq; prohibitionem jure meritoq; ac non nisi maturo judicio & diligentissima excussione præmissis, factam atq; decretam esse, &c. Deniq; declaro me in præsentiarum ab ijs omnibus recedere, & damnationi à S. Sede factæ acquiescere, neq; posthac illas docere, aut defendere velle. Datum Lovanij die 24 Martij anno 1580. *Juvenius fol. 270.*

*Eodem die obierunt.*

*Vita in Societate salutaris.*

*Prædestinationis revelatio.*

*Conciones flellendo scripta.*

*Vitima 5. charitatis.*

*Modesta religio.*

4. Monachii in Bavaria anno 1630, P. Adamus Saller, Germanus, concionator celebris, ac duplici cælitus accepto nuncio memorabilis. A quodam è Societate jam defuncto, qui ei apparuerat, audivit non sine horrore hanc vocem: *Nisi in Societate esses, venturus eras* At à DEipara V. plenum solatii & gaudii nuncium accepit de sua ad beatitudinem æternam prædestinatione. Fidem huic revelationi adstruebant profunda P. Adami animi demissio, ardens animarum zelus, piorum colloquiorum usus, & assidua æternorum cura. Conciones genibus flexis scribebat, quasi amanuensis DEI: habebatq; se ut internuncium, per quem DEus populo exponeret mandata sua.

5. In Hibernia anno 1650, P. Patritius Lea, Hibernus, in heroico charitatis obsequio, cum 4 sociis occubuit, serviendo pestifera lue tactis. Quantam de illius sanctitate opinionem conceperit populus, manifestum fecerunt agmina accurrentium certatim è domibus, ut transcurrentis simbriam vestimenti deolcularentur. Rapi enim se, aiebant; ab amabili quodam odore suavissimæ virtutis, ex ejus fronte, oculis, & tota membrorum compositione fragrantis. Cum non solum Philosophicis ac Theologicis scientiis egregie instructus esset, sed etiam artis Medicæ apprime peritus: totis corporis & ingenii viribus incubuit in corporum animarumq; sanitatem, & Sacramenta & medicamenta ministrando ægris. Mortem hausit à foedissimo cadavere inhumato: quod ne aërem inficeret, suis humeris elatum, terræ mandavit.

## XXV. MARTII.

*S. Ignatius armatus appendit ara B. V.*

1. **P**rimo hujus diei crepusculo, S. Ignatius, novi VERBI incarnati miles, indutus arma lucis, vetera arma, pugionem cum ense, Aræ Marianæ in perpetuum anathema appendit; divinæ mensæ accubuit, equum monasterio donavit, & cum devotioni suæ largè indulgisset, Montem Serrarum propter deseruit: ne à confluentibus undiq; hominibus agnosceretur, & proderetur: Manresam autem se recepit. *Bartoli in Vita lib. 1. n. 10.*

*Edictum P. Ministri Gen. Ord. Præd. de concordia cum Societate.*

2. Romæ anno 1661 edita est encyclica parænesis à Rndmō P. Joanne Bapt. de Marinis, Generali Magistro Ord. Prædic: in qua hortatur universum Ordinem: *ut cum inclita Societate JESU sit illis uirumq; anima una, & cor unum in Domino*; allegatq; hanc in rem admonitionem IV. Capituli

Geno.



Generalis Valentini anno 1591; & Ordinationem 21 Capituli Generalissimi Romæ anno 1644 habiti; & ibidem anni 1656 confirmatione decima: ubi prævaricatores hujus legis mox ipso facto incurrunt, & incurrisse declarantur privationem utriusq; vocis, graduum & officiorum, cum perpetua inhabilitate; quàm solus Magister Ordinis, vel Capitulum Generale auferre possit. Provinciales quoq; & alij Superiores, quicunq; has pœnas transgressoribus infligere dissimularint, à suis officijs absolvantur. Ita ibi. Servatur hæc epistola in archivo Domûs Professæ Romanæ S. J. *Nadasi in Indice Memor.*

*Pœna in prævaricatores.*

3. In Hispania Segobiæ, anno 1572, Venerab. P. Franciscus Suarez primam DEo hostiam obrulit, Verbum Incarnatum hoc die, magna animi sui voluptate, sed nec parvo præmissis apparatu. Novo Sacerdoti statim à P. Provinciali demandatum est munus Confessarij Domesticorum, & rerum spiritualium Præfectura: quamvis vix attigisset ætatem ad sacerdotium requisitam, & in numerofo Collegio non deessent viri ætate & moribus graves. Sed præcox in juvene mysta virtutis, prudentiæ & scientiæ maturitas (jam enim Philosophiam prælegebat) id honoris & muneris, omnium judicio meruerat, *Massejus in Vita.*

*P. Franc. Suarez primam hostiam offert.*

*Est statim Præfectus spiritus.*

### *Eodem die obierunt.*

4. Nangasachi in Japonia anno 1643, gloriosæ pro Christo. appetitæ mortis palmam adepti, tres Socii P. Antonii Rubini (de quo 22 Martii) P. Antonius Capetius Italus, P. Didacus de Morales Hispanus, & P. Franciscus Marquez, in Japonia Patre Lusitano natus. Centies & quinquies tolerasse Japonicum infusæ aquæ tormentum, feruntur; totis novem diebus in scrobe pependerunt capite depresso, deniq; gloriosum certamen gladio cædente consummârunt.

*Victimæ fidei tres.*

*Dura tormenta & diuturna.*

5. Romæ anno 1561 Ægidius Montanus Belga. Morti vicinus, vehementer agebatur de quadam inobedientia commissâ, licet jam expiatâ: cum ecce nocte intempesta, vigilantibus videtur aperiri cælum; putabatq; se attolli in altum, sed velut plumbea veste gravari, quominus ad conspectum DEI evolare. Sentiebat tamen, sensim plumbum illud colliquescere, & se altius atq; altius attolli: non tamen ausus est, ex conscientia noxæ illius, oculos levare ad DEum, donec ab eo audiret, condonatum jam esse, quidquid erat culpæ. Eodem tempore cognovit diem mortis suæ, & duorum ex eodem Collegio Patrum: responditq; prædictioni eventus, & visionem non fuisse vanam docuit.

*Inobedientia noxia.*

6. Messanæ in Sicilia anno 1619 Bartholomæus Valditarus, Italus, Novitius. Cum adolescentulus adhuc literis operam daret, eam collegerat apud Coætaneos, sui venerationem: ut aliquantò liberius agentes, si intervenisset Valditarus, illi succedarent; *Bartholomæus venit!* seque ad modestiam componerent. In tyrocinio Societatis vix per anni dimidium versatus, inventus est cælo maturus. In morbo supremo,



colloquia de V. DEipara misceri volebat, & aliò deviantes, ad institutum revocabat. Deniq; disertè affirmavit: se ad B. V. ab Angelo salutata festum è vita excessurum, & excessit.

## XXVI. MARTII.

*Epistola de Obedientia à S. Ignatio data.*

*Zelus sine Obedientia noxi-  
us.*

*Epistola illius  
elogium.*

*Legatio P. Posse-  
levini in Mos-  
choviam.*

1. **A**Nno 1553 S. P. Ignatius auream illam de Virtute Obedientiæ dedit Epistolam, ad Patres Fratresq; degentes in Lusitania. Cum enim ibi non pauci è Societate præter modum exarsissent in pietatis officijs; putarentq; fas esse, agere in hoc genere, quidquid alicui videretur melius; ideoq; immoderatus zelus, impatiens directionis Superiorum, non pauca peperisset incommoda tum privatis personis, tum ipsi communitatibus: coercendos, & intra sphæram Obedientiæ continendos, existimavit S. Pater. Mira autem prudentiâ formavit, & suavitate condidit, ac numeris omnibus absolvit eam Epistolam: ut nihil, quod ad perfectionem Virtutis Obedientiæ pertineat, ipsi desit; prout disertè testatus est S. Franciscus Borgia in literis ad Societatem datis, post electionem sui in Præpositum Generalè. *Quia, inquit, B. Pater Noster Epistolam de Obedientia scripsit, non utilem modo, sed omni dignam admiratione; quippe cui nec quicquam addi possit, nec detrabi: ad eam vos remitto cum hac una voce Evangelij, Hoc fac & vives.* Bartoli in Vita S. P. lib. 3. n. 25.

2. In Moschoviam hoc die movit ex Urbe, anno 1581, P. Antonius Posselevinus, caractere Legati Pontificij instructus, ad pacem componendam inter Stephanum Bathorem, Poloniæ regem, & Joannem Basilij Magnum Ducem Moschoviæ. Pressus hic victricibus Stephani armis, missa Legatione ad Gregorium XIII. Pontificem confugit, orando: ut pro sua, qua polebat in Principes Catholicos autoritate, susciperet pacificationis negotium, ne copiosior funderetur sanguis Christianus, sed potiùs junctis armis impeteretur communis hostis Turca. Addidit splendida promissa reconciliationis suæ gentis cum Sede Romana. Delecta igitur est, in hanc rem, multis probata experimentis, prudentia & industria P. Antonij; qui pacem quidem feliciter composuit; sed Moschus promissis non stetit fideliter. *Sacch. p. 5. lib. 1. n. 110.*

*Eodem die obierunt.*

3. Limæ in regno Peruano anno 1613, P. Stephanus Paez, laudatus à dotibus religiosæ gubernationis. Cum mortuo parentaretur, vidit non nemo, non vulgaris virtutis fama celebris, P. Stephanum ad aram procedentem, ab obvio S. P. Ignatio amanter excipi, & eximiis gratulationis officiis honorari.

4. Catanæ in Sicilia anno 1604, P. Ferdinandus Paterno. Confessarium egit B. Aloylij



B. Aloysij Gonzagæ, quando is, de statu vitæ deliberans, à Beatissima Virgine Societatis in eandem consilium accepit, atq; id Confessario suo aperire jussus est. Incidit aliquando in grave Castitatis suæ discrimen: quando ad ægram quandam invitatus, sensit lupam latere sub plumis. Sollicitatus ad scelus, sine mora fugâ gloriosâ sibi consuluit.

*Castitas servata  
tur fugâ.*

5. Brunæ in Germania anno 1627 Balthasar Mayr, Coadjutor, Germanus. Quotiescunq; DEiparæ V. imaginem præteribat, illam humillima salutatione ac reverentia venerabatur. Concionatorum Socius, ad pedes eorum cum Magdalena sedere amabat, ut Verbum DEI reverentiùs exciperet. Corpus ejus in crypta Brunensi receptum incorruptum.

*DEipara V.  
cultus  
Concionatoris  
veneratio.*

6. Dolæ in Gallia anno 1634, P. Joannes Lorinus, Gallus, insignis Divinarum scripturarum Interpres, quarum magnam partem eruditis Commentariis, in Tomos 8 distinctis, illustravit. Quamvis Romæ Theologum Præpositi Generalis, & Librorum à nostris imprimendorum censorem ageret, atq; in cathedra scholastica sacras interpretaretur Scripturas: habebat tamen tantum temporis ad tot conficiendos tomos: quia nihil illius perdebatur. *Sourcell. in bibl. Soc.*

*Explanatio o-  
perosa S. Scri-  
ptura.*

## XXVII. MARTII.

1. S. Franciscus Xaverius anno 1552 dedit Epistolam ad P. Simonem Rodericum, quâ ipsi commendat juvenem quendam è nostris charitate tenerima: qui valetudinis gratiâ remitti debuit in Lusitaniam. Oro te, inquit, per DEI Domini nostri amorem atq; obsequium, Charissime mi frater Simon; Andreæ Carvallium ea istic charitate excipias, quâ & ego, & ipse, speravimus excipiendum & recipiendum & recreandum à te. *Epist. veterum lib. 5. epist. 18.*

*Charitas S.  
Xaverij erga  
Socium agrum.*

2. Aliam dederat idem hoc die, anno 1544 ad Franciscum Mansillam, qua queritur de intimo cordis sui dolore, dum videt Neophytos crudè tractari à Lusitanis. Deinde corrigit quædam, quæ Mansilla, transferendo Symbolum Apostolorum in linguam Indorum, non satis expresserat. *Epist. novarum lib. 5. epist. 3.*

*Eiusdem erga  
Neophytos.*

3. E Lusitania in Japoniam hoc die solvit anno 1588 P. Sebastianus Morales, cum Sociorum septem lecto manipulo, consecratus jam Episcopus Ecclesiæ Japonicæ. Inter alia enim, quæ Legati Japonici, & Romæ cum Pontifice, & in Hispania cum rege Philippo in commodum illius Christianitatis egerunt, fuit & istud: ut Ecclesiæ illi, jam propè quadragenariæ, quæ reges in familia sua censeret, numeraretq; supra ducenta millia fidelium, Episcopus proprius daretur: à quo ibidem ordinari possent Operarii Evangelici & Sacramentorum Ministri. Rex Philippus ad id muneris nominavit è Societate JESU P. Sebastianum Moralem, tunc Lusitaniæ Provin-

*Episcopus In-  
ponia datus è  
Societate.*



ciæ Præpositum, virum animo, consilio, virtute, industriâ, cuius egregio muneri parem. Ratam habuit nominationem Pontifex Sixtus V, expeditiq; sinè mora diplomata consecrationis. Sed DEo, inscrutabili Providentiâ, placuit potiùs; bonum Præsulem ad percipienda præteritorum laborum præmia evocare, quàm novis reservare. Navigatione parum salubri usus, cùm morbi grassarentur in vectores & turbam nauticam, quibus ipse Præsul impiger serviebat Sacramentorum administratione; contracta lue decessit, in proximo Mozambici portu tumulatus. *Sacchin. part. 5. lib. 8. n. 184. & seqq.*

*Eodem die obierunt.*

*Salvatoris no-  
men ab Angelo  
inditum P. Pij  
queda.*

4. Sassari in Sardinia anno 1624 P. Salvator Pisquedda, Sardus, magnus in excollenda Christi vinea operarius. Cùm mater eum adhuc utero gestaret, ingressus est domum ejus peregrinus quidam, an Angelus potiùs sub specie peregrini, edixitq; filium ab ea gestari, eumq; magnum heroem, qui multis esset saluti futurus; ideoq; jussit, nomen *Salvatoris* ei imponi. Et re vera se talem præstitit, præsertim in Missionibus, quas ingenti zelo & indefessus obibat, Domino cooperante etiam signis sequentibus. Cùm vox & latera, ob debilem complexionem, dicenti ad concionem in templis ægrè sufficerent: quoties tamen in pagis & campis ad rudem plebem dicebat, tam sonora validaq; voce & contentione agebat, ut supra naturam videretur. SS. Trinitatis & Christi Eucharistici cultui addictissimus, spectabilem illum non rarò habuit in Sacrificio Missæ, eâ formâ, qua gloriosus à morte resurrexit. Eminentem contemplationi perpetuam junxit sui mortificationem. Vaticinijs multis clarus, etiam post mortem non obscuris miraculis est honoratus. Sed his majus est; quòd morti vicinus, Superiorum jussu factus sit: se nullius gravis noxæ unquam commissæ, nec alicujus Regulæ violatæ, conscientiam habere.

*Immunitas à  
gravi peccato,  
& violatione  
Regulæ.*

*Procurator  
Collegij eximi-  
us.*

5. Glacij in Germania anno 1653 P. Joannes Warlichius, Germanus, morum candore, & singulari in DEum fiduciâ clarus. Oeconomiam Collegij Glacensis per annos 25, religiosè, peritè, atq; accuratè administravit. Morti proximus, dixit Confessario: se à DEipara V. coram ejus statua miraculosa, petijssè, ut ibi moreretur, ubi tanto tempore pro viribus laborasset: illam verò disertis verbis annuisse. Eventus annutum probavit.

*Libellus parvis  
impugnandi  
hæretici.*

6. Viennæ Austriæ anno 1657 P. Jodocus Kedd, Germanus; Ecclesiastes & scriptor zelosus pro Ecclesia Catholica; solitus à puero, consensu scabello, vel arboris trunco, in Prædicantes cacodoxos invehi. Nova in illos bella, seu bellandi methodum elegit, per minores libellos: qui ut facili sumptu parantur & comparantur; ita sine tadio, & à pluribus leguntur. Triginta aliquot hujusmodi libellos ab illo editos recenset *Sourvellus in bibl.*

*Ingenium dis-  
simulatum.*

7. Cracoviæ in Polonia anno 1669 P. Nicolaus Cichovius Polonus. Initio vitæ religiosæ obtinuit, ut Coadjutoribus temporalibus adscriberetur; vixitq; triennio ea sorte contentissimus. At ubi clariùs se prodidit ejus ingenium & industria, studijs applicatus ita profecit: ut Theologiam cum dignitate docuerit. Arianos acerrimè infectatus est, effecitq; tandem: ut generali reipub. edicto proscriberentur è regno, pœnâ capitis proposita contumacibus. *Sourvellus in Bibl.*

*Arianis è Polo-  
nia proscriptis.*



XXVIII. MARTII.

119

1. **P** Claudius Aquaviva Præpositus Generalis, dedit anno 1587, epistolam ad Provinciales Societatis, de quibusdam Medijs ad ejusdem conservationem conducentibus: quam ipsorum forti executioni commendavit. Habetur inter impressas Generalium Epistolas. *Epistola P. Claudij de medijs conservandis Societatem.*

2. Anno 1556, postquam Rex Lusitaniæ Joannes III. nuncium accepit de obitu S. Indiarum Apostoli: ex concepta de illius sanctimonia opinione, illicò mandavit Francisco Barreto Proregi: ut quamdiu esset recens memoria gestorum viri Sancti, & patratorum miraculorum; curaret inquiri juridicè, & relata firmari juramento, de virtutibus & miraculis illius. Fecit hoc Rex piissimus eò propensius; quò certius credebatur: quidquid fiebat in India, sive ad Dei gloriam, & Ecclesiæ propagationem, sive ad sua commoda; id totum laboribus & meritis Xaverij deberi. *Bartoli in Vita l. 4. n. 41.*

*Inquisitio juridica de Sanctitate S. Xaverij.*

*S. Xaverij fortuna regis Lusitania.*

3. In Lusitania turbatum est aliquantum anno 1589 ratione Scholarum Collegij Conimbricensis: quæ ut in corpus Academiæ admittæ fuerunt: ita urgebant Academici cum Procuratoribus regijs; ut & illæ à Visitatore regio inspicerentur. Res tam absorta & incommoda visa est Præposito Generali Claudio: ut habita cum suis consultatione, decreverit, potiùs cedere omni jure docendi in Academia Conimbricensi, & omnibus redditibus, quos eo titulo Collegium possideret. De qua sententia sua jussit Claudius P. Fonseca, quantocys reddere certiore Regem. Exposuit omnia Regi Fonseca hoc die; tamq; benignè auditus est: ut rex laudata P. Generalis prudentiâ, non tantum nihil voluerit innovari, sed etiam censum Collegij jussit amplificari. *Sacchin. p. 5. lib. 9. n. 198.*

*Inspectio Collegij ab extraneo, evitata.*

*Eodem die obierunt.*

4. Camberii anno 1606, P. Alexander Hunnæus Scotus, ad omnes legum notarum apices ita formatus, ut veri Jesuitæ viva effigies diceretur. Magna illi Latina & Græca eruditio, vi stupendæ memoriæ, quâ librum semel à se lectum ita complectebatur: ut, quidquid non solum in Capitibus ejus sed versibus etiam contineretur, memor fuerit. Quotquot illi unquam de nomine noti fuerunt, illorum semper illi recens fuit memoria. Militum animos in missione castrensi ita rapuerat: ut procul adventantem genibus nixi opperirentur. Intra paucos menses fertur bis mille hæreticos Ecclesiæ adjunxisse.

*Memoria stupenda.*

*Missionarius Castrensis efficacis & venerabilis.*

5. In Peruana occidentalis Indiæ provincia gloriosum cursum consummavit P. Andreas Ortiz Orunnus, Hispanus, post præclare provectam ibidem rem Christianam per annos 39. Multos ægros perlanavit, post mortem quoque in illos beneficis. Crucifixi simulacrum, quod de more manibus mortui P. Andreæ inseruerant, fertur ori suo, velut ad osculum, admovisse. Cadaver post tempus non modicum solum

*Mortuus Crucifixi simulacrum de osculo.*



solum incorruptum, sed etiam miro fragrans odore repertum.

6. Majoricæ anno 1583, P. Julius Cussola, Hispanus. Intentus semper in occasiones vexandi corpus, gulam vel maximè castigandam suscepit. Inter prandendum, optima illi subtraherebat; vespere plerumq; nihil attingebat. Plures dies absq; ullo potu duxit, ne guttula frigida æstuanti linguæ permittat. Paupertatem amabat intimè, & singulari constantiâ. Unde nunquam aliquid novarum vestium vel calceamentorum admisit, contestans: Si mortuo sibi imponerentur, se ea rejecturum.

## XXIX. MARTII.

*Ad labores Apostolicos dispositio optima Humilitas.*

1. **A**Nno 1545 Ulyssipone vela fecit in Indiam P. Joannes Beira, tyro unus anni, sed jam maturus laboribus Apostolicis. Goam appulsus, rerum magnarum, ad quas vocabatur, humilia jecit fundamenta, in ministerijs infimis se se exercendo, donec cum Antonio Criminali proficisceretur ad Paravos. Inde ab Xaverio Malacam evocatus, in Moluccum deniq; missus est, ubi inter quotidianas mortes ægrè vitam trahens, multis saluti fuit. Innumeris insidijs appetitus etiam à regibus, mirabiliter ope divina evasit; uti etiam ex naufragio non uno. *Bartoli. Asiat. hist. lib. 6.*

*Bavaria Ducis egregia episcopa pro Societate.*

2. In Europa, Ecclesiam moderante Sixto V. rumor percrebuerat: Pontificem moliri mutationem aliquam in Instituto Societatis. Qua famâ quàm sunt gavisi hæretici, tam consternati Catholici, etiam principes. Inter alios Guilielmus Dux Bavarix, literas propria manu exaratas, dedit ad Sixtum hac die, anno 1589: quibus eum prolixè fortiterq; dimovere ab ea sententia conatus est, deniq; conclusit: *Quare Beatissime Pater, submissem iterum rogo: hocce Religionis Catholice in his partibus fere unicum presidium, laudabilem hanc Societatem, ex ratione tueri nobis ut velit; ne circa ejus Salutare, totiq; Ecclesie proficuum Institutum, ulla ratione perturbari, vel contristari eam sinat &c.*

*Institutum Societatis mutari non permittit Deus.*

Quas literas ubi Sixtus accepit, compositas à Jesuitis, atq; adeò suppositas dixit: fuitq; Minutio Ducis Oratori egregiè laborandum exhibitis alijs Guilielmi epistolis, unde & manus ejus & stylus innotesceret, ut proprias esse Ducis persuaderet. Respondit ergo Sixtus tum Bavaro, tum alijs principibus: non venisse sibi in mentem, aliquid de instituto laudabili Jesuitarum mutare: sed solum rationem vitæ quorundam sibi displicere. *Sacchin. p. 5. lib. 9. n. 22. & seq.*

*Eodem die obierunt.*

*Caute in sermone.*

3. Genuæ in Italiâ anno 1620, P. Bernardinus Zanonius, Italus. Tam accuratus fuit in numero & pondere verborum suorum: ut non nemo fuerit, qui per annos 20, nullum verbum otiosum illi elapsum observârit. Si de mundi rebus tractaretur in-



ter colloquendum, obdormiscebat: si sermo ad cœlestia, seu spiritualia, flecteretur, *Somnus inter*  
 e vigilabat. Genuam induxit Virgines, quas vocant cœruleas, seu Cœlestes Annunci- *colloquia pro-*  
 atas: eisq; leges prudentissimè præscripsit, ab Archiepiscopo, & Pontifice summo lau- *fana.*  
 datas, & approbatas.

4. In regno Peruano anno 1654, P. Joannes de Villalobos, vir quàm innocentis  
 conscientia, tam fortis patientia in apoplexia, & diuturna, 24 annorum arthritide  
 tolerata. Vini usu omni sibi interdixit, & quidquid palatum mulcebat, Christo liba- *Mortificatio*  
 bat per abstinentiam: à quo præscientiâ futurorum, & absentium notitiâ donatum *gustus.*  
 fuisse, non uno patuit experimento. Disciplina domestica tam severè retinens fuit:  
 ut *Disciplina columna* diceretur. Confessarius testatus est: eum nullâ gravi culpâ pri-  
 mam innocentiam contaminasse.

5. Ripoli in Hispania Gabriel Vayle, Hispanus, Scholasticus, Inter cætera non  
 vulgaris ejus virtutis specimina eminebat ardens DEiparam V. exquisitè colendi stu-  
 dium; quod illi stimulus erat ad alias virtutes comparandas; ut tantò magis Domi-  
 næ suæ placeret. Fructum ejus pietatis luculentum percepit, quando in itinere quo-  
 dam deficienti, jamq; morituro adfuit Angelorum Regina, multâ splendidâque cœli-  
 tum coronâ stipata; & Gabrielem suum in domum beatæ æternitatis iavitavit

### XXX. MARTII.

1. **S** Xaverius anno 1545 transiturus ad Macazares Christo subjugandos,  
 existimavit, primùm sibi conciliandum esse S. Thomam Apostolum,  
 quo uteretur potenti Patrono ad eam expeditionem. Meliaporem igitur,  
 ad sepulchrum, peregrinationem suscepit, totamq; hebdomadam sine cibo  
 jejunus exegit. Eo in itinere navi, quæ secundissimis ferebatur ventis, pe-  
 riculosam prædixit tempestatem, qua fere convulsa est. Meliapore quidem  
 noctu inter orandum in templo à dæmonibus pessimè delumbatus est: at  
 Divum Apostolum tam propitium habuit; ut plenus animorum & spei de  
 secundissima in Macazares expeditione, abierit. *Bart. in Vita l. 1. n. 49. & seq.*

2. Anno 1549 P. Gaspar Barzeus Goâ Ormuzium solvit, gravissimis  
 & opportunissimis monitis, quæ prolixè recitat Bartoli lib. 5. hist. Ahati-  
 cæ, instructus à S. Xaverio: ut & alijs utilem, & sibi non noxiam exerce-  
 ret prædicationem. Ceciderunt pia monita in terram bonam, & fructum  
 tulerunt centesimum in multa patientia. Barzeus ita rem egit, ut alter vi- *Barzeus Or-*  
 deretur Xaverius. Statim ac attigit insulam, atq; in ea celeberrimum to- *musq; mira o-*  
 tius Orientis Emporium, detonare cœpit contra sectas, quarum ibi collu- *peratur.*  
 vies est, gentilium, Judæorum, Mahometanorum, Schismaticorum, hære-  
 ticorum, & pravorum Catholicorum: juvitq; DEus pios conatus. Gravissi-  
 mi enim terræ motus trigesses intra 9. dies concusserunt Urbem, & indu-  
 rata omnium corda: ut certatim concurrerent ad Barzeum prædicantem,



*Terra motus  
predicationi i  
psius opportu  
nus.*

quærentes; quid faciendum, ad avertendam Numinis iram, & urbis præsentem interitum? Unde opportunissimam habuit ille occasionem, jam nutantes animos impellendi ad fidem veram, & seriam poenitentiam, magno cum fructu. *Bartoli ibid.*

*Carolus Spino-  
la uerum sel-  
vit in Japoniâ.*

3. E Lusitania Ulyssipone, hoc die anno 1599, iterum solvit in Indiam & Japoniam P. Carolus Spinola, cum Socijs 20, quibus ipse præfectus fuit; melioribus auspicijs ingressurus pridem expetitam Japoniam: in qua non ex vano augurabatur se ornandum Martyrum laureâ, sed multo labore comparandâ. *Hugo in Vita cap. 10.*

### *Eodem die obierunt.*

*Victima fidei.*

4. In Germania: ad Rhenum anno 1622, P. Joannes Sandæus, Belga, tribus globis tractus ab hæreticis, odio fidei & Societatis: vir orandi studio, animarum zelo, ac multa patiendi desiderio conspicuus.

*Ad ordinaria  
recreationis ho-  
ram pia dispo-  
sitis.*

5. Valencenis in Belgio anno 1619, P. Henricus Sommalius, Belga, homo aureæ ætatis ob morum candorem & comitatem. Ipse S.P. Ignatio ob expectatum virtutis studium percharus fuit. Nunquam ad consuetum recreationis ordinariæ locum accedebat, nisi tribus instructus punctis spiritualibus, quæ captata occasione proponeret, ad piam sermocinandi materiam suggerendam.

*Zelus fidei.*

6. Caunæ in Litvania anno 1652, P. Nicolaus Lancicius, Polonis parentibus in Litvania natus: vir inter Sanctos Heroas censendus. Catholicam religionem tanto animi ardore, amplexus est adolescens: ut ad delendas sectas omnes etiam Jesuita fieri voluerit, gravissimis perturbatis obstaculis. Romæ tyrocinio & studiis altioribus absolutis, applicatus est Archivo Romano exeutiendo pro consicienda Historia Societatis, applicatus est Archivo Romano exeutiendo pro consicienda Historia Societatis. Quo labore cum laude perfunctus, datus est Collegio Romano Præfectus Spiritus Primarius à P. Claudio Præposito Generali, quamvis ætate non admodum proventus. Provincias dein Poloniam, Bohemicam, & Litvaniam, jam Rector, jam Præpositus Provincialis, aut Præfectus Spiritus, doctrinâ Asceticâ, & heroicis virtutibus illustravit. Externis proceribus, Prælatis, & regibus charus & venerabilis, apud domesticos non raro invenit, quod pateretur, & quidem maximo animi sensu. At ille inter quævis honoris & famæ detrimenta, *Hoc & non aliud, ingeminabat, Domine, sit condimentum & solatium crucis, dolorum, & afflictionum mearum, novas semper experiri cruces, & nunquam cessantibus afflictionibus, propter Te DEum meum abundare.* Sed quò magis ille incurius fuit Nominis sui, eò pluribus, etiam prodigiosis gratiis, ante & post mortem cumulabat eum DEus: de quibus plura in vita typis edita.

*Patiendi ardor*

### XXXI. MARTII.

*Bulla Crucia-  
ta quoad Con-  
fessiones non u-  
tuntur Societas.*

1. Urbanus VIII. anno 1629 prohibuit, per Breve *Romanus Pontifex; ne* Nostri eligant sibi Confessarium virtute Bullæ Cruciatæ: sed pro suis Confessionibus utantur tantum Confessarijs à Superioribus Societatis designatis. *Bullar. Soc. & Commune tom. 5. Constit. Urbani 125.*

2. In



2. In Hispania anno 1566, Venerab. P. Ludovicus Granatensis Ord. Prædic: doctrina & vitæ sanctimoniâ clarissimus, insigni epistola consolatus est quendam è Nostreis, mœstum ob famam Societatis canino dente laceratam. Ostendit, felicem esse Societatem, quod ejus primordia Providentia Divina exercent adversis: contrà verò timet suo Ordini propter homines tam infestos Societati; concluditq;: Maximo ergo gaudio Vestra Rntia exundet: quod Societas ipsismet Ecclesiæ primitivæ vestigiis insistat. Et væ Romæ, quando funditus evertetur Carthago: ut non habeat, qui illam exercent, *Gomez in Elog. Soc: p. 1. Class. 7.*

*Felix Societas  
ob copiam ad-  
versorum.*

3. Societati non nocuisse, sed potiùs incrementa dedisse adversa, quibus in Hispania exercebatur: docet epistola ad S. Ignatium Romam data hac die ab Antonio Corduba, Rectore Academia Salmanticensis, parentibus Comitibus & Marchionibus genito: qua, ut purpuram Ecclesiæ sibi imminentem, ex promotione Caroli V. Cæsaris, posset atra Societatis veste mutare; urgentissimè institit apud Ignatium, & impetravit. *Orland. hist. Soc. p. 1. lib. 12. n. 42.*

*Adversarij u-  
tiles.*

*Eodem die obierunt.*

4. Cantone in China anno 1606 Franciscus Martinez, Chinenfis Scholasticus. Cum rem Christianam pro viribus promoveret, à quodam apostata proditus, & falso accusatus est tanquam proditor & magus. Unde ludicis decreto, tam crudeliter est fustibus verberatus, ut exspiraret, prima pro Christi fide victima apud Sinas. Quamvis enim Iudex gentilis fortè necem non intulerit fidei causâ: certè ab eo scelere excusari non potest proditor, qui ludicem falsis criminationibus incitavit.

*Victima fidel  
prima apud  
Sinas.*

5. Valentia in Hispania anno 1621, Franciscus Rodes, validæ patientiæ, & teneræ pietatis juvenis. Itinerantem aliquando cæca nox & horrida tempestas ita involvit: ut omne consilium, quâ evadendum esset, periret. At afflicto S. P. Ignatius magna luce splendidus apparuit, ac viam monstravit.

*Itineranti di-  
giti S. Ignati-  
us.*

6. Patavii in Italia anno 1538, mense Martio, sed incerto die, è militante Societate ad triumphantem evocatus est P. Didacus Hofius, unus è primis decem Patribus Societatis. Cum magnos motus concionando faceret in illa Civitate, à Vicario Episcopi, ne aliquid sinistri spiritus lateret, in carcerem & vincula conjectus est: sed paulò post cum honore dimissus. Postremus S. Patri Socius accessit, & primus ad cœlum abiit. Animam ejus ab Angelis cœlo inferri vidit S. Ignatius, magna luce coruscantem.

*Didacus Hofius  
primus è Socie-  
tate defunctus.*

*Animam ejus  
cœlo inferri vi-  
dit S. Ignatius.*

I. APRILIS.

1. Anno 1555 Ulyssipone solverunt in Indiam Socij 12, duo Goam, cæteri in Æthiopiam destinati. Iter habuerunt, & procellis & imperitiâ navarchorum tam periculosum: ut ipsos religiosos destituisset animus, nisi paratum ad naufragia & mortem attulissent. Sed pejus negotium fuit cum ipsis hominibus,



*Navigatio In-  
dica periculosa  
& fructuosa.*

*Meretrix in  
navi conclusa,  
& conversa.*

*Claudius A-  
quaviva Pro-  
vincialis juve-  
nis, sed idoneus.*

*Victima fidei*

*Martyrii com-  
pensatio per fre-  
quentes morti-  
ficationes sui*

*S. Iosephi cul-  
tus fructuosus.*

*Domi Angelus,  
foris Apostolus.*

nibus, qui navibus illis vehebantur, milites, turba nautica, negotiatores, & varij alij: de quibus dixit non nemo. Indiæ gubernator; Societatis Patres, navigationibus ad Indos, etsi aliud operæ pretium non ferrent, multum præstare magnumq;: quòd hujusmodi hominum colluviem, ad frugem meliorem reducant. Cum in ea navi, qua vehebatur P. Antonius Quadrius, initio vix aliquis compareret, qui Patrem audiret concionantem: tandem patientiâ & comitate ipsius deliniti, sensim è latibulis suis emerferunt, itaq; capti sunt: ut frequentissimi deinceps adessent, & manifesta appareret morum mutatio. Inter alios etiam meretricula è cavo suo prorepsit, quæ prostituendum pudorem in Indias vehebat: sed evicit P. Quadrius apud Præfectum navis, ut instar feræ belluæ, tabulis concluderetur; ne ulli nocere posset. Sic domita lupa, quinq; mensium spatio didicit sapere; ut virtutis amore in India ultrò servaret pudorem: quem in navigatione coacta servaverat. *Bartoli hist. Asiat. lib. 6. n. 37.*

2. In Italia anno 1576, deprecante Alphonso Salmerone onus gubernandi Provinciam Neapolitanam, quam ab ipso ejus ortu ad id temporis rexerat: Borgia Generalis id munus devolvit in Claudium Aquavivam, qui in gubernatione Collegij Neapolitani insigne experimentum dederat prudentiæ, dexteritatis, suavitatis simul ac efficaciam, quamvis ætate ultra trigessimum annum vix processisset. Calendis Aprilis, & solemnem Votorum 4. Professionem emisit, & impositum munus suscepit: itaq; provinciam administravit; ut cuius muneris altiori jam tum par videretur. *Sacchin. p. 4. lib. 4. n. 57.*

### *Eodem die obierunt.*

3. In Paraquaria anno 1639, P. Gaspar Osonus, & P. Antonius Riparius Italus, ob damnatas avitas gentis superstitiones, & prædicatam Christianam religionem, à barbaris Ciaccis, ligneis clavis trucidati. Post mortem ipsos sacrificali veste indutos, multaq; luce circumfusus comparuisse, & fidem Christi commendasse, prodiderunt barbari ipsi.

4. Antverpiæ in Belgio anno 1598, P. Franciscus Vanden Bergen. Ad Societatem traxit illum spes Martyrii apud Indos: sed cum hæc sefellisset, totus incubuit in se ipsum perdomandum, & crebras de se victorias reportandas, quas parva Martyria seicè vocitabat. DEiparæ V. & Virgineo ipsius Sponso, S. Iosepho impensè addictus, fatebatur: se ab hoc nihil petiisse, quod non liberaliter impetrasset. Domi Angelus, foris dicebatur Apostolus, elogio maxima ambitione appetendo. Domi enim versabatur modestus, silentiarius, ad omnem legum apicem compositus, Foris conversabatur, longè lateq; verbo & exemplo spargens animarum, & divinæ gloriæ zelum.

5. Cracoviæ in Polonia anno 1612, P. Justus Rabus, Polonus. Adolescens ab hæreticis



reticis parentibus ad varias heterodoxorum Academijs, Wittembergensem, Argentoratensem, Lipsiensem, expeditus est: ut in magnum sectæ suæ columen evaderet. Sed Parisios delatus, dum Maldonati nostri lectionibus de Fidei Controversiis adesset, DEo favente convictus, non solum ad Catholicorum, sed etiam Jesuitarum castra transit, in excidium hæreseon militaturus. Lublini Arianorum Ministrum ita exagitavit: ut planè obmutuerit. Ad conciones, & in conscientia arbitrum à Sigismundo III. Rege Polon: Assumptus, rara facilitate & felicitate, prout occasio ferebat, Polonicè, Germanicè, Latinè, Græcè, Italicè & Gallicè concionabatur magno fructu auditorum. Cum fractis viribus sacrificare amplius non posset; quotidie tamen epulo divino pascebatur, donec ad Coenam magnam evolveret. *Sourvell. in bibl.*

*Hæretici in fignis conversio.*

*Linguarum peritia.*

## II. APRILIS.

1. **S** Indiarum Apostolus Goâ Malacam dedit epistolam ad Jacobum Pereira negotiatorem, amicissimum suum: qua eum monet, ut augendarum opum conscientia, quàm fortunæ, sit avidior. Mando tibi, inquit, pro amicitia: ut priusquam proficiscaris in Sinas mercem quandam compares sanè pretiosam, quam Malacenses, Sinæq; negotiatores ferè negligunt, bonam dico conscientiam; quæ istiusmodi hominibus parùm admodum nota est. Vulgò enim mercatores ita sibi persuadent: si animorum suorum conscientiaq; suæ negotium agant, se continuo decocturos. Ego autem DEo adjutore futurum confido: ut Jacobus Pereira, amicissimus meus magnas bonæ conscientia merces secum afferens, locupletetur: tamen cæteri hujusmodi rerum incuria ad egestatem redigantur. *Epist. vet. lib. 2. ep. 7.*

*Conscientia cara pra omnibus habenda.*

*Fructus illius cura.*

2. Alias dedit idem Sanctus literas anno 1552 Bazainum ad P. Melchorem Gonzalez: quibus ei author est, ut quàm maximè studeat conciliandæ sibi hominum benevolentia prudentia & humilitate. *Si fueris humilis & prudens*, inquit: *magna me spes tenet, te plurimum, DEo juvante, fructum relaturum.* Et infra: *Spero enim, fiduciam non defuturi favoris Domini nostri, Te, si fueris humilis, in magnum concionatorem evasurum;* quamvis paucioribus naturæ dotibus ad id esset instructus. Et iterum: *Mibi crede: spes amplius successus in perorando è sacro pulpito, non est sita in exquisitioe sacrae doctrinae, in elocutionis elegantia, in pompa & specioso choragio sacundia. Caput & compendium artis est, ijs probari & placere, quos alloquaris: & prius parasse claves cordium, quàm aurium aditum tentes. Persuadebis, quod voles, si te, qui audiunt, amaverint.* *Epist. Novarum l. 5. ep. 16.*

*Prudentia & humilitate concilianda hominum benevolentia.*

*Humilitas facit egregios concionatores.*

*Amari curat Concionator.*

3. Eundem diem insignibus miraculis Potami in Calabria illustravit idem S. Apostolus, mortuis suscitatis, & sanitate reddita anno 1651. Matronæ Sorianensis duo filij, Carolus & Bruno, eadem nocte, in eodem strato

*S. Xavery Potamienis miracula.*



jacentes, fatali quodam morbo extincti erant. Conternata duplici funere mater ad Thaumaturgum Potamiensem, Magnum Xaverium, supplex recurrit, emisitq; votum procurandi sacrum in ejus honorem, si filij vitæ restituerentur. Dormienti apparuit Sanctus in amictu Sacerdotali, dixitq;: Filios ejus sanos esse. Expergefacta vivos sanosq; reperit, & jurata coram Judicibus constitutis miraculum confessa est. Altera quoq;, Portia Garofoldi, filiam Catharinam lethali morbo oppressam, & omni sensuum usu destitutam, voto à se facto ad Divum Potamiensem, subito sanitati restitutam, testata est. Tertia etiam, Vitaliana Rimedi, juridicè asseveravit: se ipsam ex doloribus colicis triduo jacuisse absq; omni sensu; monitam autem ab apparente sibi sancto Apostolo, ut suam opem imploraret. Imploravit, & repentinè sana surrexit. Quarta Anna Primeriani in primo partu gravissimè cruciata, cum secundo vicina esset, voto facto S. Xaverio, sine omni dolore prolem est enixa 2. Aprilis. *Ex libello Miraculorum à S. Xaverio editorum Potami, legitimè approbato.*

*Eodem die obierunt.*

*Christus commendat Indorum salutem.*

4. Limæ in Peruvia, anno 1626, Pater Didacus Martinez, Hispanus, magnus in illis terris operarius. Commendaverat enim illi Indorum salutem disertis vocibus ipse Crucifixus JESUS, quam Didacus multis magnisq; laboribus egregiè promovit; admirandis solatiis inter colloquia cum Sanctissima Trinitate, DEipara Virgine, & Angelis recreari solitus. Sæpè futura prædixit ex vero, non semel visus in aère sublimis. Exercendis actibus Divini Amoris, & Gratiarum actionis ita assueverat: ut primum intra diem unum ducentos, deinde trecentos, postea mille, deniq; etiam septem millia elicuerit.

*Actuum amoris Divini aliquot millia intra diem elicit.*

*Desponsatio facta Christo.*

5. Parmæ in Italia, anno 1606, innocentem & insigni virtute adornatam, animam edidit Carolus Casarius, Italus, Scholasticus; postquam illam anno præterito, 2. Februarij, præsentè DEipara, Angelo Custode paronympho, Sponso Christo desponderat; prout retulerunt, quibus arcana conscientia illius patuerunt.

*Mortificatio honorata.*

6. Posnanix in Polonia, anno 1662, P. Gaspar Druzbecki Polonus, exuvias corporis, perpetua & acerba mortificatione exhausti, deposuit, ejusdemq; incorruptionem meruit. Vir fuit Apostolico spiritu in agendo, admirabili lumine in scribendo, sublimi prudentia in regendo conspicuus, atq; inter prima Provinciæ lumina censendus; confirmatus in gratia, Pretiosissimæ DEi Parentis tenerrimo & accurato cultu insignis, Prophetia & altissimæ contemplationis dono, adeoq; communi sanctitatis eximie famâ illustris. Plura & singularia dat Vita typis edita.

*Confirmatio in gratia.*

*Vitima pro fide in Insula Latronum.*

7. In insulis Marianis, quæ aliàs infami nomine *Latronum insula* dicebantur, anno 1672, à barbaris occisus est P. Didacus de San Vitores, Hispanus: postquam cum novem Socijs in iisdem tam fructuosè laboravit; ut intra quadriennium in tredecim insulis, 50 millia, & ampliùs, barbarorum Christo sint aggregata. *Sourwell in Bibl. Soc.*  
8. Varsaviæ in Polonia anno 1640 P. Mathias Calimirus Sarbiewski, Polonus, vir



vir omni scientiarum genere excellens. Cum Theologiæ laureâ ornandus esset in Academia Vilnensi, Vladislaus IV. rex Poloniæ gloriosissimus, interesse, suoq; annulo illum inaugurari voluit. Plurimum famæ gloriæq; sibi comparavit Lyrica Pœsi, Horatio par non paucis visus, & insignibus encomiis celebratus à Pœtis Belgis. *Soutwell. in Bibl. Soc. Pœsis Sarbie vij.*

### III. APRILIS.

1. Anno 1582 concessit Gregorius XIII. Pont. Max. facultatem: ut Confessarij Societatis à locorum Ordinarijs ritè approbati, & à suis Superioribus designati, etiam si Magisterij vel Doctoratus gradibus in Theologia, aut Jure Canonico, insigniti non sint; possint S. Pœnitentiariæ Romanæ literas aperire, & absolutionis beneficium, juxta ipsarum dispositionem pœnitentibus impertire. *Bullar. Soc.* Breve incipit: *Exponi nobis nuper fecisti.* *Facultas aperiendi literas Pœnitentiariæ Romæ*

2. Romæ anno 1706 finita est Congregatio Generalis Decima quinta, præsidente A. R. P. Michæele Angelo Tamburino, primùm ut Vicario Generali, mox ut Præposito Generali Societatis. *Decr. ejusdem Cong.* *Congr. Gen. XV. finita.*

*Eodem die obierunt.*

3. Guamangæ in Peruvia, anno 1598, Pater Jacobus de Zuniga, Hispanus, multas terras, & maria emensus lucrandarum animarum causâ, relictis ubiq; excelsæ virtutis vestigijs. In supremo morbo singularem Divinæ Providentiæ circa se curam expertus est. Cum enim langvente & cibos nausante stomacho aliquando insinuasset; cuniculi carnes sibi non ingratas futuras, & alia vice certum pisciculorum genus optaret; adfuit illico ante domum, qui cuniculum; & alius, qui pisciculos illos offerebat venales: quâvis cuniculi in tôta regione prorsus non invenirentur, species verò illa pisciculorum non nisi rarissimè. Exequiæ defuncto celebratæ per octo dies, à Clero, & Religiosis Ordinibus. *Prudentia divina circa ægrum. Exequia Sœlemmes.*

4. Vientiæ, anno 1654 heroica charitatis victima cecidit in obsequio peste laborantium, Joannes Bapt. Lechner, Coadjutor, Germanus, ab obedientiæ & paupertatis studio laudatus. Vexillum gestaverat in prophana militia; sed eo abjecto, ad Christi castra se recepit; & DEIPARÆ V. in mancipium consecravit, gestata è collo catenulâ, quam secum sepeliri voluit. Vitam conclusit morte heroica, expertus illud: *Vexillum ejus super me Charitas.* *Victima Charitatis.*

5. In Belgio Antverpiæ P. Joannes Tollenarius, Belga, anno 1643. Erga ægros pauperes tenera & forti erat charitate. Mortui pauperis cadaver, in humeros sublatum, è superiore ædium parte deorsum deportavit, cum feretrum per angustos gradus ferri sursum non posset. Ægri, qui viaticum acceperat, vomitum generosè ipse hausit, in reverentiam Eucharistici ESU. Aliàs è pauperis ulceribus horridi scutella bibit, ut se pervinceret. Animus illi excelsus & imperterritum ingenium: quòd ipse illa fere cote acuebat: *Ad Majorem DEi Gloriam. In nomine Domini* Auctor præcipuus fuit insignis Libri *Imaginis primæ sæculi Societatis* Inter moriendum se allocutus, *Vbi aiebat, ubi hodie erimus?* & respondit sibi: *In sinu IESU & MARIÆ.* Felix receptus? Utinam esset noster! Mortuo parentârunt etiam Episcopi, & primaria Literatorum Sodalitas magno apparatu. *IV.*



B. Aloysii gloria & perfectio  
ostensa S. Magdal. de Pazzis.

Martyr incognitus.

Orationes jaculatoria.

Volatilia non nisi deplumata mens idonea. Prædeterminationis revelatio. Summa S. Thomæ memoria mandata.

Concionator efficax.

Mereivicum conversio.

Cementi juvenes ad statum religiosum perducti.

Imago B. V. respondet concipienti.

1. **A**Nno 1600 Florentiæ S. Maria Magdalena de Pazzis, in mentis excessu vidit gloriam B. Aloysij Gonzagæ, erupitq; in hæc verba: O quam gloriam habet Aloysius, filius Ignatij! Nunquam id credidissem, nisi mihi ostendisset meus JESUS. Vellem proficisci per totum orbem, & dicere: quod Aloysius, filius Ignatij, sit Magnus Sanctus. Habet tantam gloriam, quia operabatur ad intus. Aloysius fuit Martyr incognitus, tum per sui mortificationem; tum quia intimè cruciabatur, quod DEum non amaret, sicut desiderabat; & quia videbat illum ab hominibus offendi. Sagittabat cor VERBI, quando erat hic inter mortales; scilicet crebris actibus Divini amoris, aliarumq; virtutum: & nunc dum est in cælo, sagittæ illæ conquiescunt in corde illius. *Nadasi in Indice Memor.*

*Eodem die obierunt.*

2. Ulyssipone, anno 1552 Pater Gonçalvus de Medeiros, Lusitanus; Societati olim aggregatus, postquam pro concione audivit: altitia, non nisi occisa & deplumata, regiæ mentis inferri. Statuit igitur, omnibus relictis, mundo, & sibi mori, ut cælesti mentis fieret idoneus. Aliquando graviter perplexo de salute sua æterna, adfuit Angelus, dicens: *Confide tu salvus eris.* Manè tres horas, vesperi alias tres orando ducebat. S. Thomam Aquin. dicitur totum memoriâ complexus.

3. Compluri in Hispania anno 1586, P. Joannes Ramirez Hispanus pro concione dicere, ac vivere desijt; magnum inter claros Hispaniæ concionatores nomen. Vox ejus vox erat virtutis divinæ. Valentia è triginta prostituti pudoris foeminis, quæ cuiusdam ejus concioni aderant, duæ supra viginti ad castitatis castra repente sunt conversæ. Salmantica per Quadagesimam auditis, ducentos præstantis indolis ac doctrinæ adolescentes, inter quos clarissimus Theologus Franciscus Suarez, impulit ad varios Religiosorum ordines. In quodam dubio cum coram Imagine DEiparæ VI. consilium ejus imploraret: Imago manifestè illi annuit, capite inclinato. Hæsitanti adhuc, & nutu capitis & voce disertâ respondit Virgo: *Ita faciendum esse.* Et res de qua agebatur felicem exitum est sortita. Oranti intensius pro defuncta foemina nobili coram Venerabili, apparuit illa, tota in igne, dixitq;: æternis supplicijs se addictam ob Confessionem præ pudore sacrilegè factam.

## V. APRILIS.

S. Ignatius peregrinus Romam venit.

Eleemosynam accipiam in pauperes erogat.

1. **A**Nno 1525, S. Ignatius intentus in peregrinationem Hierosolymitam, Romam pervenit, habitu peregrini vilis & subsidio omni destituti, præter copiosissimam in Divina Providentia fiduciam. Acceptâ ab Hadriano VI. Pontifice benedictione, pedes & mendicans Venetias terendit. Perpulerat eum quidem quorundam benevolentia: ut nummos 7. aureos acciperet in futuram navigationem, & occurrentes necessitates: at ille mox graviter doluit de admisis, omnesq; ne obolo sibi relicto, in occurrentes men-



mendicos divisit, ratus satis opulentum & benevolum provisorum sibi sufficere DEum. *Bartoli in Vita lib. 1. n. 23.*

2. In Hispania, inclita Complutensis Academia anno 1602, hoc die, datâ epistolâ ad Clementem VIII, omni, quo poterat, optimo modo fidem fecit: Doctores suos Theologos, ex mandato supremi Senatûs S. Inquisitionis, Librum P. Ludovici Molinæ, diligenter legisse, considerasse, & excussisse, tam privatim, quàm collatis in unum consilijs; sententiamq; suam pro illo ad sacrum illum Senatum expeditivisse. Hanc epistolam dedit Academia prædicta in Confirmationem prioris, quam anno præcedente, 10. Novemb. expeditaverat ad eundem Clementem, significando, de diligentissimè excusso libro Molinæ per annum integrum, & sententiâ pro illo pronuntiata: quam etiam approbârunt plurimi alij Hispani Doctores. Epistolam utramq; recitat. *Eleuther. hist. de Auxil. lib. 4. cap. 35.*

Academia C<sup>o</sup>-  
plutensis sen-  
tentia honorifi-  
ca de libro Mo-  
lina.

3. In Gallia anno 1565 ingens tempestas consurrexerat contra Collegium Parisiense, imò sub hoc nomine contra Societatem universam. Contra Collegium in Senatu steterunt, & pugnârunt, nomine Academiæ Paschasius quidam, antesignanus cæterorum; nomine Episcopi alius, nomine civium seu mercatorum alius, alius nomine Curionum, ac deniq; pro Mendicantium Ordinibus alius. Adversus tam numerosam & potentem aciem unicus pro Societate stetit Patronus, Petrus Versoris, qui hac die non minùs graviter, quàm fideliter & feliciter peroravit. Post hunc consurrexit Advocatus regius, homo ancipitis religionis, cujus tamen in Senatu Parisiensi maxima erat autoritas. Prima specie agere videbatur pro Societate: sed paulò post acerbissimè in eam est invehctus. Profecit tamen nihil, cum omnibus asseclis suis. Senatus rejecit causam ad regium consilium. Interim Pontifex Pius V, datis literis, plenaq; authoritate sua, causam Collegij commendavit Regi, & Cardinali Borbonio; & sic compositi sunt motus, *Sacch. p. 3. lib. 1. n. 8. & seqq.*

Collegium Pa-  
risiense gravè  
superat tempe-  
statem.

*Eodem die obierunt.*

4. Conimbricæ, anno 1599, P. Georgius Tavora, Lusitanus, in obsequio peste infectorum. Vir planè misericordiarum, natus videbatur ad miserorum levamen. Ipse ægros è publico in hospitia deportabat, lavabat, vestiebat, tondebat, vulnera fovebat, teguria construebat, ligna cædebat, & comportabat, nihilq; omittebat quo ad corporum curam, ut animas lucraretur. Cum à Sandapilariis efferretur ipse, urbs tota ingenti miserorum ejulatu personuit.

Vitima chari-  
tatis pretiosa.

5. Bittonicæ in Gallia anno 1635, Pater Ludovicus Lallemand Innocentia illi nulla graviore noxâ temerata, mirum in affectus suos dominium, Paupertas etiam

Paupertas eti-  
am in Biblijs  
& Breviario.



in Bibliis sacris, & Breviario relucens, conscientia quotidie diligenti exomologesi purgata. Mortuo capilli & vestes vulsæ ad venerationem.

Gubernandi  
peritia.

6. Montellæ in Hisp. anno 1637, P. Martinus de Roa, Hispanus. Post annos 16 impensos Cordubæ juventuti humanioribus literis, & solidæ pietatis exercitiis excolendæ, atq; sacrarum literarum eruditam interpretationem, gubernationi admotus, rarâ prudentiâ & charitate rexit Collegia, Xerense, Astigitanum, Hispalense, Malecitanum & Cordubense, ac deniq; Provinciam Boeticam. Inter curas gubernationis non omisit piorum eruditorumq; librorum elucubrationem: quorum duos supra viginti recenset Soutvellus in *Bibl.*

7. In America anno 1690 odio fidei interfecti sunt à barbaris Tauramaribus *Victima fidei.* P. Didacus Ortiz de Zovanda, & P. Emmanuel Sanchez. *Ex libro Suffragiorum.*

## VI. APRILIS.

S. Xaverij gra-  
tia monita.

Humilitas pri-  
ma dos regen-  
suum.

Affabilitas &  
suavitas super-  
riorum.

Severitas in  
recalescentes.

Pœna publica.

Pœnitentiaria  
Vaticana Col-  
legium occupa-  
tum.

1. **A** Nno 1552 S. Xaverius in procinctu itineris Sinensis, communicavit P. Gaspari Barzeo, Rectori Collegij Goani, Privilegia Pontificia Societati concessa, sibi recenter transmissa à S. Ignatio; concedendo etiam, ut eorum usum alijs, quos idoneos judicaverit, communicare possit. Subjuxit deinde complura monita, quæ diligentissimè observaret, ad felix regimen istius Collegij. Primum est: ante omnia satage, ut in continuo intimæ tuæ depressionis sensu defixum teneas animum. Cum Patribus, sive qui domi tecum vivunt, sive qui alibi degentes tibi subsunt, age temper cum magna modestia, affabilitate, indulgentia; sinè asperitate ulla vel fastu: nisi si qui eorum tua moderatione & humilitate abuterentur. Quidquid à Patribus aut Fratribus contra obedientiam peccabitur; aliqua pœna vindicetur. & in hoc Sacerdotum supra Clericos & laicos nihil eximij fors habebat. Si qui è tibi subiectis superbe se tecum gerent, & opinione sua tumidi, supercilium elatum, ac frontem duram opponent tuis nutibus, eos tu vicissim preme, plus imperiosæ severitatis, quàm benignæ affabilitatis ad illos adhibens. Ergo pœnas istis, maximè pro culpis quotidianis, publicas injunge; ac omni ratione provide, ne debilitatem in te aliquam hi sentiant, seq; timeri putent. Nihil magis confirmat in audacia, provehitq; ad rebellionem contumaces subditos; quàm experimentum infirmitatis in Præsidentibus. Fac igitur omnipotens, quod jubeo; nec te respectus ullus aut metus judiciorum sermonumq; teneat, quominus quod debes, exequaris. *Epist. novarum lib. 6. epist. 4. & 5.*

2. In Urbe anno 1570 Vaticanum Pœnitentiariorum Collegium, Societati reluctanti à Pio V. impositum, hoc die cuni ipsius benedictione largissima occupatum est à duodecim presbyteris Nostis, variarum linguarum peritis.



peritis: ut cujusvis nationis accedentibus hominibus usui esse possent. *Sacch. p. 3. lib. 6. n. 1. & seqq.*

3. Rigæ in Livonia anno 1582 auctoritate Stephani regis Poloniae, compulsum est Senatus civitatis tradere Societati Templum S. Jacobi, cum ædibus adjacentibus, expulsi hæterodoxis ministris. *Sacch. p. 5. l. 2. n. 83.*

*Rigæ Societati traditur templum S. Jacobi.*

4. In America portum, Buenos Aëres dictum Hispanis, feliciter appulsi sunt Missionarij nostri 44, anno 1691, operaturi salutem Americanorum in Provincia Paraquariæ, numerante præter Collegia Reductiones populosissimas 26, quarum minima numerat quatuor aut quinque millia Christianorum. *Ex literis P. Antonii Sepp datis in Europam 1692, impressis Norimbergæ in Germania.*

*Eodem die obierunt.*

5. Mussiponti in Lotharingia, anno 1604, P. Thomas Darbispheus, seu Albi-cher, Anglus, è patria odio fidei proscriptus. Ad carceris ærumnas ferendas animatus est ab ipso Christo objectu cruentæ imaginis suæ. Cum deliberaret, an Carthusiam, vel Societatem ingrederetur, inter orandum vidit virum clausis januis conclave intrantem, audivitque dicentem: *Tu quidem Carthusianus si eris, saluti tue consulere; sed ubi futurus es proximus? In Societate egit Magistrum Novitiorum religiosissimum, operarium strenuissimum usque ad 85 ætatis annum, catechistam parvulorum tam solidum & clarum: ut ejus catecheses Theologi in commentarium referrent.*

*Exul pro fide.*

*Christus confortat incarcerationem.*

*Cura proximorum commendata.*

*Catechista celebris.*

6. Reginae Hradecii in Bohemia, anno 1654, P. Matthæus Preitenberger Bohemus, religiosa morte defunctus est, quem puerum DEipara V. à gravi morbo liberaverat. Ut in Societatem admitti posset ope S. Norberti, & S. P. Ignatii impensius imploratâ, strumam depulit. In tyrocinio Magistri Novitiorum jussu imperavit musicis aliisque verbis infestis; ut è granario facerent, nec corrumpere frumentum, in usus fervorum DEI congregatum. Habuit vim prompta obedientia. Conciderunt enim animalcula illa in tanta copia, ut palis ejici debuerint. Obsequio peste tacto. *Vestis nova non admissa.*

*Obedientia causa muscas eiecit.*

*Vestis nova non admissa.*

7. Vilnæ in Litvania anno 1668, Michael Iudkiewicz, Litvanus, Coadjutor Temporalis. Angelicæ puritatis studiosissimus, ante somnum manus sibi colligabat, ne forte inter dormiendum minus conveniente corporis tactu exerrarent. Totos 26 annos in Collegio numerosissimo impendit officio Cocci tam accuratè: ut assidue videretur ipsi obversari illud S. Patris effatum: *Cum servo ihs, qui sunt servi Domini mei, cogi o me servire nisi omnium Domino.* Unde cum duobus circiter ante obitum annis superiores illum à laborioso illo avellere vellent munere: cum lacrymis deprecatus est eam indulgentiam; *Ab hinc mihi, orabat, ad supremum usque agonem sanctis DEI id præstare obsequij.* Et præstitit fideliter alacriterque usque ad morbum supremum. *Ex Annis*

8. Varsoviæ in Polonia anno 1666, P. Joannes Rywocki Prutenus: vir mortificatus.



ificationis & religiosæ perfectionis perquam studiosus. Ab ipso tyrocinio, assumpto corporis vexandi studio, nec muscas nec culices à facie vel manibus abigebat; & quàmvis per plures annos ante mortem acutissimis configeretur doloribus, consuetas corporis afflictationes nunquam intermisit. Coram Venerabili plures transigebat horas, ac præsertim illam, quæ post mensam relaxationi animi concedi solet. Cum Provincialis iter ageret, semper oculos & mentem in Christi Crucifixi effigiem, intentam habebat, dicebatq;: se à Christo Crucifixo mirabilem viam ad perfectionem didicisse. Gubernationis dono præstans, Collegia Brunsbergense, Vilnense, Domum Professum Varfaviensem, & bis totam Provinciâ Litvanam gubernavit.

## VII. APRILIS.

S. Xaverius in  
Indiam solvit  
à Lusitania.

Itinerantium  
commoda ne  
glecta.

Alexander VII  
creatur Ponti  
fex.

Affectus ejus  
erga Sosa.

Humilitatis  
mendatio S.  
Xaverio fami  
liaris.

Media ad eam  
acquirendam,  
vide in ep.

**A**Nno 1541 Ulyssipone solvit in Indiam S. Xaverius, cum Prorege Martino de Sosa, & duobus socijs, Paulo Camerte, & Francisco Mansilla. Jusserrat procuratorem classis Ataidium Comitem: ut omnia, non solum ad necessitatem, sed etiam commoditatem, largè suppeditaret. Sed multa habita contentione cum Xaverio, non plus extorsit: quàm ut pauculos libellos, & rusticas penulas pro frigore hyemali arcendo admitteret. Tantum enim opibus sanctæ paupertatis detrahi, distitabat Xaverius: quantum adderetur de bonis terrenis. *Bartoli in Vita lib. 1. n. 32.*

2. In Urbe anno 1655 creatus est Pontifex Alexander VII, antè dictus Fabius Chisus. Propensum animum in Societatem declaravit, tum alijs luculentis argumentis, tum maximè constanti fortiq; sollicitudine: ut Societas, quæ ex observantia erga Sedem Apostolicam, è ditione Veneta ultrò cesserat sub Paulo V; in eandem restitueretur. Quod tandem evicit. *Gomez in elog. Soc.*

3. In India egregiam epistolam dedit S. Xaverius ad P. Barzeum, virum Apostolicum: quam sic orditur. Petis à me, mi Gaspar, ut quoniam multus esse soleo in commendanda humilitate, & tu ipse intelligis, quanti ea virtus pretij ac momenti sit: etiam ejus exercendæ quandam methodum suggerere ne graver. Equidem libenter in eo argumento versor: ac quoniam tuî causâ volo plurimum, & tibi audiens circumstrepere plausus concionum interdum (ut est amor anxius) vereor: ne dum sentis te placere omnibus incipias ipse tibi non displicere. Adscribam hîc quæ in mentem veniunt idonea, nî fallor, ut velut amuleti tibi vice sint, ad prævertendam vim noxiâ blandi veneni arrogantia, per auram popularem, inter gratulationes, insidiosè ad incautos adrepentis. Ita Xaverius: proponit deinde varia media? *Epist. novarum lib. 6. epist. 1.*

Eodem



*Eodem die obierunt.*

4. Vigornia in Anglia, anno 1606, Pater Edvardus Oldetonus Hallus, Anglus, post 18 annos in patria excolenda multo labore positos, tentus, atq; in odium fidei Catholicae suspensus, & laniatus. Ignis, quo ejus intestina combusta sunt, per totos 16 dies extingvi non potuit, licet aqua largissime affusa. Crevit postea in eodem loco gramen in modum regii diadematis, diuq; perseveravit. Inter alios ad Ecclesiam reductos, nobilem matronam in sua secta contumacissimam, expugnavit tandem (cum rationibus flecti non posset) pertinaci quatuor dierum jejunio. Fassa est ipsa, conversam se; quod vidisset P. Edvardum sui causâ, quarto jam die jejunium tolerare.

5. Madriti, anno 1653, mors suavissima sustulit P. Joannem Eusebium Niremburgium, Germanis parentibus in Hispania ortum: cujus morientis vox, post altum silentium, fuit: *Quam dulcis res est mori!* Ad talem mortem per omnem vitam se disposuit singulari Orationis & mortificationis studio. Orationi, dum scholasticus esset quotidie quaternas dabat horas, septenas postea. In aliis blandissimus, in corpus suum crudus omnino fuit, quod exquisitis modis, & somno quatuor tantum, vel trium horarum, atterebat; nunquam lecto, nisi cum ægrotaret, usus. Dirigendis in spiritu Prælati, proceribus & illustribus matronis, excipiendisq; affluentis populi confessionibus ita se impendit: ut miraculi loco habitum sit, cum tot tantosq; elucubrare potuisset Tomos, & libros eruditione omnigena refertos. Quinquaginta recenset Souvellus in Bibliotheca Societatis. Non unam misit DEipara V. ad Patrem Joannem pro consilio in salutis negotio. Angelus quoq; expeditit quendam ad ipsum: ut quædam ab Angelo, dicta obscurius sibi peteret explicari.

*Vidima fidei.*

*Ignis inextinguibilis.*

*Corona graminea.*

*Jejunium efficax ad animarum conversi-*

*onem.*

*Mors suavissima P. Niremburgij.*

*Oratio prolixior*

*Somnus 4 horarum sine lecto.*

*Director conscientiarum excellent.*

*Librorum editorum copia.*

VIII. APRILIS.

1. Anno 1544 S. Xaverius literis Manapatate datis ad P. Franciscum Manuillam, laudat fructuosum ejus laborem in excolendis Indis sibi commissis, monetq;: ut fructum omnem non sibi imputet, sed auctori DEO. Sic tecum reputa, inquit, si quid bonæ frugis molendino elaboretur, totam ejus in solidum laudem esse magni Molitoris & Domini, qui aquam affundit, quæ mola versatur, ac tota incitatur ac vivit machina. *Epist. nov. lib. 2. epist. 4.* Miranda DEI judicia! Insignis hic operarius, à S. Apostolo tam laudatus, tot epistolis informatus, eò tandem devenit; ut è Societate dimitti deberet. Nimirum in provectiore ætate eam amplexus, ingenium attulit minus tractabile; & bona quæ agebat, proprii judicii ac voluntatis tenacitate corrumpebat. Cum igitur Superioribus non satis morigerum se præberet: maluit Sanctus, in tanta operariorum paucitate, laborum socio carere: quàm cervicosum tolerare. *Orland. hist. Soc. p. 1. lib. 5. n. 94.*

*De laboribus Apostolicis non gloriantur.*

*Operarius strenuus sed judicij sui tenacior dimissus à S. Xaverio.*

2. In Prussia Regiomonti, civitate vasta, inchoata est Missio Collegij Brunsbergenensis, anno 1650, promovente Serenissima Regina Poloniæ Ludovica. Primi illuc expediti sunt P. Michaël Radau, & P. Andreas Zieniewicz;

*Missio Regiomontana inchoata.*



wicz; ille Germano, hic Polono idiomate rem Catholicam promoturus. Insignes atq; copiosos fructus tulit hæc Missio: quæ nunc jam quinq; constat Operarijs nostris, numeratq; Catholicos millenos, quorum illo tempore erant perpauci. *Ex hist. Coll. Brunsb.*

*Eodem die obierunt.*

*Obedientia & humilis terribilis demoni. Vindicta divina inexorabilis. Vocatio ad artem medendi animis. Pater cum filijs Societatis ingressus. Huiusmodi li-tera 34 annis tradita. Boni Patris cognomentum.*

3. Ulyssipone, anno 1509, magnus in pusillo corpore Servus DEI P. Leo Henriquez, Lusitanus. Præclara illius obedientiæ, humilitatis, aliarumq; virtutum decora, terribilem fecerunt dæmonibus, gratiosissimum DEO & hominibus. Non uni comparuit adhuc vivens & absens, juxtaq; in gravi necessitate. Coram SS. Sacramento ferventiùs oranti pro avertendis publicis calamitatibus, allapsa vox est ex hostia sacra: *Nequaquam, nequaquam! Dimite me, dimite: nam castigabo, castigabo!*

4. Messanæ in Sicilia, anno 1592, obdormivit in Domino P. Antonius Sardus, Siculus, ante initam Societatem medicus celebris, & qui quasi principatum artis medicæ per Siciliam obtinebat. At ubi à Christo audit: *Veni post me, faciam te fieri medicum animarum*; relictis omnibus Societati ejus se addixit cum tribus filiis eximie indolis; responditq; cumulatè vocationi suæ moribus & gestis.

5. Luxemburgi in Germania, anno 1657, religiosam mortem oppetiit P. Dominicus Pierius, Belga; longâ plus quam quatuor ac triginta annorum patientiâ in humanioribus literis tradendis exercitatus, cum amplissimo fructu virtutis. Apud omnes singularis modestia, suavis animi candor, & religiosus agendi modus, nomen *Boni Patris*, illi conciliârunt.

**IX. APRILIS.**

*Marcellus II. creatur Pontifex.*

1. DEFuncto Julio III. Pont: successit anno 1555. Marcellus II, Cervinus ante dictus, ingenti bonorum omnium gratulatione ac plausu, ipsi etiam plaudentibus sibi purpuratis Patribus, ob tam felicem electionem. Novum Pontificem cum adorandi gratulandiq; causâ, noster quoq; adiisset Pater, S. Ignatius: Pontifex hominem arctè complexus, & suaviter deosculatus, cum eo inambulans, de re componenda Christiana, de propaganda Christi fide, de veteri disciplina restituenda, de sanandis denique affectis Christianæ reip. partibus, multa contulit. Deniq; cohortatus ad augendam religiosæ militiæ Societatem; *Tu, inquit, milites collige, & bellatores instrue: nos utemur.* Sed spes amplissimas paulò post inopina mors succidit. *Orland, hist. Soc: p. 1. lib. 15. n. 3.*

*Constitutiones Soc. primum promulgata.*

2. In Hispaniam expedit S. Pater anno 1553, P. Hieronymum Natalem, cum titulo & potestate Commissarij; ut Constitutiones recens editas promulgaret: & si videretur è re Divina, & communi Societatis bono futurum, etiam declararet, corrigeret, & ad constantem observantiam aptaret. Tantum homini tribuit Vir modestissimus, & rerum suarum parcus æstimator. *Orland. ibid. lib. 13. n. 7.*

3. In



3. In India S. Franciscus Xaverius ad Sinas profecturus anno 1552, epistolam dedit Romam ad S. Ignatium; quâ petijt idoneos operarios pro vinea Indica. Concludit epistolam: *DEUS nos in caelestium felicitate, & (si ex ejus gloria futurum est) in hac vita conjungat. Idem si mihi impetretur, Obedientia vi nullo negotio effici potest.* Epist. veterum lib. 4. ep. 6. En stupendam resolutionem, ad nutum Obedientiae deferendi terras vitâ sibi chariores, Indiam, Japoniam, Sinas; & remetiendi Oceanum, immenso tractu ab illis avulsum!

Obedientia S.  
Xaverij parati  
ad redeundum  
in Europam.

*Eodem die obierunt.*

4. Vallisoleti in Hisp. anno 1615, pro fide exul, P. Guilielmus Vestonius, Angelus, post æruminosissimos carceres annis 17 toleratos infractâ constantiâ. Expeditus ex Hispania in Angliam, vestes novas admittere noluit, dicens: se in attritis & vilioribus facilius à DEO agnoscendum pro suo. Post sacrificium divinum celebratum horam integram dabat grâtiarum actioni, & colloquio cum DEO: cui cum aliquando anxius se & negotia sua commendaret, in carcere; vidit instar fili lucidum radium protensum è caelo, cum hac vocer *Hic ego te filo sustensum habeo à providentia mea: totum sum ego, nec te de ram.* Inde illi admirabilis fiducia in DEUM, inter mille præsentissima capitis pericula, & infestissimos Dæmonum insultus; quos vicissim ipse graviter vexabat, ejiciendo ex energumenis. Præfuit Missioni Anglicanæ singulari prudentiâ, dexteritate & zelo, fructu verò incomparabili. Accepto imminentis mortis nuncio, exultans occinuit: *Latus sum in his, quæ dicta sunt mihi: in Domum Domini ibimus.*

Exul pro fide.  
Carcer annorum 17.  
Paupertatis amor.  
Providentia divina filium.

Vitima fidei  
jucunda.

5. Messanæ in Sicilia, anno 1612, inter dulcissimos cœlestis musicæ choros, requievit P. Hieronymus Galitia, Siculus, ingenio, doctrinâ, puritate, & religiosâ disciplinæ studio insignis.

Musica mors.

6. Romæ anno 1583 Vincentius Aragonius, Ducis Terranovæ, & eo tempore Gubernatoris Mediolanensis, filius; ut egregiè efflorescentem virtutem suam proveheret ad perfectionem, & honores Ecclesiasticos, quibus à patre parabatur, declinaret: inscio ipso Romam evolavit, & se ad Societatis domum probationis recepit. Sed mox gravi ægritudine correptus, intra decimum quartum diem piè decessit. Initio morbi Cardinalis Farnesius juvenem ad palatium suum transferre summo opere contendit: sed illè in sinu Societatis pauper mori, quàm in palatio splendide fore veri maluit.

X. APRILIS.

1. **M**Agnum columen Societati subtraxit hic dies, anno 1585, Gregorium XIII. Pont. Max. cælò quidè maturissimum; ut qui ætatem ad annos 83 extenderat, meritorum autem copiam in omnem æternitatem. Nemo alius tot Societatem Constitutionibus & Indultis firmavit, & munivit; nemo tot beneficijs ornavit & locupletavit; nemo tot laudibus extulit, & planè paternâ curâ fovit. Unum pro multis beneficentiam ejus prædicabit æter-

Gregorius XIII  
moriatur.



Beneficentissi-  
mus in Socie-  
tatem.


Elogium Gre-  
gorio XIII. in-  
sculptum.

P. Caroli Spi-  
nola expeditio  
prima in Iapo-  
niam infelix.

Captus cum  
Socijs.

Post biennium  
repetijt iter fe-  
licitate.

136



æternum, Collegium Romanum, munificentissimè grandi sumptu fundatū, præter plura alia urbis Collegia, & sparsa per orbem Seminaria, Societatis gubernationi tradita. Obijt Sanctissimus Pontifex in affluentia solatiorum liquidissimorum, paulò post, quàm P. Mesquita trium Japoniæ Principum Legatos, sacras ejus plantas, & supremam in terris dignitatem veneratu-ros, in urbem adduxit. *Sacch. hist. Soc. p. 5. lib. 5. n. 12.* Romani Pontificis idea, qui in pauperes vices centena aureorum, millia (ut ex publicis tabulis constat) scribitur impendisse, rectè usus Christi sanguine & liberalitate Christianorum: sub cujus Pontificatu in S. R. E. ditione justitia, pax, rerum omnium copia floruisse perhibentur. Laudatus est eximie à M. Ant. Mureto Lemovice excellentissimo Oratore, & non satis, materiâ orationem superante. *Brietius.* Eidem Pontifici in perpetuam rei mem: exstat insculptum sequens elogium Brunsbergæ: GREGORIO XIII. Gente Boncompagno, Patriâ Bononiensi, Pontifici virtute, doctrinâ, meritis in urbem & orbem Maximo, Seminariorum pro diversis mundi partibus viginti trium (& in his Brunsbergensis pro Svecia, Gothia, Vandal: Norveg: Dania: Pomer: Prussia; Livon: Moschov: Russia, Litva: & Hungaria. Anno 1582.) Fundatori munificentissimo memoriâ hanc erigi fecit Joannes Stephanus Wydzga Episcopus Varmiensis; ut legant & videant, qui carpunt quæ non capiunt: Romanis Pontificibus esse simul divitias artemq; fruendi: & Catholicam Ecclesiam habere opes, non ut servet, sed ut bene eroget. Anno 1664.

2. In Lusitania anno 1596 Ulyssipone in Japoniam solvit P. Carolus Spinola, cum P. Hieronymo de Angelis, & sex alijs sociis, quanta alacritate, tam infelici navigatione. Vi enim tempestatis acti sunt primùm in Brasiliam; deinde altera tempestate in insulam Portorico; deniq; cum hinc cursum repeteret navis, ab hæreticis Anglis capta est, & in Angliam abducta cum sociis. Nihil tamen hostile passi sunt, quod non de industria appulissent in Angliam, & non Hispani, sed Itali essent. Permissi deniq; repetere Ulyssiponem, post tot ambages tantaq; pericula. Sed hæc omnia extingvere non poterant charitatem, qua rapiebantur in Japoniam, & ignes Japoniæ. Per biennium sollicitavit P. Carolus Præpositum Generalem, ac tandem impetravit: ut iterum tentaret fortunam, quam expertus est magis faventem; feliciterq; penetravit in Japoniam, ex illa per ignes evoluturus in cælum. *Hugo in Vita cap. 5. & seqq.*

Eodem



3. In Philippinis, anno 1645, P. Joannes Dominicus Aresius, Sardus Missionarius impiger, inter orandum ab Indo (quem reprehenderat; quod matrem mori permisisset, se non vocato, ad illam Sacramentis muniendam) lanceâ trajectus occubuit. Percussorem nullo modo prodere voluit; ne alicui exitio esset, qui omnium salutem se devoverat. *Victima fidei & charitatis.*

4. Limæ in Peruvia, anno 1651, innocentem vitam pia morte clausit P. Isidorus de Saavedra Peruanus, SS. Ignatij & Xaverij, imò ipsius Cæli Reginae conspectu, non semel recreatus, & ad excellentiam virtutem provocatus. *Deipara V. & SS. conspectum.*

5. Panormi in Sicilia, anno 1593, Magister Joannes Bapt. Tuballinus, Italus mori desijt, post toleratam per annos undecim paralyfium, quâ prostratus, jacebat immotus, cadaveris instar, sed dolorum plenus. Nullum unquam impatientis animi signum dedit; nunquam petijt aliquid, quo recrearetur, licet obnixè invitatus à Superioribus, semper vultu amœno Angelum spirare videbatur pati nescium, ita; ut ipsos quoq; aliorum turbatos animos aspectu suo serenaret. *Mors diuturna sed amœna.*

6. Ingolstadt in Germania anno 1651 P. Georgius Stengelius, Germanus: doctorali Theologiæ laureâ, sed magis religiosa pietate ornatus. Fuit in dicendo, scribendo, & usu conscientias gubernandi, felix, amœnus & solidus. Infectiones, quæ subinde occurrebant, non ut injurias, sed ut benevoli animi tesseras accipiebat; vir & sine supercilio doctus, & non artificiosè humilis. Ut proximo diutius & solidius progresset; labori dicendi ex pulpito sacro, junxit lucubrandi studium, editis in diversa materia libris ad septuaginta & ampliùs, quos recenset Sontvellus in *Bibl. Soc.* *Librorum editorum copia.*

7. P. Didacus Strunica. Post abdicatas cum hæreditate lauta (Majoratum Hispani vocant) nobilitatis avitæ spes, receptus in Societatem Salmanticæ Indias omnibus votis concupivit. In Peruam secunda navigatione delatus, cum in Americanis mancipijs institutendis, uti optaverat, lateret, translatus est subito ad Limanum tyrocini-um regendum, ob eximiam sanctimoniam pari conjunctam prudentia. Procurator ad conquirendum Christi cohortibus supplementum in Europam missus, inde copiosam strenuæ juventutis retulit manum. Dum infestum prædonibus mare percurreret, incidit in Anglorum classem: portenti simile visum est, quod oborta repente nebula, navim qua vehebatur, oculis hostium subdaxerit. Neq; hoc prodigio caret, quod ægrotanti contigit. Jacebat omni ciborum sensu gustuq; captus. Jubente medico, ut ediceret, ecquid obsonij palato arrideret; ille ut erat obsequentissimus, candidè serinam nescio quam appellavit. Sed hujus ne notum quidem illic nomen erat. Quæritur nihilominus, ut ægroto satisfiat. Prodeunti famulo puer ignotus in limine occurrit cum illo ipso ferculo: idq; ipsum aliàs eidem occidisse narrant. Sic servos suos DEUS ac filios usq; ad delicias amat. Extinctus est Guamangæ hoc die 37. annorum, sed virtutum plenus & meritorum. Exequiæ per dies octo à Clero & Ordinibus religiosis celebratæ. *Inveniens fol. 782.*

## XI. APRILIS.

1. Cum laudatissimo Pontifici justa persolverentur, Gregorio XIII, in Basilica Vaticana: P. Stephanus Tuccius solemnè panegyri immortalia ejus merita celebravit tantò splendidiùs; quantò plùs veritatis, quàm pigmen- *Gregorio XIII parentium.*



mentorū Rhetoricorū, illustrabat orationem. Statuam in Capitolio S. P. Q. R. posuit Principi Optimo & Pontifici Maximo; Societas multis sacrificiorū millibus parentavit beneficentissimo Patrono suo, & Fundatori Collegij amplissimi, è quo, velut ex arce, erumpunt in orbem universum validæ copiæ in propugnationem & propagationem Ecclesiæ: prout jam olim vaticinatus est S. P. Ignatius. *Spondan. ad ann: 1585.*

2. Idem Gregorius, Pont. Max: propensissimi animi sui in Societatem insigne dedit argumentum anno 1573. Cum enim hoc die accessissent eum, Congregationem tertiam Generalem celebraturi, P. Polancus Vicarius Generalis cum alijs aliquot Patribus Deputatis, benedictionem à Sua Sanctitate petentes pro electione novi Præpositi Generalis, post obitum S. Borgiæ: peramanter excepit illos; insinuavit tamen: cum præcedentes Generales omnes fuissent Hispani, nunc ex alia aliqua natione illum eligendum videri. Sed cum Polancus reposuisset; Congregationes Generales eâ potissimum de causa Romæ à Societate celebrari, ut sub umbra & tutela Sedis Apostolicæ illæsa gaudeant suffragiorum libertate: facillè annuit, benedixitq; Pontifex. Et electus tandem est Everardus Mercurianus, is quem ipsemet optaverat. Promovit negotium Electionis Beatissimus Pater non votis solum, sed Sacrificijs DEo oblati. Cum enim illuxisset dies Electionis, inter eundem ad Sacrum, clara voce, ut omnes circumstantes audirent, sacrificaturum Sacerdotem appellans: Fac de S. Spiritu, inquit, pro Generali Societatis legendo. Idemq; ob interrupta eo die comitia, jussit postero die fieri. *Sacchin. hist. Soc: p. 4. lib. 1. n. 35.*

*Eodem die obierunt.*

*Commoditatum neglectum.*

2. Posnaniæ in Polonia, anno 1610. P. Stanislaus Gawronski, Polonus, olim B. Aloysio Romæ contubernalis, & virtutum æmulus. Illustri licet domo natus, cum Romam proficisceretur, aurigam agere non erubuit; & aliàs etiam Rectorem Collegij agens, ultima omnia eligebat, cibo valde modico, sæpè nullo, contentus lectulo duro, vestibusq; attritis passim utebatur. Quem commoditarum suarum neglectum videtur DEUS compensasse etiam in hoc mundo; quando post annos à morte duodecim, cadaver ejus inventum est penitus incorruptum, colore albo, quin & sanguine è presso labio, & auriculâ dexterâ expresso; cum interim Sarcophagus ac vestes planè consumptæ essent. Rem & nostri, & 4 Medici exploravere; anxioq; admirationem corporis complexio, succi & carnis plena, locusq; sepulchri humidus à fluvio vicino.

*Incorruptio cadaveris.*

*Seraphicum amor impetrans*

*Cor Marianum*

*pectoris insertum*

3. Limæ in Peruvia, anno 1652, terrena reliquit Antonius Ruiz de Montoya, Apostolicis laboribus in Paraquaria perfunctus. A DEipara V. ut Seraphinorum Regina multis precibus & sui mortificationibus Seraphicum erga DEum & ipsam amorem petijt, ac impetravit. Offerens illi aliquando cor suum, vidit ab ipsa gratiosè acceptari, & in pectore suo recondi; ac vicissim cor Marianum pectori suo inferi. A Christo pectori insertum lateri ejus aperto admodum, cælestes delibavit delicias. In quanta fuerit opinione san-

*ctita-*



etatis, funus docuit. Protex enim Peruanis cum consilio Regio, suis humeris corpus P. Antonij sepulchro intulerunt: Religiosus autem pius de Mercede Redemptionis Captivorum, vidit animam ejus cum gloria celo inferri.

*EChristi latere haustus.*

4. Vilnæ in Litvania anno 1663 P. Joannes Jacknowicz, Litvanus. Inter quævis honorata officia, quæ gerenda fuerunt, sive Rectoris, sive Præpositi, instituendis rudibus juvandisq; pauperibus constanter sese impendebat. Ter ad obsequia pestiferorum se demisit. In suprema ætate, serè octogenarius, ad Grammaticam docendam descendit: nec paucis editis libellis proximi salutem promovit, vir æquè humilis ac zelusus. *Sourvellus in Bibl. Soc.*

*Humilis charitas.*

## XII. APRILIS.

1. **A**Nno 1599 Albertus Archidux, Cardinalis, & Lusitanix Gubernator, literas dedit ad Clementem VIII, quibus significavit: P. Ludovici Molinæ Librum de Concordia Liberi Arbitrii, cum Gratia donis, Divina præscientia, & Prædestinatione, à se traditum esse examinandum Senatui Inquisitionis, alijsq; Doctoribus, inter quos aliqui erant ex Ordine S. Dominici: atq; ab ipsis in eo Libro nihil compertum esse, quod Censuram promereretur; imò potiùs judicatum esse; eum continere doctrinam valde utilem, sanam & conformem Scripturæ, Concilij & SS. Patribus; & quòd Author omnibus, quæ opponebantur, solidè satisfaciebat: ut liquet ex Decreto ejusdem S. Inquisitionis, *Hec Albertus Cardinalis.* Sic in judicio contradictorio probatus & approbatus Liber (qui primus fuit ex editis in materia Theologica, à Societatis Theologicis) ac insuper à regijs Castellæ & Arragoniæ Concilij laudatus, gravi præjudicio tutus videbatur: sed ut magis inclaresceret, ad tribunal Romanum trahi debuit. *Eleuther. hist. de Aux. lib. 2. cap. 3. & 4.*

*Liber P. Molina ab Inquisitione Lusitæ approbatus.*

*A Consilio regio Castellæ & Arragoniæ laudatus.*

2. Venetijs anno 1550 institutum est Collegium Societatis, promovente, imò authore, Andrea Lipomano, Viro amplissimo & doctissimo: qui jam antè primum in Italia Collegium Patavij erexerat, alebatq; ibi personas 12, quot etiam pro Venetijs à S. Ignatio expetijt. *Orland. hist. Soc. lib. 10. n. 96.*

*Venetum Collegium fundatum.*

3. Romæ, post translatum ad Beatos S. Franciscum Borgiam Præpositum Generalem, celebrari cœpta est Congregatio III. Generalis: in qua deinde P. Everardus Mercurianus electus est in IV. Societatis Generalem. *Hist. Soc. par. 4. lib. 1.*

### *Eodem die obierunt.*

4. In Æthiopia, anno 1940, P. Brunus à S. Cruce, Italus, & P. Ludovicus Caldeira, Lusitanus, in odium fidei ab Alexandrinis Schismaticis suspensi & lapidati, pro more Æthiopum hac morte Catholicos plectentium. P. Brunus ante suspendium ad Patris Ludovici genua provolutus, petijt ab eo benedici funi suo & sibi, multa; mortifica-

*pro fide.*



*P. Brunus à  
DEipara V.  
desponsatus.*

*Cades ipsius  
pro fide divi-  
nitus firmata.*

*Vocatio ad o-  
cieratem per  
B. V.*

*Exempla do-  
mestica.*

*Pudicitia &  
Obedienti-  
signe specimen.*

tificatione se ad eam lauream disposuit. Aliàs ab iisdem hæretico-Schismaticis Catho-lico nomini insensibilis, quinque lethalibus vulneribus sauciatus est: vixit tamen super-stes, altiori theatro & gloriosiori triumpho reservatus. Cum aliquando Deip, V. peteret robur & constantiam in periculis & tormentis; adspectabilis facta V. Mater annulo in digitum inserto, eum sibi despondit. Propertius Medicus, P. Bruni Germanus, acer- bis doloribus humeri afflictus, audita ipsius morte, literas quas antè ab ipso ex Æthiopia acceperat, humero ægro admovit, petens à DEo sanitatem, si verum esset, quòd Pater Brunus odio fidei Romanæ occisus esset. Confestim cessavit dolor, nec redijt.

5. In Peruvia, anno 1603, P. Petrus de Anasco, Hispanus, ad immortales transijt, percharus DEiparæ V. à qua cum parvulo JESU comparente, sanitati olim restitutus fuit, & iussus ingredi Filij sui Societatem. Ad insignem perfectionem se excitabat exemplis aliorum, quibus convivebat, observando quam virtute quis excelleret, et amque imitari studebat.

6. Montanæ ibidem anno 1624 non sine suspitione propinati veneni obiit P. Gaspar Ruefs, Germanus, zelo Apostolico, & linguarum novem peritiâ præstans. Pudicitia & Obedientiæ insigne specimen dedit: quando, in defectu medici, adducta est anus honesta, quæ gravi morbo remedium afferret. At P. Gaspar eam conspiciatus, illicò contestatus est, se mori malle, quàm partem aliquam sui committere scæminæ. Ubi autem intellexit, eam esse Superioris voluntatem; sine mora morigerum se præbuit; & perpetuam, qua florebat, Virginitatem suam, pretioso victricis Obedientiæ diademate coronavit. *Sourvellus in Bibl. Soc.*

### XIII. APRILIS.

*S. Xaveri ob  
servantiam  
Prælatorum &  
Magistratum  
graviter com-  
mendat.*

*Societatis no-  
men & honor  
nullius defe-  
ctum excusat.*

*Etiã accepta  
injuriam non li-  
tigandum cum  
Magistratibus.*

I. **A**Nno 1552, Goà literas dedit S. Xaverius Meliaporam ad P. Cyprianum; quibus graviter eum monet: ut asperiores agendi modum, præsertim cum Prælatibus & Magistratibus sæcularibus, deponat. Accepi, inquit, te isthuc aliquid negotij habere, & alijs facessere. Oro te per DEum, & Societatis nostræ Parentem Ignatium, qui tibi sanè notus est: ut demissum te, humilem ac patientem omnibus præbeas. Atque illud mihi affirmanti credas, velim: quod Christiana humilitas atque modestia non impetrat; haud quam per elationem animi, atque iracundiam extorqueri posse. Sed nimirum in eo interdum hallucinamur, quòd observantiam à populo, atque obedientiam expetimus, hoc uno nomine; quòd sumus è Societate JESU. Neque enim admodum laboramus de virtutibus Sociorum proprijs, ob quas scilicet DEUS Societati tantum apud populos auctoritatis dedit. At nos ejus auctoritate, atque estimatione uti malumus; quàm humilitate, moderatione cæterisque virtutibus, quibus illa partam tuetur dignitatem. *Concludit poetæ:* Noli per DEum immortalem, cum Magistratibus, quævis multis ac magnis laceffitus injurijs, suscipere simultatem. Sic enim habeto: ejusmodi dissidijs multos ac magnos animorum fructus interire, quos erat latura concordia &c. *Epist. veterum lib. 4. epist. 10.*



2. Pius IV. hoc die, anno 1561, confirmavit concessam à prædecessoribus suis Paulo III. & Julio III, facultatem, & de novo concessit: ut Societas etiam intra 140 annas aliorum Ordinum, excitare possit domicilia sua, *Domicilia Societatis intra 140 annas construi possunt.* Constitutio incipit: *Etsi ex debito Pastoralis officij &c. Bullar. Societ.*

*Eodem die obierunt.*

3. Brunsbergæ in Prussia anno 1622, P. Engelbertus Keilert, Germanus, operarius perstrenuus, maximè in disponendis ad felicem mortem ægris: quos non verbis solum opportunis, sed multa oratione, & sui mortificatione juvare studebat. Hanc Patris Engelberti opem expertus Sacerdos quidam externus, post mortem illi comparuit, gratiasq; egit amplissimas pro fideli opera in extremis sibi præstita. *Pro dispositione bona ad mortem defuncto.*

4. Giennæ in Hisp. anno 1657. vitâ functus est P. Franciscus de Laredo, Hispanus, inter primos ætatis suæ Concionatores dicendi facundiâ & animarum zelo, numeratus. Inter exequias panegyri funebri pro merito laudatus est à quodam disertio, sibiq; peramico, Ecclesiaste ex S. Augustini familia. Post paucos dies comparuit eidem interdiu P. Franciscus, ex interiore cubiculo in conclave ingressus, in solita Societatis veste, vultu tamen solito amœniore, & quiddam cælestis jucunditatis ac majestatis præferente. Turbatum primo aspectu religiosum jussit bono esse animo; & mox adductâ sellâ, ut amici solent, consedit, dixitq;: Se DEi nutu venisse ad gratias ipsi agendas pro panegyri in funere suo dicta, quam Angelus suus Custos honorârît, concionanti assistens. Addidit deinde scito Societatem JESU æterno Numini in delicijs esse. Sunt enim ei gratissimæ hujus Ordinis functiones. Perge porro sinè mora ad P. Collegij Rectorem, & hæc ei meo nomine dicas: Caveant maximè Societatis Concionatores, ne verborum phaleras & flosculos captent, spargantq;: sed solidis argumentis corda moveant; ego enim, quia junior elegantia studiosior fui, plusculos dies in Purgatorio vanitatem expiare debui. Sic ille Concionatorum post mortem concionator, dixit, & disparuit. *Gratia acta pro Francisco panegyri a defuncto. Societas DEO grata. Concionatores Societatis non amant verborum phaleras & flosculos.*

XIV. APRILIS.

1. **A**Nno 1552 S. Xaverius, ratus Apostolatus sui terminos non esse Indiam, & Japoniam, solvit Goâ in Sinas, effracturus ibi, DEO juvante, adamantina repagula, quibus Evangelio obseratum credebatur imperium illud. In itinere duplici vaticinio, & futura prædixit, & præsentia, longissimè diffita enunciavit: scilicet pestiferam luem depopulari urbem Malacam, & cum sole cadente casuram tempestatem, quâ jactabantur, terramq; apparituram: prout evenit. *Bartoli in Vita lib. 4. n. 14.* *S. Xaverius Goâ solvit ad Sinas*

2. Magni hujus Thaumaturgi & Apostoli honores ampliaturus Alexander VII. Pont. Max. constituit anno 1657: ut in regno Navarræ non celebraretur S. Firminus Martyr, ut Patronus principalis, & S. Xaverius ut secundarius; sed quilibet ex illis ut Patronus æquè Principalis, tam quo ad Officium, quàm Missam. Et hoc præcepit motu proprio, & de plenitudine potestatis. *Bullar. Comm: Constit. 34. Alex. 7.* *S. Xaverius cõ S. Firmino principales Patroni regni Navarræ.*



Molina non  
convenit cum  
Cassiano in  
materia de  
Gratia.

3. Coram Clemente VIII. habita est anno 1603 disputatio XVI, de doctrina Molinae, quaesitumq;: An Molina & Cassianus convenient in hac propositione: *Quod propter bona opera naturalia detur gratia; & an uterq; eodem modo temperet hanc propositionem?* Ad utrumq; respondit P. Arrubal negativè. Nam primum absolute non docet Molina: ideoq; nec temperamento utitur, quo utitur Cassianus docens: prævia opera naturalia non habere se quidem ut causam meritoriam respectu gratiæ, esse tamen occasiones seu dispositiones. *Eleuther. hist. de Auxil. lib. 5. cap. 20.*

P. Lancicius  
Sacerdotio initia-  
tus.

DEus in ani-  
ma Neomystæ  
mirificè sibi  
complacuit.

4. Romæ anno 1601, Sabbatho ante Dominicam Passionis, hoc die Sacerdotio initiatus est Venerab: P. Nicolaus Lancicius. Quantum verò DEUS in anima recentis Sacerdotis sibi complacuerit: monstratum fuit piissimæ cuidam personæ, extraordinarijs gratijs à DEo honoratæ; quæ sibi imperare non potuit; quin post sacrificium Patrem his verbis compellaret: O Pater gratias ago, quia me in hoc Missæ sacrificio magna consolatione implevisti! Ostendit enim mihi DEus hoc tempore: quantoperè illi placeat Anima Vestræ Rntiæ, & quòd in illa tanquam in suo dilectissimo tabernaculo cum gustu resideat. *Balbinus in Vita, cap. 7.*

*Eodem die obierunt.*

P. Rodericus  
Alvarez inter  
Angelos Gali-  
os Calves ascen-  
dit in calum.

Vocatio ad So-  
cietatem per  
B. V.

5. Hispali in Hispania, anno 1587, P. Rodericus Alvarez, Africanus. Qua nocte obiit, visa est anima ejus ab uno & altero, magno stipante Angelorum & hominum de Societate choro in calum ferri. Visionem hanc firmant excellentes viri virtutes, specialiter incredibilis in DEum & MARIAM amor, quorum familiari colloquio non raro recreatus est, Deliberans de statu vitæ, vidit audivitq; Christum dicentem: *sequere me:* Cogitanti porrò, quomodo sequi deberet, respondit DEipara V. Id facturum, si Societatem JESU ingrederetur. Paruit & fideliter secutus est.

Paupertatis a-  
mor summus.

Humilitas in  
morte commen-  
data.

6. Conimbricæ in Lusitania, anno 1615, requievit in Domino P. Sebastianus Baradas, Lusitanus, egregijs in Historiæ Evangelicæ Concordiam, editis Tomis 4, & libris 10 Itinerarij filiorum Israël ex Ægypto, clarus. Juveni ut Societatem ingrederetur, imperavit DEipara V. In concionibus ejus sonabat vox Domini in virtute, ita; ut uno anno ad sexaginta auditorum suorum impulerit ad religiosa castra. Paupertatis studium prodidit calceorum par unum per annos octo portatum, vestes tam laceræ, ut post mortem nec mendicis dari potuerint; thorax lineus clam illi subductus tam erat pannosus, ut perticæ fuerit à pistore alligatus, ad cineres è furno colligendos. At illum bonus Pater sollicitè repetiit, nec sine lacrymis, testibus tenerimæ erga Matrem suam Paupertatem voluntatis. Sub mortem jussu aliquid socijs dicere pro extremo documento, collecta voce dixit: *Humiliamini sub potenti manu DEI; ut vos exaltetis in tempore visitationis;* addiditq; non posse se melius suggerere consilium, quàm Humilitatis, Virtutis Christi, studium.



1. **S**enense in Italia Collegium anno 1556 inchoatum est à 4. socijs illuc expeditis à S. Ignatio. Disposuerat ad ejus foundationem civium animos P. Alphonsus Salmeron, redux è Polonia, quò cum Aloysio Lipomano Nuncio Apostolico abierat: sed mox à Pontifice cum Cardinali de Motula proficisci jussus in Belgium ferè dissipavit, quod ædificaverat; civibus ejus absentiam ægerrimè ferentibus. Aduit tamen in tempore cæteris socijs DEus, tam liberaliter, in civitate bellis omninò exhausta, annonam aliq; necessaria suppeditando: ut alijs 4. socijs advocatis, omnibus abundè sufficerent. Cum enim primi omnibus necessarijs destituti, nihilominus nulli parcerent labori spiritali: terrena sibi ultrò adjici, meruerunt. *Orland. p. 1. hist. Soc. lib. 16. n. 5. & seqq.*

*Senensis Collegij initia.*

*Liberalitas divina erga strenuos operarios.*

2. In India, anno 1552, S. Xaverius datis literis respondit P. Gaspari Barzæo petenti informari, de modo ac ratione agendi sine offensione cum hominibus. Præ cæteris monuit: Mulieres, cujuscunq; ætatis, ordinis, gradus sint, nemo nostrorum alloquatur alibi, quàm in loco publico, puta templo: nec in domibus visat, nisi periclitantes extrema necessitate infirmitatis minantis mortem. Ac ne tunc quidem conveniantur, nisi viris aut consanguineis ipsarum præsentibus. Ne in matribus quidem familias, quæ templorum nostrorum terunt limina, licet multam ostendent propensionem ad bonum erudiendis adhortandisq;, nimiùm vellem operæ atq; otij nostros impendere. Causa mihi sic judicandæ est; quòd inconstantes in propositis, verbosæ in congressibus ferè sint fœminæ: unde sequitur, & temporis plurimùm illis alloquendis perdi, ac certi & securi fructus colligi perparum &c. Sic temperari voluit zelum zelosissimus Apostolus. *Epist. novarum lib. 6. epist. 8.*

*Cum mulieribus paratissime agendum.*

*Eodem die obierunt.*

3. Romæ, anno 1610 P. Robertus Personius, Anglus, ex innumeris insidijs & periculis in portum salutis feliciter invehctus. Missiones Anglicanas multis annis magno ingenio, prudentiâ, zelo & fructu incredibili gubernavit, inter assidua vitæ discrimina, quæ singulari Providentiâ Divinâ, & mirabili dexteritate sua semper elusit, vel superavit, quàmvis proditoribus ipsius ingens præmium per totam Angliam propositum esset ab Hæretica Regina, & omnes adhiberentur artes ad eum interceptiendum. Par ingenio elucebat in eo virtus, & peregregia in scribendo felicitas; facundia verò tanta, ut medulla Suadæ Anglicanæ diceretur. Multum illi debet melior Anglia, multum domicilia, pro ejusdem nationis juventute Catholica, fundata in Hispania, Lusitania, Belgio, Italia. Cum enim Personio satis non esset, Angliam in Angliam juvisse, verbo & stylo: ad reges Galliæ, atq; Hispaniæ, ac demum Romam ad Summum Pontificem

*P. Personij labores & pericula in Anglia.*

*Seminaria Anglicana fundata.*

tificem



tificem excurrit: ut alios super alios in Angliam immittere posset operarios, erectis quam posset plurimis Anglorum Seminarijs. His intentum mors religiosissima occupavit, post annos 30, totis viribus naturæ & gratiæ, impenso Angliæ salutis, ita; ut verissimè de illo scripserit Cardinalis Alanus Anglus, ad Præpositum Gen. Aquavivam: *P. Roberti industria, prudentia, zelus, in scribendo & agendo dexteritas, superat omnem fidem.*

*Mors prævisa,  
& à natu su-  
prioris pendens*

4. Granatæ in Hispania, anno 1567, P. Martinus Gomez Hispanus, post vitam religiosissimè actam morte memorabili defunctus est. Rogatus enim aliquando à Rectore suo, quando putaret, sibi è vita migrandum? Respondit: crastino die post sumptum Sanctissimum Viaticum; modo ipse P. Rector annueret. Ad hæc Rector: Fiat DEI voluntas; per me licet. Dictam factum. Sequenti die, P. Martinus intra semihoram post sumptum SS. Viaticum, placidè expiravit.

## XVI. APRILIS.

*Stephani regis  
Pol. Vocum.*

**A** Nno 1577 Stephanus Bathoreus, rex Poloniae, tendens cum exercitu contra Gedanenses, rebelles ac hæreticos, quin umerosis copijs viciniam infestabant; vovit: si Gedano potiretur, Catholica ibi restitutum sacra, & Societatis Collegium positurum. Paulò post, hoc die, præclaram retulit ex hoste victoriam, quamvis urbe validè munita potitus non est. Repararunt tamen per autumnum rebelles copias suas, tantoq; ferociùs agebant, quantò potentiores erant classe. Trajecto igitur sinu maris Baltici, quem Habum vocant, Varmia inferebant arma & vastitatem. Brunsbergenses, qui primi occurrerunt, pecunià se suaq; redemerunt: sed adjecerunt hæretici conditionem: ut ejicerent Jesuitas, qui celebre, & primum in Polonia & Litvania, ibi habent Collegium, à Cardinale Hosio fundatum: alias cuncta se promiscuè eversuros, minabantur. Itaq; socij, ne civitas propter ipsos periclitaretur, ultrò in vicinas civitates & pagos se receperunt, relicto uno alterove Fratre ad custodiam Collegij. Non fuit diuturnum exilium. Post unam alteramve hebdomadam, cum de pace ageretur cum rege, reversi sunt ad sua. *Sacch. p. 4. lib. 5. n. 78.*

*Brunsbürg  
pelluntur socij  
ab hæreticis  
Gedanensib9.*

*Eodem die obierunt.*

*Vir nemini di-  
sticens.  
Theologia, lin-  
gua sacra, &  
philosophia  
tradita annis  
30.*

2. Parisijs, anno 1620, P. Jacobus Gordonus Huntleus, Scotus, vir doctrina & virtute excellens, ob accuratissimam morum compositionem, rarum illud consecutus elogium: quod in illo nihil unquam ulli displicuerit. Philosophiam, Theologiam & Linguam sanctam docuit per ipsos annos 50. In Hibernia personam sustinuit Nuncij Apostolici. In Anglia & Scotia multa acerba, & ærumnosa carceres perpeffus, mortem cruentam evasit hoc titulo, quod regio sanguine ortus esset.

3. Clattovix in Bœmia, anno 1643, Apostolicae vitæ cursum feliciter consummavit P. Albertus Chanowski, Bœmus, Missionarius toto Bœmiæ regno celeberrimus, quem DEUS ferè violentè in opus Evangelij apud Hussitas, & Wicleffitas aliosq; hæreticos prædicandi, segregavit. Quidquid enim aliud muneris & negotij gereret, in felici-



feliciter cedebat; morbis insuper gravibus podagræ, chiragræ, colicæ &c. torquebatur, quoties in Collegio aliquo commoraretur, à quibus illicò liberabatur suscepta Missionè aliqua. In omnibus autem, ijsq; continuis, itineribus nullo unquam jumento vel curru devehì sustinebat: sed pedibus omnia, sarcinulâ cum rebus & munusculis sacris, ab humero pendulâ, conficiebat, multis extraordinarijs gratijs à DEO honoratus, à populo autem Sancti & Apostoli elogio.

*Morbis in Collegio, sanus in Missionibus. Pedibus omnia peragit.*

4. Neapoli, anno 1548, bonam, quam fortitus fuerat animam insignibus ornatam virtutibus reddidit Creatori Guilielmus Elphinstonius, Novitius, regio sanguine in Scotia natus, DEiparæ Virginis amoris & cultui præprimis addictus. Moriens Angelorum conspectu & colloquio recreatus est; post mortem visus; à B. Virgine in cælum introduci, & coram throno SS. Trinitatis in genua provolvi, ritu adorantis.

*DEipara V. clientem suum in cælum deducit.*

## XVII. APRILIS.

1. **P** Simon Rodericus, unus è primis Decem Patribus, à S. Ignatio prima designatione expeditus in Indias cum P. Nicolao Bobadilla, deinde cum S. Xaverio, Ulyssiponem attigit anno 1540, Xaverio adhuc cum Legato regis in itinere detento, quod seriùs Româ abiissent. Fuit Rodericus egregijs dotibus ad Indicam expeditionem comparatus: sed cum Ulyssipone utilissimam præstitisset operam in juvandis verbo & opere animabus; volente rege, jussus est ibidem subsistere, tum ad Lusitanos juvandos, tum ad propagandam Societatem in Lusitania, atq; ad expediendos inde idoneos operarios in Indiam. *Orland, hist. Soc. p. 1. lib. 2. n. 101. Bartoli in Vita S. Xav. lib. 1. n. 7.*

*P. Simon Rodericus detinetur in Lusit.*

### *Eodem die obierunt.*

2. Eboraci in Anglia, anno 1595, odio fidei suspensus, & sectus quadrifariam, P. Henricus Walpolus, Anglus, post immanem torturam vicibus 14decim fortiter toleratam. Damnatus ad mortem, patri suo scripsit, ut exenbitoribus carceris certam pecuniæ summam donaret. Adhuc adolescens prodidit, quantus futurus esset adultior, fidei zelator & propagator; quando hæreticos 20 Catholicæ Ecclesiæ reddidit: ad Societatem verò exemplo suo consobrinum unum suum, & tres germanos pellexit.

*Victima fidei.*

*Equuleus quibus toleratus*

3. In Lusitania, anno 1635, P. Emmanuel Texeira pretiosa justorum morte decessit; cujus testes fuerunt tum cælestis quidam odor, quo à morte fragravìt corpus ejus, triduo quot hebdomadis jejunio maceratum; tum innocentia stola nullo per omnem vitam peccato lethali amissa.

*Jejunium fragrat in corpore defuncti.*

4. Nelsvisij in Litvania anno 1687 P. Michâel Radau, Prutenus, vir egregijs naturæ ac gratiæ dotibus ornatus. Quidquid ageret, cum plausu & fructu agebat; in humaniorè literatura elegans, in severioribus disciplinis acutus, in concionibus fervidus & eruditus, in disceptando cum acatholicis acer ac solidus. Rem Catholicam difficillimis temporibus Regiomonti non solum sustinuit, sed promovit & auxit; quàmvis de illa per Prussiam conclamatum esset. Doctoris Catholici cognomento passim honorabatur ab hæreticis: quod ille docendo, disputando & prædicando, cumulatè implebat.

*Missionarius consummatus.*



Theologus & Missionarius consummatus: cui pretiosam imposuit coronam humilitas, quando post traditæ Philosophiæ ac Theologiæ curricula gloriose confecta, docendos trivialis scholæ pueros Regiomonti suscepit; ne ab hæreticis magistris venenum cum literis biberent. *Ex Annuo.*

### XVIII. APRILIS.

1. **C**lemens VIII. Pont. Max. accepta relatione Vicarij Capuani, & communi famâ de Apostolicis & fructuosissimis laboribus Cardinalis Bellarmini in Archiepiscopatu Capuano, ad quem ipsum promoverat: gratulatoriam ad ipsum dedit epistolam, anno 1603, ut currentem magis incitaret. Libenter vidimus, inquit, Angeluccium, Vicarium olim tuum, qui mirificè nos exhilaravit: dum retulit de virtutum exemplis, quæ in Provincia ista concionibus, jejunijs, supplicationibus, & sacrorum mysteriorum usu frequenti edis. Hinc verò agnoscimus, quas agere Divinæ Majestati gratias debeamus, quæ tibi adest Numine tam propitio, & præbet vim suam cælestem: ut sustineas pastorale onus, atq; impleas ministerium tuum. Et sanè æquiùs multò postulare nos à te preces ad DEum debemus: quàm ut tu in his, quæ agis laudabiliter, votis & precibus nostris indigeas &c. *Petræsancta in Vita Bellar. lib. 4. cap. 3.*

*Clementis VIII  
Epistola ad  
Card. Bellar-  
minum Archi-  
episcopum Ca-  
puanum.*

*Expedi-  
tio Soci-  
etatis pri-  
mæ in  
Angliam.*

*Campiani cum  
Beza congressi.*

2. In Angliam anno 1580 prima suscepta est à Societate, sub Everardo Mercuriano, expedi-  
tio. Pridem illa concepta fuit vel ab ipso S. Ignatio: sed deerant in Societate illius nationis homines, per quos promoveretur Tandem ab anno 1575 Anglorum tam multi & egregij viri ac juvenes ad Societatem accesserunt; ut diceret Everardus Generalis: Jam haud dubiè DEum adversùs Angliam comparare bellum. Tredecim ergo partim ex Societate, partim ex Seminario Anglicano Romano, hoc die ex Urbe expediti sunt; inter quos eminebant Robertus Personius, & Edmundus Campianus, magna nomina inter athletas fidei in Anglia. Primum experimentum ingenij & doctrinæ suæ dederunt Genevæ (in illa hæreticorum col-  
ludie) præsertim Campianus, cum ipso Theodoro Beza congressus: quem ubi uxor advertit in angustias redactum, opportuno commento evocavit, porrecto literarum fasciculo, tanquam recenter ex Gallia allato. Genevâ in Galliam, inde in Angliam feliciter transmisserunt; quamvis ibi accuratissimè custodirentur portus, & effigies Personij atq; Campiani prostarent. *Sacchin. hist. Soc. p. 5. lib. 8. n. 82 & seqq.*

*Eodem die obierunt.*

3. Xeresij in Hispania, an: 1601, P. Antonius Sanchez Hisp. religiosè obiit charitate in proximū, & sui mortificatione insignis. Peste infectis eximia charitate opitulatus est.



In corpus suum ferè crudelis, cum illud acerbissimè laceraret, *sustine*, inquit, *sustine* Mortificatio  
tantisper cans Brachia interdum fervente aqua perfundeat, vel ardenti lampadi ad- corporis rigida.  
movebat, dicens: *Ustulare immunda sua, ustulare* Cum à natali domo sua nonnisi leuicæ Neglectum fa-  
intervallo abesset, nunquam tamen adduci potuit, ut suos inviseret. miliarium suo-  
rum.

4. Halæ in Germania, anno 1630, vivere desijt Daniel Rosner, Germanus, Coad-  
jutor: apud quem ex hæresi ante initam Societatem educendum, cum nihil profice-  
rent alia argumenta, tandem persuaderi sibi passus est, ut quotidiano Divino Sacrificio Christus spe-  
interesset. Fecit non gravatus, semper tamen dubius de præsentia Christi sub specie: stabili in Ven-  
bus panis, donec in elevata sacrosancta hostia Christum patientis specie vidit. Eucharistia  
ergo deserta, Societatem amplexus est, amabilis Sacramenti, è quo sapere didicerat, hereticum con-  
longè amantissimus. vertit.

5. Gadibus in Hispania anno 1601 P. Petrus Bernal, Hispanus. Magni nominis  
Jurisperitus cum esset; judicij Divini metu in Societatem se recepit, ad tyrocinium  
Septimacense, complurium dierum itinere pedibus & mendicatò profectus est. Tali-  
bus initijs reliquus vitæ cursus consonus fuit. Cum Collegia & Provinciam regeret,  
cum gravitate suavis in alios, in se immitis fuit, Loricatum illi pectus & dorsum, quâ  
setis cilicij, quâ ferreâ radulâ carni adstricta. Quàm multus tam efficax fuit in oran-  
do, etiam miraculosus gratijs impetratis. Moriens illud dilecti sibi S. Pauli acroama  
pronunciavit: Reposita est mihi corona justitiæ. Defunctus Prælatorum humeris ela-  
tus est, & ære publico parentatum illi,

## XIX. APRILIS.

1. S. P. Ignatius anno 1541 suscepit tandem munus Præpositi Generalis, ad  
quod communibus suffragijs jam ante complures dies vocatus fuerat;  
sed in animum inducere non potuit, ut admitteret. Ab urgentibus Socijs id  
ægrè impetravit: ut re diligentius commendata DEo per quadriiduum, ite-  
raretur electio. Sed eadem omninò tulit suffragia scrutinio secundo. In-  
terpretatus tamen est vir humillimus, eum suffragiorum favorem non ali-  
unde provenire, quàm quod minùs nosceretur à Socijs. Impetravit igitur,  
ut posset adhuc diligentius divinam explorare voluntatem: Recepit ergo  
se ad Fratrem Theodosium Franciscanum, ad S Petri in Janiculo, qui confi-  
tenti solebat aures præbere. Huic spatio triû dierum vitam omnem confessio-  
ne per diligentem exposuit; deinde edocuit, quid actum esset de ipsius Electione,  
petijtq; : ut ipse, qui se penitus nosset, sensum suum de hac electione secun-  
dum DEum aperiret, & scripto testaretur, coram Socijs legendo. Præstitit  
desiderata F. Theodosius: sed in scheda publico in conventu referata, jussit  
Ignatium Sociorum votis parere, & ampliùs DEi voluntati non reluctari.  
Sic tandem acquievit Ignatius, ne DEo resisteret. *Bartoli in Vita l. 2, n. 48.*

S. Ignatius ter-  
giversatur in  
Generalatu  
admittendo.

Tandem ad-  
mittit jussus.

*Eodem die obierunt.*

2. Monachij in Bavaria, anno 1630, ad immortales transijt P. Hieremias Drexe-  
lius,



*Concionator  
per annos 23.  
sine ullo sup-  
plemento.*

*Libelli P. Dre-  
xelij quàm  
grati.*

*Oratio humil-  
lima.*

*Labor conver-  
sionis fructuosus*

*Patientiâ fe-  
cundatus, con-  
stantiâ coro-  
natus.*

*Adversarij Mo-  
lina malunt  
contra librum  
ejus, quàm do-  
ctrinam Socie-  
tatis agere.*

*Exceptio con-  
tra Censores*

lius, vir ut calamo, ita moribus tersus ac suavis, Maximiliano Duci Bavarix unicè cha-  
rus, cujus concionatorem solidum annis 23 egit, sine ullius supplemento. Quanta gra-  
tia & vis libellis ejus insit, docent in varijs provincijs sæpius repetiti typi, & ingens  
Exemplarium editus, facileq; distractus numerus. Monachij tantum impressa nu-  
merantur centum septuaginta millia exemplarium. Locupletissimæ eruditionis  
thesaurum illi collegerunt, silentium cum legendi atque notandi indefessâ assi-  
duitate. Visus est non semel, dum ad concionem diceret, toto corpore luce cælesti  
coruscare.

3. Mussiponti in Lotharingia, anno 1657, P. Ludovicus Maignet obiit, studio  
orationis humillimo memorabilis. Inter orandum enim, præsertim coram SS. Sacra-  
mento, clam funem gestabat è collo tanquam reus læsæ Majestatis divinæ; cubiculiq;  
pavimentum frequenter osculis lambebat, instar miseri canis, ut ipse loquebatur. Ex-  
tremis octo annis coadjutoribus se adjungebat, cum illi à Præfeto spiritus, materiam  
pro more ad meditandum acciperent, licet ipse totius Provinciæ gubernationem cum  
laude sustinuisset.

4. Apud Sinas anno 1640 P. Alphonfus Vagnonius, Italus, vir planè Apostolicus.  
Postquam improbo labore in perfectam idiomatis Sinensis, possessionem venit: ita ver-  
bo & opere commovit provinciam sibi creditam; ut, cum nullum prorsus in ejus in-  
gressu reperisset Christianorum cætum, moriens centum & duas in diversis civitatibus,  
& oppidis reliquerit Ecclesias egregiè instructas. In civitatis Chianensis ingressu, so-  
lùm viginti quinq; invenit fideles, decedens autem è vita, reliquit octo millia, & in  
ijs amplius ducentos honoribus literarijs & Mandarinorum Præfectoris insignes. Tam  
fructuoso labori non defuit messis patientiæ. Anno 1617 decreto Judicis Christianis in-  
fessimi, raptus in carcerem, crudeliter baculis delumbatus, in cavea extra fines regni  
deportatus est. Sed extincto Judice illo, redijt Alphonfus ad Apostolicos labores, per-  
severavitq; ad finem multo cum fructu. *Sourvellus in Bibl.*

## XX. APRILIS.

I. **C**ontroversiarum circa doctrinam PP. Prædicat: & Societatis, & Colla-  
tionum institutarum coram Card: Ludovico Madrutio, cursum inter-  
turbavit, imò abruptit, mors ejusdem Cardinalis, hoc die anno 1600 oppetita.  
Ad primum proinde consilium suum recurrerunt Adversarij, institeruntq;  
apud Pontificem Clementem VIII: ut non de doctrina duorum Ordinum,  
sed particulari Ludovici Molinæ, & de Censuris contra ejus librum latis  
ab Examinatoribus, ageretur. Hoc enim negotium putârunt facilius con-  
fici posse, & per latera Molinæ configendam Societatem. Procuratores er-  
go Molinæ, P. Didacus Alarcon, & Christophorus de los Cobos, jussi sunt  
à P. Claudio Aquaviva Præposito Generali, invigilare causæ, ac petere à  
Pontifice copiam Censuræ concinnatæ contra librum Molinæ: quam &  
impetrârunt. Obtulerunt paulò post Pontifici supplicem libellum, quo ex-  
ceperunt contra Censores tanquam multis nominibus suspectos, & non æ-  
quos



quos Molinæ: quam exceptionem tam solidè firmarunt: ut Pontifex maturiori examine recognosci Censuram jussit. *Eleuth. hist. de Aux. l. 3. c. 15 & seq.*

2. Anno 1560 Ulyssipone solverunt in Indiam hoc die Socij quatuor, cum primo Archiepiscopo Goano. E sex navibus unam conscendit cum Socio P. Petrus Arboreda, alteram alij duo. Omnes paucis post diebus dispersæ sunt, non minùs periculosam, quàm laboriosam tenentes navigationem. Eminuit ingens P. Alboredæ pietas & charitas. Ita enim officia pietatis inter vectores & vectos distribuerat: ut navis, formam Ecclesiæ repræsentaret. Ita se infirmorum curæ, & spirituali & temporali, impendit: ut cum omnes ad unum contracta lue prostrati jacerent, nec ipse cum Socio immunis esset; aliorum manibus ad ægros deferri voluerit, ut ipsis impenderet officia charitatis. Unde apud omnes eam sibi conciliavit auctoritatem: ut quidquid vellet, obtineret. Fuit in eadem navi homo, qui vindictæ furijs agitat, eo solùm sine ibat in Indiam, mille periculis caput objiciens, ut ibi adversarium suum confoderet. Sed emollitus Patris obsequijs, procidit ad ejus pedes, delictum confessus, injuriamq; condonavit. *Sacchin. hist. Soc. par. 2. lib. 4. n. 271.*

*Navigatio ærumnosa.*

*Æger agria servit.*

*Charitatis obsequia emolliunt animos.*

*Eodem die obierunt.*

3. Luxemburgi in Germania, anno 1636, piè decessit P. Nicolaus Cusanus, Germanus, strenuus & planè religiosus operarius domi & foris. Ad Missiones se disponebat petita in triclinio erratorum venia, varijs in culina humilitatis obsequijs, & acerbis corporis castigationibus. Iter pedes instituebat, & orando transigebat. Ubiq; B. V. Rosarium & vespertinas ejus Litanias persvadebat. SS. nomen JESU non aliter ferebat, & pronunciabat, nisi aperto & inclinato capite. In concione iras & ignes spirabat, aliàs irasci nunquam visus. Scrupulis conscientia cum agitari cœpiet, eisdem fugavit assiduo & strenuo labore. Unde si de quopiam hujusmodi molestia obnoxio sermo inferretur: Cessabunt, inquit, illi scrupuli, si egregiè occupetur.

*Dispositio ad Missiones.*

*Erga Ss. IESU nomen reverentia.*

*Labor assiduus remedium contra scrupulos.*

4. Oeniponti in Tirol, anno 1650 mortem religiosam oppetijt P. Andreas Bruner, Germanus, olim à S. Andrea Apostolo, sibi aspectabili, non verbis tantùm, sed plagis etiam tergiversanti impositis, impulsus est, ad ferendam in Societate Christi crucem. Animabus Purgatorii juvandis mirè addictus, multam vicissim ab ipsis experiebatur gratiam; à S. P. Ignatio ab hernia, à B. Aloysio à longo & gravi capitis dolore curatus.

*S. Andreas plagi impellunt juvenem ad Societatem.*

5. Messanæ in Sicilia, anno 1601, terrena reliquit Magister Franciscus Cajetanus, Italus, è Marchione Religiosus, humilitate, sui mortificatione, & perpetua cum Deo conjunctione conspicuus. Cum divinæ Synaxi accumberet, visa est aliquando flamma ex ore ejus erumpere. In morbo extremo à DEipara V. & Angelis visitatus, etiam post mortem admirandis quibusdam claruit.

*Ex ore comminanti flamma erumpit.*

6. Cibini in Transylvania, anno 1690, pro stipendio bonæ militiæ, quam militaverat, abiit P. Lucas Kolich, Moravus, in expeditionibus nuperis contra Turcas Missionis.

*Cura animarum in expeditione Budæ.*



*Missionarius  
exequiis Ca-  
strensis ho-  
moralis.*

tionarius Castrensis strenuissimus, & mirè industrius. In expugnatione Budæ assilientium militum globo immixtus, inter primos penetravit in urbem; ut præstò esset tum militibus casuris, tum maximè Infantibus Turcarum, qui promiscuè cum adultis à furente milite cædebantur, à Patre autem Luca, antequam expirarent, baptizabantur; non paucos abduxit ad castra vivos. Funus defuncti præsidium militare Cæsareum militari pompa deduxit, comitante tota fere, licet hæretica Civitate, Virumq; planè Sanctum prædicante. *Ex Tann*

## XXI. APRILIS.

*Pragense Col-  
legium inchoa-  
tum.*

*Adhortatio  
Pontificis ad  
Socios.*

1. **I** Neunte anno 1556, Summi Pontificis Pauli IV. jussu, postulante autem Ferdinando I. Cæsare, S. Ignatius Socios 12. in Bohemiam expedit pro Collegio Pragenfi inchoando. Pragam attigerunt hoc die, excepti omnibus charitatis officijs à P. Petro Canisio, qui eorum adventum opperiebatur, & Cænobium S. Clementis in Collegij formam utcunq; redegerat. Abituri ex Urbe, cum Pontificem accessissent, benedictionem petentes: Pontifex, ut erat pietate & eloquentia insignis, præclarà eos incitavit oratione: ut Christo duce irent intrepidi, tanquam oves inter lupos, columbæ simplicitate, prudentiâq; serpentis armati: nec dubitarent, si communis boni, & cultûs divini ratio posceret, vitam ipsam in gloriosum discrimen offerre. Cui adhortationi non defuerunt Socij, multa incommoda per viam ab hæreticis perpassi; nec ulli parcentes labori, ut Pragensium expectationi cumulatè responderent. *Orland. p. 1. hist. Soc. lib. 16. n. 19. seq.*

*Card. Bellar-  
minus sit Ar-  
chiepiscopus  
Capuanus.*

*Elogium ejus  
à Card. Ba-  
ronio.*

*A Collegio  
Cardinalium.*

2. In Italia Pontifex Clemens VIII. sicut Robertum Bellarminum inter purpuratos Patres adlegerat: ita honoris causâ, voluit purpuram ejus pallio Archiepiscopali ornare, constituendo Virum meritissimum Capuanum Archiepiscopum 21 Aprilis, anno 1602, Dominica 2 à Paschate, qua Evangelium legitur *Ego sum Pastor bonus*. Hanc electionem præterire non potuit Card. Baronius, quin eam insereret Annalibus suis Ecclesiasticis, ubi agit de Ecclesia Capuana in Metropolitanam evecta à Joanne XIII, rogatu Othonis Imperatoris. His diebus, *inquit*, quibus hæc scribimus (quod non tacendum) maximum accessit eidem Ecclesiæ ornamentum, dum vacante eadem Sede, obitu Cæsaris Costæ Archiepiscopi, delectus est à S. D. N. Clemente Papa VIII. ad nobilissimæ Ecclesiæ regimen, vir doctissimus ac religiosissimus, Robertus Bellarminus, S. R. E. Cardinalis, virtutum meritis toti Christiano orbi conspicuus, exoptatus votis, collaudatus suffragijs, atq; exceptus plausu, illud sacro Collegio acclamante: Dignus, Dignæ! *Petr. sancta in Vita lib. 4. cap. 1.* Admisit hanc Dignitatem Bellarminus duas præsertim ob causas. Primò quidem, ut à Romanæ curiæ luce



luce ac negotioso strepitu longius abesset: deinde verò, quia videbatur ipsi conjunctior ea dignitas cum Societatis nostræ, quibus assueverat munij & laboribus in salute animarum occupatis.

*Eodem die obierunt.*

3. Messanæ in Sicilia, anno 1634, mortis die ex vero prædicta quievit in Domino P. Benedictus Moletus, Italus, inter assiduas occupationes semper conjunctus cum Deo, & orationi etiam magna noctis parte deditus. Fratris sui germani homicidæ non solum ignovit ipse, sed matrem etiam, totamq; familiam nobilem in ultionem exarscentem, permovit, ut ignoscerent. A procaci femina ad scelus sollicitatus, etiam cum comminatione infamiae nomini ejus affingendæ, si non consentiret; vehementi invectione, & æternorum suppliciorum metu, lupam absterruit. Cum Superiorem agens, nihil haberet domi, quod in triclinio apponeret: jussit tamen hora conveta signo dato domesticos adesse: & mox Divinâ Providentiâ ad portam allatum est, quantum abundè sufficeret.

*Inimicorum amor.*

*Castitas strenue defensa.*

*Paupertas Collegij mirabiliter sublevata.*

4. Vallisoleti in America anno 1624, Joannes Bapt. Spinosa, Hispanus, Coadjutor, plenus dierum & meritum, ad annum usq; nonagesimum collectorum, pie obijt; nullius lethalis noxæ sibi conscius, & fortiter servata virginitate, cum apud Turcas captivus, acerrimè sollicitaretur, gloriosus, Mira Dei providentiâ ex ea captivitate evasit. Cum enim in mari advertisset triremem, ab omnibus desertam, inito cum cæteris captivis consilio, eam opportuno tempore conscenderunt, & favente vento, in Americam usq; Mexicum appulsi sunt feliciter: ubi Joannes Societati se addixit.

*Audax & felix facinus.*

5. Brunsbergæ in Prussia Varmiensis anno 1669 P. Andreas Stibigk, Prutenus. Maximam ætatis partem impendit Missionibus Livonicis, Curlandicis, Prutenicis, magno cum fructu. Pro concione ita dictionem temperabat: ut non minus suavis esset, quàm fortis; non tam floralenta, quàm valida, & ad captum etiam rudissimorum accommodata; unde à frequentissimo populo semper audiebatur avidissimè, quàmvis prolixior esset. Cum diuturnior phrysis reddidisset imparem Cathedræ: Doctrinæ Catecheticae se impendit, quamdiu superveniens hæctica aliquid raucae vocis ferventi zelo indulgit. Magna vitæ parte gravissimis conscientiae scrupulis exercitus, in conversatione tam suavem comemq; se præbebat; ut ipsi heterodoxi ejus consuetudinem appetere. Placidissima morte quievit ipsa Resurgenti Christo sacra die. *Sourv. in Bul.*

*Concionator suavis & fortis.*

*Comitas in legendo, etiam in medio scrupulorum.*

## XXII. APRILIS.

1. Anno 1541 S. P. Ignatius Romæ unâ cum Socijs, visit 7 Ecclesias; in quarum una, quæ est S. Pauli, ad aram B. V. ipse ac Socij in ejus manibus, solemnita Professione vota ritè nuncupârunt. Tum per 46 dies in templo Domûs Professorum, quod S. MARIE de Strada nuncupabatur, catechism rudibus tradidit; scilicet postquam munus Præpositi Generalis admittere est coactus. *Nadañ in Indice Memor.*

*S. Ignatius cum Socijs solemnem Professionem emittit. Post illam Catechism habet per dies 46.*

2. Anno 1622 Gregorius XV, concedendo per Breve facultatem Carolo à Lotharingia, Episcopo Virdunensi, ingrediendi Societatem; *Proficiscere,*

*Gregorius XV facultatem.*



grediendi Soci- re, inquit, ad eam sacra militia Societatem, Catholici nominis defensione, &  
etatem conce- hereticis excidijs clarissimam: quam quidem quanti nos faciamus, duo illi  
die Carolo à Christiani Imperij propagatores, Ignatius & Xaverius, Sanctorum cognomen-  
Lotharingia, to nuper à nobis aucti, cunctis terrarum provincijs seculorum ætatibus decla-  
Episcopo. rabunt. Idem ibid.

Congregatio IV  
Gen: finita.

Gregorius XIII  
insigni compa-  
ratione addu-  
gitur ad fun-  
dandum Colle-  
gium Romanum.

3. Anno 1581 Congregatio Generalis IV, electo Claudio Aquaviva in  
Præpositum Generalem, feliciter finita est, quamvis initium fuerit turbidum.  
Lætorem fecit finem inexplabilis Gregorij XIII. in Societatem beneficen-  
tia: quæ Patres Congregatos excitavit, ut ab eo petere auderent Collegij  
Romani foundationem. Non abnuitt Optimus Pontifex, sed affirmavit: rem  
sibi cordi futuram. Sic dispositum, insigni ingenio impulit in vota Socie-  
tatis Cardinalis Contarellus. Is, ut erat Pontifici perfamiliaris, cum sermo  
misceretur de Collegijs ab ipso erectis, dixit: Præclaram sibi videri ab eo  
elaboratam statutam, sed ei similem, quam per quietem vidit Nabuchodo-  
nosor. Quærente Gregorio: quid ita? respondit: E Collegijs, quæ vestra  
Sanctitas munificentissimè condidit, Urbanum hoc Germanicum Collegi-  
um videtur Caput aureum, Anglicanum pectus argenteum, cætera cæteris  
membris congruunt. Omnia tamen videntur insistere pedibus terreis, &  
ruitura, nisi isti fulciantur. Roganti Pontifici, quinam essent isti pedes? re-  
spondit esse Collegium Societatis JESU malè materiaturum, & de annuis pro-  
ventibus nondum provisum: quàmvis ex eo cætera disciplinam, eruditio-  
nem, & profectum suum desumant, adeoque sit quasi basis cæterorum. Ex-  
hilaratus Pontifex, *Fulciamus ergo, inquit, istos pedes: & ex eo tempore*  
*sedulo in eam curam incubuit. Sacch. p. 5. l. 1. n. 45. & seqq.*

*Eodem die obierunt.*

P. Colnag no-  
vus Paulus &  
Seraphinus di-  
ctus.

B. V. hortatur  
eum ad zelum  
animarum.

Familiarissimus  
SS. Antonio  
& Agatha.

S. Ignatius eum  
filium suum  
sermone perit

4. Catanæ in Sicilia, anno 1611, magnus DEI servus, P. Bernardus Colnagus, Si-  
culus, vir excelsæ & heroicæ virtutis. Ob ardorem animi in prædicando, & indefessum  
animas lucrandi zelum, vulgo dictus novus Paulus & Seraphinus. Ad hunc zelum ab  
ipsa DEI Matre incitatus est, quando adspectabilis facta, manum Virgineam pectori  
Bernardi imposuit; dixitq: *Labora naviter & indefessus pro salute peccatorum, & ad lucas*  
*ad me animas. Hoc enim obsequium præ reliquis omnibus, est mihi longe charissimum.* Suavissi-  
ma illi cum S. Antonio Patavino, cum S. Agatha, & alijs cælitibus intercessit familiari-  
tas. Conspectus est post mortem ad latus S. P. Ignatii dicentis: *Hic est verus filius meus:*  
Plura de illo, imitatione digna exhibet typis edita ejus vita.

5. Xeresij in Hisp. anno 1615 quievit in Domino P. Antonius de Cardenas, Hispa-  
nus, divino oraculo olim monitus, ut Societatem ingrederetur. In dicendo videbatur  
cordium Dominus, quæ non solum flebat ad nutum, sed etiam introspeciebat arca-  
na. Sæpè cum pallio & socio descendebat ad portam, dicendo: se vocandum. Et mox  
ade-



aderat, qui ad agrum vocabat. Integram suam fodalitatem Clericorum subinde edu-  
cebat ad animas occupandas, & mira cum illis operabatur.

6. Regij in Italia anno 1651 P. Albertus Ruffinus, Italus. Cum duobus Germanis  
suis Collegium Regiense fundavit, & rexit magno studio disciplinæ. In aula Ducum  
Estiensium ita pluribus annis versatus est: ut Cardinalis Estensis testatus sit: nihil fumi  
aulici ei adhæsisse. Pridie mortis suæ ad celebrem miraculis DEiparæ V. Imaginem  
vesperi adiit, Dominæ Patronæq; suæ dicturus Salve & Vale. Dixit, & eadem nocte  
religiosè migravit è vita.

### XXIII. APRILIS.

I. Cùm quidam monachus Cassinensis, Constantinus Cajetanus, Exerci-  
tia Spiritualia S. Ignatij traduxisset in quodam libro edito, tanquam  
non ab ipso concepta & composita; sed excerpta ex Exercitatorio Garziæ  
Cisneri Abbatis Benedictini: Calumniam hanc Congregatio Generalis Be-  
nedictinorum Ravennæ collecta anno 1644, Decreto communi edito hoc  
die detestata est, damnavitq; hominis levitatem & audaciam. *Bartoli in Vi-  
ta S. Ignatij lib. 1. n. 21.*

*Exercitia spi-  
ritualia vindi-  
cata. Ignatio.*

2. Romæ anno 1573 electus est in Præpositum Generalem IV. Societa-  
tis, P. Everhardus Mercurianus, Belga, vir egregius, & præcipuis in Socie-  
tate muneribus functus, cum magna ipsius S. Ignatij approbatione. Ad  
supremum in Societate magistratum eum provectus esset; convenit eum  
per literas frater germanus, petijtq; tenuiori sorti suæ subsidium à fratre sic  
honorato. At ille hoc honore se nihilo ditiores factum esse, respondit; nec  
quidquam sibi ampliùs suppetere, quàm cuivis fratri Coadjutori. Proinde  
rebus suis aliter consularet. *Sourvellus in Bibl. Soc.*

*P. Everardus  
Mercurianus  
præficitur so-  
cietati.*

3. In causa Molinæ disputatio 27. habita est coram Clemente VIII,  
anno 1604; in qua quæsitum: *An DEus effectualiter exigat ab homine,  
ut faciat, quod in se est, antequam fidem donet? Quàmvis enim DEUS fi-  
dem non conferat propter ea, quæ antecedunt: nihilominus eam concede-  
re non solet, nisi illa antecedant; ut dicit Molina.* Respondit P. Ferdinan-  
dus Bastida: Nec DEus exigit, nec Molina id docet; quod DEus antequam  
aliquem vocet ad fidem, exigat ab illo, ut prius viribus naturæ faciat, quod  
potest. Sæpè enim vocat resistentes, adeoq; non facientes, quod in se est.  
Probavit utrumq; . *Eleuther. pag. 456.*

*Vocatio DEI  
ad fidem absq;  
merito & di-  
spositione na-  
turali.*

4. Fipitis coram Tribunali Pontificio Controversijs de Auxil. Gratia,  
quidam Adversariorum corraferunt & vulgârunt sub nomine Francisci Peg-  
næ, & Thomæ de Lemos, Acta quædam Congregationum habitaram in ea  
materia coram Clemente VIII, & Paulo V. imò & Decretum Pauli V. contra



Molinam & Societatem confinxerunt & adjunxerunt. Quæ omnia Innocentius X, anno 1654. 23 April: in Decreto edito contra libros non paucos, Janfenium & 5. Propositiones ejus defendentes, rejecit tanquam conficta, nullamq; fidem illis adhiberi voluit. *Disquisitiones in novam Histor: de Auxil: part. 1. cap: 1. & Eleuther: in Prefat: 10.*

*Eodem die obierunt.*

5. In America Peruana, anno 1620, P. Gonfalus Barnovus, Hispanus, pia & gaudij plena morte sublatu. Morti proximus, exultavit in Domino, & conversus ad sociorum præsentium coronam, *Quis*, inquebat, *non altissimè sentiat, Patres mei, de Instituto Societatis? O quam Religionem! O quam certum centuplum, quod in illa morientibus promittitur! O quale centuplum.*

S. Iosaphat  
Martyr sanati  
infirmitum.

6. Polociæ in Russia Litvana, anno 1643 fati cessit P. Andreas Bruchman, Prutenus, vir magnæ absolutæq; virtutis. Lethali quadam agritudine laborans, ac pro desperato habitus, cum se impensè commendasset S. Martyri Iosaphat, Polocensium Archiepiscopo in ritu Græco; plenè vigilans adspectabilem habuit, audivitq; dicentem: *En quia invocasti me, adsum. Habe spem Pater in Domino DEO firmam: nam hac vice non morieris.* Veritatem dictorum firmavit mox subsecuta sanitas.

7. Hispali in Hisp. anno 1677 P. Ignatius de Fonseca, Hispanus, Humilitate, sui afflictatione, rerumq; divinarum peritia & usu eximius; dono quoq; curationis morborum, & vaticinijs, à DEO est honoratus.

## XXIV. APRILIS.

Proventus  
fūdationum  
se  
verè exigendi.

1. **S**XAVERIUS institutâ ad Sinas expeditione, Cocino scripsit ad P. Gasparem Barzeum, cui loco sui commiserat curam Sociorum in India; vehementer ipsi commendando: ut inter cætera efficaciter curet, accuratè solvi pensiones annuas ad sustentationem Collegiorum & domorum destinatas à rege Lusitaniæ. Vide, inquit, ne molliter, aut obnoxie, negotia hæc tractes: fortiter ac penè præfractè transigi debent res ejusmodi. Dura nimirum est tota ista natio quæstorum, publicanorum, quocunq; nomine pecuniam regiam dispensantium: quantumlibet æquas, si lenes & verecundæ sint, postulationes eludunt; nec nisi quod extorquetur, laxant. Fronte non tenera, ore libero, adeundi alloquendiq; sunt; nec faciliè moræ indulgendæ; importunè improbeq; flagitetur, ubi modestè agere prævaricari est; ne recusaveris pene ad jurgium & dissidium usq; descendere. Aliter vix unquam virabitur, quin quæ Rex piè decrevit in usus Religionis necessarios, de suo impendi; per ejus ministros avarè & nefariè intervertantur, perniciosissimo & irreparabili rei Ecclesiasticæ, & salutis animatum detrimento. *Epist: novarum lib. 6. epist. 11.*

Sixtus V. creatus  
Pontifex.

2. Romæ Sixtus V. creatus est Pontifex anno 1585, antea dictus Felix Pere-



Peretus humili loco natus, & ipse aliquando subuleus, & postea relictis por-  
cis factus Franciscanus, deinde sui Ordinis Generalis, tum Cardinalis, ac  
demum eodem, quo natus erat die, Kal. Maji coronatus Pontifex. Hic qui  
ante Pontificatum *obstipo capite, & defigens lumine terram*, incedebat, sta-  
tim erexit caput, jocatus antea se quævisse claves, tunc seram quærere, ut  
cæli portam referaret. Ad eum biduo post accedens cum Assistentibus Clau-  
dus Aquaviva, commendavit ejus protectioni Societatem, & ipsius obsequia  
obtulit ad nutum. Ad quæ clementer Sixtus: Felices, inquit, veneritis, de-  
lectat nos vester conspectus; novimus, vestra Societas, quàm salutaris sit  
Ecclesiæ DEI: itaq; ad nos liberè adite, libenter accipiemini; clementiam  
in nobis & opem reperietis. Quod dixit, egregiè præstitit primis Pontifi-  
catûs sui annis, præsertim in componendis turbis tum Gallicis, tum Hispa-  
nicis. *Sacchin. p. 5. lib. 5. n. 14.*

*Societati se be-  
ne volum pro-  
mittit & pra-  
stat.*

3. In Gallia anno 1589, Henricus III. rex, Societati aliàs addictissi-  
mus, inductus invidorum calumnijs, quasi Patres Burdigalenses magis fa-  
verent foederatis principibus; jussit eos ex urbe excedere, donec turbæ com-  
ponerentur. Excesserunt magno cum dolore civitatis, ac se in loca vicina  
repperunt: ubi ita operam suam probârunt; ut ex ea occasione duo nova  
fundata sint Collegia, & Burdigalense paulò post sit recuperatum, occiso re-  
ge à Sicario. *Sacchin. p. 5. lib. 9. n. 132.*

*Burdigalâ ex-  
cedunt Socj.*

*Exilium cum  
fœnore.*

*Eodem die obierunt.*

4. Nancei in Lotharingia, anno 1630, P. Joannes Gueret, Gallus. Animam egit,  
igne tribulationis instar auri egregiè purgatam. Cum enim discipulus ejus immane  
parricidium perpetrasset: P. Joannes illius Magister, quasi conscius, in suspicionem  
venit, & ad diram quæstionem tractus est: Ante tormentum quartam horæ partem  
ad orandum petiit, qua elapsa equuleum tam fortiter sustinuit, tam sapienter re-  
spondit; ut judices fortitudinis admiratores, ac innocentix testes habuerit. Ipse ve-  
rò deinde fassus est, se ab invocata DEI Matre ita roboratum, ut nihil dolorum per-  
fenserit; & postridie pedibus octo Gallicas leucas emensus sit. Sinistram suspicio-  
nem diluerunt insuper, non solum honorata officia, quæ sustinuit cum laude, ut No-  
vitorum Magister, & Principum Confessarius: sed etiam Angeli Custodis familiaris  
conspectus.

*Innocens gra-  
viter torque-  
tur, sed ope Dei  
parâ V. sine do-  
lore.*

*Angeli Custo-  
dis familiaria  
te honoratur.*

5. Limæ in Peruvia, anno 1654, religiosè obiit Emmanuel de Arteaga Coad-  
jutor Hispanus, Angeli Custodis cultui imprimis addictus; cujus opem opportunam  
expertus est, quando ab impudente fœmina ad conclave dissimulanter invitatus, ab  
Angelo monitus est de periculo, castitati ejus imminente. Consuetum igitur castis re-  
medium fugam arripuit.

*Cultus S. An-  
geli Cust: fru-  
ctuosus.*

6. Neapoli anno 1580, P. Gonfalus Melendius, Hispanus. Vir licet esset integer-  
rimus & religiosissimus: non tamen effugere potuit gravem malevolorum censuram.  
Missus enim à Rege & Nuncio Apostolico in Boeticam, ad cognoscendos Sacerdo-

tum



tum & Regularium quorundam mores, ita apud eos, quorum intererat, offendit; ut confictis criminibus, ad Sacrum quæstorum tribunal eum vocârint. Quibus ut se explicaret calumniis, Romam vocatus contendit: sed Neapoli, magno cum domesticorum exemplo, extinctus est. Inter acerbos corporis animiq; dolores, Christus vulneribus multis cruentus, spectandum illi se dedit, & *Hinc intellige*, movebat, quanto sint *minora, quæ tu pateris*. Quæ visio maximo illi usq; ad mortem solatio fuit.

## XXV. APRILIS.

S. Xaverius  
Conscientiar-  
cana penetrat.

Desperabun-  
dum erigit.

Anudinismi  
& meretri-  
ces prohibita

Victima fidei  
præclara in  
Parag.

1. ANno 1549 S. Xaverius in India Cocino Malacam solvit, non uno utrobiq; patrato miraculo. Cocini incidit in veterem amicum, Jacobum Madeiram, quæsitq; quàm rectè valeret? rectè admodum, cùm respondisset ille; reposuit Xaverius: Rectè tu quidem corpore, non item animo vales. Perviderat enim fraudis aliquid in animo ejus. Consternatus Jacobus, cùm deprehensum se videret, ad pedes accidit Xaverij, & peccata ritè confessus est. Inter navigandum, cùm sæva tempestate compulsi nautæ, jam vellent mercium jacturâ navim levare: vetuit Xaverius, serenitate ante solis occasum promissâ; quæ in tempore adfuit. Malacam appulsus, veterem amicum Vicarium offendit febrium ardore delirum, ac de salute animæ desperandum Ergo pro eo certum numerum sacrificiorum DEO vovet. Resipuit sine mora Vicarius, & peccata ritè confessus, placidè extinctus est *Orland. lib. 9. hist. Soc. n. 166. & 167.*

2. In Italia Fulginij, anno 1576, egregiam posuit operam in excolenda civitate per conciones Quadragesimales, P. Joannes Gurrea. Illis fructuosissimè peractis, institerunt cives; ut aliquot adhuc menses ibidem subsisteret. Quo tempore zelum suum, & industriam indefessus exercuit, in componendis dissidentibus, in malè partis restituendis, pellicibus abstrahendis, &c. In nundinis verò, quæ percelebres Fulginij habentur ab hac die ad Calendas Junias, præter frequentes ardentesq; habitas conciones, egit cum Episcopo & Magistratibus, effecitq; ut meretrices, quæ frequentes ad prostituendum infami mercaturâ pudorem, confluere solebant, in civitatem non admitterentur, imò & mimi circumforanei impudicis facerijjs populi aures non inquinarent. *Sacch. p. 4. lib. 4. n. 48.*

*Eodem die obierunt.*

3. In Paraquaria, anno 1635, laureatus occubuit P. Christophorus de Mendora, Hispanus, odio fidei à barbaris obrutus sagittis, caput sude quassatum; cumq; nihilominus à prædicanda in Christum fide non cessaret, os illi malleo contusum, & dentes effracti, nasus, aures, labia & lingua abscissa; pectus deniq; apertum & cor evulsum. Ad hanc lauream consequendam, è nobili domo clam profugit in Paraquariam, ut



ut Societatem talium coronarum feracem imprimis ingredi posset.

4 In Æthiopia, anno 1635, P. Gaspar Paez, Lusitanus coronatus est, à Schismaticis, hæreticisq; Æthiopibus lanceis confossus, quòd fidem Romano-Catholicam indefessus promoveret. Ipsi autem homicidæ obstupuerunt, & postea confessi sunt: sanguinem è vulneribus P. Gasparis prorumpentem, non in terram promanasse, sed in aëra seu cælum profluentem evanuisse.

*Victima fidei in Æthiopia. Sanguis occisi pro fide salus in calum.*

5. Neapoli anno 1603, P. Gregorius de Valentia, Hispanus, sanctè decessit Theologus eximius, præsertim claritate & dexteritate explicandi difficilia. A Clemente VIII. Pontif. Max. qui ejus olim discipulus fuerat, insigni elogio *Doctorem Doctorem*, honoratus, coram eodem sententiam Societatis de efficacia Gratia Divinæ strenuissimè defendit. Theologiam Scholasticam illustravit Tomis 4. multis alijs libris contra hæreticos sumptis, quos Dilingæ & Ingolstadij in Germania Theologiam docendo annis 23, acerrimè infectatus est; excursionem etiam in Poloniam suscepta ad Stephanum Regem, pro hæreseos depressione.

*P. Valentia Doctor Doctorum.*

*Acerrimus in hæreticos.*

6. Osnaburgi in Germania, anno 1619 P. Simon Wipperman, Germanus piè obiit, in cultum DEiparæ V. planè profusus, quæ servulum suum aliquando osculo virgineo dignata est: unde mira illa in agendo svavitas, & gratia ei profluxisse creditur.

*DEipara V. osculum.*

7. Jaroslavia in Polonia, anno 1651, insignis alter DEiparæ V. servus, P. Joannes Slostowski Polonus, quievit in Domino; adolescens à suis, ob ejuratum Arium rejectus, sed à DEi Matre assumptus, quæ ipsum ut Societatem ingrederetur, monuit, & non in uno vitæ discrimine servavit immunem. Moriens Confessario candidè aperuit: se & pluviam & serenitatem, æconomia suæ opportunam, & quidquid ab illa demùm petijset, impetrasse.

*Vocatio ad Societatem per B. V. Facillima in vota clientis.*

## XXVI. APRILIS.

1. EXimia benevolentiaé plenas literas dedit Cardinalis Burgheſius, anno 1617, nomine Pontificis Pauli V, ad P. Franciscū Suarez, Miserat is in Urbem, ac Pontifici obtulerat, conscriptum à se Volumen *de Auxiliis Gratia*: ut ibi censuræ subiceretur, & si innoxium deprehenderetur, cum gratia Pontificis in lucem ederetur. Exceptum est Opus cum magna commendatione eruditionis, subtilitatis & soliditatis: quominus tamen permetteretur ejus editio, obstitit recens Decretum ejusdem Pontificis (de quo adhuc nihil inaudierat Suarez) quo caverat, ad evitandas turbas; ne ullus adversantium partium Liber de ea materia, typis ederetur in lucem. Jussu ergo Pontificis sequentem Epistolam dedit ad Suarium Card. Burgheſius. "Acceptis binis ejusdem argumenti Vestræ Paternitatis literis, jussit me SS. Dominus suo nomine respondere: præstantiam ingenij Paternitatis Vestræ, & obsequium in Sedem Apostolicam, plurimi se fecisse. Eam paterna charitate & amasse semper, & in posterum amaturam, cum ob præcipua in rempub: Christianam merita; tum quòd honestissimè de suis virtutibus sentit. Quod ad impressionem Libri de Gratia pertinet: nulla propter doctrinam orta est diffi-

*Littere Card. nomine Pauli V, ad P. Franc. Suarez.*



*Scriptorum de  
Gratia editio  
non dilata?*

cultas. Existimat enim Sua Sanctitas, eam non discrepaturam ab eruditione & doctrina tot librorum, dudum in lucem editorum; qui omnium acclamatione excepti, egregiè sustinent nomen & famam, quam adepti sunt. Sed omnis emanavit difficultas ob qualitatem materiæ: de qua ne alij etiam agerent, qui de ea scripserant, efficaciterq; pro facultate imprimendi institerant, gravissimis de causis pro nunc non modò cautum, sed strictim vetitum fuit. Si ulli tamen unquam potestas fiet, de hac re libros promulgandi: in hoc etiam ostendet Sua Sanctitas, quanti Vestram Paternitatem, ejusq; virtutem æstimet. Volet enim tunc, ut Liber Vestræ Paternitatis inter primos in lucem prodeat &c. *Massejus in Vita, cap. 17.* Post mortem tamen Suarii impressus est hic Liber.

*Eodem die obierunt.*

*Sermo de di-  
vinis.*

*Confessarius  
accuratus.*

*Vestis attrita,  
sed munda.*

*Comitis Patræ  
occupatio.*

*Ripalda erudi-  
tio Theologica.*

2. In Italia, anno 1635, P. Alphius Mansitus, Italus, singulari domesticæ disciplinæ studio celebris. Magna illi verborum parsimonia, sed ubi de divinis loquendum erat, fluebat illi pleno alveo, ut nectar, oratio. Qui constanter ipso utebantur spiritus magistro penitentes, notabili morum concinnitate distinguebantur à cæteris; abiitq; in proverbium, ut si quis videretur magis probus, diceretur, Patre Alphio uti Confessario. In vita dono vaticinij, post mortem gratiâ sanitarum honoravit Deus servum suum.

3. Monachij in Germania, anno 1615, quievit in Domino Christianus Schacher, Germanus, Coadjutor, paupertatis sanctæ studiosissimus. Nihil novum, aut novo simile, petijt vel admisit. In veste, qua induebatur, curabat: ut munda esset, ac egregiè attrita. Ad aulam principum per ipsos 30 annos comitatus Patres, libellos pios lectitabat, & si se dabat occasio, aulicis opportunè suggererebat, quæ in rem ipsorum essent documenta; emicabatq; gravior & splendidior Veritas ex ore simplicis.

4. Madriti in Hispania, anno 2648, P. Joannes Martinez de Ripalda, Hispanus; Theologus subtilis admodum in disputando, solidus in scribendo, acutus & clarus. Sanctos Patres, Augustinum præsertim & Thomam Aquin: continuòolvebat, habebatq; illos memoriæ felicissimæ beneficio, promptos ad omnia, quæ proponebantur. Vix quisquam è Societate Salmanticensem Cathedram majore ingenij splendore illustravit. Testes ejus eruditionis sunt Tomi 3. de Ente supernaturali, & unus de Fide, Spe, & Charitate. *Sourvelius in Biblioth. Soc.*

XXVII. APRILIS.

*Conversio in-  
esperata præci-  
puorum duo-  
rum gentium  
in Japonia.*

1. **A**Nno 1563 P. Villela è Japonia dedit literas Goam de mirabili conversione duorum in gentilismo principum, Cicondoni & Xamaxacondoni. Cum Bonzj arreptis armis tumultuarentur, & excidium Religionis Christianæ urgerent; Mixindonus, penes quem post Cubosamam Imperatorem, summa erat autoritas; ut tumultuantium furorem declinaret, syasit; ut non statim ferro ageretur in Christianos, sed Lex ipsorum traderetur primùm examini Cicondoni & Xamaxacondoni, virorum primæ nobili-



nobilitatis, & eruditionis. Acquieverunt Bonziji: sed Christiani metu ferè exanimati sunt; quòd Judices illi, essent infensissimi hostes nominis Christiani. Verùm placuit Divinæ Bonitati hoc metu confestim illos liberare. Priusquam enim ordirentur Examen; Xamaxacondonum convenit in privato suo negotio, Jacobus quidam Christianus. Cui ille, sive dubitans, sive illudens; Christianus es tu? Annuente Jacobo; dic, inquit Xamaxacondonus, quæ est fides & Lex tua? Excusavit ille simplicitatem suam & ruditatem; imparemq; se fassus est, qui de tantis rebus loqueretur. Jussus tamen proferre, quidquid sciret; orsus est ab Animæ Immortalitate, deinde progressus ad ipsius & rerum omnium Conditorum DEum, devenit deniq; ad Universale Judicium futurum, atq; ad præmia æterna probis, supplicia verò æterna improbis decernenda. Quæ omnia tanto spiritu exposuit: ut instar Felicis illius, tremefactus Xamaxacondonus, adesse jusserit peritiorè doctorem: factumq; intra paucos dies, ut cum Ciccondono probè instructus, ambo lustralibus aquis tincti sint, & ingentem Ethnicorum copiam post se traxerint, vel solo exemplo suo, ad Christum. *Bartoli in hist. Asiat. l. 8. n. 22.*

*Christiani rite  
dis efficac præ  
dicatio.*

2. Ibidem anno 1587 solemni baptismo tinctus est à P. Petro Gomez, rex Bungi junior (Francisci, qui curam regni deposuerat, ut soli pietati vacaret, filius) cum uxore, filio, duabus filiabus, & multis è prima nobilitate; imò & illustrioribus Bonzijs. Regi inditum nomen Constantini, Regina dicta est Justa. *Sacch. p. 5. lib. 7. n. 147.*

*Rex Bungi cum  
uxore & liberis  
conversus.*

3. Anno 1563 expedita est Goà à Prorege Lusitano legatio ad Imperatorem Sinensem; quam nostri, ac potissimum S. Xaverius, opportunissimam censebant, ad aperiendum Lusitanis, & Evangelij præconibus aditum in regnum, exteris validissimè obsecratum. Sed nihil effectum ea legatione; quòd non sit impetratus accessus ad regiam. *Idem p. 2. l. 7. n. 127 & seqq.*

*Legatio irrita  
ad Sinas.*

4. Sigismundus III. Rex in publicis judicijs unanimi Senatorum consensu permotus, summa sua voluntate pronunciavit placere sibi, ut sublata omni mora, Collegium Rigense Societati JESU restitueretur, & quidquid illatum detrimenti, sarciretur. Senatus Rigenis frustra cunctatus, nec inanes à regijs ministris intentari minas videns, imperata demum fecit, ac P. Varsevicio, Societatis nomine stipulanti, possessio ritè hoc die tradita templi Divæ Magdalenæ & adjuncti monasterij. Hoc monasterium æquare solo plebs, ab hæreticis concitata, pridem statuerat, ne ijs uti ædibus Societas aliquando posset; humanitatis tamen quodam sensu, quo minùs id statim everteret, retardata fuerat, quia supererant adhuc in eo cænobio sacræ

*Rigense Collo-  
gium Societati  
cedit.*



DEo virgines duæ, senio confectæ, quibus brevi extinctis, monasterium exscindere decreverat. Verùm contigit non sine numine, ut earum altera (nam una jam obierat) quæ sola excidium monasterij morabatur, tum excesserit è vita, cum adessent missi à rege Proceres, ad redonandum Societati Collegium, quorum præsentia furorem plebis & consilia còercuit. *Juvenicius fol. 273.*

*Eodem die obierunt.*

*Missionarius  
Sinenfis hono-  
ratus.*

5. Pechini in China, anno 1638, P. Jacobus Rho, Italus, clarus insigni Mathematicum peritia, sed magis Evangelij operosa prædicatione. Imperatori Sinenfi in paucis charus, honores, quos vivus constanter fugerat, mortuus evitare non potuit. Magna enim pompâ, celeberrimâ viâ sepulchro illatus est; effigies autem ejus, Mandarinorum jussu coloribus expressa: ut viveret in oculis & memoria posterorum.

*Coadjutor pro-  
motus ad sacer-  
dotium.*

5. Hispali in Hispania, anno 598, P. Petrus Monroi, vitam Religiosissimam pari morte conclusit. In Societate gradum Coadjutoris temporalis elegit, tenuitq; toto decennio insigni humilitate, spreto opimo Sacerdotio, quod in sæculo ad manum erat. Jussus deinde ascendere superiùs, etiam sacerdos & sociorum superior, factus non est apud se ipsum major, in omnes sui despiciendi occasiones intentus. Lacerna illi pro veste, tabula pro lecto. Orabat intentione & efficaciâ tantâ: ut quidquid peteret, impetrare videretur.

*Oratio efficax.*

7. Brunsbergæ anno 1613. incerto die P. Robertus Abircrombius laboriosa pariter ac illustri militia defunctus, rudem & coronam, à caelesti imperatore, ut confidere licet, accepit. Ibi non multò post initam Societatem, annos tres & viginti adjuvandis Catholicis, & nostris titonibus instituendis impenderat. Postea per annos undeviginti versatus in Scotica Missione, dici vix potest, quot carceres adierit, quot pertulerit incommoda, quantam evangelici tritici vim in horreum Domini congregaverit. Ab ipso Regina Scotiæ, è Danico prognata genere, edocta Lutherum abdicavit, & in Ecclesiâ Christi suu supremum postea diem clausit. Parem navavit operam multis proceribus eodem infectis veneno. Edicto regio pronunciatum fuerat duumorum decies mille præmium ei, à quo comprehenderetur. Non levis est gloria tanti fuisse æstimatum ab hostibus religionis: nec minor illius fortitudo, quòd post hanc denunciationem non arripuerit fugam, neq; aliter vitæ consuluerit, quàm se novis & majoribus periculis objectando; felicitas verò, seu potiùs DEI tutela non vulgaris, licetorum oculos ac laqueos tot annis effugisse. Accidit aliquando, ut immissi satellites domum Catholicam, ubi versabatur, obsiderent. Conjicitur subito per summam trepidationem, quæ locum deliberandi non dabat, in vacuum & patentem arcam: scrutis quibusdam ac rivolis operitur. Tota domo susq; deq; proturbata, repertus non est. Senio debilitatum accepit Brunsbergæ, & octogenarium vitæ meliori dedit. *Juvenicius fol. 214.*

*Præmium Missi-  
onarij.*

XXVIII. APRILIS.

*S. Xaverij Po-  
tamienfis mi-  
racula.*

1. **I**llustrem fecit hunc diem contestatio jurata & judicia de duplici miraculo à S. Xaverio Potamiensi patrato. Extremo in agone posita, jam effla-



efflabat animam matrona Dasensis. Orbitatem suam deplorans filius recurrit ad Sanctum Apostolum Potami celeberrimum miraculis, jubens omnes, qui aderant, conlanguineos & domesticos, secum diuo preces fundere: ut matrem in vivis conservaret diutius; cuius beneficii si potiretur, facem unam, & alia quædam pia munera, altari Potamiensi offerenda, pollicebatur. Complacuit sibi Divina Bonitas ostendere, quo loco essent apud se servi sui Xaverij merita. Moribunda enim repente respiravit, pristinaq; valetudini est reddita: atq; Divo vota filij persolvit hac die, anno 1652.

2. Eadem die & anno adfuit Potami Dominica Pilaya Sorianensis, gratias relatura Divo eidem. Neptem enim ejus triennem, Mariam Nardi, morbus insolitus & gravissimus ad extrema redegerat. Matertera igitur famâ miraculorum, quæ de Divo Potamiensi passim spargebantur, commota, opem ejus ardentem imploravit, promisso Sacro votivo in honorem Sospitaroris. Vix votum conceperat, & sanitas reddita est infirmæ puellæ. *Alterum ejusdem.*

*Ex libello miraculorum S. Xaverij Potamiensis pag. 177 & 178.*

*Eodem die obierunt:*

3. Tolosæ in Gallia P. Carolus à Lotharingia, anno 1631 clarus, relicto Episcopatu, principatu, & comitatu Virdunensi. Gregorius XV. Pontifex Max. potestatem ei faciens abdicandi se Episcopatu, *Proficiscere, inquiebat, ad eam sacra militie societatem, Ca* *tholici nominis defensione, & hæreticorum excidijs clarissimam.* Quatuor Societatis votis adjecit, quintum, P. Carolus: semper querendi majorem DEI Gloriam in rebus gravibus, & semper defensurum immaculatam Beatissimæ & dulcissimæ V. Matris suæ Conceptionem. Obijt Præpositus Domui Professorum Tolosæ.

4. Romæ, anno 1575 mortales reliquit P. Jacobus Cerutus, Italus, votorum religiosorum tam amans, ut ea renovaret quotidie, primum semel, tum bis, ter, quater, dein decies, tandem vicies, deniq; ter millies. Litanij Lauretanis recitandis impensè addictus, noctu ter excitabatur ad eas recitandas. Ut pauperior esset, etiam Coronâ B. V. se privavit, digitis pro granis usus.

5. In Brasilia, anno 1607, P. Didacus Fernandez copiosos multi laboris manipulos cælo secum intulit, ad Christum facile duodecim millibus barbarorum Brasilorû.

6. Varsaviæ in Polonia, anno 1670 P. Joannes Mambrecus, Scotus, regio sanguine ortus. In Scotia propter fidem tentus & in carcerem conjectus, ob sanguinis prærogativam dimissus, sed exulare perpetuò jussus est. In Poloniam delatus totum se impendit excipiendis variarum gentium Confessionibus, Itolorum, Anglorum, Scotorum, Germanorum, Gallorum, Hispanorum, Belgarum: quorum omnium linguas egregie callebat. Perpetuò dolebat, se excidisse optatissima sorte oppetendi mortem pro Christo, quem *Amorem suum* identibem vocabat, & in ejus vulneribus suavissimè conqueſcebat. Transiens Imaginem Crucifixi in altiore loco positam, si sacris pedibus oscula figere non posset, protenso brachio digitis extremis illos tangebatur, digitosq; velut jam sacratos, suavissimè deosculabatur,

*Episcopatus, principatus, & comitatus abdicatio.*

*Votum quarens, di semper Majorem Dei gloriam.*

*Votorum renovationis creberrima.*

*Cultus DEIPARÆ V. Paupertas rigida.*

*Missionarius efficax in gentium conversione.*



Gubernatio  
Societatis non  
Capitularis.

1. Anno 1568. Pius V. confirmavit Constitutiones Pauli V. & Julij III, quo ad gubernationem Collegiorum Societatis, & aliarum domorum: ut non congregentur Capitula, nec Contractus celebrentur capitulariter: sed omnis autoritas & potestas sit penes Præpositum Generalem, qui eam Superioribus immediatis communicet. *Bullar. Soc.*

Trajecto expe-  
diuntur Socij

2. Trajecti in Belgio, invalescente hæresi, Collegium variè vexatum est, anno 1578: ut Socij ultrò excederent. Sed cum illi religiosâ patientiâ & constantiâ, tolerarent omnia: hoc die adfuit urbis Præfectus, monuitq; imminere urbi obsidionem: proinde oneri non essent, sed cum cæteris Religiosis excederent. Reposuit Collegij Rector: Societatis professionem esse, non labores tantum sed sanguinem & vitam impendere salutis populi, qui imminente obsidione potissimum juvandus esset spiritualibus medijs. Retulit ille, se super hoc relaturum ad Senatum. Hic cum nullo modo dimit-tendos esse censeret Patres, tandem terroribus & minis Præfecti adactus est in assensum. Postridie ergo migrandum illis fuit, traditis Præfecto Collegij clavibus: & tunc ille quidem omnia se servaturum integrè usq; ad reditum promisit; sed perfidus fefellit. *Sacchin. p. 4. lib. 6. n. 113 & seqq.*

Domus Socie-  
tatis Nankini  
miro modo  
parata.

3. Anno 1599. exeunte Aprili P. Matthæus Riccius Nankini in Sina domum vili pretio emptam, sed à Lemuribus & tartareis hostibus occupatam, subit. Mandarinus, licet emptore domus jam pridem inutilis & vacuæ re-perto gauderet; tamen ut erat vir probus, vitium ædium candidè aperit, ac exponit, cujus ipse testis locuples erat. Riccius Deum se colere renun-tiat, cujus nutum inferi pariter ac superi perhorrescerent: se illo Duce in-gressurum ædes, & quietas possessurum. Confectis ritè tabulis, domus Ric-cio Patribusq; venturis in perpetuum possidenda traditur: quod ab nullo hæcenus Sinen-si magistratu impetrari potuerat. Possessionem capit Riccius, adhibet statim Ecclesiæ preces contra vim avernalem usurpari so-litas, lustrat omnem locum aquâ consecratâ. Diffugiunt ferales larvæ: pax, somnus, tranquillitas summa, succedunt. Populus accurrens orta luce, ubi rem accepit, obstupuit scilicet, ac domitorem Erebi Deum Christianorum agnovit. Manavit longè fama, & magnam legi Divinæ conciliavit gra-tiam, magnam Riccio auctoritatem. *Juvencius lib. 19. p. 5. fol. 524.*

*Eodem die obierunt.*

Victima fidei  
in Anglia.

4. Londini in Anglia an: 1602, P. Franciscus Pagius, Anglus. Patribus per Angliâ Missionarijs primùm fidelia præstitit obsequia; ea propter multa pericula vinculaq; perpeti-



perpeſſus. Poſtea Sacerdotio initiatus inſigni exemplo, fortiq; zelo rem Catholicam promovit. Deniq; cum Societate impetrata; iter pararet in Belgium, ad ponendum ibi tyrocinium, jam viſus eſt ſuperis cælo maturus. Captus ergo ab hæreticis, Londini dāpnatus eſt Majeſtatis læſæ reus, quòd Sacerdos eſſet; ideoq; ſuſpenſus & corpore quadrifariam diſſectò, excarnificatus.

5. Piſtavij in Gallia anno 1626 P. Joannes Gualbertus, Gallus. Deliberanti de vitæ ſtatu deligendo, cum fortè librum aperuiſſet, occurrit locus ille, qui monet: Patrem & matrem deferendam eſſe illi, qui Chriſti diſcipulus eſſe velit. Aperuit ſecundò, idemq; occurrit. Paratæ ad nutum divinum animæ ſatis id fuit. Societatem impetratam beneficiâ ſuâ juvit, ſed magis virtute locupletavit. Suavis illi, pacata, & ad commiſerationem proniſſima indolēs: unde ab ægrorum cura & obſequiis avelli non potuit, ratus; ſe Chriſto præſtare, quidquid præſtaret illis.

*Conſilium ex  
Libri apertio-  
ne fortuita.*

### XXX. APRILIS.

1. **A**Nno 1555. Marcellus II. Pont. Max: ingentes ſpes Societatis, velut in herba ſuccidit, immaturo fato ſuo. Amiciſſimus S. Ignatio, & toti ejus familiæ paterno planè affectu addiſtiſſimus, reparare poterat, quod in morte Julij III. amiſeramus. Sed, quæ rerum humanarum eſt viciffitudo, lætitia & ſpes ex ejus electiōe concepta, concidit altero & vigeſimo ab electiōe die, Marcello terris erepto. *Orland. part. 1. hiſt. Soc. l. 15: n. 3.*

*Marcellus II.  
Pontif. moritur*

2. Anno 1604 celebrata eſt diſputatio 28. coram Clemente VIII. de Auxilijs Gratiæ ſecundum doctrinam Molinæ. Quæſitum eſt: An actus fidei, ſpei, charitatis &c. elicti cum reſpectu ad DEum, & ex omni circumſtantia boni, ſint ſufficientes ad ſalutem; ſeu tales, quales eſſe oportet, ad obtinendam ſalutem æternam? Reſpondit Ferdinandus Baſtida: Non eſſe ſufficientes, nec eſſe tales, quales eſſe oportet. Quamdiu enim ſupernaturales non ſunt in ſubſtantia, proportionem nullam habent ad præmium & finem ſupernaturalem beatitudinis æternæ. *Eleuther. hiſt. de Aux: l. 5. c. 34.*

*Ad ſalutem  
non ſufficiunt  
quicunq; actus  
naturales.*

3. In Japonia anno 1585 P. Gaſpar Cœllius Vice Provincialis proſecutus iter Ozacam, ut novum Japoniæ Imperatorem Faxibam Cambacundonum conveniret, & aliquid in favorem rei Chriſtianæ ab ipſo impetraret, hoc die pervenit, ubi Societas domicilium jam habebat, inter circumfuſa Bonziorum monaſteria eminens. Ibi dum moratur, ut certiùs aliquid reſciret de Cambacundoni erga Societatem & Chriſtianos animo: audit, ipſum, Ozacæ (quam urbem ſplendidiffimè & ampliſſimè ædificabat in Sedem regni ſui) domum noſtram & Eccleſiam ultrò ac improviſò ingreſſum eſſe, multa de religione Chriſtiana percontatum, omnia probaſſe, excepto uno; quod ſcilicet Chriſtiana lex polygamiam & vagas libidines prohibe-

*Imperatoris Ta-  
ponia benevo-  
lentia, & judi-  
cium de Lege  
Chriſtiana.*



ret; qua lege sublata Christianum se futurum dicabat. Sed cum lex ipsi accommodari non posset, & ipse legi subijci noller: mansit is, qui pridem, Christianis tamen addictissimus, donec eadem lege exacerbatus, in illos persecutionem movit. *Sacchinus p. 5. lib. 5. n. 165.*

*Eodem die obierunt.*

*Victima fidei  
in Aegypto.*

4. In oppido Delec ad mare Rubrum, anno 1595, in odium fidei à Mahometanis peremptus P. Georgius Abrahamus, Maronita. Primus gladius in eum vibratus, fractus est; alter leve vulnus inflixit, & fractus est; tertius demum caput abstulit, & coronam imposuit. Ad sepulchrum ejus per ipsos 40 dies, cælestes quasdam faces arsisse, ipsi Saraceni testati sunt. Iter instituens per Lusitaniam, cum Sacram Hostiam, Santarenæ miraculis claram, adoraret; vidit in illa Christum cruce onustum, intellexitq; post multa adversa, sibi mortem ejus causâ inferendam. Inter summas viarum ærumnas affluebat gaudio, exclamabatq; : *O qua divitia ! O qua divitia sub sancta ista paupertate latent !*

*Victima fidei  
in Japonia.  
Gentium numero  
merosa conversio.*

5. Arimæ in Japonia anno 1595, P. Josephus Furlanettus, Italus, veneno ab ethnicis propinato in odium fidei, extinctus. Multo feliciq; labore eam gentem excoluit. Præter alibi aggregatos ad Christum, in uno oppido bis mille sexaginta lustralibus aquis expiavit.

*Mors beneficio  
B. V. accelerata*

6. Anicij in Gallia anno 1609, P. Claudius Ponceottus, Gallus, accelerata favore Virginis DEiparæ, morte sublatus est. Cum enim gravi ægritudine prostratus jaceret, vidit ad pedes lecti adolescentes duos specie cælesti, qui nescio quam potionem turbidam miscebant, ab ægro exhauriendam: sed superveniens tertius dixit; se à cæli Regina missum, nunciare: satis esse dolorum, ipsam verò non longè abesse. Desierat loqui; & ecce DEI Mater cum filio spectabilis adstitit, comitantibus Sanctis, Claudio & Ignatio, cum alijs quibusdam è Societate, qui ægram ad gaudia cælestia invitabant. Secutus est felici iustorum morte, qui vitam vixerat verè religiosam.

## I. MAJI.

*Pius V. moritur.*

1. **B** Pius V. Pont. Max. anno 1572 ad gloriosam æternitatem translatus est, non sine luctu Societatis, quæ animitus sibi additum, & beneficium est experta. Memoria ipsius in benedictione est specialiter Collegio Brunsbergensi, in quo hæc scribo: quod redditibus de Mensa Episcopali, & Ven: Capituli Varmiensis stabilivit, petente Magno Cardinale Stanislao Hosio, Fundatore, Varmienfi Episcopo, & S. R. I. Principe.

*Bellarminus  
Capua ipse  
consecratur.*

2. Capuæ in regno Neapolitano, anno 1602 Card. Robertus Bellarminus Metropolitanam Sedem suam solemniter ingressus est, exceptusq; omnium votis & plausu sincero, non solum ut Archiepiscopus & Cardinalis; sed ut Pastor Bonus, ac Sanctus. Quod munus & commune populi judicium, ut impleret: sine mora aggressus est oves suas pascere non per Vicarios, sed per se ipsum; pabulum salutiferæ doctrinæ ipsis suppeditando; nec per Ad-

ventus



ventus tantum & Quadragesimales Férias, sed Dominicis & Festis diebus quibusvis, quod ibi inauditum erat, è Cathedra populum docendo, Authorq; fuit Pontifici: ut quos crearet Episcopos & Archiepiscopos, seridò admoneret hujus officij. Memineris, inquiebat, Beatissime Pater, Episcopos reliquisse olim alijs temporarias curas, ac statuisse de se illud Principis Apostolorum: Nos autem verbo DEi, & orationi instantes erimus, *Petra sancta in Vita lib. 4. cap. 1.*

3. Claudiopoli in Transylvania celebravit anno 1581 Christophorus Bathoreus, Stephani regis Poloniae frater, comitia cum nobilitate: quibus filius ejus Sigismundus, octennis adhuc, constitutus est ejus Successor, Princeps & Váiwoda Transylvaniæ; decretumq;: ut si quæ civitas, vel alia frequens communitas, optaret Catholicos Sacerdotes, Princeps eos concedere posset. Interea Patres nostri, rati eam Comitiorum celebritatem opportunam esse rei Catholicæ promovendæ, Theses typis editas de Controversijs Fidei; sparserunt inter doctiores, invitantes sectarum ministros ad disceptationem publicam. Convenerant ultra quinquaginta, Ariani, Calvinistæ &c. ad illa comitia; & quamvis initio tergiversarentur, compulsi à Nobilibus sponderunt se in arenam descensuros, & Jesuitis ora clausuros. Sed cum condita dies illuxisset, & cum Principe frequentissima nobilitas, populusq; in Collegium confluxisset: Ministellorum apparuit nullus, nec reperiri poterant diligenter conquisiti, arrogantia, ut solet, evanescente in metum & fugam. Sic disputatio versa in cachinnum Catholicorum, fremitum nobilium sectariorum. *Sacch. hist. Soc. p. 5. lib. 1. n. 145. & seqq.*

*Eodem die obierunt.*

4. In urbe S. Jacobi in Hisp. anno 1593, P. Martinus de S. Dominico, Hispanus, à cultu SS. Eucharistiæ, & quotidiano usu Rosarii Mariani longè lateq; propagato, maximisq; peccatorum conversionibus celebratus Missionarius. Priusquam aliquò excurreret, diligenter dispiciebat: quæ regio magis indigeret cultore; deinde constitutâ in certam plagam excursionem, priusquam Collegio exiret, præparabat animum per aliquot hebdomadas aut dies, opemq; cœlitus sibi comparabat prolixa plurium horarum oratione, cruentis flagellationibus, jejuniis & sacrificiis; quæ etiam ab amicis emendicabat. Tum iter ita instituebat, ut pridie diei Dominici, vel Festi alicujus esset in loco. Postero die cum bona Parochi gratia prodibat in suggestum, dabatq; imprimis adventus sui rationem: mox ardentissima concione percellerat animos, concutiebaturq; corda; ut dies noctesq; non sufficerent Sacerdotes, consentibus audientibus. Per integram hebdomadam excipiebat confessiones, populumq; præparabat ad mensam Eucharisticam, quam die Dominico tandem dabat solemnissimo apparatus, & incredibili hominum fructu.

*Præparatio ad Missiones.*

*Methodus perutilis servata in Missionibus*

5. Neomagi in Belgio, anno 1636, P. Antonius de Greef, non postremus inter



*Angeli praf-  
dium.*

heroes & victimas Charitatis impensæ infectis luc pestifera. Vir erat ad arduas Missiones promptissimus, & vitæ suæ prodigus animarum causâ. Versanti aliquando in periculo, ne comprehenderetur ab hæreticis, adfuit repente juvenis ignotus, qui militem compellans, *Age, inquit, hunc hominem missum fac, & mibi, & multis civium apprimè notum.* Destitit miles, & juvenis videri desit.

*Epistola B. V.  
ad Messanen-  
ses vindicata.*

6. Mediolani in Italiâ anno 1648, P. Melchior Inchofer, Germanus, ab edita, præter complures alios in varia materia eruditissimos libros, & strenuè vindicata Epistola DEiparæ V. quam vivens adhuc inter mortales dedisse fertur ad Messanen- ses in Sicilia, memorabilis. Ob hoc opus delatus fuit ad S. Congregationem Indicis: sed ibi ita suam & Marianam, atq; Messanensium causam egit: ut libera illi concessa sit facultas reimprimendi. *Sourvellus in Bibl. Soc.*

## II. MAJI.

*Reliquiarum  
cultus.*

1. **C**Apuæ sacram ingressus sui in Ecclesiam Metropolitanam, solemnita- tem continuavit Card. Robertus Bellarminus: non currus & equites ducendo per Urbis plateas, sed devotam populi supplicationem; circum- ferendo S. Protomartyris Stephani Brachium, ad conciliandam sibi & urbi uberiolem benedictionem. Quæ res & populum egregiè composuit ad pie- tatem, & Præsuli majorem comparavit æstimationem atq; amorem. *Petrus, in Vita lib. 4. cap. 1.*

*Societatis Pro-  
sector ipse Pon-  
tifex.*

2. Anno 1564 cùm Rodolphus Pius, Cardinalis Carpenfis, qui nascenti Societati à Summo Pontifice fuerat Patronus datus, hac die ad immor- tales abiisset: dubij hæserunt Patres, an more aliorum religiosorum ordi- num novus à Sanctissimo petendus esset Patronus? Occurrebant enim in- ter commoda non minora incommoda. Stetit tandem sententia: nequa- quam postulandum esse Patronum, sed rem omnem ingenuè simpliciterq; Christi Vicario aperiendam; quodq; is decrevisset, id omnino amplecten- dum. Pontifex, Pius IV, de his informatus à Lainio Præposito Generali, ve- hementer probavit, ne quis unus nominatim Patronus assumeretur è sacro Cardinalium Collegio; subjecitq; mox coram aliquot præsentibus Cardi- nalibus: *Patrocinium vestrum ipsi nos recepimus; nos erimus vester Protector.* Quæ benigna Sanctissimi Patris voluntas quantum gaudij, tantum animi addidit Socijs ad res strenuè gerendas. *Sacch. p. 2. hist. Soc. lib. 8. n. 5. & seq.*

*S. Xaverius  
sanat gravissi-  
mè infirmum.*

3. Potami in Calabria solemne Sacrum fieri curavit, ex voto, Domi- nicus Seminari, in honorem S. Indiarum Apostoli: quod ejus ope ab inten- sissimo laterum dolore, quo ferè ad amentiam fuerat redactus, subito sit liberatus. Juratus id affirmavit coram testibus idoneis. *Ex libello Miracu- lorum S. Xaverij Potamiensis, n. 209.*

*Eodem*



*Eodem die obierunt.*

4. In Æthiopia anno 1635, P. Joannes Pereira, Lusitanus, Patris Gasparis Paez, *Victima fidei* de quo 25 April. Socius laborum, dolorum & coronæ: à Schismaticis Alexandrinis in Æthiopia. odio fidei lanceis confossus.

5. Goæ in India Orientali, anno 1583, P. Dominicus Fernandez, Lusitanus: operarius in cultura Indorum, præsertim insulæ Choranz, indefessus & foelix: ut qui in aditu ejus insulæ, septem duntaxat Christianos reperit; moriens reliquit millia quinq;

*Operarius strenuus.*

6. Rotomagi in Gallia anno 1610, P. Antonius du Four, Gallus: cujus vitæ integritatem, & perfectionem religiosam testatum est ipsum ejus corpus, post 12 à morte annos, licet in viva calce sepultum, apparuit integrum & fragrans odore suavissimo. Linteamen, quo involutum fuerat, admotum fratri Coadjutori, in obsequio pestiferorum ægrotanti, mox dolorem omnem absterfit.

*Virtus honorata post mortem.*

7. Mexici in America P. Hieronymus de Mercado, Hispanus. Ab ipso tyrociniis semper pavidum ob conscientiam nimis teneram, sub mortem serena tranquillitas & pax excepit. Cilicio loricatus, somnum ter in hebdomoda super nudos assers capiebat; orationem bis repetita quotidie flagellatio armabat. Triduo ante mortem, Religioso cuidam objecta est splendida cœlitum pompa, quæ P. Hieronymi cubiculo longa serie sese infudit, protectura agonizantem, victoremq; deductura ad capeſſendam coronam.

III. MAJI.

I. **A** Nno 1575 Gregorius XIII. largissime communicavit Societati Privilegia aliorum Ordinum; ut illis uti possit secundum rationem Instituti sui, dependenter tamen à suo Præposito Generali, cujus erit ea communicare Socijs (qui religiosa vota fecerunt) cum ea amplitudine vel restrictione, prout ipsi videbitur. Concessit insuper: ut Socij semel approbati, possint ubiq; (extra loca tamen ubi resident Ordinarij) concionari & Confessiones audire, non repugnante Parocho; atq; Vota commutare etiam adjurata, dummodo id in præjudiciũ alterius non fiat. Præterea ut in Oratorijs & Capellis, quæ ipsius Societatis Provinciales per se in Domibus, Collegijs, & alijs locis, ubi aliqui Societatis residebunt, approbaverint, & ad Divinum duntaxat cultum deputaverint, Missas & alia Divina officia, alterius licentiã desuper minimè requisitã, celebrare possint. Constitutio incipit: *Decet Romanum Pontificem &c.* Bullar. Societ.

*Societati communicantur privilegia aliorum ordinum.*

*Concionatores & Confessarij.*

*Votorum commutatio.*

*Oratoria Societatis.*

2. Apud Sinas, columen grande rei Christianæ, P. Matthæus Riccius, in morbum incidit lethalem, contractum ex nimia fatigatione, in bonum Fidei suscepta. Cum enim eo tempore ex omni Sinarum imperio fieret Magistratum (ad 5. millia) concursus ad regem visendum; & eodem anno pro Doctoratu, qui solum in aula confertur, obtinendo, alia 5. millia, & amplius, Literatorum concurrissent ad Examen: visitandi fuissent insuper, qui

*Promotio literarum Sinarum.*



*Morbus P.  
Ricci supremus*

qui in varijs Provincijs rei Christianæ favebant, vel futuri fautores sperabantur: excipiendi quoq; & honorandi ritibus Sinicis, qui domi nostræ confluabant magno numero, ad invisendum P. Matthæum; alia quoq; quotidiana negotia intermitteri non possent: concidit tandem sub onere vir, alioqui laboribus ali visus; & mox eum morbum fatalem sibi pronunciavit, magno mœrore domesticorum & Neophytorum. *Trigaultius Exped. Sin. lib. 5. cap. 20.*

*Expediitio prima  
in regnum  
Angola.*

3. Anno 1560 à 4 Socijs suscepta est primæ expeditio in Africæ regnum, Angola, dictum, ad quod feliciter appulli sunt hoc die, primi eas terras perfusuri luce Evangelica. Rex hospites Lusitanos & nostros visus est habere pergratos: sed eos velut sub honesta custodia detinuit apud se in sextum usq; annum, commissa Patri Goveano filij sui adolescentis institutione. Unde prædicatio publica dilata est sub specie favoris. Dicebat enim barbarus: non debere esse incustoditos, ne ab Angolanis aliquid injuriæ acciperent, vel in Lusitaniam profugerent. *Sacchin. p. 2. lib. 4. n. 208.*

*Sanitas à S.  
Xaverio resti-  
tuta anobus.*

4. S. Xaverio votum persolvit Potami matrona Sorianensis pro sanitate sibi & filiolo infanti per eum restituta. *Ex libello Mirac. Potam. n. 209.*

5. Nankini, in aula veterum regum Sinensium, Patres Societatis posuerunt: & DEo Opt. Max. primum templum publicè dedicârunt V. Non. Maji MDCXI. sunt in marmore super valvas interioris ædis collocato incisa.

*Imago crucifi-  
xi: globis traje-  
cta sanguine  
manat.*

6. In Prussia Brunsbergæ anno 1636 celebrari cœpit locus suburbanus, in fundo Collegii positus, in quo pictam Christi Crucifixi imaginem, columnæ quercinæ affixam, prope viam & fluvium Passeriam, Suericus miles hæreticus, cum tribus globis, explosâ bombardâ, trajecisset: visus est à multo accurrente populo, liquor quidam sanguineus è tribus perforatis locis promanare. Quæ Imago mox à Polonis, quorum castra vicina erant, reverenter deposita, in thesauro primùm regio per annos non paucos aservata est; deinde à Michæle rege, instante Illust. Episcopo Chijoviensi, Thoma Ujeyski, Collegio reddita; nunc in sacello suburbano, non ineleganti, quod S. Crucis dicitur, à frequente populo confluyente, præsertim hoc die, & in festo Exaltationis S. Crucis, imò singulis per annum Ferijs sextis, honoratur; nec pauci gratias singulares cælitus sunt experti. *Ex Annua Coll. Brunsb.*

*Eodem die obierunt.*

*Victimæ fidei  
in Anglia P.  
Garnetus.*

7. Londini in Anglia anno 1606, P. Henricus Garnetus, Anglus, operarius in sylvescente vinea illa, per annos 20, tanti nominis: ut passim ab heterodoxis appellaretur



*Magnus Iesuita, & parvus Papa* Occasione pulverariæ conjurationis contra regem, à quibusdam Catholicis imprudenti zelo institutæ ac detectæ, studiosissime quaesitus, & captus P. Garnetus: ita rem suam in Senatu egit, ut palàm omnes innocentem faterentur. Damnatu tamen est, quod Secretum in confessione auditum non revelasset, quòd Sacerdos, quòd Iesuita esset. In mortuali pegmate fidem Catholicam professus, & hæresim detestatus, Catholicos monuit: ut à machinatione omni abstinere; DEum sua curaturum. Deniq; tam fortiter, tam piè in extremo illo articulo egit, ut diceretur; tantundem sua illa fortitudine rei Catholicæ tunc profuisse; quantum 20 annorum laboribus. Cùm strangulati corpus dissecaretur, sanguinis gutta, quædam in spicam straminis incidentis, tam distinctè faciem Garneti expressit: ut illam ars nulla pictorum, quos Pseudo Episcopus adhibuit ad imitandum, assequi potuerit. Salutarem sibi fuisse contactum illius spicæ, testati sunt varij infirmi.

8. Murcia in Hisp. anno 1560, P. Joannes Bapt: Barma, Hispanus, S. Francisci Borgia in Theologia Professor, potens apud DEum oratione, quâ & pluviam aridis agris impetravit, & Turcicam classẽ ab Hispania abegit, ope DEiparæ V. ardenrer implorata. Per Quadragesimam licet quotidie concionaretur, nihil aliud cibi aut portionis, quàm aridum panem & aquam admisit, brevi ac duro somno humi capto.

9. Viennæ in Austria anno 1571, P. Adalbertus Bausfeh, Bohemus, ab ipso Christo D. in sacra hostia sibi apparente, Societatem ingredi jussus, in eadem insigni animarum zelo, hæreticorum conversionibus, & excellenti doctrinâ Theologica emittit.

#### IV. MAJI.

1. **I**N Lusitania anno 1545 Conimbricam venit P. Simon Rodericius, inspecturus numerosum illud Collegium, ejusq; spiritum probaturus. Effusi enim erant juvenes nostri magno, imò nimio, ardore in opera poenitentia- lia, & sui contemptum, in oculis civium procurandum. Quæ cùm tempe- randa essent; contigit P. Simoni idem, quod Sauli incidenti in cuneum pro- phetarum. Non solùm enim non temperavit, quæ ad sui abnegationem fie- bant: sed etiam igni illi alimentum suppeditavit, offerendo varias occasi- ones, quibus in publico deridendos se præberent. Sub idem tempus fama vulgata fuit ibidem de iis, qui Spiritualibus S. Ignatii Exercitijs excoleban- tur: quòd nescio quæ visa viderent, & velut siderati incederent. Impulit tan- dem ea fama Cardinalem Henricum, regis fratrem, & supremum S. Inqui- sitionis Judicem: ut per hominem fidelissimum (erat is Rector Academiæ ex Ordine S. Hieronymi) de re tota cognosceret, absq; omni nota Societa- tis. Qui dum imperata facit, & secretò fratres nostros de objectis visis Ex- ercitijs tempore, interrogat: incidit in juvenem, genere & indole præ- clarum, Rodericum Menesium; qui de iisdem interrogatus, respondit: Om- ninò se visâ vidisse, & quidem horrida. Advocat illicò Rector Notari- um, qui relata exciperet. Tum Menesius: Vidi, inquit, in Exercitijs mon- strum

*Magnus Iesu- ita & parvus Papa.*

*Sigillum Con- fessionis serva- tum.*

*Facies occisi in in spica relu- cens.*

*Concionator in se rigidus.*

*Vocatio in So- cietatem per Christum Eas- charisticum.*

*Mortificatio indiscreta.*

*Visa in Exer- citijs.*

*Cognitio sui.*



strum tetrum, enorme & horribile, *Me ipsum*; cui nihil simile unquam vidi. Sic tota fama in fabulam abiit. *Orland. hist. Soc. p. 1. lib. 5. n. 52. & seqq.*

*Humanitas  
Imper. Japon.  
erga Socios.*

*Immunitas  
Ecclesiastica  
ab ethnico con-  
cessa.*

2. In Japonia anno 1585, P. Gaspar Cœllius Vice-Provincialis singulari humanitate exceptus est ab Imperatore Japoniæ Cambacundono, in urbe Ozaca, quam in Sedem regni magnificentissimè ædificabat. Libello supplici oblato, tria petijt in favorem illius Christianitatis. 1. Licentiam universalem publicè prædicandi, & suscipiendi legem Evangelicam. 2. Immunitatem domorum Societatis ab hospitio militum. 3. Ne personæ, & bona Ecclesiastica gravarentur exactionibus. Impetravit facillimè omnia, etiam cum auctario: deinde convivio splendido cum Socijs adhibitus, nihil desiderare potuit amplioris benevolentiæ. *Sacch. p. 5. lib. 5. n. 167. & seqq.*

*Eodem die obierunt.*

*Victima Cha-  
ritatis.*

*Vocatio ad So-  
cietatem.*

*Præsentia divi-  
na exercitium.*

*Remedium in-  
firmitatis.*

*Culius B. V.  
dæmoni exosus.*

*Spiritus S. su-  
per communi-  
cantes.*

*Osculum à  
DEipara.*

3. Gadibus in Hisp. anno 1571, P. Jacobus de Sotomajor in obsequio pestifero- rum. Granatæ studiis altioribus operam daturus, cum hospitium quæreret; coelitus delapsa diserta voce, iussus est, illud non alibi quærere, quàm in Societate: quæ vox iterum ac tertio allapsa, tergiversantem fere violentè impulit ad obsequendum. Factus religiosus, in continuo erat exercitio præsentia divina, ac si in omnibus actio- nibus suis diceret: *Vivit Dominus, in cuius conspectu so.* Si ægra valetudine tentaretur: Rosario DEiparæ V. recitato, se convalescere, affirmabat.

4. Vallisoleti in Hisp. anno 1599, P. Joannes de Castillo, DEiparæ V. cultui & amoris à teneris tenerrimè addictus. Mira agebant dæmones, ut illum à tali devotione averterent: sed adfuit coelitus S. Irene Virgo, cum auxilio opportuno. Die Penteco- stes vidit Spiritum S. de cælo descendentem super nostros, Divinam Synaxim, è ma- nibus Patris Ludovici de Ponte accipientes. DEiparæ, Christum gremio tenentis, ima- ginem sæpe exosculabatur: & fuit, cum vicissim sibi ab ea videbatur osculum accepisse.

5. Parmæ in Italia heroica morte decessit inter obsequia pestiferi strenuè im- pensa P. Venustus Roberti, Italus, anno 1630, qui Italiæ admodum luctuosus Societa- ti autem gloriosus fuit. Nam ibidem Parmæ, simili funere decesserunt alii duo de viginti, Mantuæ decem, Cremonæ duo, Bononiæ novem, Pineroli tres, Ticini unus, Mediolani novem, Castilione unus, Placentiæ 4, in Valle Telina unus, Mutinæ tres, Florentiæ duo, Comi, Monte Regali, & Cunii quatuor, universim 68.

## V. MAJI.

*Prædestinatio  
gratuita.*

**A**Nno 1602 habita est coram Clemente VIII. disputatio XVII. de Moli- næ doctrina. Arguebantur ab Adversarijs Molina & Cassianus: quòd neuter illorum velit fateri, Prædestinationem merè gratuitam aliquorum esse, non omnium. Respondit P. Arrubal, tria ostendendo. 1. Quis fuerit Cassiani in proposita quæstione error: scilicet, Quorundam electorum præ- destinationem (ad Gratiam) fuisse merè gratuitam, aliorum non item: ut patet



patet ex ejus cap. 11. & 17. ubi statuit duos ordines prædestinatorum. 2. Ostendit, docere Molinam: Prædestinationem omnium esse gratuitam, eodem sensu, quo id docuerunt S. August. & S. Thomas. 3. Ex libro Molinæ nullo modo colligi: ipsum non fateri, omnium electorum prædestinationem esse gratuitam. *Eleuther. hist. de Aux: lib. 5. cap. 21.*

2. In Lusitania anno 1555, jussu Pontificis, rege petente, consecrati sunt invitati, duo è Societate, P. Joannes Nunnus in Patriarcham Æthiopiæ, & P. Andreas Oviedus in Episcopum Hieropolitanum, cum jure succedendi in Patriarchatum, si Nunnus prior obiisset. Quod evenit. Cæterum character Episcopalis in utroq; non obliteravit amorem & usum disciplinæ religiosæ. Perinde ut antè, vivebant more nostro, etiam ad infima obsequia ultro sese demittentes. Cum Goam in India attigissent: Oviedus præcucurrit in Æthiopiam exploraturus animum Claudij Imperatoris. Quem cum deprehendisset alienissimum à missis per Romanam Sedem Præsulibus: perstitit ille tamen constans in Æthiopia; Nunnus autem paulò post Goæ diem obiit extremum. *Orland. hist. Soc. p. 1. lib. 15. n. 102. & segq. Soutwell. in Biblioth. script. Soc.*

*Patriarcha Æthiopia & Episcopus è Societate.*

3. In Austria Viennæ anno 1705 inter palmas & lauros decessit piissimus & gloriosissimus Imperator, Leopoldus I, in amore Societatis nemini Majorum suorum secundus. Parentavit illi grata Societas, indictis 15 Sacrificijs à singulis Sacerdotibus per orbem universum, pro ejus anima celebrandis, præter alia indicta pro vivente. *Ex libro Suffragiorum.*

*Leopoldo Imp. parentat Societas.*

4. P. Hieronymus Xaverius, magni Xaverij fratre genitus, cum P. Emanuele Pinerio & fratre Benedicto Gode post quintum, quàm Goâ profecti erant, mensem, in urbem Regiam Imperij Mogolis latiore hac die an. 1595 pervenire. Akebarus Imp. amantissimè illos complexus, quasi deposita parumper majestate, familiariter adhibuit, ædes ad habitandum concessit amplissimas, cohortem militum addidit, quæ ipsos contra vim & insidias Mahometanorum custodiret. Præterea locum ædificando templo attribuit: deniq; potestatem initiandi sacris mysterijs populifecit: seriò professus cum ipsidem acturum se de religione, simul ac Persicam, qua tunc aula Mogolis utebatur, linguam utcunq; didicissent. Dum tamen Akebarus conversionem procrastinat, sumpto incautè veneno obiit, veramq; probavit Augustini vocem, docentis hac animadversione puniri meritò peccatorem, ut qui vivens oblitus est DEI, moriens obliviscatur & sui. *Juvenius fol. 451.*

*Societas in imperio Mogolis.*



*Victima 4. fidei  
in Polonia.*

5. In Polonia anno 1642, P. Stanislaus Brunovius, P. Gaspar Woynicz, P. Christophorus Carnostavius, & Joannes Domagalski Coadjutor, Poloni, à Schismaticis Ruthenis, odio fidei, in quadam sylva perempti. Cum enim Missionibus intenti deducere in deducendis ad unionem cum Ecclesia Romana Schismaticis: isti coacto senaculo decreverunt, Patres ubi ubi possent, è medio tollere. Præstiterunt id per subornatos sicarios, quorum in itinerantes Patres irruentium, audita vox: *Non vestra querimus, sed vos.* Fama est constans: in loco, ubi occisi sunt, lumen cœlestis conspectum; uti & in templo, in quo conditi sunt, amplius, quàm unius horæ spatio.

*Victima fidei  
in Japonia.*

6. Ikizucki in Japonia anno 1592 veneno sublati P. Georgius Carvahal, Lusitanus: postquam utilem strenuamq; navasset operam in insula Scimo, Firandi, & regno Bungenli.

*Mortificatio utilis, & egregie tolerata.*

*In tradendis Exercitijs spiritualibus dexteritas.*

*Superioribus non tam inopia, quàm metus inopia formidandus.*

7. Compluti in Hisp. anno 1557, P. Franciscus de Villanova, Hispanus; ab ipso S. Ignatio in Societatem admissus, & multis laboribus ac mortificationibus egregie exercitus. Harum cum moderationem aliquam peterent Patres, reposuit S. Pater: *Sic vive illum, assatum ei est virum, ut omnia superet.* Et superavit animo prorsus heroico, evasitq; in virum, cui multos similes optavit Sanctus Fundator. Admirandæ erat dexteritatis in tradendis Exercitijs spiritualibus, Humilitatis in obeundis officijs abjectissimis, Prudentiæ in regendo, Fiduciæ erga DEum in rebus arctis; solebatq; dicere: Rectoribus non tam inopiam formidandam esse, quàm ipsam inopiæ formidinem, quæ ex parva in DEum fiducia nascitur. Multa & præclara habet de illo Historia Soc. p. 2. lib. 1. à n. 127.

## VI. MAJI.

*S. Xaverius  
Goam in India  
appellit.*

1. **A**Nno 1542 Indiarum Apostolus S. Xaverius, post multa laboriosa obsequia in itinere præstita, & ægrorum corporibus curandis, & sanorum animis excolendis, feliciter attigit Goam, Lusitani Imperij in India metropolim. Exscensione facta, de more & suo, & Sociorum in Europa, divertit confestim ad Nosocomium, inibi tanquam in arce charitatis Christianæ, domicilium sibi figens. Exin operi Apostolico manum priusquam admoveret, Episcopum adiit, ad pedes ejus advolutus diploma Pontificium exhibuit, professus: non aliter se velle uti munere Nuncij Apostolici, nisi ex ipsius arbitrio & sententia. Perstrinxit optimum Præsulem, qui erat Joannes Alburquercius è sacra Divi Francisci familia, tam illustri & rara humilitas; humoq; attollens Xaverium, inspexit, restituitq; diploma Pontificium, cum liberali promisso: se quoq; quidquid haberet potestatis, libenter collaturum: ut ille tota muneris sibi commissi plenitudine fungi ubivis posset. Hanc methodum & Socios, ex Europa venturos, accuratissimè observare voluit Xaverius: ut nihil aggredierentur, nisi humilibus officijs conciliato sibi Ordinariorum favore. *Baroli in Vita lib. 1. n. 25. & 26.*

*Nuncij potestate uti non vult  
S. Xaverius  
absq; Ordinarij  
licentia.*

*Humilitas domina cordium.*



2. Anno 1544. Rem Christianam tum egregiè promovebat in Oriente Xaverius, dictus Magnus Pater: quando & Regis Ceilani Filius, factus Christianus, cum multis suis subditis ab ipso parente pro vera religione cæsus numerum Martyrum auxit: cuius mortem placuisse DEo ignea crux in cælo, in terra lucida, nullis Mahumetanorum artibus eradenda, populis illis attonitis cecinerunt. *Brietius hoc anno.*

*Filius Regis  
Ceilani Mar-  
tyr.*

*Eodem die obierunt.*

3. Manilæ in Philippinis insulis, anno 1639 P. Valerius de Ledesma, Hispanus, orationis studio, & heroica passionum suarum mortificatione insignis. Quamvis enim medicorum iudicio naturæ esset igneæ in summo gradu: tamen ita sui compos erat, ut præter vividos quosdam in dicendo spiritus, nullum unquam commoti animi signum prodiderit. Post tres quietis horas surgebat ad aliquot horarum orationem. Laudari aliquando ab ipso Christo meruit: quod in quadam ardua occasione id fecisset; quod divinæ voluntati magis consonum ducebat. A DEipara V. de salute sua æterna certior factus, audivit: *Fili, salvabere*. Cum singularem haberet gustum in illo divino nomine, *Ego sum qui sum*: à DEo ad magnam in se habendam fiduciam excitatus est his vocibus: *Tecum ego sum, qui sum: Tecum.*

*Mortificatio  
cholera.*

*Somnus brevis*

*Securitas sa-  
lutis æterna.*

4. In iisdem insulis anno 1660 P. Franciscus Colin, Hispanus, silentii, orationis, & lacrymarum dono clarus. Potionis Indicæ, quam Cicolatam vocant, usum omnem cum sibi interdixisset; laudatus eam ob rem est à DEipara V. monitusque: ut nullis precibus se ad illam adduci pateretur. Percussus aliquando timore repentino de obtinenda salute æterna, ad orationem confugit, ardentissimè rogans DEum: ut in pignus Prædestinationis suæ, duos primæ notæ, sed obstinatissimos, ethnicos sibi donaret: cum eorum conversionem putaret multis profuturam. Obrinuit. Etenim diluculo, pertinaces illi ultro adfuere, & magnoperè baptismum petiere; Patre Francisco in sinum gaudente, tum sua, tum illorum causâ.

*Abstinentia à  
Cicolata lau-  
data à B. V.*

*Prædestinatio-  
nis iessera con-  
versio duorum  
Ethnicorum.*

5. Madriti in Hisp. anno 1643, P. Joannes Ludovicus de la Cerda, Hispanus, Humaniorum literarum per ipsos 30 annos assiduus professor. Unde tantam eruditionem, & eruditionis famam collegit: ut Eminentissimus Cardinalis Franciscus Barberinus, cum Legatum à latere ageret in Hispania, officiosissimè ipsum inviserit, idque Patru sui (ut aiebat) Urbani VIII jussu. Divitias eruditionis suæ effudit in elucidationem variorum Authorum, præsertim Tertulliani, & P. Virgilii Maronis, cujus uberrimi Commentarii tres impleverunt Tomos, in gratiam & usum Professorum Pœticæ facultatis. *Soutvellus in Bibl. Soc.*

*Professor His-  
pani anno-  
rum 30.*

*Commentario-  
rum in Virgili-  
um Tomi 3.*

## VII. MAJI.

1. Anno 1578 Gregorius XIII, per Constitutionem incip: *Quanta in vinea Domini &c.* concessit indulgentiam plenariam semel in Anno Ecclesijs Societatis: insuper Facultatem celebrandi Missam unâ horâ ante auroram, & infra horam post meridiem, itineris, vel alterius legitimi impedimenti causâ; Facultatem quoque promovendi ad gradus Philosophiæ & Theologiae, post meridiem

*Indulgentia  
plenaria pro  
Ecclesijs Soc.  
Facultas cele-  
brandi ante  
auroram &  
post meridiem*



Promovendi  
Auditores phi-  
losophia &  
Theol.

Pietas Chri-  
stiana.

S. Borgia con-  
verso ad vitam  
perfectiorem.

Superior mitis  
& rigidus.

Cum feminis  
sermo brevis.

Vitima fidei  
in Philippinis.

Item in Iapo-  
nia.

giæ, per Præfectum studiorum, in Collegijs, ubi hujusmodi studia transan-  
tur; concurrenti deniq; cum Universitatum Lectoribus in tradendis Lecti-  
onibus: dummodo de manè per unam, & de sero per aliam horas, cum Le-  
ctoribus Universitatum, qui id postulaverint, non concurrant. *Bullar. Soc.*

2. In causa P. Molinæ habita anno 1604 coram Clemente VIII. dispu-  
tatio XXIX. Quæstio proposita fuit: *In quo differant motivum pietatis Chri-  
stianæ, & motivum, quod actus fiant intuitu & contemplatione divina bonita-  
tis & justitiæ DEI: cum ij actus fiant ex timore & amore DEI, etiam super  
omnia?* Respondit pari subtilitate & soliditate P. Ferdinandus Bastida: Mo-  
tiva illa omnino differre: nec posse id à quopiam Theologo Catholico ne-  
gari. Rationem differentiæ posuit in eo: quod Motivum Pietatis Christi-  
anæ ex intrinseca sua ratione moveat voluntatem, ad actum ex objecto for-  
mali, & principio effectivo supernaturalem: ideoq; supponit in operante  
Fidem. Motivum autem alterum non habet hoc ex intrinseca ratione sua;  
sed secundum se est indifferens, ut moveat, vel non moveat, voluntatem ex  
formali objecto & principio excedente vires naturæ. Potest enim ex tali  
motivo operari & fidelis, & infidelis, cui per discursum naturalem cognita  
est bonitas & justitia summa DEI. *Eleuth. hist. de Aux. lib. 5. cap. 36.*

3. Anno 1539. hoc die contigit conversio S. Francisci Borgia ad vitam  
perfectiorem, viso Isabellæ Imperatricis cadavere. Quo die Francisca de  
JESU Gandiæ Sanctimonialium Præfecta, pro nepote suo Francisco orans,  
vidit ipsum coram Christo cruci affixo prostratum, ac veniam peccatorum  
suorum petentem; Christum autem Franciscum supplici manum porrigentem,  
auxilium promittentem, ac eum sublevantem, *Nadasi in Indice Memor.*

*Eodem die obierunt.*

4. Panormi in Sicilia anno 1586, P. Paulus Achilles, Italus. In gubernando  
ita mitem, simulq; disciplinæ tenacem se præbuit: ut quendam ad suscipiendam æ-  
quo animo poenam commeritam, per ipsos 30 dies disposuerit: cum nec parcere vel-  
let, nec lædere. Cum fœminis non nisi brevissimè agebat, etiam in ætate provecti-  
ore. In Quadragesima perpetuò abstinebat vespertina refectio. Inter orandum jus-  
sit quantocyus Patrem quendam revocari è navis: & navis illa postea in Turcarum  
manus devenit. Inter sacrificandum visus est pulcherrimum Parvulum manibus ge-  
stare. Ab impio quodam vibratus in Patris Pauli pectus gladius, ceræ instar re-  
flexus est. Eadem qua mortuus est, horâ pluribus visus est gloriosus.

5. In Mindanao Philippinarum insula anno 1642, P. Franciscus de Mendoza,  
à Mahometanis, quos Christo lucrari studebat, trucidatus.

6. Nangasachi in Japonia anno 1626, P. Joannes Bapt: Bacza, Hispanus, æ-  
xumnis carceris, in quem odio fidei, conjectus fuerat, cunctus. Prædicatione E-  
vange-



175  
vangelica tam fortis & felix fuit: ut per Macaum, Goam, Mozambicum, & Japoniam intra triennij spatium 75 millia adultorum baptismo lustraverit, præter parvulos innumeros.

*Conversio tribus  
nicorum numero  
merita.*

7. Tolosæ in Gallia anno 1627, P. Joannes Franciscus Suares, Gallus. Vir erat tam eminentis perfectionis, & singularis in orando efficaciæ: ut & spirituales & temporales sanitatem multis impetrârit. Ut ad excelsam virtutem conquireretur: statuit sibi vivendum his legibus. 1. Ut Novitius, Novissimus, & abortivus. 2. Ut cadaver mortui. 3. Ut eductus ex inferno. 4. Ut crucifixus cum Christo. 5. Ut infans Jesus in præsepio. Ita vixit: & eam obtinuit perfectionem: ut nulla virtus ei deesse diceretur; nec ullis occupationibus mente abstraheretur à DEO.

*Leges 5 studij  
perfectionis.*

### VIII. MAJI.

1. **H**Ac die bis natus est P. Petrus Canisius, magnum nomen in Historia Societatis, & Ecclesia Germaniæ. Prima nativitas contigit anno 1521, qua natus est in mundum Neomagi in Belgio: altera anno 1543, qua primus à Germanis, natus est Societati, admissus ipso apparitioni Archangeli Michælis sacro die, quo tertium & 20. auspicabatur ætatis annum. Habuit Canisius materteram eximie piam: quæ cum adverteret adolescentem fluctuantem in deligendo vitæ statu, divino afflatu, antequam cognita ipsi esset Societas, sic vaticinata est. *Tu, fili, cooperaberis in novum quendam Sacerdotum Ordinem, quem in Ecclesia sua, multorum in salutem parat DEUS. Eos ego per visum vidi, & te adeos adjungi. Graves erunt, viri docti, modesti, DEO pleni, & animarum caritate præditi.* Accepta dein famâ de P. Petri Fabri in Germania laborantis, sanctitate; Moguntiam, ubi is versabatur, se contulit Canisius: ut virum agnosceret & observaret. Vidit; & gaudia sua non capiens sic scripsit ad amicum. *Secundis ventis Moguntiam veni. Virum quem quæsi, si tamen vir est, & non potius Angelus Domini, meo magno bono reperi: quo nec vidi, nec audiui doctiorem, profundiorēq; Theologum, aut tam illustris eximieq; virtutis hominem.* Facile igitur se Fabro, sic æstimato, tradidit Exercitijs S. P. excolendum, & Societati adjungendum. *Orland. hist. Soc. p. 1. lib. 4. n. 34.*

*Canisii nomen  
duplex.*

*P. Petrus Faber  
quantus.*

2. Romæ anno 1590 Claudius Aquaviva Præpositus Generalis dedit Epistolam V. ad Patres & FF. Societatis; de *Orationis & Pœnitentiarum externarum usu in Societate*, juxta Institutum nostrum. Orta enim erant, & invalescebant dissidia inter ipsos Præpositi Assistentes, alijs in diuturniorem orationem & Contemplationem inducendam in Societatem propensis; alijs majorem pœnitentiarum seu Mortificationum externarum rigorem optantibus. Docet ergo Claudius in priorē parte Epistolæ, non solum Orationem exte-

*Epistola P.  
Claudij de O-  
rat. & Pœnit.*



externam & Meditationem, sed etiam Contemplationem Societati convenire. In posteriore refutat errorem eorum, qui ex eo, quod S. Ignatius nullas externas mortificationes Societati designaverit, inferunt: sufficere Nostris solam internam passionum mortificationem. *Habetur ea Epistola inter ceteras Generalium impressas.*

*Eodem die obierunt.*

*Victima charitatis.*

3. Panormi in Sicilia anno 1576, Joannes Antonius Oliverius, Coadjutor, insignis victima heroicæ charitatis, pestiferis impensæ. Præmisit filios duos in Societatem, quibus ne deterior esset, secutus est.

*Moriendi desiderium.*

4. Madriti in Hisp. anno 1577, Dominicus Fernandez, Coadjutor, famulus olim P. Petri Maurique. Cum hunc vidisset Compluti religiosissimè decedentem ex hac vita; petiit ardentè: ut ubi venisset in conspectum DEi, meminisset sui Dominici, in sæculo famuli fidelis, in religione adjutoris impigri. Recepit P. Petrus se facturum. Abierunt aliquot menses; & Dominicus Sanus aliàs ac vegetus, mœrore conficiebatur, quòd prolongatus esset ejus in hac vita incolatus. Causam mœoris petenti P. Procuratori, cui datus fuerat socius, respondit: Jam aliquot abiisse menses, & P. Petrum Maurique, suum in sæculo Dominum, in religione Patrem, non stare promissis. Dixerat: subitâq; febris correptus, & Sacramentis munitus factus est voti & promissi compos.

*Missionarius insignis & perperius.*

5. Hispali in Hisp. anno 1606, P. Jacobus de Guzman, regio sanguine clarus, sed clarior Apostolicis virtutibus. Ante initam Societatem, statim ac sacerdotio initiatus est, nullo admissio beneficio Ecclesiastico, vel dignitate, Apostolicum Spiritum & laborem per varias Hispaniæ regiones diffudit, Catechesim tradendo, & Sacramenta ministrando. Societatem ingressus, idem institutum per omnem vitam tenuit, usq; ad annum ætatis 83, in Italia Romæ & per totam viciniam, in regno Neapolitano, Ducatu Herruriæ, Marchia Anconitana, Insula Corcyra, & in Hispaniæ plurimis diocesisibus. Semper, ad decrepitam ætatem iter pedibus agebat, incredibili cum animarum fructu. Effigiem viri tanti, omnium opinione Sancti, cum magnates quidam pingi curassent, eamq; P. Jacobo exhiberent: turbatus primùm, mox reposuit: *Laudetur Iesus. Ego etiam iudam depictum vidi. Bene est, quod tam genum expositum ejus vultum obtinuerim.* Morti vicinus, cum jubilo & plausu exclamavit: *Venio Domine, venio! Letatus sum in his quæ dicta sunt mihi: in domum Domini ibimus!*

*Effigies propria joco traducta.*

*Mors jucunda.*

IX. MAJI.

*P. Nickel perit Vicarium Generalem.*

1. Congregatio Generalis XI, indicta à Præposito Generali P. Goswino Nickel in diem 8. Maji, inchoata est hoc die an. 1661, elapso Novennio, ab absoluta Decimâ. Actum est in ea inprimis de Electione Vicarij. Cum enim A. R. P. Generalis ostendisset Congregationi: se ob senij gravitatem, & corporis impedimenta, non posse ampliùs tot ac tantis officij sui laboribus parem esse; & eo animi vigore, quo oporteret Societatis gubernationem



nem administrare; ideoq; ultro rogaret, ut Vicarius sibi daretur, vel ad tempus, vel perpetuus, & cum jure; vel sine jure successionis; prout ipsi Congregationi videretur expedire. Congregatio obsequendum duxit voluntati charissimi, optimèq; meriti Parentis sui. Constitutum igitur biduum ad deliberationem de potestate eligendi Vicarij: an eligendus sit cum jure successionis, & cum universali ac libero exercitio potestatis. *Decret. 1. ejusdem Congreg.*

2. Pro Congregatione I. Generali anno 1558, ex Lusitania hoc die adfuerunt, P. Michæl Turrianus Lusitaniæ Præpositus Provincialis, cum 4 Socijs: veneruntq; tantò gratiores, quantò minùs expectati. Turrianus enim cum Confessarius esset Reginæ Christinæ, non credebatur ab ea dimittendus. Sed difficultatem omnem pervicit studium illius erga commune bonum Ordinis. *Sacchin. p. 2. hist. Soc. lib. 2. n. 5.*

3. Potami in Calabria Votum suum exsolvit S. Xaverio Dominicus de Lia, ob sanitatem miraculo sibi restitutam. Cum enim solidis 4 diebus tantis confixus esset doloribus, ut in furem propemodum raperetur: occurrerunt menti, quæ circumferebantur de multitudine gratiarum, quas DEUS Potami passim conferret per Sanctum prædictum. Vovit ergo, non facem vel simile quidpiam, ut multi, sed se per Confessionem conscientiam expiaturum. Auditus est, & sequenti manè integræ sanitati restitutus. *Ex libello Miraculorum Potamiensium pag. 11.*

*Eodem die obierunt.*

4. Antissiodori in Gallia anno 1631, P. Adrianus Chesloy, Gallus: vir sancta simplicitate, rigida paupertate, ac singulari SS. Angelorum cultu adeò clarus; ut *Pater de Angelis* diceretur. Quidquid in laudem SS. Angelorum reperire poterat, legebat, notabat, narrabat: nec ulla recreationis hora ei elabebatur, quin de illis aliquid in medium afferret. Habuit vicissim illos, præsertim Custodem, sibi familiarissimos; sacris operaturum stipabant passim duo, cum è cubiculo ad altare procederet, nec recedebant, nisi sacrificio paractò. Ipsum quoq; Angeliorem Regem, se illi amanter spectandum præbuisse ferunt.

5. Cadomi in Gallia anno 1655, P. Gabriel Potier, à religiosa observantia, modestia, & sui resignatione in Superiorem omnem dispositionem laudatus. Dedit hujus insignis specimen, quando per errorem illi oblata est trium votorum tantum professio. Facile apparebat illi error, quem nominis affinitas cum alio quopiam causerat: dissimulanter tamen modestèq; tacuit, atq; formulam Coadjutorum spiritualium recitavit. Sed errore postea detecto, altero tanto illustriorem edidit 4 Votorum professionem.



Resolutio ad  
mortem oppo-  
tendam ardua

1. **A**Nno 1546, S. Xaverius ex Amboino, regione Molucensi, epistolam dedit ad Socios Goanos, quâ significat, se profecturum in aliam regionem, quæ Maurus dicitur, ferasq; alebat gentes, inter Christianos non paucos. Itaq; inquit, perspicua mortis pericula subire certum est: spem enim omnem in Divina Providentia sitam habeo, & cupio obtemperare illi Evangelicæ voci: *Qui voluerit animam suam salvam facere, perdet eam; qui autem perdidit propter me, inveniet eam.* Ac mihi credite, Fratres Charissimi, etsi hujus sententiæ verba generatim facilia sint ad intelligendum; tamen ubi tempus incidit, cum statuere oportet, tibi pro DEo vitam amittendam esse, & mortis discrimen adeundum: usq; eò eadem sententiâ, etsi clarissima sit, obscura fieri solet; ut is modò eam intelligat, cui pro sua benignitate declaravit DEus. Enimverò istiusmodi temporibus apparet, quàm imbecilla infirmâq; sit natura humana. Dominus nos pro sua immensa misericordia, talibus in rebus ac temporibus ita sua vi confirmet ac roboret: ut fortiter & subeamus omnia, & perferamus. *Epist. veterum lib. 1. ep. 15.*

Commendatio  
eximia Socie-  
tatis à Ferdi-  
nando II. Imp.

2. In Germania Ferdinandus II. Imperator Religiosissimus, ut eximium erga Societatem affectum suum faceret immortalem: Successoribus suis illam obnixè commendare voluit voluntate suprema, verbisq; gravissimis, in Testamenti sui Codicillo, conditi Viennæ anno 1621. Præ omnibus, inquit, serîo & summo perè, cum fervore & zelo, commendamus nostris Successoribus plurimùm Venerandam Societatem JESU, ejusq; Patres, considerando; quantum Ecclesiæ Catholicæ, non solum in his nostris Austriacis regnis & provincijs prosint; quantoq; studio, fervore & fidelitate, pro conservanda, & plantanda ubiq; terrarum Religione Catholica, præ cæteris omnibus laborent; & quòd econtrà huic perverso & ingrato mundo magis sint odiosi, majoresq; persecutiones patiantur, quàm quivis alii; & hinc etiam majore præsidio & protectione indigent, atq; merentur. Quod certè à nostris hæredibus & Successoribus factum iri confidimus. Et hæc est nostra inviolabilis voluntas. In cujus fidem similiter hunc Codicillum propria manu subscripsimus, & nostro sigillo munivimus. *Antonius Quintanadvenas Tom. 1. singular. in Append. Tract. 7.*

Monita pri-  
vata.

3. Anno 1616 à S. Congregatione Indicis prohibitus est Liber, cui titulus: *Monita privata Societatis JESU.* Nadasi in Indice Memor.

4. Hoc die anno 1606 Nostri Venetijs excesserunt Ferrariam, exilio mulctati, quod Pontificijs mandatis paruerint, volentis interdictum servari in



in excommunicatione Venetorum, ex alijs Collegijs alijs diebus exceſſerunt, item ex inſula Creta. Nec revocati noſtri ad ſtatum Venetum, niſi poſt annum unum & ſo. ſub Alexandro VII. anno 1657.

*Eodem die obierunt.*

5. Apud Quitenſes in India Occidentali anno 1649 P. Bartholomæus Polus, Hiſpanus, admirandis in Evangelij prædicatione perfundus laboribus. Tota illi vita ærumnæ fuerunt, pericula, Evangelium & dolores: quibus quamvis ab ineunte ætate acriter exerceretur; impediri tamen non poterat à quærendis indefeſſe animarum lucris.

*Miſſionarius  
actione & pa-  
tientia clarus.*

6. In Nova Francia anno 1652, P. Jacobus Buteux, Gallus, Apoſtolico zelo clarus: quo in mille pericula agebatur, non ſolum non metuens, ſed ridens omnem Hiroquæorum feritatem, & carnificinam; modò Articomegorum populo, quem Chriſto lucrificerat, prodeſſet.

*Securitas in  
periculis.*

7. In Sinis anno 1657, P. Stephanus Faber, Gallus, inter majora Indici Apoſtolatûs lumina cenſendus. In itinere Indico tam eminentis virtutis edidit ſpecimina, ut alter Xaverius diceretur. Cùm in Japoniam penetrare non poſſet, ad Sinenſes diverſit, apud quos tam avidè audiebatur: ut arbores conſcenderentur ad eum videndum & audiendum. Miſſionum difficillimas ſibi depoſcebat; flumina, ut erat veſtitus, pedibus transmiſſebat in pontium defeſtu, nec ſiccatis veſtibus iter proſequabatur. Majorem noctis partem orando ducebat tanto ardore, tamq; accurata corporis compoſitione: ut obſervatus à quodam principe Tartaro, Imperatoris conſanguineo, eundem permoverit ad fidem amplectendam, qui antè nullis rationibus expugnari poterat. Rogatus, ut modum poſſeret ſævitiæ in corpus ſuum, reſpondit: *Culibet notum eſſe debere, quantum ſerre poſſet jumentum ſuum.*

*S. Xaverius  
Æmulus.*

*Oratio nocturna  
efficax.  
Mortificationis  
rigor.*

## XI. MAJI.

1. **E**Xacto biduo, in Congregatione Generali XI, conſtituto ad deliberandum; an cum jure ſucceſſionis, & uſu plenæ poteſtatis eligendus eſſet Vicarius Generalis, deſideratus à R. P. Goſwino Nickel Præpoſito Generali: in eam ſententiam iverunt ſerè omnes, ut eligeretur cum jure ſucceſſionis, & cum univerſali ac libero exercitio poteſtatis. Quod ut ritè fieret, decretum eſt: ut à Summo Pontifice, Alexandro VII, nomine Congregationis & Patris Generalis, peteretur Apoſtolica benediſtio, & facultas, quatenus opus eſſet. Quæ perlibenter conceſſa ſunt, lectumq; Breve Pontificium in Congregatione. *Congr. XI. decr. 2. 4. & 6.*

*P. Goſwino  
Nickel datur  
Vicarij Gene-  
ralis.*

2. Anno 1647 P. Vincentius Caraffa literis ad Provinciales datis, ſignificavit: Decretum 24. & 27. Congregationis VII, de pileo Clericali à Coadjutoribus temporalibus non geſtando, à Cardinalibus juffu Pontificio congregatis, expenſum, & tam ab ipſis, quàm à Pontifice approbatum eſſe, *Nadaſi in Ind. Memor.*

*Pileus clericali-  
ſus abrogatus  
FF. Coad.*



*Eodem die obierunt.*

*Primus apud  
Sinas domici-  
um figit P.  
Ruggerius.*

3. Salerni in Italia anno 1607, P. Michæel Ruggerius, Italus: qui primus Evangelicorum præconum, magnâ industriâ penetravit in Sinas, & stabile ibi fixit domicilium, insigni morum comitate prudentiâ, & longanimitate, Magistratum Sinensium aucupatus favorem. Inde in Europam remeavit difficillima navigatione: ut Sinensem Missionem Sedis Apostolicæ autoritate ac operâ promoveret, firmaretque. Verùm placuit Providentiæ divinæ strenuum operarium in Europa evocare ad stipendia, Atlanti suffecto Hercule, qui sequitur.

*Sinensis Eccle-  
sia P. Rucius  
maximus pro-  
motor.*

4. Pequini apud Sinas anno 1610, P. Matthæus Riccius, Italus: qui Missionem Sinensem auspiciatus cum P. Ruggerio, eandem admirandâ prudentiâ, solertiâ, fortitudine ac felicitate promovit, solidâq; vitæ sanctimoniâ, & rerum Mathematicarum peritiâ doctrinâq; stabilivit. Afflictis aliquando rebus, & famâ virâq; ejus periclitante, supplex recurrit ad DEiparam V. ut provideret. Providit illa. Nam postridie tres viri graves, testificatione rite deposita, fecerunt: ut absolveretur crimine falsi, & è custodia liberaretur, non sine encomio. Plura de illo sparsim hic dantur. Post mortem non semel P. Julio Mancinello, notæ Sanctitatis viro, gloriosus apparuit; meritò celebrandus ut Sinarum vel Apostolus, vel Doctor, Mandarinorum honore apud illos donatus.

*Calumnia op-  
B. V. dissipata*

*Missionarius  
incorruptus.*

5. In regno Peruano anno 1609, P. Ildephonsus de Miranda, Hispanus, indefessus illius vineæ per annos 40 cultor, pauperum amore, & liberali erga ipsos studio clarus, Virtuti ejus non vulgari testimonium luculentum dedit defuncti cadaver per menses 16 sepultum, & viva calce obrutum, sed prorsus incorruptum.

6. Ulyssipone in Lusitania anno 1644, Dominicus de Cunha, Coadjutor, Lusitanus. Pietate & pingendi arte insignis, nihil felicius quàm perfectum Religiosum in se ipso expressit. Dæmonum graves infestationes perpeffus, tandem cœlestibus solatijs omnino diffluere visus est, ac divina pati. Obedientiam semper sibi charissimam, studiosissimè colere cœpit: postquam è manibus Patris Provincialis Sacram Communionem sumens, vidit faciem ipsius simillimam vultui Christi, qui se ei non semel spectandum præbuerat. Tunc enim in superioribus suspicere Christum, perfectiùs didicit.

7. In diem hunc Anno 1716 in Neapolitana domo Professorum, incidit felix ad meliorem vitam transitus P. Francisci de Hieronymo. Ad obeundas in Regno Neapolitano Missiones destinatus à superioribus, cùm Indias nequicquam antea flagitasset, sic versatus est in hoc laborioso Missionum campo per annos 41 inter incredibiles ærumnas, contradictiones, & pericula, quæ invicta fortitudine & constantiâ superavit, ut messem copiosam animarum, & Divinæ gloriæ, nec minorem palmarum, ac meritorum collegerit. Egregias ejus virtutes, ac præsertim sui, rerumq; humanarum contemptum; amorem DEI & proximorum, coronarunt insignia Numinis munera, donum prophetiæ, discretio spirituum, interior notitia, ac velut aspectus animorum, crebritas & magnitudo miraculorum, in quibus mortui plures ad vitam revocati numerantur. Privata nostrorum & publica populi voce, admiratione, ac veneratione vir Apostolicus, ac verè Sanctus semper est habitus. Laboribus dum confectus & voluntariis, quibus sese discruciat, & illibatum Virginitatis flo-

rem



rem servavit, pœnis; mortem à se non semel prædictam obiit anno ætatis 74 ab inita Societate 46. Mortuum secuta sunt, quæ vivum ubiq; comitabantur miracula; Claudi, Muti, variis membris capti, ejus nomine invocato, aut contacto corpore, sanitatem sunt consecuti. Hæc prodigia & Beneficia, non solum toto Regno Neapolitano, verum etiam transmissis longe in Germaniam illius reliquiis diffusa latè sunt, & propagata.

## XII. MAJI.

1. **A** Nno 1590 P. Claudius Aquaviva Præpositus Generalis dedit epistolam ad Provinciales Societatis, *de Jubileo & Missionibus*. Quà hortatur, ut concessum à Summo Pontifice Jubilæum, curent à Socijs absolvi singulari pietate; ut ipsi quodammodo compensent, quod non præstant homines sæculares ad avertendam iram & pœnas Divinas. Deinde vult, ut in eundem finem instituuntur, in singulis provincijs Missiones à 12, vel saltem 6 Missionarijs, qui cum bona Loci Ordinariorum venia, concitent populum ad pœnitentiam, sparsi per totam provinciam bini & bini &c. *Habetur inter Epistolas Generalium.*

*Missionarij Socijs  
tempore Jubilei.*

2. Alteram dedit idem Epistolam hoc die ad Provinciales, *de Modo instituendarum Missionum*, anno 1599; qua ordinat imprimis: ut quotannis Missionem aliquam obeant singuli Sacerdotes, exceptis ijs, qui vel infirmitate, vel alia iusta ratione impediuntur. Primi autem in hoc genere debent esse Professi, ad quos vel maximè spectat hoc Exercitium. Mittendi sunt bini & bini, & quo ad fieri poterit, pedibus iter faciant. Qui propter ætatem, valetudinem, vel alias occupationes obire non poterunt Missiones longiores: non idcirco prætermitti debet, quin breves saltem suscipiant paucorum dierum, & in locis propinquioribus, juxta vires & facultates uniuscujusq;. Viçtus Missionariorum prædictorum sit ex Eleemosynis oblatis, vel impetratis &c. *Habetur ibidem.*

*Sacerdotes omnes quotannis aliqua Missionem fungantur.*

3. Potami in Calabria hoc die vota sua persolverunt S. Xaverio, imprimis parentes pro reddita sanitate filiolo; deinde uxor pro marito à summo morbo liberato. Ultraq; gratiam juramento firmarunt. *Ex libello Miracul. Potamien. 111. & 112.*

*S. Xaverius duobus reddit Sanitatem.*

### *Eodem die obierunt.*

4. Moguntia in Germania anno 1607, P. Conradus Onneking, Germanus, animarum convertendarum zelo, ac DEiparæ V. cultu celebris. Conciones suas submissis genibus scribebat. Rogatus aliquando, cur tanta contentione desudaret, non data corpori necessaria quiete? respondit: *Et quorsum tandem ad Societatem veni? Et iterum: Deus bone, quanti est, vel unicam animam lucrificare, & inferno eripere?*

*Conciones florentino scripta.*

*Laborandum in Societate.*

5. Mussiponti in Lotharingia anno 1631, Mathias le Coussi, Lotharingus Coadjutor



*Sors super Mathiam iterum cecidit.*

adjutor mirabili sorte ad Societatem vocatus. Famulus cum esset Trevirensis Collegii, iussus est comitari quendam, ad tyrocinium Societatis proficiscentem, qui P. Provinciali Franciæ commendabatur à Rectore Collegii, sed non appposito nomine hominis in literis. Per iter candidatum illum pœnituit propositi, tradiditq; literas Mathiæ, deferendas ad Præpositum Provinciale: ipse aliò iter flexit. Ita cecidit felix sors & super hunc Mathiam. Provincialis enim acceptas literas ratus de ipso loqui, eum benignè accepit, rogavitq;: num ad DEi gloriam cuperet in Societate vivere? Mirantem, & annuitem, nec satis capientem sortis suæ, nunquam cogitatæ, felicitatem, adoptavit in Coadjutorum temporalium numerum. Bene usus est sorte sua Mathias, semperq; dignè vocatione sua ambulavit. Solemne illi fuit, obtestari Socios Coadjutores, ut Patres & Scholasticos honorarent. Vitâ functus, visus est cœlesti luce circumfusus, & auditus dicere: *Bene secum agi.*

### XIII. MAJI.

*Gregorijs XIII electio in summum Pontificem*

1. **A**uspiciatissimus illuxit hic dies Ecclesiæ Christi, & minimæ ejus Societati. Post beatum enim Pij V. obitum, anno 1572, altero die à conclave ingressu, qui erat 13. Maji, à quinquaginta duobus Cardinalibus, uno omnium consensu, electus est in Pontificem Max. Hugo Boncompagnus, Bononiensis, anno ætatis 70, Juris scientiæ & professione clarissimus, administratq; cum laude variis magistratibus & Legationibus conspicuus, dictus Gregorius XIII: qui se erga Societatem tam benevolam, beneficumq; constanter exhibuit; ut nec quid majus ab illo concedi, nec à Societate optari potuerit. Cum quidam parum benevoli coram SS. Pontifice indignarentur; à Societate tanta bona, Ecclesias, & Monasteria possideri; respondit Ille: perpauca esse; optare se, ut longè plura & ampliora essent, quò plures vineæ Domini cultores strenui & utiles alerentur. *Histor. Soc. p. 3. lib. 8. num. 20. De electione Spondanus ad annum 1572.*

*Eodem die obierunt.*

*Orationis studium & fructus. Daemon monialem induit.*

2. Berlangæ in Hispania anno 1578, P. Rodericus Hurtadus, heroicâ patientiâ & orandi studio maximè insignis: quo id videbatur consecutus, ut omnia posset. Orantem reperit aliquando Trojanus Episcopus, in aëre sublimem eo situ, acsi in lectulo jaceret. In Sacrificio Missæ sæpe patiebatur divina, sui minimè compos. Dæmones habuit sibi infestissimos. Fuit, quando conclave suum ingressus, reperit ibi monialem eleganter comptam, & blandissimis verbis se compellantem. Advertit, quod erat: & præcipiti fugâ ad tabernaculum Eucharisticum se recepit.

*Excitator accitatus.*

3. Lovanii in Belgio anno 1610, Joannes Thenensis, Coadjutor, Belga. Per ipsos 30 annos Excitatoris munere, perdiligenter functus; absq; ullo excitante instrumento, quamvis ad somnum pronior esset, expergiscebatur. Quod beneficium Angelo Custodi in acceptis referebat, cui se ante somnum diligenter commendabat. In morbo gravi & diuturno insignem prodidit animi fortitudinem, quando ferro & igni sæpius in c. o grassabatur chirurgus, Interim enim precatoriosolvebat globulos

*Pati suavis.*



bulos & subinde auditus est dicere: *Nunc demum scio, quàm suave sit pati.*

4. Hispali in Hisp. anno 1649 Gregorius de Arrogo, Coadjutor. Postquam annos 44 in corroganda pro Hispalensi domo Professa eleemosynâ insumpsit, occubuit in obsequio pestiferorum, duplicis charitatis laureâ donatus.

*Victima charitatis.*

#### XIV. MAJI.

1. **A** Nno 1544, dedit S. Xaverius Tutucurino epistolam ad P. Mansillam, qua monet: ut patienter ferat & mores & errores illius gentis, nec frangatur mole occurrentium negotiorum. Etiam atq; etiam, inquit, oro te: ne stomacheris miserâ isti genti, quocunq; illa vel errore, vel lapsu, bilem irriter tuam. Scio esse molestissimam interpellationem avocantium à negotio, in quo totus sis, ad sua, quæ unice spectant, commoda. Sed & istas importunitates concoque, sereno perstans animo, & occupationibus se undiq; oggerentibus te placide commodans. Deo Domino nostro multas gratias debes, & referas, censeo: quod te ibi posuit; ubi, ne volenti quidem, otioso esse liceat. *Epist. novarum lib. 1. epist. 7.*

*Importunus hominum accursus tolerandus operarijs Evangel.*

2. In Gallia anno 1610 funestissimo casu sublatu est Henricus IV. rex, Magni nomine merito honoratus, beneficentiâ erga Societatem æternum memorandus. A sicario mentis impote, cultro percussus in rheda, cum per urbem Parisiensem veheretur, maximo Gallix & Societatis luctu, confestim decessit. Ex decreto jam ante edito, quo contestari voluit suum in Societatem cordatum animum, Cor optimi regis Flexiam in Andibus delatum est, & in templo Collegij ab ipso regie fundati, tumulatum. *Spondan. ad annum 1610. n. 3.*

*Henricus IV. rex Gall. cor suum deponi voluit in templo Societatis.*

3. Potami in Calabria anno 1652 juratum testimonium deposuit, & promissum Sacrificium fieri curavit, voti reus Laurentius Manna: quod à lethali paroxysmo febris cum pleuritide, per S. Xaverium fuerit liberatus, & statim à voto concepto, integræ sanitati restitutus. *Ex libello Miracul. Potamien: pag. 14. n. 19.* Alij quoq; duo jurati professi sunt eodē die, sanitatem miraculo sibi restitutam ab eodem Divo Apostolo, *Ibid. pag. 15. & 16.*

*S. Xaverius curat lethaliter infirmos.*

*Eodem die obierunt.*

4. Ulyssipone in Lusitania anno 1563, P. Gonfalus Vaz de Mello, Lusitanus, eloquentiâ sacrâ præstans, & efficax, præsertim ad impellendos Auditores in claustra religiosa. Præter alios religiosos Ordines, ad Societatem impulit triginta duos, spatio dierum triginta. Missionem quandam cum obiret, precesq; ad Desiparam V. funderet: meruit: eandem habere itineris comitem. Vidit eam & Socius, æquis passibus in sublimi procedentem cum P. Gonfalso.

*Concionator efficax.*

*B. V. itineris comes.*

5. Hispali in Hisp. anno 1578, P. Joannes Altobodus, ex Mauris oriundus Grænatæ.



*Operarius strenuus.*

*Providentia divina.*

nata. Totus incubuit, Apostolico planè zelo, in conversionem gentis suæ, spretis omnibus periculis, & adhibitis omnibus sibi possibilibus mediis, admirandâ efficacîâ. Illius instructioni passim committebant Magistratus plectendos reos, Parochi pueros & rudes, Tribunal S. Inquisitionis obstinatissimos apostatas, hæreticos, & infideles. Quàmvis verò ipse intrepidus caput suum objiceret quibusvis periculis: DEo incolumitas ejus curæ fuit. Eductus aliquando media nocte è Collegio, à Mauris in ejus necem conjuratis, tanquam ad juvandum moribundum; cùm pervenisset ad locum secretum, ejus neci destinatum: subito à conslernatis divinitus, & diffugientibus Mauris relictus est. Dum ergo Collegium repetit, audit ex obscura valle gemitus hominis moribundi. Accurrit; Maurum reperit in agone positum, pœnitentiam persuadet, & mox ad cœlum transmittit expiatum. Maurus alter, reprehensus à Patre quòd fœda colloquia narium mutilationem ei minatus est, ni facesseret. Sed sequenti die coortâ rixâ, naribus propriis est truncatus. *Tanner. in Soc. Apost. Imir.*

6. Tolosæ in Gallia anno 1636, P. Joannes Arnoux, seu Arnulphus, Gallus, Ludovici XIII Ecclesiastes & Confessarius religiosissimus. Testatus de illo est Cardinalis Ubaldinus, coram P. Aloysio Albritio; se, cùm in Gallia Nuncii Apostolici officio fungeretur, neminem novisse; cui plus isthic deberet Ecclesia, Parisiis, Gratianopoli, & Tolosæ quàm P. Arnulpho. Pro Societate quoq; multa præclarè ab illo perfecta, sive cum Domiciliis, sive cùm Provinciæ præflect.

## XV. MAJI.

*Carthusiani PP. Societatem ad merita sua admittunt.*

I. Anno 1544 Venerabilis PP. Carthusianorum Ordo, datis ad S. P. Ignatium literis, Societatem impensè extollit, eiq; meritorum suorum omnium participationem concedit: ut Societas tantò efficacius procedat in promovenda DEi gloria & animarum salute. Literas recitat Orlandinus *p. 1. Hist. Soc. lib. 4. n. 107.*

*Paulus V. creatus Pontifex Max.*

2. Anno 1605 Paulus V, antea Camillus Burghefius, creatus est Pontifex Summus: quem rerum agendarum magnus usus, zelus honoris DEi, & Ecclesiasticæ libertatis, singularis morum comitas & integritas cum insigni in omnes beneficentia egregiè commendabant. Opportunissimus accidit idem litigantibus de Auxilijs Gratiæ: cujus causæ & plenam habuit cognitionem, utpote qui Concertationibus sub Clemente VIII. habitis plerumq; interfuerat; & acri pollebat judicio, atq; inflexibili æquitate animi;

*Opportunus disputantibus.*

*De Auxilijs gratia.*

adèd, ut pro hac finienda lite, vocatus ad tantæ dignitatis apicem divinitus videretur. Tria præstitit in hac causa pro parte Societatis 1. Quod non præcipitârit decretoriam sententiam, prout adversarij optabant & urgebant: sed non paucis adhuc concertationibus locum dedit. 2. Quod Prædeterminationes physicas in Examen adduxerit. Quod finem altercationibus tandem imposuerit, permilla Molinæ & libro ejus, omni indemnitate. Prodidit & multis aliis argumentis propensissimum in Societatem affectum Pontifex



tifex Optimus. *Spondanus ad annum 1605. Eleuther. hist. de Aux. l. 6. c. 1.*

*Eodem die obierunt.*

3. In Æthiopia anno 1597, P. Franciscus Lupius, Lusitanus, Patris Andreæ Oviedi, Æthiopiæ Patriarchæ, socius & laborum consors per ipsos 29 annos. Lupij virtutem primis quibusq; heroibus æquari posse, concors erat sententia Catholicorum: Corpus ad laceram tantum pellem & ossa redegerat per inediam & verbera perpetua. Omnia, quæ habuit, dedit pauperibus, etiam pallium, exemplo S. Martini discissum. Et quia isthic indecorum non est, sine tunica superiore, internâ tantum subuculâ uti, tunicam quoq; divisit in plures. Lectus illi nudum solum erat: nam & saccum, ad eum usum sibi datum, ægro humi cubanti, donavit. Sed DEUS tam nudè pauperem, non semel inter orandum & sacrificandum, cælesti luce vestivit, & solis instar splendere fecit. Mortem post biennium à se oppetendam; & post annum à morte sua, adfuturum alium, qui in illis terris sacra ministraret, ex vero prædixit.

*Mortificatio rigida.*

*S. Martini exemplum renovatum.*

*Paupertas honorata.*

4. Augustæ in Germania anno 1623 P. Gregorius Roseffius, Germanus, P. Petri Canisij in Cathedra Viennensi successor, & in concionandi virtute suppar. Pleraq; Societatis domicilia per Germaniam nascentia, singulari sua industriâ juvit: Romam quinque à Provincia sua missus. Hæreticorum manubijs gloriosus, cum ad metam pervenisset, in extremi morbi doloribus orandi studium pro antidoto habuit, illa identidem ingeminans verba: *Da Domine patientiam, & auge dolorem.*

*Patientia & dolorum avidas.*

5. In Collegio Pacis Provinciæ Peruanæ anno 1614 P. Gabriel de Baeza, Hispanus, laboribus Indicis per ipsos 42 annos maximo fructu exantlatis, clarus. Oratio ejus ita ardebat: ut subinde pannis frigida madidis pectus refrigerari debuerit. Perpetuo cilicio, & cruce aculeis ferreis aspera, virginitatem suam armabat. Non raro illi DEO cordi secreta aperiebat. Exequias ejus omnes Ordines religiosorum celebrârunt: mendici celebrato senaculo constituerunt; Benefactori suo eximio gratitudinem testari novendialibus sacrificijs, communi ære procuratis

*Oratio ardens.*

*Exequia à mendicis procurata*

6. Horodeci in Litvania anno 1657 P. Simon Maffon, Litvanus. Societatem quam ardentem expetijt, tam liberaliter juvit opulento patrimonio suo. In Missione Horodensis, quam Apostolico spiritu obibat, à Schismaticis & hæreticis Cosacis comprehensus, clavis ferreis per coxendices adactis, tabulæ affigitur, affixo nervi ex collo extrahuntur, corpus crudeliter flagris conciditur, demum caput amputatur. *Ex Annis.*

## XVI. MAJI.

1. **A**Nno 1650 RR. PP. Carmelitæ Discalceati, in Conventu Generali Romanæ celebrato, egregium dederunt testimonium suæ erga Societatem benevolentiae: quando communi decreto damnârunt plagij & malæ fidei authorem, qui in quadam editione vitæ S. Theresiæ V. omisit omnia, quæ ab ipsa dicta vel scripta sunt in commendationem Societatis. Accepimus, inquit, scripta S. Matris nostræ Theresiæ edita esse truncata, quo ad illa omnia, quæ spectant Societatem JESU, ita ut cum & in manuscriptis Codicibus plerisq; & in plerisq; Exemplaribus pridem editis, ac in ipsomet S. Matris

*Carmelitarum Discalc. decretum contra authorem, qui in Editione Vitæ S. Theresiæ omisit ea, quæ sunt in commendationem Societatis.*

A a

con-



contextu Originali, omnia illa, quæ notantur in Libro, cui titulus Gloria S. Ignatij (*compositus à P. Nicolao Lancicio S. I.*) exarata inveniantur: tamen in ea editione, de qua dictum est, omnia fuerint erasa. Hanc infidelitatem editionis, non tam Societati JESU, quàm S. Matri injuriosam, omnino improbamus, & à nobis non esse profectam testamur: quin imò si quis ex Ordine nostro deprehenderetur, tale quid admisisse, aut fieri curasse, impunitum non debere esse, decernimus. Ipsam quoq; editionem truncatam, in usum nostrorum esse, prohibemus. Propositionem hanc Capitulo nostro Generali propositam, & per acclamationem omnium approbatam testamur. Die 16 Maji, 1650. P. Franciscus à S. Sacramento, Præpositus Generalis, *Bartholi in Vita S. Ignatij lib. 2. n. 47.*

Tribulationis  
& vinculorum  
amor.

2. In Italia anno 1564 cum P. Christophorus Rodericius, vir Apostolicus, accepta à S. Quæstoribus & Episcopis potestate, varias lustrat dioeceses, & à Waldensium ac Lutheranorum erroribus purgat: dignus habitus est, qui Apostolorum exemplo, pro JESU nomine, & animarum salute contumeliam aliquam pateretur. Comprehensus enim à Neapolitani Proregis, malè informati, satellitibus, ducebatur ad ejusdem tribunal. In itinere ubi devenerunt ad urbem S. Severi, Pater sitientissimus opprobrij & crucis, serio rogavit Satellites, ut vincula sibi injicerent, vinctumq; de more traderent Præfecto urbis. Sed plus ab illis expertus est humanitatis, quàm crudelitatis. A Præfecto quoq; & ipso humaniter exceptus, re intellectâ, honorificè dimissus est, *Sacchin: p. 2. hist. Soc. lib. 8. n. 44.*

*Eodem die obierunt.*

In templo assidue.

3. Forlivii in Italia anno 1617, P. Joannes Dionysius, Italus, pietatis officiis tam addictus, ut fere in templo habitaret. Lingua illi verborum parca, oculi semper modesti, cor præsentis DEi cogitatione collectum. De V. DEipara, & S. Ignatio ita loquebatur: ut compluribus fidem fecerit: ipsos illum suo conspectu dignatos fuisse. Episcopus Forlivienfis à moriente, licet ægrè, benedictionem extorsit. Ubi autem mortuum audiit, humi prostratus, fronte in terram demissa, misericordiam DEi per P. Joannis merita imploravit: quam non pauci in variis necessitatibus se consecutos, sunt fassii; alii futura sibi ex vero prædicta, retulerunt.

Sermo de B.  
V. & S. Ignatio.

Conscientiæ director divinus  
destinatus.

4. Brunsbergæ in Prussia anno 1650, P. Simon Berent, Prutenus. vir veteris ævi, & sacris missionibus, quæ per aulas, quæ alibi exercendis, præstans. Nonneminem gravibus vitiis intricatum, divina Bonitas ad P. Simonem direxit, à quo expeditur, & conscientiæ tranquillitatem consequeretur. Curru verso miserè allisus, confractis sex ossibus, fortissimæ patientiæ egregium documentum dedit.

5. Placentiæ in Italia anno 1621, Ægidius Claromontius, Italus, Scholasticus, à teneris perpetuo patiendi desiderio ardens. Quem vitæ statum esset amplexurus, prodidit puerulus: quando cum aliis domesticis, more consueto, Litanias de Omnibus



bus Sanctis recitans, semper addidit; *Sancte Ignati ora pro nobis*; quamvis nec de S. Ignatio, nec de Societate, quidquam adhuc audivisset. In tyrocinio coram aliis Novitiis rogatus à Magistro Novitiorum, quoties eo die voluntatem suam mortificasset? Rubore suffusus, recensuit Rosarii globulos, quibus notaverat eos actus, dixitque: duo de vigesies id factum. Desiderii sanguinem fundendi pro Christo, aliquatenus se compotum factum, gavisus est, quando effluvio sanguinis per nares, se extingvi sensit. Compatientibus reponebat: *Sinite sanguinem meum exire: DEVS illum sic vult habere. Sit benedictus.*

6. Hac die anno 1657, P. Andreas Bobola claro genere in Polonia ortus, vitæ Apostolicæ cursum, dato gloriosè pro Christo sanguine terminavit, indefesso viginti annorum labore, & insatiabili dilatandæ fidei zelo, Pinscensis Apostoli nomen promeritus. Totam eo anno Regionem Cosaci Schismatici devastabant, ac sacrorum stragem, necem Sacerdotum in suis numerabant victoriis; cum in istos immanes lupos Pater Bobola, tanquam innocens agnus, incidit; læti deprehensâ, quam instar multarum censebant, prædâ, irruunt, ac minis atrocibus percellere conantur, ut Catholicam ejuret fidem. Minis inanibus addunt verbera, & spoliatum vestibus, alligatumque palo, flagris crudelem in modum lacerant: evellunt unguis: dentes excutunt, cutem manibus detrahunt. Ubi nihil tot cruciatibus proficere se vident, ad vicinum oppidum Janoviam inter duos equites, & repetitos bipennis ictus, pertrahunt. Illic carnificinam priorem redintegrant: inaudita rabie oculos exsculpunt: aures, naresque rescindunt, cumque tot suppliciiis fidem ab invicto pectore non possent avellere, saltem suavissima JESU & MARIE nomina, quæ appellare non cessabat, tentant abrumperè, avulsâ lingvâ. Iis implorandis, post acceptum in capite geminum vulnus, immortalis est. Quam pretiosa in conspectu Domini fuerit vita, & mors Patris Andree, declararunt continua illustria prodigia, quorum centum & sex ritè literis sunt consignata, & pleraque studio atque autoritate Alexandri Wyhowski Luceoriensis Episcopi, recognita, approbata juratisque testimoniis confirmata. Iisdem cumulum, & fidem addit corpus labis omnis & corruptionis expers; quod ornatiore tumulo compositum, novis indies miraculis celebratur.

7. Hispali P. Antonius Cordesius 1601. Hoc anno gravissima pestis Hispaniam depopulata, Hispalim corripuit immanitate tanta, ut paucis mensibus hominum triginta millia consumpserit, non sibi temperavit Cordesius, quin egregiam deposceret provinciam, quamvis annum ageret octogesimum tertium, vixque moliri gradum, senio tardante, posset. Instanti concessum fuit, ut federet in templo, audiendis, qui peccata confiterentur, ægris: quorum pestifer halitus victum brevi, seu potius victorem hoc die oppressit. Hujus præclaræ mortis præmio dignum se jam præbuerat Gandiæ, cum ante paucos annos ibi pestilentia desæviret. Socijs per urbem latè sparsis, nullum ipse sibi delegerat locum, ut ubique adesset. Vicos pro more obeunti lacrymabilis pueri gemitus ad aures accidit. Domum, unde vox oriebatur, observatam cernens, per fenestram assilit; videt infantem peste tactam, cujus ad latera mortui pater & mater jacebant. Tollit parvulam ovem in humeros & foemina prætereuntis, ac filiolum lactantis, sinu reponit, orans ut etiam hanc educaret, cohorruiet mulier, & egone, inquit, alere istam possum? quid vir meus dicet, cum hanc pedem ædibus nostris inferam? cui pater, arcano instinctu motus, & puellam brevi

*Devotio erga S. Ignatium.*

*Mortificationis usus frequens.*


*Conformitas voluntatis cum divina.*

*P. Bobola víctima fidei.*

*Victima charitatis.*

*Facinus hereticum.*





salvā, & universā ipsius familiā incolumem, si hanc reciperet, fore promittit. Promissa cœlum sanxit. Aliquando nobilis matronæ, sibi ac filiis suis fame confectis opem imploranti, partem non modicā paratæ cœnæ ferri iussit, ac reversus in cubiculum, trecentos aureos nummos in mensula numeratos reperit. Nostis per annos amplius 40 præfuit.

*Liberalitas remunerata.*

## XVII. MAJI.

*Gregorius XIII. liberat Societatem à choro, & approbat Vota simplicia.*

**R**ecenter creatum Pontificem Maximum, anno 1572, Gregorium XIII, reverentiæ gratiā convenit P. Hieronymus Natalis, Vicarius Generalis, petiitq; humiliter: ut sua Sanctitatis operâ Societatis uti, & ejus Institutum gratiosè confirmare dignaretur, atq; in integrum restituere. Quamvis enim ejus Prædecessor, B. Pius V, non solum benevolentissimum, sed etiam beneficentissimum se exhibuerit Societati: quia tamen alterius Ordinis disciplinam à juventute imbiberat: Chorum in eam induxit (quamvis sine cantu, & Scholasticis ab eo exceptis) & Vota simplicia, quæ post biennium tyrocinij emittuntur, non probavit, constituitq; ut nullus Religiosorum ordinaretur, nisi Professione solemni facta. Natalis contrà copioso, solidoq; scripto demonstravit: quàm inconveniens esset Societati Chorus; quàm convenientia, & nemini injuriosa, Vota simplicia. Pontifex negotium cognoscendum commisit Cardinali Borromæo, qui adhibitis tribus alijs præcipuorum Cardinalium, cum rem totam seriò discussisset, ex sua & illorum sententia pronunciavit: nihil videri innovandū circa Institutum Societatis, à Paulo III, Julio III, & Concilio Tridentino confirmatum, & ipso usu præclareq; gestis roboratum. Gregorius ergo Societati restituit Jura sua, tantorum virorum judicio ornata, & Borromæi sanctitate commendata: & sic abrogatus est chorus, Vota simplicia retenta, & susceptio sacrorum Ordinum permessa ante solemnem professionem. *Sacchin. p. 3. hist. Soc. lib. 8. n. 11. & seqq.*

### *Eodem die obierunt.*

**B. V. encomiū in quavis concione. Statuā B. V. objectā defenditur ab incendio Collegium.**  
2. Jaroslaviæ in Polonia anno 1647, P. Albertus Wiglocki, Polonus. Cum Ecclesiasten ageret, nullam instituebat, adornabatq; concionem, quam non condiret aliquo DEiparæ V. encomio. Per omnem vitam è collo gestabat effigiem geminam, alteram Christi Patientis, alteram Virginis Matris condolentis. Hinc illi nata filialis erga illam fiducia, quam declaravit coortum præmisliæ incendium. Cum enim ingens flammarum globus è civitate ardente deferretur ad Collegium: P. Albertus ardentem DEiparæ statuam flammis opposuit, Sociosq; iussit esse securos. Et præstitit Virgo indemne Collegium, flammis repente avertis.

3. Romæ anno 1658 Jacobus Goffeti, Italus, Coadjutor; quem P. Mutius Vitelleschus, Præpositus Generalis Angelum Custodem Domus Professæ Romanæ appellabat.



labat. Omnium testimonio nihil notatum in illo reprehensione dignum; omnia non vulgarem laudem promerita. Callosæ manus in fabro murario indefesso, summa in vestibus cubiculog; paupertas, continuus orationis cum labore nexus, humilis & promptissima obedientia, ardens erga Ven: Sacramentum Eucharistiæ pietas conciliârunt ei elogium Viri admirabilis, & absoluti Fratrum Coadjutorum exempli.

*Coadjutorum exemplar.*

4. Ibidem anno 1606, P. Nicolaus Orlandinus, Italus, primus Historiæ Societatis Scriptor; quàm elegans stylo, tam candidus ingenio & moribus suavis. Vix ad medium Partis Primæ pertigerat, cum sensit se viribus & valetudine destitui, quâ semper utebatur tenui. Desperabant Socii de prosecutione operis: at historicus confidebat; S. Patrem, cujus gesta scribebat, nullo modo commissurum, ut opus maneret infectum. Nec fefellit eum fiducia. Brevi redierunt vires, & repetitus est labor, qui cum ad metam feliciter pervenisset, rediit languor, & quies æterna. *Soutvellus in bibl. Soc.*

*Historia Societatis primus scriptor.*

# XVIII. MAJI.

1. **A**Nno 1653 Neapoli, in sacello S. Xaverij, quod est in templo Domus Professorum Societatis, S. Xaverij coram DEipara V. flectentis imago, visa est oculos nunc sursum erectos, nunc deorsum dejectos habere, ac vultu velut mortuali mœrorem præ se ferre. Alius in ejusdem fronte collucentem stellam quandam, alij alia videre: de quibus longum testium quorundam juratorum, catalogum se vidisse testatur Nadasi *in Indice memoriali.*

*S. Xaverij imaginis varius aspectus.*

2. Apamijs in Gallia anno 1561 tanto studio pro re Catholica contenderat P. Joannes Pelletarius: ut gravi ægitudine prostratus jaceret. Advocavit autem hoc die ingens armatorum hæreticorum turma, & semivivum DEi famulum, lecto extractum, abripuit in oppidum vicinum, coniecitq; in vincula. Sed etiam ibi verbum DEi non fuit alligatum. Multis, à quibus invisebatur, saluti fuit Pelletarius; quibusdam etiam Catholicis presbyteris doctrinam de Sacramentis explicabat: donec à Tolosatibus in urbem ductus est, ubi securior ab hæreticorum insidiis esset. *Sacchin. p. 2. lib. 5. n. 187.*

*P. Pelletarius in vinculis prædicat.*

3. Romæ tyrocinium Societatis, anno 1570, tandem ingressus est Franciscus Bencius, Italus: qui Romanum Collegium Musarum suarum elegantia eximie ornavit. Vocatio ejus ad Societatem fuit non vulgaris. Quàm primùm scholas nostras est ingressus, & cum nostris agere cœpit: subiit mentem ea cogitatio, *Et tu de illis eris*; vellicabatq; identidem animum. Sed ille se ad curas alias transferebat, atq; ut remotior à Jesuitis esset, ad publicum urbis gymnasium divertit. Sed durum illi fuit contra stimulum calcitrare; quidquid Franciscus ageret, pungebat ille conscientiam, sed vulnus dissimulabat iste; donec post mortem matris mœrore obrutus, cogitaret;

*Tergiversatio in vocatione ad Societatem.*



*Christi benig-  
nitatis.*

quid, unde, solatij deinceps habere posset? Inter hæc objicit se illi Christus è cruce pendens; à quo dum supplex òpem petit, agnoscit per lumen interius, quid Christus à se desideret: totum proinde se illi offert & tradit. Sed mox, recurrentibus terrenis illecebris, tepelcit, & aliò abstrahitur. Objecit Christus alias & alias species, quibus hominem ad Statum religiosum traherat: verùm ille ita Christum volebat sequi, ut mundum non desereret. Tenuit visio unius circiter horæ spatium; nec tamen, nisi post dies plures, plenâ victoriâ potitus est Christus; compensavitq; deinceps cumulate Franciscus: quod Obedientiæ defuit promptitudini. *Soutv. in Bibl. Soc.*

*Eodem die obierunt.*

*Præsentia divina.*

4. Rómæ anno 1597, P. Joannes Paulus Navarola, Italus, magna indole, & excellenti virtute vir. Inter conferta occupationum agmina ita agebat, sibi & DEO præsens, ac si factis ipsis ingeminaret illud Prophætæ: *Vivit Dominus, in cujus conspectu ego sto hodie*. Hinc illi nata ea animi æquitas, morumq; compositio: ut nemo unquam in eo notaverit aliquod commoti animi indicium.

*Æquanimitas*

*Infirmorum  
curator acch-  
ratus.*

5. Cæsaraugustæ in Hisp. anno 1617, Joannes Martinus, Hispanus, Coadjutor, celebratus ut omnium virtutum Coadjutori religioso propriarum imago absoluta. Instrumentum erat universale Moderatorum ad omnia temporalia munia ex voto exercenda. Pretiosam illi mortem detulit indefessa charitas, qua die noctuq; incubuit nostrorum ægrorum obsequiis, optans impendi, & superimpendi servorum DEI salutem.

6. Monteregii in Hispania anno 1575, P. Petrus Cuebas, Hispanus, ut compendio ad perfectionem religiosam eluctaretur; ad apicem charitatis contendit, devotendo se pestiferorum curæ: cui hoc die gloriose est immortalis, Socium ejusdem gloriæ habuit ibidem P. Thomam Ordunam.

## XIX. MAJI.

*Perfectioni studendum.*

*Media ad Perfectionem.*

1. **A**Nno 1586 P. Claudius Aquaviva Præpositus Generalis epistolam dedit ad Patres Fratresq; Societatis, *de Studio Perfectionis & Charitate fraterna*. Assiduum Perfectionis religiosæ studium commendat ex eo: tum quòd sensim & in dies relabamur in veteres imperfectiones, nisi continuo conitamus ad perfectiora; tum quòd vitia olim contracta, etiam postquam falce Professionis religiosæ præcisa sunt, reliquerint radices, ac velut semina quædam, quæ successu temporis repullulant, & nascentes natasq; virtutes opprimunt. Suggestit deinde Media duo plurimum facientia ad progressum felicem in Perfectione. Primum est Charitas fraterna: cujus beneficio plurima evitantur vitia, præsertim quæ ex spiritu Nationali oriri solent; & alter alterum excitat juvatq; in exercitio virtutum. Alterum est singularis quædam pietas ac devotio erga DEiparam V. Dominâ & Matrem nostram: quæ



quæ pro ea, quâ pollet apud Filium, autoritate, facile nos juvare potest, & in vitijs evitandis, & in virtutibus comparandis. *Est epistola III. inter epist. P. Claudij.*

2. Ad Socios Lusitanos anno 1551 literas dedit S. Borgia, plenissimas heroico sui contemptu. Quas ita conclusit: Hæc loquor in Christo Charissimè, quò misereamini vestri fratris, tantoq; enixius rogetis pro eo Dominum: ut velit ita minimum esse, ut adnumeretur in minimis regni cælorum. Subscripsit: *Franciscus peccator*. Quod etiam in alijs literis observavit, quo ad à S. Ignatio admonitus fuit: ut communi stylo se accommodaret. *Sacchin. p. 3. lib. 8. n. 102.*

*Contemptu sui in S. Borgia.*

*Eodem die obierunt.*

3. Granatæ in Hisp. anno 1610, P. Thomas Sanchez, Hispanus, celebre inter Theologos Morales nomen: imò Clementis VIII & communi Doctorum sententiâ, princeps eorum, qui de Matrimonio scripserunt. Theologiam Moralem illustravit Tomis VII. Cùm ab ingressu in Societatem arceretur lingvâ balbutiente: supplex procidit coram Icone Virginis DEiparæ, ut hoc amoliretur impedimentum; negavitq; se inde pedem relaturum, nisi eo amoto. Annuit benignissima Mater piæ oblationi; & Thomas in Societatem admissus, dubium reliquit: doctiorne fuerit, an sanctior? Debili semper usus valetudine, in studia tamen literaria decem quotidie duodecimve horas contentè incumbebat jejunos, non nisi semel sub noctem refici solitus cibo vili modicoq;. Quater in hebdomade panem tantum vescabatur, & oleribus: per Quadragesimam & Adventum nihil præter legumina & fructus aridos adhibebat. De qua vivendi severitate nihil unquam remittebat, homo vitæ innocentissimæ & summis quibusq; virtutibus ornatæ. Funus honestârunt Illustrissimus Archiepiscopus, Senatus regius, Nobilitas universa, Religiosi Ordines, & populus innumerus.

*P. Thomas Sanchez balbutiens à B. V. sublatus*

*Studiorum prolixus: cibi parvus.*

*Jejunia severa*

4. Madriti in Hisp. anno 1578, Didacus Mendoza Coadjutor, à P. Araosio ad cæcæ Obedientiæ normam egregiè excultus, apertis in extremo agone oculis, cùm cerneret invisentem se DEiparam V. *Feliciter, aiebat, adveneris, ô Domina mea, Domini mei ac Misericordie Mater. Vnde mihi hoc? Vnde benignitas tanta? Dixit, & vixit.*

*B. V. moribundum invisit.*

5. Petrocoricis in Gallia anno 1596, P. Franciscus Bordeusius, Gallus, Cùm frater ipsius Germanus, Societatem cum tribus filiis ingressus, post vitam insigni religione actam, obiisset: P. Franciscus post dies aliquot sepulchrum ipsius accessit, rogavitq; supplex DEum, ut felici morte fratri brevi jungeretur in cælo. Sequenti die inter sacrificandum visus sibi est cœlitus audire vocem: *Exaudita est oratio tua*, Ergo ad mortem imminentem omnibus, quibus poterat, industriis sese comparavit, & post paucos dies fratri junctus est; testatus in extremis: nullum diem sibi esse elapsum absq; meditatione de Morte.



S. Ignatius  
Pampelonam  
defendens, vul-  
neratur.

1. S. P. Ignatius, anno 1521, hoc die, qui secundus erat festi Pentecostes, dum contra Gallorum impressionem, capta civitate Pampelona, quæ regni Navarræ Metropolis est, arcem fortissimè defendit, felici vulnere contracta tibiâ, non tam prostratus, quàm ad novum genus militiæ, sub vexillo JESU Nominis, erectus est. Quantos ad novam hanc militiam attulerit animos, vel inde patet: quòd, cum ossa tibiæ contractæ, malè composita à chirurgo castrensi, deformem claudicationem minarentur: quamvis jam coaluissent, iterum voluerit confringi tibiâ; & immanem illam carnificinam tam constanter sustinuerit: ut sensum aliquem doloris, nec voce nec vultu sit testatus. Quæ animi magnitudo virum prodidit maximè idoneum, ad agenda fortia, & ferenda durissima pro nomine JESU, & animarum salute (roborante gratiâ Divina) quive olim Ducem ageret validissimi exercitus, militaturi contra gentes, hæreticos, & ipsas àereas potestates. *Bartoli in Vita lib. 1. n. 3. & 4. Orland. hist. Soc. p. 1. lib. 1. n. 10.*

Prædetermina-  
tio physica origo  
diffensionum.

2. P. Claudius Aquaviva Gen: hoc die obtulit Card. Madrutio Propositiones V, quibus doctrina PP. Prædicatorum de Auxilijs Gratix differebat à doctrina Societatis in materia eadem. Cardo differentix erat Prædeterminatio physica. Post triduum etiam PP. Prædicatores obtulerunt eidem Cardinali Propositiones V. quibus censebant doctrinam Societatis differre fundamentaliter à doctrina ipsorum. Madrutius Propositiones PP. Prædicatorum tradidit expendendas nostris Theologis, & vicissim nostras Theologis Prædicatorum. Nostri expensis illis, expressius 28. Maji sententiam suam de efficacia gratix declaratam, scripto tradiderunt Card. Madrutio. *Eleuth. hist. de Auxil. lib. 3. cap. 10.*

*Eodem die obierunt.*

Labores P. Pa-  
es in Æthiopia  
Conversio Im-  
peratoris labo-  
riosa.  
Luctus ejusde  
in morte Pa-  
tris.

Lingua Lati-  
na à Coadju-  
tore constanter  
dissimulata.

3. Gorgonæ in Æthiopia anno 1622, P. Petrus Paes, Hispanus. Incredibile est, quantas ibi ærumnas, contumelias, carceres, catenas, damnationem ad remos, sit perpeffus, dum Æthiopes illos dealbare studet. Evocatus tandem ad reconciliandum Ecclesiæ Romanæ Imperatorem ipsum, Sultanum Segnedum, decem dierum iter in summis caloribus, pedes, ac fere jejunos, ingressus est, & absolvit. Confecto feliciter negotio, viribus per iter fractis, quievit in Domino, maximo Sultani luctu: qui ejus morte audita, non solum pullam induit vestem, sed veris & uberrimis lacrymis flevit magistrum & patrem suum, expansis ante sepulchrum brachiis, nec ullo cibo vel alio solatio admissio.

4. Granatæ in Hisp. anno 1607, Joannes Sevilla Coadjutor, constantiâ in pe- tenda Societate, & dissimulatione lingvæ Latinæ memorabilis. Ut ad Societatem admitteretur, tres hyemali tempore noctes ad limina domus nostræ perstitit immo- bilis,



bilis, obfirmato animo, inde non recedendi nisi intra domum admissus. Compos vo-  
ti tandem factus, quàmvis idiomatis Latini fatis esset peritus, imò Sacrorum Cano-  
num studio biennium impendisset, minoribusq; Ordinibus esset initiatus: induci  
nuncquam potuit, ut studia prosequeretur: quin potius annis duobus supra quinquaginta ita vixit: ut ne minimum vestigium Latini sermonis prodiderit.

5. Moguntia in Germania anno 1609, P. Nicolaus Serarius, Lotharingus, di-  
ves opum literariorum & religiosarum. Incredibile est, quantum afficeretur carmi-  
ni illi, quo Ecclesia claudit Psalmos: *Gloria Patri & Filio & Spiritui S. Sc.* Hoc illi  
privatim publiceq; operum omnium principium erat & finis. Hoc si cani audiret  
ornatius, gestire gaudio, & triumphare videbatur. Ad copiosiores omnigenæ erudi-  
tionis thesauros congerendos, insignem sibi comparavit præter Latinam, Græcæ,  
Hebraicæ & Syriacæ linguæ notitiam. Edidit variæ eruditionis, præsertim in S. Scri-  
pturam, & contra heterodoxos, Tomos 6, præter alios libros minores: ut meritò  
Cardinalis Baronius Tomo 12 Annalium, ad Ann: 1126 appellârit Ecclesiæ Germa-  
nicæ lucis jubar. *Sourvell. in bibl. Soc.*

*Petitio perti-  
nax ad Soci-  
nis ad Soci*

*Affectus erga  
Gloria Patri  
Sc.*

*Eruditio insi-  
gnis.*

## XXI. MAJI.

1. **A**Nno 1568 epistolam seu Breve, dedit B. Pius V. Pont. Max. ad Salentinū  
Archiep. Coloniensem, obnixè ipsi commendando Societatem, & ejus  
Collegium Colonienſe. Post insigne encomium Societatis concludit: Qua-  
propter te hortamur; & rogamus: ut tua benignitate dictum Societatis Col-  
legium amplectaris, protegas, atq; defendas à quacunq; contradictione &  
molestia; ut pacificè possit in salutem animarum, & Reipubl: utilitatem,  
in omnibus suis ministerijs, præcipuè in erudienda juventute, juxta lauda-  
bile Religionis suæ institutum incumbere. Habebisq; hujusmodi Collegium  
maximè commendatum; dabisq; operam: ut quidquid necessarium fuerit  
ad suam sustentationem, habeat; in quo facies, quod dicta Societas mere-  
tur, & quod Nobis debes, ac reverentiæ hujus sanctæ Sedis. *Gomez in Elog.  
Soc. p. 1. Classe 1.*

*B. Pius V Col-  
legium Coloni-  
ense eximie cõ-  
mendat.*

### *Eodem die obierunt.*

2. Limæ in Peruvia anno 1612 P. Joannes Sebastianus Parricius, Hispanus. Nul-  
lius vanæ gloriolæ sensu tangebatur, dicebatq;: *hoc à vera Theologia esse quàm maxime  
alienum* Per annos 30 non nisi humi cubabat, pro culcitra usus pelle arietis. Ante-  
quam concionem diceret, per horam culinæ ministeria obibat: post concionem Psal-  
mos Pœnitentiales flexis genibus recitabat. Ter quotannis Exercitijs S. Patris se ex-  
ercebat: ante mortem, quam prævidit, & prædixit, dies 40 illis impendit. Nullam ho-  
ram elabi sinebat, quin se introspiceret, an Omnia ad Majorem DEi Gloriam direxisset.  
Quàm insensos & infestos habuit dæmones, tam gratiosum & faventem DEum, cujus  
virtute arcana & futura revelabat, mira; operabatur. Dum oraret, visus est à terra  
sublimis: post mortem autem cælesti gloriâ conspicuus.

*Gloria vana  
Theologum non  
delet.*

*Ante Concio-  
nem obsequia  
culina*

*Exercitia spi-  
ritualia ter in  
annum.*

*Examen sin-  
gulis horis.*

3. Romæ anno 1670 P. Nicolaus Zucchi, Italus, magnus & felix ad miraculum

Bb

usq;



*Concionator ex  
temporaneus.*

*Conciones intra  
diem sex vel se-  
ptem, semper a-  
lia.*

*Sentimentiali-  
um cura.*

*Christus concio-  
nem dicat.*

usq; Ecclesiastes, præsertim in concionibus extemporaneis, etiam ad Eminentissimos Auditores habitis, non minore fructu, quam stupore. Cujus doni calitus sibi infusi non nescius, & de assistentia Spiritûs S. securus, credebatur necessitatem, seu præceptum sibi à Deo. impositum, prædicandi qualibet occasione, nulla licet ad præmeditandum, vel saltem thema inveniendum datâ morulâ. Pauci intra annum fluebant dies, quibus non quinquies, sexies, aut septies, dixisset ad populum, uno eodemq; die, stupentibus Socijs, aliam semper diversamq; proferri concionem. Specialiter delectus fuit à Salvatore nostro ( prout ex varia revelatione constat ) ad excolendos ardentissimis sermonibus sacros Virginum Parthenones: in quibus prodigiosas faciebat animorum morumq; mutationes. Fuit, quando Christus ipse peroranti de Passione sua totam suggessit concionem: ut nec unam periodum à se paratam, dixerit. Talentum hoc concionandi conservare & augere studebat accuratissimo perfectionis religiosæ studio, præsertim Orationis & Mortificationis; quamvis podagræ alijsq; doloribus excrucietur. *Ex Tanner. de apost. temp.*

## XXII. MAJI.

*Alexander VII  
erga Societate  
beneficus.*

**A**Nno 1667 Alexander VII. Pont. Max: luctuosum Societati fecit hunc diem. Amisit enim in illo validum Protectorem, & gratiosum promotorem. Restituit ipsam in ditionem Serenissimæ Reipub: Venetæ, quod Prædecessores ejus frustra tentârunt. Collegium Pœnitentiariorum S. Petri iterum Societati tradidit, cum facultate eligendi Pœnitentiarios, *Constitut. 59.* Derogavit Constitutioni Innocentij X. concessitq;: ut Superiores finito Officij triennio, possint transire ad aliud simile Officium, sine interstitio, vel in eodem confirmari. *Constit. 137.* Vacantibus Exercitijs Spiritualibus S. Ignatij per dies 10 vel 8, Indulgentiam plenariam concessit. Et pluribus propensi affectus argumentis benevolentiam suam testatam fecit. Unde grata Societas SSmo & Optimo Patri respondere studuit, indictis pro ejus incolumitate & felici regimine Sacrificijs septem, à singulis Sacerdotibus per orbem universum celebrandis; præter preces offerendas à Fratribus. *Bullar. Comm: & Liber Suffragiorum Soc.*

*Collegium Pœ-  
nitentiariorum  
S. Petri tradit  
Societati B.  
Pius V.*

**2** Prædictum Pœnitentiariorum S. Petri Collegium Societati consignavit B. Pius V. Pontifex, Diplomate dato hoc die anno 1569: sicut in Lateranensi Basilica constituit Minoritas, ad S. Mariæ Majoris Prædicatores. Præter invidiam subeundam, non pauca nec levia, occurrerunt Præposito Generali S. Borgiæ & Assistentibus. Sed consideratis omnibus persistit in sententia B. Pontifex: & ne quid inde caperet detrimenti Societas: Pœnitentiarios prædictos non minùs subiectos esse voluit Præposito suo Generali & Provinciali, quàm sint manentes in alijs domicilijs Societatis. *Sacchin. p. 3. lib. 6. n. 2.*

*Eodem*



*Eodem die obierunt.*

3. Nangasachi in Japonia anno 1617, P. Joannes Bapt. Maccadius, seu Tavora, *Victima fidei Lusitanus*, in odium fidei gladio cæsus, post toleratas carceris Omurani ærumnas. *in Japonia.*

Accepto divinitus nuncio de morte postredie oppetenda, intimis exultans gaudiis, Hymnum cecinit Ambrosianum, ajebatq; tres in vita dies jucundissimos sibi illuxisse: primum eum, quo Societatem, alterum quo carcerem fuisset ingressus, tertium verò, quo in tam bona causa moriendum esset. Cæsus est cum quodam ex Ordine S. Francisci Sacerdote: testatiq; sunt Neophyti; se in loco cædis sæpius conspexisse pulcherrima duo sidera, mirum in modum nitentia. *Tres in vita dies jucundissimi.*

4. In Æthiopia anno 1574, P. Gonzalus Cardosus, Lusitanus, in odium fidei, ut communis fama fuit, à sicariis peremptus in itinere: postquam nihil laboris, industriæ & ærurnarum omisisset, ut monachos schismaticos ad unionem Ecclesiæ Romanæ adduceret. De morte imminente, cælitus fuit edoctus. *Victima fidei in Æthiopia.*

5. Parmæ in Italia, anno 1630, P. Hiacyntus Grillus, Italus, pretiosa morte decessit in obsequio pestiferorum. Pridie, quàm peste afflaretur, obvium habuit in ponte venerabilem quendam senem cultu Sacerdotali, sed specie supra humanam, à quo audiit: Gratum esse DEO opëram ipsius impensam ægris, recepturum prope diem præmium: quare ad extrema se compararet. Quibus dictis evanuit, & P. Hiacyntus paulò post pro mercede promissa abiit. *Victima charitatis.*

6. Herbipoli in Germania anno 1666, P. Gaspar Schottus, Germanus; religiosa pietate, Germano candore, tolerantia laborum insignis. Scientiis Mathematicis insigniter excultus, subtili ingenio & practica manu easdem vicissim egregiè excoluit, editis compluribus ad eas illustrandas voluminibus: inter quæ *Physica curiosa, Magia naturalis, & cursus Mathematicus*, omnium Mathematicarum disciplinarum encyclopædiam, pari brevitate & claritate, comprehendens, plurimum honoris, etiam apud A catholicos, auctori suo conciliârunt. *Soutwellus in bibl. Soc.*

7. Romæ anno 1608, P. Joannes Bapt. Villalpandus, Hispanus, Matheseos & Architecturæ scientiâ celebris. Magnum nomen sibi comparavit Commentariis editis copiosissimis in Prophetiam Ezechielis, & laboriosissima descriptione Fabricæ Templi Salomonis. Socium laboris habuit Hieronymum Prado: sed ipse totius Operis architectus fuit primarius. *Soutwellus in bibl. Soc.*

*Fabrica Templi Salomonis à Villalpando representata.*

XXIII. MAJI.

I. Anno 1555 electus est in Pontificem Max: Paulus IV, antè Joannes Petrus Carafa dictus, olim Archiepiscopus Theatinus, qui Ordinem Clericorum Regularium, quos *Theatinos* vocant, instituerat. Jam ante Pontificatum familiariter usus fuit S. Ignatio: timebatur tamen provectus in Pontificem; quòd Ignatius ex suis Socijs & Theatinis noluisset conflari unum Ordinem, prout optabat Carafa. Verùm S. Pater cùm in Sacellum se tacitus recepisset, totamq; rem commendasset DEi Providentiæ; mox placido vultu, & animo perquam sedato egressus, sperare se dixit, fore, ut qui me-

*Pauli IV erga S. Ignatium & Societatem benevolentia.*



tuebatur infensus, eum Societas experiretur propitium. Spem confirmavit eventus. Nam cum ad pedis osculum renunciati Pontificis, cum suis aliquot accessisset Ignatius, mirum quam amanter, quamque honorifice sit exceptus. Et alias passus nunquam est Paulus: ut Ignatius de genibus, ut moris est, secum ageret, aut aperto capite: sed secum inambulanti per cubiculum, multis inspectantibus & admirantibus, audiebat; ac supplici concedebat omnia, quæ pro Societate, vel Cæsare Ferdinando petebat. Societatem cum nominaret, passim cum adjecto, *Beatam, vel Benedictam, Societatem* appellabat. *Orland. p. 1. bist. Soc. lib. 15. n. 5. Sacchin. p. 2. lib. 2.*

*Eodem die obierunt.*

*Cracovia Senatus ab hæresi purgatus.*

2. Cracoviæ in Polonia anno 1615, P. Martinus Lascius, Polonus, industrius & felix in convertendis hæreticis verbo, exemplo, & valida autoritate. Cracoviensem Senatum universum Catholicæ religioni adjunxit, auctorque fuit conditi decreti: quo ab ea dignitate arcerentur in futurum Acatolici omnes. Primus 40 horarum supplicationem in Poloniam induxit: arcumque S. Nicolai, ad colligendam per Sodales misericordiæ dotem pro pauperibus puellis, instituit. Stupere hæretici, quod sclopis ad latera appositis, nihil terroris prodidisset. Quod nec venenata mortis tela timeret, manifestum fecit: quando grassante lue pestifera, Socii, quibus præerat, ad tutiora dimissis, caput suum devovit, & peste istis strenue servivit.

*Supplicatio 40 horarum in Poloniam induta.*

*Charitas erga pestiferos.*

3. Posnaniæ in Polonia anno 1625, P. Nicolaus Czyzowski, Polonus, ter è faucibus mortis ope SS. Ignatii, Xaverii, Barbaræ & Bibianæ ereptus: tandem non minus jucundè quam pie occubuit, utendo sub mortem elegantibus & suavissimis hymnis, quos concinnaverat, contriti & amantis cordis testes. Vir erat, orandi, se affligendi & alios regendi arte præstans. Dictabat; in Societate necessarium esse os vulgare, ad cibos sine delectu sumendos; genus cameli pro oratione assidua; & dorsum asini ad labores. Coadjutores censebat non indulgenter tractandos; sed assiduis laboribus distinendos, & monitis frequentibus excolendos: id, quod exemplo cujusdam Fratris Coad: confirmabat, qui paucis post obitum diebus, sibi spectabilis factus, gratias egit: quod ab eo fuisset laboribus liberaliter occupatus, & pœnitentiis exercitus.

*Mors pia & jucunda.*

*Tria in Societate necessaria*

*FF. Coadjutores non trahendi indulgenter.*

4. In Silesia anno 1634 P. Hieronymus Fischer, Bohemus, à militibus hæreticis in sylva quadam globo trajectus, occubuit morte bene prævisa, & prædicta. Illatam fuisse odio fidelis, probat: quod alios itinerantes incolumes dimiserint, spoliis contenti: ubi autem P. Hieronymum adverterunt, insolenter exclamantes, *Iesuitas!* illico ruerunt in eadem.

*Victima fidei in Silesia.*

*Cura perpetua hominum agrorum.*

5. Divione in Lotharingia anno 1669, P. Franciscus Beauvau, seu Bovo, Lotharingus, Marchio è Borboniorum Galliarum regum sangvine genus ducens, in Societate vitam impendit erudiendis perpetuo ruriculis: quas Missiones loco Indiarum impetraverat, & Apostolico planè zelo promovebat, vir ingenti contemptu sæculi, & eminente virtute clarus. *Tanner. in Soc. Apost. lmit.*



1. IN Japonia anno 1587 hunc diem atrum fecit, an potiùs candidissimum, pientissima mors Bartholomæi, Principis Omuræ, unius ex ijs, qui legatos Romam miserunt ad venerationem Pontificis Maximi. Societatem ut amavit tenerrimè, coluitq; constantissimè: ita moribundus diligentissimè commendavit Sancio filio suo & hæredi, monuitq;: ut eam cordi haberet, & Patrum consilijs, non secus ac sibimet, obtemperaret. Morti vicinus his supremis verbis affatus est liberos suos. Quartus & vicesimus hic annus agitur; ex quo à Patre Cosmo Turriano Christi fidem & baptismum accepi, Christianum in meis terris nullum reperi, cùm inirem principatum: nunc in ijs nullum, quod sciam, ethnicum relinquo. Egi, movi, conatus sum & multa passus, ut id consequerer. Sed obrepfit fortasse satagenti negligentia, quæ me vereri cogit: ne culpâ meâ & minùs rectis exemplis effectum sit; ut non omnes mei subditi, quàm nomine profitentur, Christianam Sanctitatem, æquè moribus teneant. Tuum erit, Sanci, filiorum maximè, emendare, quod à me peccatum est &c. His & alijs opportunis monitis daris, filios cæterosq; domesticos dimisit, vetuitq; ad se redire; cùm sibi residuis paucis horis cum solo DEo sit agendum. Sacramentis munitus, in complexu Crucifixi, felicem animam Christo reddidit, relictis in principatu suo septuaginta millibus, & suprà, Christianorum, operâ Societatis & curâ suâ bene moratorum. Cœnobìa Bonziorum & idolorum delubra ita ferro flammâq; delevit omnia: ut ne vestigium gentilismi superesset; vetuitq; severa lege, ne cuiquam, nisi Christiano, in ditione sua jus domicilij esset, *Sacchin. p. 5. lib. 7. n. 151.*

*Zelus Principis Japonici.*

*Eodem die obierunt.*

2. Romæ anno 1596, P. Antonius de Mendoza, Hispanus, P. Claudii Præpositi Gen: Assistens pro Hispania. Humilitas illi passim in ore, semper in corde & opere: etiam cùm alijs præesset, infima culinæ & Janitoris munia obire solitus, nullo hominum & illustrissimorum natalium respectu. Nulli solebat respondere, nisi mente ad DEum paulisper elevata. Inter orandum cœlestis splendor ei circumfusus, prodidit animam non terrestrem: cui suffragium addidit corpus demortui, post unum & dimidium annum repertum integrum, tractabile & candidum. In supremo morbo monitus à medico, ut fenestras aperiri juberet, & cælum jam vicinum respiceret; commonstrato Crucifixo, respondit: *En cælum meum, & mea tota laetitia.*

*Responsa non præcepta.*

*Crucifixus gaudium & cælum nostrum.*

3. Turnone in Gallia anno 1596, P. Carolus Sagerius, Gallus, insigni doctrina, virtute, & convertendorum hæreticorum studio conspicuus: à quibus creditur veneno sublati. Felix etiam ea forte fuit: quòd tres fratres, & ipsum quoq; patrem, commilitones habuit in Societate.

*Victima fidei. Pater cum 3 filijs in Societate.*



4. Labovesci in Gallia Diocesis Viennensis in Tractu Vivariensi Beati Joannis Francisci Regis è Societate JESU, insigni animarum zelo, & invicta in ærumnis earum causâ tolerandis patientiâ inclyti: qui obiit pridie Calendas Januarias, sed ejus festum Decreto Clementis XI celebratur hac die, in qua idem Summus Pontifex illum Beatorum Catalogo adscripsit. Mortem suam prævidens, ideoque ex humilitate in stabulum deportari petens conspicuos habuit Christum & B. Virginem. Mortuus anno 1640. Beatorum numero adscriptus anno 1716. Plura habes 31 Decemb. & in vita ejus.

## XXV. MAJI.

S. Maria Magdal. commendat Societatem regina Gall.

1. Festum S. Mariæ Magdalenzæ de Pazzis, Ordinis Carmelitarum de Ob-servantia, celebrat Ecclesia: cujus Sanctæ Virginis plurima & luculenta æstimationis & affectus propensissimi erga Societatem extant argum-  
ta. Non est ultimum illud: quod cum anno 1600 Principissa Maria Regi Galliz Henrico IV desponsata, eam visitasset, suasque necessitates ei com-mendasset, ac nominatim desiderium prolis masculæ: promisit Sancta, se id petituram à DEO, dummodo ipsa, ad thronum regium evecta, præsta-  
ret tria. *Primò*, ut procuraret apud Majestatem regiam revocari in Gal-  
liam Patres Societatis JESU: addiditque; hoc esse unum ex magnis obse-  
quiis, quæ illa posset præstare DEO in beneficium illius regni. *Secundo*,  
ut procuraret extirpationem hæresum. *Tertiò*, ut esset amatrix pauperum,  
*Lancicius Opusc. 17. de Præstantia Instituti Soc. cap. 4.*

Judices Con-  
servatores eli-  
gere potest So-  
cietas.

2. Anno 1572. Gregorius XIII, per Constit: *Æquum reputamus*, &  
*rationi consonum &c.* Concessit Societati facultatem assumendi Judices  
Conservatores, in quibuscumque causis: qui in molestiis & damnis proce-  
dant summarie; in aliis prout rerum qualitas exegerit. Addidit Clausu-  
lam: ut his literis Apostolicis per quascumque derogationes non censeatur  
derogatum. *Bullar. Societ.*

Institutum Soci-  
etatis non licet  
impugnare eiti-  
am indirecte.

3. Idem Pontifex hoc die anno 1584, per Solemnem Bullam, *Ascen-  
dente Domino*, de novo confirmavit institutum Societatis, & Privilegia ei  
concessa; præcepitque; in virtute S. Obedientiæ, & sub pœna Excommuni-  
cationis latæ sententiæ, nec non inhabilitatis ad quævis officia & benefi-  
cia: ne quis cujuscumque status & gradus audeat Societatis institutum, Con-  
stitutiones, vel aliud quid supradicta concernens, quovis disputandi, vel  
etiam veritatis indagandæ quæsito colore, directe vel indirecte impu-  
gnare, vel eis contradicere &c. *Bullar. Societ. & Bullar. Comm.*

*Eodem die obierunt.*

4. Canzucæ in Japonia anno 1590, P. Gaspar Coello, Lusitanus, plurimis & o-  
pimis



pimis Orco detractis, animarum spoliis clarus. Industriâ, labore, & oratione rem Ecclesiæ Japonicæ ita auxit: ut in solo tractu Omurano, unâ cum Socio, 35 millia Japonum, & ampliùs, Bonziorum verò cenobia 60 baptismo lustraverit. Primus fuit Japoniæ V-Provincialis, à rege eximiè honoratus.

*Conversio numerosa in Japonia.*

5. In Anglia anno 1640, P. Richardus Holtbeyus, Anglus, fidelis, strenuus in vineâ illâ dumeris horridâ operarius, Excoluit illam totis annis 50, miro ingenio & Apostolico zelo, inter continua vitæ discrimina. *Tanner. in Soc. Apost. Imit.*

*Operarius in Anglia 50 annorum.*

6. In Comitatu Tyrolensi anno 1632 P. Adamus Tannerus, Germanus Tyrolensis. Vir fuit verborum paucorum, cogitationum magnarum, humilitatis profundæ; ideog; simplicium fere fratrum colloquio delectatus. Doctrinæ famâ celebrem Mathias Imperator Viennam accersit: ut pro Martino Becano Theologicam cathedram occuparet: Ferdinandus verò II Pragensis Academiae iussit esse Cancellarium. Ingenio, eruditione, & linguarum Græcæ ac Hebræicæ, egregiè usus est ad confundendos sectarios. Libros ab eo editos 28 numerat Soutvellus in Biblioth. inter quos Tomi 4 Theologici in folio; & Disputationes speciales in omnes Summæ S. Thomæ partes. *Soutvell. in Bibl.*

*Viri docti idea*

*Librorum editorum copia.*

7. In Guinea, Africæ regno, anno 1610 P. Joannes Delgado, Lusitanus. Quàm perspicax in Theologia magister fuerat, tam strenuum in vineæ promontorio operarium egit. Cùm Bichongoris regem ad Fidem & Religionem Christianam flectere non posset: in uberes lacrymas coram ipso solutus est. Rogatus à rege, quid ita fieret? *Enam*, reposuit, *abstinationem fleo*, quæ te semper æternis flammis adducet. Imò, subiecit rex, quia vir Sanctus es, ita ploras, & forsitan me citò moriturum, animo præsumis. Quàm charus & pretiosus fuerit populo, mors declaravit: quando morbidus, & malis aliis afflicti, frequentes ad tumulum ejus accurrebant, & expetitas gratias reportabant.

## XXVI. MAJI.

I. **F**estivitas S. Philippi Nerii, Fundatoris Congregationis Oratorii, admonet nos eximiæ æstimationis & affectûs: quibus hic Sanctus ferebatur erga Societatem, & Parentem ejus Ignatium. Antequam fundaret Congregationem suam, eò progressus est ut obnixè ab Ignatio peterit admitti in familiam ipsius. At iste, quàmvis non nesciret, quantum ornamenti inde accessurum esset Societati, induci non potuit, ut annueret: cùm divino instinctu præsentiret; utiliore Divinæ gloriæ propagandæ futurum illum extra Societatem. Cæterùm Philippus, quàmvis repulsam passus, perrexit ipsam tenerrimè complecti. Ex ea Confessarium sibi delegit P. Joannem Peruseum, quo usus est, etiam cùm Præpositum Generalem suæ Congregationis ageret. Diebus festis cum omnibus suis Sodalibus ad templum Domûs Professæ Romanæ ventitabat, ad audiendam pomeridianam concionem, seu lectionem sacram Patris Emanuelis Sa. Non paucis suorum author fuit, ut Societatem ingrederentur. Ad S. Ignatium, recur-

*S. Philippus Neri Societatis addictissimus.*



recurrebat pro consilio in rebus dubiis, non dubiè sperans ab illo lumen, cujus vultum cælesti luce radiantem non semel viderat. Defuncto autem Ignatio, sepuchrum ejus supplex accedebat, profitebaturq;: se mirificè adjutum recedere. *Lancicius Opusculo 17. cap. 3. & Opusc. 18. de Gloria S. Ignatij cap. 20. ubi dicta multis firmat.*

2. Apud Sinas, postquam Imperator, anno 1692 publico Edicto per omnes provincias vulgato, liberam concessit facultatem & Christianis prædicandi, & subditis suis suscipiendi Fidem & Religionem Christianam: benedixit ei DEus, præclaris in Tartaria magna concessis victoriis, quibus regnum Erutarum, & provincias Halha longè lateq; sibi subjecit, usq; ad ditionem Imperii Moschovitici. Anno igitur 1698, 26 Maji expedivit cum numeroso comitatu P. Antonium Thomam Belgam: ut Tartaricas illas regiones ab Oriente in Occidentem peragraret, & Geographicè describeret. Quod fecit ille perquam accuratè, simulq; observavit, quâ viâ, & ratione Evangelici operarii in regiones illas induci possint. Christianos quoq; quorum aliquos sparsim reperit, in fide confirmavit. *Ex lit. Rom.*

*Eodem die obierunt.*

*Victima Charitatis.*

*Ven: Eucharistia proposita adverteretur furibundus.*

3. Audomari in Belgio anno 1597, P. Nicolaus Buri, Belga, heroica morte sublatus in obsequio pestiferorum. Satagenti in Sancto illo opere, & Ven: Eucharistiam ad moribundum deferenti, contigit: ut incideret in mulierem infirmam, quæ domo ejecta, sub dioolvebatur in luto, cælo pluvio. Ergo decenter collocata Sacra pyxide fratre Socio adjuvante, miseram reportat sub tectum: sed superveniente herodomus, homine militari & furibundo, jubebatur, sine mora illam efferre; cunctanti necem intentat stricto ferro. Intrepidus Pater cervicem nudat, & porrigit. Ille tantò magis exardescens diras omnes & Acheronta movit; & cum nec DEo parceret Sacrilegus, occurrit Patri Nicolao, divino procul dubio instinctu, factum S. Bernardi adversus Aquitanix ducem. Prolatâ igitur Sacrosancta Hostiâ, hominem severus compellat: Agnosce inter manus meas Conditorem, Redemptorem, eundemq; Judicem tuum. Adora offensum, & veniam crudelitatis in miseram hospitam exercitæ, supplex precare. Procumbentibus omnibus, qui aderant, in genua, procumbit attollitus & miles, veniamq; à DEo, & circumfusa multitudine, magna animi demissione petit; torusq; in alium mutatus, insigni deinceps affectu Ven: Eucharistiam, & P. Nicolaum est complexus.

*Condonatio injuria.*

4. Neapoli in Italia anno 1619, Antonius Loffredus, Italus, Scholasticus. Inter ipsa religionis ineundæ consilia ab illustri viro ad singulare certamen vocatus, cum famæ suæ id interesse putaret, prodiit, & adversarium prostravit: sed jacenti, & veniam per Christi mortem petenti, pepercit. Cujus facilitatis luculentum præmium à DEo se accepisse ajebat, quòd ad Societatem fuerit admissus. In ea vixit velut viva B. Aloysii effigies. Fama est, Antonium morti proximum, elegantissimæ semitæ ad cælum usq; procurrentis aspectu fuisse recreatum: in cujus meta visus est S. Igna-



S. Ignatius, ante DEiparam V. supplex, universæ Societati morum innocentiam flagitare.

5. Monachij in Germania anno 1697. P. Tobias Lohner, Germanus, vir quàm religiosus & eruditus, tam laboriosus & cubiculi sui amans. Præter complures alios pios libros editos, in gratiam & usum Concionatorum confecit, ediditq; Tomis 3 Bibliothecam Manualem, multa eruditione refertam; adjecit Decadem Opusculorum, seu Instructionum utilissimarum ad formandum Clerum, præsertim Curatum.

## XXVII. MAJI.

1. Cùm in Europa anno 1555 magno apparatu adornaretur expeditio in Æthiopiam ad Claudium Imperatorem: visum est in India Proregi Petro Mascarenia, præmittere in Æthiopiam aliquos, qui Imperatoris explorarent animum, & expeditum Patriarcham à Papa, nunciarent: ne quid deinde apud infidam gentem eveniret, quod Patriarcham & Sedem Apostolicam dedeceret. Decreta est igitur à Prorege India legatio Jacobo Diazio, adjunctiq; illi de Societate comites P. Consalvus Rodericus & Fulgentius Freires. Multis perfuncti periculis terrâ mariq;, hoc demum die in magnam quandam Æthiopie planitiem delati sunt, ubi tunc Imperator, qui stabilem sedem non habet, morabatur. Traditæ sunt illi regis Lusitanie literæ, publiceque lectæ sermone Chaldaico; quibus rex significabat: se audivisse de propenso ipsius animo in Ecclesiam Romano Catholicam; de cujus doctrina & religione ut certius doceatur, missurum se viros idoneos, probos & doctos. Obstupuit Claudius, vultuq; obducto, ac sermone confuso, perplexa quædam respondit: ut satis appareret, ipsum à priore sententia ex innata animi levitate discessisse, vel à monachis Dioscorianis abductum esse. Post dies aliquot literas dedit ad regem Lusitanie, quibus disertè testabatur: se Romani Pontificis ministros in regnum suum admittere non posse; & proceres suos malle potiùs Mahometanis subji, quàm ab avita religione recedere. Sic tunc præclara spes dissipata. P. Consalvus tamen perstitit in Æthiopia, læcessebarq; scriptis monachos hæreticos & Imperatorem; siquidem ei copia non fiebat publicè cùm ipsis disputandi. *Orland p. 1 hist. Soc. 66. 15. n. 117. § seqq*

*Legatio in Æthiopia infra. cluosa.*

2. Cùm in Congregatione III Generali quæsitum esset, an Professorum votorum, vel non Professi, præesse possint Profellis 4 votorum? Congregatio declaravit: posse, & Professos 4 votorum illis, dum præsunt, teneri obedire. Interceperunt quidam, & res biduo ventilata est diligenter. Sed Congregatio stetit in decretis, & sententiam suam hac die confirmavit,

*Professi 4 Votorum pareant Superioribus non Profellis, vel tantum suum votum.*



mavit, adjecta tamen limitatione: ut qui non sunt Professi 4 Votorum, non possint præesse Domibus Professis, vel toti Provinciæ *Congr. 3 decr. 21.*

*Eodem die obierunt.*

*Mortis nuncius*

3. Eboræ in Lusitania anno 1567, Franciscus Coetho, Scholasticus, Eluxit in eo singularis animi religiosi magnanimitas, Crucis amor, obedientiæ perfectio, & pia cum Sociis consuetudo. Quibus dotibus maturum se coelo probavit. Aliquot igitur ante mortem diebus, præsentem P. Rectorem, & aliis quibusdam, Franciscus velut ex somno expergesfactus, quis est, aiebat, qui nunc mihi denunciavit: me vigesima septima die Maji, ad fruendum DEO hinc abiturum? Prædictioni respondit eventus.

*Oratio proluxa.*

4. Ibidem Conimbricæ anno 1630, P. Didacus Monteras, Lusitanus, multæ orationis & mortificationis religiosus. Antequam alii e somno surgerent, duas vel tres horas jam oraverat: post meridiem semihoram SSmæ Eucharistiæ mysterio recolendo, alteram semihoram DEIparæ V. dotibus expendendis dabat quotidie; visus interdum inter orandum sublimis à terra, & DEIparæ conspectu aliquando dignatus fertur. Orationem condiebat acri mortificatione, & exomologesi non solum quotidiana, sed etiam generali singulis mensibus.

*Confessio generalis singulis mensibus.*

5. Calari in Sardinia, anno 1656, P. Simon Marica, cum duobus Sociis, pro modico obsequio pestiferis impenso, immarcescibilem gloriæ coronam obtinuit. Creditur cum Angelo suo Custode familiarem habuisse consuetudinem, à quo eâ noctis horâ, quâ ad orandum expergisci desiderabat, excitabatur à somno. Supremæ migrationi accinctus, negavit se migraturum e vita, nisi ex obedientia. Confessarius cum detrectaret imperare, id solum addidit: ut tunc moreretur, cum Divinæ voluntati placuerit. Et Pater Simon confestim, nulla doloris significatione, animam DEO reddidit.

## XXVIII. MAJI.

*P. Riccius feliciter adit regiam sinensem.*

1. **A** pud Sinas P. Matthæus Riccius, quàmvis prima profectio in regiam Pechinensem irrita fuisset, ad alteram tentandam se resolvit; comparatisq; muneribus Imperatore dignis, hoc die Nanchino Pechinum, ubi ille residet, solvit anno 1600, melioribus auspiciis. Incidit quidem in itinere in unguis harpyæ ejusdam, scilicet Eunuchi Mathan, exactoris vetigalium potentissimi; eratq; in præsentis periculo, ne & munera Imperatori destinata, & caput proprium amitteret: at in re desperatissima præstò fuit Divina Providentia. Cum enim maximè periclitaretur, ex improvviso Pechinum cum donis suis evocatur ab Imperatore, qui jam antè informatus fuerat, de muneribus à P. Matthæo ipsi paratis. Pertracto igitur hoc scopulo, profecturus est iter suum, feliciterq; anni sequentis initio Pechinum pervenit. *Trigaultius de Expedir. Sinensi lib. 4. cap. 11. § 12.*

2. Romæ anno 1604 celebrata est disceptatio XXX coram Clemente VIII de Auxiliis Divinis. Quæstio à Pontifice propòsita fuit: An quando Intel-



Intellectus proponit voluntati DEum amandum & colendum, ut summè bonum & iustum, præmiatam virtutem præmio vitæ æternæ &c. Ea propositio sit objecti supernaturalis, vel naturalis tantùm, aut indifferens ad actum naturalem, & supernaturalem? Respondit pro Molina P. Ferdinandus Bastida tribus Conclusionibus: Si ea propositio fiat non concurrente lumine supernaturali; est naturalis tantùm; supernaturalis autem, si concurrat lumen supernaturale. DEus autem, etiam ut remunerator est per vitam æternam, vel prout pro ea vita obtinenda pro nobis sanguinem fudit, habet se ut objectum materiale indifferens ad terminandum actum naturalem, vel supernaturalem. *Eleuther. hist. de Auxil. lib. 5. cap. 38.*

*Actus ut sit supernaturalis procedere debet à principio supernaturali.*

3. In Hispania anno 1558 graviter vapulavit fama Societatis; quasi circa sigillum Confessionis laxiorem, & Sacramento injuriosam teneret sententiam. Infamiam augebant, alebantq; quidam Concionatores zelo inconsulto abrepti: sed Societatis doctrinam, & agendi modum probabant Archiepiscopus Granatensis, ubi res agebatur; Sacri Quæsitores, & doctiores Theologi cum M. Avila. Nuncius quoq; Apostolicus pro Societate stetit, egregiâq; Epistola ad Borgiam hoc die datâ, illam defendit, & solatus est. *Sacchin. p. 2. lib. 2. n. 130. & seqq.*

*Societas vexatur ratione sigilli Confessionis.*

*Eodem die obierunt.*

4. Romæ anno 1564 Leonettus Gayliardus Italus, Scholasticus, eximie indolis & virtutis. Tres fratres, quos in Societate habuit, moerentes ob immaturum suum obitum, solabatur ipse; gestiebatq;: quòd maturè, atq; in sinu Societatis migraret è vita. Bono animo esto, inquebat ad P. Achillem fratrem suum, Christus D. valde me amat, Age meo nomine illi grates.

*Mors in Societate juvenis.*

5. Parisiis anno 1582 Petrus Monerius, Gallus, Scholasticus. Cum eum in supremo morbo infestus turbaret dæmon: iussus est à Confessario querere ex tentatore: An aliquid contra se haberet? Paulò post sereno vultu ad Confessarium conversus, nihil habet, inquit: & mox circumstantes ad solidas virtutes cohortatus, innocentem animam DEo reddidit.

*Confessio pueri in morte.*

6. Commotovii in Bohemia anno 1643, P. Fridericus Huncken, Saxo, indefessus per Bohemiam operarius. Multa hæreticorum millia restituit Ecclesiæ. Miliones obibat non alio fere viatico instructus, quàm halecc, & frusto carnis fumatæ, è Collegio secum allato, ne alicui gravis esset. Domum redux, prope singulis diebus in culina serviebat. Per ultimos decrepiti senii annos 15, nunquam lecto ad capiendum somnum, aut stragulo usus est, sed ut erat vestitus, in scamno, vel sella lignea confidendo, quietem capiebat. In extremo agone illacrymatus est; quòd in oppido, cujus curam vice parochi habebat, & in quo nullum antea repererat Catholicum, unum adhuc relinqueret hæreticum. Sed hunc ipsum mortuus convertit. Audita enim hac de se Patris sollicitudine in eo articulo vitæ, resipuit obstinatus, & Catholicis accessit. *Lanner. in doc. Apost. l. m.*

*Missionarius pauper.*

*Culina obsequia.*

*Oppidum totum conversum nullo excepto.*



*Societatem &  
Collegium Pa-  
risiense com-  
mendat & Pius  
IV regi Gall.*

1. A Nno 1565 Pius IV egregias dedit literas ad Carolum IX Francorum regem: quibus eum hortatur, ut Societatem, ac præcipuè Parisiense Collegium tueatur. Ad aures, *inquit*, nostras pervenit: Collegium Parisiense Soc: IESU magnis affici cœpisse molestiis, & variis vexationibus impediri, quo minus, sicut cœperat, inservire saluti animarum, & vacare juventuti doctrinâ Catholicâ, & pietate, ac bonis literis atq; artibus imbuendâ atq; erudiendâ, possit. Id accidit nimirum humani generis hostis instinctu &c. Sed id non esse læturam Majestatem tuam scimus: ubi edocta fuerit de ejus Societatis meritis. Nihil enim æquè Christianissimum Regem decet, ac Religiosos viros, & DEI honori inservientes, tueri & ab injuriis defendere. Eam igitur Societatem sciat Majestas tua, propter pia & laudabilia instituta sua, & ab Apostolica Sede confirmatam, & nuper in sacro Oecumenico Tridentino Concilio approbatam fuisse. Cujus Societatis, propter uberes fructus, quos DEI Ecclesiæ his, tam turbulentis temporibus attulit, non modò in Italia, & in Hispaniâ & Lusitaniâ regnis; sed in ipsius etiam Germaniâ multis locis, Collegia instituta fuerunt. In hac quidem alma Urbe nos præcipuè Collégii, quod hic est, operâ utimur: quam & fidelem & utilem experimur, quascunq; in partes Orbis terrarum, evenit, ut ejus Collégii presbyteros, divini obsequii causâ, mitamus &c. *Sacchinus Part. 3. hist. Soc. lib. 1. n. 19.*

*S. Xaverius a-  
gros sanat, &  
pestem sedat.*

2. Potami in Calabria votum suum persolvit S. Xaverio matrona Dassenis, ob vitam & plenam sanitatem ejus ope restitutam filioli suæ, in qua per horam & dimidiam nullum apparuerat vitæ signum Neapoli verò, post pestiferam luem intercessione Sancti ejusdem abactam, Præfecti sanitatis & Lazareti publici solemne Sacrum ad ejus honorem, in templo Domus Professæ fieri curârunt, Sospitatori suo grati. *Ex libello miraculorum S. Xav. Potam. p. 224.*

3. In Floridam, quæ est Americæ regio, immanibus populis horrida, & nondum ab operariis Evangelicis exculta, primam suscepit expeditionem Societas anno 1566; solvitq; illuc 29 Maji ex Hispania P. Petrus Martinus cum duobus Sociis, grandi animo & ad tertia agenda, & ad dura perferenda. *Sacchin. p. 3. lib. 2. n. 141 & Seqq.*

*Eodem die obierunt.*

*Victima fidei  
in Angliâ.*

4. Londini in Angliâ anno 1651, P. Petrus Wrichtus, Anglus, strenuus in salute & propria & aliena procuranda operarius. Captus, suspendio sublatu est, & de more



more excarnificatus: quoddam Sacerdos Catholicus esset. Sub ipso patibulo cum proditi-  
 illi ministellus hæreticus promittens illi veniam & immunitatem, si Papismum e-  
 juraret: at P. Petrus non sine stomacho tentatorem repulit, dicens: *Facesse sarana: si* *Constantia in*  
*mille vitas habere, mille vitas libere sume pro Catholice electione morti firrem.* *sine.*  
 non solum Catholicorum, sed etiam hæreticorum laudibus celebrata est ejus in su-  
 premo illo articulo constantia, & animi fortitudo.

5. Cracoviæ in Polonia anno 1638. Joannes Parnesius, Coadjutor, Griso. Tres  
 quotidie horas, diebus festis quinas vel senas, dabat meditationi rerum cælestium, *Meditatio pro-*  
 quas de matutina & vespertina quiete decerpebat. Ter quot hebdomadis divina Sy- *luxa.*  
 naxi reficiebatur superiorum permissis; quotidie flagello in se animavertebat. ca-  
 tenâ ferreâ duplici cingebatur. Inter assiduos fabri cæmentarii labores, nihil spe- *Labor gravis*  
 cialis refectionis quærebat, nec haustum frigida in summo æstu. Extremo vitæ quin- *cum jejuni-ri-*  
 quennio impetravit, ut ab omni carne piscibusq; abstineret, pane oleribusq; con- *gido.*  
 tentus. Sabbatho, ut opraverat, & prædixerat, religiosissima morte decessit.

6. Toleti P. Petrus Rodericius. Hunc sanum & valentem, non tamen imparat-  
 um mors occupavit. Nam de illa se admonitum ante tres menses amico prædixe-  
 rat: eaq; ipsa die divinum sacrificium in solita fecerat pietate, cumq; singulis diebus *Mors repenti-*  
 in se flagellis per dimidium horæ partem sævire consuevisset, piæ crudelitati solito *na prævisa.*  
 liberalius indulserat. Demum negotii quidpiam adjutori domestico de ratione aliqua  
 pecuniaria (erat enim procurator domus) commendans, id omnino factum velim,  
 inquit, ante certam horam: qua nimirum, in limine suburbanæ villæ stans expira-  
 vit. *Luvenius fol. 791.*

### XXX. MAJI.

1. A Nno 1574 Carolus IX. rex Christianissimus in flore ætatis & regiarum *Car. li. IX. re-*  
 virtutum, regnare ac vivere desijt, magno Ecclesiæ & Societatis incom- *g. s. Gall. re-*  
 modo. Obiitum ejus hoc die ponit Spondanus. Quid sentiret de Societate, *clarum de So-*  
 expressit tum alias, tum quando invisit urbem Lugdunensem. Salutatus enim *cietate judico-*  
 à P. Edmundo Augerio (qui Tuba Franciæ propter excellentiam prædi- *um.*  
 cationis dicebatur) non dubitavit in ejus ruere amplexum, & gratias a-  
 gere pro susceptis in causa Religionis laboribus. Auditus etiam est dicere:  
 Se unicum Jesuitarum Collegium pluris facere, & pro Religionis, & pro  
 regni amplificatione, quàm omnium munitissimam totius mundi arcem:  
 seq; Jesuitas & pro subditis fidelissimis agnoscere, & hujus Societatis in-  
 crementum ad gloriam quoq; & maiestatem regni sui, atq; populi Galli-  
 cani pertinere. *Imago 1. seculi Soc. lib. 5. cap. 10. Et Gomez in Elog. part. 2.*

2. In Polonia anno 1570, Magius Provincialis cum Stanislaò Var-  
 sevicio & aliis Sociis Vilnente in Litvania Collegium constituturis, hac  
 die Posnaniam attrigerunt: excepti ibi à procuratoribus Episcopi, qui ab *Vilnense Col-*  
 erat, Canonici & Magistratu, imò ab ipsis Proceribus heterodoxis, ea *legium in Li-*  
 humanitate, ut profiteretur Magius: nusquam sibi humanitatis amplitudi- *tvania condi-*  
 nem *ur.*



nem tantam repertam. Profecti inde Pultoviam, ubi jam Collegium conditum florebat; tandem pervenerunt Vilnam, atq; in paternos amplexus Venerabilis Senis, Valeriani Episcopi, qui desiderio Patrum, & Collegii quantocyus videndi contabuerat; tunc autem dulcibus lacrymis planè diffuebat. Domum Sociorum 30 capacem, optimè instruxerat: ideoq; post paucos dies & scholæ sunt apertæ. *Sacchini p. 3. lib. 6. n. 101. & seqq.*

*In Novam Hispaniam expeditionis.*

3. In novam Hispaniam, Americæ regionem, hac die anno 1579, ex Hispania profecti sunt Socii quindecim: post quorum felicem adventum mox excitatum est Collegium Angelopolitanum & alia duo. *Idem p. 4. lib. 7. n. 346.*

#### *Eodem die obierunt.*

*Victima fidei in Anglia.*

4. Londini in Anglia anno 1582, P. Thomas Cottamus, Anglus. Post atroces toleratas torturas, ut in Confessione audita detegeret, & à Papa recederet, cum nihil evinci posset: consueto Catholicæ fidei reis supplicio sublatu est. Cum raptaretur ad locum supplicii, toto itinere cum focis Hymnum Ambrosianum cecinit. Suspensus, & ad carnificinam nudatus, repertus est cum omnium admiratione, super nudo corpore accinctus cilicio. Mirabantur nimirum homines, non satis fuisse Viro carceris ærumnas, & tormenta aliunde illata: sed tantum habuisse animi, ut voluntariis suppliciis se maceraret.

*Carcereis arii-  
na cilicio ancis*

*Conscientia  
manifestatio co-  
ram P. spiritu-  
ali.*

*Delicia Eucha-  
ristie.  
Deipara V. fa-  
vor.*

5. Brunæ in Germania anno 1649, Magister Michæl Martius, Silesita, die & horâ, quam prædixerat, extinctus. Inter cætera religiosi animi decora, emicuit candore singulari in communicandis conscientiæ suæ arcanis cum Patre Spirituali. Quod aliquando agenti, miro splendore refulsit facies, ut Pater vultum Angeli sibi videretur videre. In divinæ synaxis usu, sensibili quodam cælestium deliciarum gustu sentiebat se recreari. DEiparæ V. plurimum se debere distitabat: quod Natali ejus die sit natus; quod puer illam in ære adspectabili specie viderit gloriosam; quod per eam ad Societatem sit vocatus, & non obscura Prædestinationis suæ argumenta acceperit.

*Scriptor facun-  
dus Busæus.*

6. Moguntia in Germania anno 1611, P. Joannes Busæus, Belga. Complures ibi impendit annos admodum fructuosè, tum in Theologia, tam speculativa, quàm Morali, tradenda, tum in Sodalitate Mariana excolenda. Nec contentus eo labore, fecundissima lucubratione copiosam piorum pariter ac eruditorum librorum fudit seriem. Soutvellus in bibl. Soc: octo supra 30 recenset.

#### XXXI. MAJI.

1. **A**Nno 1639 grave periculum vitæ incurrit in itinere ex superioris ordinatione, heroico planè animo suscepto, Venerab. P. Nicolaus Lancicius. Cum Bohemiam hæreticæ hostiles copię inundassent, P. Rector Guttbergenensis Collegii Patrem Nicolaum cum Sociis aliquot Novam domum, velut ad securiora, expedire decrevit, designato professioni die  
31 Maji,



31 Maji. Accessit Ven: Pater Nicolaus Rectorem, monuitq;: si recto itinere per Ledecium proficiscantur Novamdomum, periculum se non evituros; tres ex Sociis mactandos, alios agrè evasuros, prædixit, addiditq;: *Se de ea re distractionem habuisse.* Hac phrasi utebatur Senex, quando aliquid divinitus revelatum acceperat. Rector non multum pensi habuit eam distractionem, jussitq; Socios eò, quò destinaverat, proficisci. Curru vehebantur tres, Sacerdos unus, Coadjutores duo; eques sequebatur P. Nicolaus, cæteri Sociorum iter pedibus faciebant. Vix alterum à Guttenberga miliarium ingressi erant: cum manipulus latronum hæreticorum occurrit; currum, qui præibat, invadit, ac Patrem Joannem Meagk, cum fratribus Martino Ignatio, & Wenceslao Trnoska, in eo deprehensos, trucidat. P. Nicolaus relicto in prædam equo, in sylvam se recepit, quò & alii Socii evaserunt: sed grandem passus est jacturam, amissis multis scriptis, & sacris lipsis, quæ curru, imposuerat. Habuit tamen, quo se solaretur: quòd scilicet heroicæ obedientiæ præmium eam jacturam abunde esset compensaturum. *Barbinus in Vita lib. 1. cap. 20.*

*Superiores non  
sunt sui sensus  
seniores.*

*In Bohemia  
fuerunt tres ab hære-  
ticis occisi.*

2. In Angliam expediti anno 1580 Personius, Campianus & alii, pridie Calendas Junii Rhemos in Gallia attigerunt. Excepti sunt summa omnium gratulatione & humanitate. Campianus rogatus, ut 21 Alumnos Seminarii Anglicani verba faceret; de præstantia Martyrii disputavit: dumq; ad ignem pervenisset, quem dixit Dominus, se in terram missurum; ita exarsit: ut ingenti clamore sæpius ingeminaret, Ignis, Ignis, Ignis! famuliq; domestici consternati accurrerint, incendium suppressuri. Nimirum jam ardebat illo igne Campianus, quo in Anglia demum conflagravit. *Sacchin: p. 4. lib. 8. n. 102.*

*Expediti in An-  
gliam Rhemos  
excipiuntur.*

*Exhortatio ad  
deum.*

*Eodem die obierunt.*

3. Manilæ in Philippinis anno 1621, P. Angelus Armanus, Italus, strenuus in excolendis barbaris operarius. Nullum iter offerebatur tam arduum, nulla rerum penuria tam gravis, nulla perisula tam infesta, quæ illorum causâ non subiret libentissimè. Oceani furorem præterfusa S. Ignatii imagine compescuit; ex insidiis & flammis ædibus ejus injectis mirabiliter evasit. Mortuo Neophyti non vulgari ritu iusta funebria perfolverunt.

*S. Ignatii imago.*

4. In Bohemia anno 1639, P. Joannes Meagh Hibernus, cum duobus Sociis Coadjutoribus, Venceslao Tronska, & Martino Ignatio, in itinere ab hæreticis rusticis trucidatus est. Patratum id esse odio fidei, argumento est: quòd idem homicidæ alios, qui unâ iter habebant, dimiserint innoxios, imò nihil metuere iustos. Ferventibus votis expetita venit ea mors P. Joanni. In spiritualibus enim Exercitiis, quæ nuper absolverat, solitò ferventiùs exarsit desiderio fundendi pro Christo san-

*Ultima fides in  
Bohemia.*

*gvinia.*



guinis. & spes affulgebat non levis, quamvis ignaro, quomodo id futurum esset. Frater quoque Martinus frequentibus Martyrii aestuabat desiderijs, imò & spem calidius conceperat Divino Eucharistiæ Sacramento pascuis, vino quoque Angelorum, dulcissimis lacrymis sese reficiebat. DEiparam V. amore tenerrimo multoque cultu prosequabatur; quæ illum aliquando conspectu suo dicitur dignata.

*Victima chari-  
tatis.*

4. In Hispaniæ locis diversis anno 1598 grassante pestifera lue, in heroicæ charitatis obsequio felices animas posuerunt octo è nostris. Ex his Joannes Junceda hoc die occubuit. Eodem die anno 1617. Infulis in Belgio in eadem incurta arena cum duobus sociis gloriosè occubuit Joannes Fendenier, Belga, Coadjutor, modestiæ, pietatis & sedulitatis eximium exemplar.

6. In Italiæ variis locis anno 1631 simili ex causa conciderunt decem è Nostris: inter hos hoc die P. Theodorus Vareseus, Italus.

## I. JUNII.

*S. Ignatius  
magnus in car-  
cere conciona-  
tor.*

1. **A** Periculosa suspitione absolutus est, S. Ignatius Compluti, anno 1527. Nobiles fœminæ, mater & filia, peregrinationem susceperant pedestrem ad varia loca sacra, per Hispaniam celebria. Ægerrimè id tulerunt amici, & inter alios Doctor quidam Theologiæ Cirvelius, Ignatio Compluti tunc studentii altioribus literis, impingentes consilium peregrinationis illius Queritur apud Vicarium Episcopi Cirvelius, tantumque valuit autoritate: ut illico Ignatius abreptus sit in vincula & carcerem. Sed libertatem loquendi de Divinis, & ad salutem spectantibus, non amiserat. Concursus fiebant ad carcerem, quò etiam se recepit celebris S. Scripturæ in illa Academia Interpres, Georgius Naverus. Is cum tam attentus penderet ab ore Ignatii, ut præterlabentem Læctionis horam non sentiret: mox ut ad tempus prope elapsum advertit, testinavit ad auditorium, & opperientibus in atrio discipulis, *Vidi*, inquebat stupens, *Paulum in vinculis*! Interim dum Vicarius Figneroa multiplici examine cognoscit de causa Ignatii: adiunt ex peregrinatione sua reduces fœminæ, statimque juridicè interrogatæ, an ipsis author itineris fuisset Ignatius? cumulatè illum ab eo consilio vindicârunt. Calendis ergo Junii ad audiendam sententiam sistitur, quæ doctrinæ, vitæque inculpatæ pronuntiabatur, sed prohibebatur uti habitu talari, & privatis etiam hortationibus abstinere, dum residuos tres Theologiæ annos decurreret. Quæ causa fuit, ut Ignatius Salmanticam transferret, ad illos etiam carceres sanctificandos. *Baronius in Vita lib. 1. n. 33*

*Aboluitur.*

*Collegium Pa-  
risiensis rean-  
tatur.*

2. Parisios anno 1564 hoc die ingressus P. Oliverius Manaræus Provincialis, reperit Collegium recens valida tempestate concussum ab Academicis:



demiciis: qui eò rem deduxerant, ut jussu P. Rectoris Scholæ Collegii sint clausæ. Tumultuari hinc discipuli nostri, qui jam millenarium numerum exceſſerant, & vindictam coquere, libellis ultro citroq; missis. Admonitus à P. Rectore Senatus regius scholas restituit; & visa est quiesuisse tempeſtas, sed ut atrocior insurgeret. *Sacchin. p. 2. lib. 8. n. 89.*

3. Hoc die P. Riccius anno 1595 Pekinum venit, ubi cum omnia intacta & periculosa reperisset, Nankinum cogitur profugere: Inde quoq; Xa-oceam abire cogitabat: sed hominis ignoti oblata per quietem species e-rexit mœrentem & fugam inhibuit. Unum aliquem è cœlestibus geniis crediderim, quibus regnorum & populorum cura credita, vel ipsum Angelorum regem Christum, qui facientem ac prope desperantem famulum consolari voluerit. Videbatur sibi Riccius ad ejus pedes provolui flens & opem suppliciter implorare: evigilansq; discussio somno, lacrymis perfusum se suis, ac simul tanta spe gaudioq; delibutum sensit, ut responsura votis omnia, quidquid secus videretur, minimè dubitaret. *Juvencius lib. 19. p. 5.*

#### *Eodem die obierunt.*

4. Murciæ in Hisp. anno 1566, P. Jacobus Suarez Hispanus, constantia in vo-catione religiosa memorabilis. Cum nullis artibus aut minis induci posset ad Soci-etatem deserendam; stricto ferro aggressus eum est pater in templo: at Jacobus ab-ductum in Collegium prudenter tranquillavit. Orandi studio ita erat addictus, ut Christi monitum de orando perpetuo, visus sit accuratè implevisse. Non semel mo-niales S. Claræ ad Collegium miserunt nuncium, significantes: supra tectum Colle-gii flammam validam & incendium noctu apparere. Facta diligenti inquisitione à P. Ministro & Janitore, non aliud repertum est; quàm quod P. Jacobus ardentissimè in-fisteret orationi, à terra sublimis, nec advertens, an & quis ad ipsum esset ingres-sus. Advocatus P. Rector idem vidit: nec aliunde, quàm è Patris Jacobi pectore, cre-ditum est, flammam illam erupisse.

*In Vocatione constantia.*

*Oratio assidua*

*Flamma supra Collegiū testis orationis arden-tis.*

5. In insula Majorica anno 1601, Jacobus Ruiz, Coadjutor Hispanus, per annos 30 laborioso coci munere laudatè functus. F. Alphonsus Rodriguez, cum pro defun-cto coronam DEiparæ V. recitaret: vidit illum in cœlo facie jucunda, lateri cœlo-rum Reginæ assistere, jussusq; est, id aliis nunciare.

*Cocus per an-nos 30.*

*Deipara chara*

6. Romæ anno 1630, P. Andreas Barpi Italus, heroicæ charitatis, impensæ pe-nitentis, præmia percepit.

*Victima chari-tatis.*

7. In Æthiopia, incunte Junio, anno 1658, P. Apollinaris Almeida, Episcopus Nicænus, Lusitanus, peremptus est in odium fidei, cum duobus sociis, P. Hyacin-tho Francisci Italo, & P. Francisco Rodriguez Lusitano. Cum toti essent in gente illa ab erroribus in fide purgenda, atq; ad Ecclesiæ Romanæ communionem perdu-cenda, inter expiandum Catholicos deprehensi, canum instar tracti, ex arboribus suspensi, & semivivi lapidati sunt. Cadavera bestiis objecta, sed ab ipsis non læsa.

*Episcopus & so-cietate cum du-obus sociis in Æthiopia fidei-victimæ.*



Habebat Episcopus pro sigillo SS. JESU Nomen cum Inscriptione: *Dedisti eum aſcam*  
*populo JE: hupum. Plal. 73. Nadasi ponit 14. Lunii.*

## II. JUNII.

*Calumniator  
 S. Ignatii in-  
 cendio perit.*

I. **C**um Vicarius Complutensis, ut heri relatum, jussisset S. Ignatium ta-  
 larem deponere habitum, & studiosis communi uri; iste autem ege-  
 statem suam ad novum comparandum vestitum prætendisset: commisit  
 Vicarius Luzenæ cuidam, honestissimo viro, & in pauperes propensissimo;  
 ut operam suam in eo negotio commodaret Ignatio. Dum ad ditiorum  
 subsidia respiciunt, incidunt in turbam nobilium, prope aedes Lopii Men-  
 dosæ pila ludentium. Eleemosynæ igitur aliquid petit Luzena. At Lopius,  
 pridem Ignatii monitis de corrigenda morum licentia, offensus; *Non pu-  
 det* (inquit Luzenam alloquens) *clarum virum mendicum agere, idq; in*  
*hujus nequissimi, & flagitiosi hypocrite gratiam? Velim virum ardere nisi sic*  
*hic planè rogo dignus.* Indignati sunt socii colludentes, sed magis DEUS.  
 Paucis interjectis horis Complutum allatum est nuncium, de Philippo II.  
 feliciter in lucem edito. Sequuntur mox gratulationum & lætitiæ appa-  
 ratus. Lopius, ut erat nobilis, ex edito sui palatii, cum servo & ephebo,  
 pro virili sua totus erat in explodendis bombardis: cum scintilla iræ divi-  
 næ flatu, in acervum nitrati pulveris incidens, grandem concitavit flam-  
 mam, qua involutus Lopius, dum rabiosè vociferans, in aquam se præci-  
 pitat, animam efflavit. Sic vidit Ignatius Magnum spectaculum, *DEum*  
*pro se armatum, ut loquitur Augustinus. Bartoli lib. 1 Vite n. 34. Simi-*  
*lia habet idem lib. 5. n. 2. & 3. de Religiosis quibusdam calumniatoribus.*

*Domus Profes-  
 sa Toletana præ-  
 clara initia.*

*Studium sin-  
 gulare perfe-  
 ctionis religiosæ.*

2. In Hispania Toleti anno 1566, loco Collegii, quod inchoatum e-  
 rat, condita est Domus Professa, evocatis ad eam constituendam viris  
 primariis, qui vel Collegia, vel Provincias rexerant, atq; inter eos Simone  
 Rodericio, uno ex primis decem. Omnium & singulorum mirus erat  
 ardor, & studium religiosæ observantiæ & perfectionis. Distributis in  
 horas singulas cujusq; diei religiosis exercitationibus, gaudebant viri  
 gravissimi, se, post longa magisteria, iterum velut in tyrônium officinam  
 redigi, & quasi rudes informari. Die Lunæ Provincialis de Constitutio-  
 nibus Societatis loquebatur; die Mercurii Antonius Corduba de Confes-  
 sationum officio; die Veneris Emmanuel Lopez de ratione Spiritum exer-  
 cendi per Exercitia S. Ignatii; & sic de cæteris diebus. Conceptus domi  
 spiritus fundebatur mox in urbem, Apostolicis laboribus excolendam,  
 tanta civium approbatione: ut eorum beneficentia, quod fieri solet, certa-



ret cum fervore operatorum Evangelicorum. *Sacchin. p. 3. lib. 2. n. 65, & seqq.*

*Eodem die obierunt.*

3. Romæ anno 1591, P. Ludovicus Corbinellus, Italus, qui Romanum Collegium & virtutibus & beneficiis eximie ornavit. Morti vicinus, ter unâ eademq; nocte apparuit B. Aloysio, & ipsi ægro, opemq; imploravit pro extremo agone feliciter absolvendo: dicebat enim se ipsius metu gravissimè discrucari. Defuncto intra eam noctem P. Ludovico, manè B. Aloysius dixit P. Bellarmino: eum absq; morâ Purgatorium transivisse: expiatum scilicet sufficienter per acerbum agonem.

*Agonia gravi loco Purgatorij*

4. Ibidem anno 1593, Michaël Herera, Coadjutor Hispanus. Cum adhuc militaret sæculo, à Carolo V Imp. primum in Angliam, deinde Constantinopolim ad Solimanum missus, orto inter Carolum & Solimanum bello, in vincula conjectus est. E quibus tandem liber, à temporalis Domini obsequiis, ad Aeterni transit. Societati adscripto, prope sexagenario, sed ore ac opere valenti, Sacerdotium instantè obtulit S. Borgia: at Michaël elegit, abjectus vivere in domo DEI; vixitq; annos 34, æquè externis ac nostris charus.

*Vir illustris Coadjutorum gradum in Societate, & constanter tenet.*

5. Hispali in Hisp. anno 1649, P. Andreas de Cazorla Hispanus, pretiosa morte occubuit in obsequio pestiferorum. Inter prima Boeticæ Provinciæ lumina censebatur. Quoquo se verteret, in id erat inprimis intentus: ut omnibus, cum quibus agebat, quàm maximum peccati horrorem afflaret. Imminebat deinde in omnem propagandæ divinæ gloriæ, & procurandæ salutis humanæ occasionem, sacras expeditiones suscipiendo, parvulos Christianâ doctrinâ instructos per compita ductando, adultos Divini verbi pabulo pascendo, pro Sacro Tribunali assidue aures dando, ac velut scintilla in arundineto discurrendo, omnesq; inflammando. Cum iter ageret, in diversoriis ipsis divisam in choros familiam, ut è ritu Rosarii DEiparam V. salutarent, suaviter inducebat: ubiq; & magna potens auctoritate, & mirabili pollens dexteritate.

*Victimæ charitatis.*

*Peccati horror*

III. JUNII.

1. **P**Aulus III. anno 1545 concessit Societati peramplam facultatem Concionandi, Confessiones audiendi, absolvendi, & alia Sacramenta ministrandi Breve incipit: *Cum inter cunctas sollicitudines &c.* Bullar. Soc.

*Facultas concionandi, & sacramenta ministrandi.*

2. In Hispania insigne ornamentum Societati accessit anno 1558, Franciscus Toletus, primus postea è Societate Cardinalis. Salmanticæ Societati adscriptus est hoc die, Sacerdotio jam initiatus, & Magistri in Theologia insignibus ornatus, tanta opinione doctrinæ, ut annos natus 23 ibidem publice philosophiam sit interpretatus; nec aliquis in tota Hispania creditus sit illi par ingenio & doctrinâ. Dominicus Sorus Toleti Professor, *Prodigium ingenii* ipsum appellabat. *Soutvellus in Bibl. Soc.*

*Franc. Toletus Societatem ingreditur.*

3. In Belgio anno 1578 ab hæreticis regi Catholico perduellibus, Tornaco ejecti sunt Socii; quod juramentum non admiserint de Austriaco

*Socij Tornaco ejecti.*



hostis loco habendo, & persequendo, *Sacchin. p. 4. lib. 6. n. 142.*

*Domiciliū Tu-  
sculanum in-  
choatum.*

4. In Italia, quāvis ad quadraginta circiter civitates anno 1559 vocaretur Societas, ad nullam, præter Tusculanam, ductæ sunt coloniae: quod is locus Urbi vicinus, & àëris salubritate commendatus, maximè idoneus esset, non tam Collegio instituendo, quā opportuno diversorio, in quo Collegii Romani numerosissimi, respirarent, ac reficerentur infirmi, & laboribus scholasticis fessi. Qua opportunitate etiamnum gaudet Collegium Romanum. *Sacchin. p. 2. lib. 3. n. 48.*

*Legati Japonici  
Romā abeunt.*

5. Romæ anno 1585 Legati Japonici, munere suo rite perfuncti, reditum in patriam aggressi sunt, deducente ipsos Hippolyto Volia è Societate, in cujus Domo Professa tantisper commorati fuerunt. Creaverat illos Sixtus V. Pontifex equites aurei calcaris, ut vocant, à Romanis in Patritiorum numerum relatos. Muneribus dignis Pontifice, quæ ad principes suos deferrent, sunt instructi. Ad quaterna millia aureorum, quæ Gregorius XIII Ecclesiis & Seminariis Japoniæ constituerat, duo millia adjecit Sixtus in singulos annos, præter liberale viaticum & varia donaria ipsis legatis oblata: quos per totum statum Ecclesiasticum gratuito & honorifice excipi mandavit. *Sacchinus p. 5. lib. 5. n. 17. & seq.*

*Eodem die obierunt.*

*Operario  
strenuo vult  
Christus uti  
diutius.*

6. Zagrabia in Croatia, anno 1617 P. Petrus Vragonitius, Croata, unus è duobus, qui Societatem in Croatiam induxerunt. Primis ab ingressu in Societatem annis, ex insidiis graviter in capite vulneratus, & ad extrema redactus, clara luce habuit adspectabiles, Christum D. cum Matre sua; audivitq; hanc Filio dicentem: *Quid huc? An id, quod peti, facimus?* Christus respondit Matri: *Sine, Mater, modicum opus est, ut labores.* Evanuit visio, & Petrus sine mora convaleuit, egitq; navissimum annis 30 per Hungariam & Croatiam operarium.

*Via arcta ad  
cælum.*

7. In itinere Indico anno 1618, P. Quintinus Cousin, Belga, animarum zelo præstans. Quāvis egisset vitam cum virtute, ordinariam longè supergressa; in mortis confinio constitutus, identidem magno sensu in hæc verba erupit: *Arcta via, quæ ducit ad cælum, arctior, arctissima!* Sed paulò post oculis in cælum sublatis, & junctis ante pectus manibus, placidè conquevit.

*Vir omnibus  
numeris abso-  
lutus.*

8. Lugduni in Gallia, anno 1626, P. Franciscus de Mendoza, Lusitanus, nobilitate generis, omnigenâ literaturâ, & morum innocentia eximius. Libros Regum Hebræorum egregiis Commentariis illustravit. Romæ, quò à Provincia sua missus fuerat Procurator, illud tulit elogium: ut Præpositus Generalis Virum dixerit omnibus numeris absolutum, Concionatorem, Scriptorem, Doctorem, Superiorem, & Religiosum perfectum. Reducem ex urbe mors intercepta in Gallia, pridem optime, quæ paratum. Virginitas illi perpetua, Legum observantia summa, prandium tenue, cœna vix nulla, Concio nunquam sine cilicio. Quidquid ageret, ingenio & zelo summo, summum conjungebat laborem.



## IV. JUNII.

1. IN Livonia Rigæ anno 1585 cives Ecclesiæ & Regi Poloniae Stephano rebelles, decreta quædam extorserant à Senatu, Ecclesiæ & Societati periniqua. 1. Ut Collegium Societatis in ea urbe non esset. 2. Ut Jesuitarum numerus, qui ibi tolerandi essent, definiretur. 3. Ne SS. Sacramentum Eucharistiæ per compita palàm deferretur &c. Quæ omnia auctoritate regia, hoc die, Cardinalis Radivilius rescidit. Consternata hoc fulmine civitas, mitius agere cœpit: cumq; Possevinus è Moschovia illuc appulisset, non humaniter solum, sed honorificè exceptus est à Rigen-sibus; volueruntq; eo uti patrono apud regem sibi conciliandum. Sed ille reposuit: non alio opus esse remedio, quàm ut ipsi regiæ auctoritati & clementiæ sese submitterent. Nihil enim ipsis esse nocentius, quàm regi tam potenti & sapienti refragari. Videbatur rebus turbidis redire serenum, cum importuna mors Stephani anno sequenti omnia turbavit. *Sacchin. p. 5. lib. 5. n. 91. & lib. 6. n. 40.*

*Turba Rigen-ses contra Societatem.*

## Eodem die obierunt.

2. In America apud Taraumateses anno 1650, P. Cornelius Beudin Godinez, Belga, in odium fidei cæsus est. Comprehensus à barbaris, quod investis peregrinis sacris, populum à patriis diis averteret, raptatus ad templum & aram, atq; inde in cœmeterium, crucem ibi fixam arripuit; in cujus complexu telis confessus, clavâ pulsatus, & strangulatus est. Biennio post corpus incorruptum repertum, innocentiam animæ sanctitatis testimonium dedit.

*Victima fidei in America.*

3. Waterfordiæ in Hibernia anno 1650, P. Iacobus Valesius, Hibernus, serviendo pestifera lue laborantibus, victima charitatis cecidit. Angelica illi anima, corpus nulla voluntaria labe inquinatum, industria mirabilis ad hæreticos convertendos.

*Victima charitatis.*

4. Compluti in Hisp. anno 1669, P. Ioannes de Almarza, Hispanus, ardens Ecclesiastes, præsertim contra spectacula, & vestium luxum. Quamvis doctrinâ & ingenio præstaret: Grammaticæ tamen rudimentis per plures annos tradendis, se addixit. Inde ad Apostolicas expeditiones se transtulit: ad quas ut Scholasticos nostros incitaret, & assuefaceret: quo tempore vacabatur à studiis, educebat eos ad vicinos pagos, ad instruendos rudes in rebus fidei, & actu Contritionis eliciendo: quos ipse deinde Sacramento poenitentiae expiabat. Tenerrimo affectu, præter S. Josephum, Joachimum & Annam ferebatur erga S. P. gnatum: à quo non unam prodigiosam gratiam est expertus.

*Grammaticæ institutio aliorum lectionibus prælata.*

*Scholasticorum Societas institutio.*

5. Romæ anno 1667 P. Sfortia Pallavicinus, Italius, S. R. E. Cardinalis, purpurati Senatûs & Societatis nostræ decus eximium. Quantus esset vir futurus, ostendit juvenis: quando Romæ, 21 annos natus, ex universa Theologia toto triduo disputavit, cum doctissimorum stupore & plausu. In Curia Urbani VIII adscriptus Prælati nrisque Signaturæ, dein etiam Congregationibus de bono Regimine & Immunitate Ecclesiastica, deniq; Gubernator factus variarum civitatum, honores hos omnes,

*Disputatio Theol. tridua.*

*Honorum contemptus.*



nes, & sublimiorum spes, cum javito Marchionatu, sprexit, atq; in gremium Societatis convolvavit, Sapientiam ejus & doctrinam satis prædicant tum gesta ejus, tum scripta, præsertim Historia Concilii Tridentini. Ab Alexandro VII in Sacrum Cardinalium Collegium, interposito præcepto, cooptatus, semper Societatis amantissimus vixit, quam etiam moriens circumfusus Sociis & aulicis, eximie commendavit, Domumq; Probationis hæredem suam fecit. *Sourvellus in bibl. Soc.*

## V. JUNII.

*Facultas data  
Societati ad-  
mittendi Co-  
adjutores spiri-  
tuales & tem-  
porales.*

1. **A**Nno 1546 Paulus III facultatem Societati concessit, per Breve *Ex- pont nobis nuper fecistis &c.* admittendi Coadjutores tam Spirituales, quàm Temporales, qui emittant tria consueta vota, & non teneantur ad emittendam solemnem Professionem: fiant autem participes omnium meritorum, quibus gaudent Professi. *Bullar. Societ.*

*Eodem die obierunt.*

*Cassitas forti-  
ter asserit.*

2. Manilæ in Philippinis insulis, anno 1622, P Joannes de Ribera, Hispanus, asserit fortiter pudicitiam suam, & heroicam patientiam insignis. Adolescens à procaci femina sollicitatus, exemplo Patriarchæ Josephi, gloriosam fugam sibi consuluit; relicta vestis parte in manibus lupæ. Ad Societatem venit, illud sibi occidens: *Fallax gratia, & vana est pulchritudo.* In supremo morbo à capite ad calcem copioso ulcere percussus, auditâ identidem patientis Jobi historiâ se sustentabat, donec religiosa mors, die quam prædixerat dolori finem fecit.

*Coadjutorum  
gradus electus*

3. Limæ in Peruvia, anno 1610, Franciscus Lopez, Hispanus, ex generali totius regni Peruani Visitatore, Societatis humillimus & laboriosissimus Coadjutor. Ad sacros Ordines suscipiendos, nec à Superioribus, nec ab Archiepiscopo adigi potuit. Videtur DEus prærogativam Ordinis illi compensasse insigni dono Orationis & lacrymarum.

4. Manresæ in Hispania anno 1627, P. Jacobus Tонера, Hispanus. Quadragessimas duas supra triginta ferventissimis concionibus exanilavit, magno labore, gratiâ, & fructu animarum. In Millionibus quoq; mirè sælix, cum ad locum quandam noctu appulsus, intellexisset: magnam isthinc pluviam necessitatem esse; manè serenissimum cælo pulpitum conscendit, & magna vi dixit contra peccata, quæ cælum claudunt, & aperiri non sinunt. Unde primum ex oculis auditorum copiosa lacrymarum copia manavit; & antequam è templo pedem efferrent, opportunum imbrem hortis agrisq; cælum effudit.

## VI. JUNII.

*S. Norbertus  
Strumam cu-  
ras.*

1. **S**. Norbertus Archiepiscopus Magdeburgensis, cujus hodie celebratur festum, invocatus ab adolescente Matthæo Peittenberger, Bohemo; ut sublata strumâ, aptus redderetur Societati, quam expetebat. Auditus est, & adjutus. Evanuit Struma, & Matthæus in Societatem admissus, egregium præstitit Novitorum Magistrum, & in pestiferorum obsequio operarium. *Nadasi in Anno dier. Memor.*

*Eodem*



*Eodem die obierunt.*

2. Yendi in Japonia anno 1634, P. Sebastianus Viera, Lusitanus, cum quinq; Sociis Japonibus Novitiis, in odium fidei peremptus. Vices Provincialis cum ageret, magno Japonicæ Ecclesiæ bono, sparæ sunt longè lateq; imagines, vultum ejus referentes, ut caperetur; capienti promissi Aurei mille. Captus tandem, atq; in carcerem conjectus, cum sollicitaretur ad defectionem, respondit: *se, jam tres sexaginta natus annos, à D.Eo suo plurima & maxima accepisse beneficia; ab Imperatore verò Japonia non nisi comedes & carceres cur ergo illum inmortalem, in hujus mortalis gratiam deserere?* Ad scrobem ergo damnatus, prono capite in foveam suspensus est à pedibus, cum quinq; Sociis illis, totoq; triduo tormentum illud sustinuit, ac cæteris extinctis, supervixit. Supposito demum igne cruciatus, & post extracta viventi adhuc viscera, combustus est.

*Victima fidei  
jex in Japonia.*

*Constantia in  
fide.*

*Tormenta im-  
mania.*

3. Hueræ in Hisp. anno 1583, P. Joannes Gonzalez. heroicæ charitati immortuus est. Cum enim moribundum quendam permovere nullo modo posset ad pœnitentiam, sollicitus de animæ æterna jacturâ & calamitate; caput suum D.Eo devovit in Missæ Sacrificio, pro miseri illius salute. Sacrificio vix peracto, miser ille Confessarium inclamavit. Vocatus P. Joannes, seriò contritum audivit consistentem, & rite absolutum expedit eadem circiter horâ, cum bona spe in viam felicitis æternitatis. Ipse verò morbo repente correptus, reum se voti sentiens, sine mora ad eandem viam se accinxit, obiitq; non minore suo gaudio, quàm nostro stimulo.

*Victima excel-  
lentis charita-  
tis.*

*Pro impæni-  
sente caput su-  
um devovet  
Confessarius.*

*Victima alia  
charitatis.*

4. Hispali anno 1649, Michâel Perez, Coadjutor ab ægris contracta lue extinctus est; postquam ducentis illa lue infectis, accuratissimâ diligentia servivit.

5. Apud Sinas in urbe Hangcheu anno 1661 P. Martinus Martinus, Germanus, strenuus & industrius ibidem operarius. Missus Romam illius Vice provincie procurator anno 1651, post multa pericula terminum attingit, & feliciter expeditis negotiis, reversus est in vineam suam cum selectis 17 Sociis, ex quibus septem in itinere occubuerunt. Præter libros idiomate Sinenſi editos de Religione Christiana, edidit in itinere typis Hollandicis laudatissimum opus, *Atlantem Surenſem*, seu descriptionem Imperii Sinenſis, Tabulis Geographicis illustratam *Soutwellus in bibl. Soc.*

*Atlas Sinenſis  
P. Martinus.*

VII. JUNII.

1. IN sacro Tridentino Concilio celebrata est anno 1546 Sessio V, cui ex Societate adesse jussi sunt PP. Lainius & Salmeron, tanquam Theologi Pontificii. Tridentum ubi attigerunt, à Legatis Sedis Apost. peramanter excepti sunt, oblatumq; illis apud ipsos hospitium & mensa liberalis. At Patres in nosocomium S. Elisabethæ recipere se maluerunt, ex præscripto S. Ignatii; ut humilibus charitatis officiis se melius disponerent ad dicendam in augusto illo confesso pro dignitate sententiam. Quo procedendi modo maximam sibi apud Conscriptos Patres conciliarunt æstimationem & gratiam; quæ incredibiliter aucta est, postquam auditi sunt. Primus inter cæteros sententiam dicebat Salmeron, Lainius postremus: *cujus*

*Lainius & Sal-  
meron Pontifi-  
cij Theologi in  
Conc. Trid.*



cujus erat varias Theologorum sententias compendio referre, ponderare, & suffragio suo vel firmare, vel confutare. Quem ordinem deinceps Legati Apostolici servari voluerunt. Quam pimum se prodidit Theologorum nostrorum eruditio: mutata est confestim concepta de illis, tanquam hominibus novis opinio, intellectumq; quantum sapientiæ lateret sub vili pallio. Nam cum initio pannosi, & male vestiti in illius theatri conspectum sese dedere; ipsis Hispanis contemptum moverunt. At ubi reconditæ intus ingenii opes effulserunt, agnovère populares suos, & gratulati sunt nationi suæ viros tam egregios. *Orland. p. 1. hist. Soc. lib. 6. n. 21. & seq.*

*P. Oliva Vicarius Generalis constituitur.*

2. In Congregatione Generali XI electus est in Vicarium Generalem perpetuum, & cum jure successionis P. Joannes Paulus Oliva, Genuensis, Patritiæ familiæ, qui Avum & Avunculum habuit Serenissimos Duces illius Reip. Domum probationis Romanam decennio, & Collegium Germanicum iteratò rexerat; etiam in minoribus visus par muneri maximo. *Ex Decr. Congr. XI. & Soutvelli Biblioth.*

*Varsevicij in Suecia infirmitas expeditio.*

3. In Sueciam anno 1574 ad Joannem regem hoc die Vilmâ profectus est, missu Pontificis, P. Stanislaus Varsevicius: ut modum viamq; tentaret, prædictum regem cum populo suo reducendi in gremium Ecclesiæ. Nihil laboris & industriæ intermisit: non tamen aliam obtinuit resolutionem, quàm lentè ac secretò se conaturum, ut ritus præstos instauraret. Cæterum nullam apparere spem Succos ad Ecclesiam Romanam reducendi: nisi Pontifex Communionem sub utraq; specie populo, Sacerdotibus autem concederet conjugia. Sic præcisa melioris eventus spe, Varsevicius in Poloniam se recepit. *Sacchin. p. 4. lib. 2. n. 33.*

*Eodem die obierunt.*

*Victima fidei in India.*

*S. Xaverij singularis Patronus periclitans in Castanis.*

*Scrupuli depouendi Patientia assumenda.*

4. Bubayeni in India anno 1642 P. Bartholomæus Sanchez Hispanus, à barbaris interemptus. Multa ei fuit erga Indiarum Apostolum S. Xaverium, devotio, fiducia, & quædam confidentia; sentiebatq; se acriter incitari ad ejus virtutes Apostolicas imitandas. In eodem Sancto suave præsentissimumq; præsidium inveniebat, quando quidpiam Angelicæ virtutis puritati oppositum, menti injiciebatur. Et videbatur sibi à DEipara V. instinctu interno monitum: ut ad hanc victoriam Xaverio Patrono uteretur. Cum aliquando Calendis Decembris, coram sui Xaverij effigie supplex oraret: vidit totam Sancti imaginem grandi cruce contextam: quod mysterium evolvit eventus, morte à barbaris illata, ab uno sic vulneratus in gutture, ab altero bisariam dissectus. Aliàs anxio, an rite Sacris Ordinibus esset initiatus, allapsa cælitus vox est: ut se in Sancti sui manibus relinqueret, pati, & cum imitari paratus.

5. Prægæ in Bohemia anno 1667, P. Rodericus de Arriaga, Hispanus, ob sublimitatem

litatem  
Societ  
gratam  
Collegi  
& Gene  
sitates.  
cæteris  
est. N  
tas al  
pieba  
visus  
malè  
inter  
dinan  
lis; se  
Soutvel

A  
Indi

sceli  
lam v  
sed o  
res A  
Salm  
docu

talus  
dioni  
scendi  
& vid  
sticæ  
unive  
fini  
qui  
inc  
no  
an  
Gita



litatem ingenii, doctrinæ præstantiam, & virtutis religiosæ meritum, inter præcipua Societatis lumina numerandus. Professionem ejus in Bohemiam, divinæ Majestati gratam esse, significavit D. Marina de Escobar, Virgo sanctitate celebris. In Prægenſi Collegio verſatus eſt annos ſupra 40, Theologiæ Profeſſor, Academia Cancellarius, & Generalis ſtudiorum Præfectus magnâ nominis ſui famâ etiam per alias Univerſitates. Superiorum diſciplinatum rem auxit egregiis Tomis 8, uno Philoſophico, cæteris Theologicis: dum ultimum, de Jure & Juſtitia pararet, ad præmia evocatus eſt. Nec minus perfectionis, quàm ſcientiarum ſemper fuit ſtudioſus. Orationi horas aliquot per diem ſanctè impendebat; in itineribus non minùs ei addiſtus, recipiebat ſe in angulum aliquem diverſorii, ut DEo vacaret: domi verò fere nunquam viſus eſt aliud agere, quàm vel ſtudere, vel orare. Paupertatis ſtudio, unicâ interulâ malè ſartâ, per annos 26 uſus eſt. Quàmvis in ſumma eſſet æſtimatione, non ſolum inter doctos, ſed etiam apud Urbanum VIII & Innocentium X Pontifices, atq; Ferdinandum III Imperatorem; ſibi vilis, cum Sociorum ultimis agebat, ut unus ex illis; ferebatq; æquanimis acriorem ſubinde impugnationem ſententiarum ſuarum. *Sontvellus in bibl. Soc.*

*P Arriaga la-  
bores ſcholaſtici*

*Orationis ſtu-  
dium inter ſtu-  
dia.*

*Paupertatis a-  
mor.*

## VIII. JUNII.

1. **A** Nno 1622 Indulgentiam plenariam perpetuam pro feſtis SS. Ignatii & Xaverii, in templis Societatis conceſſit Gregorius XV. *Nadaſi in Indice Memor.*

*Indulgentia  
pro feſtis S. I-  
gnatii & Xave-  
rij.*

2. Poſtulante Alberto Bavariæ Duce, anno 1556, Socii 18 Româ profeſſi ſunt, Ingolſtadii domicilium fixuri, ad reſtituendam Academiam illam valde collapsam. Laboratum eſt initio incommoditate non modicâ: ſed omnem ſenſim ſuſtulit eximia Ducis benignitas & liberalitas. Doctores Academici perbenevolos ſe præbuerunt hoſpitibus, memores adhuc Salmeronis, Jaji, Gaudani, Caniſiiq; , qui olim Ingolſtadii magno plauſu docuerant. *Orlandin. p. 1. hiſt. Soc. lib. 16. n. 23.*

*Ingolſtadium  
expediuntur So-  
ci Româ.*

*Eodem die obierunt.*

3. Romæ anno 1649, P. Vincentius Carafa, Generalis Præpoſitus Societatis, Italus ex principe Carafarum familia. Ab ipſa infantia præventus à DEo in benedictionibus, per ſemitas magnorum Sanctorum ad ſublimem Sanctitatis gradum conſcendit. Puer, innocentia & pietatis merito, Angelus carne veſtitus appellabatur: & vidit illum Angelico vultu nitentem, cæleſtiq; luce circumfuſum, dum Euchariſtica menſæ accumberet, P. Julius Mancinellus. Sive Collegia, ſive Provinciam, ſive univerſam regeret Societatem: talem ſemper ſe præſtitit ad amuſſim, qualem Conſtitutiones Societatis requirunt; id eſt, conjunctiſſimum cum DEo, exemplo magis quàm verbo regentem, mitem & ſortem, ſuaviterq; ſeverum. Charitatem ſuam erga indigentes, magno ſplendore explicuit. Potiſſimum annò 1649, quando ſumma annonæ caritas premebat urbem. Corrogatis magnâ indiſtriâ eleemoſynis, quotidie ante portam domus Profeſſorum alebat millenos, ordinatim diſpoſitos, per duos circiter menses. Ipſe diſtribuebat eſcas, & addebat condimentum doctrinæ ſpiritualis.

*Adoleſcens An-  
gelus.*

*Superior ſua-  
viter ſeverus.*

*Caritas & li-  
beralitas erga  
egentes.*



*Vidua cha-  
ritatis Roma.*

*Culina obse-  
quia.*

*Somnus brevis  
& durus.  
Peccati odium  
capitalis.*

*S. Laitro patro-  
nus pro morte.*

*Cubiculum e-  
genum.*

Translatis dein, jussu Pontificis, ad Lateranense palatium mendicis, non defuit illis inservire; donec ex obsequii contentione contracta febris, vitam Sanctam morte sancta conclusit, ante & post fata prodigiis gratis honoratus à DEO. Spiritum ejus spirant piissima Opuscula ab ipso edita, plena Seraphici amoris.

4. In civitate S. Jacobi, apud Americanos anno 1633, P. Joannes Darius, Italus, vir ad omnium sincera obsequia natus, Surgebat subinde noctu, & culinae supellectilem mundabat. Si audiret prolatas in platea voces DEI offensivas, in cubiculo acriter se flagris accipiebat. In Peruvia & Paraquaria, ardua multa exantlavit. Pro lectulo illi erat asser aut sella, pro brevi trium horarum somno, idq; constanter per annos 40. E cubiculo exiturus, & eò redux, ad Crucifixi pedes provolvebatur. In ejus offensas tanto passim zelo invehebatur; ut capitalis peccati hostis diceretur.

5. Græcii in Styria anno 1664. P. Paulus Rosmer, Belga. Viennæ & Græcii Theologiam Scholasticam annis 16 eximia ingenii & doctrinæ commendatione prælegit. Pro felici morte, inter alios, S. Dylmam Latronem, Christi in crucé Socium, singulari cultu sibi conciliabat. S. Paupertatis amore, cubiculum uti acceperat, post annos tredecim moriens reliquit, nullo prorsus vel impedimento amoto, vel commoditate adjecta. *Sourvellus in bibl. Soc.*

## IX. JUNII.

*Attritio vel  
Contritio natu-  
ralis non suffi-  
cit ad justifica-  
tionem.*

1. **H**abita est Disputatio XVIII. de Auxiliis Gratiæ, anno 1602 coram Clemente VIII. Argumentum disputationis fuit: *An Concilium Tridentinum Sess. 14. cap. 4. & Can. 5. obstat ijs, quæ de Contritione & Attritione docet Molina?* Respondit P. Arrubal, non obstat. Quia nullibi docet Molina; hominem justificari posse per Attritionem vel Contritionem naturalem: quàmvis doceat: viribus naturæ elici posse actum aliquem attritionis vel contritionis (prout docuerunt complures Theologi veteres) insufficientem ad salutem. Quin potius apertè docet passim, tum in genere: quæ fiunt ex viribus naturæ, nullo modo deservire ad justificationem aut ad finem supernaturalem; tum in specie disp. 14. *S. Post hanc*, expressè dicit, ex citato loco Concilii, requiri Attritionem supernaturalem; & oppositam sententiam non esse tutam in fide. *Eleuther. lib. 5. hist. de Auxil. cap. 22.*

*Leoboldus I  
Imp. nascitur.*

2. In Austria serenissimus refulsit hic dies ortu novi Sideris, & quidem primæ magnitudinis, Leopoldi I, Augustissimi Imperatoris, Ferdinando III. Imp. geniti, in magnam Romani Imperii gloriam, Ecclesiæ Catholicæ incrementum, Societatis protectionem & honorem, Turcarum autem & sectariorum ruinam.

3. Lainius Præpositus Generalis, rebus præclarè gestis in Gallia, quò à Pontifice missus fuerat, revocatus ab eodem ad Concilium Tridentinum, anno



anno 1562, hoc die è Gallia in Belgium movit. Exceptus est ibi tanta humanitate non solum Granvellani Cardinalis, & Margaritæ Gubernatricis; sed omnium Ordinum: ut, cum se omnibus, ejus alloquium petentibus, dare non posset; maturare exitum è Belgio debuerit, admissis, quæ inter alia petebantur Collegiis, Cameracensi & Antverpiensi, *Sacchin. p. 2. lib. 6. n. 70.*

4. In Gallia anno 1587 Visitator Magius convenit regem Henricum III, à quo singulari benignitate exceptus, omnia ad votum habuit, præter illud; quòd rex Superiores Collegiorum & Domorum Societatis in Gallia non alios esse voluerit, quàm Gallos. De cætero libenter indulgit, ut Visitator omnia administraret ex moribus legibusq; Societatis, *Sacchin. p. 5. lib. 7. n. 63.*

*Eodem die obierunt.*

5. Reritibæ in Brasilia, anno 1597, P. Josephus Anchietæ, Thaumaturgus, & Apostolus gentis illius, quam totis 44. annis indefessus excoluit. Oriundus fuit ex una Fortunatarum insularum, quam Tenerisam dicunt, ob admirabilem morum innocentiam, *Innocens Adam dictus.* Venerabantur enim eam aves cæli & bestię terræ, quarum plenum videbatur habere dominium: ita promptas habuit ad nutum suum. Sed mirabilior fuit excelsis virtutibus, Charitate erga DEum & proximum, orandi & se affligendi studio, humilitatis & patientiæ exemplis, & exquisito DEiparæ V. cultu, Vitam ipsius, apud barbaros obses relictus, Latino versu elegiaco, bis mille & octoginta sex distichis eleganter exposuit, sine charta & stylo, solius memoriæ fidelitate usus. Marianum hunc vatem, multis futurorum & absentium vaticiniis clariorem fecit DEus. Multa & admiranda tradit Vita Apostolici hujus viri typis edita, variis variarum nationum linguis.

6. Crumlovii in Bohemia anno 1615, P. Dominicus Valesius, Italus, eximius DEiparæ V. & Sanctæ Paupertatis cultor. Audiris S. Catharinæ Senensis & B. Aloysii Vitæ, ad excelsæ virtutis studium mirabiliter exarsit. Quotidie è Thoma Kempensi Caput unum flexis genibus legebat. In ejus cubiculo nullus lectus, nec sedile: pro mensa erat armarium quoddam, pro candelabro manus sinistra, pro lectulo crux magna, cui indormiebat. Nissæ peste contactis cum indefessam præstitisset operam, viribus fractis, paulò post sanctè decessit Crumlovii.

7. Claudiopoli in Transylvania anno 1603, Emmanuel Niger, Coadjutor Italus, cum ea urbe occupatâ, hæretici milites grassarentur in templa; sacrilegam eorum insolentiam, præcipuè in proculcanda Sacrosancta Eucharistia, tolerare non potuit Emmanuel. Intrepidus igitur graviter redarguit sacrilegos: sed ab illis securi militari cæsus, & globo trajectus, occubuit.

**X. JUNII.**

**P**ost hesternum colloquium, cum Henricus rex hodie religionis gratiâ ad Capucinos se contulisset; eundem P. Magium advocari curavit; *Ee 2*

*diuq;*



*P. Edmundus  
Augerius sine  
ulla difficultate  
aulam deje-  
rit.*

*Henricus III  
rex Galliarum  
ut domibz Soc.  
soli Galli pra-  
essent.*

*Brunsbergen-  
sis Collegij di-  
solatio.*

*Minister haeret.  
in templo con-  
cionari nequit.*

*Audertas re-  
ligiosa splen-  
da.*

diuq; solus cum solo locutus Italico sermone (erat enim Magus Venetus) perlibenter indulgit: ut P. Edmundus Augerius, quo familiarissimè utebatur, praesertim ad instituendas Sodalitates quasdam pias, ab aula transiret ad domicilium Societatis; prout Claudium Praepositum Generalem optare intellexerat. Addidit autem; se id concedere, ad suam erga Societatem testificandam benevolentiam. Mirum sanè: & quòd rex tam facile dimiserit Edmundum; & quòd Edmundus tam facile reliquerit aulam regiam; cum utrumq; perarduum fore timeretur. Sed fuit Edmundus vir ille, qui aulae non propter aulam, vel privata commoda, serviebat; cujus Apostolico zelo non aulam unam, sed universam Galliam, DEus theatrum posuerat. Post prolixum & familiare colloquium, rediit rex ad hesternum postulatum suum: ut in Gallia non alii essent domiciliorum Societatis Superiores, quàm Galli; id enim exigere rationem Statûs; ut scilicet rex fideiiores haberet eos, à quorum directione penderet populus, ac potissimum studiosa juvenus. Arduum postulatum! sed in quod tandem concedi debuit; quàmvis à condita Societate, sinè ullo nationum incommodo, vixissent in eadem domo unoq; corde Hispani, Itali, Galli, Germani, Angli &c. *Sacchin. p. 5. lib. 7. n. 67.*

2. In Prussia cum anno 1626, hoc die occupata esset Brunsberga ab haeretico Sueciae regis milite: qui è nostris residui erant in Collegio, aliis maturè ad tutiora dilapsis, Patres duo, & Coadjutores Fratres tres captivi sunt abducti, graviaq; per biennium & ultra, passi sunt incommoda, tam in navibus, quàm in carcere Elbingensi. Collegium occupavit primum proditor quidam Mevensis, deinde Minister haereticus. Singularis Divinae Provinciae argumentum fuit: quòd toto illo tempore templum nostrum nullo sectariorum Religionis exercitio profanatum fuerit: imò ut fide digni retulerunt; ministrum, cum in cathedram non semel profiliisset concionaturus, horrore nescio quo perculsum obmutuisse, & à proposito destituisse. Organum tamen templi, insignis artificii, cum Bibliotheca Collegii in Sueciam deportatum est. *Ex Annus Collegij, sub anno 1635. Eodem die obierunt.*

3. Neapoli anno 1588 P. Andreas Spinula, Italus, domesticâ nobilitate, sed magis religiosa humilitate & charitate clarus. Cum ante initam Societatem aliquando cum Nostris vesceretur in triclinio, supellex mensae tanquam vilis & abjecta, opulento & laurè educato, nauseam & horrorem movit. At recepto in Societatem omnia visa nitidissima, & orbes & patinae ex argento conflata videbantur. Quod cum interpretaretur, suae imbecillitati & delicatiori genio à Superiorum prudentia dari: *Recto-*



Rectorem convenit, petitque; non ita indulgenter haberi, contentum se fore communi mensæ suppellectile. Sed edoctus, non nisi ordinaria esse apposita, Divinam erga se indulgentiam suspexit & laudavit. Rectorem deinde agens in Collegio Neapolitano, se ad pestiferorum obsequia demisit, & pretiosam mortem in præmium tulit.

*Victima charitatis.*

4. Paranae in Paraquaria anno 1613, P. Josephus Cataldinus, Italus, ad humanam Societatem adducendis barbaris, & instruendis mirificè addictus. Sex pagos condidit, & multa millia sacro fonte rinxit. Visus subinde est jam Angeli Custodis instar, Indos contra dæmones defendere; jam cælesti luce circumfusus, post mortem autem rutilante paludamento tectus. In divino potissimum Sacrificio cælestibus visis recreabatur: advertitq; non rarò, cum sacrum Calicem adoraret, ex eodem Brachium quoddam, Sacerdotali cultu ornatum, protendi, sibiq; benedicere. Anxio de Prædestinatione sua dixit DEipara V. *Noli timere, fili.*

*Barbarorum industrius cultor.*

*Benedictio divina.*

5. Lugduni in Gallia anno 1623, P. Michaël Coysardus, Gallus. Operarius strenuissimus, per ipsas octo horas pro Sacro Pœnitentiæ tribunali sedebat, etiam senex & jejunos. Ajebat se maximè refici mortis recordatione. Sub mortem dicebat: malle se de divina benignitate, quàm de Justitia loquentes audire; se enim à puero citra fucum Optimo illi Domino servivisse. Vivens & mortuus floruit opinione sanctitatis: nec defuere, qui eo apud DEum usi Patrono, à molestissimis & inveteratis tentationibus fassi sunt se liberatos.

## XI. JUNII.

1. IN Hispania anno 1556 magna solemnitate variorum Graduum Socij sua vota publice emiserunt. Invitati à Commissario P. Francisco Borgia Nuncius Apostolicus, Carolus princeps Philippi regis filius, proceres multi ac dynastæ, adfuerunt, cum præcipuis ex omnibus Religiosis Ordinibus. Excipiente Borgia ad aram, Professionem 4. Votorum solemnium fecit Baptista Barma, Hieronymus Portillus tria Vota Coadjutorum spiritualium, & quidam Coadjutor temporalis sua item vota emisit. Voluit Borgia rem cum ea solemnitate peragi: tum ut palàm fieret distinctio Graduum religiosorum in Societate; tum quia jactârunt quidam in Hispania, Societatem res suas in tenebris, seu furtim, agere. *Orlandin. p. 1. hist. Soc. lib. 16. n. 40.*

*Votorum Societatis Gradus & differentia declarata.*

2. Romæ anno 1622 Religiosam Societatis vestem induit Carolus à Lotharingia, è principe, Episcopo, & Comite Virdunensi mutatus rara metamorphosi in humilem JESU Socium. Cum adhuc Episcopus de ea re delibaret: dæmon ex energumena, cum templum ingressus esset Carolus, palàm edixit; ridiculam cogitationem & ineptam ipsum habere, quod vellet in corvum nigrescere. Timere se tamen, ne id, quod moliebatur, perficeret: nam hoc negotium DEiparam suscepisse tractandum, *Nadasi in Anno dier. mem. 28. April.*

*Carolus Episcopus Virdunensis Societatem ingressus.*



## Eodem die obierunt.

*B. V. amat im-  
plorari ut Ma-  
ter nostra.*

*In oratione at-  
tentio.*

*Rosarium Ma-  
rianum.*

*Caput suum  
pro moribundo  
deuovet effica-  
citer F. Coad-  
iutor.*

3. Gerundæ in Hisp. anno 1607, P. Gabriel Vasia, Hispanus, humanioris, & diviniore literaturæ, linguarumq; peritiâ præstans. DEiparæ V. honori & amori addictissimus, frequenter illam invocabat illo carmine: *Monstra te esse Matrem.* Quod cum in quodam morbo, & animi angustis, omisisset: adfuit ei Sanctissima Mater, & amanter sui tam oblitum redarguit.

4. Quito in Peruvia anno 1612, Marcus Antonius, Coadjutor Italus: cui nec domi, nec foris, aliud fere nomen erat, quam Sancti. Etiam 80 annos natus se cili- cius, flagellis, jejuniis atterebat. In orando tanta illi attentio, ut statua videretur: unde non mirum, eum impetrasse, quidquid petebat. Aliquando cum in templo divino sacrificio interesset, palam visus est sublimis in aërem elevari, ac toto vultu, instar vivi carbonis, collucere. Obvio ferocienti tauro Rosarium Marianum obten- dit, dicens; *Abi animalculum;* & ille dicto audiens, cicut abivit.

5. Bilbai in Hisp. anno 1623, Simon de Espalza, Hispanus, Coadjutor. Cum videret quendam à Sociis jam depositum, ad extremam luctam ungi: DEiparam V. quam diligentissime colebat, supplex adiit, petiitq;: ut ipse potius in morientis lo- cum substitueretur, illo in vivis retento: se enim Collegio vix aliquid, illum longè plus prodesse. Auditus est. Ager enim confestim respiravit, ac sensim convaleuit; Si- monem verò intra triduum idem morbus corripuit, & extinxit.

6. Viennæ Austriæ anno 1655, P. Ignatius Josciscus, Polonus heroicæ charita- ti gloriosè immortalis. Ter petiit, bis impetravit contagiosam Spartam. Vir erat, è cuius vultu, totiusq; corporis compositione promicabat candor mentis & figura probitatis. Unde cum domo prodiret, passim alter alterum interpellabat: *En Sanctus illum tesuram* Defuncto magna comploratione parentarunt ægri potissimum & pau- peres, tanquam *Patri suo*, ut aiebant.

## XII. JUNII.

*Lampas coram  
immagine S. Xa-  
verij extincta  
sine ope huma-  
na reaccendi-  
tur.*

1. **P**OTAMI in Calabria, quem locum Thaumaturgus Xaverius speciali- ter delegit, ad demonstrandam vim meritorum suorum apud DE- um, lampas coram ejus Imagine ardens, repente extincta, repente sine ope humana est accensa. Cantabantur à populo sub vesperum pro more hymni & laudes glorioso Apostolo: quibus finitis, dum Candelæ & faces extinguerentur, animadversum est ab universo populo, lampadem quoq; illam esse extinctam. Post aliquod temporis intervallum, dum pleriq; templo egressi jam essent, exivit etiam Petrus Natolus, cui cura incumbe- bat, ut semper lampas arderet, ignem allaturus, quo extincta lampas ite- rum accenderetur. Dum redit, invenit lampadem jam ardentem, quamvis nemo alius ignem admovisset. Populus ergo, qui residuus in templo erat, in laudes DEI, & gloriosi Apostoli erupit; quod fecerint de tenebris lumen splendescere. Simile contigit 18 Junij ibidem coram populo copiose colle- cto. Ex libello *Mirac. S. Xaverij Potamiensis* n. 32. & 37.



2. Urbem Neapolitanam cum anno 1656 sævissima pestis depasceret, nec remedium inveniretur implorata ope veterum Urbis Patronorum: conceptum tandem, atq; hodie emissum est civitatis nomine votum, procurandi, ut Indiarum Apostolus Xaverius, solemnī ritu inter cæteros Urbis Tutelares Divos referretur, si propitium se, & sospitatorem exhiberet in præsentī calamitate. Ratum & acceptatum fuisse votum, sine mora probavit eventus. Eodem enim die in publico Lazareto, quadringenti circiter peste tacti, subito convalescerunt, & lues tota brevī defecit. Flagitante igitur populo Neapolitano, auctoritate Pontificia, Divus Apostolus datus est Urbī peculiaris Patronus. *Ex Relatione, & Epistola impressa DD. Præfectorum Lazareti Neapolitani.*

*S. Xaverius  
Neapolim libera-  
rat a peste.*

*Eodem die obierunt.*

3. Pinthiæ in Hisp. anno 1575, P. Joannes Castaneda. Rexerat per annos plures Collegia Hispalense & Placentinum: cum Bustamantii jussu Toletum evocatus est, & ad culinæ subeunda officia applicatus, ad domandos elatiores quosdam spiritus, qui subinde erumpentes, cætera ipsius egregia decora obscurabant. Paruit promptus & constans, per menses plures insigni animi submissione, vilissima quæq; munia obeundo: donec è culina Toletana, Vallisoletani Collegii regimini est admotus, quod præclaris virtutibus ornavit.

*Post Rectoria-  
tus officia culi-  
nae.  
Humilitas ma-  
ter honorū Su-  
periorum.*

4. Madriti in Hisp. anno 1580, P. Rodericus Gonzalez, vir magni zeli, & industriæ, ad eripiendas animas dæmoni devotas. Madriti Sagam, in aula regia grandia patrantem damna, multo labore tandem ad sanam reduxit mentem, & ad Confessionem Sacramentalem perduxit. Instrumenta nefandæ artis sibi tradita à fœmina, per summum contemptum in fœdissimum totius domus locum conjecit, mirè fremente dæmone, & ultionem parante. Permissa ipsi est arcana DEi judicio. Patrem igitur Rodericum ibidem loci dirè exagitavit, & totum contractum prægrandi tabulâ oppressit. Sed sic oppressus Rodericus, dæmonum vires confregit: ut deinceps in Collegio Madritensi non ita sævire possent, ut alibi. Fastus id est dæmon ipse, jussus à malefico quendam ejusdem Collegii Sacerdotem vexare: Negavit enim se id posse; sed expectaturum, donec ille è Madritensi Collegio, se aliò transferret. Ex quo enim ab annis 50 & amplius ibi Patrum quispiam occubisset, multum sibi restrictam esse à DEo potestatem, in illius gratiam. Quæ dicta in nullum aptius, quam in Patrem Rodericum cadebant.

*Sagas conver-  
tendi industria*

*Dæmoni per-  
missa vindicta*

*Dæmonum vi-  
res imminutæ.*

5. Cracoviæ in Polonia anno 1622 P. Simon Wysocki, Roxolanus, cum P. Petro Skarga Romæ Societatem expetiit, & à S. Borgia admissus est. Redux in patriam post tyrocinium, strenuum egit operarium in ea vinea, pauperumq; semper præcipuam curam habuit, fundatis Posnaniæ, Vilmæ & Lublini Nosocomiis: unde speciosum *Pauperum Patri* cognomentum est assecutus. Deinde in Sueciam sequi jussus Serenissimam Catharinam, Joanni Regi desponsatam, aulam illam egregiè excoluit ad pietatem; magnaq; pars fuit, quod Princeps Sigismundus, postea Rex Poloniae gloriosissimus, Catholicè sit educatus. Ut latius extenderet zelum suum, liberum

*Pauperū Patem.*



224  
Zelus per inter-  
pretationem li-  
brorum.

tempus transferendis in idioma Polonum, aliorum selectis libris piis, operam impen-  
dit: quorum numerolum catalogum dat *Sont velus in biblioth. Soc.*

### XIII. JUNII.

Matthias Imp.  
Societate profi-  
cis Academicis  
Viennensi &  
Pragenſi.

1. Anno 1612, defuncto Rudolpho Imperatore, Mathias ejus frater, rex Hungariæ & Bohemiæ, ab Electoribus ei sufficitur. Multis ejus bene-  
volentia in Societatem argumentis, illud eximium accessit: quod celebra-  
rimarum Academicarum, Viennensis & Pragenſis, Societatem voluerit mo-  
deratricem. *Imago 1. Sec. Soc. lib. 3. cap. 12.*

Joannes III.  
rex Lusitania  
moriuntur.

2. In Lusitania anno 1557 Joannes III. rex, immortalitate dignissimus,  
magno Societatis luctu hoc die obiit. Inter innumera & maxima ejus bene-  
ficia illud palmare est: quod ipsam potissimum delegerit, ad regnum Chri-  
sti, quam latissime in Asia & Africa propagandum. Primus regum Societatem  
complexus est affectu non regio tantum, sed planè paterno; eiq; quod pre-  
tiosissimum & carissimum habebat, filium Principem tradidit instituendum.  
Labores autem Sociorum tantopere æstimavit: ut perinvitos licet ac sæpe  
reclamantes, nominaret *Apostolos*: quo nomine deinceps passim per Lusi-  
tania sunt honorati. *Ibid. lib. 5. cap. 12. Brietius ad ann. 1557.* Sacchi-  
nus obitum Joannis ponit 11. Junij.

Promota pax  
inter Sineses  
& Moschos.

3. Apud Sinas anno 1689 facta est solennis expeditio Commissario-  
rum ad tractandum cum Moschis de pace perpetua, & determinandis limi-  
tibus utriusq; imperij: Legatis suis, quorum unus erat Avunculus Impera-  
toris, voluit Imperator comites ire Patres nostros Antonium Pereyra Lusi-  
tanum, & Franc. Gerbillon Gallum: ut suâ industriâ promoverent nego-  
tium pacis. Hac die auspiciò moverunt Peckino, tandemq; in oppido Ni-  
pehu congressi cum Moschis, tam fidelem strenuamq; posuerunt operam in  
commisso negotio: ut partis utriusq; judicio, pax conclusa, quæ jam despe-  
rata fuerat, ipsorum industria & ingenti labori sit attributa, magno Sinici  
Imperatoris gaudio. *Ex literis M. S. P. Antonij Pereyra ad P. Thyrsam Gen.*  
*Eodem die obierunt.*

Pauperum cre-  
ator.

4. Pragæ in Bohemia anno 1661, P. Joannes Hubatius, Bohemus. Sibi etiam  
dictum putabat illud: *Tibi derelictus est pauper*. Proinde illis juvandis tam temporali,  
quàm spiritali subsidio, infima pauperum tuguria perreptabat: aulas non nisi stipis  
pro illis impetranda causâ adibat. Cum pro animabus satageret, ab hæreticis mili-  
tibus interceptus, multa in carcere perpeſſus est. Quater in peste publica se dedit  
victimam charitati: sed semper, DEI beneficio, superles & validus evasit.

Pestiferis qua-  
ter devotus sem-  
per suavit.

5. In America in Collegio Pacis anno 1661, P. Christophorus Viverius, Pe-  
guanus; à singulari modestia, puritate virginica, & accuratissima legum observantia,  
lauda-



laudatus. Puer cum in rapidissimum flumen incidisset, & jam in molendini rotam raperetur, DEiparæ opem inclamavit, & evasit. Ante supremum morbum, spectandum se ipsi obtulit P. Gabriel Vasquez (alius à celebri illo Theologo) pridem defunctus, quem ut Patrem suum in spiritu, coluit. Hic P. Christophorum paterno amplexu stringens, *Eamus fili mi*, dicebat, & videri desit. Secutus est paulò post, magno sui desiderio relicto.

B. V. patrocinium.

Defunctorum charitas.

6. Granatæ in Hisp. anno 1610, Baptista, Coadjutor Hispanus, Vacillanti in prima probatione, & jam fugam meditati, DEipara V. cum SS. Petro Apostolo & Barbara, spectandam se dedit, monuitq; de perseverantia in eo statu, in quo vitam æternam esset consecuturus. Perstitit ergo, vixitq; cum DEo conjunctissimus, & quæcunq; facta de divinis mentione lacrymis liquecere solitus. Pro Rectore Collegii Granatensis iniquè accusato, & ad causam dicendam evocato, cum supplex oraret Baptista, vocem cælestis audivit: Rectorem brevi rediturum, sine ulla culpæ, aut infamix nota. Quod & factum.

In vocatione vacillantem B. V. firmat.

Orationis pro superiore efficacia.

#### XIV. JUNII.

1. Clemens VIII. anno 1595, per Breve *Romanus Pontifex* petente Præposito Generali, Nostros interdixit usum Bullæ Cruciatæ, quoad eligendum Confessarium, & absolutionem à reservatis. Quod postea confirmavit Urbanus VIII. anno 1629, ult: Martij. *Bullar. Societ.*

Vsum Bullæ Cruciatæ, non habet Societas.

2. Clemens verò X. anno 1670, Officium S. Francisci Xaverij jussi ab omnibus, qui ad Horas Canonicas tenentur, sub ritu Duplici recitari. Pro peculiari nostra, inquit, erga S. Franc. Xaverium S. J. (qui Apostolicis charismatibus affluenter decoratus, novarum gentium Apostolus, unanimi totius Christiani orbis consensu, meruit appellari) devotione; ejus venerationem condignis honorum incrementis ampliari cupientes, auctoritate Apostolica tenore præsentium jubemus &c. *Bullar. Comm. Constit. 5.* Missam quoq; propriam de eodem Sancto legendam in Ecclesia, præscripsit.

Clemens X. Officiis S. Xaverij sub ritu duplici præcipit.

#### Eodem die obierunt.

3. In Suecia anno 1601, P. Christophorus Spotecus, Polonus. In Livonia, cum Joanne Esthne Coadjutore captus à Sueco milite, varièq; vexatus plagis, fame, carceribus, deniq; in Finlandiam deportatus est: ubi uterq; in carcere interiit.

Victimæ fidei dua in Suecia.

4. Lovanii in Belgio anno 1610, P. Florentius Bourchorstius, Belga, magni nominis, & primæ authoritatis domi forisq;. Sodalitio Theologorum cum præfesset per annos 12, dicta ejus à primoribus illius Academiæ pro oraculis habebantur. Justus Lipsius testatus est: se nullam P. Florentij exhortationem, quoad posset, prætermisisse; quòd vel solo ejus aspectu ad pietatem non parum commoveretur. Urbis Prætor cum ei occurrisset, humanissima data salute, addidit: *Vobis sum amicus. Pater autem reposuit: A ego minime tibi. Causam scis emenda te.* Stomachum quidem tunc movit homini tam falsum responsum: sed in se descendens, majore deinceps in honore monitorem habuit, moreiq; mutavit. Libertas hæc loquendi & agendi fundabatur.

Sodalitatis præses eximus.

Monitum falsum.



*Oratio proluxa* batur in arctissima cum DEo conjunctione, cum quo plerumq; septenas quotidie ho-  
ras orando traducebat.

*Victima chari-  
tatis.*

5. Pictavii in Gallia, anno 1631 P. Franciscus Garassus, Gallus. Ingenio licet, doctrinâ, & scriptis valeret: omnia charitati posthabuit. Pestifera enim lue grassante, multis precibus obtinuit: ut infectis servire posset. Quod dum navissimè præstat, correptus ipse, non alibi, quàm in communi Nosocomio decumbere, & mori voluit. Socios gloriosæ mortis diversis Galliæ locis habuit 36, anno eodem.

*Jansenistarum  
impugnator.*

6. Parisiis in Gallia anno 1670, P. Franciscus Annatus, Gallus; magnum Ecclesiæ Gallicanæ decus & columen, Divi Augustini doctrinæ vindex & propugnator acerrimus, præsertim contra Jansenianos, quos editis doctissimis scriptis, intra Tomos tres collectis, validè impugnavit, & profligavit. Munus regii Confessarii apud Ludovicum XIV tam sanctè gessit annis 16: ut ægrè à sua Majestate impetrârit paucos menses, quibus ad iter æternitatis accuratius se accingeret, ab aulæ strepitu remotus. *Somervellus in bibl. Soc.*

*Confessarij re-  
gis incorruptus*

## XV. JUNII.

*Franc. Suarez  
Societatis tyro-  
cinum, aliquo-  
ties repulsus in-  
greitur.*

1. ANno 1564 in Hispania Franciscus Suarez, magnus olim futurus Theologus, Tyrocinium Societatis ingressus est Methymnæ, post perfractas multas gravesq; difficultates. Salmanticæ examinatus, an requisitis ad Societatis Institutum dotibus instructus esset; rejectus est, tanquam valetudine & ingenio debilior. Vallisoletum ergo contendit, ubi Præpositus Provincialis morabatur; supplicat, non preces tantum, verum & lacrymas fundens. Examini iterum subjectus, repulsam iterum passus est calculo examinatorum. At Provincialis, quàmvis aliàs Consultorum sententiæ acquiescere solitus, divino afflatu in aliam mentem raptus est. Palàm pronuntiavit: adolescentem hunc (annum ætatis 17 agebat Franciscus) quem à Societate arcerent, futurum olim & Societatis insigne ornamentum, & Christianæ reip: lumen præclarum. Lætum igitur remisit Salmanticam, commendavitq; Rectori expediendum ad Domum Probationis, At hic durior in adolescentem, crudam ei proposuit conditionem: ut chirographo sponderet, se omnino futurum indifferentem, sive ad literarum studia, sive ad Coadjutorum temporalium sortem à Superioribus applicaretur. Sine cunctatione conditionem admisit, & subscripsit Suarez. Superatis his scopulis, in ipso portu fere naufragium passus est. Cum enim amicis percharum accessisset, supremum illi, & mundo, vale dicturus: ille tam validis machinis adolescentem adortus est, ut prodigium divinæ gratiæ fuerit, quòd non succubuerit. Solebat etiam in provecta ætate hoc suum periculum, non sine horroris sensu, referre Franciscus. Sed DEus his erudire voluit tyronem suum, ut in statu religioso firmiores ageret radices. *Massejus in Vita cap. 2.*

*Vaticinium de  
illo.*

*Periculum in  
portu.*



2. Romæ, cùm anno 1657, sæva pestis grassaretur in Urbe, instauratum est à Præposito Generali, & Domo Professa Romana votum ad S. P. N. Ignatium, quod anno præterito pro incolumitate ejusdem domus conceptum & emissum fuerat. Servatâ sanitate, promissa sunt in gratiarum actionem Sacra mille pro Animabus Purgatorij, quorum quingenta de SS. Trinitate, totidem alia de S. Ignatio dicerentur; Coronis totidem, atq; Sy naxi millies adeunda, Fratribus assignata. Annuit cælum. Nemo enim ex iis, qui domi habitabant, peste ictus est: quàmvis omnibus accedentibus templum, & aures nostræ paterent, & constanter Sacramenta ministrarentur; & undiq; Sacerdotes alii confluerent in templo & apparatu nostro sacrificaturi. *Nadasi in supplemento Victimarum Charitatis S. I.*

*Eodem die obierunt.*

3. Romæ anno 1556 P. Jacobus Eguia Hispanus S. P. N. Ignatii Confessarius. Antequam Societatem ingrederetur; tam liberalem se erga illum exhibuit, ut aliquando cistâ apertâ, rogârit: Sumeret inde, quantum vellet. P. Petrus Faber ipsum Sancti Jacobi cognomento honorabat. At P. Jacobus, se esse fracti nummi instar dictabat, qui nihil valeat, nisi in cumulo honorum. Addebat: Eum, qui se aliquid esse putat, parum esset: qui multum se esse putat, esse nihil. De S. Patre altissimam habuit opinionem, solebatq; dicere: Si vel una hora Ignatio superstes esset; talia de eo dicturum, quæ homines in stuporem de Ignatii Sanctitate raperent. At cùm id innotuisset S. Patri, acriter hominem corripuit, nec eo amplius ad munus Confessarii uti voluit. Imò Ignatii precibus factum putatur, quòd P. Jacobus uno & dimidio mense citius, quàm ille, obierit.

*Liberalitas in  
pias causas.*

*Humilitas profunda.*

*S. Ignatii sanctas obumbrat.*

4. Ingolstadii in Germania anno 1577, P. Joannes Rastellus, Anglus. Cùm videret P. Paulum Hoffeum, Provinciæ Præpositum, morti proximum; ut virum tam utilem Societati & Germaniæ è faucibus illius eriperet: peregrinatione suscepta ad ædem S. Salvatoris, octo passuum millibus distitam, caput suum pro illius Sanctitate devovit. Ratum habuit votum Salvator. Simul enim ac domum rediit, decubuit, & occubuit: P. Paulus pristina redditus est sanitati.

*Caput suum devovit efficaciter P. Rastellus pro P. Hoffeo.*

5. Pontani in-Hibernia, anno 1649, P. Robertus Netervillus, Hibernus, Validum illius Ecclesiæ columnen. Hæreticis, omnia ibi miscens, cùm innotuisset: quòd Sacerdos & Jesuita esset; noctu lectulo extractus, per domum raptatus, fustibus contusus, & effractus ad collum & humeros ossibus tam dirè habitus est: ut senio gravis, quarto post die tormentis succubuerit.

*Victimam pro fide in Hibernia.*

## XVI. JUNII.

1. Anno 1573. finita feliciter est Congregatio III. Generalis, Turbine duplici concuti cœperat. Primus è colle Vaticano proruperat; Pontifice Gregorio XIII. ad sinistram quorundam informationem, non solum optante, sed etiam mandante: ut Quartus Præpositus Generalis legeretur,

*Ab electione in  
Generale non  
natio exclusa.*



qui non esset Hispanus; siquidem tres præcedentes ex ea fuerunt natione. Sed cum PP. Congregati per Deputatos 5, demonstrassent Summo Pontifici: quantum incommodorum secuturum esset ex electione non libera, & exclusione tantæ Nationis: facile, ut erat paterno in Societatem affectu, permisit; ut Electores plena gauderent eligendi libertate. Electus igitur est Everardus Mercurianus, Belgæ: à quo tantò citiùs sibi promissit Societas felix regimen; quantò solidiùs ab ipso S. P. Ignatio fuerat institutus. Alter nihilominus concitatus est motus à domesticis quibusdam, suspicantibus aliquid virij, ex ambitione quadam, corrupisse Electionem Generalis & Assistentium: sed facta rigida inquisitione à 5. gravissimis Deputatis, renunciatum est: omnia libere, rite, ac sanctè gesta esse. Sic conquevit, feliciterq, tandem expedita est Congregatio. *Sacchin. hist. Soc. p. 4. lib. 1.*

*Eodem die obierunt.*

*Concionator  
per annos 60.*

2. Panormi in Sicilia, anno 1619, P. Joannes Bapt: Carminata, regendi dexterritate, & concionandi facultate eximius. Per annos 60 dicitur munere Concionatoris functus, etiam dum Provinciam gubernaret. Quantumvis laboribus gravaretur, judicabat tamen se indignum pane, quo vesceretur. Egrum Parvulus JESUS invisisse dicitur, & sanitate donasse. Morientis anima visa est in cœlum recipi à SS. Ignatio, Xaverio, & B. Aloysio.

*Passionis Christi  
lectio &  
meditatio quodidiana.*

*Libri spirituales  
lectio.*

*Visitatio Venerabilis.*

*Meditatio &  
Examina coram venerabili.*

*Paupertas etiam  
in necessariis.  
Somnus durus.*

3. Pultoviæ in Mazovia, anno 1650, P. Bartholomæus Oleskiewicz, Litvanus, Ecclesiastes & Theologiæ Professor insignis. Christi patientis historiam quotidie positus humi genibus perlegebat meditâ. Libro spiritali quotidie horam dabat integram, cum doceret; aliàs longè plus. Tabernaculum Eucharisticum invisebat, non solum post somnum, sed etiam ante & post lectiones, ante & post prandium ac cœnam, & quoties domo exibat. Meditationis & Examinum tempus coram eodem transigebat genibus nixus. Antequam ad aram faceret, uni Sacrificio aderat; alteri, postquam operatus esset. Paupertatis amore non superflua tantum arcebat à cubiculo, verum & in necessariis defectum pati amabat. Unde nec amphoram, quidem pro lavacro patiebatur in cubiculo, sed lavacro communi utebatur. In omnibus ita procedebat: ut perpetuò recollectus, & cum DEO conjunctus, appareret.

4. Panormi anno 1617 Simon Buceri, Coadjutor Siculus, orationi & mortificationi addictissimus. Exemplo S. Alexii habitabat sub scalis, & per annos 34 nudis tabulis incubabat. Inter orandum visus est splendore circumfusus, & divina patii. Sæpe illi Christus, sæpe DEipara & Angeli se spectandos illi dederunt, & cum servulo suo familiariter egerunt.

**XVII. JUNII.**

*Suavitatem in  
regendo com-  
mendat Eve-  
rardus Gen.*

1. **P**ost heri finitam Congregationem III, Everardus Præpositus Generalis dimittens Patres congregatos ad provincias suas, diligenter ipsis commendavit: ut cum sibi subiectis tenerent suavem agendi modum, mallerentq, suos



suos ducere potius per viam legum ad perfectionem Societatis propriam; quam auctoritate protrudere, & rigidioribus imperijs impellere. Jam enim in quasdam provincias irreperat durius quoddam gubernandi genus, à S. Patris ingenio & spiritu alienum, magisq; utile ad exasperandos, quam curandos & devinciendos animos. *Sacchin. p. 4. lib. 1. n. 53.*

*Eodem die obierunt.*

2. Romæ anno 1651 P. Franciscus Picolomineus, Italus, Præpositus Generalis VIII. Successit P. Vincentio Carafa, postquam magna cum laude gubernavit Provincias, Romanam, Mediolanensem, Neapolitanam & Venetam. Siciliam Visitator inspexit, septemq; annis Secretarium Societatis egit, insigni ubiq; cōmendatione prudentiæ, charitatis, & zeli. In Societatis gubernatione id unum peccavit: quod munus Præpositi ultra unum annum cum dimidio non extenderit: vir quam innocens moribus, tam eminens omni virtutum genere, & gubernandi peritia. In supremo morbo potissimum declaravit; quanto animo, & quam solida virtute esset. Acerbissimis calculi, alijsq; sævis doloribus cruciatus, lætus cuidam Patri dixit: *Morimur, & ridemus.* Aquam, quæ ipsi reficiendo allata fuerat, totam effudit, dicens: *Libemus DEo. Hoc enim esset, querere delicias in cruce, in qua me DEus posuit. Serva mihi aliquem angulum in tua cruce, Crucifixe mi IESU! Ecce me, ad patiendum amplius & amplius, etiam per totam aternitatem, si tibi sic placeat, mi DEus.*

*Officia varia  
vari laude gesta.*

*Mors jucunda  
inter acerbos  
dolores.  
Patiendi desiderium.*

3. Goæ in India Orientali anno 1617, P. Hieronymus Xaverius, Hispanus, Apostolo Indiarum sanguine junctus & virtute. Postquam Rectorem egit Collegiorum Bazaini & Cochini, Magistrum quoq; Novitiorum, & Præpositum Domus Professæ Goanæ, trophæis Xaverii sui excitatus, expeditionem suscepit Apostolicam in Magni Mogoris Imperium: ubi compluribus annis, inter multa vitæ discrimina, intrepidè Evangelium prædicans, quatuor quidem Imperatoris nepotes sacro fonte tinxit; at in populo par labori fructus minimè respondebat, Imperatore novam sectam fabricante & spargente. Goam igitur reversus, quievit in pace. Monstratus est post mortem ejus cuidam gloriosissimus in cælo thalamus, & audita vox: *Hic requiescit à laboribus suis Hieronymus Xaverius.*

*Expeditio in  
M. Mogoris imperium.*

*Leclulus quies  
tis in calo.*

4. Panormi in Sicilia anno 1611 Thomas Cannonius, Siculus, Coadjutor, vir eminentis virtutis. Cum à laboribus ex obedientia susceptis, accederet ad Sacram Synaxim, totus sudore perfusus; conspecti sunt Angeli duo, sudorem ei abstergere, & linteum præ ore accumbentis tenere. Visi quoq; sunt Angeli cadaver defuncti odoratis fumis honorare, sandapilam, in qua jacebat, circumeuntes.

*Laboriosus Coadjutor ab Angelis honoratus.*

## XVIII. JUNII.

1. **A**Venionense in Gallia Collegium anno 1569 ferè dissipavit ingens turbo, ex vana suspitione ortus. Rector Collegij Antonius Possevinus, Romam profectus fuerat, de certis negotiis acturus cum Borgia Præposito Generali: qua occasione usi quidam rerum novarum cupidi, & parum sanæ religionis homines, sparserunt in vulgus; Possevinum excurrisse Romanam;

*Avenionense Collegium gravi tempestate concussum.*



Pontificis in-  
sula.

mam; ut cum Pontifice, Pio V, ageret de inducenda in Ditionem Avenionensem Inquisitione Hispanica, dissolveret Sodalitates flagellantium, & deferret quosdam de hæresi suspectos. Interim contigit, ut adesset dies hodiernus, quo novi crearentur Consules. Vis hominum innumerabilis confluerat ad Prætorium: ubi injectus sermo de Possevino ita accendit populum: ut agmine facto irruerint in Collegium, everluri omnia, nisi portam bene obstructam, & Socios coram Venerabili in preces effusos, reperissent, audissentq; ; Possevinum non esse præsentem. Senatus sive male persuasus, sive ad delinientos furens, Decreto mox edito, domum, reditus, & quidquid antea Collegio contulerat, revocavit: crevitq; tempestas in tantum, ut ipse Pontifex datis literis ad Cardinalem Gubernatorem, ad Archiepiscopum, ad Nuncium suum, & ipsam civitatem, de innocentia Possevini testari debuerit. Fecit hoc accuratè, nec sine insigni elogio Possevini, iussitq; : ut in fabulæ authores diligenter inquireretur, & severè animadverteretur. Sic pristina rediit malacia, & indemitas Collegio, imò & aliquis cum tentatione proventus. *Sacchin. p. 3. lib. 5. n. 139 & seqq.*

#### Eodem die obierunt.

Chirothecarii  
neglectus.

2. Valentiz in Hisp. anno 1583, P. Petrus Gascon Hispanus. Adhuc in sæculo degentis domus adeò erat in pauperes liberalis: ut *Hospital. gratia* diceretur. Rogatus, cur chirothecas non gestaret? Respondit: *In Christi manibus claros, non chirothecas fuisse.* In Societate tanto animarum zelo ardebat, & agebatur: ut P. Ramirez, celeberrimus in illis partibus ecclesiastes, dixerit: Duodecim tales Gascones pares futuros orbi terrarum convertendo. Cuidam sibi amicissimo, petenti documentum aliquod pro vita ex virtute degenda, in scheda arrepta præscripsit ter, *Silentium, silentium, silentium!*

Silentij com-  
mendatio.

De morte me-  
ditatio quoti-  
diana.

Liberalitas er-  
ga Societatem  
eximia.

3. Petrocoricis in Gallia, anno 1596, P. Franciscus Bordeusius, Gallus Vitam ut accuratius ad normam disciplinæ religiøsæ componeret: nullum sinebat præterire diem, quo non meditaretur de morte oppetenda. Cum fratri ejus iusta persolverentur in templo nostro, tumultum ejus post dies aliquot accessit P. Franciscus, petijtq; : ut brevi jungeretur fratri in cælo. Postridie Sacrificanti, cælitus allapsa vox est: *Exaudita est oratio tua.* Accinxit se omni industria ad iter æternitatis, & post paucos dies secutus est pium fratrem, qui præter tres filios, & bona sua omnia, se ipsum dederat Societati.

Mater animat  
filium ad mar-  
tyrium.

4. In Iaponia anno 1614 Anonymus quidam Coadjutor, Iapon, pro fide variè tortus, laniatus, & in aqua gelida per ipsos 70 dies itamersus, ut capite tantum emineret; demum gloriosum agonem capite truncatus consummavit.

5. Iaroslavia anno 1637 Ioannes Hartus Anglus Londini in carcerem tetrum missus, maceratur longa fame, distrahitur equuleo, ad vincendum filium adhibetur mater. Subit ergastulum matrona fortis: onustum ferro, pallentem inedia, toto corpore



re distortum filium intuetur, & Euge fili; nunc te meum agnosco, inquit: cælum respice: non eripitur tibi vita, sed meliore mutatur. His accensum suavissimè complectitur, recurrit ad iudices, ac filio bene esse renunciat, quam illi vocem ad suam mentem interpretati, convolant in carcerem. Sensere se victos à fœmina & doluerunt. Pòst missus in fossam in altitudinem 20 pedum depressam, cœno sordibusq; scatentem, in qua amplius 50 dies jacuit. Interim clementiæ laudem appetivit Elizabetha, seu potius invidiam, è tor virorum optimorum sanguine, tam crudeliter effuso, in se conflare cœptam formidavit. Iussit deligi 73 Sacerdotes Catholicos, ex ijs, qui tenebantur in vinculis; quibus magni beneficii loco donavit exilium, postquam meliorem ac majorem vitæ partem sexcentis cruciatibus abstulisset. In eorum numerum Hartus sorte venit. Votum ineundæ Societatis conceperat in carcere, quod cum à P. Gaspare Haywodo delatum ad Præpositum Generalem fuisset, cooptatus in eandem fuerat 18 Martij anni 1583. Solutus vinculis Virodunum, ubi tyrocinium poneret concessit. Inde Romam accitus, ac missus postea Iaroslaviam, hac die ad præmia laborum evocatus est. Pòst septennium mortui corpus repertum est integrum, & veluti proximè vitâ spoliatum, in novam ædem Collegij Iaroslaviensis, recens consecratam translatum est. *Invenimus fol. 787.*

## XIX. JUNII.

1. **A**Nno 1558 inchoata est Congregatio I Generalis. Indicta quidem fuit à P. Iacobo Laynez Vicario Generali, anno 1556, paulò post pijsimum obitum S. Patris; ut quantocyus novus eligeretur Præpositus Generalis: sed non potuit, bellis intercurrentibus per Italiam, inchoari celerius. In tam diuturno annorum fere duorum interregno, varij, ut solet, concitati sunt motus, qui teneram adhuc Societatem non leviter concusserunt. In primis dissidebant Socij circa locum Congregationis Generalis celebrandæ. Alij volebant illam peragi in Urbe, alij Genuæ, alij, ijq; non pauci, in Hispania. Deinde quidam cum Bobadilla iniquiores erant erga gubernationem Vicarij Generalis, tanto tempore durantem: censebatq; Bobadilla, ad se quoq; tanquam Confundatorem (si superis placet) Societatis, partem aliquam gubernationis pertinere. Pontifex deniq; Paulus IV ab his inquietis concitatus, à Vicario & cæteris alienatus videbatur, & nescio quam moliri mutationem in Instituto Societatis. Anno enim 1557 hoc ipso die, 19 Junij, iussit Vicarium Laynium ad duos designatos Cardinales deferre intra triduum Constitutiones Regulasq; Societatis, Diplomata Pontificum, & quidquid pertineret ad disciplinam & regimen. Sed divina Benignitas suaviter composuit omnia. Congregationem Generalem non alibi, quàm Romæ celebrari mandavit Pontifex. Inquieti sensim deserebant Bobadillam: ipse quoq; opportunè vocatus ad componendum Monasterium quoddam

*interregnum  
diuturnum no-  
xium.*

*Bobadilla appa-  
re partem go-  
bernationis.*

*Pontifex reviri-  
deri curat In-  
stitutum.*

*Composita om-  
nes turbæ In-  
stitutum sine*

(qua



*ita mutatione  
refutatum.*

(qua arte valebat plurimum) excessit ex urbe. Institutum Societatis cum Regulis, & omnibus nuper extraditis, rigidè examinatum à 4 Cardinalibus diversorum Ordinum; integre, nè apice mutato, restitutum; Pontifex quoque reconciliatus apparebat. *Sacchinus p. 2. hist. Soc. lib. 1. n. 67. & seqq.*

*Goane insula  
conversio.*

2. Goæ in India anno 1590 insolita facta est gentilium conversio. Goana insula, præter urbem cognominem (quæ totius Imperij Lusitani in Oriente metropolis est) pagos continet unum & 30; quàmvis in longum dubus, in lacum unâ tantum pateat leucâ. Pagi quidem duo millia capitum numerabant. In horum Lusitano imperio plene subjectorum, conversio nem conspirarunt Constantinus Prorex, & Antonius Quadrius Provincialis. Ille autoritate, hic labore & industria sua, & Sociorum, tam pro sperè rem egerunt; ut in pagis illis & suburbij Goanis vix aliqui remanserint gentiles. Unius suburbij incolæ sexcenti & 50, hoc die, sacro lavacro expiati sunt. *Sacchin. p. 2. lib. 4. n. 245. & seqq.*

*Eodem die obierunt.*

*Examē parti-  
ulare mirā  
diligentiā abso-  
lutum.*

3. Malacæ in India Orientali anno 1596, P. Ioannes de Caunas, magno apud omnes Sanctimoniarum nomine celebratus. Morientem invisit Alphonsus Turrianus Decanus, vir eximie pius, petijtque sermō: ut brevi posset sequi morientem. Respondit P. Ioannes, id se curaturū apud DEum, siquidem ita vellet. Velle se, reposuit Alphonsus: & paucis post Ioannis obitum diebus febri correptus obiit. Repertus est inter schedas P. Ioannis libellus Examinis particularis, cum lincis ac punctis, per ipsos 30 annos diligenter ab eo adnotatis, diligentia tantò magis æstimandâ, quantò pauciorum est.

*Virtutum cer-  
tarum exerci-  
tium in singu-  
los dies hebdo-  
mada distribu-  
tum.  
Perfectiōis me-  
dium efficax.*

4. In regno Chilensi Indiæ Occidentalis anno 1641, P. Melchior de Venegas, Indus. Ut passibus majoribus tenderet ad perfectionem, singulos hebdomadæ dies in totidem distribuit virtutes, à DEo petendas & exercendas. Dominico die exercebat se in desiderio videndi DEum, Feria 2. in actibus Contritionis, Feria 3. in gratijs Deo agendis. Feria 4. in actibus Amoris divini, Feria 5. in Imitatione Christi, Feria 6. in Compassione erga Christum, Sabbato in Conformatione Voluntatis suæ cum Divina. Hac industriâ mirum, quantum profecerit in perfectione religiosa. Apud Tucumanos Apostoli nomen obtinuit. In provinciam Chonensem primus Evangelium invexit.

*Zelus contra he-  
teticos.*

5. Monachij in Germania anno 1635 P. Adamus Contzen, Germanus pius ac fortis contra sectarios athleta, quos compluribus editis libris exagitavit: unum supra viginti recenset Sourvellus in Bibl. Ad genuinam Scripturarum divinarum explicationem multum ei profuit insignis peritia lingvarum, Græcæ, Hebraicæ, Syriacæ & Chaldaicæ: à Card. Bellarmino insigni donatus elogio. Vir fuit animo pacatissimo, & verecundiâ planè virginali; patientia verò tam forti: ut acerbos calculi dolores perpetuo silentio dissimulârit. *Sourvell. in Bibl.*

*Lingvarū peri-  
tia.*



1. **A**Nno 1549 Malacā scripsit S. Xaverius ad Socios Goanos, significando: se in procinctu esse ad optatissimum iter in Japoniam, navemq; conduxisse navarchi Sinensis, hominis ethnici, cui cognomen *Latro*. Addit: P. Alphonsum Castrum Malacæ primam DEo hostiam obtulisse, solemnitate splendidissima, qualis haberi potuit: & ad morem aliorum Sacerdotum primitias suas DEo offerentium, admissum esse, quod à populo inter sacrificandum offerebatur; sed mox remissum ad Sodalitium misericordiae, pauperibus dividendum. Significat præterea in solempni processione publica Festi SS. Corporis Christi, in aliorum Sacerdotum paucitate, nostros processisse linteatos. Tam circumspectus fuit vir Sanctus: ut & decori ratio haberetur in cultu divino, & nihil utilitatis temporalis in usus domesticos redundaret. *Epist. Veterum lib. 3. ep. 1.*

S. Xaverij ardor ad Japonicam expeditionem.

Contemptus temporalis lucris.

2. Pro Trevirensi Collegio constituendo advenerunt hoc die, anno 1560, Socii, ab Electore Archiepiscopo advocati. Cum enim is in Imperii comitiis Augustæ Vindel: nuncium accepisset: Treviris comparuisse pestilentis doctrinæ magistrum, avidisq; auribus eum accipi à civibus; sine mora accurrit in urbem, & Catholicum Ecclesiasten, virum gravem, jussit è cathedra populum admonere periculi. Sed jam heterodoxus minister ita aures animosq; occuparat: ut vel ipsæ mulierculæ cum furibunda plebe inclamarent: se concionatorem præcipitaturas è cathedra, nisi eam quantocyus cederet ministro. Videns Archiepiscopus quò res evasisset, sine multa deliberatione conclusit, recurrere ad Societatem, & ex ea impetrare viros, quos sectario & dementato populo opponeret. Egitq; hoc tam strenuè negotium, oblato & opportuno loco pro Collegio, & proventu annuo pro Collegialibus: ut intra breve tempus votis ipsius factum fuerit satis, & res Catholica Treviris in tuto collocata. *Sacchin. p. 2. lib. 4. n. 100 & seqq.*

Trevirensis Collegij fundatio.

Collegia Societatis urbis in praesidia.

*Eodem die obierunt.*

3. Nangasachi in Japonia anno 1626, P. Franciscus Paciecus, cum octo Sociis. Post strenuos in prædicando Evangelio labores, comprehensi, & carceris ærumnis odio fidei macerati, in monte Martyrum flammis exusti sunt. Ex octo Sociis quatuor fuerunt Japonæ, catechistæ; alii 4 Europæi, P. Joannes Bapt. Zola, P. Balthasar Torres, Vincentius Caun, & Michaël Toso. Pervecti Nangasachum, urbem Martyrum sanguine inundatam, terram osculo venerati sunt, & palos mortuales amplexi: quibus alligati, Psalmos ac SS. JESU & MARIE nomina occinentes, inter flammæ altæ petierunt.

Ultima fidei novem in Japonia.



Concionis ma-  
teria præcipua  
peccatorum fu-  
it.

Patientia &  
silentii reme-  
dia tribulatio-  
num.

Concionum,  
missionum, &  
sermionum labor  
egregie combi-  
natus.

4. Cordubæ in Hispania anno 1597, P. Joannes Frias, Hispanus. Societatem ingressus est plenus ingentium animorum, ut DEo valde placeret. Quæ quæ ibat, concionibus versabat omnia, miro cordium motu; semper intentus in excidium peccatorum, & occasionis peccandi fugam. Inde ingens non semel excitata est in illum tempestas, & conflata calumniæ ab iis, quos vel quas ab invicem avulserat. Quin & ipsa Tartara mota, auditusq; dæmon minas intentans: *Ego hunc Frias! Habeo contra illum aciem instructam, quæ vindictam sumam.* At P. Joannes omnia silentii & patientiæ clypeo excipiebat, retundebatq; Mortis causa illi fuit dicendi ardor; quo ad concionem cum diceret, rupta venâ filum vitæ abruptit.

5. Madriti in Hisp. anno 1672, P. Alphonsus de Andrada. Postquam Theologiam Moralem annis aliquot explicuit, & Placentinum Collegium gubernavit: residuum vitæ vir Apostolicus in concionibus & missionibus obeundis consumpsit per annos 50. Si quid ab his occupationibus superesset temporis, piorum librorum sermioni impendit: quinque supra viginti typis editos numerat *Sourvellus in Biblioth. Soc.* Ita autem lucubrationes suas temperavit; ut nihil decernerent de exercendis officiis charitatis.

## XXI. JUNII.

De B. Aloysio  
concessa Missa  
& officium.

Oratio B. Bor-  
gia ad PP.  
Congregatos,  
ante Electionem.

1. Gregorius XV, per Breve, *In sede Principis Apostolorum*, concessit Officium & Missam de B. Aloysio S. L. dicendam ubivis terrarum, etiam ab externis in Ecclesiis nostris. *Bullar. Comm.*

2. Romæ anno 1565. inchoata est Congregatio II. Generalis, indicta à Vicario Generali S. Borgia, post obitum P. Jacobi Laynez. Antequam iretur in suffragia Electionis novi Præpositi: Borgia hanc gravem præmisit orationem ad Patres Congregatos, quæ hortatus est: ut ex mente S. Fundatoris, juxta Constitutionum partem octavam, 1. eligerent non solum sufficientem illi muneri, sed sufficientissimum, adeoque optimum. 2. Toto triduo instarent ferventi Orationi, exemplo Domini, ante Apostolorum electionem pernoctantis in Oratione DEI. 3. Diligentissime considerarent dotes requisitas ad tantum munus: nec determinarent aliquam personam, nisi post triduum, & horam orationis, quæ immediatè præmittitur Electioni. Quid enim attineret, Dominum consulere: si apud quemq; jam fixum esset, quid ageret, quemve eligeret? 4. Deniq; admonuit omnes anathematis imminentis ambiosis, & qui eos non indicarent. Post eam Borgiæ orationem itum est in suffragia, ceciditq; volente DEo, sors super ipsum Borgiam; laudante Electionem Pontifice, gratulantibus bonis omnibus, solo Francisco querente. *Sacchin hist. Soc. p. 3. lib. 1. n. 24. & seqq.*

3. Brixia in Italia Sodalitas quædam S. Antonii dicta, Clericorum

Sacu-



Sæcularium, ab insigni probitate commendatorum, quæ personis 30, partim Sacerdotibus, partim ad alia ministeria destinatis, constabat, Societati uniri & incorporari petiit, impetravitq; anno 1568. Non latuit humani generis hostem, eas familias in caput & perniciem suam coaluisse: ideoq; ut eam unionem dissolveret, allaboravit, sparsis per idonea instrumenta foedis facinoribus de quibusdam illius Sodalitatis, infamiâ deniq; in ipsam Societatem redundante. Ne malum latius serperet, Illustrissimus Episcopus & Dux Brixienfis, accuratius rem discutiendam suscepit, factaq; diligenti inquisitione publico edicto non solum absolvit infamatos, sed etiam insigni elogio ornavit, hoc die, *Sacchin p. 3. lib. 3. n. 3. & lib. 5. n. 74.*

*Sodalitas Sacerdotum Brixienfis Societati unita.*

4. Viennæ Austriæ cùm Opitius quidam Satanæ minister in domo, Provincialium, ut vocant, cathedram sibi erexisset, ac facile à septem millibus audiretur: P. Laurentius Magius à Rudolpho Cæsare edictum impetravit 21 Junii editum, quo jubebatur ante solis occasum Viennâ excedere impius præco; excessitq; , ingenti hominum, etiam nobilium, copiâ deducente. *Sacchin. p. 4. lib. 6. n. 78.*

*Viennâ pellitur hæreticus præco.*

*Eodem die obierunt.*

1. Romæ anno 1591, B. Aloysius Gonzaga, Principatus contemptu & innocentia vitæ clarissimus: ut habet recens Martyrologium Romanum. Cœlesti diserta voce jussus ingredi Societatem: multa egit & passus est, ut adversantem vocationi suæ patrem Marchionem expugnaret. In Societate Angeli nomen consecutus est, quod jam in sæculo meruerat. Quam difficultatem patiuntur pleriq; in conjugenda mente cum DEo: hanc & majorem sentiebat ille in sua avellenda aliquantisper à DEo, propter DEum, ita volentibus Superioribus, valetudinis fractæ causâ. Virginitatem adhuc puer voverat DEo, quam innocentis corpusculi acri & perpetua mortificatione muniebat; etsi nullos pateretur foedos motus, vel cogitationes impuras. Gloria ejus admirabilis in cœlo, cùm revelata esset S. Mariæ Magd. de Pazzis, exclamavit in mentis excessu. *O quam gloriam habet Aloysius, filius Ignatii. Nunquam id credidissim, nisi mihi offendisset Iesus meus! Velle proficisci per totum orbem, & dicere: quod Aloysius filius Ignatii sit Magnus Sanctus.. Aloysius fuit Martyr incognitus &c. O quantum amavit in terra! Plura vide sup: 4 April.*

*Vocatio ad Societatem calig.*

*Conjunctio mentis cum DEo assidua.*

6. Triguero in Hispania anno 1570, P. Bartholomæus Bustamantius, Hispanus, tam peritus & accuratus Tyronum Magister: utj Domum Probationis, cui præerat Bustamantius, S. Franciscus Borgia vocarit Gemmam Societatis. Deliberans de statu vitæ, cùm jam esset Sacerdos honoratus & Theologus, vehementer se impelli sensit: ut profectus Guipuzgoam, id ageret, quod agere videret Franciscum, nuper Gandiæ Ducem. Abiit, vidit, & Borgiam secutus est.

*Magister, tyronum accurat.*

7. In Hispania prope Bilbilim anno 1625, Joannes Marinus Scholasticus, Hispanus;



*Frater Mansuetus.*

*Librorum editorum copia.*

spanus, à medicis stupendam ejus patientiam in gravissimis doloribus, admirantibus, appellatus *Frater Mansuetus*: apud alios Sancti nomine honoratus. DEi gratiâ ab omni lethali culpa immunis, votum edidit etiam de omni peccato veniali, deliberatè non committendo. Nec ulli unquam visus est reus ejus voti violati.

8. Coloniae in Germania anno 1656, P. Maximilianus Sandæus, Belga, à directione Sodalitatum Marianarum ( quam spartam suam appellabat ) & indefessò lucubrandi studio laudatus. Scripsisse fertur tot libros, quot annos vixit; scilicet 78 quorum præcipuos, satis copiosos, recenset Soutvellul *in bibl. Soc.*

## XXII. JUNII.

*Coloniæ A. I. gripp. adu. Societas.*

**A** Nno 1556 nova Societatis colonia ducta est Coloniæ Agrippi-  
nam. Missi à S. Ignatio Socij tantum tres, sed egregijs dotibus pares multis: qui ita operam suam ac virtutem probârunt in publicum: ut eodem anno, insignibus adjunctis tyronibus, numerus accreverit ad viginti. Attributum est illis à Magistratu Collegium, dictum *Trium Coronarum*, denominatione sumpta ab ipsis Urbis insignibus. Lectiones sacras confestim in Academia tradere coeperunt primi illi Triumviri, pari plausu & fructu explicantes Scripturas Divinas. *Orland. p. 1. hist. Soc. lib. 10. n. 25.*

*Meditationes de Christi Passione Japonibus sapiunt.*

*Mortificationis studium.*

2. Malacâ ex India in Japoniam profecturus, epistolam dedit S. Xavierius anuo 1549 Romam ad Societatem, qua significat imprimis: Iapones quosdam, & inter hos præcipuum, Paulum à S. Fide, Goæ Sacro lavacro initiatos esse, & insuper Exercitijs Spiritualibus magno suo solatio & fructu exultos. Interrogati sapius à Sancto; in quo potissimum genere meditationis reperirent sensum gustumq; pietatis? In Christi cruciatibus, acerbissimaq; nece, responderunt. Significat præterea: magno sibi adjumento esse doctrinam S. P. Ignatii, de mortificatione sui ipsius. Equidem inquit, illud semper fere propositum habeo, quod ex optimo Parente nostro Ignatio sapius audiui: *Nostra Societas hominibus omni ope atq; operâ entendum esse, ut se ipsi vincant*; timoresq; depellant omnes, qui impedimento esse solent, quominus spem omnem reponant in solo DEO. *Epist. Veterum lib. 4. ep. 4.*

3. Inchoata hoc die Congregatio Generalis XII, & postea Congregatio XIII. *Ex Decret. Congr. Gen.*

*Fulda gravis semperias.*

4. Fuldæ in Germania anno 1576 contra Balthasarem Abbatem suum religiosissimum qui simul S. R. I. princeps est, consurrexerunt præcipui Capitularium, disciplinae impatientes; quibus se junxit nobilitas, hæresi

jam



jam imbibitâ, Omnes minaciter institerunt: ut Abbas cederet officio: quod ut obtinerent facilius, Herbipolitano Episcopo administrationem Abbatiae obtulerunt. Herbipolitanus idem suadebat, sub prae-textu, ne res Catholica, & ipsa Fulda cum Collegio, à principibus protestantibus, penitus everteretur. Unico praesidio & solatio fuit bono Abbati, noster P. Petrus Lopercius, quo Concionatore utebatur: qui & Abbati & Herbipolitano Episcopo eam cessionem graviter dissuadebat, ut religioni & rei Catholicae summè noxiam. Quod ubi seditiosis innotuit, prope absuit, quin ab ipsis trucidaretur. Comprehensus, & in custodiam datus, multa tulit, donec Abbate per vim adacto ad cessionem dignitatis, dimissus est. *Sacchin. p. 4. lib. 4. n. 103. & seqq.*

*Eodem die obierunt.*

5. Conimbricæ in Lusitania anno 1612, Andreas Saa, Scholasticus Lusitanus. Is audita morte Patris Roderici, adscitum valetudinarii Praefectum monuit: ut suo quoque funeri maturè curaret necessaria, prius tamen invitaret ad se P. Rectorem. Ab hoc praesente petiit, ut cum bona ipsius venia liceret sibi, proficisci in domum æternitatis suæ. Cùm P. Rector annuisset, sub conditione, ita volentis DEI: Andreas assumpto sacro cereo & Crucifixo, inter ardentes divini amoris affectus, placidissimè brevem agonem suum absolvit.

*Moriendi venia petita.*

*Agonia brevis & suavis.*

6. Camberii anno 1610 Claudius Veley Belga, Coadjutor. In hunc inclinante jam vitâ irruit ingens Tartareorum spectrorum agmen, ut olim in S. Antonium, sub specie taurorum, leonum, draconum &c. at ille Divis cœlitibus in subsidium vocatis, spectabilem habuit agonotheram Jesum, cruci affixum, qui trepidum crexit, & suam in agone opem promisit.

*Contra spectra subsidio est Iesus.*

XXIII. JUNII.

1. Anno 1549 Indiarum Apostolus S. Xaverius, epistolam dedit Malacâ, ad Joannem III. Lusitaniæ regem, commendando ejus gratiæ Ex-præfectum Malacensem, egregiè functum officio suo, & planè pro honore regis, quem dicit vel maximè pendere à bonis ministris. Equidem, inquit, sic arbitror: regum ac principum latè imperantium, in eo verti gloriam; si, quas ipsi per se administrare non possunt, suæ ditionis partes, iis committant, quorum existimari similes, honestum ipsis sit; quosque populi cùm viderint, expressam effigiem laudum ac decorum Principis absentis, in praesentibus ab eo missis ejus Vicariis, spectare sibi ac tenere videntur. *Epistol. veterum lib. 5. ep. 13.*

*S. Xaverius laudat principes bonorum ministrorum curam habentes.*

2. Romæ habita est anno 1603, Disputatio 19 de Auxiliis Gratiae, coram Clemente VIII, cujus argumentum fuit: An opera moralia bona ex genere, objecto, & omnibus circumstantiis, etiam ab homine fidei pro-



*Opera saluta-  
ria debent ali-  
quomodo pro-  
cedere ex mo-  
tivo fidei, &  
pietatis Chri-  
stiana.*

cedentia, & cum consideratione iustitiæ ac bonitatis divinæ: ut sint pro-  
ficua ad salutem, debeant procedere ex motivo fidei & pietatis superna-  
turalis? Respondit doctè ac subtiliter P. Arrubal: Talia opera non esse  
simpliciter bona ( ita nimirum ut proficiant ad salutem æternam ) nisi  
aliquo modo procedant ex motivo Fidei & pietatis Christianæ: Quod  
explicuit: Nimirum non debere illa procedere ex motivo formali proximo  
Fidei & Pietatis Christianæ; sed sufficit, quod procedant ex fine su-  
pernaturali remoto, scilicet ex intentione illius actuali, vel virtuali. Per  
pietatem autem Christianam intellexit eum vivendi, seu agendi modum,  
qui elevatus est supra naturam, tenditq; ad finem supernaturalem. De hac  
enim locutus est Apostolus 1 Tim. 4. quando dixit: *Pietas ad omnia uti-  
lis est, promissionem habens vite, quæ nunc est, & futura.* Eleuther. hist.  
de Aux. lib. 5. cap. 23.

#### *Eodem die obierunt.*

*Victima fidei  
in Anglia.*

3. Londini in Anglia anno 1608, P. Thomas Garnetus, Anglus, odio fidei stran-  
gulatus. Post plures menses in vinculis exactos, proscriptus ex Anglia, rediit ite-  
rum, & strenuè per annos 6 rem Catholicam promovit. Iterum captus & proscri-  
ptus, rediit iterum: rursusq; tentus, suspensus & dissectus est: Rogatus in extremis,  
an vellet emisso fidelitatis juramento vitam redimere? Respondit: *ne quidem quin-  
quies mille vitarum pretio se id facturum.* Bene igitur regi, reginæ, & singulis nomi-  
natum adversariis suis precatus, Orationem Dominicam, Salutationem Angelicam,  
Symbolum Apostolorum, & Hymnum *Veni creator spiritus*, devotè recitavit, ac feli-  
citer pendit.

*Mortis & tor-  
mentorum con-  
temptus.*

*Oratio pro ini-  
micis.*

*Mendacij su-  
ga.*

*Vana gloria  
tentatio in  
morte.*

4. In Paraquaria anno 1623, P. Joannes Vaseus, Belga insignis in Evangelio  
operarius. Post labores diurnos ad quietem se componens, oppido universo bene  
precabatur, cruce in 4 illius partes ducta; ut à peccatis servaretur immune. Lingua  
illi tam cauta, ut nullius mendacii, per omnem vitam commissi sibi conscius esset.

5. Parmæ in Italia anno 1578, Josephus Martinus, Italus Scholasticus, genere,  
innocentiâ morum & virtute solida illustris. Ne tyrones quidem, quantumvis atten-  
ti & sagaces, in illo quidquam nævi deprehenderunt. Rectorem suum rogavit: ut  
instar deliri tractaretur. Obedientia illius cœca dicitur miraculo quodam honora-  
ta. Sub mortem à dæmone vanâ gloriâ tentatus ob vitam sanctè actam, ingenti cla-  
more restitit, & Crucifixum opposuit tentatori.

#### XXIV. JUNII.

1. **A** Nno 1537, S. Ignatius, Xaverius, & alij quidam è primis Socijs,  
Venetijs Ordinibus Sacris initiati sunt ab Episcopo Arbenſi.  
*Nadaſi in Indice Mem:*

2. In India anno 1549 Malacâ in Iaponiam, diu expetitam, solvit  
S. Xaverius. Navis, qua vehebatur, præfectus erat gentilis Sinenſis: qui  
cûm



cum idolo suo sacra fecisset, rogassetq; an prosperè in Iaponiam essent appulsuri & inde Malacam reversuri? respondit dæmon per sortes: si Iaponiam attigissent, Malacam minimè reversuros. Ergo perfidus navarchus omni arte fugiebat Iaponiam, destinavitq; eo anno hyemare in portu aliquo Sinensi. Sed contrà precibus rem agebat apud DEum Xaverius, obtinuitq;: ut venti à puppi flantes, quidquid moliretur navarcho, impulerint navim in Iaponiæ portum Cangoscimam; quæ erat patria Pauli à S. Fide Iaponis baptizati, quia cum Xaverio vehebatur. *Bartoli in Vita lib. 2. n. 55.*

3. In Polonia anno 1577. gloriosus rex Stephanus Bathoreus, ex castris ad Gedanum positis, perhonorificas dedit literas ad Societatem Polonam; quibus declarat, se non defuturum divinæ gloriæ propagandæ, & Religioni protegendæ ac promovendæ; concluditq;: *Ad quam rem melius ex animi sententia consiciendam, cum vester Ordo vel inprimis nobis apprimè sit necessarius: merito nobis & est, & erit semper gratissim.* Quod cum re potiùs, quàm verbis declarabimus, ubi primum regni hujus nostri negotia composuerimus &c. Sacchinus hist. Soc. p. 4. lib. 5. n. 77.

4. Gox in India anno 1560 maximum urbis suburbium, quod Camrambolim appellant, Christo accessit, postquam ad id temporis pertinaciter restitisset. Cum enim per totam insulam ingens fieret ethnicorum conversio, expulsis à Constantino Prorege Brachmanis: suburbij primores capita contulerunt; quid sibi tandem faciendum esset? Quidam censuerunt, è Lusitana ditione excedendum esse; alij expectandum, donec alter succederet Prorex, qui mitior esset in idolorum cultores. Sed quidam ætate & autoritate venerabilior, neutrum probavit, affirmans: domos proprias relinquere nimis arduum & periculosum esse; expectare autem meliora tempora cum novo prorege, videri nimis incertum. Quamdiu enim, inquiebat, in his terris supererunt Iesvitæ, qui nunquam defuturi videntur, nunquam meliore loco erunt res nostræ, & deorum nostrorum. Quid ergo hæremus? Faciamus, quod vicini nostri; Christo manus dæmus. Dictum factum. Hoc ipso die, Divo Baptistæ sacro, magna vis hominum baptismo lustrata est. *Sacchin. p. 2. lib. 4. n. 248.*

*Eodem die obierunt.*

5. Antverpiæ in Belgio anno 1629. P. Carolus Scribanus, Belga, Vir erecti ad magna, liberalis, & religiosissimi animi. Conscientiam semper quotidiana, & subinde intra eundem diem iterata confessione purgabat. Cubiculo egressurus pedes Statuæ

*S. Xaverius frustra fremente dæmone in Iaponiam appellit.*

*Stephani regis Pol. benevolentia erga Societatem.*

*Conversio suburbij maximi Goani.*



**Cubiculum** tuæ Marianæ osculabatur, eiq; negotium, ad quod exibat, commendabat. Cum  
**grediens B. V.** Antverpiæ præset: ægros ex tota Provincia ad se mitti, singulari planè charitate,  
**Statuam oscu-** perebat; eosq; amantissimè & liberalissimè habebat. Propter eminentem doctrinam,  
**latur.** singularem prudentiam, libros conscriptos, & mores religiosissimos, in amore & ho-  
**Rektor Ant-** nore fuit non solum Viris principibus & S. R. E. Cardinalibus: sed summis Ecclesiæ  
**verpiensis om-** & regnorum gubernatoribus, Philippo IV Hispaniarum, Henrico IV Galliarum, re-  
**nes Provincia** gibus, Ferdinando II Imperatori & Urbano VIII Pontifici Max. Paucis ante mor-  
**infirmos ad se** tem diebus, Patri Philippo Bultinck, Mechliniam eunti, dixit: *Eja Pater, simul in cæ-*  
**mitte peijt.** lum proficisci debemus. Nunciata paulò post Mechliniæ P. Scribanii morte, narravit P.  
**Socius mortis** Philippus, quid sibi ab illo dictum esset: & mox concidit, ut sola unctione extre-  
**accitus.** ma muniri potuerit.

**Mortis tempus** 6. Tybure in Italia anno 1602, Antonius de Henricis, Italus Coadjutor. Collegi-  
**propositum.** um Tyburinum, ad quod ab ipso S. Ignatio missus fuerat, magna ex parte suis  
 laboribus & industriis sustentabat. In gravi morbo rogatus à P. Rectore, quot ad-  
 huc annos vitæ sibi superesse putaret? Unum & dimidium, respondit: atq; ita evenit.

**Lingua Græce**  
**peritia & usus**  
**fructuosus.**

7. Romæ anno 1650, P. Balthasar Corderius, Belga. Ob singularem linguæ Græ-  
 cæ peritiam, institit Græcorum Patrum scripta corrådere, & ad explanandas Scri-  
 pturas Sacras accommodare. In eum finem præcipuas Europæ bibliothecas, per  
 Germaniam, Galliam, Hispaniam, Italiam, magnis itineribus lustravit, & excussit;  
 confecitq; ex Græcis potissimum Patribus catenas varias in Psalmos, in Evangelia  
 S. Joannis & Lucæ &c. Catenam in Evangelium S. Lucæ ex 65 Patribus Græcis con-  
 texuit *Soutvells in Bibl.*

8. Romæ anno 1541, P. Joannes Codurius, unus è primis decem Patribus; cu-  
 jus animam eodem tempore quo exspiravit, vidit S. Ignatius inter Angelorum cho-  
 ros ferri ad cælum. Obiit vir religiosissimus ipso magni Præcursoris die, quo & na-  
 tus fuerat, & Sacerdotio initiatus, eadem quoq; qua Præcursor, ætate. *Orland. hist.*  
*Soc. p. 1. lib. 3. n. 19. & seq.*

## XXV. JUNII.

**S. Xaverius**  
**peccatis suis ad**  
**scribit: quid**  
**Legatio ad Si-**  
**nas irrita fue-**  
**rit.**

**I. S.** Xaverius in Sinas solvens anno 1552, epistolam dedit consolato-  
 riam ad Iacobum Pereiram; cujus, tanquam Legati ad Imperato-  
 rem Sinensem, sed nequiter inhibiti à Præfecto Malacensi, sumptu &  
 navì profecturus erat ad Sinas. Totius autem negotij, & magni appara-  
 tus dissolutionem suis peccatis sanctè imputat Vir Sanctus. Quoniam,  
 inquit, meorum delictorum magnitudine factum est, ut nobis ambobus  
 DEUS ad Sinicam expeditionem uti noluerit: omnis culpa conferenda est  
 in mea peccata. Quæ quidem tanta, ac tam gravia fuerunt, ut non mi-  
 hi solum obfuerint, sed etiam tibi, tuisq; negotijs ac pecunijs, quas in  
 legationis apparatus contulisti. Veruntamen DEUS conscius est meæ erga  
 se teq;, voluntatis: quæ nisi rectissima fuisset, nunc utiq; acerbiorẽ  
 animo caperem dolorem, *Epist. Veterum, lib. 4. ep. 11.*



2. In Litvania anno 1586 Nesvisiensis Collegij hoc die posita sunt fundamenta, magnâ Fundatoris munificentissimi, Christophori Radivilij Principis, latitiâ. Pro zelo suo erga Religionem Catholicam, jam ante biennium, redux ex Peregrinatione Hierosolymitana, expetierat Collegium: sed Claudius Præpositus Generalis distulit; quod oppidum illud infrequens videretur, ideoq; non præbiturum operarijs nostris sufficientem laborum copiam, vel in scholis, vel in Ecclesia. Moram non solum ægrè, sed impatienter tulit optimus Princeps: atq; ne locus vilesceret, sed frequentior fieret, jus & honorem Civitatis Nesvisio suo impetravit à rege, vallo illud & fossâ cinxit, atq; sumptuosis ædificijs, aliorumq; Religioforum domibus ornavit. Quo ad designandos Collegio redditus, & statuentas, si quæ occurrerent, conditiones, non aliud certamen fuit quàm ut nimiam liberalissimi Fundatoris indulgentiam & largitatem, ad religiosæ modestiæ normam temperaret Claudius. Stetit ergo intra breve tempus Collegium cum sua basilica, & ordinatissimâ amplitudine sua, & proventibus annuis, & literarum studijs insigne. *Sacchin p. 5. lib. 4. n. 80. & lib. 6. n. 25.*

*Collegij Nesvisiensis initia.*

*Fundatoris munificentia.*

*Eodem die obierunt.*

3. Ratisbonæ in Germania anno 1609, P. Joannes Bredanus, Belga, illustre vivendi religiosè, & moriendi exemplum. Inter præclaras, quâ ad populum dicendi, quâ conscientias expiandi dotes, hæc in illo eminuit: quod morientibus perlibenter & perscitè adstiterit, magno ipsorum solatio & fructu. Nongenti sunt numerati, quibus id officii præstitit, Unde Friburgensis Senatus, tres honoratissimos viros ad P. Provincialem ablegavit, petentes: ut P. Joannem Friburgum remitteret, Sed illum Ratisbonæ mors interceptit.

*Moribundos disponendi industria & diligentia.*

4. In itinere ad Philippinas Insulas, anno 1622, P. Franciscus Joannellus, Italus. Orabat tam prolixè ac ardentè, ut eum observantes inflammarentur. Sæviebat in corpus suum tam inclementer: ut quotidie largo sanguine manaret. Voluntatem suam ut Divinæ in omnibus conformaret, verba illa descripta semper secum circumferebat: *Inveni Virum secundum cor meum, qui faciat omnes voluntates meas.* Obiit in mari, tempore quod prædixit; nec aliter ac Sanctus, judicio Religiosorum qui aderant.

*Conformatio voluntatis cū divina.*

5. Bononiæ in Italia anno 1671, P. Joannes Bapt. Ricciolus, Italus: vir omnium scientiarum genere excellenter excultus. Theologiam Scholasticam decennio docuit, partim Bononiæ; partim Parmæ. Cùm autem in Mathematicis potissimum excelleret: ad eas disciplinas excolendas & reformandas animum adjecit, ediditq; non speculatione tantum, sed praxi laboriosa, & multis experimentis insignes, & plurimum æstimatos à peritis Tomos aliquot: ut Astronomiæ Reformatæ Tomos 2, Almagestum novum, Astronomiam Veterem novamq; complectens Tomis 2, Chrono-

*Mathesis promota & reformata.*



## XXVI. JUNII.

*Liber P. Sun-  
 ry inique dam-  
 natus in Curia  
 Parisiensi.*

*In Hispania ap-  
 probatus & lau-  
 datus.*

*A Pontifice  
 vindicatus.*

*A rege Gall  
 restitutus.*

*Templum Do-  
 mus professæ  
 Romæ in honore*

*Concionatori  
 familiares S.  
 August. &  
 Chrysost.*

**A**Nno 1614, fraude & operâ hæreticorum, prodiit Curia Parisiensis  
 sententia rege inscio, in Librum à Ven. P. Francisco Suarez editum,  
 contra Jacobi Regis Angliæ errores hæreticos, & iniqua decreta. Titulus  
 Libri est. *Defensio Fidei Catholicae & Apostolicae, adversus errores Sectæ  
 Anglicanae &c.* In hunc ita exarsit Jacobus rex: ut Londini publicè per  
 Carnificem jussit flammis absumi; incitârîtq; regem Hispaniæ ad simi-  
 lem in eum librum adversionem. At ille traditum examini Doctorum,  
 ac prolixè laudatum, merito elogio ornavit, monuitq; per literas An-  
 glum: ut ipse potius saniora caperet consilia, & ad avitam rediret Religi-  
 onem. Quod sectarii non impetrârunt in Hispania, conati sunt evincere  
 in Gallia; tantùmq; profecerunt: ut Liber Suarii infami manu Parisiis sit  
 crematus. Indignissima res vîla Pontifici, Paulo V: nec moratus est con-  
 queri per literas coram Rege Ludovico XIII, & ejus parente Medicæa, de  
 insolenti factò, & illato probro Doctori celeberrimo integerrimoq; Rex  
 adolescens, & Regina mater, sanctè testati sunt Pontifici; se insciis, &  
 Lutetiâ tunc absentibus, rem gestam esse. Confestim igitur Curia Decre-  
 tum abrogârunt, plenamq; omnibus fecerunt potestatem, prædictum li-  
 brum retinendi, legendi & imprimendi. Illud non injucundum: quòd cum  
 fama Libri in Anglia combusti, pervenisset Conimbricam in Lusitaniâ ad  
 aures Suarii: is oculis in cælum sublati: *Utinam ajebat, concessa meo vo-  
 lumini fors, mihi etiam DEi beneficio contingat!* Quod votum illico P.  
 Sebastianus Barradius, qui præsens aderat, opportuno carmine ex Nalo-  
 ne petito, ingeniosè expressit: *Sine me liber ibis in ignem: Hei mihi, quòd  
 Domino non licet ire tuo!* Loco vocis *Urbem*, posuit opportunè *Ignem*.  
*Massejus in vita P. Suar. cap. 16.*

2. Romæ anno 1568, Basilica Domus Professæ extrui cœpta ab Ale-  
 xandro Farnesio Card. pari pietate & magnificentia. Primum lapidema  
 posuit ipsemet Cardinalis cum Cardinale Augustano Trucheseio. *Sacchin.*  
*p. 3. lib. 4. n. 141.*

*Eodem die obierunt.*

3. Herbipoli in Germania anno 1625, P. Joannes Georgius Voglerius, Germa-  
 nus, orandi & perorandi ad populum dote præstans. S. Augustinus & Chrysosto-  
 mus præ cæteris ei familiares erant: ille pro alenda pietate privata, istè pro populo  
 instru-



instruendo. Quanto Catholicis amori, tanto erat odio hæreticis; qui, postquam P. *Hæreticorum f-*  
 Joannes Hagena aliò migravit, non erubuerunt in vulgus spargere: P. Voglerium *gentia.*  
 ab infernali genio arreptum domi in catenis detentum, deniq; evanuisse. Sed pudu-  
 it illos mendacii, cum Voglerius mente & corpore sanus, imò validior, paulò post  
 comparuit in cladem illorum.

4. Firandi in Japonia anno 1587, Joannes Fernandez, Coadjutor Hispanus, S.  
 Francisci Xaverii in Japonia Socius. Magni ab ipso habitus, & rebus pro fide ge-  
 rendis apprime idoneus ac promptus fuit, plurimis ad Ecclesiam adductis gentibus. *Injuria con-*  
 Amanguccii vir gravis concionanti aderat: ut quæ docebatur, exploderet. Verum *tempus utilis.*  
 cum isthic procacior quispiam in os Joannis phlegma spurci oris foedè conjecisset,  
 ac Joannes modesto silentio rem dissimulans, faciem strophiliolo absterfisset, ac dicere  
 ad populum perrexisset: tanta animi excellentia adeò permotus est vir ille gravis: ut *Sacerdotum*  
 ad Joannis pedes abjectus, primus baptismum petierit. Sacerdotes in tanta reveren- *veneratio.*  
 tia habebat: ut coram ipsis non nisi jussus loqueretur.

5. Cracoviæ P. Jacobus Wiccus, Vangrovicius dictus à natali majoris Poloniæ *Lectio libri sa-*  
 loco. Adolescens è libris hæreticorum hauserat hæresim. DEi beneficio factum est, *lutaris.*  
 ut in ejus manus veniret Cardinalis Hosii liber, *Confessio* inscriptus. Hoc antidoto  
 venenum expulit. Romæ adscitus in Societatem, rediit in Poloniam peractis studiis  
 literarum, & tradenda Theologia, scribendis libris, habendis concionibus, lociis  
 regendis, utilem patriæ operam navavit. Posnaniensis Collegii quasi parens, rectorq;  
 primus fuit. Stephani regis rogatu profectus in Transilvaniam, primus Collegio  
 Claudiopolitano præfuit. Primus nostrorum linguâ vernaculâ librum edidit, quo  
 Confessionem Sendomiriensem à Calvinistis vulgatam refellebat. In eundem Poloni-  
 cum sermonem convertere sacra Biblia, Gregorio XIII imperante aggressus, Craco-  
 viam, ut opus perpoliret, secessit, cui & immortalis est. Psalmos Davidicos ad pœni-  
 tentiam pertinentes meditabatur, dum valetudo & vita suppetebat, vim lacrymarum  
 profundens: eosdem æger confecto jam prope vitæ spatio, prælegi sibi voluit, D  
 Augustini exemplo. Postremam noctem orans, obtutu in Christi morientis effigiem  
 continenter defixo, transegit. *Juvencius fol. 799.*

## XXVII. JUNII.

1. **A** Nno 1537 Venetijs S. Ignatio, & Socijs, datum est testimonium  
 Ordinum Collatorum ad titulum Scientiæ ac Voluntariæ Pauper-  
 tatis. *Nadasi in Ind: Mem.*

2. Ex Sicilia cum classe militari solvit in Africam contra Turcas,  
 anno 1551 P. Hieronymus Natalis cum P. Isidoro Bellino. Sed gravissima *In naufragio*  
 tempestate coorta, è quindecim triremibus octo perierunt cum ingenti *zelus.*  
 hominum multitudine, & P. Bellino, qui ad ultimum Spiritum non de-  
 sinit naufragis inclamare salutaria, magis de illis, quàm de se sollicitus.  
 Natalis diu inter undas luctatus, tandem evasit fune quopiam arrepto,  
 & cum superstitionibus tenuit Aphrodisium Africæ urbem: ubi & sanis in  
 Ecclesia, & ægris in nosocomio, omnia factus est. *Orland. p. 1, hist. Soc.*  
*lib. 11. n. 21.*

Hh 2

3. In



*Immunitas  
Ecclesiastica  
strenuè defensa  
à P. Suarez.*

3. In Lusitania anno 1617. multò major concitata est tempestas inter Ecclesiasticos & regios ministros. Nuncius Apostolicus hoc die generale promulgavit Interdictum adversus urbem Ulyssiponensem, propter violatam Immunitatem Ecclesiasticam, & quosdam fori administratos declaravit anathemate irretitos. Non defuerunt Theologi, qui censuras irritas & illegitimas pronunciârunt: Sed Ven: noster Franciscus Suarez, quàmvis ætate & laboribus fractus, cum saniore spiritualium parte, tam fortiter stetit pro Immunitate Ecclesiastica, & robore interdicti, ut mortem inde contraxerit gloriosam. Non solum enim circumcursando ardente sole, & ministros regios informando ac sollicitando: sed etiam, tum epistolis ad aulam Hispanam (erat enim tunc Lusitania in potestate regis Hispaniæ Philippi III) & ipsum regem datis; tum insigni volumine conscripto pro Ecclesiastica Immunitate, promovit causam Pontificiam. Pro quo obsequio honorificentissimis literis amplas ei gratias egit Pontifex Paulus V. *Masseus in Vita Suar. cap. 22.*

*Eodem die obierunt.*

*Victima fidei  
in America.  
Venatio barbarorum.*

4. In America anno 1610, P. Raphaël Ferrer, Hispanus, in odium fidei occisus. Semper magis arduarum Missionum avidus, intra breve tempus magnam barbarorum copiam è sylvis eduxit, ad civilem vitam mansuefecit, & quadringentos baptismo lustravit. In Popayana provincia, cum scenicam actionem, quam dari nolebat, impedire aliter non posset: antequam illa inchoaretur, in theatrum proslitit, & ita dixit: ut omnes ad lacrymas permoverit, & insulsam comœdiam disturbârit. Barbarorum nonnulli, indignati, patrios deos ab ipso convelli, præcipitem dederrunt in flumen, & ad beatæ æternitatis portum impulerunt.

*Comœdia in-  
fusa impedita*

*Patientia in-  
iuria.*

*Rosarium Ma-  
rianum.*

5. Valentini in Hisp. anno 1558, Didacus Sarabias, Coadjutor. Ante initam Societatem, cum esset textor, modico ipse contentus, reliqua omnia dabat pauperibus. In Societate, acceptâ in publico alapâ à petulante quodam, ad pedes ejus se projecit, veniam petens; ac si non accepisset, sed dedisset injuriam. Mauris prædonibus obviis factus, Rosarium suum intrepidus opposuit: & illi pacificè transierunt, vel non viso Didaco, vel potius à DEipara prohibiti, ne nocerent. Moriens exultabat, quòd in Societate moreretur, & vitam devovisset obsequio pestiferorum,

## XXVIII. JUNII.

*S. Ignatius à  
S. Petro sana-  
tur.*

1. **A**Nno 1521 S. Ignatius, ex vulnere Pampelonensi æger, supremis ad mortem mysteriis instructus, noctem proximam fatalem sibi expectabat. Sed ab Apostolorum Principe, S. Petro, gratiosè visitatus, aspectu recreatus, & persanatus est, in ipso festi Apostolorum pervigilio. Intererat enim Petri, vivere Ignatium: ut Sedes sua Apostolica validum haberet



beret propugnatorem, & Ecclesia zelosum propagatorem. *Bartoli in Vica lib. 1. n. 4.*

2. Romæ anno 1591 Gregorius XIV, per Constitutionem, *Ecclesie Catholicae*, confirmavit Societatis Institutum, & rationem gubernandi: & ne quid contra hæc à quopiam tentetur, graviter interdixit. *Bullar. Societ. approbata.*

3. In Belgio anno 1591 Octavius Calatinus Nuncius Apostolicus per Edictum ad Academiam Duacensem potissimum, datum, concessit Nostri facultatem, doctrinam P. Leonardi Lessii de Auxiliis gratiæ & Prædestinatione, liberè tradendi. Quod edictum, in literis ad Atrebatensem Episcopum datis 26 Septemb. dicit, Pontificis Gregorii XIV auctoritate sententiâq; confirmatum esse. Et sic in Belgio conquieverunt tunc turbæ inter nostros & Academiæ Lovaniensem, ac Duacenam ferventes. *Eleuth. in hist. de Auxil. lib. 1. cap. 19. & 20.*

4. Colonia Agrip: exeunte Junio, anno 1545, conquievit tempestas, quam in tenellum adhuc gregem Sociorum concitârat Hermannus Archiepiscopus. Is posita tandem larvâ Catholici, hæresim professus: ut Jesuitæ urbe pellerentur, tanquam sine licentiâ Senatûs in eam ingressi. Eò deniq; res fuit deducta: ut Senatus decreverit, ne Nostri viverent in iisdem ædibus more Regularium, sed sparsim per urbem, & in veste communi Clericali, si vellent commorari Colonia. Crudum decretum: maluerunt tamen Socii morem illi gerere, quàm deserere populum multo labore, præsertim PP. Fabri & Canisii, ab hæresi servatum immunem. Et probavit S. Pater constantiam; permisitq; paulò post Senatus: ut in pristinis ædibus conjuncti viverent. *Orland. hist. Soc. lib. 5. n. 35.* Tam chara fuit Patribus nostris Colonia: ob quam ab hæresi servandam immunem, etiamnum, dum hæc scribo, multa & gravia patimur, in diversis Provinciis.

*Eodem die obierunt.*

5. In Africa anno 1575, P. Franciscus Goveanus, Lusitanus. Angolitano in regno multa egit, & passus est; ipsis 14 annis in custodia detentus. Cum æger decumberet Pater. Angolæ rex, cantores suos jussit assidue dies noctesq; circumire domum: ut voce, & organis pulsatis, mortem, ne accederet, absterrent, vel placarent. Sed invenit illa aditum, & virum emeritum in libertatem filiorum DEI asseruit. *Carcer anno 14. Mortis fuganda medium inceptum.*

6. Visbici in Anglia anno 1592, P. Thomas Methamus, Anglus. Londinensem turrim, seu carcerem, annos 4 incoluit. Inde in alios aliosq; carceres deportatus, demum inter paludes, in Visbicensi ergastulo per annos plures contabuit. Ita vitam per annos 17, causâ fidei, in carceribus ærumnosissimis ductam, longa morte conclusit non invitus, quàmvis cruentam maluisset. *Victima fidei in carcere ærumnosum 17.*



*Victima fidei  
dua in carcere  
Suetico.*

*Victima chari-  
tatis 60 in pe-  
ste Neapolita-  
na.*

7. Stocholmii in Suecia, anno 1601, Mathias Vitriarius, & Nicolaus Mercator Coadjutores Litواني, Socii Patris Christophori Spoteci (de quo 14 Junii) multa ab hæreticis, odio fidei, perpeffi, in carcere decesserunt.

8. Neapoli cùm anno 1656 favissima pestis, urbem populosissimam depascere-  
tur, inter 60 Socios, in obsequio pestiferorum extinctos, hoc die sublati sunt in e-  
odem obsequio P. Josephus Gustapane, viya religiosæ observantiæ idea. Paulò post  
secutus est ipsum P. Lucius Pignatellus, Neapolitanus, vir sui despicientiâ, & susce-  
ptâ spartâ illa tantò major, quantò illustrior erat genere, fratre germano Innocen-  
tii Papæ XII natus. Zelo Apostolico jam in Indiam abreptus erat, & in Lusitaniam  
devenerat: sed revocatus in Italiam, primùm Romanum Collegium, deinde Provin-  
ciam Neapolitanam gubernavit; invenitq; in Europa pretiosâ mortis gloriam, quam  
in India quærere insisterat.

## XXIX. JUNII.

*Christus pro-  
mittit, se propi-  
tium futurum  
Sociis in regia  
utraq; Sinensi.*

1. **P**. Matthæus Riccius in China turpiter ejectus Nanchino, urbe regia,  
Nanquinum se recepit, eoque pervenit feliciter ipso Apostolorum  
principibus festo die. Antequam eò perveniret, in itinere multo mœrore  
pressus obdormivit; viditq; per somnum, hominem ignotum, ita se allo-  
quentem: Itane tu hoc regno vagaris eo animo, ut antiqua religione  
proscripta, novam inducas? P. Matthæus respondit: Aut DEum, aut dæ-  
monem te esse oportet, qui hæc noveris, cùm nemini mortalium indi-  
caverim. Minime sum dæmon, sed DEus, reposuit alter. Tum P. Mat-  
thæus ad pedes ejus lacrymabundus proruit, & in hæc verba prorupit:  
Si hoc, Domine mi, votum meum nosti, cur adjutricem tantis rebus non  
admoves manum? Cui Dominus: *Ego in utraq; urbe (Nanchinensi &  
Pechinensi) vobis propitius ero.* Expergefactus Pater Socio visum narra-  
vit, & non vanum fuisse somnium eventus docuit. *Trigault. de Chri-  
stiana Exped. in Sinas lib. 3. cap. 10.*

*Flammi contra  
Societatem li-  
bri combusti.*

2. In Hispania Madriti anno 1634. ex Decreto Sacrorum & Genera-  
lium Fidei Quæstorum, solemnissimè combusti sunt in publico foro li-  
bri non pauci Satyrici, quos in Societatem effuderant Magister Francis-  
cus Roales, & non pauci anonymi. *Gomez in Elog. Societ. part. 1. Classe 5.*

3. Anno 1558 responsorias dedit hoc die P. Franciscus Borgia, Com-  
missarius tunc Hispaniæ, P. Antonio Madridio Doctore & concionatori  
celeberrimo, petenti: ut quando concionaturus esset, atq; in cœna semel  
in hebdomada, liceret sibi corpus castigare per spatium Psalmi *Miserere*.  
Superiores enim ad cœrcendum nimium ejus rigorem in hoc genere,  
tantum ei concesserant propter infirmam valetudinem: ut ictus octo sibi  
infligeret. Rescripsit ergo illi Borgia, concedendo ut illis octo concessis  
iati-



istibus adderet alios septem, ante concionem. De flagellatione in triclinio, sic respondit: in cœnatione cum flagello qualibet hebdomadâ prodire licebit quidem; verum ita, ut soles, indutus ingredi, & super vestem flagellum expedies. Salsa nimis videbitur mundi Sapientibus hæc licentia: Sed Borgia & Doctor Madridius stylum scholæ Christi meliùs noverant. *Sacchin. p. 2. lib. 7. n. 76.*

*Eodem die obierunt.*

4. Cusqui in Peruvia anno 1606, P. Ildephonfus à Poso. Cum ad iram naturæ impetu esset pronior, ita illam virtute perdomuit: ut in Societate nemo illum viderit iratum. Modestâ oculorum erat tantâ, præsertim quo ad scēinarum aspectum: ut scēinæ Indæ ipsi confessæ, dicerent; se cæco illi Patri confessas.

*Ira domini.*

*Aspectus scēi-  
narum viat9.*

5. Goæ in India Orientali anno 1656, P. Alphonsus Mendez, Lusitanus, Æthiopix Patriarcha. Emenso Oceano appulsus in Æthiopiam, Sultan Seguedus Imperator amplexu strinxit, ac dixit: *Nunc dimittis Servum tuum Domine.* Mox Alexandrina supersticio cum Romana fide & religione passim permutata, Patribus undeviginti è Societate, in 13 domicilia distributis; quorum operâ, ac inprimis Alphonsi Patriarchæ, per annum 1628, facile centum millia ex illa gente ad Ecclesiam Christi sunt reducta. Sed cum Facilladas, Imperatoris filius, imperium adijset, felicia rerû initia intervertit, Alphonso Patriarcha è regnis suis proscripto cum Socijs. Sed hic perfidia non stetit: interceptus in itinere Patriarcha, in carcerem conjectus est, & ferro onustus, per annum detentus. Educebatur tamen subinde cum duobus Patribus Socijs, ad eleemosynam corrogandam, omnibus tribus unâ catenâ innodatis. Tandem Christianorum liberalitate in libertatem assertus, Goam reversus est: cui tamen Æthiopix deposuit nunquam, in omnem redeundi occasionem intentus, ejusq; populi salutem procurando tum Epistolis & libris Catecheticis scriptis, tum ministris idoneis transmissis: donec ad annum ætatis 77 proventus, plenus meritis, sed pauper Patriarcha decessit.

*Æthiopia Pa-  
triarcha è Socie-  
tate.*

*Converso nu-  
merosa Æthi-  
opum.*

*Patriarcha in  
carcerem &  
vincula conje-  
tus.*

6. Eodem die, anno 1580, juxta certiore Sotvelli relationem in Biblioth. Soc: (Nadasi ponit annum 1577, 14 Sept) alter, & antiquior, Æthiopix Patriarcha Andreas Oviedus, ad Ecclesiam Triumphantem transiit. Gravibus exagitatus est persecutionibus, & à Claudio, & ab ejus Successore Seguedo; jamq; in eum aliquando furens irruit Claudius stricto ferro, confecissetq;: nisi Regina objecto corpore suo intervenisset. Patriarchatum habuit tam opulentum: ut scripturus Pio V Pontifici, in defectu chartæ, margines Breviarii præciderit, & in libellum consuerit. Illacrymatus est, accepto tali epistolio, Sanctus Pontifex.

*Æthiopia alter  
Patriarcha è  
Societate.*

*Epistola pau-  
peruma.*

XXX. JUNII.

1. **S**xaverius Anno 1540 Româ in Indiam tendens, Ulyssiponem in Lusitania attigit. In via præter alia Apostolicarum virtutum specimina edidit illud, hominibus quidem mundanis ignobile, at qui altiore judicio res metiuntur, miraculo proximum. Cum enim cum Legato regis Lusita-

*itinere Indico  
venit visitare  
matrē suam.*



Lusitani montes Pyrenæos præterveheretur; & prope esset castrum Xaverium, in quo mater ejus, ætate & nobilitate generis conspicua, adhuc superstes erat: adduci non potuit, ipso suadente Legato, ut tantillum à via desisteret, & suprema humanitatis officia deferret matri, & familiaribus. Nimirum meminerat mandati, quo Christus, discipulos mittens ad Evangelicos labores, præcepit: *Neminem in via salutaveritis*; maluitq; inurbanus haberi, quàm minùs religiosus Christi discipulus. *Bartoli in Vita lib. 1. cap. 11.*

*Objectum fidei  
debet voluntati  
proponi per  
actum intelle-  
ctus superna-  
turalem.*

2. Coram Clemente VIII instituta est anno 1604 disceptatio 31 de Auxilijs Gratia. Argumentum fuit: An quando Intellectus proponit voluntati DEum amandum & colendum, ut summè bonum, præmiantem virtutem præmio vitæ æternæ; & summè justum, punientem peccata damnatione æterna: an, inquam, hoc modo dicatur ea proponere tanquam rem ad fidem pertinentem, atq; aded ut objectum fidei? Respondit P. Bastida cum distinctione. Si intellectus solùm per actum naturalem proponat voluntati DEum ut summè bonum & justum &c. tunc proponit illum solùm ut rem materialiter pertinentem ad objectum fidei. Si autem illum proponat ut talem per actum supernaturalem: tunc proponit illum ut rem formaliter pertinentem ad objectum fidei. Hoc declaravit, & probavit. *Eleuther. hist. de Auxil. lib. 5. cap. 40.*

*S. Borgia expe-  
ditur à B. Pio  
V. in Hispaniâ*

*Obedientia e-  
jus insignis.*

3. Anno 1571 pridie Calendas Iulias Româ in Hispaniam profectus est S. Borgia Præpositus Generalis, adjunctus à Pontifice, Pio V, Legato suo Cardinali Alexandrino: ut peritiâ rerum tractandarum & autoritate, quam habebat in Hispania, promoveret apud regem negotium fœderis ineundi contra Turcam. Non ignorabat Borgia infirmam corporis sui, præsertim in provecta ætate, conditionem; mirabantur pleriq; hanc Spartam ipsi impostam; sed ille mirantibus reponebat: DEus Optimus, qui Vicarij sui menti indidit voluntatem, ut hoc onus imponeret; idem corpori meo vires addet, ut perferam. Sic alacer viæ se dedit: qua feliciter emensâ, in reditu vocatus est ad capeffendum heroicæ Obedientiæ præmium. *Sacchin. p. 3. lib. 6. n. 4. & 13.*

*Eodem die obierunt.*

*Anima unius  
sua indefessa*

4. In Oceano Occidentali anno 1554 P. Leonardus Nunnez, Lusitanus. Inter primos à Societate missus in Brasiliam, in ultimos eius fines penetravit. Expeditionem deinde inprimis arduam suscepit in mediterranea Brasiliæ, ferocissimis barbaris horrida, ut Europæum hominem, fidei desertorem lucrifaceret. Re ex voto peracta, redijt ad stationem suam, & indefessè excolendis tum Europæis, tum barbaris



baris instabat: donec primus Procurator e Provincia illa Romam missus, in Oceano portum invenit.

5. In regno Chilensi Indiæ Occidentalis, Didacus Lopez de Salazar, Chilensis, Audita concione de mundanæ pompæ vanitate, spreta illustri & opulenta domo, Societati sine mora, se addixit. In ejus tyrocinio tanta contentione ad eminentem perfectionem tetendit: ut intra breve tempus eò pertigerit, quò pauci grandævi, licet non segnes in studio virtutum. Morti proximus, ad Crucifixum Salvatorem conversus, bene nosti, ô Domine, ajebat, quàm feriò connisus fuerim hocce biennio, ut Te quærerem. Ne me nunc desere, Domine, in hac hora, quæso te per hæc vulnera, quæ pro me suscepisti. Audiit benignissimus in servos suos serventes, JESUS, jussitq; Didacum, de salute sua æterna securum esse; expectare se eum comitem ad gaudia Paradisi. Ita feliciter abiit duce JESU.

*Studium in-  
gens perfectio-  
nis.*

*Confidentia in  
morte.*

*Securitas de  
salute.*

6. In Anglia anno 1679 Londini, odio fidei suspensi sunt & lanati Socii 5: P. Thomas Harcortus Provincialis, P. Guilielmus Haringus Rector Londinensis, P. Antonius Furnerus, P. Joannes Fenwick, & P. Joannes Gann. *Hazart in Append. 2. hist. Eccles. Angl.*

*Victima fidei*

## I. JULII.

1. S. P. Ignatius anno 1556 tentari coepit morbo supremo, qui illum, e- labente eodem mense, ad superos feliciter transmisit. Nihil ampli- us in votis habebat, quàm dissolvi, & esse cum Christo: siquidem tria il- la, quæ vehementer optaverat videre impleta, cumulatè sibi concessa vi- dit; nimirum Societatem autoritate Vicarii Christi rite approbatam, Libellum Exercitiorum spiritualium eadem autoritate communitum, & Constitutiones ab universa Societate receptas, atq; in usum deductas. His abunde potitus, & visis maximis incrementis Societatis per orbem fere univèrsam diffusæ, nihil habuit in humanis, quod amplius desideraret. *Bartol. in Vita lib. 4. n. 30. & seq.*

*S. Ignatij mor-  
bus excremens.*

*Tria ejus dese-  
deria.*

2. Qui S. Patri in munere Præpositi Generalis succederat P. Jacobus Laynez, expeditus est anno 1561 à Pio IV Pont. Max. in Galliam cum Hippolyto Card. Estensi: ut periclitanti Religioni in famoso illo Con- ventu Poissiacò subveniret. Dictus enim Cardinalis efflictim petierat, viæ comitem, & laborum Socium sibi dari Laynium. Nec fefellit illa spes Legati & Pontificis, multa & maximè ardua, contra hæreticos, & frigi- dos Catholicos feliciter aggressus & emensus. *Sacchin. hist. Soc. p. 2. lib. 5. n. 133.*

*P. Laynez So-  
cius Legati  
Pontificij.*

3. Felix illuxit hic dies Ecclesiæ Indiæ Orientalis, anno 1587, bapti- zato rege Baciari ( unius è quinq; Molucensibus insulis ) à P. Antonio Vazio, cum fratre natu minore, Sororibus tribus, & maxima parte nobi- litatis. Joannis nomen in baptismo sortitus fuit, ætate quidem vicesimum

*Regis Baciari  
baptizati ætate*



annum non supergressus, sed ingenio, prudentiâ, aliisq; regiis dotibus nemini inferior; in fide autem tam zelosus & constans: ut vicinas insulas adiret ipse, Christianam religionem totis viribus commendaret, & Soceri sui regis furorem ac diras, contemneret infractus. *Bartoli Asiat. hist. lib. 6. n. 9.*

*Liberatus è  
carcere ope S.  
Xaverij.*

4. Potami in Calabria Solemne Sacrum decantari curavit in honorem S. Indiarum Apostoli Vincentius de Urso: quod, ipso Patrono, è carcere, in quem infons conjectus fuerat, feliciter evasisset. *Ex lib. mirac. Potam. n. 39.*

### *Eodem die obierunt.*

*Calumnia di-  
ta.*

5. Hispali in Hisp. anno 1605, P. Joannes Hieronymus, Hispanus, Ecclesiastæ munere, & Patientiæ laude præstans. Quâvis vitam egisset ab omni noxa gravi immunem, inventa tamen est, cum Collegium Granatense regeret, mulier procacissima, quæ cum turpis flagitii accusavit. Hujus inquisitionem cum P. Provincialis vesperti, ad lumen candelæ, committeret Patri cuidam gravi & sagaci; exhorruit is ad facinus impactum P. Joanni, nec dubitavit, ad contestandam ejus innocentiam sibi satis superq; perspectam, ardenti lychno manum injicere; quam tamdiu innoxie ustulavit, donec omnia, quæ dicenda erant, narrasset P. Provincialis. Sed luculentius testimonium, facti poenitens dedit ipsa calumniatrix mulier; quando accerrimis correpta doloribus, coram P. Provinciali, testibus ac Notario publico, se ream accusavit, Patrem pronunciavit innocentem, De altera quoq; calumnia splendide triumphavit victrix ejus patientia; quando de crimine hæreseos à malevolo quopiam ad Gregorium XIII Pont. Max. delatus, gloriosè est absolutus: ut jure sibi accommodare potuerit illud Christi (Joan. 14.) *Venit princeps hujus mundi, & in me non habet quidquam.* Plurimus nempe fructus concionum Patris, torquebat architectum calumniarum.

*Cacitas diu-  
turna & pa-  
tiens.*

6. Limæ in Peruvia anno 1655, P. Paulus Æmilianus, Italus, ab Indicarum linguarum peritia, animarum zelo, & diuturna patientia laudatus. Ipsos enim 20 annos oculorum omni usu orbatus, insigni voluntatis suæ cum divina conformitate tranquillius vixit perforandis Rosariorum granis, quæ in pauperes expendere, occupatus. Ter tantum in hebdomada comedeat, flagris verò tam acriter quotidie se accipiebat: ut audientibus horrorem incuteret. Tandem die, quam prædixerat, lux æterna feliciter ei illuxit.

*Jejunium rigi-  
dum.*

7. Legionem in Hispania anno 1599 in pretioso erga pestiferos charitatis obsequio occubuit, post strenuos labores Gregorius Flores: quem ibidem secuti sunt in eadem arena Socii 7. Numantiæ verò Salmanticæ, Villagartiæ Lucronii, Socii 29.

### II JULII.

*Duo Præpositi  
Generales.*

1. Dies hic Visitanti cognatam suam DEipara V. sacer, duos Societati dedit Præpositos Generales, sanctitate & sapientiâ eximios, S. Franciscum Borgiam & Iacobum Laynez: quorum alter illam illustravit illustrissimè.



strissimo nomine suo, & heroica virtute; alter eminentis doctrinæ luce in Synodo Tridentina & alibi spectabilem fecit. *Sacchin. p. 2. & 3. hist. Soc.*

2. Eodem die anno 1567 S. Borgia Præpositus Generalis, convocatis in Collegium Romanum Sociorum plurimis ac præcipuis, proposuit Regulas tum Communes, tum proprias variorum munerum, diuturna consultatione ponderatas: atq; egregia oratione earum observationem commendavit, *Sacchin. p. 3. hist. Soc. lib. 3. n. 95.*

3. In Ægyptum anno 1561 à Pio IV. ut Nuncius Apostolicus, expeditus est P. Christophorus Rodericius, cum P. Baptista Eliano, ad Patriarcham Cophtorum, qui à Sede Apostolica petierat Viros idoneos, quorum operâ Cophti, gens Ægyptiaca, unirentur Ecclesiæ Romanæ. *Idem p. 2. n. 135.*

4. In Litvania anno 1580 Collegij Polocensis orta sunt primordia, Stephano Rege authore. Cum enim arcem Polocensem munitissimam à Moschis occupatam, magno labore expugnasset: eadem die ad P. Petrum Skargam, Collegij Vilnensis Rectorem, literas dedit, de Socijs ad fundandum Collegium expediendis quantocyus. Missi sunt initio Sacerdotes duo cum Fratre adjutore: quibus non parum negotij facessivit loci Palatinus è secta Calvinii. Sed prævaluit Regis Optimi authoritas, & Patrum constantia. Ipso Visitationis DEiparæ festo die in ædicula quadam deserta, SS. Apostolis Petro & Paulo sacra, Societatis munia obire cœperunt; scholas quoq; aperuerunt, quàmvis quinq; solum discipulis. Verùm ut alibi, ita Polociæ, fecunda fuit Sociorum patientia, aucta tandem insignium discipulorum coronâ: nam & Ruthenorum Episcopus, & Palatinus ipse, aliq; è prima nobilitate, liberos suos tradidère erudiendos *Sacchin. p. 4. hist. Soc. lib. 8. n. 155.*

5. Malacam in India, hoc die pervenit, ac paulò post Iaponiam, ardentissime expetitam, ac inter multa viarum discrimina atq; dispendia diu quæsitam, feliciter attigit inclytus Martyr P. Carolus Spinola, emensis 24 millibus milliarium. *Ambrosius Spinola in Vita.*

*Eodem die obiit.*

6. Ad Neoportum in Belgio, anno 1600 P. Paulus Bucelinus, P. Laurentius Reverardi, & P. Otho Campensis, Belgæ. Dum in Missione castrensi faucibus militibus dant aures, à victoribus Batavis comprehensi sunt. Testatus est disertè P. Paulus, qui cæteris præerat, se ac Socios non Archiducis, sed DEi stipendiis militare, nec sequi castra ut milites, sed ad animas militum procurandas. Sed his magis irritati hæretici, explosis sclopetis omnes tres confestim confecerunt.



*Vocatio ad Soc:  
per B. V.*

*Intentio pia la  
bori prae-  
senda.*

*Conciones sem-  
per novae per  
annos 30.*

*Indulgentia  
plenaria.*

*Neglectus vo-  
cationis puni-  
tur*

*Conscientia  
expiatio.*

*Nobiles nor-  
ma aliorum.*

7. Lupis in Italia, anno 1616, P. Bernardinus Realinus, Italus, à DEipara Virgine ad Societatem invitatus, & frequenti ejus conspectu honoratus. Quin aliquando Filiolum suum DEi Mater in ejus lectulo collocavit, & familiarissimo colloquio servulum suum recreavit. Perfectionis religiosae, & recollectionis animi studiosissimus, correptus est quandoq; acriter à Christo: quod quiddam negotii. obedienter quidem, sed præpropere esset aggressus, non implorata ope divina. Sæpe inter orandum conspectus vultu fulgere, aliquando toto corpore scintillas jacere. Maximilianus Dux Bavariae ab illo per literas petiit: ut sibi filium à DEO impetraret. Respondit Realinus; Habiturum: quod longè post mortem Patris evenit.

8. Cremsii in Germania, anno 1653, P. Mathias Klinka, Moravus, zelosissimus & laboriosissimus, per annos 30 & ultra, Ecclesiastes. Diebus Dominicis & Festis omnibus dicebat pari fructu & labore. Semper enim novas parabat conciones, & quas anno elapso paraverat, donabat alicui. Comparuit illi aliquando anima viri nobilis probi, ac amici, suffragia petens. Miratus est Pater; quod heri sanum vidisset, & confessione expiatum, utpote in festo Assumptionis DEiparae V. ideoq; crederet plenarias lucratum esse Indulgentias. Non negavit Anima Indulgentias obtentas; sed addidit: Purgatorii causam novam se dedisse aliqua sensualitate in potu.

9. Parisiis anno 1651 P. Nicolaus Causinus, Gallus, vir singulari eruditione, eloquentiâ, & virtute religiosa. Rex Henricus Magnus, sagacissimus princeps, raram in ejus junioris vultu demiratus indolem, prædixit fore: ut Nicolaus & Societati, & regno suo decori esset futurus. Et certè fuit, tum ob exquisitam doctrinam, tum ob eximias virtutes; quæ ipsi nomen *Angeli pacis* conciliarunt. Ludovico XIII à sacris Confessionibus fuit; vir animo ita comparatus: ut omnium horarum, & omnis fortunæ homo dici potuerit. Edidit multa erudito & eleganti stylo, qui potissimum in ejus Paralellis Eloquentiæ & Aula Sancta, Gallicè scripta, resplendet. *Sourvellus.*

### III. JULII.

1. Accuratam Ulyssipone Romam ad S. Ignatium, anno 1540, dedit Epistolam S. Xaverius, de itinere suo in Lusitaniam, & affectu, quo unâ cum P. Simone Rodericio, exceptus est à rege. Inter cætera narrat, imò quomodo quidam è Lusitani Legati famulatio, qui religiosam vocationem diu neglexerat, dum eques amnem transmittere contendit, impetu aquarum abreptus sit, non solum ad mortis, sed ipsius propè Inferni portas; nec sine miraculo servatus comitum precibus. Addit: eundem, postquam salvus evasit, ardenti oratione compellasse socios: ne moram facerent Vocationi divinæ. 2. Refert, quàm providè pyssimus Rex omnibus Aulicis suis nobilibus injunxerit, ut quot hebdomadis conscientiam expiarent; quamq; gravibus verbis ipsi ac P. Simoni eorum curam commendârit, dicentis: *Sic nobiles, quales esse debent, fuerint, sine dubio plebem ad eorum mores se se formaturam; quare spem restituendi mores omnium Sæcularium Regni, in nobi-*



*nobilium puerorum proba institutione veri.* 3. Exponit: communi prudentum in Lusitania iudicio laudari Societatem; quod graves sibi impactas Romæ calumnias, non dissimularit tacita, nec privata compositione, sed viâ juris & publico decreto diluerit; magnam aliâs habitura difficultatem in prosequendo Instituto suo. 4. Testatur, id se omni studio curare: ut nec in nobis, nec in familiaribus nostris quidquam conspiciatur, unde suspicio cuiquam oboriri possit; temporalia nos potius, quàm spiritualia captatum ac conquestum ire, &c. *Lib. 5. Epist. Ven. ep. 2.*

Calumnia iure diluta.

Spiritualia præ temporalibus quærenda.

2. In Iaponiam anno 1577 novas suppetias, Socios 13 adduxit P. Balthasar Lopus: siebantq; ibi, DEo auctore insignes ac numerosæ gentilium conversiones. In ditione Sangadoni, prædicto anno, duo millia capitum, & amplius, baptismo lustrata; Vocajamæ nullus reliquus mansit ethnicus; alibi supra quater mille sacro fonte expiati sunt, & eximie pietatis specimina dedere. *Sacchin. hist. Soc. p. 4. lib. 5. n. 255. & 263.*

Conversio numerosa.

3. Grodnâ in Litvania anno 1586, insigni epistola, ad Archiepiscopum Moguntinum datâ, Societati famam à turpissima calumnia per Germaniam sparsa, vindicavit benevolentissimus Poloniæ rex Stephanus Bathoreus. *Exhibet illam Sacchinus p. 5. hist. Soc. lib. 6. n. 27.*

Fama vindicata.

4. Coloniæ Agripinæ anno 1642 piè decessit Maria Medicea Franciæ Regina; è cuius dispositione Ludovicus XIII ejusdem filius, Collegio Coloniensi donavit Rosarium, seu Coronam precatoriam, quâ olim usus fuerat S. Xaverius. Cùm sua Majestas ex Hollandia in Angliam navigaret, in periculosa turbati maris tempestate, Pater Suffren Regiæ Confessarius, dictum S. Xaverij Rosarium manu tenens mari immerfit; & mare tranquillatum est, manifesto DEi per S. Xaverium beneficio. *Nadasi in Memoriali Indice.*

Tempestas Rosario sedata.

### Eodem die obierunt.

5. Dorcestriæ in Anglia, anno 1594, P. Joannes Cornelius, Hibernus, in odium fidei tentus, suspensus, & excarnificatus more consueto. Caput patibulo affixum, visum est radiis coruscare, testibus innocentie & zeli ardentis, quo rem Catholicam promovebat. Morti gloriosæ se parabat ciliciis, flagris, jejuniis frequentibus. Inter sacrificandum vidit aliquando viri nobilis animam, velut in sylva incensa, vix capite è flammis eminentem, ac inclamantem, *Miseremini mei &c.* Vidit idem Sacri minister: & populus qui aderat, advertit obscura quadam flamma sacellum impletum. Dæmonem adegit: ut coram sacra pyxide diceret: *Agnosco in hoc sacramento potentiam tuam, O Deus.*

Victima fidei.

Mortificatio dispositio ad Martyrium.

Purgatorium.

6. In Paraquaria, Americæ provincia, anno 1637, P. Petrus de Espinosa, Hispanus, à barbaris, odio fidei, fisso capite obruncatus. Ipso cædis tempore, cuidam è

Victima fidei.

Socie-



Societate, ducentarum leucarum interjectu dilito, gloriosus apparuit, dixitq: Bene tibi sit, frater mi Juliane, ego latus ad superos abeo. Excolendis barbaris totum se impendit, ac superimpendit, stupenda patiens, & factus illis bubulcus, lanio, magister, & omnia.

*Charitas erga  
Socium.*

7. Panormi in Sicilia, anno 1775, P. Paulus Mantuanus, Italus, à S. P. Ignatio in numerum Coadjutorum temporalium receptus; sed notatis ejus dotibus & solida virtute, Sacerdotibus aggregatus, ejusdem jussu. Pro redimendo Patre quodam, à Mauris intercepto, ultro ipse se obtulit, servituti Maurorum mancipandum: quod cum non impetraret; peste infectis ut serviret, impetravit; servitq: strenuusq: ad mortem charitate.

*Somni turba-  
tor demon re-  
pressus mode-  
stia.*

8. Occania in Hisp. anno 1784, P. Fernandus Marquez, Hispanus, vir admirabili erga omnes mansuetudine benignus, & supra modum amabilis. Etiam cum à demone tempore somni turbaretur, mansuetudinis suæ non oblitus, tranquille dicebat: Abi hinc, sine me dormire, ita enim jubet obedientia: nunc tempus non est, ut mihi sis molestus, supra morientis conclave caeleste quoddam lumen conspectum: è tumultu post annos aliquot aperto fragrantissimus odor præsentis afflavit.

#### IV. JULII.

*Disputationes  
publicæ.*

1. **P**ost electionem P. Jacobi Laynez in Præpositum Societatis Generalis, placuit tum ad recreandos Patres Congregatos, tum ad specimen doctrinæ scholarium nostrorum dandum Prælati civibusq: Romanis, per octiduum artium & scientiarum variarum instituere publicas concertationes. Cum autem in Collegii angustiis, quales tunc erant, non reperiretur locus par tantis Auditoribus: Pontifex ipse Paulus IV, designavit locum non minùs capacem, quàm splendidum, & æstivis caloribus opportunum, quia frigidum; scilicet Basilicam, quæ Rotunda, & Pantheon dicitur. Ibi quotidie per octiduum in magna Auditorum, etiam Eminentissimorum, frequentia, nunc peroratum, nunc disputatum est. Postremo die Latine, Græcè, Hebraicè declamatum: datoq: dramate, quod plausum maximum tulit, tota celebritas conclusa, cum magna Societati facta accessione ad famam doctrinæ, atq: modestiæ singularis in disputando. *Sacchin. hist. Soc. lib. 2. n. 35.*

#### *Eodem die obierunt.*

*Victima fidei.*

2. In nova Francia, apud Hurones, anno 1649. P. Antonius Daniel, Gallus, Post excultam annis 15 sylvam illam, cum audisset Hiroquæos, capitales Huronum hostes, adventare: collegit suos in templum: jam antè dispositos ad baptismum, sacro fonte lustravit, alios Sacramento poenitentiae expiavit, hortatusq: ad mortem strenuè atq: ut Christianos decet, oppetendam; Hodie, Fratres, inquit, erimus in Paradiso. Infandentibus interea se Hiroquæis obviàm processit, & confestim sagittarum imbre obrutus est. Ut autem pateret, quo animo in hunc potissimum gra-

tarent-



parentur barbari: singuli vulnus aliquod, licet mortuo, infixere. Templum deinde injecto igne combusserunt. P. Antonius à morte cuidam sanctimonie fama conspicio semel iterumq; conspectus, impense suavit: ut infideles omni opera & diligentia juvarentur.

*Zelus animarum.*

3. Neomagi in Belgio, anno 1624, P. Theodorus Riswig, Belga, ab hæreticis interemptus ærumnis carceris, quem in sextum mensem fortiter toleravit. Coniectus in illum fuerat ab affirmantibus, sufficere ad pœnam capitis: quod Jesuita esset.

*Victima fidei.*

4. Vallisoleti in Hisp. anno 1669, P. Antonius de Escobar & Mendoza, Hispanus, Concionator tam præstans & validus: ut annis 50 per Quadragesimam dixerit ad populum, & sæpe bis in diem; nunquam relaxato in se rigore Ecclesiastici Jejunii, nisi postremo vitæ anno, jam octogenarius & morbidus. Sodalitates duas, Sacerdotum & sæcularium ad insignem pietatem promovebat. Edidit insuper, præter varia minora Opuscula Tomos in folio duos in Verus Testamentum, sex de vario Vitæ Ligno, septem de Moralis Theologiæ sententiis magis receptis Soutwell. in Bibl. Soc.

*Concionator validus.*

5. Olissipone anno 1618, ætatis annum agens nonagesimum Petrus Paulus Ferrerius sacrorum librorum eruditionem omnem, historiæ veteris memoriam, rationem temporum, sic erat complexus, ut viva bibliotheca vulgò vocaretur. Candorem sinceræ mentis, demissionem animi, benignitatem adversus omnes, quas in tyrocinium intulerat, ad extremum usq; spiritum retinuit. Addiderat assiduam corporis castigationem, cum abstinencia & sobrietate summa conjunctam; adeo ut spiritu quodammodo tantum vivens, præter ossa & pellem, nulla præterea corporis parte constare videretur. Hunc cum Fernando Perezio notum illud Hispaniæ sidus Joannes Avila ad se vocat, & nollis inquit, quemadmodum Joannes Sanctissimus discipulos meliorem in scholam miserit. Hoc invitatus exemplo, nec obscuro divini Numinis impulsu instinctu, dimitto vos ex istis velut umbraculis in palæstram longè præstantiorem. Petiit à me Ven. P. Franc. Borgia, par theologorum, qui docendi legitimam adepti potestatem, & ad omnes proveci Academiæ gradus, Eborensem Societatis scholam, ab Henrico Card. recens fundatam regant. Idoneos vos arbitratus sum, qui hunc locum imploretis. Ite schola Christi est; huic ego vos trado, & confido fore, ut vos dignos tanto magistro discipulos aliquando præbeat. Juere, suscepti, & Perez quidem per 40 annos in Eborensi & Conimbricensi Academia docuit. Juvencius fol. 789.

*Scriptorū copia*

*Corporis castigatio.*

*Joan. Avila suos expedit ad Societatem.*

## V. JULII.

1. Anno 1537 Venetijs Legatus Pontificius Hieronymus Verallus S. P. Ignatio insigne testimonium, & amplam facultatem dedit, sacras literas interpretandi, concionandi, confessiones audiendi &c. Volentes te, inquit in diplomate, ob præclara virtutum dona, ac Sacrarum literarum peritiam, quibus te novimus insignitum, benevolo favore prosequi &c. *Nadañ in Indice Memoriali.*

*Facultates varia.*

2. Romæ anno 1681 post obitum Præpositi Generalis, P. Joannis Pauli Oliva, in Successorem electus est primo scrutinio, ac summo, qui unquam

*P. Carolus de Noyelle electus Præpositus Generalis.*



quam fuit, aut esse possit, suffragiorum concursu, nullo videlicet excepto, præterquam suo, R. P. Carolus de Noyelle Belga, Vicarius Generalis, & Germaniæ Assistent. *Ex decret. Congr. Gen. XII.*

*Eodem die obierunt.*

*Missionarius  
excellens.*

3. Neapoli, anno 1586, P. Guilielmus Good, Anglus, plurimis arduisq; per Belgium, Hiberniam, Poloniam, Moschoviam, Italiam missionibus clarus. In Belgio lucratus est per Exercitia Spiritualia, magnum illud Ecclesiæ Anglicanæ columen, Robertum Personium. Hiberniam per annos 6 magnas inter ærumnas excoluit. Poloniam & Moschoviam cum P. Antonio Possevino adiit iussu Gregorii XIII. Romæ recentè fundato ab eodem Pontifice Collegio Anglicano, ea cum laude & fructu præfuit, accensis ad fundendum pro fide sanguinem Alumnis: ut verè diceretur: *Collegia cetera esse Philosophorum, Theologorum, Oratorum, Canonicorum, Seminaria; at verò Anglorum Collegium Seminarium esse Martyrum.* Ex Tannero.

*Ex scholastico  
Coad. temp.*

*Mors inter  
randum.*

*Constantia in  
Vocatione.*

*Coadjutor ze-  
losus.*

4. Oropesæ in Hispania, anno 1615, Petrus Carillus, Hispanus, Coadjutor. Humilem laboriosamq; Marthæ sortem prætulit Cathedris & laureis Doctorum imperato ex classe Scholasticorum & Philosophia, ad Coadjutores temporales transitu. Loco humanarum scientiarum donavit eum DEUS præscientiâ futurorum. Ad felicem mortem præparavit se ferreo cilicio, quotidiana eaq; gemina sui verberatione & una, eaq; perparca comestione per diem. Moriturus procubuit in genua, & sublati in cælum brachiis orans, extinctus est. Cadaver, instar S. Pauli primi Eremitæ, eodem situ repertum est.

5. Compluti in Hispania, anno 1599, Ludovicus Ruiz, Coadjutor, Hispanus, obsequio pestiferorum gloriôsè immortalis. Difficilem habuit ad Societatem admissionem, quòd ingenio esset non solum festivo, sed etiam petulanti. In tyrocinio egregiè vexatùs domi forisq;, perstitit constans, victor sui ad stuporem. Coadjutoribus temporalibus annumeratus, non solum rem domesticam scitè ac utiliter procuravit, idoneo pro tribunalibus ingenio, & lingvâ promptus: verum etiam divinam gloriam, & animarum salutem egregiè promovit, catechismi traditione & publicis privatisq; adhortationibus; in quibus & gratiâ & auctoritate pollebat plurimum ad persuadendum quidvis.

VI. JULII.

*Pauli IV de  
Societate sen9*

1. **R**omæ anno 1558. post electionem P. Laynez in Præpositum, Generalem ante aliquot dies factam, admissi sunt Patres congregati omnes ( viginti solum Electores fuerunt ) cum quinq; Provinciarum Procuratoribus ad conclave Pontificis, Pauli IV: qui illos a mœno vultu perq; amanter, & prolixa, ut erat eloquens, oratione excepit. Inprimis laudavit Electionem tam consentientem atq; concordem; ex qua collegit, Societatem in unitate Spiritûs ambulare, & supra firmam petram, Christum ipsum esse fundatam. Deinde laudatam Societatem hortatus est ad laborum constantiam, & malorum tolerantiam: Perturbatissimum enim,

*Inqui-*



inquietabat, est hoc sæculum, quo Dominus vocavit istam beatam Societatem. Deniq; confirmavit Electionem & ipsam Societatem, tanquam Ecclesiæ Christi utilissimam. *Sacchin. hist. Soc. lib. 2. n. 36. & seqq.*

2. Lovanij in Belgio anno 1572 Solemnem Votorum quatuor professionem emisit P. Robertus Bellarminus, quam & excellenti virtute, & eminente doctrinâ atq; eruditione, cumulatè meruerat. Quamvis enim trigessimum ætatis annum nondum attigisset: humaniores tamen literas jam docuerat Florentiæ & in Monte Regali; Theologiam quoq; Scholasticam Lovanij jam tradiderat sexennio; licet ipse biennio solum illi studuerit; semperq; inter docendum, Concionibus publicis Apostolico Spiritu, & fructu maximo se se impenderat. Incidit autem opportunè is actus in diem Octavam festivitatis SS. Apostolorum Petri & Pauli Principum Apostolorum, quorum tuendæ doctrinæ, imò toti Ecclesiæ, validus propugnator parabatur Bellarminus. *Petræ sancta in Vita lib. 2. cap. 4.*

Professio 4 votorum P. Bellarmini.

Ejus labores

3. Romæ anno 1687. post obitum R. P. Caroli de Noyelle, electus est in Præpositum Generalem R. P. Thyrsus Gonzalez, Hispanus, vir insigni rerum Theologicarum scientiâ, & Apostolicis Missionibus per Hispaniam obitis clarissimus, ideoq; Pontifici Innocentio XI percharus.

P. Thyrsus Gonzalez electus Generalis.

*Eodem die obierunt.*

4. Mutinæ in Italia, anno 1607, P. Achilles Gagliardus, Italus. Unâ cum duobus germanis fratribus, quorum ipse maximus natu erat, Societatem ingressus est. Suscepit in hac fratrum triade eas naturæ & gratiæ dotes P. Simon Rodericius, unus è decem primis Patribus: ut negaret, si tota ex Italiâ delectus habendus esset, aptiores Societati inveniendos. Pater Achilles post traditas in scholis sublimiores scientias magna cum laude, regimini Sociorum applicatus, perfectum superiorum exemplar se præbuit. Dum Collegia regeret, festis diebus convocabat scholasticos nostros ad suum conclave, & cum ipsis de spirituali profectu collationes habebat magno cum fructu. Præterea virorum cœtus, mercatorum, opificum, clericorum, sacerdotum, statim per hebdomadam diebus excolebat: cœnobia quoq; Monialium, & alia pia loco frequens obibat, omnes verbo & exemplo ad optima provocando. Extrema ætate, memoriæ, oculorum, & potentiæ motivæ usu destitutus, & accedente apoplexiâ planè putrescens, insigne per menses 18 præbuit patientiæ exemplar.

Fratrum literas insignis.

Collationes spirituales cum scholasticis. Societates plures administrata.

5. Barcinonæ, in Hisp. anno 1621, P. Alphonsus Hernandez, Hispanus. Quamvis nullius unquam admissi peccati mortalis conscientiam haberet: corporis tamen acri castigatione, & sensuum, præsertim oculorum, mortificatione, in se severus erat. Marchionem quandam, quam longo tempore confitentem audierat, nunquam de facie novit. Res elegantulas, quibus non pauci mirè afficiuntur, appellabat *Semireligiosorum idola*, eaq; volebat, etiam cum detrimento valetudinis proscribi è cubiculis.

Oculorū mortificatio.

Idola religiosorum.

6. Cæsaraugustæ in Hisp. anno 1564, P. Joannes Paulus Moxica, Tyronum an-



tea præclarus Magister, tunc Collegii Minister, Charitati, forti ut mors, succubuit in obsequio pestiferorum: quem ibidem partim præcesserunt, partim secuti sunt sex alii Socii.

## VII. JULII.

*Vaticinium de  
Societate.*

1. **A**Nno 1497 in India Orientali, odio fidei telis confossus est, à barbaris R. P. Petrus de Covillanis, Ordinis SS. Trinitatis de Redemptione captivorum, Ulyssiponenſis olim Prior, deinde celebratissimo illi Vasco Gamæ, Indiarum exploratori Orientalium & debellatori, à sacris Confessionibus, & comes navigationis. Is, antequam spiritum DEo redderet, in hoc prorupit vaticinium: Breviter novus Ordo excitabitur in Ecclesia DEI, Clericorum sub nomine JESU; unusq; ex illis primitivis Patribus, divino ductus spiritu in remotissimam Indiæ Orientalis regionem penetrabit, maximaq; pars illius prædicatione ipsius fidem orthodoxam amplectetur. *Bartolus in vita S. Ignatii lib. 2. n. 47.* ex Joanne de Figneris, prædicti Ordinis historico, & Visitatore. Quo vaticinio manifestum est, designatam esse Societatem à S. Ignatio conditam, & fructuosissimos in India S. Xaverii labores.

*Societas ordo  
mendicantium*

2. Anno 1571 Pius V. Pont. Max. editâ Bullâ, *Cum indefessa &c.* declaravit; Societatem ex Instituti sui ratione esse Ordinem Mendicantem, eamq; aliis Mendicantium Ordinibus annumeravit, & eorum Privilegiis dotavit non solum concessis, sed etiam concedendis: voluitq; has suas literas sub quibuscumq; derogationibus non comprehendi. *Ex literis Apost. Societati datis.*

### *Eodem die obierunt.*

*Victima fidei*

3. Iendi in Iaponia, anno 1639, P. Petrus Cassui, Japon, in odium fidei varijs tormentis interemptus. Proscriptus primùm è Iaponia, Hierosolymam, & postea Romam peregrinabundus iavit, ubi Societatem amplexus est. Ut in Iaponiam securus rediret, remigis personam & labores per biennium sustinuit. Cum nec sic proficeret, mancipij vilis formam induit, & sic penetravit. Multos persecutionis acerbitate vacillantes confirmavit, alios tepſos restituit: donec ipse insignis DEo caderet hostia in odorem suavitatis.

*Votum 4  
Professio non  
admissa.*

4. Neapoli, anno 1591, P. Ioannes Piscator, Italus, S. Caroli Borromæi olim ephebus percharus in Societate B. Aloysij Magister in tyrocinio. Oblatam à P. Claudio Præposito Generali Votorum 4 Professionem vir humilis non admisit. Per 6 annos cilicium non exuit, cruenta insuper flagellatione quotidie in se deserviens, quamvis corporis & animi perpetua Virginitate floreret. Visus non semel caelesti splendore coruscans, divina virtute à terra sublimis, & futurorum verè præsciis. Cum Rectorem ageret Collegij Neapolitani, in gravi eiusdem necessitate adfuit adolescentis specie Angelus, qui accersito Patri Ioanni ad portam, tantum auri dedit, quan-

*Mortificatio se-  
vera*



quantum præsenti egestate sufficiebat, evanuitq; ex oculis: quam Providentiam Divinam in angustiis rei œconomicæ & aliâs non semel est expertus. Visitator, Provincialis & alii ferebantur: illius viri præsentiâ, & quadam reverentia se ad majorem modestiæ severitatem duci, atq; componi. Jam ager, prædixit cuidam è Sociis, imminens gravem tempestatem; sed DEum, DEiparam, & se quoq; è cœlo ipsi adfuturos. Et verò adfuit gravissimè tentato, & periclitanti de Religiosa vocatione. Invocatus enim à tentato, bis illi vigilantè spectandum se præbuit splendida specie; tertio semisomni apparuit, dixitq; turbas omnes mox in fumum abituras: prout evenit.

5. In itinere Indico, anno 1788 defunctum, ponit hoc die Nadasi, P. Sebastianum Morales, Episcopum Japoniæ, contracta lue à contagiosis, quibus in navi eximia charitate serviebat, *Vide supra 27 Marij num. 3. in G'stis*

6. Gandavi in Belgio anno 1634 ad similis charitatis præmia, cum Sociis 8, evocatus est P. Carolus Christynen, innocentè modestia & religiosa paupertate eximius. Alibi quoq; in Belgio, diversis locis, eodem anno, ardore potius charitatis, quàm pestifero carbone consumpti sunt novem.

### VIII. JULII.

1. **R**omæ anno 1602 habita est coram Clemente VIII secunda Congregatio & disputatio de Auxiliis gratiæ secundum doctrinâ Molinæ. Selegerat Pontifex Propositiones 7 Molinæ, quarum conformitatem cum doctrina S. Augustini demonstrari sibi voluit. Harum propositionum Prima, quæ secundæ huic dilceptioni argumentum præbuit, fuit hæc ex Molinæ disp. 5. q. 14. art. 13. *Cum solo concursu generali DEi, absq; alio dono vel auxilio gratiæ, potest homo efficere opus bonum morale, quod fini naturali hominis accommodatum, atq; comparatione illius sit verè bonum, ac virtutis opus.* Item disp. 19. memb. 2. S. ult. ait: *Nullum est in singulari opus bonum morale merè naturale, quod homo naturæ lapsæ cum solo concursu DEi generali non possit efficere.* Respondit pro Molina Gregorius de Valentia, ostenditq; inprimis primum ex Molina adductum textum truncatum esse, & omissa esse ea quæ mentem Molinæ quàm maximè declarare possunt. Addit enim ibi Molina: *Non tamen potest homo cum solo concursu generali facere bonum, quod fini supernaturali accommodatum sit; quodq; comparatione illius bonum simpliciter ac virtutis opus dici queat.* Deinde ostendit; allatis ex S. Augustino textibus, Sanctum Doctorem à Molina non dissentire; atq; utrumq; docere: quòd cum solo generali auxilio DEi possit homo quidem ponere aliquod opus naturale moraliter bonum, sed id non conducere ad finem supernaturalem, nec habere eam bonitatem & Virtutis perfectionem. quæ requiritur ad meritum, & vitam

*Opus naturale moraliter bonum.*



æternam. *Eleuther. bist. de Auxil. lib. 5. cap. 5.*

*Rudolphi Imp.  
litteræ in laudē  
Societatis.*

2. Anno 1600 Rodolphus Imperator Pragâ præclaras pro Societate dedit literas ad Clementem VIII. Inter cætera inquit: Si in ullam orbis Christiani gentem Societatis IESU fructus extat; in Germaniam nostram, multitudine populorum pene immensam, aded in omnia regna, ditio- nesq; universas, ita multiplicem effundit; ut obscuratus superiorum tem- porum injuriâ, Domus DEi nitor, quasi novo sole illustratus, ubiq; resplende- scere, majestatemq; Religionis Catholicæ primævam adferre videatur ita; ut spes nobis pulcherrima sit, fore; ut ardente Societatis illius zelo, ac cœlesti, qua præfulget, doctrinâ, diverforum errorum, sectarumq; tene- bris disjectis ac discussis, ditio omnis nostra verum DEi cultum, brevi tem- poris intercapedine, amplectatur &c. *Gomez in Elog. Soc. p. 2. Classe 1.*

*Eodem die obierunt.*

*Confessiones  
Generales pro-  
mota.*

3. Anicii, anno 1596, P. Arnoldus Vicinus, Gallus, nihil unquam à superiori- bus precari solitus, nisi ut non regeret, & in patriam non mitteretur. Jussus tamen, rexit Collegia & Provinciam, multa cum laude. Morem illum, ut quisq; saltem se- mel generalem & accuratissimam faceret confessionem, ab illo labore multo indu- ctum, gratâ memoriâ recolunt Anicienses. Solus ipse ad duo millia earum Con- fessionum excepit, magno suo solatio & pœnitentium fructu.

*Missionaria  
premissa.*

4. Nangasachi in Japonia, P. Ludovicus Frôes, Lusitanus. Indias & Japoniam per annos 49, multo labore, prædicatione, scriptis & gestis excoluit; non semel exul, & à Bonziis neci destinatus, præmio quoq; proposito, qui cum interemisset. Sed servavit illum Divina Providentia plurium salutis, quam Japonicæ linguæ si- ngulari peritia & suavitate, atq; ardente orandi studio promovit. Sæpe tentavit Me- aci, in urbe Japoniæ principe, domicilium figere: sæpe inde ejectus Bonziorum ar- tribus: donec, DEo propitio, à Nobunanga, qui occupârat imperium, diploma im- petravit; quo sedes illi stabilis in ea urbe permittebatur, cum immunitate à vesti- galibus, & potestate, quoquò libuisset, excurrendi, pœnis propositis, si quis obsti- nisset. Sed paulò post iterum à Bonzio quodam quæritus ad necem, iterum Divinâ Providentiâ protectus est; quievitq; tandem à laboribus suis in pace. Augustinus Sancti, Japon, vir spectata virtutis, testatus est, visum sibi post mortem P. Ludo- vicum: qui defixis in cælum, permagna intimo pietatis significatione, oculis, dice- bat Augustino: *Fac id, quod ego facio: & lauda DEum.*

## IX. JULII.

*Fidei usus.*

1. Celebrata est Congregatio & disputatio Tertia de Auxilijs Gratiæ coram Clemente VIII: in qua demonstravit Gregorius de Valentia, Molinam non dissentire à S. Augustino etiam quo ad Actus fidei elicien- dos. Quàmvis enim Molina disp. 7. q. 14. art. 13. doceat: posse hominem cum solo concursu DEi generali elicere assensum circa ea, quæ ad fidem perti-



pertinent; monet tamen ibidem, quod talis assensus solum sit Opinio & fides humana, merè naturalis, incerta & fallibilis, utpote quæ non resolvitur ultimò in Revelationem divinam, sed in humanam persuasionem de Revelatione divina; ideoq; talis actus omnino specie distinctus est à Christianæ fidei assensu, qui ex supernaturali lumine & auxilio Spiritus S. elicitur. Unde S. *Nostram sententiam*, subjungit Molina de hæretico credente, quod actu merè naturali & opinativo credat: *Credit enim articulos esse revelatos quia sibi persuadet revelatos esse à DEO*, solis nixus rationibus naturalibus. *Eleuther. hist. de Auxil. lib. 5. cap. 6.* Advertendum autem: tam post hanc disceptationem à patribus habitam, quàm etiam in præcedentibus & sequentibus Pontificem palàm nihil decidisse, sed secretò cum Assessoribus suis semper egisse, nec publicatas esse eorum sententias.

2. Anno 1585 Sixtus V. Pontifex creatus, statim initio regiminis sui perbenignum erga Societatem se ostendit, contra multorum sensum & vota. Nam & Seminaria Clericorum à Gregorio XIII. Prædecessore suo condita, & Societatis regimini commissa, quæ putabatur everfurus, informante P. Claudio Aquaviva Præposito Generali, approbavit, confirmavitq; & de ipsa Societate sic locutus est ad eundem Claudium. Scito, non multis antè diebus ad nos scriptum ab Nunciorum Nostrorum quibusdam, non deesse, qui Gregorio mortuo, putent idoneum sibi tempus oblatum ad vos vexandos: quibus respondimus ( & literas ipsas pro sua benignitate exhibuit ) Nos rebus ipsis effecturos, ut omnes intelligant, quantum Societatem hanc amemus & complectamur. *Sacchin. hist. Soc. p. 5. lib. 5. n. 25. & seqq.*

*Sixti V. assen-  
sus erga Socie-  
tatem.*

*Eodem die obierunt.*

3. Manilæ in Philippinis, anno 1631, P. Bartholomæus de Saura, Hispanus, JESU & MARIE, Sanctorumq; Angelorum cultui eximia devotione addictus; eorumque singularibus ornatus favoribus. Vidit aliquando parvulum JESUM in sinu Virginis Matris sedentem, audivitq; se compellantem: *Bartholomæe, amice mi.* Redarguit tamen illum subinde Christus: quod recolendæ Passioni suæ minus addictus esset. Ordinaria vota religiosa renovabat in horas: addidit autem illis aliud maximè arduum, faciendi semper id, quod DEO maximè placere videret. In agone rogatus, quid in eo articulo ipsi maximo solatio esset, respondit: *Præsidium Beatissima Virginis*; cujus opem aiebat, se etiam in minimis expertum.

*Amicus Christi.*

*Passio Christi  
recolenda.*

*Votorum renova-  
tio frequens*

*Votum de eo,  
quod perfectio*

*Moribundi so-  
ladium B. V.*

4. Burdigalæ in Gallia anno 1636, P. Carolus Clusellus, Gallus. Profunda sui demissione, pleno sinceræ charitatis candore, & non affectatâ modestiâ certam in ipso vultu Sanctimoniam tesseram præferebat. Extraordinariis à DEO gratiis honoratus,



*Timor Iudicij* & prædicebat futura, & præsentis morbos pellebat. Tremebat tamen iudicia divina, licet Virgo & gravioris alicujus noxæ sibi non conscius.

*Drui.* 5. Pulrovix in Polonia anno 1613, P. Thomas Porzecki, Litvanus, Post Philosophiam Theologiamq; cum laude traditam, cum Collegii Pultovienſis ageret Rectorem, ac civitatem lues pestifera depaſceretur; dimiſſis ad ſaniora ſociis, ipſe remanſit in Collegio: ut ſi quid humani contingeret Patri expoſito ad juvandos infectos, ſuccederet ipſe. Sed domi reperit palmam, contracta lue à ſamulo domeſtico, cui Patrem ſimul & ſervum ſe præſtiterat. *Soutvellus.*

*Viſtima Charitatis.*

## X. JULII.

*Henrici II Regis Galliarum  
Luciuſa Societati*

*Lud. Corbinellus  
ad Societatem*

1. IN Gallia cum rex Henricus II, Societati eximie addictus, accepto lethali vulnere in ludicro certamine, præmatura morte occubuisset hoc die (juxta Spondanum ad annum 1559) Societas, & ipsa non leviter tacta, ingemuit. Vidit enim se, sublato rege, destitutam humanorum maximo præsidio, in medio non solum hæreticorum, sed etiam novercantium Catholicorum; sed præsidio fuit Providentia Divina, aliud non leve, licet inferius, suppeditans in homine peregrino subsidium. Fuit is Ludovicus Corbinellus, civis Florentinus, quam opulentus ære, tam debilis corpore; qui jussus à Medicis ad tuendam recreandamq; valetudinem, varia se distrahere peregrinatione, in Galliam advenerat, & regio illi certamini, casuiq; infelici, interfuerat. Ubi enim advertit, res humanas, etiam in summo consistentes, & regnorum munitas præditiis, tam facile, & cum minimè speraveris, impelli in ruinam: constituit ad securiora se recipere, & mundo relicto, sequi castra Christi. Quam primum igitur licuit, terrenis se rebus extricare, Societati se addixit, cui universæ, ac nominatim Collegio Romano ingens attulit subsidium liberalitate sua, & vitæ sanctitate. *Sacchin. hist. Soc. p. 2. lib. 3. n. 68.*

*P. Thomas  
Vjeyski professorem  
4. votorum  
emissus.*

2. In Litvania, Vilnæ, anno 1678, Venerabilis Pater Thomas Uljeyski, nuper Episcopus Chijovienſis & Czernihoviensſis atq; regni Poloniae Senator primæ authoritatis, rarissimo exemplo, vix finito Tyrocinij biennio, & primis votis nuncupatis, solemnem Votorum 4 Professionem emisit, consummatam Viri Virtutem honorante Præposito Generali. Consuetæ Societatis experimenta singulari animi tum demissione, tum dulcedine, præmisit; fuitq; insigni spectaculo, quando per fora & frequentiores plateas, manticâ ex humero pendente, stipem petijt, tantus nuper Præsul & Senator. Actum Professionis in templo Domus Professæ Vilnenſis insigni frequentia præcipui Procerum Litvanorum ornâ-  
*runt. Briccius in Vita. cap. 33.*

*Eodem*



## Eodem die obierunt.

3. Deberopæ in America, anno 1594, P. Gundisalvus de Tapia, Hispanus, multis laboribus in excolendis illis novalibus opulentus; quæ deniq; sanguine fuso ad majorem fecunditatem irrigavit. Primus ad culturam Topianæ gentis, quæ homines vorat, penetravit. Cinaloenfes deinde ingeniis mitiores, apud quos fur nullus, nec ullus mendicus, excoluit. Inde ad vicinos barbaros, cum P. Martino Paëz profectus, brevi duo millia capitum baptizavit. Sed cum Nacabedam quendam senem, libidinibus immersum ad frugem reducere laboraret; ille monitoris impatiens, sicarios subornavit, qui Patri Gundisalvo brachium & caput amputarunt, palam confessi; quod id egissent, ob vitam castam ab illo zelosius inculcatam.

*Victima fidei  
& Castimonie*

4. In Paraquaria, anno 1619, P. Alphonsus de Aragona, Hispanus, indefessus vineæ illius cultor, B. Aloyfii viva effigies, Pater Provincialis audito illo in ratione conscientie, dixit ad socios: Arcanum thesaurum in Alphonso latere. Tam inelenter se cædebat: ut vulnera vermibus scaterent, Orandi dono ad miraculum excelluit, prodigiosis gratis non semel à DEO donatus.

*Sanctitas interior.*

5. Audomari in Belgio, anno 1612, P. Dionysius de Sannois, Belga. Vehementer illum ad eminentem virtutem, & specialiter ad juvandos moribundos inflamavit anima cujusdam è Nostreis, quæ è flammis lustralibus ei comparuit, retulitq; Viros religiosos ibi atrocibus tormentis torqueri, ob neglectum, vel frigidum animas, præsertim moribundorum, juvandi studium: quod dicebat, *Excelsum & admirabile esse coram DEO; ideoq; magnum esse in pietatem DEI affectum, quod illis utitur tanquam adjutrice ad salutem animarum.*

*Religiosorum  
acre Purg.*

*Zeli animarum  
præstantia.*

## XI. JULII.

1. **I**N Italia fervebant anno 1564 pietatis & mortificationis studia, à Præposito Generali Lainio indicta universæ Societati, ad propitiandum Numen, & placandum summum Pontificem Pium IV. Conceperat enim is non levem indignationem, ob assumptum à Nepote suo, S. Carolo Borromæo, religiosius & severius vitæ genus: quam commutationem Pontifex Societati tribuebat, tum ob tradita ei Spiritualia S. Ignatii Exercitia, tum ob familiaritatem contractam cum P. Joanne Bapt. Ribera. Unde malevoli non pauci palam jactabant: Nepotem Pontificis ac præcipuum in iustinando Ecclesiæ pondere adiutorem, atq; unicum agenda- rum rerum administrum, enervatum esse à Iesuitis, infatuatum, & planè dejectum de mente. Eo deniq; res processit: ut Pontifex Lainio interdiceret; ne sive ipse, sive Ribera, in conspectum Borromæi venire auderent, priusquam se convenissent. Lainium, ne quantocyus apud Pontificem coram dilueret calumnias, prohibebant tum aliæ infirmitates, tum maxime ex podagra dolor pedum acerrimus, qui strato affixum tenebat. Ergo ad alia media conversus, jubet per totam Societatem à Provinciis eligi

*Pius IV putatur alienatus à Societate.*

*Men-*



Mensem, quo Socij omnes propitiando Numini institutis pietatis & mortificationis exercitijs atq; Sacrificijs divinis, instarent. Romæ delectus est Mensis Iulius: qui cum nec ad dimidium pervenisset; quod olim promiserat, acceleravit bonus IESUS, ac Societati Romæ potissimum se exhibuit propitium ita; ut sub Idus Iulias licet nemine deprecante, Pontifex significari jussit Lainio per Card. Sabellum: se nequaquam alieno ab Societate esse animo, nec de ea malè sentire; idq; Patres propediem re ipsa cognituros: prout & factum paulò post. Ita utilius ad divinam, quàm humanam opem recurritur. *Sacchin. hist. Soc. part. 2. lib. 8. n. 12 & seqq.*

*Eodem die obierunt.*

*Vidua charitatis.*

2. In agro Carpentorateni, anno 1591, P. Petrus Pequet, Gallus, orandi arte, ac singulari gratia poenitentes suos juvandi præstans. Mors illum reperit in officio heroum, inter obsequia charitatis apud peste contactos. Quam postquam oppetit, visus non semel est à pluribus in sacrificali veste, cœlesti luce circumfusus. Viri eximiam virtutem declaravit in solita lux per cubiculum, in quo decessit, quamdiu jacuit in eo corpus exanime diffusa cum odore suavissimo: nec non conspecta crux in aère, imminens corpori, cum tumulo inferretur. Translatus est ex oppido, ubi diem obierat, in Collegium Carpentoratense anno 1626. Transferendi occasio hæc traditur. Visa per dies plurimos erat in ejusdem Collegii aræ majoris gradibus nova species religiosi hominis, induti Societatis veste, genibus nixa, splendore vultus tanto, ut intuentium aciem perstringeret. Hanc speciem, hæc ora Patris Pequeti esse, qui olim cum viderant, agnoverunt. Itaq; in eo ipso, ubi sic fuerat conspectus, loco tumultatus est. Inventum fuit in feretro, cum exportaretur corpus rosarium suis adhuc globulis constans, quorum unus nobili matronæ, jam diebus 10 cordiaco morbo laboranti admotus, ægram continuo persanavit. Ipse adhuc superstes infantem, antequam sacro latice perfunderetur, mortuum ab interitu revocaverat, ut virorum gravissimorum testimonio compertum est. *Luventius f. 165.*

*Passionum dominum.*

*Præsentia Dei.*

*Gustus mortificationis.*

3. Aginæ in Gallia, anno 1617, P. Bernardus Aubasius, Gallus. Suavis in illo morum indoles, sed in se sibi subigendum tam severa & fortis: ut passionum suarum dominium visus sit consecutus. Per menses sex adeo se assuefecerat ad Dei ubiq; præsentis recordationem: ut mira facilitate & suavitate Deo semper esset inbitus. In morbo amara sensim sorbebat; & per ipsos 14 dies præscriptam à medico potionem hilari vultu hausit, licet pharmacopæi incuriâ vel inscitâ, intolerabili amaritudine vitiatam; stupente medico, postquam error detectus est heroicum infirmi animum, & in palatum suum dominium.

*Honor singulis post mortem exhibitus, strenuo in Vinea Domini operario.*

4. Hancæi in China anno 1638, P. Joannes Froes, Lusitanus. Quàm religiosus & strenuus fuerit in illa vinea operarius: docuerunt honores posthumi ipsi delati, non solum à Christianis, sed etiam ethnicis. Christiani per 7 dies exequias defuncto celebrarunt, magnosq; planctu, Patris sui jacturam luxerunt. Ducenti ad 5 milliaria, supplicantium ritu, funus comitati sunt ad locum sepulturæ: cumq; transirent per portam a tribus; milites custodes, quantumvis ethnici, flexo poplite sarcophagum venerati



nerati sunt omnes, elata voce illum sancti Patris titulo honorantes. *Soutwell, in bibl. Soc.*

5. Genuæ in Italia anno 1657, P. Julius Pallavicinus, Italus. Genuensis. Cum Domum Professam Genuensem regeret; invalescente lue pestifera, exposuit se afflictorum confessionibus excipiendis, ceciditq; in heroico opere insignis victima charitatis. *Soutwellus in bibl. Soc.* *Victima charitatis.*

## XII. JULII.

1. Anno 1631 Monachii in Bavaria manifesto miraculo repente sanata est à S. P. N. Ignatio clauda Virgo Anna, annos nata 19; postea quam illi S. Pater apparuit in sacrificali veste, altera manu SS. Jesu Nomen, altera librum tenens. Fusiùs hæc narrat, ac examinata rite probat Vitus Adamus, Episcopus Frisingensis, in narratione ejus nomine typis edita Monachij anno 1631. *S. Ignatij opo clauda sanatur*

2. Eodem die anno 1544 Colonia in Lusitaniam iter aggressus est P. Petrus Faber, unus è primis Societatis Decemviris. Operam Colonia non solum utilem, sed necessariam ponebat, quando postulante Rege Lusitanæ; & annuente Pontifice, S. Pater illum migrare jussit. Paruit vir ad obediendum natus, incertas spes fructui præsentis postponens. Digressus est summo tum nostrorum, tum maxime PP. Carthusianorum mœrore, quorum ea fuit erga nostros benevolentia & beneficentia; ut non tantum merita sua Societati voluerint esse communia, sed etiam temporalibus subsidiis nostros fere sustentarent. Lovanii conscensa navi, cum ventus omnis defecisset, Faber primis precibus tam faventem impetravit; ut duas intra horas, quò totius noctis labore appulsiuros se nautæ desperabant, sit appulsus. *Tanner in Societate Europæa, in vita P. Fabri.* *P. Faber jubetur migrare Colonia*

3. Anno 1600 cursum Evangelii in regno Bisnagarensi paululum retardavit consternatio publica. Inciderat solis defectio in hunc diem, Rex, aula, proceres cum populo, luctu ac dolore perdit, impasti & jejuni die toto perstiterunt, ejulantes miserabilem in modum, ac diris devoventes draconem, à quo solem, cum deficit, vexari putant, ac prope devorari; adeo ut non prius recipiat lucem, quam se ab ejus faucibus expediat. Hunc mœrorem de solis labore conceptum expulit anniversaria diei festi lætitia. Unum è suis Numinibus præcipuis, Perumalem nomine, genitum vaccæ ferunt, eamq; ob rem vaccas, tanquam affinitate cum eo junctas, habent in honore, iisq; nemo vescitur. Id fortasse ortum ab Ægyptiis, apud quos vitulus Apis in deorum numero colebatur. Tanto peregrinorum undiq; confluit multitudo, tantâ diem festum munificentia *Superstitio de solis defectu.*

*Idolum creditum vaccæ genitum.*



celebrarunt, ut illorum dona ducentis aureorum millibus æstimata sint. Pars festi & pompæ potissima fuit, simulacrum Numinis triumphali curru deuectum. Currum multa hominum millia trahebant. Rex primus rotas impulit: eas quisquis è populo poterat contingere, in cœlo se esse credebat. Patres de stolidi gentis superstitione mœstos consolatæ sunt literæ, quibus Trimallaraius, Regis Bisnagareni hæres & nepos, in suam illos urbem Sirangapatanum invitavit.

*Eodem die obierunt.*

*Fervor tyrocinij non amissus*

4. Vilnæ in Litvania, anno 1653, P. Georgius Giedroyc, Litvanus. Ejus origines à Magnis Litvaniæ Ducibus repetitæ, ab ejus eximia virtute nobilitatæ sunt. Nunquam à primo tyrociniij fervore elanguit. Magno illi ad excellam virtutem subsidio fuit verborum cibi; parsimonia, & constans ad Redemptoris vulnera devotio. Inde illi animus tam innocens; ut in Societate nullam, etiam venialem, noxam delibere admisisse, sit notatus. Corpus tamen tam inclementer habuit: ut acri frequentiq; castigatione illud planè lacerarit, dimidiâ etiam horâ, huic piæ sævitæ non rarò impensâ. Tam religiosâ vitâ mortem meruit gloriosam in obsequio pestiferorum, cum 7 Sociis.

*Innocentia religioſa.*

*Vilſimachariſatis.*

5. Bruxellis in Belgio, anno 1614, P. Joachimus Arents, Belga. Jurisprudentiæ laurea, innocentia, sacerdotio, fidei zelo, & tolerata non una calamitate sub hæreticis turbamentis, clarus, venit ad Societatem, ad quam præmiserat fratres quatuor. Vixit in illa præclaro exemplo, geminis alis, Oratione fervente, & constante corporis animiq; mortificatione ad magnam perfectionem eluctatus.

*Fratres in Societate.*

*Vilſimachariſatis, 26<sup>e</sup> mortuus.*

6. Oveti in Hispania anno 1599, cùm totam Asturiæ provinciam tam fæva pestis vastaret; ut vix tertia pars hominum superesset: primus è decade Sociorum, qui animas suas posuerunt pro fratribus & amicis suis, ad capeſſenda præmia evocatus est Joannes de Villafante. Ovetanis acceſſerunt eodem anno ſimiles Heroes per diverſa Hispaniæ loca viginti quinq;.

**XIII. JULII.**

*S. Ignatij mortuus ingraſceſcit*

I. **G**ravi languore laborare cœpit Societas univerſa, quando Sanctus ejus Parens hodie, anno 1556, ſolitò infirmior, ſenſit brevi inſtare depoſitionem tabernaculî ſui, Itaq; adminiſtratione Societatis Ioanni Polanco, & Chriſtophoro Madridio permiſſa, ſecedere extra tnrbas voluit; ut uni DEo & animæ ſuæ vacaret reſiduis vitæ diebus. Re cum medico communicata, viſum eſt, ut in villam & vineam S. Balbinæ, quam in uſum Collegij Romani recenter comparaverat, ſecederet. Sed cùm ægritudo ingraſceſceret; paucis poſt diebus Domum Profeſſam Romanam repetijt, ibi expectaturus Dominum, invitantem in gaudium ſuum.

*Orlandin. hiſt. Soc. lib. 16. n. 93.*

2. In



2. In Mexicanam Americæ provinciam anno 1572 prima Societatis colonia delata est, & ab omnibus hominum ordinibus honorificentissime suscepta. Fama enim ex Europa & Indijs Orientalibus latè fusa, tam gratum ibi sparserat nomen Societatis: ut in Sociorum amplexum certatim ruerent Ecclesiastici & Politici magistratus, promittentes sibi in terris illis non minores ipsorum labores & laborum fructus. Quindecim constabat ea colonia Socijs, in Hispania lectis; quorum ductores fuerunt Petrus Sancius Provincialis, & Iacobus Lopus Mexicanæ Collegij futurus Rector. Excensione facta non ad aliud divertere voluerunt hospitium, quàm ad nosocomium: ubi primam operam, & Apostolicorum laborum poluerunt fundamentum, humilitatem. *Sacchin. hist. Soc. p. 3. lib. 8. n. 300.*

*Adventus Societatis in Mexicanam provinciam.*

3. In Insulis Marianis, quæ aliàs Insulæ Latronum ob incolarum feritatem sanguinariam dicebantur, feliciter restaurari cœpta est collapsa Religio Christiana; postquam anno 1695, hoc die Gubernator earum Insularum, D. Iosephus de Quiroga, assumptis militaribus copijs cum manipulo Missionariorum nostrorum, expeditionem suscepit in munitiores insulas; quarum incolæ ante paucos annos, nostros omnes cum præsidarijs Hispanis crudeli nece sustulerunt. Cessit feliciter negotium, domiti partim armis, partim, imò magis, clementiâ & humanitate barbari, ad loca commodiora traducti sunt, & multo Patrum labore Christo iterum subiecti, *Ex literis Rom.*

*Incola Insularum Marianarum domiti.*

*Eodem die obierunt.*

4. Syracusis in Sicilia, anno 1605, P. Sebastianus Cabarasus, Siculus. Ad promovendum DEiparæ V. cultum & amorem, tres condidit Sodalitates, quas singulæ industriæ & accurata diligentia excolebat. A latronibus aliquando in itinere male mulctatus, tam felix & potens fuit in exprobanda illis vitâ impiâ, ut ipsos non solum ad meliorem frugem, & generalem totius vitæ exomologesim perduxerit: verum etiam aliqui ad religiosa cœnobîa se receperint, impetrata illis per P. Sebastianum à Principibus venia.

*Sodalitatum cura.*

*Latronum conversio.*

5. Brunæ in Moravia, anno 1659, P. Gaspar Aicha, Bohemus. Ad Societatem illum impulit quidam ex amicis, quem totum horrendis involutum flammis vidit. In Societate conspectu B. Aloysii recreatus dicitur, & probavit eximia ejus modestia ad Aloysinam composita, regularumq; & Ordinationum observantia. Foris ut biberet, adigi nunquam potuit: maluitq; ab amico minaciter urgente, cyathum vino plenum, in faciem sibi effundi, quàm libare. In morientis manu inventa est pia formula testamenti, quod ante triennium condiderat: quo inprimis gratias DEo agebat, linguis omnium creaturarum, quæ sunt in mente ipsius, pro beneficiis ipsi & creaturis omnibus concessis & concedendis, & specialiter pro gratiis & donis, quibus Societatem ornavit, & ornaturus est. Deinde offerebat corpus suum Corpori

*Extra Domum relig: prius non admissus.*

*Testamentum religiosum.*



## XIV. JULII

S. Ignatius Hiero-  
solyman sol-  
vit.

1. **V**enetijs Hierosolymam solvit S. P. Ignatius anno 1523, terram divi-  
no Christi sanguine rigatam veneraturus. Multis conabantur ami-  
ci eum avertere ab illa peregrinatione, ob pericula tunc solitis majora,  
Turcis capta Rhodo, latè illo mari grassantibus, multisq; peregrinan-  
tium, ne in illorum manus inciderent, in patriam revertentibus: at ille  
DEi & cæli aspectu terrenos metus eludere doctus, responso mirabili  
urgentes stupefecit, asseverans: Tam certa se vocantis DEi fiducia niti;  
ut si navis deesset, crederet, se nuda in tabula posse illuc saluum appel-  
lere. Amicis frustra laborantibus, successerunt Medici nihilo meliore e-  
ventu. Dato enim vectoribus classico, accurrit sine mora Ignatius, sui  
& morbi, quo affligebatur, & medici præsentissimum periculum oppo-  
nentis, negligens, soloq; Terræ Sanctæ desiderio ardens. Et adfuit piæ  
menti bonus DEus: pericula enim & incommoda navigationis versa  
sunt in pharmacum, salvusq; & sanus, post octo supra nonaginta dies  
navigationis, tenuit Saphum in Syria, & quarto post die Hierosolymam  
pius Peregrinus, *Bartolus in Vita lib. 1. n. 23 & 24.*

Ioan. Hayus vi-  
doria de hære-  
tici.

2. Argentorati in Germania anno 1576 celebris habita est disputatio  
in Academia heterodoxa, juvenis unius è Societate cum Doctoribus aca-  
tholicis. Ioannes Hayus, natione Scotus, præclaro ingenio juvenis, Su-  
periorum jussu, ad valetudinem curandam, è Polonia redierat in Lo-  
tharingiam Mussipontum; ibi cum non proficeret, expeditus est Argen-  
toratum ad medicum Catholicum, qui ei promiserat sanitatem. Ibi dum  
valetudinem curat, propositæ sunt in Academia Theses de Transubstanti-  
atione Eucharistica, publicè disputandæ. Confluxerat copia Sectariorum,  
Catholicorum: inventus est nemo, qui pro fide verbum opponeret. Non  
tulit eam ignominiam Hayus, & quamvis attritis corporis viribus, ani-  
mo validus descendit in arenam, eò fidentius: quod habitu sæculari, in  
civitate hæretica texisset Iesuitam. Disceptatum est tam felici successu;  
ut omnium, etiam hæreticorum, iudicio victoria steterit penes hospitem  
Catholicum. Moderatè tulerunt cladem doctores Academici aliquamdiu:  
at ubi resciverunt, victorem esse Iesuitam, in rabiem acti, convenerunt  
Magistratum, ut novâ institueretur disputatio cum Iesuita. Iussus ergo  
iterum congredi Hayus, quamvis non temere poterat timere, ne pro ra-  
tione



tionem vis ingrueret confusus tamen bonæ causæ, iterum disputavit, iterumq; non obscuram reportavit victoriam, à studiosis hæreticis honorifice in hospitium suum deductus. Patribus nostris ubi acta innotuerunt: probârunt magis exitum rei, quàm consilium: quòd juvenis, & solus, in hæretica civitate, nomen Catholicum petulantia adversariorum exposuisset. *Sacchin. hist. Soc. p. 4. n. 131.*

*Eodem die obierunt.*

3. Trajecti in Belgio, anno 1638, Philippus Nottin, Coadjutor, Belga, dira passus ab hæreticis fidei causâ. Cruci ferreæ insidere jussus est, manibus pedibusq; per extremos digitos ad tergum revinctis, quos manica pedicæq; aculeatæ dire constringebant. Collo innexum erat collare ferreum, trifariam aculeis confectum, quorum alii recti eminebant, alii sursum, deorsum alii vergebant, igne quoq; admoto, quo lentè torrebatur. Ubi usta pellis intumuit in bullas & pustulas, illis ferro apertis, acetum cum sale ac pyrio pulvere infusum est. Sic per ipsas decem horas torto Philippo, caput deniq; resectum est, obrentu proditoris ( prout semper hæresis crudelitati suæ colorem allinit ) re vera odio fidei: ut patet è narratione à Bullonio Duce conscripta.

*Victima fidei  
inter atrociora  
tormenta.*

4. Manilæ in Philippinis insulis, anno 1627, P. Thomas de Montoya, Indus è Nova Hispania. Post gentes illas indefesso triginta annorum labore exultas, apud Bafaias odio fidei venenum illi propinatum est, unde lenta morte contabuit.

*Victima fidei.*

5. Mulsiponti in Gallia, anno 1654, Gerardus Dominicus, Coadjutor, Gallus, omnibus fortis suæ dotibus insignis, præcipuè verò studio colloquendi de rebus piis. Comparuit post mortem cuidam Theologiæ Professori, sibi perfamiliari, noctu oranti, capite radiis circumfuso, quibus totum cubiculum illustrabatur; ex ore autem splendidissima stella promicabat, velut tessera præmii pro colloquiis spiritualibus obtenti. Rogatus an DEO frueretur? modeste capite annuit, commendavitq; impensè prædicto Patri Colloquium de rebus spiritualibus, ut quod inferis ætarnum, superis verò gratissimum.

*Colloquium de  
rebus pijs.*

**XV. JULII.**

1. **B**urburgi in Belgio, anno 1610, S. P. Ignatius invocatus, puellæ sanitatem restituit manifesto miraculo. Gravissimis cruciata renum doloribus, febriq; accedente, jam ad portas mortis deducta cum esset, nec quidquam profuissent medicamenta, liberaliter à parente Jurisconsulto adhibita: contigit opportunè, ut quispiam Patrum nostrorum Bergâ Burburgum veniret, suaderetq; ut opem S. Ignatij implorarent afflicti; curavitq; sine mora in eum finem Bergâ adferri Reliquias quasdam Sancti. Concepto voto à puella de Festo ejusdem S. Communionem, & præmissio jejuniis, celebrando, postquàm allatæ Reliquiæ parti laboranti sunt applicatæ: illico ægra sensit, se non doloribus solùm liberatam, sed plenam

*S. Ignatij ope  
infirmam sanatam.*



sanitati restitutam ita; ut eodem die Sospitatori suo in templo gratias fundere potuerit. *Bartolus in Vita S. Ign. lib. 5. n. 78.*

*Prædeterminatio physica.*

2. Valentia in Hispania anno 1662, P. Ludovicus de Tapia, Procurator Collegii nostri Valentini, coram officio publico petiit audiri testes, deponentes de veritate cujusdam dicti Reverendissimi Patris Thomæ Turci, Magistri Generalis Ord. Prædic. produxitq; hoc & sequentibus diebus externos 4 Doctores Theologiæ, qui jurati affirmarunt: se interfuisse celebri disputationi in Conventu FF. Prædicatorum; in qua cum Fr. Tolosanum pro viribus propugnaret Prædeterminationes physicas, tanquam expressam S. Thomæ doctrinam, interpellans Reverendissimus Turcus semel iterumq; dixit: *Ostende mihi locum S. Thomæ, in quo Prædeterminationem defenderit, & creabo te Magistrum in tua Religione contra Constitutiones tue Provinciæ.* Eleuther. in hist. de Auxil. lib. 2. cap. 22, Henao de scientia Media, Eventilat. 8. & Henricus de Cerf Cancellarius Universitatis Duacenæ: qui addit, libro, quem de mente S. Thomæ in ea materia conscripsit, P. Turcum id repetiisse Parisiis, cum easdem Prædeterminationes impugnaret P. Bagotius à Soc: Jesu.

*Edictum regina Angliæ contra Jesuitas.*

3. In Anglia, anno 1580, nova Edicta promulgavit regina contra Jesuitas, & Collegiorum Ultramarinorum Seminaria atq; Alumnos Anglos: quibus & denunciavit Reos læsæ majestatis, & variarum in ipsamet ac remp. conspirationum authores; ideoq; illis aqua & igni interdixit. *Sacchin. hist. Soc. p. 4. lib. 8. n. 125.*

*Eodem die obierunt.*

4. Ulyssipone in Lusitania, anno 1579, P. Simon Rodericius, Lusitanus, unus è decem primis Patribus Societatis. E multis tentati turbatq; animi salebris feliciter eluctatus, constanter tenuit, & impigrè decurrit viam perfectionis sub disciplina S. Patris Ignatii. Ab hoc idoneus judicatus Apostolico muneri Indiarum convertendarum, in Lusitaniam expeditus est cum S. Xaverio. Sed cum ibi zelum suum in reformatione morum, & puerorum institutione, longè lateq; incredibili cum fructu explicarent: Apostolorum nomen meruerunt, & communi Regis Magnatumque sententiâ actum est de ipsis in Lusitania retinendis. Ægrè tandem dimisso Xaverio, retentus est Simon, Conimbricensi Episcopatu à rege destinatus; quem ille multis rationibus & lacrymis efficaciter deprecatus est, prætendens, vocationis suæ præmia esse non honores, sed labores.

*Apostolorum nomen comparatū in Lusit.*

*Laborum Societatis præmium non honores, sed labores.*

*Vitima fidei.*

5. Ad Palmam, unam ex insulis Fortunatis, anno 1570, P. Ignatius Azevedius, Lusitanus, cum Sociis 39, à piratis hæreticis, odio fidei, in mare projectis & demersis. Ignatius arctissimo complexu imaginem Dei paræ V. stringens, conculcatus, capite faucibus, lanceis confossus, cum Sociis ad mortem fortiter oppetendam hortatur, in mare deturbatus est. In alios simili crudelitate deservitum, clamantibus

licari-



ficariis, *Tollendos Iesuitas in Brasiliam euntes ad prava dogmata disseminanda.* Vidit in Spiritu S. Theresia gloriosorum athletarum & fortem agonem, & lauream Martyrum ipsis in cælo donatam.

6. Coculini in India Orientali, anno 1583, P. Rudolphus Aquaviva, Italus, cum 4. Sociis in odium fidei trucidatus à barbaris. Adolescens, exemplo S. Thomæ Aquinatis, procacem foeminam titione fugavit: ab eo tempore nihil prorsus rebellio- nis in carne expertus. Moriens pro occisoribus suis oravit; à morte visus gloriosus, in corona gemmis conspicua, indice variarum & non vulgariū virtutum, quibus claritatem generis sui eximiè ornavit.

7. Mussiponti in Lotharingia anno 1685, cū sava pestis depasceretur ur- bem, nec minus exitum esse à fame, è nostris, non solum in animarum, sed etiam corporum curam effusis, ceciderunt omnino decem; & inter eos hoc die Joannes Ber- trandus, impiger in sancto illo opere operarius.

## XVI. JULII.

1. **A**Nno 1576 Gregorius XIII universam Societatem à publicis suppli- cationib9 seu Processionib9, & precibus, exempt, *Motu proprio*, & non ad Præpositi Societatis aut presbyterorum ejus, vel aliorum super hoc pe- titionem, seu instantiam; sed de sua mera deliberatione; districtius inhi- bendo quibusvis locorum Ordinariis, etiam Patriarchali, vel Archiepi- scopali dignitate, ac etiam Cardinalatūs & Legationis Sedis Apostolicæ honore præfulgentibus, & aliis personis, quacunq; auctoritate fungenti- bus; ne personas Societatis ad interessendum processionibus præfatis, qua- vis occasione, causa, seu quovis prætextu, ingenio, vel colore, directè vel indirectè, mediatè vel immediatè cogere, molestare, perturbare vel inquietare audeant, vel præsumant, seu permittant. *Ex literis Apostolicis.* Constitutio incip. *Quæcunq; sacrarum Religionum &c.*

2. Romæ anno 1595, Venerabilem P. Nicolaum Lancicum, juve- nem adhuc Theologicis studiis in Collegio Romano vacantem, sed diro scrupulorum tormento acriter exagitatum, conspectu suo dignatus est Dominus. Oranti post sacram Eucharistiam susceptam, nulla hujusmodi imaginatione aut meditatione præmissâ, velut deducta scenâ, videndum sese obtulit augusta specie Christus JESUS, Crucem justæ magnitudinis o- stentans; eidemq; altera manu innixus, Nicolaum Italicis verbis sic al- locutus est: *Scrupuli isti sunt Crux tua.* Unde ille non solum nihil hor- roris, sed plurimum hausit solatii in multum tempus, præsertim postquam gratiosissimus Salvator beneficium suum altero favore hoc die cumula- vit. Orantem enim in vinea S. Balbinæ, clara sed interna voce admonuit: placere sibi & DEO Patri; ut dolorem de peccatis, & ardentissimum DEI

*Victima fidei*

*Castitas forti- ter defensa.*

*Exemptio Soci- etatis à proces- sionibus.*

*P. Lancicio ap- paret Christus*

*Scrupuli sunt crux.*

amo.



*Dolor de peccato.*

amorem dari sibi cœlitus peteret: id signum fore, animam suam, licet scrupulorum importunitate cruciatam, in gratia DEi esse, & fuisse. Petiit ardentem, & impetravit. Cùm enim tempore vespertino motio illa animi jam evanisset, ex subita & vivacissima peccatorum memoria repente solutus est in lacrymas, & ita singultibus concussus, ut è Sociorum præsencia se proripere cogeretur, ad indulgendum liberius dolori & amor. Mansitq; inde non dubius de gratia & amore erga se divino. *Balbinus in Vita lib. 1. cap. 5.*

*Eodem die obierunt.*

*Sanctorum familiaritas.*

3. Mexici in America, anno 1609, P. Petrus Sancius, Hispanus. Maxicana Provinciae fundamenta jecit, Collegiis aliquot, & tribus erudiendæ juventuri Seminariis, excitatis. Ut solidam in se ipso fundaret virtutem, acri corporis castigatione quotidie, crebra inedia, & perpetua à vino abstinencia se macerabat. Cum Sanctis tanta dicitur illi intercessisse familiaritas: ut occurrentes, de facie facile nosceret.

*Rosarij B. P. constantis recitatio.*

4. Hispali, anno 1648, P. Ferdinandus de Mendoza, Hispanus. DEiparæ V. addictissimus, à tenerima ætate consueverat, illam recitato quotidie Rosario honorare. Fuit, cùm pensi illius oblitus, cubitum concessit: sed ubi expergefatto in mentem venit Rosarium oblivione omissum; illico è strato se proripuit, Recitanti ergo Rosarium adfuit celestis splendore resurgens Virgo Mater, benignè hortata; ut in bene coeptis pergeret; suam illi opem, etiam in difficillimis, non defuturam; quod deinde cumulatè præstitit.

**XVII. JULII.**

*P. Lainex concepit Canones de Sacramento Ordinis*

**P**ost celebratam in Sacro Tridentino Concilio Sessionem vigesimam tertiam 15 Julii de Sacramento Ordinis, cùm de more concipiendi essent Canones de eodem Sacramento, delectus est ad id muneris inter alios P. Jacobus Lainius, qui Pontificium Theologum ibi agebat. Collegæ cùm hominis prudentiam & scientiam, eminentem haberent perspectissimam, totum illi negotium commiserunt: quod tam prudenter & accuratè est executus: ut nihil, sicut solebat, fuerit à Patribus emendatum *Sacchin. hist. Societ. p. 2. lib. 6. n. 86.*

*Translatio Reliquiarum in templum Societatis.*

2. Tibure in Italia anno 1587 insignis solemnitas celebrata est Translationis Reliquiarum sacrarum S. Symphorose & filiorum ejus ex urbe in templum Collegii Societatis Iesu, DEo dicatum in prædictorum SS. Martyrum honorem, erectum autem à Card. Matthæo Contarello. Concesserat enim Pontifex in favorem dicti Cardinalis: ut pars notabilis ex prædictorum SS. Martyrum reliquiis, quorum corpora Romæ in Ecclesia S. Angeli in Piscina, religiosè asservantur, ad novum Tiburtini Collegii templum transferretur. Auxit solemnitatem Caput S. Martyris Getulii, S. Symphoro-



phorolæ viri, ac septem Martyrum Patris; quod Tiburtinus Episcopus Andreas Crucius, ex pervetusta æde S. Petri, quæ Tibure est, ut honorificentius haberetur, in templum Societatis deportandum, ibiq; in perpetuum asservandum dedit. Ipsemet Præpositus Generalis Claudius Aquaviva, ab Roma Beatos Patronos comitatus, cohonestandis novi templi encaniis, ad confertum populum idoneam tempori, & loco, multo audientium plausu, orationem habuit. *Sacchin. hist. Soc. p. 5. lib. 7. n. 22.*

3. Longa quinq; mensium consultatione tandem Cardinales summum Pontificem hac die anno 1691 renunciarunt Antonium Pignatellum Neapolitanum, qui Innocentii XII nomine insigniri voluit. Cognominis Antecessoris zelum æmulatus se Ecclesiasticæ disciplinæ acerrimum Assertorem à primis diebus exhibuit. Eadem constantia ab affinium contubernio & affectu temperans, insuper pietate & benignitate in pauperes acceptissimus, quibus certum singulis hebdomadibus diem statuit, in quo omnibus querelas & preces publicè exaudiret. *Brietius.*

Innocentius  
XII eligitur  
Pontifex.

*Eodem die obierunt.*

4. Lucronii in Hisp. anno 1564, P. Petrus Antonius Martinez, Hispanus, singulari erga lucrandas animas charitate, suavitate & dexteritate præstans: quibus dotibus complures obstinatos peccatores lucrificavit. De Rosario cum ad populum diceret, ingens cereus supra DEiparæ V. imaginem ardere conspectus est. Unde ipsum concionatorem populus deinceps appellavit: *Ardentem Beatissima V. Cereum.* Consumptus tandem est hic cereus in obsequio pestiferorum; aut potius in splendoribus Sanctorum clariùs lucere cœpit; cum Sociis tribus eidem charitatis officio intentis.

Cereus ardens  
Concionator  
Marianus.

5. Apud Ciuncios in America, anno 1629, P. Bernardus Reuse, Hispanus, à barbaris in odium fidei sagittis confixus, præter pretiosam Virginitatis aureolam, purpuratorum Christi pugilum laureâ donatus est.

Victima fidei

6. Mechliniæ in Belgio, anno 1613, P. Andreas Bottelberch, Belga, ob singularem in prædicandis DEiparæ V. laudibus facundiam & ardorem, vulgò dictus *B. Virginis Ecclesiastes*. Eger rogatus, quid vellet? *Cœlum*, respondit, & illuc abiit.

Concionator  
Marianus.

7. Compluti in Hisp. anno 1637, P. Alphonsus Esquera, Hispanus, eminenti virtute, & singularibus DEI gratiis insignis. In se ipsum severissimus, carnem quotidie bis inclementer flagris lacerabat, cibos nec sale nec aliter condiebat; vinum, non nisi extremis aliquot mensibus, iussu bibit. Cum aliquando de Christo, à discipulis in Emmaus euntibus coactò, ut cum ipsis maneret, meditatus cogitaret; quomodo & ipse eum piè cogere posset, ad manendum secum: internum, sed clarum responsum audivit; *Fac tibi vum, & facies illam mihi.* Unde illi novum ac potens accessit calcar ad se pervincendum. Anno 1621, in festo S. Angeli Custodis, vidit Angelum suum Tutelarem ad latus sibi assistentem, specie adolescentis præstantis, armati, lanceam manu gestantis. Alphonsus cum illo per cubiculum inambulans, & familiariter collocutus, cum lacrymis petiit ab eo veniam defectuum in cultu ejus.

Mortificationi-  
gidæ, præsertim  
gustus.

Angeli Cust  
familiaritas.



Procidentem deinde ad Sacrificium Missæ, comitatus Angelus, adstitit celebranti, & post consecrationem Christum de genibus adoravit. Sumpta S. Communione videbatur sibi Alphonsus majore cum reverentia aspici ab Angelo; totoq; biduo adspectabilem habuit.

## XVIII. JULII.

*In Gallia tur-*  
*bo contra Socie-*  
*tatem.*

1. **I**N Gallia civilibus bellis ardente, cum Henricus rex Fœderatis principibus reconciliatus esset anno 1585: etiam Societas, non leviter afflictata respiravit. Insimulabatur enim à malevolis, quasi Fœderatorum, qui pro re Catholica arma sumpserant, concitasset animos, & odia nutriret contra regem eiq; adhærentes. Non credebat primum rex: at hujusmodi sermonibus ab hæreticis & larvatis Catholicis quotidie oneratus, offensio-nem tandem præferre visus est. Cæterum Socii, quos conscientia recti solabatur, non solum inter se alta pace gaudebant; sed etiam solito fructuosius populo serviebant, DEO tantò magis propitio, quantò infestiores insurgebant homines. Evanuit paulò post hic turbo, quando rex hoc die in summa Senatûs Curia, præsentè Matre, quatuor Cardinalibus, multisq; principibus & populo frequentissimo, declaravit: grata sibi esse, quæ Catholici proceres Religionis causâ egissent &c. *Saccin. hist. Soc. p. 5. lib. 5. n. 134. & seq.*

*Dies Natalis*  
*Collegii Vilkens-*  
*is.*

2. **I**N Litvania anno 1570 designatus & celebratus est hic dies, ut Natalis Collegii Vilkensis, primarii in ea provincia. Cum enim Valerianus Episcopus omnia, quæ ad fundationem requirebantur, expedivisset, & à Magio, Provinciâli tunc Austria & Polonia, oblatos ad sua & populi sui obsequia Socios, paterno affectu complexus esset, inter largas, amoris testes, lacrymas: ad Collegium honestissimo cum comitatu venit, ubi post decantatum in Sacello de SS. Trinitate Sacrum, salutatus est primum à Professoribus Oratione Latina, tum Hebraica & Græca; deinde à nobilibus adolescentibus carmine festivo. Mox per diocesim, expeditis literis intimavit, constitutum esse Collegium, & scholas patere ingenuæ juventuri: diem verò decimum quintum ante Calendas Sextiles haberi Natalem Collegii, & anniversarium observari voluit. *Saccin. hist. Soc. p. 3. lib. 6. n. 20.*

*Eodem die obierunt.*

*Moribundus*  
*soromendatus.*

3. Avenione in Gallia, anno 1604, Petrus Doligier, Coadjutor, Gallus. Vesperâ ad sacram Synaxim diei sequentis ut se pararet, confessionem obierat: & ea nocte placidè expiravit, manè repertus exanimis. Quamvis verò præsentium hominum ope destitutus fuerit, divina non caruit. Alter enim è Nostis ea ipsa nocte, sen-



sic brachio tacto se excitari, audivitq; vocem: *Vigila, DEO, commenda unum è fratribus, qui jam nunc agit animam*

4. In Prussia Brandeburgica, prope Resselium, anno 1693 P. Adalbertus Grabenius, parente Sueco I. U. D. Varsaviae in Polonia natus. Cum ad Capuccinorum Ordinem adolescens propenderet: à quodam Capuccinis monitus est, ut potius Societati se daret. Quam Romae ingressus, Religiosissimum nactus est Magistrum P. Ioannem Paulum Olivam, quò dirigente solida posuit religiosae perfectionis fundamenta. Ter è Polonia in Urbem missus; cum in itinere noctu, quidam comitum saecularium, ad quiescentem adduxisset scortum: ille strato exiliens, gravi colapho impacto lenoni, prostibulum abegit. Extra Collegium, visitando agros, vel alia tractando negotia, nunquam adduci potuit: ut more gentis hospitalem admitteret haurum. Ad signum campanae, in omnibus punctualem se praebebat: quod cum quidam laudaret; P. Adalbertus joco rem diluens, *Hoc, inquit, mihi mortuo scribe e-logium: quod primus fuerim in lecto, primus in refectorio, primus in recreatione*. Mira pollebat dexteritate & felicitate in dirigendis adolescentibus, quorum plurimis amplevit religiosas Domos. Ad Cistercienses direxit, 53, ad Franciscanos seu Bernardinos 30, ad Dominicanos 12, ad Basilianos 3, ad Carmelitas reformatos 28, ad Brigitanos 12, ad Societatem 117, ad Carthusianos etiam & Augustianos aliquot. Ex omnibus vix aliquem poenituit susceptae vitae religiosae. Redux Vilna ex Congregatione Provinciali, morte subita, sed non imparatus in itinere extinctus est. *Ex Annua Collegij Brunsbergensis.*

## XIX. JULII.

1. Collegium Vilnense in Litvania, jam solidè pleneq; constitutum, pro-  
ut heri intimatum, primus Rector gubernare coepit Stanislaus Var-  
sevicius, vir meritis & publicà famâ magnus. Inter haereticos Vilnenses  
eminebat Andreas Volanus, è Secta Calvinì, qui Palatino Vilnensi à se-  
cretis erat, Is periclitaturus Jesuitarum ingenia & scientiam, adjuncto si-  
bi Andrea Tricesio, & aulicorum globo, de eodem Calvinì grege, Lu-  
theranis etiam quibusdam accedentibus, profectus ad Collegium, quid  
Patres sentirent de Eucharistiae Sacramento, quaesivit. Qui cum senten-  
tiam Catholicam latè dilucideq; explicassent, tamq; claris D. Augustini  
& Ambrosii, quorum auctoritatem admisit Volanus, testimoniis firmas-  
sent, ut nemo nisi extremè obstinatus, dissentire posset: quamvis sentiret  
se victum; ut fateretur, adigi non potuit. Patres non veriti iudicium pu-  
blicum, paulò post de eadem Ven. Eucharistia, & Communione sub una  
specie, publicas exposuerunt Theses. Ingens confluit, etiam haereticorum  
numerus: nemo tamen istorum, quàmvis humanissimè invitarentur, toto  
triduo, quo disputatum est, ausus fuit in arenam descendere, & aliquid  
opponere. Inter Catholicos ergo res gesta; haereticorum argumenta fide-

P. Varsevicius  
primus Rector  
Collegij Vilnen-  
sis.

Disputatio de  
Ven. Eucharis-  
tia.



liter sunt proposita & promota, sed magnificè refutata. Unde quantum animorum Catholicis accessit, tantum audaciæ hæreticorum temeritati decessit. *Sacchin. hist. Soc. p. 3. lib. 6. n. 121. & seqq.*

*Eodem die obierunt.*

*Missionarius  
Castrensis præ-  
stans*

2. Manilæ in Philippinis, anno 1631, P. Laurentius Massonius, Italus, magnus in Orientali India operarius per annos omnino 30. in castris Catholicis cum Sacramenta ministrasset, victoriam pollicitus est, in acie cum Crucifixo præivit, & insigni victoria potiti nostri, Ternatem insulam receperant: ex qua P. Laurentius ingentem vim foricum sacris exorcismis ejecit. Aliàs cum Batavus victor Catholicos persequeretur, præcedentem ante oculos suos Patrem vel videre vel assequi non potuit, DEiparâ V. ipsum tutante. Coactus triduo in vepreto latere absq; omni cibo & potu, cum siti cruciaretur, vidit repente venam aquæ ex terra prosilientem; quæ, ubi Pater sitim restinxit, evanuit. Quamvis passim vir perfectus audiret: frequentibus tamen manabat lacrymis, quod diceret: nescire se, an satis peccata sua eluisset.

*Exul pro fide.*

3. Iaroslaviæ in Polonia, anno 1588, P. Ioannes Hartus, Anglus. E patria fidei causa proscriptus, post biennalem carcerem sædissimum, & iteratum equulci tormentum; in Polonia portum, in cælo patriam invenit. *Ex Tannero.*

*Dæmon con-  
vincitor.*

4. Cali in America, anno 1649, P. Ioannes Ribera, Hispanus, potens sermone & opere ad conterenda peccatorum corda, Non paucis obstinatis prædixit: sine Sacramentis citò morituros: quod & factum. Dæmoni, qui palàm concionabundus, se Adamum dicebat Protoparentem, silentium imposuit. Popajanenses & Calenses tam scitè ac amanter excoluit: ut pro ipso ægro paratos se dicerent ex intimo cordis fundere sanguinem.

*Victimæ chari-  
tatis.*

5. Taurini in Sabaudia anno 1599 Christophorus Marianus, Coadjutor Temporalis, cum Socijs 9, partim Sacerdotibus, partim Coadjutoribus, in maximo Charitatis officio, contagiosa lue afflatus, religiosè decessit. Eodem die anno 1611 P. Iacobus Stizius, Vir religiosissimus, zeloq; fervens Apostolico, Constantiæ in Germania, cum Socijs decem, eidem obsequio gloriosè immortalis est.

XX. JULII.

*S. Xaverius ur-  
get excommu-  
nicationem.*

**S.** Inditarum Apostolus, Xaverius, post impeditam à Malacensi Præfeto profectionem suam ad Sinas, ut populis illis Evangelii lucem inferret: epistolam dedit anno 1552 ad P. Gasparem Barzæum, Goani Collegii Rectorem: ut omni diligentia curaret, ab Episcopo Goano expediri Malacam literas, quibus urbis Præfectus declararetur Excommunicatus. Vix credas, inquit, quàm fuerim exagitarus Malacæ. In Sinarum insulas, quæ Cantoni urbi adjacent, pergo, ab humano præsidio nudus, septus tamen, ut spero, divino. In spem venio, fore, ut Ethnici homines in continentem Sinarum mihi viam aperiant; quoniam quidem Christiani illud iter intercluserunt, nullo Ecclesiastica notæ, & cœlestis iræ me-



tu, quam tamen miseri incurrerunt. Quare curabis diligenter: ut Episcopus ad Malacensem Vicarium Excommunicationis formulam mittat, qua Praefecto Malacensi, itemq; aliis, qui tam utile rei Christianae consilium fregerunt, publicè ac nominatim sacris interdictum esse, denunciatur. Velim autem in ea formula illud poni: me à Paulo III. Pont. Max. Legatum Apostolicum missum in Indiam cum diplomatis tuis, quæ ipse agnovit Episcopus. Id ego ed facio, ne quis posthac Christianae religionis propagationi, & piorum hominum conatibus adversetur &c.

*Epistolarum Veterum, lib. 4. ep. 13.*

*Eodem die obierunt.*

2. Trajecti in Belgio, anno 1638, P. Ioannes Baptista Boddens, & P. Gerardus Paelsman, Belgæ, odio fidei ab hæreticis interempti crudeliter. P. Ioannes, Collegij Rector, per 22 horas primum, deinde per quatuor alias dirissimè cruciatus modis, quos calamus horret ac erubescit, deniq; securi truncatus est capite. P. Gerardus crucis ferreæ atq; acutæ, collaris cuspidati, manicarum & pedicarum aculeis, ignis lenti, salis deniq; atq; aceti vulneribus infusi, tormentis exercuciatus per horas decem; solitante frustra ad defectionem à fide ministrælo hæretico, gloriose occubuit.

*Victima fidei  
inter atrocia  
tormenta.*

3. Neapoli, anno 1656, P. Franciscus Corcionus, Italus, opima charitatis victima cecidit in obsequio peste ractorum. Celebrem SS. Eucharistiæ Sodalitatem, cuius Sodales Zitti, seu Silentarij vocantur, quod in sacro quodam silentio sua peragant, magna cura, multoq; labore & fructu pluribus annis administravit, & auxit. Intra se ipsum se abdens, totus fuit demissio, totus modestia: erga alios totus calor, totus charitas, totus cor videbatur. Cuidam è Socijs meticuloso, ne forte afflaretur peste in sacro illo obsequio, prædixit superstitem futurum; & fuit.

*Victima chari-  
tatis.  
Silentiariorum  
sodalitas.*

4. Cracoviæ in Polonia, anno 1624, Ioannes Laskowski, Polonus, Scholasticus obiit Insignis in eo eluxit, cum insigni ingenio, humilitas; quam, dum in Scholis doceret, cum obsonatorem palam sequeretur, & ipsas vestibus, verbis, omniq; gestu testabatur. Quotidie acriter se verberabat: & licet nullius peccati lethalis sibi conscius videbatur, gravibus tamen conscientiae scrupulis laniabatur ita; ut à Confessarijs internus Martyr diceretur. In eos, quos vindex Iustitia morte plectebat, singulariter propensus erat, juvando eos & precibus, & acri sui flagellatione.

*Martyr inter-  
nus.*

## XXI. JULII.

1. Anno 1550 Julius III Pont. Max. Institutum Societatis iterum confirmavit, cum majore ipsius, & aliorum Indulgentiarum declaratione, per Bullam. *Exposcit debitum &c.* Ex literis Apostol.

*Institutum So-  
cietatis confir-  
matur.*

2. In Chorano, insula modica Indiæ Orientalis, à Goano territorio modicè avulsa vetera virtutis suæ miracula renovavit Spiritus Sanctus anno 1560, baptizatis hoc & altero die fere omnibus insulæ ejusdem in-

*Multitudo ba-  
ptizatorum.*

M m 3

qui-



quilinis, partim ethnicis, partim atheis. Contra legem quandam à Prorege latam in favorem rei Christianæ, delictum fuit à quibusdam: ideoq; prorex cognitorem misit in insulam, qui de reis inquireret; adjunxitq; duos è Patribus nostris, ut præstò essent, si eorum operam occasio aliqua deposeret. Convenerant non pauci Insulanorum in palmetum quoddam, consilium capturi de rebus suis: quos cognitor illico à satellitibus suis comprehendi jussit, aliosq; inquiri. Videns senex quidam, præcipuè inter suos autoritatis, zelum Lusitanorum pro re Christiana, prodiit in medium, contestans; opus non esse strepitu & vinculis, cum & ipsi omnes Christiani essent. Annuerunt unanimi voce cæteri captivi, solutiq; vinculis totam mox insulam percurrerunt, exclamantes; Christianos se esse, talesq; omnes fieri debere. Fuit ea efficacia monentium, vel potius Spiritus Sancti; ut nemo fuerit, qui non acclamaret; convolaruntq; certatim ad Patres, instrui & baptizari petentes. Delatus nuncius Goam, Proregem urbemq; totam gaudio implevit incredibili. Nec defuit constantia & docilitas catechumenis. Post paucos instructionis dies tanta frequentia ad sacrum fontem properarunt; ut cum paulò antè vix 30 numerarentur Christiani in insula tota, paulò post vix ethnici 30 invenirentur. *Barrolus hist. Asiatica lib. 7. n. 46.*

*Pugerus apostata à Societate.*

3. In Gallia Burdegalense Collegium, anno 1574, triplici turbine concussum est. Unum alterumve facile & gloriose sustinuit, tertius Philosophiæ Professore illi eripuit. Fuit is Joannes Pugerus, qui absoluto cursu Philosophico, existimans, se plus gloriæ aut lucri capturum, si ad Collegium Aquitanicum, quod sæculare est, deserta Societate transiret: hoc die sacrilegus apostata erupit è Collegio non sine vulnere inflicto resistenti sibi Professori Theologiæ. Præstò fuerunt discipuli, nec alii defuerunt, qui hominem tuerentur: sed tandem non aliud lucri habuit, quàm ut è Societate ejectus, vitam miseram ageret inglorius. *Sacchin. hist. Soc. lib. 2. p. 4. n. 71.*

#### *Eodem die obierunt.*

*Oratio 8 horis continuata.*

4. In mari Japonico, anno 1573, P. Consalvus Alvarez, Lusitanus, orandi & flata æris campani tempora observandi studio memorabilis. Contigit: ut in horto, die recreationis, audito signo primo ante prandium, in odeum se reciperet Consalvus conscientiam introspecturus: horæ quadrante elapso, & altero signo vel non dato, vel non audito, cum cæteri ad triclinium convenissent, & à mensa solitæ animi relaxationi vacassent; ille omissus seu neglectus, per ipsas octo horas in oedco genibus flexis orationi institit, donec sub tempus cœnæ isthic reperiretur. *Pro.*



Profectior ætate, missus in Iaponiam Visitator, multa tulit, fecitq; donec in mari, hoc die, haustus naufragio, in litore inventus est mortuus, sed orantis instar genibus humi positus, manibus verò sublati in cælum.

*Orantis situm etiam mortuus tenet.*

5. In Civitate regali, anno 1585, P. Iacobus à Costa, Hispanus. In pulpito scholæ, in cathedra Ecclesiæ, in rectione Provinciæ fuit vir tantus: ut inter suæ ætatis primos haberetur. Castiliæ Præses unâ cum cæteris proceribus eum invisurus, dicebat: Eamus, visamus unum ex antiquis Ecclesiæ Sanctæ doctoribus. Elapsis à morte annis 30, corpus ejus repertum est incorruptum.

*Doctor antiquæ Ecclesiæ.*

6. Baroli in Italia, anno 1639, P. Christophorus Corquera, Italus. In Barolitano Collegio per ipsos 46 annos magno præstantissimæ virtutis nomine vixit. Insigni prophetiæ dono videbatur instructus. Inter cætera matronæ uterum ferenti dixit: Velle se proli nomen dari Ignatij: & illa masculum enixa est. Eidem iterum gravidæ, Hunc, inquit, Franciscum vocabimus: respondit prædictioni & hic partus masculus. Tertiò gravida Patrem Christophorum de nomine consuluit: & ille rem silentio dissimulanter involvit; & illa foeminam peperit.

*Prophetia donum.*

## XXII. JULII.

1. **M**agnum columnen Societati, tempestate multiplici concutiendæ, admovit Providentia Divina quando anno 1567, in ipsis S. Magdalenæ feriis in tyrocinium ejus deduxit Claudium Aquavivam, filium Ducis Atriæ, jam annos 25 natum, literis egregiè excultum, & in Curia Pontificia Pii V, Cubicularii munere fungentem. Stupuit mundus, benedixit S. Pontifex Pius, incrementum amplissimum dedit DEUS, ut nobilissimus tyro cresceret in millia, Societatis olim Præpositus Generalis. *Somivellus in Bibl. Soc.*

*Claudius Aquaviva ingressus tyrocinium.*

2. De Auxiliis gratiæ celebrata est Quarta concertatio coram Clemente VIII. anno 1602. Propositio, ab adversariis ex Molinæ disp. 9. sumpta fuit hæc: *Cum quis edoctus fuerit, supernaturalem assensum esse ad salutem necessarium viribus naturalibus potest optare ita credere, atq; etiam conari, ex dono & auxilio supernaturali assentiri; deniq; potest petere, ut auxilium illud sibi donetur, & ad illud recipiendum satagere se disponere.* Sed respondit Gregorius de Valentia: inprimis textum non esse integrè citatum; omissa esse, ex quibus vel maximè mens Molinæ eluciscere potest; expresse docentis: Omnem illum conatum merè naturalem esse, & omnino insufficientem & non idoneam dispositionem ad obtinendum lumen supernaturale gratiæ Fidei. Deinde ostendit citatis textibus ante Molinam idem docuisse S. Augustinum, atq; concessisse: quòd sine gratia supernaturali possint haberi actus naturales cognitionis, desiderii, & petitionis circa objecta supernaturalia. *Eleuther. hist. de Auxil. lib. 5. c. 7.*

*Dispositio ad obtinendum lumen supernaturale gratiæ fidei non sufficiens.*

3. In



*Campionis vi-  
tima fidei.*

3. In Anglia anno 1581 gloriosus Christi pugil; P. Edmundus Campianus, proditus & captus, in vincula & arcem Londinensem conjicitur. Captivis aliis, qui unâ ducebantur, præibat Campianus, manibus post terga revinctis, pedibus ventri equi, quo vehabatur, adstrictis, titulo in galero à fronte, & à tergo uncialibus literis affixo: *Campionus Jesuira se-  
ditiosus*. Hic honos uni illi habitus est, *Sacchin. hist. Soc. p. 5. lib. 1. n. 227.*

*Eodem die obierunt.*

*Victima fidei.*

4. Nangasachi in Iaponia, anno 1633, Thomas Nicofori, Iapon, odio fidei interemptus. Ante & post initam Societatem multum operæ & industriæ contulit ad commodam rei Christianæ. Idcirco primum exilio multatus, post in Iaponiam rediit, flammis addictus, illustri morte claram virtutibus vitam adornavit.

*Mortificatio  
gustus.*

5. Majoricæ, anno 1587, P. Bartholomæus Cochius, Hispanus. Exempli Sanctimoniam, & dicendi robore magnam frugem fecit. Una illius concione aliquando octo obscenæ mulierculæ conversæ sunt. Incredibili licet siti arderet, ab hydropæ accensa; nunquam tamen vel guttulam amplius sumpsit, etiam cum præesset, aut ad populum diceret, quàm quantum medicus, & Valetudinarij minister jubebant. Aderat morienti Alphonsus Rodriguez, viditq; cælos apertos ad excipiendam à cælitibus P. Bartholomæi animam.

*Jejunium per-  
petuum.*

6. Apud Malabares, in India Orientali, anno 1656, P. Emmanuel Martius, Lusitanus, Multa pro fide scripsit, ac passus est. Præter arummosos carceres, bis crudelissimè vapulavit; quater in exitum ejectus est, sæpius à Iognis sacrificulis ad necem quæsitus; sed ab ipsis etiam ethnicis ob Sanctimoniam opinionem defensus, Totis triginta, & amplius, annis, quibus ibi laboravit, nunquam carnibus aut piscibus usus est; cibo alio tam parçè vitam sustentans, ut perpetuè jejunare diceretur. Virgineum corpusculum suum tam inclementer habuit: ut nunquam lecto sit usus, vestes nunquam ad nocturnam quietem exuerit, etiam cum febribus astuaret; quotidie flagris dirè se conciderit. Christianos suos tam diligenter excoluit; ut multi Novitijs Societatis similes viderentur.

7. Ulyssipone in Lusitania, cum dira pestis, vulgò *Magna dicta*, anno 1569, urbem populosissimam depopularetur, ingens incessit Socios ardor prosiliendi in apertissimum discrimen ad opem miseris ferendam. Ipse Provincialis Leo Henricus chorum ducere ardebat, fecissetq; omnino, nisi graviorum Patrum precibus & auctoritate inhibitus fuisset. Primus in eo Sancto opere hoc die occubuit P. Alphonsus Egidius, vir religiosissimus: quem secuti sunt tredecim alij, non de generes ab Apostolico instituto suo. Supra dena enim infirmorum millia curæ suæ habuerunt commissa.

## XXIII. JULII.

1. **A**ntequam Controversia de Auxiliis Gratiæ devolveretur ad ipsum Pontificem summum, Clementem VIII; ex ejusdem dispositione commissæ est Cardinali Madruto: ut si fieri posset, partes componeret. Post varias adversariorum tergiversationes, recusantium, Prædeterminati-  
onem



nem physicam subijci examini, seu concertationi publicæ, prout disertè testatus est Cardinalis Asculanus illorum Patronus; concinnarunt ipsimet ex doctrina Societatis Propositiones duas de efficacia Gratia, ad quas disertè responderent Theologi Societatis. Acceptas hujusmodi Propositiones Card. Madrutius hoc die misit ad Card. Bellarminum, expendendas & communicandas Societatis Theologis. Responderunt isti sine mora, dilucidè & nervosè exponendo doctrinam Societatis in ea materia. Scriptum hoc obtulit Card. Madrutius PP. Dominicanis expendendum: qui super illo Observationes 27 confluxerunt, & Cardinali porrexerunt. Theologi Societatis confestim prædictas Observationes totidem Notationibus diluerunt: in super ex ipsis octo collegerunt Propositiones, in quibus ambo ordines dissentiant, postularuntque eas discuti disputando. Sed adversarij, ne extraherentur ad defendendas Prædeterminationes, maluerunt reverti ad privatam Molinæ causam, vires omnes in condemnationes Libri ipsius convertendo: ut non directè, sed per latera Molinæ configerent Societatem. *Eleuth. hist. de Auxil. lib. 3. cap. 12. & 13.*

2. Devoluta deinde Controversiâ prædicta ad ipsum Clementem Pontificem, habita est coram eodem anno 1602. hoc die Concertatio Quinta, super hac Molinæ propositione: *Ante receptionem Gratia, in ipsa gratia receptione, & postea in augmento illius, suum locum DEUS arbitrio libero reliquit, ut ei propria industria & laus servaretur.* Respondit Gregorius de Valentia: eam propositionem, si accipiat integrè, prout extat in libro Molinæ, non modò consentaneam esse doctrinæ S. Augustini, sed omnino certam esse ex fide. Ita enim loquitur Molina disp. 9. *Ante receptionem gratia, & in ipsa gratia receptione, & postea in augmento illius, suum locum DEUS libero arbitrio relinquit: quatenus ica ipse auctor esset omnium bonorum, omniaque ei accepta referrentur: ut nihilominus libero arbitrio propria industria, & laus servaretur.* Quæ omnia Catholicam esse doctrinam, evicit ex Decretis Concilii Tridentini. *Eleuther. de Auxil. lib. 5. cap. 8.*

Libero arbitrio  
datur in receptione gratia  
locus.

*Eodem die obierunt.*

3. In Peruvia, anno 1596, P. Antonius Lopez, Hispanus. Doctrinâ, animarum zelo, sui demissione magnam sanctimoniam famam sibi comparavit. Qui corpus ejus à morte curarunt, testati sunt, admirabili odore illud fragrâsse. Veneno sublatus dicitur à barbaris, quorum intemperantiam aliaq; scelera insectabatur, ut emendaret.

vitima fidei;

4. Avenione in Gallia, anno 1598, Michaël Sartre, Coadjutor, Gallus. Cum ruri degeret, œconomia curandæ causâ, & à procacibus sceminis non semel tentaretur; in genua procumbebat & formulam votorum religiosorum ardentè recita-

votorum formula contra  
tentationes.



*Meditationis  
& Examinis  
cura severa:*

bat; aiebatq; id sibi semper præsentissimo remedio fuisse. Eam sibi fixerat, servabatq; legem: ut si inopinatus quispiam eventus illi tempus Meditationis vel Examinis eripuisset; nihil omnino cibi admitteret; nisi prius brandi & se examinandi tempus accuratè explèsser.

5. Eboræ in Lusitania cùm anno 1580 dira contagio ingentem civium stragem edidisset, absumptis etiam è Nostris quatuor in pretioso charitatis obsequio: recruduit eadem anno 1585, & quinq; alios in eodem sancto opere, extinxit, si tamen extincti sunt, quos lux æterna pleno jubare excepit. Hoc die P. Antonius Sequeira donatus est immortalitate. Eodem die in eodem obsequio, anno 1599, gloriose decesserunt Compluti in Hispania Petrus Lozanus & Didacus Garces, quos secuti sunt alij 5. Socij.

## XXIV. JULII.

*Littera ducis  
Bavariae ad  
Clementem  
VIII. pro So-  
cietate.*

1. **G**uilielmus Bavariæ dux, anno 1601. egregiam dedit Epistolam ad Clementem VIII. pro Societate & ejus doctrina; Commotus rumore, quem latè sparserunt adversarii, de jam jam condemnando libro Molinæ à Pontifice. Exponit 1. Academias Catholicas ferè omnes, præsertim in partibus Septemtrionalibus, stare pro doctrina Societatis, diu multum probata atque utili Ecclesiæ. 2. Quantopere Societas laborarit, & laboret pro Sede Apostolica contra hæreticos. 3. Quam lætitiâ sint concepturi hæretici ex condemnatione doctrinæ Societatis, qua vel maxime sentiunt & dolent sua everti dogmata. Denique orat; ut insolentiam adversariorum, præjudicantium Apostolicæ Sedi compefcatur. *Ex Disquisitionibus in historiam de Auxil. Gratiæ, parte 2. cap. 12.*

*Latrones duo  
in cruce baptizati*

2. In Japoniam anno 1579. feliciter pervenit, ac opportunè, P. Valignianus Visitator, cum Sociis duobus; tanquam gubernator divinâ submissus Providentiâ, qui in tempestate, quæ Bungensem Ecclesiam gravissimè jactabat, clavum teneret. Jam cum ipso, & aliquot indigenis mox receptis, Socii in Japoniâ 65 censebantur; Christiani ad centum millia, in fide fortes, quamvis innumeris periculis & persecutionibus expositi. Numerum ipsorum sub idem tempus auxerunt duo latrones, ipsis in crucibus baptizati. Aded latronibus faveret crux, eique confine est cælum, per quam & partum est; inquit Sacchinus *hisl. Soc. p. 4. lib. 7. n. 344.*

*S. Ignatii ope  
infirmæ sana-  
ta.*

3. In Belgio Antverpiæ anno 1635. Reliquiis & ope S. Ignatii repente sanata est puella, Maria Bonnieria, hydrope & compluribus aliis gravissimis morbis, per annos aliquot toleratis ad extrema deducta. Incidit tandem ejus Confessario cogitatio: ut afflictam excitaret, quatenus S. Ignatio impensius se commendaret; in quem finem ei quasdam Sancti ejusdem Reliquias tradidit. Apprehendit consilium ægra, & injectis collo Reliquiis, subla-

subla-  
luna  
ut sen-  
tuocu-  
egit,  
xerat  
rat,  
scala  
runt  
filia  
tolus

3  
jugis  
S. Did-  
eri Co-  
Societ-  
in om-  
stand-  
missi

4  
qui So-  
quinq;  
tabatu-  
riores,  
ulurpa-

5  
orandu-  
toto an-  
scriptus  
mortem  
avide ip-

1. P  
niur  
bell  
Rom  
trade



sublatis in cælum oculis, sic oravit: Domine DEus, quatuor jam annos voluntati tuæ morem gero; te per S. Ignatii merita supplex oro, mihi quoque ut semel morem geras. Sana ægrotantem; & spondeo, me vitæ reliquum tuo cultui daturam. Te Sancte Pater, cujus effigies sola dæmonem toties abegit, supplex oro; ut per has tuas reliquias à me hos morbos depellas. Dixerat: & in placidum s. horarum somnum lapsa, quem octiduo non viderat, ubi expergefacta est, sensit se plenè sanam, vestes ipsam induit, & per scalas numerosas suis viribus descendit ad parentes: qui consternati, putarunt, animam esse filiae jam defunctae; sed de miraculo edocti, hilares cum filia ad Ecclesiam properarunt, DEo & Sancto debitas relaturi gratias. *Barolus in Vita S. Ignat. lib. 4. n. 20.*

*Eodem die obierunt.*

3. Compluti anno 1572, P. Petrus de Saavedra, Hispanus. Cum per mortem conjugis solutus vinculo matrimoniali, deliberaret de mutando vitæ statu, sepulchrum S. Didaci accessit, suppliciter petendo consilium; audivitq; inprimis strepitum Sacri Corporis, deinde vocem: E majore DEI gloria fore, si Societati nomen daret. In Societate ita vixit: ut majorem DEI gloriam semper præ oculis habere, semperq; in omnibus studiosissimè quærere videretur. Cum primam DEo lirasset hostiam, spectandam se ei obtulit uxor defuncta, magna luce illustris; gratias egit, quod promissi memor, primum sacrificium pro ipsius salute obtulisset.

*Vocatio ad Soc.  
miraculosa.*

4. Mediolani, anno 1634, P. Cosmus Alamannus, Italus. Pater ejus primus fuit, qui Societatem Mediolanum appulsam, hospitio excepit, eo hospitalitatis pretio: ut quinq; ejus filii in Societatem immigrarent. Obediendi & orandi artibus, à DEo putabatur impetrare Cosmus, quidquid peteret. Quàm enim promptè audiebat Superiores, tam promptè audiebatur à DEo. Pro tessera, sui in DEum affectus, identidem usurpabat verba illa: *Laudetur DEus! Benedictus DEus!*

*Fratres s. in  
Societate.*

5. Novellariæ in Italia, anno 1656, Gerardus Angelinus, Coadjutor, Italus. Inter orandum cælestes delicias non semel degustavit. Cum aliquando anxius de salute sua toto animo æstualet; vocem divinitus audivit: Bono esset animo, utpote Electis adscriptus: neque hæsitaret id agere, quod spiritualis Pater præferiberet. Paucis ante mortem diebus idem felicissimum nuncium accepit ab Angelo: ut animo esset erecto; avidè ipsum ab Angelis expectari in cælo.

*Predestinatio  
ad gloriam.*

*Pater spiritualis  
audient.*

**XXV. JULII.**

1. Pius IV, Pont. Max. aliquantum alienatus, ut dictum 11 Julij, placatum jam & benevolentissimum Societati se exhibuit anno 1564. Lainium enim Præpositum Generalem, jam melius valentem, Cardinalis Sabellus accersivit, retulitque: deliberatum Pontifici omnino esse, Seminarii Romani procuracionem, quam multi ambiebant, vel Societati invidebant, tradere Patribus: postmodum ipsum Pontificem id significaturum Lainio. Nec

*Pius IV. affe-  
ctus Societatis*



distulit; valdeque benignum ei se, recteque de cuncto Ordine sentientem ostendit; addens; in animo sibi esse, domum Professorum, Collegium Romanum, atque Germanicum visere postero die: ut palam omnibus faceret, cordi sibi esse eam familiam. Quod quidem ob impedimenta occurrentia non prastitit die designato, fecit tamen pridie Calendas Augusti. *Sacchin. hist. Societ. p. 2. lib. 8. n. 16.*

*Persecutio in  
Japonia.*

2. In Japonia anno 1587, dira coepit Christianorum persecutio mota ab Imperatore Taycosama. Exhibuerat ille se nostris, ceterisque Christianis, benevolentissimum, privilegiis etiam rem Christianam firmarat; quæ ipso favente, ita jam invaluerat: ut è sola Societate in Japonia numerarentur Socii centum, & quinque supra triginta, Christianorum autem ducenta millia, & supra. Imò Imperator ipse P. Provinciali Coellio disertè affirmavit: se quàm primùm mediam partem Japoniæ Christo subacturum. Sed momento tota serenitas in horridam versa est tempestatem. Pridie Patri Coellio familiarissimus, ipsa illa nocte ab Alcuino medico suo in rabiem actus (quod Christianam foeminam ad illius foeda desideria flectere non potuerit) principem Christianum Justum Ucondonum, bonis omnibus exutum, proscripsit, postera autem die, S. Jacobo Apostolo sacra, Patres omnes intra dies 20 è Japonia exesse iussit. *Widenfeld in Epist. ad P. Oliva Præpos. Gen. data anno 1679.*

*duæ Cathedrae  
collatae Socie-  
tati.*

3. In Hispania anno 1667. Serenissima Mariana Austriaca, Regina & Gubernatrix Hispaniarum, in Universitate Complutensi Societati contulit, assentiente Universitate, Cathedras duas Theologicas, alteram Primariam, alteram Vespertinam. *Gomez in Elogiis Societ. part. 2. Class. 2.*

*Eodem die obierunt.*

*Perfectio infi-  
gni.*

*S. Iosephum  
commendat  
B. V.*

*Vidua cha-  
ritatis.*

*Mortificatio  
rigida.*

4. Belmonti in Hispania, anno 1580, magnus DEI Servus, P. Balthasar Alvarez, Hispanus. S. Theresia non solum inter sacrificandum caelesti splendore circumfusum vidit; sed etiam divinitus intellexit, inter eos, qui tunc vivebant, neminem illo esse perfectiorem. Singulari pollebat arte, poenitentes suos, praesertim Societatis tyrones, ducendi ad insignem perfectionem. In domo Lauretana DEipara V. singularem erga sponsum suum S. Iosephum pietatem ei commendavit. Morienti adfuere, S. P. Ignatius & Angeli lectulo circumfusi.

5. Pragæ in Bohemia, anno 1649, P. Martinus Benedictus, Moravus. Quidquid illi dabatur in mandatis; securus erat superior, id ab eo accuratissimè perficiendum. In heroica charitatis palæstra egregiè versatus, serviendo pestiferis; cum semel superstes evasisset: iteratò postea caput devovit, & prostratus coronatus est.

6. Czestochovia in Polonia, anno 1657, P. Guilielmus Rose, Gallus, Ludovicæ Reginae Poloniae Confessarius. Suavis erga alios, durissimus erat in seipsum. Lectulus illi



illi erant nudi asseres, cervical liber unus & alter, humile scamnum & sedes & mensa. Toto anno, Dominicis fere tantum exceptis, jejunabat. Cum catenam cuspidatam superpremu æger in lateribus gestare jam non posset, morbo & majorum imperio prohibitus: gestabat illam e collo; tanquam captivum DEiparæ mancipium, ut aiebat. In morbo quodam comparens ei S. Nicolaus Episcopus, monuit: ut suam opem imploraret. Idem Sanctus exhibuit P. Guilielmo varias schedas, singulas his vocibus inscriptas; *Polonia restabitur at orandum.* In ultima hoc legebatur: *Polonia restituetur in integrum; at orandum.* Divinum id fuisse oraculum, docuit eventus. Obiit religiosissimus Aulicus die & hora prævisis; ante & post mortem prodigiis quibusdam gratiis clarus.

## XXVI. JULII.

1. EX Lusitania Ulyssipone literas dedit S. Xaverius ad S. P. Ignatium, quibus eum certiore reddit de eximio Regis, Episcoporum, & populi erga Societatem amore: & cum viderentur ibi excitandæ domus pro Convictu Studioforum, imò & pro aggregandis in Societatem tam in Lusitania, quàm in India; humillimè petit, à S. Patre informari, & prolixè præscribi modum vivendi in illis: *quandoquidem, inquit, clarè perspicis exiguitatem nostri talenti. Ex epist. Veterum lib. 5. ep. 3.*

Mancipium  
Marianum.Polonia vastatio  
& restitutio per Orationem.Litera S. Xaverii  
ad S. Ignatium.

2. In Urbe anno 1604 habita est Congregatio & disputatio 32 coram Clemente VIII. Propositum fuit: Cum in via Molinæ liberum arbitrium & Gratia sint duæ causæ partiales &c. quænam ex istis duabus causis in nostra justificatione præponderet? Respondit P. Joannes Bapt. Bastida; Molinam disertè constanterque docere: non liberum arbitrium, sed gratiam, divinam in negotio Justificationis esse causam principalem: quod latè exposuit & propugnavit. *Eleuther. in hist. de Auxil lib. 5. cap. 41.*

Gratia causa  
principalis in  
justificatione

3. S. Xaverius Potamienfis sanat infantem, tam gravi apostemate affictum; ut quidquid sugeret lactis, per illud efflueret. Voto à matre ad sanctum concepto sub noctem, sequenti die sanissimus apparuit parvulus, ne vestigio apostematis relicto. *Ex lib. miracul. Potamien. num. 43.*

S. Xaverius  
sanat apostema.

4. Eodem die ibidem, anno 1652, Augustinus Velloni, civis Sortanensis, votum suum reddidit S. Apostolo, liberatus ab illo quadrimestri æterrimo viscerum dolore, à medicis incurabili. *Ibid. num. 221.*

Viscerum dolores.

Eodem die obierunt.

5. Calissii in Polonia, anno 1618. P. Martinus Smigletius, Polonus. Pii sermonis in familiari congressu miscendi, & elisum restituendi, egregius artifex fuit. Contra hæreticos quæ calamo, quæ lingua disputatrice, potenter insurgebat, multasque collegit pænas, etiam celo teste. Cum enim Vilnæ cum quodam Calvini affectu publicè discipulset de fide, & sine dubio victor abiisset ex arena: juvenis quidam ejusdem farinae, aucus regius impudenter sparsit in vulgus, ut solent hæretici; P. Martinum omnino succubuisse; nec dubitavit mendacium suum perjurio firmare, dirasque sibi imprecari.

Colloquia spiri-  
tualia.Victoria de hæ-  
retico divini-  
tus vindicata.



si falleret. Audivit DEus vindex, subitâque angina fauces impostori ita constrinxit, ut ferè animam elideret. Adjutus tamen à circumstantibus, ut liberum à malo se vidit; eandem repetit cantilenam, sed infelicioe eventu. Iterum enim & arctius constrictis faucibus & gutture, horribiliter strangulatus interiit.

Obedientia  
foru.

6. Pragæ in Bohemia anno 1646 P. Gaspar Tausch, Prutenus, vir ab omnibus habitus pro Sancto. Spiritum ejus produunt piissima Opuscula edita, de Fontibus Salvatoris, de Matre dolorosa, & Christi Sapientia, seu Profundissima Humilitate. Obedientia perfectionem testata est porio medica, quam æger hausit. Quàmvis enim naturali horrore ita averfaretur medicinam omnem; ut, cum integris adhuc esset viribus, videretque vasculum, quo alteri ægro propinandum erat catapodium, mox omnibus viribus animoque fuerit deslitutus: nihilominus ubi ipsimet infirmo oblatus fuit calix hujusmodi hauriendus: Obediendum est, inquebat: hausitque incunctanter, sed non impetu uno, verum sorbillando, ut repetita victoriâ sese pervinceret. *Souvell. in bibl. oc.*

7. Monasterii in Westphalia anno 1632, victoriosa charitate inter funera peste afflictorum occubuit P. Theodorus Schnabelius, Germanus: quem eodem anno, aliis diebus, comitati sunt alii quatuor in Germania.

## XXVII. JULII.

S. Xaverio  
proficiscens in  
Indiam dan-  
tur diplomata.

1. **P**roficiscentem in Indiam S. Xaverium anno 1541, 7. Aprilis, Joannes Rex Lusitanus quadruplici instruxit Diplomate Pontificis, quibus Nuncius Apostolicus constituebatur, ut contra quosvis adversantes munitur, concessa amplissima potestate ad conservandam in India & propagandam Fidem Christianam & Religionem Catholicam. Omnia scripta & subscripta erant anno præterito diebus variis, Primum hoc die. *Bartolus in Vita lib. 1. num. 13.*

decretum de  
Beatificatione  
S. Ignatii.

2. Anno 1609, Paulus V. Pont. Max. decretum edidit de Beatificatione S. P. Ignatii, cum facultate dicendi de eodem Missam & Officium. *Nadasi in Indiae Memoriali.*

### Eodem die obierunt.

Biblia Poloni-  
ca.

Dextera incor-  
rupta.

3. Cracoviæ in Polonia, anno 1597, P. Jacobus Wujecus, Polonus, Literis Latinis, Græcis & Hebraicis egregie excultus, datus est volente Stephano Rege, Sigismundo Batoreo Transylvania Principi Instructor in literis ac pietate. Deinde gubernationi Collegiorum, domus Professæ Cracoviensis, & totius Provinciae admotus, & satis distinctus: à munere tamen concionandi & hæreticos insectandi & dictis & scriptis compluribus, nunquam cessavit. Biblia universa juxta vulgarem editionem, mandante Gregorio XIII, approbante Clemente VIII, in Polonicum idioma transtulit; Vir eximii animi dotibus, singulari doctrina, suavissima humanitate, ad animarum quaestum faciendum semper attentissimus. Dextera illius manus, quâ pro fide orthodoxa sciendo laboravit, aliquot à morte annis, consumpto reliquo corpore, inventa est incorrupta.

4. Ultrajecti in Belgio, anno 1612, P. Guilielmus Leonius, Belga. In Hollandia.

M. 10



Missione annos 22, pari labore, periculo & fructu laboravit, etiam turbatissimis temporibus feliciter piscari solitus. Orationis studio potissimum laboribus suis conciliabat efficaciam & proventum, visus aliquando coelesti luce circumfusus; qua illustratus etiam intima cordium subinde cognovit & aperuit.

*Labores su-  
vari di Ora-  
tione.*

1. Romæ, anno 1637, P. Joannes Gerardi, Anglus è prima nobilitate, alias Thomsonus dictus. Exercitus 18 annorum fructuosissimis laboribus, inter continua capitis discrimina, carceribus ærumnosissimis maceratus, equuleo aliquoties immaniter tortus, non solum tormentis non cessit; sed spontaneas in carceribus & inter tormenta adjiciebat mortificationes, jejunia, cilicia, & quotidianas flagellationes. Ulus tandem opportunitate, in libertatem se asseruit: verum ut pateret, non mortis metu, sed labores protrahendi studio; è carcere ipsum evasisse: Londinum post paucos dies rediit, repetiitque labores suos; donec acerrima in caput ejus facta inquisitione, & panis rebellium propositis iis, qui eum hospitio recepissent, post quærita aliquamdiu in sylvis latibula, coactus est cedere in Belgium; inde Romam, denique in ælum translatus.

*Tormenta  
mortificatione  
voluntaria  
audia.*

## XXVIII. JULII.

1. PIUS IV anno 1564, in frequenti Cardinalium Conventu retulit de Seminario Romano, si videretur, Societatis gubernationi tradendo: cumque omnes, nemine dissentiente, annuissent; Societati commissum est. Sed inde nova nec lenis orta est tempestas ab æmulis, scripti & sparsi libelli famosi in Societatem: ut vel munere commisso privaretur, vel saltem eo indigna videretur. Res eò evasit, ut Pontifex criminationes adversariorum, committeret Congregationi Cardinalium examinandas. Instituta cognitio, nec audito, nec monito, nec sciente Præposito Generali Lainio; vel altero quopiam è Societate. Nihilominus DEO pro servis suis stante, non solum absoluta est Societas, sed eximiis encomiis ornata à Judicibus. *Sac-*

*Libelli famosi  
in Societatem.*

2. Anno 1568, Abulæ in Hisp. S. Theresia epistolam dedit ad Christophorum Rodriquez de Moya, cupientem Virginibus discalceatis claustrum erigere, in quo degerent filia ipsius, dummodò possent esse sub directione Societatis. Scribit ergo ei S. Mater: Homines Societatis JESU sunt mei Patres, quibus post DEum debet anima mea bonum omne, si quod habet. Filiabus tuis afficior ex eo, quòd intelligam eas cum Patribus istis agere solitas: nec enim quævis, licet spirituales sint, illicò conveniunt nostro Instituto, nisi quibus illi à confessionibus sunt, quales sunt propemodum omnes Monasteriorum nostrorum alumnae. Equidem gratias ago DEO, quòd eorum, qui me genuere, Patrum Spiritus mea in coenobiis ab eisdem sit transfusus. Itaque Rndm9. Generalis noster, nuper hac transiens, ita præcepit

*S. Theresia  
affectus erga  
Societatem.*



cepit : ut Patres Societatis Exhortationes haberent ad nostras &c. *Gomez in Elog. part. 1. & Lancic. Tomo 2. Opusc. 17. c. 3.*

*S. Philippus  
Nerius voluit  
admitti ad  
Societatem.*

3. Anno 1636, A. R. P. N. Mutius Vitelliscus scripto testatus est : se ab ipsomet S. Philippo Nerio non semel audivisse : quod ipse ante fundatam Congregationem Oratorii, petierit à S. Ignatio admitti ad Societatem ; sed hunc certas ob causas recusasse. *Lancic. Opusc. cit. num. 197.*

*Eodem die obierunt.*

*Liberalitas in  
pauperes,*

4. Tornaci in Belgio, anno 1556, P. Quintinus Charlartus, Belga, etiam ante initam Societatem Sanctimoniam opinione celebris. Canonicus cum esset Tornacensis, domum non semel rediit sine calceis, subinde sine pallio, vel tunica, quibus pauperes egentes texerat. Noctu domos pauperum verecundorum, exemplo S. Nicolai visebat, & liberali manu juvabat. Tam præclara initia maximis incrementis in Societate promovit ; ut mereretur à S. P. Ignatio Romano Collegio præfici Rector. Denique heroicæ charitati in obsequio perstiterum cum duobus Sociis immortuus, cum esset, supra ipsius & Sociorum tumulum caelestes splendores, videre cives.

*Ultima cha-  
ritatis,*

5. Villagartiae in Hispania, anno 1580, P. Franciscus Cordubenſis, filius ducis Cardonæ. Cellitudinem generis profunditate humilitatis, & abnegationis sui longè superavit, editis admirandis contemptus sui exemplis. Si à quopiam minoris se fieri adverteret ; cum illo agebat frequentius & libentius. In tertiæ Probationis anno cum è pago porcellos Villagartiam ageret, ac eorum unum fessum videret, sublatum in humeros domum portavit ; ubi haram illis exstruxit, aluitque magnâ diligentia.

*Abnegatio sui  
singularis,*

6. Salmanticæ in Hisp. Joannes Ortunius, Scholasticus, Hispanus. De hoc agebat ejus in tyrocinio Magister, Balthasar Alvarez : nunquam se in Anachoretarum veterum vitis grandiora iis legisse, quàm in Joanne isto vidisset. Inter obedientiæ cæcæ exempla, & illa edidit : quod jussus expectare, sub dio perstiterit cælo asperrimo & nive cadente, perstiterus tota nocte, nisi repertus tandem & avocatus fuisset. Jussus certæ hortuli parti tres situlas aquæ quotidie aspergere ; id præstitit constanter etiam iis diebus, quibus copiosus imber cadebat.

*Novitius A-  
nachoreta ve-  
teribus par.*

*Obedientiæ  
cæcæ.*

## XXIX. JULII.

*Accessus in Si-  
nas non datur.*

**L**egatus Sebastiani regis Lusitanæ ad Imperatorem Sinarum, tres è Societate secum ducens, pro aperiendo aditu Evangelio in illud imperium, anno 1563, Amacaum feliciter appulit : quæ peninsula Provinciæ adjacet Cantonienſi, & nunc insigne emporium est Lusitanorum. Ubi Gubernatori Cantonienſi intimavit Legatus Lusitanus, petere se accessum ad regiam nomine Regis sui, & munera deferre Imperatori : suspecta res visa est Sinensibus. Missus ergo Amacaum Mandarinus, qui omnia exploraret ac referret, cum inter alia vidisset, quàm frequentes in æde sacra cultui divino adessent Lusitani, & quàm Patrum observantes ; dixisse fertur : Fieri non posse ut gens, quæ tantam DEI venerationem haberet, veritatem &

*æqui-*



æquitatem non colere. Nihil eo anno per Legationem istam promotum, Sinis suspiciosissimis omnia suspecta habentibus. *Sacchin. p. 2. hist. Soc. lib. 7. n. 128.*

2. In Gallia anno 1589, Collegio Burdigalensi exilium indicitur, nomine regis; quod Patres non regis partes, sed Fœderatorum principum, quæ pars Catholica dicebatur, sequi viderentur. Respondum est: Ex urbe egressuros se obedientes, eo lætos, quod noxæ nullius comperti essent; non enim sibi noxæ esse posse, quod parti Catholicæ adhærent, cum nulla regis injuria. Inter multas complorantium civium lacrymas excefferunt, solis, qui non deerant, tripudiantibus hæreticis. Sixtus V. Pontifex emigrationem laudavit; quod Patres majorem Religionis, quàm bonorum temporalium rationem habuerint; DEUS cum tentatione proventum dedit; siquidem & Burdigalæ honorificentius postea restituti sunt Socii, & in Civitatibus aliis duabus, Ausci & Petrocorii, quæ exules receperant, erecta sunt Collegia. *Sacchin. hist. Soc. p. 5. lib. 9. n. 139. Sc.*

*Exilium fructuosum.*

3. Romæ anno 1644 obiit Urbanus VIII Pont. Max: erga Societatem perquam benevolus. Inter cætera animi propensi monumenta dedit illud (cùm adhuc sub nomine Maphæi Barberini, Legatum Pontificium ageret ad regem Galliarum Henricum IV) quod, cùm vidisset adhuc stantem ante Palatium Senatorium infamem columnam, in dedecus Societatis ab hæreticis & de fide suspectis Senatoribus erectam, tam fortiter constanterq; causam Societatis egerit; ut rex eam everti ac dirui curaverit. *Imago 1. Soc. lib. 5. cap. 9.*

*Columna infamis Societatis diruitur.*

### *Eodem die obierunt.*

4. Toleti in Hispania, anno 1586, P. Joannes Manuel, Hispanus, insignis in pauperes & infirmos charitatis. Cùm domui Toleranæ præflet, atq; tres solum panes domi haberet; iussit, unum ex illis pauperi petenti dari; sed paulò post, antequam ad triclinium irent domestici, adfuit adolescens ignotus cum pluribus panibus, quos offerebat, nec prodere voluit, unde vel à quo veniret. Valetudinarios & infirmos, petebat ad se mitti P. Joannes, asserens: per hoc opus charitatis, & orationes eorum, benedictionem caelestem descensuram in domum totam, Mortui gloria dicitur cuidam divinitus manifestata.

*Liberalitas in pauperes.*

*Infirmorum cura utilis.*

5. Lima in America Peruana, anno 1611, P. Balthasar Pinna, Hispanus, innocentia vitæ, & prædicandi dono eximius. Vox ejus vox erat virtutis, non solum ex ore sonantis, sed maxime in moribus relucens. Unde passim alter Bernardinus, Vincentius, Ferrerius, imò Paulus dicebatur. Nec homines tantum habebat sui observantes, verum & aviculas, quæ subinde ad ipsum advolitabant, & sui securæ, humeris aut manui insidebant. Fructus, quem in animabus faciebat, permovit quendam; ut pro P. Balthasare, desperanter ægro, caput suum devoveret DEO. Auditus est: convaleuit Pater; morbus ad illum transit.

*Charitas erga ægrum & conversionem.*



*Christi patientis imitatio.*

6. Barroducti, anno 1632, P. Claudius Viola, Gallus. Certa Parisiensis Episcopatus spe posthabita, elegit abjectus esse in domo DEI. In se ipsum prope crudelis fuit. Abdens se in cubiculum, fumebat arundinem in manum, capiti impositâ coronâ spinâ: tum se chordis, mox virgis, deinde aculeis ferreis tam dirè cædebat; ut parietes sanguine largè aspergerentur; scilicet ad refundendum quodammodo Salvatori sanguinem pro se effusum. In arcano enim libello suo sæpe notaverat hæc tria: *IESVS, MARIA, Sanguis*. Peste infectis cum serviret, ejectum à quodam agro per vomitum, viaticum sacrum, intrepidus hausit.

### XXX. JULII.

*S. Ignatius proxi-  
mus morti  
peccat benedicti-  
onem & indul-  
gentiam.*

1. **R**omæ S. Pater noster, advertens imminere tabernaculi sui resolutionem, P. Polancum misit ad summum Pontificem, Paulum IV: ut sibi, & cuidam Sociorum, (Olavius is erat) propediem migraturis, benedictionem, & indulgentiam impetraret. *Orland, hist. Soc. p. 1. lib. 16. n. 96.*

*Infans loqui-  
tur.*

2. Calari in Sardinia pridie festi S. Ignatii Infans hætenus nondum locutus, disertis verbis pronunciavit. *Craftina die S. Ignatii solemniter celebrantur.* Nadaſi in Indice Memoriali, ex Escobar & Engelgrave Panthei parte 2.

*Imago Crucifixi sanguinem  
manat.*

3. Manresæ, anno 1627, Imago Crucifixi lapidea, quæ antè prope viam ducentem Barcinonem, steterat, nescio quo casu dejecta, à Thoma Faddreo Canonico in suas ædes deportata, & privatim culta est. Postea altiore instinctu impulsus idem Canonicus, majoris venerationis causâ eam Effigiem transtulit in specum Manresanam, in qua S. Ignatius initio conversionis suæ ad vitam perfectiorem, per annum commoratus est, & librum Exercitiorum spiritualium scripsit. Ad lavam altaris collocavit Imaginem Canonicus, addens fore, ut summis honoribus coleretur à tota vicinia: quod facile pro vaticinio acceptum est, ob notam hominis pietatem singularem. Anno igitur prædicto, dum sacri cantus pridie S. Ignatii in Sacello resonant, & stipant proximum altare, quotquot specum ingredi poterant: ecce tibi primum ex plaga lateris Crucifixi, deinde ex manibus, capitisque punctationibus tam recens sanguis promanat, ut vivi hominis videretur. Nihil omisſum diligentia ad deprehendendam ostenti novi causam; sed nihil deprehendi potuit præter miraculum divinum: de quo juridica testimonia deposuere sedecim testes, ex quibus Canonici duo, Doctores medici tres, Jurisperitus unus: & rubent hodieq; vestigia sanguinis, maxime à latere ad pedes deflui. *Bartol. in Vita S. Ign. lib. 1. n. 22.*

*Card. Bellarminus ad no-*

4. Romæ hic dies anno 1599, felix auspiciū dedit liberaliori, & magis publico cultui S. Patriarchæ Ignatii. Cardinalis enim Bellarminus, ut



ut in Sociis ardentiores erga Patrem accenderet affectus, ultro ad ipsos Exhortationem habere constituit; de qua cum inaudiisset Card. Cæsar Baronius, interesse & ipse voluit. Offendit luculenter Bellarminus, Ignatio nihil deesse, quominus in Album Sanctorum referatur. Finita exhortatione ad Præpositum Generalem Claudium, & Patres præsentem conversus Card. Baronius, amanter carpsit eorum nimis meticulosam & parcam erga Sanctum Patrem pietatem, quod sepulchro nec anathemata quædam, nec Effigiem ipsius appendissent. Afferri ergo voluit Iconem, eamque sine mora consensu scalis parieti sepulchrali affixit, unaque hinc inde anathemata, quæ piorum devotio antè obtulerat. Sic aucta populi pietate, & Sancto cælitus respondente piorum votis gratiarum cælestium largitione, processum postea est ad promovendam ejus Beatificationem. *Idem ibid. l. 4. n. 39.*

*Stros dicit exhortationem.*

*Card. Baronius sepulchro S. Ignatii appendit Iconem & anathemata.*

*Eodem die obierunt.*

5. Leodii, anno 1656, P. Petrus Halloix, Belga, vir antiquæ simplicitatis, sed eruditi ingenii. Tam rigidus in se ipsum, ut freno opus haberet. Humi ferè tantum somnum capiebat brevissimum. Dictitabat enim: Vigilare, esse quandam in carne cælestium spirituum, imò ipsius DEI, imitationem. Studia nunquam inchoabat, nisi pronuntiato hymno, *Veni Creator Spiritus*: suadebatque id aliis, asseverans; Studia bonum exitum non sortiri, nisi à DEO inchoentur, & ad illum referantur.

*Somnus brevis*

6. Romæ anno 1541, Marcus Laynez, Coadjutor. Hispanus. Patris Jacobi Laynez frater germanus. Audierat is, Jacobum novum quendam Clericorum Ordinem inivisse: unde animi anxius, ne quam in hæresim se implicaret Jacobus, per tres ipsos annos Symbolum Apostolorum pro illo in sacro quotidie recitabat. Romæ Societatem ingressus, egregium agebat religiosum. Vitâ sanctus, statim à funere P. Laynio comparuit, jussitque parentes de sua salute securos esse; Secum enim præclare agi.

*Charitas fraterna.*

XXXI. JULII.

I. **A** Ter omnino & nefastus dicendus nobis esset hic dies, qui universæ Societati, acerbissimo funere, Magnum Optimumque sustulit Parentem, anno 1556: sed quia eum intulit cælo, æterna coronandum gloria & honore, atque nobis luculentiùs inde prospecturum; fastus jam & festus dici & esse meretur. Obiit Pater Sanctissimus pretiosâ morte justorum, Spiritum suum & cælo transmittens ad gloriam; & in Constitutionibus suis, præstantissimisque virtutum exemplis relinquens filiis ad imitationem. Quanto nobis solatio pariter ac honori sit, hunc habere Patrem, disertè indicavit S. Philippus Neri, quando visis in templo Congregationis suæ duobus è nostris, rogavit: An essent de Societate? annuentibus illis, dixit: *Estis filii Magni Patris!* Illud igitur nobis incumbit: ut non degeneremus à præcellis

*Mors S. Ignatii*



eius cogitationibus & gestis, *Barthol. in Vita S. Ign.*

*Translatio cor-  
poris S. Ignatii.*

2. Eodem die anno 1568 à S. Francisco Borgia, Præposito Generali translatum est Sacrum Corpus S. Patris in aliam veteris templi partem: quod construendi novi templi Domus Professæ, fundamenta inciderent in Sacellum, ubi tumulatum fuit. Aderat Romæ P. Julius Mancinellus, magnus & miraculosis gratiis honoratus, DEI servus, qui omnino inscius Translationis, pridie quàm ea fieret, sub noctem audire cœpit cælestem musicam mira vocum & symphonix suavitate DEum laudantium; tenuitque totam noctem hic cantus, & partem diei sequentis, donec Translatio peracta esset. *Barthol. in Vita S. Ign. lib. 4. n. 39.*

*Brachium am-  
bustum sana-  
tur.*

3. Neapoli pro festivitate S. Ignatii solemnius celebranda, cujusdam ignes artificiosos præparantis, cum brachium corripuisset fortuitò incensus pulvis pyrius, ac fœdè ambussisset: mox S. Ignatii beneficio sanitati red- ditum est. *Lancicius tom. 2. pag. 613.*

*Joan. Berch-  
mans oratio.*

4. Die ejusdem festivitatis cum in Urbe Domus Professæ templum, & sepulchrum S. Patris devotè visitasset Angelicus juvenis Joannes Berchmans: in reditu rogatus à Socio, quam præcipuè gratiam flagitasset à S. Patre? Oravi, inquit, in Societate mori nulla unquam regulà violatà *Ceperius in Vita pag. 70.*

*Approbatio li-  
belli Exercitio-  
rum.*

5. Anno 1548 adhuc superstitè S. Patre, postulante S. Francisco Borgia tunc adhuc Gandiæ Duce, approbatus rite est à Paulo III. Pont. Max. Libellus Exercitiorum spiritualium à præfato S. Patre conscriptus, *Orland. hist. Soc. part. 1. lib. 8. n. 1.*

#### *Eodem die obierunt.*

*Gubernandi  
talentum.*

6. Romæ Natalis S. IGNATII Confessoris, Fundatoris Societatis JESU, sanctitate & miraculis clari, & Catholicæ Religionis ubique dilatandæ (prout habet Martyrologium Romanum) studiosissimi. Fundavit Societatem pari labore & gloriâ, allaborante Digito DEI. Unum hoc opus elogiorum omnium Ignatii grande compendium est. Miraculorum ejus innumerabilium, præsertim in juvandis pauperibus, maximum est Ipse, se ipso quotidie melior: quod rarissimum etiam in principibus Sanctorum. Studium dilatandæ Religionis prædicant Asia, magna sui parte sub jugum Christi missa, Africa domita, America exulta, Europa sanctior & doctior. Vitam laboriosissimam pro majore, & majore DEI gloria, gloriosè consummavit in domo Professæ Romana, Feria 6ta. anno 1566.

*Præpositura  
Generalis di-  
missa.*

7. Romæ anno 1664, P. Goswinus Nickel, Decimus Præpositus Generalis. Post complura Collegia, & inferioris Rheni Provinciam bis felicissimè gubernatam, datus Germaniæ Assisens, adeò virtutem suam, prudentiam & agendi dexteritatem probavit Præposito Generali Francisco Piccolomineo: ut in confinio mortis cum constituendo

Vica-



Vicarium Generalem, sic de ipso scripserit : *Societatem ei commendo, quem Vicarium nominabo, & iudico pariter aptissimum.* Summam Societatis Præfecturam ita egit ; ut meritò scripserit de ipso Eminentissimus dignitate & doctrinâ Cardinalis Sfortia Pallavicinus : *Eum præclarissimum de se iudicium à Societate universa, ab externis magnatibus, & à Magnatum Maximo reportasse.* Rexit enim subditi charus, imperantibus prolatus, successibus felix. Novennali regimine totius Societatis lassus & ætate morbisque ingravescentibus, cum se imparem tot laboribus videret ; à convocata Congregatione Generali petiit sibi dari Vicarium. Quo obtento, scilicet P. Joanne Paulo Oliva, triennio supervixit, sanctamque vitam sanctè conclusit.

8. Nangasachii in Japonia, anno 1633, Nicolaus Keyan Jucunanga, Japon. Scholasticus. Triennio literis Latinis imbutus, egregia virtute & gloriosa morte; illas ornavit. Primus, odio fidei, celebre illud Japonicum tormentum expertus est in scrobem à pedibus suspensus, capite deorsum vergente. Sed non defuit illi solatium & auxilium, DEipara Virgine cujus cultui addictissimus erat, identidem ipsum invisente, à suspendiario illo supplicio deponente ad quiescendum aliquantisper, imò & potu frigida indulgenter recreante ; donec quarta suspendii die invictum Spiritum traderet DEO.

*Vitima fidei.*

9. Castilione in Italia anno 1630, P. Petrus Justinellus, Italus. Precibus sterilis matris impetratus, DEoque à teneris oblatus, ad omnem pietatem etiam primordia vitæ composuit. Adolescentulus adhuc Sodalitatem quandam aliorum adolescentum conflavit, illique certas leges præscripsit. Igniculi isti pietatis in flammam ingentem eruperunt in Societate quæ Virum Apostolicum denique ad obsequia pelle insectorum abripuit, & mortali vitæ eripuit.

*Deipara V. reficit scientem.*

*Vitima charitatis.*

## AUGUSTI I.

1. **S**Accrum S. Patris corpus, cum pietati populi tantisper expositum esset, sub noctem tumulatur. Antequam sepulchro inferretur, puella strumis fœdè deformata, post inanem medicorum operam, tactu panniculi, quo usus erat Sanctus, in oculis multorum plenè sanata est. *Barrolus in Vita lib. 4. n. 38.*

2. Idem Sanctus anno 1526 hoc die Complutum venit, studiis literarum operam daturus: sed cum tunc temporis feriæ scholarum essent, partim excolendæ virtuti propriæ, partim proximorum salutis curandæ se dedit, imò & temporali pauperum inopiæ juvandæ per stipem corrogatam; quamvis ipse non minùs egeret. Degebat in hospitio pauperum; ubi cubiculum hospiti assignatum est, in quo nemo alius subsistere poterat, ob spectrorum infestationem. Hæc cum prima nocte in dormientem fecissent impetum. Ignatius è strato se proripuit, atq; in genua abjectus, sic infestam Orci turbam affatus est: Si vobis potestatis aliquid in me datum est, præstò sum, agite, quantum DEus vobis vult licere. Sin autem vobis nul-

*Spectra fugata.*



la data nocendi facultas, quò tanta vestrum turba? quò tanti strepitus & tericulamenta? Dixit & spectra in fugam acta, liberum ab eo tempore cubiculum reliquerunt. *Bartolus in Vita lib. 1. n. 32.*

*Lapis primus  
jactus pro  
templo Roma-  
no.*

*S. Franc. Bor-  
gia primam  
hostiam litat.*

3. Romæ Ludovicus Cardinalis Ludovisus anno 1626 primum jecit lapidem Templi amplissimi, pro Collegio Romano excitandi in honorem & titulum S. Ignatii. *Nadasi in Indice Memoriali.*

4. S. Franciscus Borgia primam DEO hostiam litaturus anno 1551, ut etiam hac occasione suam erga S. Ignatium testaretur observantiam, ad paternam ejus domum se contulit Lojolam; & in privato sacrario, quod ejus loci Domini ad id ornârunt, hoc die primum obtulit sacrificium, sine cantu musico & alia solemnitate. Alterum verò solemniter absolvit Vergara, loco fere 6 passuum millibus distante ab Lojolæ domo, coram frequentissima multitudine in campo aperto, quò concurrentem turbam templum, licet amplissimum, non caperet. Post sacrificium, novus mysta concionem dixit, magno animorum motu & fuscis lacrymis exceptam, quò non ore tantum, sed toto se concionaretur. *Orlandinus hist. Soc. p. 1. lib. 11. n. 51. &c.*

*Ritus bapti-  
smi.*

5. Goæ in India anno 1560, fabri murarii 150, circa novum templum laborantes, operâ Patris Diaz, qui fabricæ præerat, baptizati sunt, ex pagis autem duobus à P. Josepho Riberio septuaginta è primoribus virides manu ramos,serta autem in vertice gestantes, inter festum tympanorum fistularumq; pro more, sonum deducti sunt ad Proregem, aptandi sacro Fonti. *Sacchin. hist. Soc. p. 2. lib. 4. num. 254.*

#### *Eodem die obierunt.*

*Mortificatio  
sui.*

*Obedientia  
eximia.*

6. Romæ anno 1546, P. Petrus Faber, Allobrox, Primus S. Ignatii Socius, & Filius in Christo genitus, Missionibus, & Apostolicis laboribus per Hispaniam, Lusitaniam, Italiam, Germaniam clarissimus. Dum de vitæ statu deliberaret, Exercitiis S. Patris intentus, plures horas sub dio duxit in alta nive, perstititque totos 6 dies in perpetua inedia, absque cibo & potu; donec id vetuit Ignatius. Quâ tam heroica sui victoriâ sensit sibi divinitus abstersam omnem gulæ appetitionem, & scrupulos, quibus appetebatur. Plurimis & difficillimis exantlatis itineribus fidei & animarum causâ, accitus Romam à S. Ignatio, in ipso aestatis aestu, qui viatoribus Urbem ingredientibus fatalis esse solet, obedienter venit, & contracto morbo paulò post obiit. Post mortem personæ famâ sanctitatis conspicuæ in multa gloria apparuit, asserens, se obedientiæ studio mortem oppetiisse; multaque jucundè narravit de gaudio, quo propter id genus mortis fruere in celo.

7. Ibidem anno 1580, P. Everardus Mercurianus, Belga, Præpositus Generalis Quartus. Mentem S. Ignatii quo ad Institutum Societatis, tam scitè percallebat: ut  
Igna-



Ignatius in ipso redivivus videretur. Gubernavit Societatem sapientissimè annis septem; valebatque plurimum maturitate dicendi, scribendi, atque idoneos superiores & Concionatores formandi. A germano suo rogatus, ut suorum tenuitatem sublevaret; respondit; sibi non plus facultatum esse, quàm cuivis minimo Coadjutori.

8. Mussiponti anno 1633, P. Joannes Collignon, Gallus, humilitatis & charitatis studio insignis. Impensè studebat latere; ideoque nunquam se supra Grammaticæ institutionem erigi passus est, licet majora posset. Raro charitatis exemplo, undecies servivit peste laborantibus; & in extremo morbo querebatur, quòd domi in lectulo ignavus, non inter pestiferorum turbam, moreretur.

9. Londini in Anglià anno 1679, odio fidei suspensus & laniatus est P. Philippus Evan. *Hazart. in Abvend. 2. hist. Eccles. Angl.*

10. Vilnæ in Litvania, anno 1689, Ven. P. Thomas de Rupniew Ujeyski, Polonus; ex Episcopo Chyowiensi & Czernihoviensi, Societatis JESU Religiosus: delectus à Divina Providentia, ut novam in vario statu sanctè vivendi ideam exhiberet orbi, exprimeretque in se uno dotes omnes, sive in Aulico Christiano, sive in Senatore Regni, sive in Pontificum Regumque Ministro, sive in Prælato Ecclesiastico, & consummato Religioso desideratas. Dono pacificationis discordantium eximius, Sancti Episcopi titulum & populi & principum communi suffragio obtinuerat: verum ipse de se non aliter quàm de homuncione nihili, sentiebat semper, ac loquebatur. Societatem igitur sancto & indefesso ambitu appetiit: ut in ea tandem disceret, DEO servire. At consummatam Viri virtutem, vix anno tyrocini elapso, solemn Votorum quatuor Professione honoravit Joannes Paulus Oliva; & paulò post munere Præpositi Domus Professæ Vilnensis P. Carolus de Noyelle, Præpositi Generales. Plura & eximia dat Vita ejusdem à P. Joanne Brietio conscripta.

## II. AUGUSTI.

**A**Nno 1589 P. Robertus Personius, magnum illud in tempore turbidissimo Ecclesiæ Anglicanæ columen, Vallisoletum in Hispania venit, ad condendum ibi pro Anglicana Catholica juventute Seminarium. Quæ enim in Galliis extabant Remense & Augensè, nec capiebant multos, nec sufficiebant belli tempore alendis. Solicitandam igitur Catholici regis, Philippi pietatem ac liberalitatem putavit Personius: & res cessit è voto. Nam primo statim cum rege congressu, Seminariis illis Gallicanis opportuna exoravit subsidia; deinde cum demonstrâset, quàm opportuna esset exuli Anglicanæ juventuti Hispania, propter sinceritatem fidei, & florentia literarum studia; confestim rex, ut Vallisoleti erigeretur tale Seminarium, annuit, atq; in id Hospitalem domum S. Cosmæ contulit. Sed Sodalitate ejus domus difficultatem faciente, animum adjecit Personius ad commodiorem domum aliam conducendam, quæ esset Collegio vicinior. Negotium quoq; habuit cum Inquisitore, metuente; ne per eam occasionem hæretici irreperent in Hispaniam sub pallio Catholico. Valuit tamen Personius

*Gubernandi talentum.*

*Charitas erga egros.*

*Episcopi Religiosus.*

*Humilitas honorata.*

*Seminarium Anglicum.*



nii industria ad omnia dissipanda impedimenta, ita: ut eodem anno prope viginti juvenes Angli collecti sint in domum conductam; sequenti vero ad quadraginta numerus ascenderit, rege, proceribus & civibus tam largis in piam illam causam: ut denis aureorum millibus comparari potuerit domus, ac insuper certum vectigal annuum in sustentationem Alumnorum constitui. Administratio & regimen Seminarii Societati commissum. *Sacchin. hist. Soc. lib. 9. n. 192 &c.*

*Eodem die obierunt.*

*Vitima Fidei.*

2. Ikizuki in Japonia, anno 1590, P. Franciscus Carrion, Hispanus, strenuissimus in vinea Japonica operarius, Expectatam in Regno Bungeni mortem pro fide, reperit tandem Firandi: ubi post egregias de impietate reportatas victorias, per multis Christo aggregatis, infidelium odia incurrit; & veneno ab aliis propinato per triduum cruciatus, gloriosa morte extinctus est.

*DEipara cultor eximius.*

3. Tornaci in Belgio, anno 1644, P. Franciscus de la Croix, Belga. DEipara: V. addictissimus, de illa & sentiebat magnificentissimè, & scribebat suavissimè; ut testatur Hortulus ejus Marianus ferè omnium linguarum typis editus. Provinciae Praepositus ipsam ad illius pedes deposuit, ut tanquam suam regeret ac protegeret. Noctu à primo somno expergestus, surgebat, ac caeli Reginam carmine S. Casimiri salutabat. A Mutio Vitellesco Praeposito Generali, Angeli cognomentum tulit ob morum compositionem, & relucens in illis Angelicam quandam innocentiam.

*Angelus Religiosus.*

*Senum in Societate Decanus.*  
*Senatus regis.*  
*da.*

4. Halæ in Germania, P. Ernestus Mairhofer, Germanus, Sacerdotum omnium in Societate universa, quæ rescire licuit, antiquissimus. Vixit saeculum integrum absque biennio; in Societate annos 81, à suscepto Sacerdotio annos 68. Et tamen ætatis privilegio non ad laxandam, sed arctandam disciplinam utebatur, in Quadragesima nihil de rigore jejunii remittens, quot hebdomadis autem feriâ 4ta & Sabbatho jejunio consecratis.

III. AUGUSTI.

*S. Xaverij epistola de tuendis Christianis.*

I. S. Franciscus Xaverius anno 1544, Manapare in India Epistolam dedit ad P. Franciscum Mansillam, in ora Piscaria laborantem: in qua omnem paternam & maternam exprimit sollicitudinem in tuendis Christianis illis ab incursione Badagarum, feræ gentis, & latrociniis assuetæ. Monet ergo; ut, quoniam rumor spargitur de illorum excursione maturè conquirantur omnis generis navigia, in quæ tempestive se recipiant Christiani, conquiratur à Praefecto Lusitano majus munitumq; navigium, quod minora tueatur, ponantur idoneis locis speculatores non pauci, qui in horas, etiam de nocte nuncient, quid agatur. Addit deinde: sed cum hæc instantissimè commendaverit, parum ipsis fidas, censeo. Novi ego socordiam & tenacitatem ignavissimam istorum, quos duorum fanorum sumptum (genus est monetæ exiguæ) in tam necessarios vigiles facere, pig-

geat



geat. Tu ipse, per te, ac tibi fidos, vigila & cura, jam nunc deductis in mare cymbis, mulieres & parvulos imponi. Utêris etiam occasione tristici temporis; ut ad DEum recurrant. Magister orandi optimus, merus est. Antonium Fernandem (Præfectum Lusitanum) meo nomine adi, & adjura per quam mecum colit amicitiam, ut quantum meâ causâ vult, totum conferat in salutem miseræ istius plebis. Iterum, & super omnia inculco; effice, ut per noctes stent quidam in speculis, multisq; passim locis per totam oram. Sua vos DEus, qui una certa est, custodiâ defendat. Vale. *Epist. Novarum lib. 2. ep. 12.*

*Eodem die obierunt.*

2. Granatæ in Hispania, anno 1600, P. Petrus de Molina, Hispanus. In Missione ac maritima, item in Africa miro zeli religiosi ardore versatus, non paucos ad Christi fidem adduxit Mauros, Judæos, & alios. Granatam redux, ad Xenodochium illuc evolavit, ubi faucibus & gravi lue laborantibus, indefessè servientem, mors gloriosa oppressit. Secuti eum sunt simili munere & exitu P. Marcus Antonius & P. Franciscus de Cuellar. Omnes hi tres post mortem visi sunt in splendoribus Sanctorum.

*Victima charitatis splendida*

3. Eboraci in Anglia, anno 1643, P. Brianthus Cansfeldus, Anglus. Post multos gravesq; pro re Catholica exantlatos labores, inter sacrificandum deprehensus, & ad Judicem in sacrificiali veste raptus, opprobriis satiatus, conjectus est in carcerem, ibiq; pessimis modis habitus est. Dimissus quidem postea est, sed valetudine ærumnis carceris ita attrita; ut uno ferè post mense diem postremum obierit.

*Victima fidei*

4. Lovanii in Belgio. anno 1621, Martinus Becchaert, Scholasticus, Belga. Silentii per omne tempus adeò observans; ut nullo verbo illud violasse sit auditus. De se nunquam bene, de aliis nunquam malè locutus. Prima surgentis, & ultima vigilantis occupatio erat, à DEipara V. quam tenerrimè amabat colebatq; petere benedictionem, tanquam à Matre. Ternas & subinde quaternas horas in diem ducebat orando, amabili compositione piæ modestiæ. Festo quovis die, tribus sacrificiis intererat, & à sacra Synaxi percepta, tres horæ quadrantes in reddendis gratiis ponebat. Aiebat, quinq; se à DEO postulare. 1. Ut moreretur, antequam periculosis cum proximo congressibus involveretur. 2. Ut in Societate JESU. 3. Ut sibi bene compos.

*Lingua custodia*

*Mors ad votum obtemperata*

IV. AUGUSTI.

1. **C**elebris est hic dies festo S. Dominici, celeberrimi Ordinis Patriarchæ ac Fundatoris. Quanta inter eum & S. Patriarcham nostrum Ignatium intercedat necessitudo, aperuit DEus Marinæ de Escobar, divinis visionibus illustri; quando ei ostendit Sanctos Dominicum & Ignatium, in gloria cælesti, aureâ catenâ, utrumq; circumdante, colligatos. *Ludov. de Ponte in Vita Marina lib. 2. cap. 21.* Utinam in terris filii Ma-

*ss. Dominicus & Ignatius in calo neciuntur*



gnorum Patriarcharum simili Charitatis catenâ, indissolubili nodo, con-  
necterentur !

*Mors Sebastia-  
ni Regis Lusi-  
tania.*

*Affectus ejus  
erga Societa-  
tem.*

*Testimonium  
pro Missiona-  
rijs Sinensibus*

2. In Africa anno 1578 ingenti clade, in prælio cum Mauris, occu-  
buit Sebastianus, rex Lusitaniæ, juvenis annorum 24, indole planè regia,  
breve gentis suæ solatium, æternus dolor, etiam Societati nostræ, quam  
& æstimabat plurimum, & amabat tenerriimè; utpote à teneris ab ipsa  
educatus, & instructus literis atq; virtutibus Christiano rege dignis. Fun-  
davit illi in Insulis Collegia duo, in Brasilia tria, in India quatuor; Lusi-  
tana, quibus non satis provisum fuit, auctis redditibus firmavit. Dicere  
solebat: hoc genus hominum planè sui stomachi esse; qui illi detrahebant,  
impudentiæ mancipia appellabat. *Gomez in elog. Soc.*

3. Anno 1668 solidum ac illustre testimonium dedit hoc die R. P.  
Dominicus Sarpetri, seu à S. Petro, Ord. Prædic. de & pro Praxi Missio-  
nariorum nostrorum Sinensium, circa Confucium, & Parentes defunctos:  
quod scilicet PP. Societatis rectè permittant Sinis Christianis quosdam  
antiquissimos ritus, quibus Sinæ principem Philosophum suum, & Proge-  
nitores suos defunctos venerantur. Deinde contra eos, qui in Europa ma-  
lignè sparserunt, quòd Missionarii nostri Sinenses non prædicent Christum  
Crucifixum, addit: Fidem facio, quòd Patres Societatis JESU in hoc regno  
Sinarum, Christum Crucifixum non solum verbo, sed etiam multorum  
librorum voluminibus ethnicis annunciant; & de Sacræ Passionis myste-  
riis suos Neophytos diligenter instruunt; & in aliquibus Residentiis sint  
eiusdem sacre Passionis confraternitates erectæ &c. &c. Utrumq; punctum  
firmat addito juramento. *Ex Apologia edita Lovanii 1700 pro Decreto A-  
lexandri VII. Pontificis.*

*Eodem die obierunt.*

4. In Africa, anno 1578, P. Gaspar Mauritius Serpe, Lusitanus. In Africam  
*Vitima fidei* secutus Sebastianum regem Missionarius Castrensis, prædixit, eam sibi fore fatalem.  
*& charitatis.* Profligato exercitu Lusitano, capti Missionarii alij, sed servati, & ære postea redem-  
pti. Gaspari parcere noluit Maurus; quòd eum saucio militi aures dantem depre-  
hendisset. Unde eum canem Nazaraum appellans, quid isthic impietatis ageret in-  
terrogavit: & simul ipsi acinace caput bifariam fudit.

5. Pernambuci in Brasilia, anno 1633, simili ex causa, simili exitu vitam clausit  
*Vitima fidei* P. Antonius Bellavia, Italus. In prælio Lusitanorum contra Baravos hæreticos, licet  
*& charitatis.* glande saucius, operam consentienti saucio militi dabat. In hoc opere deprehensus à  
militè hæretico, aliquot in capite ac guttere acceptis vulneribus, occubuit. Fuit vic-  
tanta modestiæ suavitate amabilis: ut ea, quæ in illius mente atq; carne inerat inte-  
gerissima Virginitas, e vultu promicaret. Cum parvulus terram pede crebrius pulsa-



ret; rogatus à patre, cur id faceret, respondit: Se ad alterum illum mundum, qui infra nos esset, iturum. E scholis cum rediret, fœminæ aliæ alias invitabant, dicentes: Eamus, videamus parvulum Angelum, filium Bellaviæ. In Brasilia multam messem Ecclesiæ horreis intulit, visus subinde inter sacrificandum à terra sublimis.

*Parvulus gratus.*

6. Compluri in Hispania, anno 1565, Petrus Gomez, Hispanus, Coadjutor. Tanta accuratone & diligentia, sine spiritus tamen detrimento, rem œconomicam procurabat in prædiis; ut redux ad Collegium obvii Patres in ejus amplexum ruerent, tanquam gratissimi & amabilissimi hospitis. Quam charitatis teneritudinem videns vir quidam primæ notæ, animum ad ineundam Societatem adjecit, in qua tam bonum & jucundum est habitare fratres patresq; in unum.

*Charitas Exemplaris.*

7. Vilnæ in Litvania anno 1663, P. Michaël Ginkiewicz, Samogita. Pœnitentiarium Romæ ad S. Petrum egit septennio; Collegia in Provincia sua rexit, multa cum laude prudentiæ & charitatis Nesuisiense & Vilnense, Domos quoq; Professas Varšaviensem & Vilnensem. Conciones ad populum habuit tanta zeli Apostolici contentione: ut inter dicendum venam pectoris sibi ruperit. Decessit, eâ de sua Sanctitate relicta opinione: ut Illustrissimus Episcopus Vilnensis cum Prælati Cathedralibus Pontificali ritu funus deduxerit, atq; à Vice-Rectore extorserit: ut in defuncti cubiculo noctem transigere posset; recubueritq; ad spondam illius in terra. *Soutvellus in bibl. Soc.*

*Concionator zelosus.*

## V. AUGUSTI.

1. **G**regorius XIII Pont. Max. facultatem alienandi bona Domorum & Collegiorum, in evidentem Societatis utilitatem, concessam anno 1576. Præposito Generali per Constit. *Apostolicæ Sedis*, extendit anno 1582: ut ea alienatio, permutatio, imò & censuum redimibilium venditio, fieri possit etiam extrajudicialiter, ac summarie, personis sive Ecclesiasticis, sive sæcularibus: per Constit. *Ex debito pastoralis officii &c.* Ex literis Apost.

*Facultas alienandi bona.*

2. Ex Hispania anno 1574 solverant 7 Socii in Americam, qui scholis in Mexicano Collegio apertis, juventutem literis excolerent. Prospera primum usi navigatione, gravi tempestate excepti sunt hoc die, ad insulam Dominicam, ita; ut omnes ad præsentem mortem se compararent. Sed id præludium tantum erat mox secutura tempestatis & calamitatis, quæ ad insulam Jamaicam illos involvit. Cum enim adversi inter se concurrerent venti, immensæq; nunc aperirentur voragines, nunc montes aquarum attollerentur; pullabatur undiq; & lacerabatur navis, jamq; confractis malis, velisq; abreptis, à puppi tanto hiatu aperta est navis, ut mare fluminis instar sese infunderet. Nec melior aliarum ejusdem classis navium erat conditio: tres ante oculos suos pereuntes viderunt; aliæ in incertum dissipatæ. Accessit gravius malum fames, cibariis vel fluctuum vi ablatis, vel marinæ undæ saliedine corruptis; aquâ verò potabili ita pu-

*Periculum in mari.*



trefacta; ut cum ori admoberetur ad potandum, oporteret manu adducta praestruere nates; & hæc ipsa non nisi ex dimenso parçe dabatur. Desavit tandem post biduum tempestas; ea; fuit Divini Numinis bonitas ut ex malis omnibus eluctati Socii, salvi omnes pervenerint Mexicum. *Sacchin, bist. Soc. p. 4. lib. 2. n. 133.*

*Eodem die obierunt.*

*Mundi con-* 3. Panormi anno 1651 Cæsar Cajetanus, Italus, Novitius. Imagini ejus, Ro-  
*tempus.* mæ æri incisæ, cum legitima facultate, hæc cernitur subjecta epigraphæ: *Cæsar Ca-*  
*jetanus abbatia Cassari principatu, & sortini Marchionatu, suisq; contemptu clarissimus, ipso æ-*  
*tatis & fortuna flore, in Societatem Iesu, cui se devoverat, per ineluctabiles obices admissus est.*  
*Suspexit in eo vivente Roma positum perfecti mis tyrocinium; mortui reliquias collegit Panormus.*

*Victima fidei.* 4. Apud Hyroquæos in America odio fidei cæsum esse Fratrem Renatum, No-  
vitiæ Gallum, incerto die scripsit hoc die P. Isaacus Jogues, tormentorum ejus So-  
cius. Causa cædis fuit, quod visus esset pueri cujusdam frontem cruce signare.

*Theologia di-*  
*tradita.*

5. Compluti in Hisp. anno 1646, P. Gasparus Hurtadus, Hispanus. Post subli-  
mioris literaturæ Cathedras in Academia occupatas, Societatem ingressus, eximio  
animi candore, & religiosæ perfectionis splendore enituit; etiam in aula regia, nul-  
la mundanæ vanitatis fuligine infectus. Theologiam Scholasticam Murciæ, Madriti  
& Compluti, magna eruditionis famâ, annos 30 & amplius docuit, eamq; Tomis 8  
editis illustravit. *Soutwellus in bibl. Soc.*

6. Claudiopoli in Transylvania anno 1586 Adamus Tensier in obsequio pesti-  
ferorum fortem animam reddidit Creatori: quem ibidem partim antecesserunt, par-  
tim secuti sunt alii 19, qui vel externis, vel domesticis contagiosa lue laborantibus,  
strenuam impenderunt operam.

VI. AUGUSTI.

*Astritio &*  
*contritio.*

1. **A**Nno 1602 habita est coram Clemente VIII Congregatio & disputa-  
tio VI de Auxiliis Gratiæ, super hac Propositione Molinæ, sumpta  
ex disput. 14 memb. 1. *Negari non potest, complurium esse Scholasticorum*  
*sententiam, liberum arbitrium nostrum cum solo concursu generali, elicere*  
*posse actum non solum attritionis naturalem; id est, dolorem de peccatis ex*  
*DE amore, cum proposito amplius non peccandi lethaliter: sed etiam actum*  
*Contritionis naturalem, qui idem propositum non peccandi amplius letha-*  
*liter, includat.* Defendit Gregorius de Valentia eam propositionem, co-  
piosè adducendo authores, quos generatim citaverat Molina, scilicet S.  
Thomam, D. Bonaventuram, Scotum, Cajetanum, Sotum, Gabrielem, Oc-  
kamum, Paludanum, Richardum, Victoriæ, & plures alios. Quando igitur  
adversarius de Lemos opposuit; *Assertionem talem Pelagianam esse:*  
vel ex imperitia, vel ex præcipiti zelo non advertit; quibus, & quantis  
Doctoribus eam calumniam importaret. *Eleuther. de Auxiliis lib. 5. cap. 9.*

*Eodem*



*Eodem die obierunt.*

2. Viennæ Austriæ, anno 1552 P. Claudius Jajus, Allobrox, [unus è decem primis Societatis Patribus, sapientiâ, modestiâ, humilitate, & animarum zelo clarissimus. Petrus Canisius illum vocabat Germaniæ Apostolum, alii Patrem Patronumq; Catholicorum dixere. Consummata ejus virtus meruit oblati Episcopatibus, Tergestino ac Viennensi honorari, sed quos ille humiliter fortiterq; detrectavit. Placidum illi, & promptum facundumq; ingenium, atq; ab omni fastu sabhorrens: vultus hilaris, gestus modestus; quibus facilis illi ad aures animosq; hæreticorum factus est aditus.

*Pralatura contemptus.*

3. Sassari in Sardinia, anno 1608, P. Joannes Sebastianus à Campo, Sardus. Beatissimam V. incomparabili prosequabatur amore atq; cultu. Sabbatis omnibus ab occasu solis ad subsequens usq; diei gallicinium, flexis genibus nudoq; capite, etiam rigente hyeme, coram ejus imagine, in Nosocomio, orando persistebat. Transigebat jejunio dies Veneris & Sabbati per totum annum: Quadragesimæ verò tempore nullum aliud obsonium, præter panem & aquam in prandio adhibebat. Captivus à Mauris in Africam ductus, monitus est à DEipara, ut cæteris captivis Christianis in fide stabiliendis omnem operam impenderet; diciturq; Rosaria plena manu obtulisse, quæ P. Joannes inter Christianos distribueret.

*Sabbati Mariani cultus.*

*Jejunium rigidum in Quadr.*

*DEipara V. animarum amans.*

4. Hispali in Hispania, anno 1627, Antonius de Leon, Hispanus, Coadjutor, fortiter defensæ pudicitiae suæ laude insignis. Cum procacem foeminam sollicitantem se ad scelus, acriter repulisset; impatiens illa insolitæ repulsæ, amasium quandam suum induxit, ut Antonio vel mortis metu extorqueret assensum. Quæsitâ, & reperiata est opportunitas id patrândi. Deprehensus in arcto Antonius, non diu deliberavit, sed sine mora procubuit in genua, & cervicem nudavit ad fatalem ictum. Obstupuit tantam virtutem muliercula, procumq; monuit: ut viro Sancto negotium non faceret. Sic Antonius superstes & castus triumphavit.

*Castitas fortiter defensâ.*

AUGUSTI VII.

1. Romæ anno 1606 Sacra Congregatio Indicis confixit Volumen quoddam de censuris Ecclesiasticis, sub nomine Francisci Suarez typis editum, Venetiis, eodem anno apud Joannem Antonium &c. Scripsit quidem P. Suarez Volumen *de Censuris*, & aliud *de Immunitate Ecclesiastica*, occasione Controversiarum tunc ferventium inter Sedem Apostolicam & Remp. Venetam; quod Author Paulo V. Pont. Max. obtulit, & Pontifex per Breve significavit, sibi pergratum esse, extatq; hodie exemplum M. S. in Bibliotheca Barberina: Sed quispiam adversæ partis, ut causæ suæ auctoritatem conciliaret à tanti nominis Doctore, Venetiis imprimi curavit. Tomum Suarezii *de Censuris*, antea impressum Moguntiae, apposuitque, quod in rem Venetam facere posset; ac sustulit, quod incommodare videbatur. Hujus igitur editionis Exemplaria prohibuit S. Congregatio, donec restituerentur folia & loca, quæ adempta erant, *Massejus in Vita Suarezii*.

*Liber confixus sub nomine Francisci Suarez editus.*



rexii, cap. 12. & Soutvellus in Bibl. Soc.

CARCEr OMNIB.  
RANUS.

2. In Japonia anno 1619 P. Carolus Spinola & alii pro Christo captivi, compacti sunt in novum, eumq; ærumnosissimum, carcerem Omuræ. Non ex muro, vel lignis bene inter se commissis, sed ex palis erectis, quorum alter ab altero duobus distabat digitis, confectus fuit, ut captivi æstu, frigore, ventis & imbribus continuò macerarentur. Latitudo hujus ergastuli erant palmi 16, longitudo 24: unde tantis arctabantur angustiis captivi; ut ex octo supra viginti quisq; vix duorum palmorum & trientis spatium occuparet; quanquam nec hoc concessum fuit, quando numerus captivorum auctus est ad tres supra triginta. Nec pro somno se extendere licebat; nec quisquam agere poterat quidquam, etiam in necessariis naturæ, nisi testibus omnibus. Cibus dabatur tam parvus, ut ægrè mortem, famem nullatenus arceret. In hujus ergastuli conspectum ubi 7 Augusti venerunt Christi Confessores: in carmen Davidicum eruperunt: *Letatus sum in his, quæ dicta sunt mihi: in domum Domini ibimus!* Adidit P. Carolus: *Hæc requies mea in sæculum sæculi: hic habitabo, quoniam elegi eam.* Toleravit has ærumnas annis circiter quatuor, uno vel maxime illo solatio se sustentans, quòd quotidie in ipso carcere sacrificare posset; nec dissimulare potuit, quin literis ad P. Vieram datis testaretur; carcerem illum eam ob causam sibi Paradisum videri, *Ambrosius Spinola in Vita cap. 14.*

*Eodem die obierunt.*

Storificatio  
pro obstinatis

3. Tolosæ in Gallia, anno 1598, P. Sabastianus Molinæus, Belga, mirus tractandorum animorum artifex. Dicitur vix ullum tam perversum fuisse ingenium; quod ille aggressus, non molliverit tandem, atq; in sua vota flexerit. Ita se coram DEO, & coram eo, cum quo tractabat, in omnes partes artesq; versabat. Potissimum autem voci suæ dabat vocem virtutis per acrem sui castigationem pro pœnitentibus suis, aut aliis obstinatis susceptam. Pro quadam obstinatore cervice subigenda mille acerrimos ictus sibi infixit: & cessit illa tandem.

Procurator e-  
mptus.

4. Madriti in Hisp. anno 1662, P. Didacus de Castillo, Hispanus, Procuratorum Societatis accuratissima Idea, Procuratoris officium per ipsos 35 annos ita tractavit: ut non solum religiosum non exuerit; sed in turba curarum æconomicarum egregiè perfecerit, præsertim orandi, & se acriter afflicti studio, propter quod tyrannus sui dicebatur. Per annos 44, quibus in Societate vixit, nunquam lectulum vel culcitram admisit sanus; nec vino unquam usus est, nisi æger, idque medici jussu. Tam accuratè omnes officii sui partes obibat; ut nunquam vel ad obolum exerrasse sit notatus; tantaque fide cum creditoribus suis agebat: ut sine ulla chirographi obligatione promptos reperiret, qui ei mutuum darent. Silentibus tribunalibus adeò scite se ad sanctum solitudinis silentium componebat: ut Anachoretæ nomen invenerit.

s. Bur-



5. Burdigalæ in Gallia, anno 1571, P. Carolus Sanguinot, Gallus. Cùm ei in aula Ducis Lotharingæ florentissima fortuna arrideret, jamq; cum sponsa se digna nuptias celebraret: exemplo S. Alexii, ipsa nuptiarum nocte illam reliquit, atque in Societatem se recepit: ubi tantis initijs pares, in virtute, progressus fecit; liquidissimis cœli gaudiis in morte, quam ante annum prædixerat, perfulsus.

*Alexius novus*

6. Messanæ in Sicilia, anno 1551, Joannes Antonius, Novitius, Italus. Omnium virtutum, sed maximè obedientiæ studio addictus; cùm in supremo morbo rogetur: Quid sibi à DEO impetrari à præsentium fratrum corona perciperet? Respondit: Ut ejus de me voluntas usquequaq; fiat. Quoties petebatur, quid sibi fieri vellet? Non aliud, inquebat, quàm quod Obedientiæ placuisset. Interroganti, quid ipsi in eo articulo maximo solatio esset? Obedientiæ respondit. In qua virtute vellet vel maximè profecisse? In Obedientiâ, dixit. Jussus explicare fratri cuidam, in quo ipsum cuperet excellere? In Obedientiâ, reposuit: Quando vellet vitam finire interrogatus, dixit. Cùm primùm venia data fuerit. Idem cùm quæreret Tyronum Magister, P. Cornelius Vishavæus; respondit Joannes: Cùm tu, Pater, veniam dederis. Veniam se dare, subjunxit Cornelius, pro prima vel altera hora dici: & Joannes, vorus Obedientiæ filius, altera diei horâ expiravit. Ante mortem quò acrius infestatus est à dæmone: eò gloriosiores locutus Vir obediens victorias, Videre potest Orlandinus hist. Soc. p. 1. lib. 11 n. 19.

*Obedientiæ flammam admiranda.*

### VIII. AUGUSTI.

1. **A** Nno 1560 suscepta est à Societate Missio in Cyprum, præmissa P. Missio in Cyprum.

Emmanuele de Monte majore Lusitano, unà cum Socio Clemente; Navim conscenderunt Venetiis sine ullo ad navigationem apparatu, DEI penu & arcâ freti: qui famulis suis ita non defuit, ut etiam abundarent, & in egentes possent esse liberales. In Cypro confusio quædam erat Religionum. Nobiles viri pleriq; ritum observabant Latinum, foemina Græcum, Maronitæ suum, suos quoq; Jacobitæ, Cophti, Armeni sub Episcopis suis. In eadem familia, & intra parietes eisdem, vir, uxor, liberi, alii alios profitebantur ritus, fere nullum integrè & constanter. In tanta confusione cùm adverteret P. Emmanuel, se parum promoturum; ex voluntate Archiepiscopi adjecit animum ad Clerum instituendum & reformatum. habitis in palatio illius certis diebus adhortationibus, & Catechismi explicationibus; atq; Præfulem juvandum in visitandis Ecclesiis. Pro Collegio erigendo nondum visa res matura: nec multum profuisset, siquidem decennio post nobilissimum illud regnum in suam potestatem redegerunt Turcæ. *Sacchin: hist. Soc. lib. 4, n. 48. p. 2.*

2. Anno eodem tanta fuit, in India Orientali, locis Goæ vicinis, ubertas messis; ut ad eam colligendam totum mensem studia philosophica, & ex parte Humanitatis, in Collegio Goano intermittere debuerint. In

*Messis copiosa.*

*in fine.*



insula Ciorano, præsentibus Prorege, Patriarcha & Præposito Provinciali, mille ducenti hoc die baptismo expiati sunt. Post dies octo, in festo Assumptionis DEiparæ V. apud Divarenfes mille quingenti quinq; Ecclesiæ Christi aggregati sunt; octoginta pueri, quos parentes primùm subduxerant, ne baptizarentur, mutato postmodum consilio, oblatis sunt ad baptismum. *Idem ibid. n. 255.*

*Eodem die obierunt.*

*Mori iuventa*

3. Burgis in Hispania, anno 1643, P. Sebastianus Sarmiento, Hispanus, potens ore ac opere Concionator atq; Missionarius. Illustrissimum sanguinem illustriore virtute ornavit. In dæmones, quos infestissimos patiebatur, mirum exercuit imperium. Moriens Christi ac DEiparæ V. Spectabili præsentia, atq; Angelorum cantu recreatus est: quorum dulcissimâ symphoniam etiam antè, absterfo gravi mœrore ex serupulis contracto, anima ejus liquefacta fuit. Quin & aviculam ad se recreandum promptam habuit. Cùm enim aliquando incidisset in pueros ludum sibi ex avicula filo alligata facientes: cui demum & plumas evelebant, misellam enecturi; rogavit Pater, ne id agerent, sed liberam, ad laudes DEo canendas dimitterent. Parvère parvuli: & avicula illa deinceps ad Patris conclave identidem advolans, totis diebus accinebat; veluti pro servata sibi virâ grates rependens.

*Avicula grata*

*Vita prorogata  
à Christo D.*

4. Marchenæ in Hisp, anno 1662, P. Ximenius Bertendona, Hispanus. Charitate erga sanos & ægros, ac singulari ad inveniendas ubiq; se demittendi artes ingenio, fuit conspicuus. Inter orandum caelestes delicias delibabat, quas potissimum inveniebat ad pedes Crucifixi Salvatoris. Cùm peste afflatus decumberet, vidit cum lectulo adstantem amabili majestate, auditq; dicentem: *Ego veni, ut vitam habeant, & abundantius habeant.* Quibus verbis vis mali compressa est, ac deinde prillina reddita valetudo.

*DEipara moribundum tuetur.*

1. Cracoviæ in Polonia, anno 1636, Laurentius Gorczyn, Coadjutor, Polonus. Invitatus à P. Provinciali ad sortem Sacerdotum, maluit abjectus vivere in domo DEI. Cùm aliquando post S. Synaxim se attentius colligeret; moneri se sensit de morte post annum oppetenda, & quotidie recitando DEiparæ V. officio pro felici morte. Paruit; & anno transacto ad extrema devenit. Suprema nocte infestum habuit dæmonem: contra quem jussus DEiparæ opem implorare, videbatur illam videre præsentem, dū auditus est, eam sic alloqui: Ubi eras, o Domina? Hostis meus, suis me voluit laqueis implicare. At tibi acceptam reddo de hoste victoriam. Quibus dictis placide conquievit.

IX. AUGUSTI.

*S. Ignatii opem  
mulier sanata*

1. ANno 1601 S. P. N. Ignatius integram ægræ matronæ contulit sanitatem in insula Majorica. Laborabat illa dirâ chiragrâ, tam & fœdo periculosoq; apostemate: ut medici inutilem suam operam videntes, eam prorsus deseruerint. Humani igitur inops remedii, intercessorem apud DEum invocat S. Ignatium, se illi ex animo committit, spondens; si per eum sanaretur; novemdiâli precatione se aram ejus veneraturam. Aderat

terti-



tertius à promisso dies, Augusti nonus: cum se chiragræ ulcerisq; exper-  
tem, integrè perlanatam est admirata. *Barolus in Vita S. Ign. lib. 5. n. 24.*

2. Post beatum transitum S. Patris, cum anno 1557 Jacobus Lainius  
regeret Societatem ut Vicarius, donec eligeretur Præpositus: quidam cum  
Bobadilla malè contenti de eo regimine turbas ciebant, recurrentes ad Car-  
dinalem Carpenssem tanquam arbitrum causæ. Cardinalis pronunciavit: ut  
Lainius Societatem gubernaret, adhibitis ad consilium primis Patribus, a-  
liisq; Professis. Vocati hoc die ad consilium Patres Congregati, super eo  
decreto, pleriq; censuerunt, standum esse Cardinalis decreto propter bo-  
num pacis; quamvis instituto nostro conforme non sit, ut præter Consul-  
tores ordinarios, Professi alii adhibeantur ad consilia. *Sacchin. hist. Soc.  
p. 2. lib. 1. n. 84.*

*P. Lainius ju-  
betur guber-  
nare Societate.*

*Eodem die obierunt.*

3. In Bohemia, anno 1629, P. Mathias Burnatius, Germanus, zelosus per Bo-  
hemiam, & admodum fructuosus Missionarius. Propter spolia animarum hæresi de-  
tracta, à rusticis hæreticis quæsitus ad necem, accepto in capite vulnere, furcâ con-  
fossus, & glande plumbea trajectus, occubuit.

*Victima fides.*

4. Antverpiæ in Belgio, anno 1613, P. Joannes David, Belga. Ante initam Soci-  
etatem, Contraci in patria sua facundum, & tam zelosum agebat Curionem: ut ab  
hæreticis ter ex Urbe proscriptus fuerit. Tanta illi pudicitia, & integerrima &  
sana cura fuit: ut nec Matris admiserit contubernium. Durus illi ac vilis lectulus;  
& penes hunc locus sepulchralis ad mortis memoriam refricandam. Gandavi San-  
ctorum statuas ab Iconomachis hæreticis dejectas, quâ publicis, quâ privatis impen-  
sis restitui fecit: ubiq; & dicendi & scribendi labore indefessus. Libros & libellos  
supra viginti, ab ipso editos, recenset Soutvellus in bibliotheca Societatis. Quos  
contra hæreticos scripsit, acris & faceti ingenii salibus condixit: quos autem pro  
Catholicis; eos iconibus elegantibus illustravit.

*Fœminarum  
juga.*

*Mortis memo-  
ria.*

**X. AUGUSTI.**

**R** Omæ in domo Probationis, anno 1568, festum inclyti Martyris S.  
Laurentii, singulari pietate celebravit B. Stanislaus Kostka; utpote  
qui ipsi consueta Sanctorum fortitione, obtigerat in Patronum ejus men-  
sis, quem non nesciebat sibi esse supremum & fatalem. Pridie festi conve-  
nerat Rectorem, recensendo non pauca devotionis & mortificationis exer-  
citia, quibus sequentem diem celebraret. Concessa pauca quædam: inter  
cætera, ut in triclinio publicè in se flagello adverteret, & studio Humi-  
litis coquo in culina operam præstaret sequenti die. Ipso igitur festo  
post obita rite divina, omne matutinum tempus, coquo administer, ex-  
egit. Secundum prandium interrogatus publicè à Novitiorum Magistro,

*S. Laurentius  
cultus à S. Sta-  
nislao Kostka.*



quid inter labores matutinos animo agitallet? respondit: ex culinæ igne, quem habuerat in conspectu, venisse se in considerationem ignis, quo S. Martyr tostus fuerat. *Sacchin. hist. Soc. lib. 4. n. 89. p. 3.*

*Missio in Sue-  
cia fructu ca-  
ret.*

2. In Sueciam institutæ Missioni optatus eventus non respondit anno 1580. Nihil omiserat laboris & industriæ P. Antonius Possevinus; ut rem Catholicam ibi promoveret. Sed rex seditionem populû prætendens, & jam nimium devinctus sectariis, nihil admittebat sanorum consilio- rum. Ergo Possevinus, videns nullam superesse spem operæ cum pretio ponendæ in Suecia: modestè, atq; ita, ut relinqueret commercio paten- tem viam, & infixos in animo regis acres aculeos, relictis etiam scripto- responsionibus ad multas ejus quæstiones, commeatum petiit, discessitq; ipso S. Laurentii festo è Suecia. *Idem p. 4. hist. Soc. lib. 8. n. 149.*

*S. Xaverio vo-  
ta persoluit.*

3. Potamî in Calabria Vincentius Marinus voti reum se stitit S. Xa- verio, ob equum suum non sine prodigio sanatum. Idem ibidem egit hac die matrona nobilis Dna Isabella Galeri, recepta ope S. Apostoli Indorum valetudine jam desperata. *Ex lib. Mirac. Potam. n. 227. & 228.*

#### *Eodem die obierunt.*

*Operarius mi-  
rè Fructuosus.*

4. In nova Francia, anno 1661, P. Renatus Menard. Gallus. Algoquinos, Huro- nes, Iroquæos crudissimè barbaros, excoluit tanto fructu: ut *Fructuosus* cognomen apud Socios fuerit consecutus. Singulis noctibus tres dabat horas orationi, nuda hu- mo contentus pro lectulo, per plures annos nullam panis micam, nullam vini guttam gustavit. Vidit lætus ardentem rogam, quem illi comburendo extruxerant barbari. Famem diurnam, crebraq; naufragia perpessus, deniq; in arduo ad Hurones itine- re, vel ærumnis confectus, vel à barbaris, ut indicia quædam prodebant, interemptus.

*Mortificatio  
gula rigida.*

*Mortificatio  
humilis.*

5. Goæ in India Orientali, anno 1572, P. Melchior Nunnez, Lusitanus. In ipso limite tyrocini Societatis insignem de se reportavit victoriam, quando Nobilissimus adolescens Vervecem humeris per urbem frequentissimam portavit. In India, Japonia, Sini, multa & ardua Apostolico spiritu gessit, toleravitq;. In Sinarum portu intel- lexit apud quendam, qui morienti S. Xaverio adfuerat, detineri lipsantheccam, quam Sanctus de collo gestaverat, multis egit, ut tam nobile pignus ab eo extorqueret. Aeneum ac rude receptaculum erat, in quo continebatur perexiguum quiddam de lipsanis S. Thomæ Apostoli, Nomen S. Ignatii ex ejus Epistola resectum, & Professio ipsius manu exarata.

*Ultima fides.*

6. Iconiscimæ in Japonia, anno 1622, Augustinus Ota, Japon, Catechista impiger, & planè religiosus. Socius in carcere fuit P. Camilli Constantii; quo flammis con- sumpto, Augustinus cum pluribus aliis securi percussus, victima fidei cecidit.

### XI. AUGUSTI.

*Vota simplicia.*

1. IN Congregatione I. Generali, anno 1558 propositum fuit: quomodo Iocurrendum esset illi incommodo, quod ex votis simplicibus Coad- juto-



tutorum & Scholasticorum nasci posset; cum illi post emissā talia vota, possint, licet peccent, uxorem ducere, & matrimonium erit validum? unde querebatur ulterius; an consultum esset, tria vota solemnia emitte aliquando hujusmodi fratres? Statutum fuit: nihil immutandum esse de Constitutionibus, vel de ratione votorum simplicium. Si quid autem incommodi inde accideret; ut pro re nata provideretur: & ita exclusum fuit, quod de Professione dicebatur. *Congreg. 1. decretum 94.* Postea anno 1584 Gregorius XIII, per Constitutionem *Ascendente Domino*, statuit: ut Votum simplex Castitatis in Societate emissum post biennium tyrocinii, esset impedimentum dirimens Matrimonium, ideoq; Matrimonium jam non tenet, nisi contractum sit post legitimam à Societate dimissionem.

Votum simplex castitatis.

2. Potami insigni miraculo liberata est, à 5 Orci satellitibus inleſsa puella ab annis septem. Ducta primum est ad S. Dominicum de Soriano, celeberrimum à multitudine & magnitudine miraculorum. Sed Sanctus hic, sicut & alii, eum honorem detulit S. Indiarum Apostolo. Cum enim Patres Prædicatores inter exorcismos invocarent Sanctos varios, pacata fuit puella: ubi autem S. Xaverius nominatus est, tam enormiter vociferati sunt Tartarei inquilini; ut templum ruere videretur. Suaserunt ergo prudenter, ut Potamum ad S. Xaverium duceretur. Cui loco cum appropinquasset puella, vix à multis validisq; detineri poterat, quin inde se proriperet, & in fugam daret. Inducta in templum, feliciter nec magno negotio, ope Sancti liberata est. *Ex libro Mirac. Potam: num. 55.*

S. Xaverij ope puella à demonibus liberata.

*Eodem die obierunt.*

3. In Anglia anno 1650, P. Matthæus Grimes Bazier, Gallus. Impigrum, sagax, & ad sacras operas planè factum ingenium, diu exploratorum solertiam exercuit, & elusit. Tandem tentus, ærumnis carceris consumptus est; lætus, quod in tam nobili causa captivus moreretur; sed moestus, quod morte incurta.

Victima fidei.

4. Lugduni in Gallia, anno 1617, Franciscus Caguinus, Coadjutor, Gallus. Innocens illi ac tenera in Societate conscientia; sed de anteaſtæ vitæ peccatis sollicitus, dentium dolor aliquem à DEo pro illis expiandis petiit: & repentinus, idemq; acerrimus, dentium dolor eum invalit. Nihil ei petenti negatum à DEo ferunt: inter quæ illud est: ut in Societate tot annos viveret, quot vixerat in sæculo. Petiit, & impetravit.

Dentium dolor pro peccatis.

Oratio effluens

5. Mindanai in Philippinis insulis anno 1596, P. Joannes à Campo, Hispanus, vir eximius incredibili pietatis fervore, dexteritate, comitate, laboribus, obedientia, & victoriis de se ipſo relatis. Virtutem ejus eximiam, etiam cum adhuc in Hispania degeret, honoravit DEus multis visis cælestibus, quibus ne nimium fideret, cum muneretur à P. Ludovico de Ponte, Alceta perissillimo, ideoq; visa sua tacitus ipse examinarer, sensit à DEo sibi dici: Si tibi esurienti ramus fructibus onustus offeratur, quid agis? Respondit Joannes: Fructus lego, & comedo, ramum abjicio. Atq; hoc

In visionibus quid agendum?



ipsum agebat Dominus, tibi agendum est cum his. E visis hisce fructus lege; discce humilitatem, patientiam, aliasq; virtutes; & reliquis de visione cogitationibus superse-  
deas. Vitam agebat omnium horarum ad sacras expeditiones, & nutum obedientiæ.  
Diebus festis duabus ante alios horis surgebat: ut excurreret extra urbem pro ani-  
mabus juvandis. Tandem Philippinas impetravit, ibiq; sanctè decessit.

S. Angeli Cust.  
auxilium.

6. Wartenbergæ in Silesia anno 1651, P. Julius Cæsar Coturius, Belga, parvuli  
JESU cultui eximie addictus. Festis ejus Natalitiis quotidie per dimidiam horam in  
cubiculo prostratus cum adorabat. Novædomi Rector cum esset, in gravi penuria  
Collegii opem S. Angeli Cust. imploravit; & pecuniam reperit in pluteo, ubi nullam  
antea posuerat, vel viderat. Glacii peste infectis salvus servivit: Wratislaviæ Rector,  
per orationem totis noctibus protractam, de hæreticorum machinis triumphavit.

## XII. AUGUSTI.

1. **H**eri liberata à quinq; tyrannis Stygiis puella, hodie Confessione ex-  
piata, & S. Communione refecta, Sospitatori suo S. Xaverio mul-  
tas gratias egit, publicè contestata; quòd ante liberationem tribus nocti-  
bus ei apparuisset Sanctus, superpelliceo & stolâ vestitus, dicens: Ego  
Franciscus vocor: Potamum perge, me ibidem veneratura; & gratiam  
impetrabis integræ sanitatis. *Ex lib. heri cit.*

Epistola pro  
doctrina Mo-  
lina.

2. In Hispania anno 1600 insignem Epistolam in favorem P. Moli-  
næ & Libri ejus dedit A. R. P. Aquilinus Antolinez Augustinianus, qui  
postquam primarius in Academia Salmanticensi fuisset Theologiæ Pro-  
fessor, ad Compostellanum Archiepiscopatum evectus est. Scripsit autem  
Romam ad R. Patrem Gregorium Nugnez Coronellum, familiæ Augu-  
stinianæ Lusitanicæ Procuratorem Generalem, & Congregationum de  
Auxiliis Secretarium. Orsus est epistolam sic: Gratia Christi &c. Intelli-  
go, de novo tractari in urbe, ut ad castigationem & censuram revoco-  
tur *Concordia* P. Doctoris Molina: pro quo doleo, ejus doctrinam, jam  
in tranquillitate positam, novis quassari procellis. Hoc ausim Vestræ Pa-  
ternitati fidenter testari: ejus opiniones in hac Academia, & in hac nostri  
Ordinis provincia, tanto cum plausu admittas: ut vix sit, qui alias vel le-  
gat, vel defendat. De me id affirmare valeam: postquam liber Molinæ  
publicum aspexit, mihi & in lectionibus, & in oppositionibus, & in qua-  
cunq; literaria exercitatione, plurimo adjumento fuisse; æquumq; est, ut  
viri omnes docti libro tam utili faveant &c. *Disquisitiones in Congr. de  
Auxil. p. 2. c. 7.*

*Eodem die obierunt.*

3. Insulis in Belgio, anno 1659, P. Florentius Montmorency, Belga, primariis  
omni-



omnibus in Societate muneribus, exceptâ supreamâ Præfecturâ, laudabiliter gestis clarus. Cùm Romæ ipsum ad Societatem admisisset P. Claudius Aquaviva, scripsit de eo ad P. Manaræum videri sibi Florentium idoneum, in quem aliquando universæ Societatis gubernatio posset incumbere. Tantus eùm esset, libens tamen aliorum sententias inter regendum auscultabat, & probè expendebat. dicens: *Homo unus homo nullus*. Quæ hodie expediri poterant, in crastinum minimè differebat: & ne quidquam per inconsiderantiam excideret; schedulam rerum gerendarum pulpito affixam habebat præ oculis. Erga senes, ægros, hospites, & afflictos tenerrima charitate afficiebatur, eosq; liberaliter juvabat. Crucifixum è collo pendulum, identidem è sinu extractum suavissimè deosculabatur, dicens: *In manibus tuis descripsisti me: lege scripturam tuam, & salva me*.

Cōsultores adhibendi.

Negotia impigre tractanda

4. Paderbornæ in Germania, anno 1629, Joannes Birter, Magister, Germanus, laudatus ab insigni studio humilitatis, obedientiæ, & misericordiæ; quibus alternis diebus ad portam Collegii ordinariam distribuebat stipem. Cùm paulò post ejus mortem (quam gravi catarrho repente oppressus, flexis genibus oppetiisse, repertus est) alii quoq; duo Fratres Perrus Hauzer, & Petrus Rhor obiissent: anima Petri Hauzer, in templo comparens fratri Sacristæ, significavit Joannem Birter altero Sacro, Petrum Rhor celerius, è Purgatorii flammis ereptos esse. Ipsa quoq; , quæ comparuerat, anima, atro vestitu in splendendum repente mutato, visa est ferri in cælum.

Purgatorium breve.

5. Varsoviæ in Polonia anno 1646, P. Joannes Gruzewski, Litvanus. Vir fuit magnæ perfectionis, magna in subditos caritate, zelo erga proximos, candore in agendo, severitate in se ipsum, & assidua cum DEo animi conjunctione: de qua etiam Tomos tres conscripsit. Collegio & Academiæ Vilnensi bis Rector, Domibus Professoris Vilnensi & Varsoviensi Præpositus, ac demum toti Provinciæ Litvaniæ præfuit Provincialis, omni ex parte laudatus. Quidam è Patribus familiarior P. Joanni, cùm curiosè illum diu observasset, scripto testatus est: se nihil deprehendere potuisse, quod venialis noxæ speciem haberet. Interulâ lineâ communi videbatur uti: sed collari tantum & manicis assutum erat aliquid telæ tenuioris, cætera cilicium erant: *Sourvellus in bibl. Soc.*

### XIII. AUGUSTI.

1. **L**ainius, Præpositus Generalis è Gallia, ubi rem Catholicam egregiè promoverat, anno 1562 revocatus à Pontifice Tridentum ad Concilium, quaquà ibat tanta procerum, Præsulum, populiq; humanitate excipiebatur ubiq;: ut, ne moras nimias pateretur, iter studiosissimè accelerandum fuerit. Tridentum tandem, diu expectatus, & nuncio etiam obviâ missio festinare jussus, insigni omnium gratulatione ingressus est hoc die. Ad publicum conventum vocato, Rituum Magister, in Generalium subsellis proximum assignavit locum sedendi, post Canonicorum Regularium Generalem, tanquam Præposito Generali Ordinis approbati Clericorum Regularem. Reluctantem, & ad infimum inter Generales locum sese recipientem, monuerunt Legati, Præsides Concilii: non ipsius, sed su-

P. Lainius ultimum locum eligit in Tridentino Concilio.



um esse deligere, & designare cuiq; locum suum, Sed agrè id ferentibus antiquorum Ordinum Generalibus, ne quid turbatum oriretur, Lainius perstitit in deprecando, ne locum assignatum occupare cogeretur, utpote Generalis Ordinis junioris. Legati deniq; rem ita temperarunt: ut Lainius loco extraordinario in subelliis Episcoporum sederet, sententiam autem post alios Religiosorum Ordinum Generales diceret. Quod temperamentum visus est universus Venerabilium Patrum Senatus probare: nec Lainio licuit non acquiescere. *Sacchin, hist. Soc. p. 2. lib. 6. n. 75.*

*P. Valignanus  
Visitator in  
Japonia.*

2. In Japonia anno 1590; P. Valignanus Visitator, post mortem Viceprovincialis Coëlli, admonitus de ejusdem minùs conveniente agendi modo, neglectu consiliorum, & in sensu suo quadam pertinacia; indixit in hunc diem extraordinarium conventum Professorum omnium & superiorum Societatis, existentium in Japonia. In eo & præterita quædam disposita retractavit; & de præsentibus futurisq; sententiâ cujusq; patrum patientissimè auditâ, concordî cunctorum suffragio statuit. *Sacchin. p. 5. hist. Soc. lib. 10. n. 191.*

*Infirma san-  
tati restituta.*

3. In Calabria Deliam Comitem post partum dolores acerbissimi ad extrema deduxerant: voto ad S. Xaverium Potamiensem facto, mox, integre sanitati restituta, votum hoc die exsolvit. *Ex lib. Mirac. Potam. num. 232.*

#### *Eodem die obierunt.*

*Modestia sin-  
gularis.*

4. Romæ anno 1621, Ioannes Carolus Berchmans, Scholasticus, Belga, admirabili innocentia, & morum compositione ad omnes Regularum apices clarus, B. Aloysium tam scitè feliciterq; imitabatur: ut alter vel redivivus Aloysius videretur, De illo Philosophiam Romæ defendente, dicebatur: Angelum, si humana carne amictus, id munus obiret, non majore modestiâ id facturum. Moriens Crucifixum, Regularum libellum & B. V. Coronam artè complexus, dicebat: *Hæc tria mihi carissima; cum his libenter moriar.* Altera nocte, postquam decesserat Ioannes, vidit quidam in Collegio Romano, vir spectatæ fidei & religionis, DEiparam V. sellæ insidentem, deferri in Sociorum, cœtum, succollantibus balulis B. Aloysio, & Ioanne Berchmans. Quod forte symbolum fuit, pij sermonis de eadem Virgine, ab illis inferri soliti, in consuetis Sociorum colloquijs.

*Deipara gesta-  
tores*

*Sermo de B. V.*

*Victima chari-  
tatis.]*

*Gula mortifi-  
catio.*

*Puerorū insti-  
tutio sedula.*

5. Antverpiæ in Belgio, anno 1619, P. Adrianus Crucius, Belga. In regendo, docendo, agros tractando eximius, pestiferorum obsequijs immortalis est. Quotidie in se flagello saviens, identidem se compellabat: *Adrianè, sanguinem pro sanguine.* Quotannis certum palato gratorum fructuum genus deligebat; quod indicta sibi ab ijs abstinentiâ in annum, DEiparæ V. offerebat.

6. Parmæ in Italia, anno 1657, P. Franciscus Raulinus, Italus, moribus planè Angelicis amabilis, & omnibus amatus. Quàmvis Theologicam Cathedram compluribus annis cum laude & labore teneret: puerorum institutioni impensè se tradebat,

tum



**III** Catechesim per Urbem explicando, tum Sodalitates gubernando, quarum tres instituit. Unam è pueris infimæ sortis, alteram è filiis mercatorum: utramq; mirâ constantia in fide & pietate instruebat fructu magno. Tertiam è selectissimis Scholasticorum conflaverat, cujus scopus erat, ad perfectionem erudiri Meditatione, & Virtutum solidarum exercitio: unde ex illa multi ad religiosa castra transibant. Visus est post mortem, à persona fide digna, Animam illius cælum petentem obuius Christus D. amabiliſſimo amplexu stringere, atq; S. Ignatio auditus est dicere: *Accede Ignatio, perfrui* *placenta in anima zelosa.*

## AUGUSTI XIV.

**I.** Anno 1605 Clemens VIII interveniente Ducissa Sforciana, concessit: ut Imago B. Stanislai Kostka publicæ venerationi posset exponi. Quam gratiam ab ipso Christo D. impetratam primùm esse à Ven: P. Nicolao Lancicio, traditur in ejus Vita. Ardebat ille, & incitari se mirum in modum sentiebat, ut Beati prædicti Imaginem publico cultui exponi curaret. Per ardentem ergo orationem recurrit ad ipsum Christum, humilî supplicatione eam gratiam petendo. Ingeminanti preces videndum se Patri Nicolao præbuit Salvator hilari vultu, & protensa manu dextera candidum folium dimisit, in quo nitidissimo caractere scriptum erat: *Fiet tibi, sicut vis; abscessitq; relicta in animo Patris ingenti certitudine felicitis eventus.* Retulit visum Simoni Jenerio: & post aliquot hebdomadas secutum est Pontificis indultum. *Balbinus in Vita P. Lanc. lib. 2. c. 7.*

*Indultu Pontificis Imaginē B. Stan. Kostka exponendi.*

**2.** Viennæ Austriæ anno 1583 per exorcismos nostrorum legio dæmonum expulsa est è puella hæretica, Anna nomine. Hanc avia venefica desponderat dæmoni, veneratq; misera in manus integræ legionis procorum, seu porcorum Infernalium. Cum pater puellæ apud ministros suos nihil opis reperiret, ad Catholicos Sacerdotes confugit: sed exorcismi instituti nihil profecerunt. Imperator sollicitatus à parente, puellam committit curæ Episcopi; hic eam ablegat ad P. Rectorem Collegii nostri, cum literis Imperatoris. Nostri ergo susceptâ miseræ curâ, primùm extorserunt per Exorcismos, ut impuri hospites se proderent; deinde post multos labores, ut per turmas excederent, inter plaustra convictorum, quæ jacebant in Jesuitas. Querebantur subinde, nullum esse in mundo sibi infestius hominum genus; nullum sibi fore gratius spectaculum, quàm si viderent Jesuitas omnes ex uno patibulo suspensos. Tandem pridie festi Assumptionis DEiparæ V. inter horrendos clamores & ejulatus dux ipse legionis excessit, puellâ humi afflictâ, & pro mortua per horas 4 relicta. **Posti-**

*Legio dæmonum à puella expulsa.*



Postridie à peccatis expiata, ab ipso Episcopo Viennensi, qui in æde nostra universo populo rem enarravit, pasta est epulo divino. *Gomez in e-log. Soc. p. 3. Classe 5. & Sacchin. in hist. Soc. p. 5. lib. 3. n. 78.* qui addit: Aviam quoq; hæreticam & veneficam, singulari DEi miseratione respectam, instantibus Patribus conversam, dæmonibus & hæreticis nuncium remisisse, deniq; incendium, quo viva est exusta, patienter tolerasse.

*Eodem die obierunt.*

*Scribtorum  
moderatus a-  
mor.*

*In Confessiona-  
lis assiduitas.*

*Linguarum  
studium pro  
animarū sa-  
lute.  
Surdi & mu-  
ti discere inter  
confitendum.*

3. Romæ anno 1591 P. Hieronimus Platus, Italus, eximia virtute usq; ad Sæmionæ famam, conspicuus. Ipsi parsus est, celebre illud, *de Bono Status Religiosi* volumen; quod innumeros ad castra religiosa, & accuratiorem Christi imitationem impulit. Præclarum aliud moliebatur opus de studio Paupertatis: sed quia lucubrationes in chartas solum dissipatas coniecerat; Coadjutor cubiculo ejus componendū intentus, chartas illas velut inutiles, omnes in ignem iniecit, Patre Hieronymo tranquilla mente illas DEo offerente in holocaustum.

4. Neapoli anno 1618, P. Julius Mancinellus, Italus, Spiritu & laboribus Apostolicis clarus. Mira egit in Europa & Africa pro salute animarum, miris à DEo gratiis in eum finem instructus. Sub auroram quotidie ad sacrum Pœnitentiæ tribunal se conferebat, nec inde recedebat, ante serum vesperum, nisi cum faciendum esset Sacrum, dicendum pro Concione, atq; ad mensam eundem: ibidem solitus suas preces interpolatim absolvere, & conciones elucubrare. Constantinopoli, Algerii, & aliis locis barbaris totas noctes insumebat Confessionibus audiendis in carceribus & aliis sordidis locis. Ut verò omnibus nationibus idoneum se præberet; præter Latinam & Italicam, linguas condidit Hispanicam, Gallicam, Belgicam, Slavicam, Valachicam; cui solertiæ DEus prodigiosam addidit gratiam, intelligendi quovis alio idiomate loquentes, ita: ut ab illis vicissim intelligeretur, licet extra confessionem se nullo verbo intelligerent. Imò & surdi & muti audiebant & loquebantur inter confitendum ipsi. Labores ejus Apostolicos multis prodigiis, & cælestibus solatiis promovebat, & recreabat DEus; visq; sunt Angeli, cælestes ipsi texentes coronas.

5. Cracoviæ in Polonia anno 1625 P. Georgius Tyzkiewicz, patre Palatino Brestenski ortus. Cum Romæ literis sese excoleret, in gravem delapsus morbum, vovit: eam se familiam Sacram ingressurum, si convalesceret, cujus hominem, primum domo prodiens offendisset. Convaleuit, inciditq; in A.R.P.N. Mutium Vitellescum. Ergo voti reus ad tyrocinium Societatis se recepit, ubi ita profecit: ut in eximium JESU Socium creverit, & post lauream Theologicam, variaq; Collegia laudabiliter gubernata, Provinciæ Polonæ præpositus obierit. *Sourvellus in bibl. Soc.*

## XV. AUGUSTI.

*Vota primorū  
Societatis a-  
struunt.*

1. Parisiis anno 1534 primi Societatis Patres, votis emissis in perpetuum se oblaturi DEo, delegerunt diem Assumptæ in cælum DEiparæ V. sacrum ea spe: quod & gratiora Divinæ Majestati essent futura illa vota per manus Matris oblata; & ipsa servulos suos singulari maternoq; favo-



favore esset dignatura. Locum adui illi consentaneum designarunt Templum ejusdem Virginis in monte Martyrum situm, spatio dimidia leuca distans ab urbe. Ibi Petro Fabro, qui solus erat Sacerdos, celebrante, prima sua nuncuparunt vota, de servanda perpetua Castitate & Paupertate, de transmissione in Terram S. & deferenda Pontifici maximo opera sua in animarum salutem. Post expleta pietatis officia, diei residuum duxerunt ad fontem, ex collis ejusdem radice profluum, & amœnum, atq; S. Dionysii Areop. olim sanguine consecratum: menia data pauper & frugalis, sed piis sermonibus lapida. In perpetuam hujus rei memoriam, in superiore parte dicti Templi affixa deinde est ænea lamina cum hac Inscriptione.

*Siste Spectator, atq; in hoc Martyrum sepulchro probati Ordinis cunas lege. Societas JESU, quæ S. Ignatium Loyolam Patrem agnoscit, Lutetiam Matrem, anno salutis M.D.XXXIV, Augusti die XV, hic nata est: cum Ignatius & Socii, votis sub sacram Synaxim religiosè conceptis, se DEO in perpetuum consecrarunt ad Majorem DEI Gloriam.*

Bartolus in Vita S. Ign. lib. 2. n. 6. ubi addit: Ludovicum XIII Galliarum Regem id ipsum sibi & regno suo eximio honori duxisse; prout testatus est in literis ad Gregorium XV datis, pro Canonizatione S. Ignatii. *Regno, inquit, meo hoc decus obtigit: ut tantus DEI servus in almam hanc meam veniret Lutetiam, ad comparandas sibi scientias, lectisq; in ea Sociis, in æde Sacra ad montem Martyrum, Societatem suam inchoaret.*

2. Auspicatissimus fuit hic dies etiam Japoniæ: siquidem ipso lucente, in eam primùm invehctus est Magnus Indiarum Apostolus S. Xaverius, anno 1549, frustra frementibus, & tempestates, aliaq; impedimenta morientibus tenebrarum principibus. *Bartol. in Vita lib. 2 in fine.*

3. B. Aloysius Gonzaga, cùm die Assumptionis DEiparæ V. Madriti post Communionem, ardentius eidem commendaret suam de vitæ statu deligendo deliberationem, disertam audivit vocem: *Societatem JESU ingredi.* Paruit fideliter & fortiter, superatis maximis impedimentis, *Natali in Anno dier. Mem.*

#### *Eodem die obierunt.*

4. Romæ anno 1568, B. Stanislaus Koska, Polonus, ipso Assumptionis DEiparæ V. die, ut optaverat, & per S. Laurentium Martyrem petierat, terras reliquit, & Societati triumphanti aggregatus est. Quem vitæ statum amplexurus esset, prodidit SS. JESU nomen gravidæ Matris pectori charactere purpureo inscriptum. Admiranda sunt, quæ egit tulitq;: ut in Societatem recipi impetraret, adolescens ten-

S. Xaverius  
venit in Japoniam.

B. Aloysius  
monetur de ingredienda Societate.



*Societatem per-  
tinent Sancti, ut  
fiant Sanctio-  
res*

*Primus in So-  
cietate Beatus.*

nerrimus & nobilissimus. Extra illam innocens & Sanctus, intra illam Angelus, & eminentis Sanctitatis idea absoluta. Quo in respectu esset apud Angelos & Angelorum Reginam, docuit epulum divinum ei ab illis ministratum; & Infans IESUS ab ista oblatus. Febris, qua obiit, magis charitatis, quam infirmitatis ardor erat; qui etiam alias ita exarserat: ut refrigerando cordi, frigidâ imbutos panniculos oporteret adhibere. Primus è Societate, Beatorum obtinuit honores, quos vix aliquis Sanctorum Confessorum, ætatis tam teneræ, adeptus est. Festum ejus, tanquam unius è principalibus Regni Poloniæ Patronis, prima Dominicâ post S. Martinum, celebrari con-essit Clemens X.

*Mundcontem-  
ptus.*

*Sacerdotii re-  
verentia.*

*Vita in Socie-  
tate estimabilis*

1. Compluti in Hisp. anno 1602. P. Ignatius Mendoza, Hispanus. Illo in Societatem assumpto, dixit Rex Hisp. Philippus III: Ignatium partem optimam elegisse. Fuit unus è primæ classis principibus, Juris utriusq; peritissimus, ac Regum Philippi II & Philippi III Legatione apud Regem Galliarum & Venetos, egregiè functus. Patres in tanta reverentia habuit, ut diceret: se coram illis loqui, imò ne hiscere quidem audere. Culinæ officia, & quidquid ad sui contemptum faciebat, magno cum gustu obibat. Ipsi primis tyrociniis mensibus visa est ejus virtus cœlo matura; dicebatq; moriens: Se quidem de cœlo optimè sperare ob ea, quæ pro Christo dimisisset; cæterum in hac vita jam se satis præmii obtinuisse, quod licuerit in Societate bimestri tempore vivere.

*Concionandi  
modus etiam  
post fata.*

6. Vallisoleti in Hisp. anno 1647 P. Didacus de Bæza, Hispanus. Post consecrâ docendo, Philosophiæ ac Theologiæ spatia, applicatus Cathedræ Ecclesiasticæ, inter primos habitus est Hispaniæ Concionatores; nec illam deferuit usq; ad postremos vitæ annos. Ne verò cum sono vocis evanesceret prædicatio: Tomis undecim in Veteris & Novi Testamenti Historiam editis, extendit illam in sæcula. *Sourvell. in bibl. Soc.*

## XVI. AUGUSTI.

*Facultas di-  
cendi Missam  
& officium de  
B. Stan. Koska*

1. **A**Nno 1670 Clemens X. indulgit: ut in Polonia, Litvania, & alibi à Patribus Societatis JESU, ubivis terrarum existentibus, & ab externis Sacerdotibus in templis nostris Missa dici possit, & officium recitari, 13 Novemb. in honorem B. Stanislai Koska. *Bullar. Constit. 12 Clementis X* Deinde anno 1671, declaravit indultum illud: nimirum recitari posse officium, & Missam dici in honorem prædicti B. Confessoris, in quibusvis Ecclesiis (etiam non Societatis) in Regno Poloniæ & M. D. Litvaniæ; extra verò hoc regnum & Ducatum solum in templis Societatis. *Bullar. Constit. 45. Clem. X*

*Mors Card.  
Bellarmini.*

2. Card. Bellarminus cum bona venia Pontificis Gregorii XV, recepit se in Domum Probationis Romanam: ut ibi se disponderet accuratius ad bonam mortem, ubi spiritum hauserat sanctæ vitæ. Gravis enim annis, & viribus studiorum aliorumq; negotiorum contentione attritis, efflictim petiit per Card. Dandinum, & Præpositum Societatis Mutium Vitel-



Vitellescum, liberari ab aula, & sacrarum Congregationum negotiis, ut DEo uni sibiq; vacare posset. Impetratâ eâ gratiâ, nihil alterius negotiî deinceps attigit, nisi in promovendo negotio Canonizationis S. Philippi Neriî: quod cum insigni zelo egisset, domum redux, duplici tertiana statim correptus est, ac post dies non multos extinctus. *Petr. in vita pag. 528.*

*Eodem die obierunt.*

3. Huerti in Hisp. anno 1622, P. Franciscus de Orazo, Hispanus. Innocentissimæ quamvis esset vitæ de salute tamen sua anxius, DEiparæ V. opem imploravit. Adfuit illa spectabilis, cum splendida Sanctorum corona, Librum magnum & splendidum manu gestans; quem voluit à Francisco inspicere & legi, dicens: Eum esse *L. brum Vitæ*. Inspexit ille, & initio unius paginæ legit nomen suum, Francisci de Orazo, aureo caractere exaratum. Aliorum quoq; prædestinatorum complurium nomina ostendit Virgo, dicens: *Fili, hos quoq; tuâ opera ad Beatorum felicitatem perduciturus es. Deus est. Deus.* Sic recreatus, abiit in Insulas Philippinas: ubi multo labore quàm plurimos convertit ad fidem & frugem.

*Liber Vita inspectus.*

*Zelus animarum.*

4. Nangasachi in Iaponia, anno 1633, P. Emmanuel Borges, Lusitanus, cum duobus Socijs Novitijs Iaponibus. Post multos labores, & exilium toleratum, cum redissent in Iaponiam ad fidem propagandam, tenti sunt, & capite in scrobem depresso suspensi, gloriosum agonem confecerunt.

*Victima fidei.*

5. Pontanæ in Hibernia, anno 1643, P. Ioannes Bathæus, Hibernus, cum fratre suo germano, Sacerdote seculari, ab hæreticis militibus comprehensus, in foris raptus, stipiti alligatus, & plumbeis globis trajectus.

*Victima fidei.*

6. Gonsani in Sicilia anno 1624 P. Carolus Romanus, Italus, Virginitatis flore, & innocentia ab omni lethifera labe immuni, insignis. Mundo igitur ejus cordi non semel divinitus datum est, secreta cordium penetrare. Domum Lauretanam cum inviseret, DEiparam V. cum parvulo IESU & S. Iosepho spectabilem habuit per quietem. Pro adolescente quopiam impuris assueto actibus, quem ad mortem disposuerat, cum Sacrum celebraturus exiret ad altare, vidit ejus animam igne inundante involutam, & dicentem audivit: Damnata me ad æterna incendia: quod obscenæ cogitationis delectationem admisisset post absolutionem Sacramentalem.

## AUGUSTI XVII.

1. **A**Nno 1559 Paulus IV Pont. Max. moritur. Alternis movebatur in Societatem affectibus, jam propensis in eam, jam adversantibus. Cum quædam in Instituto Societatis reperisset, non ad mentem suam concepta, aliam inducere formam desideravit: sed tandem cæteris neglectis constituit, nec ullis rationibus averti potuit: ut Generalatus esset tantum triennalis, & Chorus publicus induceretur in Societatem, prout de facto Romæ inductus fuit. Post mortem Pauli, rogati Jurisperiti celebriores, atq; inter hos Card. à Puteo, an Societas adhuc obligaretur ad chorum? Respon-

*Mors Pauli.*

*Inducit chorus in Societatem.*

Rr 2

derunt



Post mortem e-  
jus conticuit  
chorus.

derunt utranimes: cum Chorum non imperarit Pontifex per rite editam Constitutionem; dispositionem ipsius solum habuisse vim simplicis mandati, non autem perpetuæ legis; ac proinde jam non obligare: sed posse Societatem vivere secundum Constitutiones legitimas præcedentium Pontificum, & frui immunitate sua. Sic conticuit sine mora chorus, facta per Præpositum Generalem Lainium solemnī protestatione; quod Societas ad illum jam non teneretur. *Sacchin. hist. Soc. p. 2. lib. 3. n. 29.*

Dilingana A-  
cademia tradi-  
tur Societati.

2. In Germania anno 1564 Otho Cardinalis Augustanus Dilinganam Academiam, à se erectam, Societati tradidit, jure perpetuo regendam. Ad conferendam nobilitatem, & Academicam juventutem gravem præmisit orationem, exponendo facti sui rationes: mox Secretarius tabulas rite confectas recitat, quibus cum laude Instituti Societatis, translatum in eam Academiae jus explicabatur. Tum Cardinalis assurgens, solemnem S. Spiritus hymnum exorditur: deinde Orator è Societate suggestum conscendit, & opportuna temporis dixit; denique, primus è Societate Rector Academiae creatus est, & insignibus ornatus Henricus Dionysius. *Idem ibid. lib. 8. n. 107.*

#### *Eodem die obierunt.*

Vocatio ad So-  
cietatem impe-  
rativa.

3. Romæ anno 1556, P. Martinus Olavius, Hispanus. Parisiis & in Aula Caroli V. eximius, Philosophicæ & Theologicæ laureæ clarus ad Societatem, à qua abhorrebat, impulsus est diserto Christi mandato. Cum enim inter sacrificandum, consilium & opem, quoad vitæ statum eligendum, exposceret ab eo, quem manibus tenebat: Hic ego te volo: aiebat ille. In hac tibi Societate & vivendum & moriendum est. Durum est tibi contra stimulum calcitrare. Ad quæ humiliter Martinus: O Domine, servus tuus sum ego & contra stimulum calcitrare. Ad quæ humiliter Martinus: O Domine, servus tuus sum ego & filius ancilla tua, Societatis IESV. In Romano Collegio primus docendæ Theologiæ à S. Ignatio admotus, Collegioque præfectus est. Socios omnes ut Angelos venerabatur, auditus identidem ingeminare: O piam sociorum familiam! Me miserum, qui eam nimis diu ignorans fuisset eam de eadem detraxi! Moribundus S. Pater Ignatius petiit, à Pontifice benedictionem postulari pro suo & alterius cujusdam è Societate agone. Is alius fuit Olavius, qui decimo septimo die secutus est S. Patrem defunctum.

Institutio Soc.  
ab observantia.

4. Casaraugustæ in Hispania anno 1594, P. Antonius Ibannez, Hispanus. Cum Provincias Præpositus Provincialis, aut Visitator gubernaret: multâ prudentiâ tam spiritum, quàm literas juvit. Ad Sacrosancta Instituti jura servanda totis viribus incubuit, nullo humano respectu abstergitus. Mira è cælo luce perfundebatur ad spiritus discernendos, & animas ad perfectionis excelsa ducendas. Primum Virginitatis florem ad mortem usque servavit incorruptum.

5. Novellariæ in Italia anno 1583, Lælius Nichesolius, Italus, Novitius. Volebat non aliter tractari, quàm putridum cadaver. Voluntate propriâ dicebat, nec Onus esse gra-ius, nec feram immaniorē: ideoque totus in superiorum voluntate con- quiescebat. Post decimum tyrocinii mensem animam agenti adstiterē per spatium duarum



duarum horarum & amplius, Angeli, DEipara V. & Christus solis instar radians, tam ipsi Latio, quam alteri ex adstantibus spectabiles: ceteri quoque lectulo circumfusi, insolita quadam dulcedine se superfuadi sentiebant.

## XVIII. AUGUSTI.

**A**Nno 1581 P. Antonius Possevinus, cum charactere Legati Pontificij, *P. Possevinus Legatus in Polonia & Moschoviam.* expeditus à Gregorio XIII, ad Stephanum Poloniae regem, & Joannem Basilii M. Ducem Moschoviae, pro re Catholica promovenda hoc die Staritiam, ubi tunc Dux degebat, attigit cum 4 Sociis. Deducti ad hospitium pro regionum usu magnificum, convivio publico, Ducis nomine excepti sunt. Assidebat Possevino prænobilis adolescens, missus à principe tanquam ejusdem Vicarius; is ubi ferculum quoddam inferebatur, assurgens & caput aperiens, ceteris convivis idem facientibus, dicebat: Antoni, hoc tibi pisce (vel alio, quod erat, ferculo) gratiam exhibet suam Joannes Basilii, semperque totum Titulorum ejus acervum percurrerebat. Postquam autem ultimum illatum est ferculum, hilariter pronuntiavit: *Chleb da sol; id est, Panis & sal;* quam habent Moschi superstitiosam mensarum clausulam, rati, valere ad pestem omnem avertendam, eò; quòd olim Monachus quidam Sergius, quem pro Sancto venerantur, prandente apud ipsum Demetrio M. Duce, eorum prolatione verborum, dæmonem ab cella fugarit. Biduo post majore, quam vellent, pompâ ad conspectum Magni Domini oculorum (ita gens loquitur) admissi sunt. *Sacchin. bist. Soc. p. 5. lib. 1. n. 122.*

**2.** In Italia anno 1566 in Monte Politiano, patriâ Card. Bellarmini, *Calumnia detecta.* memorabilis contigit obitus civis Politiani, qui ante annos aliquot confectis calumniis & in e mentita Societatis veste patratis flagitiis, ita deformaverat Socios ibi degentes: ut maluerint ultro excedere, quam civibus suspecti, fructuosè ibi vivere. Triennio post abitum Patrum, calumniator ille post graves, quibus afflictus, ac ad incitas fere redactus est, calamitates, ad mortis fauces pervenit: sed per complures dies cum illa miserrimè luctatus, absorberi non potuit. Rediit ergo, DEi benignitate, ad sanio-rem mentem intelligensque supplicium hoc sibi immisum propter falsissimas Patrum criminationes, complures præcipuorum civium advocari curavit, & coram iis discretè detestâ malitiâ suâ, atque illorum innocentia, expiravit. Indoluerunt boni cives facilitati suæ ad credendum, multisque conatibus repetierunt Patres, sed non citò impetrârunt. *Sacchin. p. 2. bist. Soc. lib. 7. n. 25.*



## Eodem die obierunt.

*Domini famulo subjecto*

3. Hispali anno 1575, P. Consalvus Esquiell, Hispanus. Societatem unâ cum famulo ingressus est, sed quem mox sibi præpositum vidit. In tyrocinio enim famulus iussus est Coquum agere, Consalvo ipsius & culinæ obsequiis applicato. Cùm inter labores animum non posset satis colligere, & ad divina elevare, propter obstrepentes vicinas gallinas: à P. Rectore iussus est illas adire, & aperto capite rogare, ut DEI amore conticescerent. Fecit id obedienter ac humiliter Consalvus: & gallinæ in momento conticuere, stupente Consalvo, & præsentibus Sociis.

*Obedientia prodigiosa.*

*Victima charitatis 40.*

4. Aureliaci in Gallia, anno 162, P. Ioannes Franciscus Martincurtius, Gallus. Sæviente in Gallia peste integro triennio, cùm Socij impigri accurissent ad miseros juvandos, omnino quadraginta ex illis eadem lue extincti sunt; quorum primus fuit P. Ioannes; opimum certè mortis spoliū, quia magnæ animæ fuit. Viginti quinq; carbonibus pestiferis ictus, mortem oppetit in obsequio, quod ardentissimis ad P. Provincialem datis literis expetierat, velut in expiationem peccatorum suorum, sed magis in pabulum incendij, quo eum charitas torrebat.

*Alphabetica dispositio ad versum.*

5. Calissii in Polonia, anno 1639, Ladislaus Czaplinski, Polonus. Eximia religione ferebatur in Ven: Eucharistiam, crudo autem rigore in corpus suum. Inter alias pias industrias utebatur istâ ad facile eliciendos pios in DEum affectus. Alphabeti literas pronunciabat, & singulis Psalmum ab eadem litera incipientem, vel versum aliquem Psalmi subungebat. Quæ devotio illi magno adjumento fuit in morbo supremo. Auditus est persæpe ingeminare: *O si me omnesq; corporis & animi mei vires distillare possem vel in unam guttulam gustus & beneplaciti Majestatis Divinæ!*

## XIX. AUGUSTI.

*Facultas gradus conferendi*

1. Anno 1561 Pius IV confirmavit & extendit facultatem à Julio III concessam, conferendi in Collegiis Societatis Scholaribus suis idoneis gradus in Artibus & Theologia: utq; etiam in illis Collegiis, quæ sunt membra Universitatum, conferri possent: insuper iterum exemit Societatis Collegia & Domos à qualibet decimarum & impositionum solutione.

*Exemptio à decimis.*

*Bullar. Soc. Constitut. Exponi nobis nuper &c.*

*Dilectio naturalis inefficax.*

2. Anno 1602 habita est Congregatio & disputatio VII de Auxil. Grat. coram Clemente VIII, Examinate hæc Propositio Molinæ ex disp. 14. memb. 3. *Homo solis viribus naturalibus, & concursu generali DEI, elicere potest actum absolutum, merè naturalem, dilectionis DEI super omnia, qui ad justificationem nequaquam sufficiat; & propositum absolutum servandi in genere præcepta omnia; præsertim quando occasiones omnes & difficultates absunt; quod ad attritionem & contritionem quæ ad substantiam actus sit sufficiens.* Respondit Gregorius de Valentia: Molinam secutum esse S. Thomam, & alios plerosq; Doctores Scholasticos antè citatos: deinde non docuisse, naturalem illam dilectionem esse efficacem; quæ scilicet faciat

re



re ipsa observare omnia mandata etiam naturalia; sed inefficacem, & vicijus, data occasione peccandi, non sequatur observantia mandatorum, nisi voluntas aliunde juvetur: ut patet ex ipso citatæ disputationis Molinianæ contextu. *Eleuther. hist. de Auxil. lib. 5. c. 10.*

*Eodem die obierunt.*

3. Macai, in Insula Sinis vicina, anno 1583, P. Melchior Carnerus, Episcopus Nicænus. P. Barreto Æthiopiæ Patriarchæ datus comes, cum in Æthiopiam penetrare non posset; in Insula Macaensi & locis vicinis Apostolatum suum exercuit. Contra Nestorianum Episcopum Armenum egregiè rem gessit, licet magno capitis sui periculo; sagittâ appetitus, quæ pileo perforato capiti non nocuit. Episcopus consecratus, non solum de Societatis consilijs audiendis votum vovit; verum etiam de redeundo ad Societatis plenam obedientiam, ubi & quando id per summum Pontificem liceret.

4. Bivonæ in Italia, anno 1614, P. Barnabas la Vecchia, Italus. Suavissimus in alios, rigidissimus in se ipsum; cibus illi nullo sale conditus, nulli arborum fructus per annos plures gustati, flagella multo sanguine cruentata, thorax cilicinus semper gestatus, brevis humi somnus. Non unam de impudicis fœminis retulit victoriam. A morte ejus diem prædixerat, Procuratori sollicito de quodam chirographo, apparuit, locumq; ubi depositum erat, monstravit. Amicum verò religiosum in Spiritu languentem, ad fervorem insignem excitavit illis verbis: *Vitam sapient, Intellexerant, ac novissima providerant.*

5. Hispali in Hispania, anno 1584, Rodericus de Flores, Coadjutor, Hispanus. Orationem in multam, subinde in totam noctem extendebat, visus non semel in mentis excessu, & à terra sublimis; qui situs & excessus aliquando illi contigit feria V. hebdomadæ majoris, ab occasu solis, ad ortum alterius diei, ita; ut nullus illum movere posset, vel brachia ante pectus in modum crucis composita flectere. De divinis digna Theologo loquebatur. Licet autem incredibili orandi studio teneretur: nunquam tamen orationis gratiâ aliquid decerpebat de tempore laborandi, aut alia munia exercendi.

XX. AUGUSTI.

1. **E** Manavit anno 1602 Decretum Clementis VIII, quo sub diro anathemate prohibuit sententiam: quod absenti Sacerdoti fieri possit per literas confessio peccatorum, & ab eodem absente dari absolutio. Multum ex hac Pontificia censura voluptatis cepit P. Franciscus Suarez, Theologicis lectionibus Conimbricæ in Lusitania tunc intentus, quod oraculo Vicarii Christi id probaretur, quod ipse Compluti & Salmanticæ docuerat; scilicet irritum esse inter absentes Pœnitentiæ Sacramentum. Cum igitur ipsius Tomus quartus (qui est de Pœnitentiæ Virtute & Sacramento) in tertiam partem D. Thomæ planè tunc sudaret sub prælo, voluit doctrinam suam eo Decreto roborare. Addidit autem disp. 21, sect. 4. Non ideo

*Gula mortificatio.*

*Novissimorum recordatio.*

*Oratio prolixâ & extatica.*

*Oration non subtrahat tempus labori.*

*Pœnitentiæ Sacramentum inter absentes irritum.*



ideo tamen videri sibi à Pontifice interdictum; quominus præsens Sacerdos moriturum quempiam, sensibus jam destitutum, sed qui idoneis signis antea Confessarium petiisset, vel alia Christianæ poenitentiae argumenta dedisset, absolvere possit. Delata ea interpretatione ad Clementem, indignatus non leviter est; se vivo Decreti sui interpretem inventum esse: iussitq; è Tomo Suarii eam interpretationem expungi. Non potuit non graviter tangi Author eâ censurâ, fecit tamen obedienter Pontificis voluntatem: quamvis non nesciret, interpretationem suam conformem esse & S. Leonis Papæ doctrinæ, in ep. 95 ad Theodorum, & Conciliis, Arausicano I, Carthaginensi III & IV, & communi sensui Theologorum. Firmavit Suarii sententiam Paulus V. Successor Clementis, quando in Rituali suo edito voluit, sic procedi cum talibus moribundis. *Mas-sejus in Vita Suar. pag. 96. & antecedentibus.*

Littera Episcopi  
pi Viln. ad  
Card. Hosium  
& Patres  
Brunsbergenses

2. In Litvania Illustrissimus Episcopus Vilnensis, Valerianus, anno 1668 litteras officiosissimas, & pastorali curâ plenas dedit ad Cardinalem Hosium Episcopum Varmiensem, petendo: ut quod sibi dederat consilium, de advocandis, & collocandis in Diocesi sua Patribus S. J. ad reprimendas & extirpandas hæreses, exequi non gravaretur, missis è diocesi sua uno & altero è Patribus, cum quibus agi possit de fundando Collegio. Similes dedit ad Patres Collegii Brunsbergensis, curru etiam adjuncto, qui sine mora adveheret unum & alterum. Sed quàmvis hic & nunc ardentibus optimi Præsulis desideriis satisfieri non potuerit; satisfactum tamen paulò post. *Sacchin. hist. Soc. p. 3. lib. 4. n. 180.*

*Eodem die obierunt.*

Ex Christo  
crucifixo noti-  
tia D. L.

3. In Hispania anno 1600 P. Thomas de Soto, Hispanus, DEiparæ V. & Christi Salvatoris conspectu frequenter recreatus. Vidit hunc sub specie jam gratiosissimi Parvuli, jam Viri spinis coronati, aut Crucifixi. Aliquando cum ardentius peteret perfectiorem DEI notitiam; ostensus est illi Christus Crucifixus.

Ad somnū di-  
spostio singu-  
laris

4. Oeniponti in Tirolis, anno 1680, P. Wolfgangus Gravenus, Germanus. Cum provinciam regeret, orando potissimum sibi comparabat vigorem & robur ad agendum non minus fortiter quàm suaviter. Ad somnum se componens, quodam Extremæ Unctionis imitamento singulos sensus suos expiabat, se signans & dicens ad singulos: Per istam S. Crucem, & suam piissimam misericordiam, indulgeat mihi Dominus, quidquid memoria, intellectu, voluntate, visu, auditu &c. deliqui. Supremo vitæ biennio lobo erat similis tum ob varietatem & gravitatem morborum, tum ob invictam semperq; tranquillam patientiam.

Nobilitas hu-  
mana

5. Leodij in Germania, anno 1617, Guilielmus Brunus, Coadjutor, Anglus. Per annos 14 & amplius duas quotidie horas dabat ollis in culina purgandis, & si quid his domi abjectius erat: quàmvis illustrissima domo natus esset. Terram in sporta humeris porta-



portare, hortulum colere, simulq; Thomam Kempensem sectitare, vel orationem laboribus miscere perpetuum illi fuit. Desudanti cum incidisset cogitatio de præmio seu mercede castelli; repoluit: *De calo fuit quod DEO videbatur: ego vero quero DEO placere, ac facer, quod ejus voluntati placeat.* Obijt cum B. V. officio in manu, Corona in collo, IESU in ore.

*Placendi Deo studium.*

## XXI. AUGUSTI.

1. **A**Nno 1573 luculentum subsidium rei Christianæ expeditum fuit in Japoniam. Cum Christianis numerosissimis per tota regna sparsis, vix octo adessent Sacerdotes, qui & illos excolerent, & ethnicis convertendis darent operam: Consalius Alvarez Visitator, cum 4 Sociis Macao solvit in Japoniam; sed ut sunt judicia DEI abyssus multa, in conspectu portus luctuosissimo naufragio interierunt omnes, cum septingentis aliis, qui eadem navî vehebantur. Calamitatem auxit ingens mercium jactura, quæ ad sexcentorum millium aureorum dicuntur ascendisse. *Sacchin. hist. Soc. p. 4 lib. 1. n. 145.*

*Naufragium in portu.*

2. Vix majore usus felicitate P. Carolus Spinola in sua Japonica navigatione. Inprimis enim cum tendendum esset in Indiam Orientalem, tempestate abreptus est in Brasiliam; è Brasilia repetito cursu delatus est in insulam quandam Boriquena & Portonico dictam, longè extra viam Indicam sitam; inde navigatione repetita, incidit in classem Anglicanam, à qua hoc die captus ductus est in Angliam; ubi præsidio illi fuit, quod nec Hispanus, nec Lusitanus, sed Italus esset. Dimissus ergo, rediit Ulyssiponem in Lusitaniam iterum soluturus in Japoniam. *Ambros. Spinola in Vita cap. 5. & seqq.*

*Navigatio P. Spinola infelix.*

3. In Motchovia anno 1581 P. Antonius Possëvinus, Legatus Pontificius, in conspectum Magni ducis admissus est. Assurrexit confestim Senator primarius, & more genti usitato, Maxime princeps, inquit, Antonius Possëvinus & comites ejus, humum tibi fronte feriant. Tum continuo dux, ut valeat Gregorius Papa, interrogat; & Pater; Ita DEus Serenitatem tuam servet incolumem. Dein jussus mandata exequi, ut magnificentior & ipse Pontificis appellationem faceret, *Sanctissimus*, inquit, *Dominus noster, Papa Gregorius XIII, Universalis Ecclesie Pastor, Christi in terris Vicarius, S. Petri Successor, multarum regionum terrarumq; Dominus, Servus Servorum DEI, amantissimè Serenitatem tuam salutat, eiq; benedictionem precatur.* Surrexit Dux ad Pontificis nomen, stetitq; tam diu, dum gratias egit. Tum assidens, tu verò Antoni, inquit, rectene equitasti? Rectè, inquit ille, DEI gratiâ, quodq; in Serenitatis tuæ obsequium

*P. Possëvinus Legatus Pontificis in Moschen via.*



cedat. Inde Ducis ac ejus filii dexteram osculatus, tradere jubetur Secretario literas, & munera allata. Quo loco modestia gentis se prodidit. Inter cætera dona ferebatur picta DEIPARÆ effigies, raræ artis opus; ea tamen tradita non est, quod rescisset Possëvinus, gratam non fore; quod in sinu Virginis resideret parvulus JESUS nudus, quem Baptista puer adorabat, similiter nudus. Faciunt hæc Itali in artis ostentationem, sed prudentius dedignantur Moschi. Inde progressi sunt ad convivium, sermones familiariter misti de Superiorum Ducum Moschoviæ legationibus ad Pontifices &c. Sed deniq; Legationis eventus non respondit spei, & promissis. *Sacchin. hist. Soc. p. 5. lib. 1. n. 125.*

*Eodem die obierunt.*

*Fuga Prelaturæ obstinata.*

4. Romæ anno 1660, P. Joannes de Lugo, S. R. E. Cardinalis, Hispanus, unus è principibus Theologiæ, docuit illam primùm Vallisoleti annis 5, deinde Romæ annis 20, tanto ingenij splendore ac laude: ut scripta ejus amanuenses plures, ac postea typographos locupletarint. Nec minor religiosa virtute, quàm doctrinâ fuit. Utriusq; excellentiâ motus Urbanus VIII Pont. Max. in purpuratum Ecclesiæ Senatuum eum adlegit, tam solidè reluctanter; ut humilis ejus constantia Pontifici jam subirato, obstinatio videretur. Unde adjecit: Parendum esse præcepto. *Id enim omnino per præceptum formale & formalissimum obedientia mandamus.* Jam Cardinalis, cavebat intentè, ne quid admitteret, quod Religiosum Cardinalem non optimè deceret. Societas illi perpetuò & sincerissima cum reverentia, amata; voluitq; semper sibi adesse Fratrem Coadjutorem, non ut famulum, sed ut Socium & vitæ teslem. Nunquam in ullam gubernationis partem, quo ad Societatem se intromisit Cardinalis, neq; autoritate sua usus est, ad quidquam ulli à superioribus impetrandum. Memoria illius Societati est in benedictione.

*Litaniarum utilitas.*

5. Senis in Italia, anno 1571, P. Hieronymus Rubiola, Hispanus. In rei familiaris angustiis, cum Senensè Collegium gubernaret, rogatus; quid ageret ad illud juvandum? Respondit: se Litanias cum suis multiplicare, & DEI opem experiri. Cum nec panis domi superesset; adiit hominem Societati non satis æquum, & interposito divini amoris nomine, petiit ab eo sibi dari in tantæ inopiæ levamentum aureos quinquaginta. Miranti illi, & interroganti; an nesciret, quàm alieno à Societate esset animo? reposuit humiliter: se quidem id probè scire; sperare tamen; ipsum DEI causâ vel illis benefacturum, quos amicorum loco non habuisset hætenus. Quæ tam ingenua fiducia ita homini arrisit: ut & petitam summam liberaliter promeret, ac largiretur; & deinceps P. Hieronymum fidenter petere juberet, quod necessitas postularet.

*Cilicium utile gestatum.*

6. Mussipontî anno 1616, P. Guilielmus Murdochus, Scotus. Ministrum cum ageret Collegij Parisiensis, à petulantioribus Academicis in secreta domo circumventus, jussus est illico terga nudare ad flagra. Libenter se id facturum Christi causâ dicens P. Guilielmus, fecit imperata. Et ecce cilicium in illo thoracem sub indusio conspicati lorarii, furore in reverentiam verso, ad pedes illius accidère, veniam petentes. Multa in Scotia egit tulitq; pro re Catholica.



**I.** Cum classis Lusitana anno 1555 à Mozambico, Africæ portu, solvis-  
set in Indiam, navis quædam, quæ tres è nostris vehebat & cæte-  
rorum capita ad 240, per tenebras noctis hodiernæ incidit in syrtes ita,  
ut malè quassata cursum repetere non posset. Ægrè eluctata, appulsa est  
ad sterilem quandam & desertam insulam. Ibi navarchus relicta navi,  
cum præcipuis 30 viris conscenso lembo, propè furtim evasit, Goam ver-  
sus navigaturus, atq; inde reversurus cum navigiis ad deportandos Soci-  
os relictos. Ex his quidam magis industrii, desperantes de reditu navar-  
chi, ex residuis navigii tabulis ratem sibi confecerunt, quam *Misericor-*  
*diam DEI* appellârunt, eâq; conscensâ, quadraginta quinq; capita ventis  
ac mari, sed potissimum Misericordiæ DEI, sese commiserunt. Invitarunt  
in Societatem itineris. & Patres nostros: sed illi extrema quæq; pati ma-  
luerunt, ut relicta turbæ solatio & præsidio essent, quàm contra charita-  
tis & vocationis suæ leges, exitio se eripere in tanto proximorum discrimine.  
Nonus jam effluxerat mensis, annona defecerat, non pauci inedia  
extincti erant; nec ulla subsidia apparebant vel à Goam dilapsis, vel ab  
aliis, qui rate Misericordiæ Divinæ profecti sunt. Ergo iterum nonnulli  
ex fragmentis tabularum, quæ fluctus ad insulam compulerant, ratem no-  
vam moliuntur, non quidem spe Indiam attingendi, sed studio exploran-  
di, an non inciderent in feraciorem aliquam insulam. In hanc ratem  
viri triginta & unus se receperunt, urgentes; ut etiam Patres nostri sola-  
tio & subsidio ipsis futuri, sese adjungerent. Præstito assensu ab iis, qui re-  
manebant, abiêre: sed cum alterum jam mensem per Oceanum errassent,  
& commeatus, qui exiguus erat, defecisset, nihil aliud quàm mortem in  
horas expectabant: cum ecce pulcherrima apparet insula palmis vestita.  
Ad quam contententes, propter altitudinem litorum excensionem facere  
nequiverunt; proinde ratem onere levaturi in vicinam sterilem insulam  
partem hominum cum Patribus nostris exposuerunt: reliqui redeuntes ad  
priorem insulam ita palmarum fructibus sese repleverunt, prout fieri so-  
let post diuturnam famem; ut cum rediissent ad alteram insulam, omnes-  
que in ea relictos, vidissent unâ cum Patribus extinctos fame, etiam ipsi  
omnes, præter duos, opplerione stomachi sint extincti. Qui primi nau-  
fragorum conscenderant lembum, feliciter Goam pervenerunt, sed assum-  
ptis aliis navigiis cum commeatu ad deportandam relicta n turbam, jam  
fame sublatam invenerunt. Alii qui in rate Misericordiæ Divinæ navi-

gârunt,



gârunt, Cocinum tandem appulsi sunt, sed cadaveribus quàm hominibus  
similiores. *Orlandinus p. 1. hist. Soc. lib. 15. n. 124.*

*Eodem die obierunt.*

*Victima fidei.*

2. In Amboino, Indiæ Orientalis regione, anno 1549. P. Nunnus Riberius. Lusitanus. Fidei prædicationem intrepidè multo cum fructu promovebat, etiam inter extrema pericula, jam incendij, jam naufragij. Deniq; à Saracenis propinato veneno contabuit, etiam extremo vitæ die concionatus ad populum; & cum ire non posset, in linteo delatus ad infirmos.

*Infirmorum  
cura accurata  
habenda.*

3. Tornaci in Belgio, anno 1556, P. Bernardus Olivarius, Belga, Vocationis suæ in Societatem unicè amans. Cum enim Ministrum ageret Collegij Romani, & S. P. Ignatius ægro cuidam certum pharmacum dari jussisset: Bernardus id valetudinarij ministro commisit; hic per inconsiderantiam neglexit. At Ignatius more suo noctu ægrum invisens, & medicinam illi non prorrectam intelligens; Bernardum tanquam inobedientiæ reum, ipsa nocte domo exesse jussit. Exivit; sed intra extimas fores perstitit perseveranter, donec à S. Patre, constantiam laudante iterum fuerit designatus. Postea tam insigni exemplo vixit, ut brevi Rector Collegij Romani fuerit designatus.

*Vocationis te-  
naci.*

*Societatis a-  
mor ingeniosus.*

4. Bracciani in Italia, anno 1626, Alexander Urfinus, S. R. E. Cardinalis & dux Bracciani. Societatem unicè adamavit, & ardentè expetiit; sed cum illam relicta purâ & ducatu, ingredi prohiberetur: invenit temperamentum, quo ardentibus votis suis satisfaceret. Dedit ad Mutium Vitellescum, Præpositum tunc Generalem, literas, quibus se penitus, quoad dignitas Cardinalitii Ordinis patiebatur, Societati dicavit; receptusq; sub eadem moderatione, vota Societati consueta emisit, & vixit deinceps religiosissimè; ut unus è nobis, adscriptus Provinciæ Romanæ. Semper honesti & probitatis studiosissimus, ab eo tempore longè ampliores sanctitatis radios spargere coepit, proximis juvandis intentissimus, atq; in condonandis injuriis planè admirabilis. Cor suum sepeliri voluit in templo Domus Professorum Romæ prope sepulchrum Cardinalis Bellarmini, quem sibi, tanquam absolutam sanctitatis effigiem, imitandum proposuerat.

*Bellarmini i-  
mitatio.*

*Vita austerà*

5. Tricierapoli apud Madurenses, in India Orientali, anno 1656 P. Emmanuel Martius, Lusitanus. Ne cederet quoad vitæ austeritatem sacrificulis Madurensium, per annos 31, omni carne & pisce abstinuit; prandium ei dabat milium tostum, coenam placentula ex milio; prout de die vestitus incedebat, ita noctu somnum capiebat; quater pro fide prædicata in carceres conjectus, bis atrociter vapulavit, quater inter publica ludibria civitatibus ejectus, ipsam quoq; mortem, post labores fructuosissimos, inter ærumnas oppetiit quàmvis inter Socios. In rota enim Resideutia loci illius tantæ fuerunt Sanctæ Paupertatis divitiæ: ut cervical inveniri non potuerit, quod moribundo subiceretur. *sourvellus in hist. Soc.*

*Paupertas ri-  
gidâ.*

## XXIII. AUGUSTI.

*An chorus in-  
ducendus in So-  
cietatem.*

1. IN Congregatione I. Generali anno 1558, post felicem Lainii electio-  
nem in Præpositum Generalem, jussu Pontificis Pauli IV deliberati  
coceptum: an conveniat Societatem suscipere Chorum, & Generalem ha-  
bere



bere non perpetuum, sed triennalem tantum? Mirati Patres, quod Pontifex rem probatam, & confirmatam à Prædecessoribus suis Paulo & Julio, iterum in dubium & deliberationem vocet, præsertim cum ipse ante electionem intimârit, se propendere potius in Generalem perpetuum: fecerunt tamen obedienter imperata. Re diligenter DEo commendata, post institutam hodie & prostridie deliberationem, nemine discrepante visum est omnibus, nihil esse innovandum. Ut mentem Congregationis Pontifici declararent, missi Lainius ipse & Salmeron: qui illum graviter offensum reppererunt, & acri oratione excepti sunt, præsertim quod Chorum nollent: sed mox prudente Lainii responsione placatus est: nondum tamen à sententiâ amotus. *Sacchin. hist. Soc. p. 2. lib. 2. n. 55. &c.*

*Eodem die obierunt.*

2. In Hollandia, anno 1651, P. Jacobus Sluyskens, Belga, Missionarius intrepidus, & indefessus, Fidei ipsius vigorem & virtutem mirati sunt ipsi hæretici, quando fulmine incensa turris Amorsfortiensis, ipsi civitati exitialis fuisset, nisi P. Jacobus intervenisset: qui modicâ Aquâ benedictâ incendio insperâ ita illud oppressit; ut ne fumo post se relicto, fuerit absorptum.

*Aqua benedicta contra incendium.*

3. Mussiponti in Gallia, anno 1622, Joannes Damyne, Gallus. Mores omnes, ac linguam potissimum ad amussim Legum nostrarum composuerat; cum immatura morte raptus est, non sine communi opinione virtutis ordinariam supergressus: Auxit hanc quidam è Scholasticis nostris Theologis propediem à Societate separandus. Arcano enim instinctu impulsus, ad mortui Joannis cadaver accessit, illudq; complexus, profundo animi sensu in hæc erupit verba: *Ecce adulescens, trahere me post te* Eodem enim die fatali morbo correptus, paucis post diebus piè admodum ac religiosè in Societate decessit.

*Dimittendus à Societate.*

4. Vilnæ in Litvania anno 1631, P. Constantinus Syrwid, Litvanus. Vitam egit quàm innocentem, perpetua Virginitate floridam, & studio perfectionis religiosæ eximiam: tam laboriosam. Inter labores Scholasticos, explanandæ Sacræ Scripturæ addictos, diebus festis manè ad populum in templo Collegii dicebat Litvanicè, mox in templo Cathedrali Polonicè coram Canonicorum Capitulo; deniq; post meridiem in Ecclesia Domus Professæ Lectionem ad confertum auditorem de S. Scriptura habebat. Monitus, ne nimio zelo & labore valetudinem iret perditum, egregiè respondit: *Quorsum mihi valetudo, nisi ut laborem?* Soutvell. in bibl. Soc.

*Operarius laboriosus.*

XXIV. AUGUSTI.

Petrus Faber anno 1544 pervenit Ulyssiponem in Lusitania; cumq; ibi Regem non reperisset; Eboram ubi aula erat, se contulit, paucisque diebus ita se regi probavit, ut apud se hominem detinere decreverit. Excurrit Pater subinde Conimbricam: ubi Joannem Nunnium, virum eâ prudentiâ & probitate præditum, ut passim *Sacchus Abbas* diceretur, in

*Joannes Nunnius adlegatus Societatis.*



Societatem adlegit, quàmvis antè alienum ab ea. Conatus fuerat P. Melchior Nunnez, frater germanus, illi Societatem persuadere, sed effecit nihil. Faber primo congressu hominem expugnauit, sed jam antè per visionem subactum, & monitum; ut Conimbricam se conferret, à Fabro, qui in visione illi monstrabatur, edocendus, quid sequendum foret. In Societate eam vitam egit, ut post non multos annos Æthiopiz Patriarcha sit creatus. *Orlandin. hist. Soc. p. 1. lib. 4. n. 138.*

*Carigii appe-*  
*lunt baptis-*

2. In Brasilia suscepta est anno 1554 expeditio ad Carigios à tribus Sociis Petro Correa, Joanne Sosa, & Fabiano. Sunt Carigii interioris Americæ populi, docile ac mite genus hominum; qui cùm audissent de Christianæ Religionis legibus, illius desiderio ita exarserunt, ut ad P. Nobregam Brasiliæ Provincialem missis nunciis, petierint erudiri & baptizari. Sed cùm piis ipsorum votis hic & nunc satisfieri non posset, dilationis impatientes, non dubitarunt ducenti, & ampliùs eorum, periculoso itinere, à sexcentis passuum millibus, se committere, ut sacro fonte expiari possent. Verùm à Tupinaquinis barbaris intercepti trucidatiq; compendio iter ad cælum abolverunt. Correa nihilominus cum Sosa, relicto Fabiano ad curam infirmi cuiusdam Hispani, persecuti sunt iter suum: verùm & illi eodem fato sunt involuti, mactati à Carigiis, concitatis à quodam Europæo, quod ei pellicem abstraxisset Correa. Facinoris immanitatem exaggerat: quòd paulò antè eundem Europæum jamjam mactandum & devorandum à Brasilis, liberârît Correa è faucibus ipsorum. Sed plus potuit in homine amor pellicis, quàm obligatio gratitudinis. *Orlandinus hist. Soc. p. 1. lib. 14. num. 121.*

*Eodem die obierunt.*

*Crucifixi Im-*  
*ago illustrat.*

3. In Missione Peruana, anno 1609, P. Ioannes Perez, Hispanus. Ea sedulitate & charitate in nosocomio Deo pauperibusq; seruiabat; ut profusus è latere simulacri sui radijs, Christus illum largè illustrârît.

*Penator bar-*  
*barorum.*

4. In Brasilia apud Carrigios, anno 1554, Petrus Correa, Coadjutor, Lusitanus. Ante initam Societatem ductor militum, feros & antropophagos Brasilos singulari industria venabatur, capiebat, & in servitutem vendebat. Societatem ingressus, idem præstitit, sed meliore & altiore fine; ut scilicet illos Christo manciparet. Homines e pulis barbaris destinatos, ipsis annuentibus, clam dextrè baptizabat, aquâ è strophilo expressâ. Cum Ioanne Sosa ad Carrigios missus, ibi rem Christianam multo labore ac ingenio promovit insigniter donec post abstractam cuidam è conversis pellicem, à barbaris ab ipso concitatis, sagittarum imbre obrutus uterq; interijt.

5. Ulyssipone in Lusitania anno 1614 Bartolomæus Alvarus, Coadjutor, Lusitanus. Diligentissimum egit Sacristam, tam in conquirendo, quàm decenter asseruando apparatus sacro. Egris præterea mira charitate seruiuit totis 40 annis. Cùm



externus quispiam naufragante stomacho sacrum Viaticum eiecisset, Frater Bartholomæus tam obsequentem habuit stomachum suum: ut divinum illud epulum cum circumfusus fordibus intrepidus hauserit. In Japoniam deniq; destinatum cum Japoniæ Episcopus Sebastianus Morales, sacris eum Ordinibus iniungere contenderet: perstitit ille immobilis in gradu suo; securior in humili.

*s. Viaticum eiec-  
tum sumitur*

*Humilitas.*

## XXV. AUGUSTI.

1. **I**N prima Congregatione Generali inter cætera propositum fuit, de Forma Votorum simplicium, quæ post Professionem solemnem, juxta Constitutiones emittenda sunt; an executioni mandanda esset, & Vota hujusmodi emittenda? Placuit Congregationi Formula, & executio indicta est in festum S. Bartholomæi, quod in urbe celebratur 25 Aug. qua die à prandio omnes Professi vota illa emiserunt coram Præposito Generali, in ipso loco Congregationis. *Decret. 102. ejusdem Congr.*

*Vota simplicia  
post Professionē  
emittuntur.*

2. Anno 1617. Paulus V Pont. Max: cum informante Octavio Episcopo Forosempronienſi, intellexisset; quantum P. Franciscus Suarez laboraret in Lusitania pro Sede Apostolica, in gravi dissidio Status Politici ab Ecclesiastico, scripto etiam erudito Libro de immunitate Ecclesiastica; hanc ad eum Pontifex non vulgaris existimationis & benevolentia dedit Epistolam. Significavit nobis Venerabilis Frater noster Octavius, Episcopus Forosempronienſis, & in istis regnis Collector: quæ tu de controversia inter eum & Magistratus sæculares ( pacis adversario instigante ) nuper exortâ, responderis; & scripta etiam misit, quæ ut tuæ multæ doctrinæ & pietati consentanea sunt, ita fuerunt nobis maxime grata. Quamobrem operam tuam, ut debemus, laudamus; teq; in Domino hortamur ut DEI honori, atq; Ecclesiæ suæ ( in qua tantum divinâ gratiâ emines ) libertati inservire pergas. Novimus enim, quantum tua autoritas ad extirpanda zizania valeat. Quod etsi futurum non dubitamus: tamen nostram Apostolicam benedictionem impetrandi, & paternam in te charitatem commemorandi occasionem nacti, officio nostro deesse non potuimus. Retribuat tibi Dominus laborum tuorum mercedem &c. *Massæus in Vita cap. 22.*

*Pauli V episto-  
la ad P. Fran-  
ciscum Suarez*

3. P. Joannes Bapt. Alexandrius militiam & castra fuerat secutus adolescens. Inde conversus ad privatum de morte fratris dolorem ulciscendum armis, inimicum diu investigatum tandem assecutus, & jam sublato gladio mactaturus, supplicem accidere sibi ad genua cernit, vitamq; interposito JESU nomine deprecari. Repressit se, ac deprecatione tantus,

*Inimicus ventis  
data lucroso.*



atus, veniam inimico lubens & vitam concessit. Statim DEo facinus egregium remunerante, profanam abjicere militiam, & sanctiora Societatis arma induere decrevit. In sacrum igitur adscriptus agmen Anno 1560. duos & 20 annos natus, post varia munia recte prudenterq; gesta, & quinquennium in Perusino Collegio regendo collocatum, totum se contulit ad excolendos Collegii Romani studiosos adolescentes. Amplius quingenti eo magistro vitam religiosam, Societatem etiam complures, amplexi sunt: liq; omnes tam bene lecti, ut à DEo vocatos nemo non cognosceret; ac P. Alexandrium peculiari luce collustratum esse divinitus ad eam rem, fama prædicaret. Si quis externus operam Sacerdotis expeteret intempesta nocte, nunquam non præstò erat: cumq; aliquando à Ganeone per ludibrium evocatus, ac per totam civitatem frustra circumductus fuisset, non inultam profanus ludio procacitatem tulit ante ipsas Collegio. feres in rixa nocturna confossus, & sacerdotem, à quo expiaretur, frustra inclamans, *Juvencius fol. 786.*

*Eodem die obierunt.*

*Oratio efficax*

4. Laureti in Italia, anno 1559, P. Cornelius Vishavaus, Belga, vir magnæ obedientiæ, orationis & mortificationis. P. Petrum Fabrum ut Lovanii retineret, febrem illi dicitur à Christo impetrasse: pro eodem sanando jussus orare fecit; & Faber convaluit. In Belgio & Sicilia dictus est DEiparæ Paranympbus; quod mirâ verborum efficaciam plurimas Christo sponsas in cœnobia adduceret, Domino subinde cooperante etiam prodigiosa virtute.

*Paranympbus DEiparæ.*

*Oratio humilis.*

5. Romæ anno 1590, P. Jacobus Miro, Hispanus, orandi assiduitate, & mortificationis asperitate memorabilis. Ad orationem se componens, abdebat se in angulum, vel abiciebat sub mensam, tanquam non inveniens, ubi compareret coram tanta DEi Majestate. Præter cilicinium thoracem perpetuum, ferrea catenâ tam arctè lumbos adstringebat: ut non sine periculo eximi potuerit. Ipse P. Euerardus Mercurianus, Præpositus Generalis, commisit curam, consiciendi ex Constitutionibus S. Patris Summarium, & Regulas concinnandi.

*Summarium Constitutionum.*

*Victimæ fidei*

6. Omuræ in Japonia, anno 1624, P. Michâel Carvalius, Lusitanus fidei causâ post tredecim mensium carcerem, combustus. Ad mortem ductus, palum, cui alligandus erat, ipse portabat & cum Socijs Psalmos hilariter decantabat.

*Victimæ fidei*

7. Moguntia in Germania, anno 1595, P. Petrus Brilmacher, Germanus. Vir fuit magni animi, linguarum peritus, felicitis eloquentiæ in conversione multorum; quàm charus orthodoxis, etiam principibus, tam invisus heterodoxis; quos cum acriter insectaretur, propinato ab illis veneno, quod nullis phar್ಮacis domari potuit, sublatus est.

*Mathematicus Astronomus.*

8. Pechini apud Sinas anno 1666 P. Joannes Adamus Schall, Germanus Colonienfis. Insigni Matheseos, præsertim Astronomiæ, scientiâ, magnum in illo imperio comparavit sibi nomen, ita: ut Imperator ei commendârit Calendarij Sinici, cujus



cujus ibi maxima æstimatio & usus est, emendationem. Ob eam feliciter confectam, titulo *Magistri arcanorum celestium*, diplomate edito honoravit P. Adamum, supremum Tribunalis Mathematici Mandarinum seu Præfectum constituit; suum deniq; voluit esse Admonitorem, siquid circa regni administrationem occurreret suggerendum, Quo omni favore non ad privata sua commoda utebatur ille, sed ad fidei propagationem, & fidelium defensionem: tantog; studio cum Sociis rem promovit Christianam, ut annorum 14 spatio, ad centum millia & amplius, Ecclesiæ accesserint. Verum defuncto Imperatore, & imperii curâ ad 4 Gubernatores delata, alia successit rerum facies. Quod enim diu presserunt odium, mox effuderunt in P. Adamum & Socios; Pechinenses, confictis criminibus & catenis novem singulos onerantes. Quamvis verò post sex mensium carcerem ærumnosissimum, pugnante pro innocentia cœlo, fuerint absoluti & liberati: P. Joannes Adamus septuagenario major, ærumnis illis ad paralytim antè contractam accedentibus, confectus occubuit, *ourwell. in bibl. soc.*

*Fidei felix pro-  
pagatio.*

## AUGUSTI XXVI.

**I** P. Jacobus Lainez Præpositus Generalis Societatis, è Gallia redux anno 1562, iussus est à Præsidibus Concilij Tridentini, hac die sententiam dicere de Sacrificio Missæ, de quo diu multumq; disputatum fuerat. Verum cum eo die alii quidam verba fecissent, quò commodius, perq; otium audiretur Lainius, in diem posterum dictione dilata, totum matutini conventus tempus illi uni attributum fuit. Nemo enim erat, quem non audiendi hominis mira cupido teneret, tum ob memoriam eorum; quæ egerat in eodem Concilio Pauli Juliiq; Pontificum temporibus; tum ob secundissimam famam recenter gestorum in Gallia. *Sacchin. bist. Soc. p. 2. lib. 6. n. 80.*

*P. Lamez ju-  
betur sententiã  
dicere de Sacri-  
ficio Missæ in  
in Conc. Tri-  
dent.*

2. Anno 1618 perhonorificas literas dedit S. Franciscus Salesius ad P. Leonardum Lessium, quæ pro clypeo esse possunt doctrinæ ipsius contra æmulos. Attulit mihi, inquit, Paternitatis Vestræ literas dilectissimus nobis Magister Gabriel: quæ ut perhonorificæ, ita & jucundissimæ mihi fuerunt. Amabam jam pridem, imò etiam venerabar te nomenq; tuum, mi Pater; non solum quia soleo, quidquid ex vestra illa Societate procedit, magni facere; sed etiam quia sigillatim de vestra Reverentia multa audi- vi præclara primum, deinde vidi, inspexi, & suspexi. Vidi namq; ante aliquot annos Opus illud utilissimum de Justitia & Jure, in quo etiam breviter & luculenter difficultates illius partis Theologicæ, præcæteris Aucto- ribus, quos viderim, egregiè solvis. Vidi postea Consilium, quod à mag- ni consilii Angelo per te mortalibus datum est, de vera Religione eligen- da: ac demum obiter vidi in Bibliotheca Collegii Lugdunensis Tractatum

*Epistola S.  
Fran. Salesij  
ad P. Leonardum  
Lessium.*



de Prædestinatione. Et quàmvis non nisi sparsim, ut sit, oculos in eum conicere contigerit; cognovi tamen, Paternitatem Vestram sententiam illam: *Antiquitate, suavitate, ac scripturarum nativâ auctoritate nobilissimam, de Prædestinatione ad gloriam post prævisa opera, amplecti ac tueri*: quod sanè mihi gratissimum fuit, qui nimirum eam semper, ut DEi misericordiæ ac gratiæ magis consentaneam, veriore ac amabiliorem existimavi: quod etiam in Libello de Amore DEi indicavi. &c. *Eleuther, in bist. de Auxil. lib. 1. cap. 6.*

*Eodem die obierunt.*

*Modestia Angelica.*

*Oratio fortissimum presidium*

3. Brunæ in Moravia, Janno 1649, P. Martinus Stredonius, Silesius, celebris vitâ Sancta, & oraculo, quo prædixit Leopoldo I Imperatori glorioso, feliciter gerenda. Septennis, antequam primò Divinæ mensæ accumberet, tridui jejunio, ac propè inediâ, se præparavit. In Societate, dum Græcii studeret, Societatis Angelus dicebatur. Quidquid ageret, ita castitatè, ac religiosè agebat: ut Nissâ vocaretur *Ile Pater, ex cujus ore Angeli loquuntur*. Bruna contra Suecos feliciter propugnata & conservata, etiam Ferdinandi III Imperatoris sententiâ, Patris Martini precibus est imputata. Extremo vitæ quinquennio, singulis propè noctibus è lectulo se proripiebat, & ad DEiparæ V. iconem supplex provolvebatur; occupabatq; se tunc ejusmodi actibus, quales optabat in agone supremo. Visus subinde est inter orandum prope templum, in aère sublimis, animo illuc trahente pondus corporis, ubi ipse DEo fruebatur.

4. Bivonæ in Italia anno 1611 P. Franciscus Mirolodus, Italus. Tyrones ac veteranos ea suavitate rexit, ut matris loco sit habitus. Stipem studiosè humiliterque corrogabat, qua pauperes virgines in matrimonio collocarentur; & pro nosocomio jam collapsò restituendo. Sodalitatem quoq; instituit pro animabus fidelium Defunctorum juvandis. Optavit eâ horâ mori, quæ Christo suprema fuit: & verò feriâ 6tâ sub idem tempus expiravit.

5. Barcinone in Hisp. anno 1589, Jacobus Mauritiûs, cum Sociis 5, in obsequio pestilente contagione laborantium, cecidit victima charitatis: quem eodem die, sed anno 1626, Heiligenstadii in Germania secutus est P. Joannes Kempis, unus è 5 Sociis, qui eo anno simili funere elati sunt.

XXVII. AUGUSTI.

*P. Lainius in Concilio Trid. perorat.*

**P** Jacobus Lainius Præpositus Gen: sententiam dicturus in Concilio Trid. tanta sui æstimatione impleverat Patres & Principum Oratores: ut rarissimâ frequentiâ confluerint; nullus è Cardinalibus Legatis, nullus ex Oratoribus, nullus omnino ex Episcopis aliisq; Præsulibus sit consideratus. Exorsus est ex assignato sibi loco dicere de SS. Missæ Sacrificio: sed cùm paulò remotior ab Legatis esset, ut clariùs audiretur, ad se accersitum, apud se locant. At sic ab inferioribus Episcopis ægrè audiebatur;



batur; qui cum & ipsi sitientes haberent aures, suis relictis sedibus, propius accedere coeperunt. Legati ergo suggestum afferti, ac inter se & Episcopos collocari, atq; inde Lainium fari jubent. Dixit continuis horis duabus cum dimidia eo successu, ut divino Spiritu copiosius irroratum esse manifestè pateret, gravissimus ille Senatus, ex flore generis humani collectus, propè attonitus hæretet, omnesq; profiterentur: eum expectationem suam longè superasse. Simili frequentia & approbatione etiam deinceps sæpius in angusto illo Senatu peroravit, eximiumq; Societati nomen comparavit. *Sacchin. hist. Soc. p. 2. lib. 6. n. 81.*

2. Anno 1590, Sixtus V Pontifex diem suum obiit, Societati valde opportunè. Ita enim exarserat in tollendum ei Nomen *Societatis JESU*, & mutanda quædam in Instituto; ut nulla informatione, nulla Cardinalium interventione averti posset. Ut tamen hominum sermones declinaret: non per se, sed per ipsum Præpositum Generalem à se concepta exequi volebat. Mandat ergo Claudio Aquavivæ, ut literis ad Provincias datis, juberet omnes ab ea Societatis denominatione abstinere. Parendum fuit: sed priusquam eæ literæ expedirentur, formam illarum attulit Claudius (cui omnes morulæ in pretio erant) ad Sixtum, rogans: an ex mente suæ Sanctitatis conceptæ essent? Laudavit Pontifex obedientiam Claudii, probatasq; literas reposuit in scriniolo suo, oblitus, DEO ita disponente, urgere earum expeditionem ad provincias. Interim in Societate fervebant preces ad DEum: ne pateretur Nomen famulo suo Ignatio traditum ad insigniendam, quam ex ejus voluntate condebat, Religionem, abrogari. Audita videtur oratio: nam Sixtus intra paucos dies sublatu est; qui verò ei successit Gregorius XIV, insigni diplomate & Institutum totum & Nomen primigenium *Societatis JESU* confirmavit, perpetuoque retinendum statuit. *Sacchin. hist. Soc. p. 5. lib. 10. n. 43. & seqq.*

*Eodem die obierunt.*

3. Ferrariæ in Italia; anno 1575, P. Fulvius Androtius, Italus, viri severioris ac eminentis virtutis. Cum apud Ferrariensem Ducem gratia polleteret; utebatur illa non ad comoda Collegii, cui præerat, sed ad animi illius profectum. Conscientias, quas regebat, non blandè palpat, sed medica manu severius tractabat: Unde dicebant quidam: Si Pater Fulvius indulgentius agere seu nosset, seu veller: aureum ipsius Collegium evasurum. Sed ille animas, non aurum volebat.

4. In Philippinis Insulis, anno 1603, P. Melchior Hurradus, Hispanus: quem Zebuanus Episcopus laudavit, ut virum doctrinâ & Apostolica virtute admirandum, atq; ærumnarum sitientissimum. Invenit harum sat largam copiam, tum apud piætos, ut vocantur, Indos, quos decennio excoluit; tum apud Mindanaos, apud quos per

*Mors Sixti V.*

*Erga poenitentem  
les rigor.*

*Ærumnarum  
suis.*



annum gravi servitute pressus est, animo semper & ubiq; eminente.

*Operariis strenuus.*

*Ulcera sanantur ope S. Ignatii.*

5. Gerundæ in Hispania anno 1605 Joannes Naves Coadjutor, Hispanus, vir ad stuporem accuratus in omnibus negotiis & officiis, quæ hominum ejus gradus propria sunt. Sive ad fabricam, sive ad currus agendos, sive ad hortum, sacristiam, valetudinarium aut culinam applicaretur: ubiq; cum quodam splendore virtutis operabatur. Cum duos Sociorum contagiosa lues corripuisset: ipse utriq; diu noctuque aderat omni genere obsequiorum; factumq; ut tandem ulcera eadem, quæ alter in collo, alter in tibia ferebat, ipse utraq; in iisdem partibus contraheret. Videns autem Patres de se admodum sollicitos, supplex procidit coram Reliquis Sancti Patris nostris; viditq; multam ex illis lucem erumpentem, sibiq; circumfusam: qua ulcera sunt absterfa & sanitas reddita. Sed placuit DEo, operario strenuo non disferre diu mercedem: post 15 dies redierunt ulcera, cumq; cælo asseruerunt.

## XXVIII. AUGUSTI.

*Controversia de auxiliis gratia divina.*

1. Illuxit tandem dies, quo velut terminali lapide, finis impositus est a-cerrimæ liti, inter duas Religiosas familias ferventi, de Auxilijs Gratiæ Divinæ. Annis fere 10, ab Novembri anni 1597 ad 18 Augusti anni 1607 summo studio partium disceptatum fuit: donec post obitum Clementis VIII Paulus V Pont. Max. habita in monte Quirinali Congregatione Cardinalium consultavit de lite terminanda: non tamen definivit, quid in principali controversia, de doctrina Molinæ aut Prædeterminatione physica, sentiendum esset; sed finita Congregatione, Præfæctis utriusq; Ordinis, scilicet Magistro Generali PP. Prædicatorum, & Præposito Generali Societatis JESU, dedit exemplar Epistolæ Encyclicæ, quam quisq; illorum expediret ad Provinciales sui Ordinis, & ejusdem observantiam omnibus strictè injungeret. Tenor hujus Epistolæ patebit ex ea, quam 5 Septemb. P. Claudius misit ad Provinciales Societatis, & recitabitur hic eo die. Summa est: Sanctitatem suam opportuno tempore declaraturam, quid sentiendum: interim licere partibus insistere doctrinæ suæ, sine qualificatione vel censura partis oppositæ. Hac ratione finis impositus est controversiæ diuturnæ: nec amplius aliquid proditum est, quid in Congregatione illa Cardinalium sit actum. *Eleuther. hist. de Auxil. lib. 6. cap. 28.*

*S. Xaverij ope filiolus sanatus.*

2. In Calabria juramento testata est Anna Comitissa Æquacenensis: se à S. Xaverio Potamiensi sanum recepisse deploratum filiolum, novem mensium; postquam illi voto promisit, se vestes parvulo curaturam illis similes, quibus Sanctus in terris quondam induebatur. *Ex lib. mirac. Potam. n. 234.*

*Eodem die obierunt.*

3. In Peruvia anno 1597, P. Michael de Urrea, Hispanus, paupertatis & abnegatio-



gationis sui studiosus inprimis. Rectoris Collegii munus cum lacrymis deprecatus, angulum pro cubiculo habuit, in quo ob loci humilitatem stare non poterat. Ad prædicandum Ciuitatis Evangelium primus à Societate missus, multa & acri mortificatione, se ad arduam illam Missionem paravit. Quod idolum gentis illius coli vetuisset, illudq; ex ara sua deiecit, ligneis acinacibus interfectus est. Sed sicarii comessantes à leonibus & tigridibus discerpti sunt; qui fugâ evaserunt, pestilente lepra brevi consumpti sunt.

4. Ximabará in Japonia, anno 1633, P. Jacobus Antonius Giannius, Italus. Post labores viginti quatuor annorum inter multas ærumnas exantlatus, ab apparitoribus tentus, suspensio in foveam triduum fidei causâ, tolerato, felici agone cursum consummavit.

5. Smolensci, anno 1635, P. Laurentius Bartilius, Polonus, vir exquisitæ pietatis, præsertim in Virginem DEiparam, cujus vitam in singulos hebdomadæ dies distribuerat, & pro Meditationis suavissimo argumento assumebat. Etiam cum Provinciam regeret, nullum componendi cubiculi administrum patiebatur, dicens: *Humilia officia nunquam esse deponenda*. Si consuleretur ab aliquo, DEum consulebat, antequam responderet. Gubernabat miti ingenio, sed forti contra respectus humanos. Inter orandum spirabat quid divinum; & subinde à terra in æra sublatus, conspectus est. Variis varia prædixit ex vero. Post mortem cum Coadjutorum quispiam, in mortuali crypta, ei capillos aliquot decerpisset venerationis causâ; noctu illi comparens redarguit, iussitq; reponere, quod accepisset. Negligentem nocte altera gravius arguit, addens: *Nescis, mi Frater, quantis ego mortificationibus à Domino obtinuerim: ut nulla mei particula in veneratione esset*. Recepit Frater, se imperata facturum: sed jam non reperit capillos ablatus. Ex ejus vita.

## XXIX. AUGUSTI.

1. **S.** P. Ignatius anno 1541, cum pro incolumitate P. Ioannis Codurij, unius è primis decem Patribus, rem divinam facturum tenderet ad ædem S. Petri in Ianiculo; medio in ponte, qui Sixti dicitur, intentis in cælum oculis, velut à stupore defixus, repente constitit. Tum ad comitem suum, Referamus, inquit, nos domum, Condurius noster decessit. Creditum: Ignatio visam, ut antea Hosij, sic nunc Codurij animam, euntem in cælum. Ex horarum enim computatione cognitum, ipso illo temporis momento exspirasse Codurium. Insinuavit id occultè ipse S. Pater, quando ad P. Petrum Fabrum scripsit: Codurij animam à pio viro in oratione conspectam, in cælum deportari inter choros Angelorum. *Orlandinus, bist. Sec. p. 1. lib. 3. num. 20.*

2. Anno 1571 S. Franciscus Borgia, Præpositus Generalis, Cardinali Alexandrino additus à Pio V. comes legationis in Hispaniam ad Philip-pum II, Barcinonem pervenit: ubi incredibili civium benevolentia & plau-

*Cubiculum pauper.*

*Victima fidei.*

*Victima fidei.*

*Devotio erga B. V.*

*Respondenda methodus.*

*Humilis post mortem.*

*S. Ignatius creditur vidisse animam P. Codurij deferri in cælum.*

*S. Franciscus Borgia comes legationis in Hispaniam.*



su exceptus est, tanquam Prorex olim ejus Principatus laudatissimus. Reddidit ipse urbi non minorem gratiam, quando acerrimam litem inter Collegia Canonicorum Catalauniæ, & regios Procuratores ferventem, unius diei spatio felicissimè composuit. Hic obvium habuit Ferdinandum Borgiam, unum è liberis suis, quem Philippus rex, ad gratificandum parenti, de industria legerat ad salutandum deducendumq; Legatum. Valentiam versùs progressus cum Legato, in nobili Hieronymianorum cœnobio reperit Carolum ducem Gandiæ cum fratre Alphonso, filios suos, & Marchionem Lombayæ Franciscum, nepotem suum, cum magno propinquorum & affectuum nobilium comitatu, habuitq; omnes genibus suis affusos ad venerationem inter uberrimas lacrymas. Verùm modestissimus DEi famulus celerrimè sese eripuit, & jussis illis Legato adesse, in collegium se recepit ad dulciores fratrum filiorumq; in Christo amplexus. *Sacchin. hist. Soc. lib. 7. p. 3. n. 126. & seqq.*

*Eodem die obierunt.*

*Jejunium Ex-*  
*ercitia alit.*

3. Romæ anno 1541, P. Joannes Codurius, Allobrox, Nonus in prima decade Sociorum S. Ignatii. Parisius, dum primis Exercitiis excoletur, triduum sine cibo & potu transegit, magno piorum affectuum æstu exardescens; nec defecit postea à concepto ardore, sed cum magnis auxit incrementis. S. Ignatius vidit morientis animam lucidam inter choros Angelicos ferri ad cælum.

*Victima fidei.*

4. Ximabaræ in Japonia, anno 1633, Joannes Guindora, seu Kidera, Japon, longis carceris incommodis, fidei odio, maceratus, tandem in foveam prono capite suspensus, quarto die bonum certamen glorioso agone coronavit,

*Testamenti pia*  
*correcio.*

5. In Monte Regali, anno 1637, P. Christophorus Ferrerius, Italus, amore Vocationis suæ, & inimicorum clarus. Jam in Societatem viventi misit Pater senio gravis, Testamentum à se confectum, ut P. Christophorus illud arbitrio suo accommodaret. Inter alia hæc scripserat: Si verò P. Christophorus Ferrerius, unicus meus filius, per morbum aut alia de causa in religione non persisteret, sed ad sæculum reverteretur; eo casu rescindo, quidquid constitui, & illum omnium omnino bonorum meorum heredem constituo. Hæc lecta, in hunc modum vertit P. Christophorus: Si verò P. Christophorus Ferrerius, unicus meus filius, per morbum, vel alia quacunque de causa, usq; adeò esset demens, adeò ingratus DEo, & adeò impius, ut religionem desereret, revertereturq; ad sæculum, eo casu pronuncio illum indignum, qui mihi succedat, & sit hæres meus &c. Sicario, qui fratrem ejus interemerat, non solum ignovit facilè, sed in quotidiano sacrificio semper pro illo oravit, & multum ei dolorem de patrato facinore impetravit.

*Vocationis a-*  
*mor.*

*Amor inimici.*

*Facultas Gre-*  
*gor XIV de*  
*scribiendis*  
*divitiis.*

XXX. AUGUSTI.

1. Anno 1591 Gregorius XIV Pon. Max. Constitutionem Sixti V. Cum de omnibus, abrogavit, secundum quam debebant Novitij non aliter susci-



fulcipi, quam in Congregatione Generali, vel Provinciali; quod non nisi cum summa difficultate fieri poterat: concessitq; facultatem Novitios juxta Constitutiones Societatis admittendi, & cum illegitimis dispensandi. *Liter. Apost. Confir. Greg. Exponi nobis Sc.*

2. Clemens verò VIII anno 1602, extendit facultatem erigendi exteriorum Congregationes, Primariæq; Romanæ aggregandi, ac Indulgentias eis communicandi, Præposito Generali alias concessas, etiam ad Residentias Societatis. *Ex Lit. Apost. Bullar. Soc.*

3. Anno 1558 Congregatio Generalis I Decreto 100, confecit Instrumentum publicum de auctoritate Præpositi Generalis in Contractibus, decrevitq; ac declaravit: quod Præpositus Generalis possit per se, absq; Congregatione vel Collegialibus capitulariter convocatis, celebrare quosvis contractus, (dum modo non agatur de dissolutione aut alienatione Collegij vel Domus jam erectæ) & acceptare donationes, & applicare ad hanc vel illam partem seu domum, prout senserit ad majorem DEi gloriam fore: posse quoq; eandem potestatem communicare Provincialibus & Superioribus locorum, prout ipsi in domino visum fuerit. *Congr. 1. decr. 100.*

4. Anno 1656 Carolus Maranta Episcopus Iuvenacij in regno Neapolitano, publico chirographo testatus est: Ilabellam, uxorem æconomi sui, pestilentibus ardentem carbonibus, illico restitutam esse sanitati; postquam decem sacra ad aram, & in honorem S. Xaverij à se celebranda, pro infirma, vovit. *Ex libello Mirac. in regno Neapol. Mirac. 3.*

*Eodem die obierunt.*

5. Treviris in Germania, anno 1587, P. Petrus Clutius, Belga. De statu vitæ deliberans, cum animo fluctuaret inter Societatem, & alium religiosum Ordinem, multisq; cum lacrymis lumen à DEo peteret; manifesta DEi voce, dixit se hæc verba accepisse: *Petre, Petre, beatus ille, quem vocavi ad Societatem nominis mei!*

6. Pragæ in Bohemia, anno 1660, P. Adamus Krawarski, Silesius, multis adversitatibus in Virum Apostolicum formatus supra triginta hæreticorum millia per Bohemiam ad Catholicæ Ecclesiæ ovile reduxit; Concionator & Operarius, inter varia vitæ discrimina indefessus. In concionibus plerumq; servabat hanc methodum. Flexis in pulpito, vel altiore subsellio genibus, DEum ac Cælites religiosè testabatur; se ea dicturum, quæ saluti audientium necessaria forent; seq; Divino tribunali pro eis respondere paratum, se plecti æternum velle, si sciens falleret. Tum Divinas literas, & Latinos Græcosq; Patres palàm promebat ad firmandos Catholicæ fidei articulos. Qua industria populum mirificè permovebat, & postea tanquam potestatem habens, flammæ in corda vibrabat. Societate ab hæreticis ex Urbe Pragensi ejectâ, carbonarii veste cum curru rediit P. Adamus, & Catholicis clam spiritualia ministrabat. Ab hæreticis pessimè acceptus non semel, pro verberibus & vulneribus gratias

*Facultas erigendi Congregationes.*

*Tractatus celebrare potest Præp. Gen. facultatemq; concedere Provinciali.*

*S. Xaverij opus peste infecta sanitati redditum.*

*Vocatio ad Societatem quatuor facundia.*

*Zelus & felicitas in convertendis hæreticis.*

*Concionandi methodus utilis.*

*Carbonarii apostolici.*



*Sacrificium  
divinum.*

*In humilibus  
officijs mira  
exercitatio.*

tias reddebat, etiam divino sacrificio pro illis celebrato. Ut se ad sacrificium præpararet; quantum fieri poterat, duobus intererat, ac post celebrationē, per duo alia gratias reddebat. Ad tam fructuosos labores & insignem sanctimoniam se disposuit non una insigni sui victoriā. Primum enim ad sortem Coadjutorum redactus, tanquam ad alia inutilis, culinæ obsequiis & curandis per hyemem fornacibus addictus est. Deinde inter Scholasticos relatus, cum alii Philosophiæ discendæ applicarentur, ipse per quadriennium parvulos elementa docere iussus est, licet ætate maturior. Ad Philosophiam tandem expeditus, per errorem Casibus discendis est applicatus. Rursum Philosophiæ restitutus, cum illa finitâ Examinatorum non dubia iudicia haberet pro Theologia speculativa, iterum per errorem Morali est addictus: & quamvis inter tot vicissitudines gravem in affectu luctum sentiret, Spartano tamen silentio, & Christianissima patientia toleravit omnia, forte sua contentus; nec ullo signo prodidit unquam Theologiæ Speculativæ desiderium, aut improbavit dispositionem de se factam. *Ex Tannero.*

### XXXI. AUGUSTI.

*Specimen insi-  
gne charitatis  
& humilitatis*

**I.** Insigne charitatis & humilitatis specimen dederunt anno 1559 Socij Collegij Goani in India. Consalvus Silveria Rector, vir eximie sanctitatis, convocatis hoc die sub vesperam Collegialibus, designavit ex illis duodecim, partim Novitios, partim Scholasticos, quibus addidit Patres aliquot, monuitq; ut expiarent confessione animum, & in diem sequentem accingerent se ad opus magni momenti. Cum illuxisset, rei ignaros, sed ad omnia ingentibus animis paratos deduxit ad Nosocomium, in quo curari solebant, qui ex Lusitana navigatione ægroti appulerunt. Ibi peracto Sacrificio divino, & Socij SS. Eucharistiâ curatis, deduxit omnes in vilem domunculam, ubi diversaturi erant, docuitq; ex ordine, quid essent acturi, cæterisq; præfecit P. Franciscum Capralem. Nbn diu expectanda fuit materia exercendæ pietatis. Altero ab eorum adventu die quatuor ab Lusitania naves portum intrarunt, in quibus ægroti omnino ducenti. Illico pars Sociorum accurrit cum bellarijs ad reficiendos, & ferebris ad deportandos infirmiores ad Nosocomium; pars omnia decentissime instruebat; ut omnem haberent commoditatem. Triginta & amplius dies tenuit sanctum hoc obsequium, ad stuporem omnium accuratum. Tum demum, cum magna ex parte recreati essent ægroti, ad Collegium revocati sunt, eoq; excepti omnium gaudio & charitate: ut præmij in cælis repositi specimen id videretur. *Sacchin. hist. Soc. p. 2 lib. 3. n. 139.*

*Bustamantius  
à periculo præ-  
servatus.*

**2.** In Lusitania anno 1553 manifesto miraculo servatus est P. Bustamantius, cum S. Borgia Ulyssiponem tendens. Præibat Borgia orationi Intentus, sequebatur Bustamantius Marianam e globulis corollam decur-

rens:



zens: qui dum perangusto tramite, loco sanè lubrico & scopuloso securus obequitat; mula, cui insidebat repente prolapsa, præceps devolvebatur per altas rupes in flumen subjectum, traxitq; secum sessorem Bustamantium, alta voce SS. JESU & MARIAE nomina inclamantem. Excitus clamore Borgia, ubi Socii periculum & imminens interitum vidit, nec aliter juvare posset, conversa ad DEum mente, Jesus, inquit, tibi præsto sit; & tu Pater misericordiarum hominem protege. Vix hæc Borgia, cum repente mula constitit, & quidem loco tam arduo, ut omnibus stupori esset: Bustamantius funibus è voragine extractus est illæsus. Sic salvi viatores religiosissimi, pridie Calend. Septembris Ulyssiponem attigerunt. *Orlandin. hist. Soc. part. 1. lib. 13 n. 45.*

*Eodem die obierunt.*

3. Casleti anno 1629, P. Florentius Tennier, Belga, Septimus cum esset inter fratres continua ferie natos, quasi agnato gaudebat privilegio divino, isthic usitato, curandi affectos strumis, seu morbo regio, curabatq; multos. Israelita sine dolo vocabatur; sui contemptu & DEiparæ V. cultu potissimum clarus.

4. Limæ in Peruvia, anno 1613, Joannes Gonzalez Coadjutor, Hispanus. Etiam ante Societatem, cum pecoris curam gereret, orandi studio mirificè tenebatur, non sine lacrymis, in campis, eò se convertere solitus, ubi templum esset. In Societate per ipsos 20 annos culinæ officia exercuit, exquisitè mundus, lætus, & jaculatorias preces in cælum vibrans. Marchio Peruvia cum illam culinæ elegantiam adverteret; vehementer admiratus dixit: Si liber esset à vinculo Matrimonii, se Societatem electurum, quæ tales habeat, faciatq;. Rogatus frater Joannes de optimo perfectionis compendio, respondit: Obedientiam esse.

5. Tarracônæ in Hispania anno 1604, P. Petrus Villar, Hispanus. Miro ad afficiendum corpus utebatur ingenio. Cum Valentia præfesset, noctu sæpè ad tabernaculum Eucharisticum adibat: ibi supplex precabatur, suspirabat, animam omnem effundebat, adjectâ dirâ sui flagellatione. Per iter Coadjutori Socio mulam suam dabat, ipse illum sequebatur pedes. Eminentem viri virtutem prodigiosis gratiis honoravit DEus, quando illi cordium secreta pandebat, morbosq; ad ejus preces fugabat. Inter alios P. Fr. Petrus Paulus de Villar Augustinianus, in India gravi morbo pressus, cum P. Petri patrui sui meminisset; illico P. Petrum coram se præsentem sibi visus est videre, manifestamq; ejus opem est expertus in restitutione sanitatis.

**I. SEPTEMBRIS.**

1. Neunte Septembri anno 1550 in Japonia urbem Cangoxuriam reliquit S. Xaverius: quod is ager malignè responderet sementi Evangelicæ. Firandum ergo tendebat, sed in itinere, ducente DEo divertit ad munitissimam quandam arcem è solidissimo saxo efformatam, quæ erat Echandoni toparchæ, clientis regis Saxumæ. Jam prævenerat fama Xaverii,

*Strumas curandi privilegium.*

*Culina munditia.*

*Obedientia perfectionis compendium.*

*Secreta cordium patent.*

*S. Xaverius in quadam arce multos convertit.*



nec deerant, qui ultro invitarent S. Viatorem. Ingressus arcem, mox magna cum fiducia & ardore Evangelium prædicavit, audiente totâ familiâ & militibus prædialiis. Prima concione lucratus est animas 17, quas sacro fonte tinxit; mox alii super alios accesserunt, ac inter ipsos Præfectus domûs toparchæ, & ipsa deniq; uxor cum filio natu maximo: Enchandonum ipsum, corde Christianum, à baptismo arcebat metus Regis, Christianis infensi. Xaverius sui loco cæteris præfecit Præfectum illum, virum ætate ac prudentia grandem: ipse Firandum tetendit. *Bartolus in Vita lib. 3. n. 20.*

*Mercatura  
quæstiosa.*

2. Idem Sanctus cum anno 1551 accepisset, navem quandam Mercatorum Lusitanorum in Japoniam esse recenter appulsam, literas ad illos, licet ignotos, dedit hoc die, in quibus inter alia: Quæso, inquit, boni consulatis, suggerere me vobis, ut aliquantum temporis occupationi vestri negotii suffuremini, quod recognitioni conscientiæ impendatis. Mihi credite, ista demum est mercatura longè omnium quæstuosissima, ex qua lucrum provenit, haud paulò & uberius & certius, quàm ex commutatione mercium Europæarum cum velleribus aut pannis sericis Sinensium &c. *Ex Epist. novarum lib. 5. ep. 10.*

*P. Strada fructus concion. 7.*

3. Cæsaraugustæ in Hispania anno 1554, ineunte Septembri comodiorem nacti sunt habitationem Socii, ultro domum suam offerente Protonotario Regni Arragonensis. Mirum est, quantis in ea urbe agitata sit & antè & post procellis Societas. Plurimum ad ejus cognitionem & existimationem contulit Strada Provincialis, qui ubi in præcipuis templis suâ illâ Evangelicâ tubâ insonuit, & in aula Proregis coram præcipuis è nobilitate prolixè disputasset de Instituto Societatis, ita omnium animos commovit; ut dicerent, etiam proprio & liberorum victui detrahendum esse, ut Patres ibi habeant Collegium. *Orlandinus hist. Soc. p. 1. lib. 14. num. 73.*

*Nostri in Moldaviam penetrarunt.*

4. In Moldaviam quoq; initio Septembris anno 1588 penetrarunt nostri, invitante principe Petro; postquam inde ejecerat Calvinistas, Lutheranos & Arianos, ipse Ruthenorum secutus ritum. Operarii tres ex Polonia adducti. *Sacchin. p. 5. lib. 8. n. 70.*

*Eodem die obierunt.*

5. Pechini in Sinis, anuo 1654, P. Nicolaus Longobardus, Siculus, Ecclesiæ Sinensis magnum columen. Quinquaginta propè & octo annos in ea vinca excolenda posuit, nullum laborem, nullum periculum animarum causâ recusans. In mensa nullo



nullo unquam condimento, ad somnum nulla culcitra utebatur; jejunium Ecclesiasticum nec in atate 90 annos supergressa, relaxabat. Sinica eloquentia valebat usque ad Mandarinorum stuporem. Estimavit Præpositus Generalis, Mutius Vitellescus, fructuosissimos viri Apostolici labores, & à gradu Coadjutorum spiritualium ad gradum 4 vota professorum ascendere iussit. Estimavit & Imperator Sinensis, qui trecentos circiter aureos pro funere splendide deducendo (ad nascentis illius Ecclesiæ majorem commendationem admissos) suppeditavit.

6. Valentia in Hispania, anno 1596, P. Martinus Alberrus, Hispanus. Per annos plures magnam noctis partem in pia cum Deo pervigilatione ponebat, precandi nunquam satur. DEipara V. multoties se ipsi spectandam præbuit, & quodam Sabbato domus purgamenta colligenti dixit: *Eli mi, valde, valde mihi in hoc neces.* Jussus ab eo pictor imaginem DEiparæ, quæ sibi apparuerat pingere, pinxit, pictam ostendit, cui Alberrus, immane quantum à veritate aberrasti: nisi pura manu Virgo purissima depingi, ut par erat, nec voluit, nec potuit: elue animi sordes, tum operi manus rursus admove. Paruit, animum abluit; opus ita emendavit, ut divina pictum manu videretur. Exstat hæc imago in Valentina domo Professorum, ejusque plurima per Christianum orbem exempla dissipata sunt. Iterum ei DEipara se videndam, obtulit, & post triginta, inquit, mercedem laborum à filio meo consequeris. Cum hoc suum gaudium amico narraret; is mensisne 30 sint, an hebdomadæ, an dies, interrogat, & Alberrus resciam modo: simulque ad precationem & Virginem reversus; paulo post renuntiat, 30 dies esse, quibus elapsis obiit. *Lupercius fol. 79a.*

7. Nanceji in Lotharingia anno 1644, P. Erardus Mainburg, Gallus, Mortua pia Conjuge, filium Societati jam antè datum, secutus est, Coadjutor temporalis futurus: nisi Præpositi Generalis voluntate, evoluta primo tyrocini anno, iussus fuisset initiari sacris, propter eximia in Societatem collata beneficia. Sed trigesima post primum sacrificium Deo oblarum die, ad præmia amplissimæ liberalitatis evocatus est. Foundationi Collegii Nancejani alterum tantum adjecit: Sannicolaitanum. quantum est, à fundamentis excitavit. Inventi tamen sunt aliqui è Societate, ut sunt varia hominum ingenia, quibus minus probabantur ejus beneficia: ille tamen cum pia conjuge, tantum abest, ut ea re commoverentur; ut dicerent potius: se omne, quod faciunt, facere ad Majorem DEI gloriam; nec cessaturos se Societatem amore complecti, licet omnes Socii spuis facies sibi conspuerent. Hoc nimirum erat, amare & operari purè propter Deum.

## II. SEPTEMBRIS.

1. **C**oram Clemente VIII habita est Congregatio & Disputatio IX de Auxil: & examinata Molinæ doctrina ex disp. 19. memb. 1 & 2. *An non consentiendum rationis judicium non absorbetur, maneat in libero arbitrio cum solo concursu generali DEI, libertas ad non consentiendum, in quocumque tempore momento, cuicumque gravi tentationi, & ad superandam quancumque magnam difficultatem, quam pro servanda, solum in eo instanti, lege naturali necesse sit vincere &c.?* Pro parte affirmante adducit Molina quosdam Do-

Vva

ctores,

*Mortificatio assidua.*

*Humilia obsequia placent B V.*

*Imago DEiparæ à peccatore male pingitur.*

*DEipara diem mortis revelat.*

*libertas ad non consentiendum.*



tores, quibus ipse accedere videtur. P. Valentia in ea disputatione contulit doctrinam Molinæ cum doctrina S. Augustini, & ostendit illam cum ista optime cohærere. *Eleuther. hist. Auxil. lib. 5. c. 11.*

*Nostri coguntur Rigæ exercere.*

2. In Polonia, sublato per mortem valde importunam, Stephano Battoreo rege gloriosissimo, anno 1587, Rigæ in Livonia collapsa confestim est res Catholica. Hæreticorum antistites à metu regis liberati, quod dudum moliebantur, efficiunt, persuadendo turbæ, ut Jesuitas urbe expellant. Vice-Rectorem hoc die acceperunt quidam Senatorum, Tribunus plebis, & Lutheri ministri, expositoq; populi decreto, iusserunt sibi tradi claves templi S. Jacobi, nullos jam ritus papisticos in urbe exercere, & mandatis populi sine mora parere. Receperunt ergo se Socij in arcem vicinam, facta protestatione de illata injuria; atq; inde excursiones faciebant ad juvandos Catholicos circumjacentes. In hac calamitate admiranda stetit duarum Virginum Sanctimonialium constantia, fere centenariarum; quæ cum solæ in cœnobio S. Magdalenæ non paucis annis perstitissent, & nunc ex moerore, ob subtractum sibi solatium Patrum, decumberent; adduci nullis modis ab hæreticis potuerunt, ut Religionem vel cœnobium desererent. Non deerant tamen illis Patres, ex arce suppeditando & corporis & animæ, per occultas industrias subsidia, *Sacchin. hist. Soc. p. 5. lib. 7. n. 40.*

*P. Franciscus Borgia beatus nuncupatur*

3. Anno 1625 Urbanus VIII Decretum edidit: quod servus DEI Franciscus Borgia, Dux Gandiæ, & deinde Religiosus Professor, ac tertius Societatis Præpositus Generalis, Beatus nuncupari, & in die obitus Missa celebrari, & Officium recitari possit de Communi Confessorum non Pontificum, in Ecclesijs & Domibus Regularibus ejuldem Societatis. *Bullar. tom. 4. Constit. 48. Urbani VIII.*

#### *Eodem die obierunt.*

3. Conimbricæ in Lusitania, anno 1588, Dominicus Joannes, Coadjutor, Lusitanus. Tolerantissimus erat laborum in Societate, quod diceret; in sæculo se plus & gravius laborasse, minore, sine comparatione, fructu. Anima ejus conspecta post mortem est cuidam Sacerdoti, multa sanctimoniarum opinione conspicuo; quam Christus excepit pretiosis virtutum plurium, sed trium potissimum ornamentis conspicuam: cui etiam Sacerdoti Joannes Societatem commendavit.

*Animam Fr. Coadjut. exspir. Christus.*

*Ultima obsequium.*

4. Barcinonæ in Hispania, anno 1585, Martinus Apparitius, Coadjutor, Hispanus, DEiparæ V. cultor eximius; quæ spectandam se dedit morienti in heroico pestiferorum obsequio.

5. Cusci in America anno 1624 Petrus Martinus Coadjutor, Lusitanus. Rem agrariam in prædiis scitè diligenterq; tractabat, pietatis exercitiis non minus intentus. Cum extra domum ageret, ter minimum, à procacibus feminis pudicitia illius tenta-



tentata est, sed semper victrix; cum sciret, nos etiam extra domum religiosam simus, non tamen esse extra conspectum DEI. Etiam in itineribus media nocte surgebat ad preces, præclaris à DEO luminibus illustrari solitus. Noctu oranti adfuit aliquando jam antè defunctus P. Joannes Sebastianus, monuitq;: ut propinquæ morti se præpararet. Ruri æger factus, doluit, se non in Sociorum complexu mori: sed morbus inducias illi dedit tantisper, ut domum rediret: quò cum venisset, dixit: se venisse, ut domi moreretur, mortuusq; est, ut vixerat religiosissimè. Non parum enim præsidii est in agone, à præsentia & oratione Servorum DEI.

### III. SEPTEMBRIS.

1. **A** Nno 1539 Paulus III Pont. Max. porrectam sibi Tibure à S. Ignatio Instituti Societatis formulam ubi legit, & expendit; *Digitus DEI*, inquit, *est hic*. Adjecit, sperare se, hanc Societatem afflictæ Ecclesiæ fore præsidio & ornamento. *Nadasi in Indice Memor. Bartol in Vita S. Ign. pag. 182.* Regimen hujus ordinis Ignatius ex tribus statibus bonis ( quod Philosophus optabat ) temperavit, Monarchico in Generali, Aristocratico in Assistentibus, Timocratico in Procuratoribus tertio quoq; anno mittendis Romam; quibus omnibus præualeat legitimè congregata Societas; politices genere à viris maximis nondum satis laudato, probatoq;: *Brietius*

*Institutam Societatis digitus DEI.*

*Societas ex tribus Statibus.*

*P. Franc. Borgia electus Præpositus Gen.*

2. Finita Congregatione II Generali anno 1565, in qua in Præpositum Generalem electus est P. Franciscus Borgia, postquam idem consuetas preces & adhortationem præmisisset, provolutus ad pedes omnium, non minore humilitate quàm charitate eosdem est amplexus & osculatus. *Nadasi cit:* Adhortationem hoc clausit memorabili epilogo. De me, inquebat, hoc tantum adjiciam: Oro, quæsoq; vos Patres, concedite, ut mecum saltem id fiat, quod facere solent cum jumentis suis, qui ea onerant. Nam hi non solum onus imponunt, sed etiam sedulo curant, ut suum perficiant iter. Quodsi fortè claudicent, sublevant; si lentius incedant, exstimulant; si cadant, erigunt; deniq; si nimium fatigentur, exonerant. Vestrum ego jumentum sum apud vos, & ego semper vobiscum. Erigite ergo jumentum vestrum vestris precibus &c. *Sacchin. hist. Soc. p. 3. lib. 1. n. 50.*

*Jubilæum perjuvamentibus baptisimum.*

3. In Indiam anno 1564 hoc die ad portum Goanum applicuerunt, cum Prorege Noronia Socij 6; ex speciali gratia Pontificis ferentes secum Jubilæum, quod lucraretur, quisquis vel uni ethnico baptismum persuasisset. Magna per hanc industriam facta est ad Ecclesiam accessio, quando sæculares ipsi varijs artibus, atq; inter alias debitorum condonatione, inducebant ethnicos ad fontem sacrum suscipiendum. Goæ renatorum hoc anno summa fuit bis mille, septingenti, sexaginta: non minor alibi numerus



merus. *Sacchin hist Soc. lib. 8. p. 2. n. 173.*

5. Romæ Card. Toletus datis ad Pontificem literis ( quas videre licet apud Juvencium fol 351. ) anno 1594, conatus est purpuram deponere, responsum accepit: imperamus tibi tota auctoritate nostra, ne deinceps cogites de Cardinalatu abdicando. Hæc verba non sunt nostra, sed ejus qui ea nobis inspirat Dei. Juvencius f. 331. Quamobrem Toletus diutius pugnare nequaquam ausus, datum sibi locum inter Purpuratos Patres retinuit, identidem dictitans, malle se in umbra Collegij delitescere, quàm in sacri senatus luce conspici,

*Eodem die obierunt.*

*Pralatura hor-  
ror.*

*Archiepiscopo  
Malabarum.*

*Societas Ma-  
ster.*

*Victima fidei  
herouca.*

6. Cranganoræ in India Orientali, anno 1659, P. Franciscus Garzia, Archiepiscopus Malabaricæ. Postquam in Societate, insigni virtutis, ingenii, ac doctrinæ soliditate Philosophicas ac Theologicas doctrinas tradiderat, & Collegia Rector, Provinciam Præpositus cum laude gubernarat; Archiepiscopali dignitati jussus est humeros submittere; quo nuncio consternatus, deliquio elanguit. Attulit ad id muneris dotes præclarissimas; inter cæteras peritiam linguarum, præter Lusitanam & Latinam, Hebrææ, Græcæ, Chaldaicæ, Syriacæ, Tamulensis, Caparinæ, Industanæ. Societatem semper Matris nomine honorabat; & ex ea assumptos ad purpuram vel insulam, depictos semper ante oculos habere voluit. Ecclesiæ sibi commissæ eam curam habuit; ut non solum fide Catholica esset exulta, verum & moribus & ritibus illâ dignis. Pauperum verè pater, etiam testamento ita illis providit; ut ex instituto Monte pietatis semper haberent, quo sublevarentur. Elatus est communi exploratione, & non solum Ecclesiastico, verum & militari apparatu, tanquam Cocini gubernator pius & fortis, contra Batavorum insultus.

7. Nangasachi in Japonia, anno 1632, P. Antonius Isida Pintus, Japon. Non minus exemplo, quàm verbo valebat ad patriæ suæ salutem, quam inter assidua capitis discrimina promovebat fructu maximo. Comprehensus, sine mora passus est se Christianum & Sacerdotem; & sæpius sollicitus ad defectionem, provocavit tormenta ad experimentum fortitudinis Christianæ. Aquis sulphureis variè cruciatus, suspendebatur ita, ut juncturæ membrorum omnes solverentur, scapulis aqua bulliente perfusus. Tenuit ea, & alia varia expogitata carnisicina totos 30 dies; demum lento igne combustus.

8. Mediolani anno 1601 Petrus Stopellus Coadjutor, Italus, ab admirabili animi tranquillitate, sui victoria, orandi studio, & laborandi assiduitate laudatus. Cum aliquando ægrotaret, de vicina morte sollicitus, spectabilem se illi dedit DEi para V. monuitq; mortem adhuc longius abesse, oportere ipsum adhuc non parum laboris in DEi famulatu subire. Superstes igitur toto decennio, talem se præstitit in omni genere laborum, qualem desideravit cælestis Patrona; quæ in supremo quoque morbo vixit Petro adesse.



1. **S** Pater in Palæstina visitaturus loca Sacra, anno 1522, feliciter Hierosolymam pervenit. Quantis effusæ pietatis gaudijs deliburus beatas oras salutârît, quam dulcibus osculis libârît terram Christi vestigijs & sanguine sacratam, conjicere primum est ex ardentissimis desiderijs illius videntæ. Et venerat illuc mansurus. Quâvis enim Manresæ per illustrationes divinas intellexisset, se parari in multorum salutem, nec soli sibi sed cum delecta sociorum manu, eam & gloriam divinam esse promovendam: ignorabat tamen, ubi, & quando id futurum esset, quin imò existimabat, Palæstinam sibi campum laboris, & certaminum theatrum esse destinatum. Verùm alia DEo mens erat; & Franciscani Patres non patiebantur pium peregrinum ibi moras trahere, nedum figere domicilium. Ergo navi conscensa, amores quidem suos in Palæstina reliquit, sed spem aliquando cum Socijs revertendi abstulit secum. *Bartol. in Vita, lib. 1. n. 24.*

*S. Ignatius in Palæstina.*

2. In Indiam anno 1548 feliciter cum Socijs quibusdam appulit P. Gaspar Barzæus, natione Belga, atq; inde vulgò vocatus Gaspar Belga, vir Apostolicus, & Xaverianorum decorum sanctus strenuusq; æmulus. Invenit Xaverium in procinctu ad iter Commorinense: sed is dulcissimorum fratrum amplexibus & familiaritati dies aliquot dandos putavit. Cùm igitur inter sese summa animi voluptate, quæ Societas ad DEI gloriam in Europa Indiæq; gereret, contulissent, actis bonorum omnium Authori gratijs, visum est Xaverio: ut P. Gaspar Natali die Virginis DEiparæ in æde nostra Goana concionem haberet. Confluxit ingens hominum copia: sed cùm Gaspar plus Spiritus, quàm vocis haberet, expectationi hominum minimè satis fecit. Quamobrem Xaverius ei author fuit: ut nocturnis horis in eodem templo, quanta posset contentione, vocem exerceret, donec satis virilis & templo sufficere videretur. Fecit obedienter mandata Gaspar, & paucorum dierum labore plenæ vocis usum adeptus, in stupendum evasit Ecclesiasten. *Orlandin. hist. Soc. p. 1. lib. 8. n. 117.*

*P. Barzæus vocem exercet.*

3. In Europa Paulus V. Pont. Max. anno 1606 Societatis Institutum, & privilegia, quæ partim à Superioribus quibusdam Pontificibus aliquid incommodi passa erant, & ab inquietis & malevolis nonnullis male intelligebantur, iterum confirmavit, constitit: *Quantum Religio Societatis IESV &c.* & Constitutiones Gregorij XIII & XIV innovavit, & ampliavit. *Bullar. Soc. Eodem die obierunt.*

*Institutum Societatis confirmatur.*

4. In Africa anno 1627, P. Antonius Macciadus, Lusitanus. Multa pro religio-



*Victima chari-  
tatis.*

*Pauperum a-  
mar.*

*Præbatura fu-  
ga.*

ne tulit egitq; in regno Angolæ fructu insigni sed non minore vitæ discrimine. Cruentam mortem divinitus evasit, quando infesti Christianis barbari, sagittis illum, manu non errante missis, petivere, sed DEO ipsum ulterioribus laboribus servante, non nocuerunt. Heroum tamen morte occubuit, apud populos, qui Nigri dicuntur, serviendo contagiosa lue tactis.

5. Catanzæ in Sicilia, anno 1637, P. Vincentius Raimundus, Italus, Modestia exquisita Virginem animum in eo habitare testabatur. Ante initam Societatem, severa lege caverat domi suæ, ne ullus pauperum sine stipe dimitteretur: quotidie verò primum, quem obvium habebat, pauperem, mensæ suæ adhibebat, & cum eo è lance & poculo eodem edebat, bibebatq;. Tertia quavis feriâ in honorem Reginæ Angelorum stellis duodecim coronatæ, duodecim pauperes liberali stipe donabat. Ecclesiasticos honores insigni virtute ornabat; ut de eo ad insulam promovendo jam ageretur. At ille in Societatem se abdidit, multaq; se humilitate involvit: corpus verò varia mortificatione ita maceravit, ut non solum ædificationi, sed etiam commiserationi esset,

## V. SEPTEMBRIS.

*Controversia  
de auxilijs gra-  
tia finis.*

I. Cùm placuisset Paulo V. anno 1607 tandem terminum ponere disceptationibus de Auxilijs Gratia, ac Libro Molina, habita secreta consultatione cum Cardinalibus, ad utrumq; Generalem, tam PP. Prædicatorum, quàm Societatis, misit exemplar Epistolæ Encyclicæ, quam quisq; illorum ad totius Ordinis sui Provinciales expediret. P. Claudius ergo Præpositus Generalis S. I. anno prædicto, hoc die, efformatam secundum Exemplar Pontificium misit epistolam ad Provincias in hæc verba. *In negotio de Auxilijs facta est potestas à summo Pontifice, cùm disputantibus, tum Consultoribus, redeundi in patrias aut domos suas. Additumq; fore, ut sua Sanctitas declarationem, & determinationem, quæ expectabatur, opportunè promulgaret. Verùm ab eodem SS. Domino seriò admodum vetitum est, in questione hac pertractanda: ne quis partem suæ oppositam, aut qualificaret, aut censurâ quapiam notaret. Adhuc tam nostris, quàm Dominicanis Patribas injunctum: ut severa castigatione plectteretur, quicunq; adversus hanc legem deliquisset, quam vult modis omnibus servari. Quin optat etiam, ut verbis asperioribus, amaritiam animi significantibus, invicem abstineant. Quare Vestra Paternitas curabit hæc observari, moneatq; nos sigillatim de ijs, quæ in hoc genere contigerint: quò juxta votum SS. Domini suam Beatitude certiore de omnibus facere possimus. Romæ 5. Sept. 1607.* Sic terminata est famosissima controversia, in cujus exitum orbis universus, orthodoxus & heterodoxus, toto decennio intentissimus fuit. Inconcussa manet Societati sua doctrina, & Liber Molina de Concordia liberi arbitrii

trii



trii cum Gratia divina, servatus est undiq; indemnus. *Eleuther. bist. de Auxil. lib. 6. cap. 28.*

2. In Gallia anno 1567 Turnonense Collegium pene excidium passum est ab hæreticis. Circumsedebant armatis copiis civitatem, civibus quidem immunitatem promittentes, at Jesuitis omnibus cladem extremam. Rector igitur P. Claudius Matthæus, sub noctem convocatos Socios admonet periculi, jubetq; ad omnem eventum paratos esse, & supremam hanc noctem sibi reputare, non omnino infelicem, cum detur occasio opportuna, Christo Salvatori pro morte mortem cruentam reddendi. Conclamârunt omnes se ad omnia per DEI gratiam paratos esse. Sed contenta fuit generosa hac resolutione Divina Bonitas: hæretici ea nocte nihil egerunt; & Provincialis literæ allatæ sunt; ut omnes Billo-  
mum se reciperent; quod factum feliciter, illucescente die. *Sagchin. bist. Soc. p. 3. lib. 3. n. 156.*

*Turnonense Collegium in periculo excidii.*

*Eodem die obierunt.*

3. In Sinis anno 1631 P. Andreas Rudomina, Litvanus, Sinas ferventer expetiit, postquam per quietem vidit, Nostrorum sub tribus orbis partibus sudantium vul-  
tus ab Angelis abstergi, & sudaria illo sudore madentia DEo offerri, quibus ipse suavissimè delectatus pro singulis coronas rependebat. Se verò advertit P. Andreas ab Angelo suo Tutelari Christo liti, ut operarium pro Vineâ illa. Annuit Christus, innuitque mortem ipsi in Oriente oppetendam esse. Impetrata igitur Missione Sinen-  
si, sine mora illuc advolvit: Sed non diu operari licuit, ad mercedem capiendam e-  
vocato. Adfuit morienti S. P. Ignatius, quem filiali amore atq; obsequio impensè  
norificè nostrum Patrem, S. Ignatium, qui me accepturus secum venit. Vide, quàm  
pulchra est facie, quàm pulchrum comitatum secum ducit? Vide, ut me vocat. Fa-  
ma est, cadavere illius in templo exposito, suavissimum odorem latè omnia implevisse.

*Operariorum Apostolorum sudorem Ange-  
li DEo offe-  
runt.*

*S. Ignatius ad moribundum in calum deducendum venit.*

4. Granatæ in Hispania anno 1648, P. Alphonsus de Medrano, Hispanus. In-  
nocentem & laboriosam vitam tum in India Occidentali, tum in Hispania actam  
priusquam concluderet; triennio antè, in gravi morbo, vidit in cælo aperto Chris-  
tum D. S. P. Ignatium, & alios è Societate; conversusq; ad Christum, confidenter  
quæsit: Domine, jamne tempus est, ut eam tecum? Non nunc, reposuit Christus,  
verùm post annos aliquot. Tum supplicans humiliter Domino pro se & Sociis Col-  
legii Granatensis, audivit: Omnes illos esse prædestinatos ad gloriam. Quo nuncio  
latus, & idem iterum audire gestiens Alphonsus, repetiit: Omnesne Domine? Fili,  
respondit Christus, omnes, qui hodie sunt in hoc Collegio, salvabuntur.

*Socij Collegii Granatensis omnes prædestinati.*

5. Gandavi in Belgio anno 1621 Magister Carolus de Pato, Belga, teneræ fortis-  
que pietatis juvenis. Pertinax illi certamen fuit cum somno, qui oranti obrepebat;  
& tamen flexis genibus persistebat. Non prius ad lectiōnes ibat, quàm SS. Sacra-  
mentum adorasset. Indias desiderabat, sed ad cælum abreptus est. *Eger cum Cruci-*

*crucifixi amor.*



fixo tam ardentes miscebat sermones: ut is illi ab oculis tolli debuerit, ne nimia contentione vires præcipitaret. Sæpe in hæc verba erumpebat: O bone JESU! quam sancta, quam bona Mater Societas JESU! Disquirentibus Medicis, an aliquid adhuc superesset remedii? Carolus magno læti animi sensu, desperatum est, ajebar, Domini Doctores: ad cælum imus, ad cælum! Et paulò post, ut spes est, ivit.

## VI. SEPTEMBRIS.

*Fabula de P.  
Salmerone.*

**A**Nno 1661, P. Alphonsus Salmeron, à Lainio Præposito Generali, jussu Pontificis in Galliam proficiscente, Vicarius Generalis designatus, Neapoli Romam iter agebat: cùm ecce à malevolis, vel hæreticis, fabula cuditur, & in vulgus spargitur: Salmeronem, cujus eloquentiâ & doctrinâ tunc vel maximè sustentabatur Neapoli religio Catholica, in vincula & carcerem abreptum disparuisse; mox additum, jam exustum esse tanquam hæreticum; alii testabantur, Genevam profugisse cum ingenti pecunia; nec deerant confictæ Cardinalium literæ, quibus idem significabatur: Eò deniq; res evasit: ut etiam Religiosi, & nobis amicissimi jam dubitarent, nequid veri haberet fabula; pueri quoq; in plateis occinebant: Salmeron hæreticus factus est. Et erat res scandali non levis. Facile enim vulgus ratiocinari potuit: si Salmeron, vir tam doctus & religiosus, tandem aliam amplexus est religionem; videtur Catholica tam pura & firma non esse, prout jactatur. Multi ergo judicabant, necesse esse, ut Salmeron Neapolim reviseret, & fabulam dilueret: sed cùm id sine notabili Societatis, quam administrabat, incommodo fieri non posset; summus Pontifex Cardinalibus certis negotium dedit: ut suo nomine ad Proregem Neapolitanum, aliosq; viros primarios literas darent, atq; urbem de Salmerone edocerent, Sic evanuit monstrosum figmentum. *Sacchin, hist. Soc. p. 2. lib. 5. 156.*

### *Eodem die obierunt.*

*Concio & can-  
tus in flammis.*

2. Nangasachi in Japonia, anno 1627, P. Thomas Trugi, Japon. Post præclaros sudores per annorum 34 spatium patriæ suæ impenso, comprehensus, & fidei odio ad rogam damnatus est. In medio flammarum de Christi patientis tormentis, ac de fide Christi, magno spiritu & verborum pondere peroravit. Mox voce in cantum flexa, Psalmum, *Laudate Dominum omnes gentes*, occinuit, & inter canendum extinguitur. Illud mirabile, quod & Lusitani & Japones viderunt: Pectus mortui P. Thomæ ultro apertum dissiliisse; & ex illo visam egredi rubram flammam, quæ sursum in cælum inter magnos splendores evolavit, mirum in modum accensis cordibus Christianorum.

*Flamma expe-  
ditæ apertæ in  
cælum evolans.*

3. In anno 1622, P. Paulus Josephus Arriaga, Hispanus, spiritu & laboribus Apostolicis apud Indos clarus DEiparâ V. hortatu Societatem ingressus, illam ac Angelum



gelum Custodem & coluit accuratè & opem utriusq; luculentam ac familiarem expertus est. In cultum Passionis Dominicæ & dolorum Beatissimæ Matris, à meridie Feriæ græ Magnæ usq; ad meridiem Dominici diei, nihil gustabat. Vixit est inter orandum à terra sublimis, & cordium quoq; secreta pénétrasse. Obiit naufragus flentis genibus, in amplexu Crucifixi: prout antè jam prædixerat.

*Cultor passionis Dominicæ*

4. Drepani anno 1630, Joannes Laporus, Italus, Coadjutor, & Coadjutorum norma. Admirabilem in laboribus assiduitatem, cum summa cibi potusq; parsimonia ita conjunxit: ut semper & minimum comederit, biberitq; & plurimum laboraret. Extendit religiosos labores suos usq; ad annum ætatis centesimum septimum, non alterius industriæ beneficio, quàm parsimonie in victu, & vegetationis in assiduo labore.

*Labor assiduus*

5. Londini in Anglia anno 1679 odio fidei suspensus & laniatus est, P. Carolus Backer *Hazart in Append. 2. hist. Eccles. Angl.*

6. Romæ anno 1649, P. Famianus Strada, Italus, historicorum recentiorum, facile princeps, veterum nemini secundus. Artem Rhetoricam publicè professus Romæ annos 15. Quantum in ea excelluerit; satis prodit Historia ipsius de Bello Belgico, ab eruditis, etiam Acatholicis, mirificè laudata; cujus præstantiam sine fuco testantur sæpius repetitæ ipsius impressiones, & in varias linguas versiones. Certè Vladislaus Rex Poloniæ & Sueciæ, lectâ prima ejus Decade, imperare sibi non potuit: quin ad Mutium Vitellescum Præp. Gen. & ipsum Stradam daret literas, sollicitando, ad maturandam Decadis secundæ editionem. Quæ tandem edita, eo plausu accepta est: ut intra biennium decies sit recusa latinè, & in 5 diversas linguas, Italicam, Hispanicam, Gallicam, Anglicam & Flandricam, translata. Inter hos plausus eâ fuit modestiâ Strada: ut nunquam ei exciderit verbum, quo vel sua extolleret, vel aliena deprimeret. *Sourvellus in bibl. Soc.*

*Historicus excellens.*

## VII. SEPTEMBRIS.

1. **I**N Iaponiam, quam, S. Xaverio in Indiam reverso, soli excolebant P. Cosmus Turrianus, & Joannes Fernandus, feliciter appulsi anno 1552 Socij tres, Regnum Bungi attigerunt. Hic honorificè jussu regis accepti, certisq; in ædibus collocati, postmodum cum muneribus, à Prorege Indiæ transmissis, regem adierunt, & faventissimum rei Christianæ reppererunt. Cum enim peterent, potestatem liberam prædicandi in regnis ipsius Evangelii, & subditis populis licentiam, eandem amplectendi: utramq; sine mora concessit, promissitq;: edicto per omnem ditionem suam publicato, se rem Christianam promoturum. *Orlandin. hist. Soc. p. 1. lib. 12. n. 134.*

*Rex Bungi favet Christianis*

2. Anno 1574, P. Stanislaus Varsevitijs à Gregorio Summo Pontifice in Sueciam missus, ad regem & regionem Romanæ Ecclesiæ restituendam, cum spes nulla affulgeret ob regis pusillanimitatem, existimantibus; nullo modo Suecos redituros ad Ecclesiam, nisi concessa populo com-

*P. Varsevitijs redit ex Suecia*



munione sub utraq; specie, & Sacerdotibus permisso conjugio: rediit in Poloniam & primò Gedanum, dein hoc die prospere Brunsbergam pervenit, eo prorsus tempore, quo ante annos 8 in eodem Collegio Exercitiis S. Ignatii excultus, DEo se, in Societate militaturum consecravit, Inde Varaviam, deniq; Vilnam, ubi Collegium Rector gubernavit, cum insignibus S. Birgittæ reliquit, quas à Capellano Reginæ acceperat, est reversus. *Sacchin. hist. Soc. p. 4. lib. 2. n. 37.*

*In Sinis datur  
facultas prædi-  
candi.*

3. In Tartaria magna anno 1689 conventum deniq; est hoc die inter Sinenses & Moschos de limitibus utriusq; Imperii: ad quos definiendos duobus suis Magnis Legatis comites ire iussit Imperator Sinensis è nostris P. Thomam Pereiram Lusitanum, qui annuente rege in Socium assumpsit P. Franciscum Gerbillon Gallum. Horum operam & dexteritatem in agendo cum Moschis ac potissimum eorum Interprete, ita suspexerunt Legati Sinenses: ut Imperatori disertè affirmarint; sine ipsis nunquam optatum exitum habiturum fuisse negotium illud. Fructus operæ præstitæ ingens fuit, Edictum publicum ab Imperatore per universum Imperium, vulgatum anno 1692, quo nobis prædicandi, indigenis autem ampla facta est potestas Christianam Legem suscipiendi. *Ex literis P. Thomæ Pereira datis ad Præpos. Gen. anno 1692.*

*Eodem die obierunt.*

4. Cassovia in Transylvania, annò 1637, P. Stephanus Pongracz, Hungarus, & *Victima fidei.* P. Melchior Grodecus, Silesus, odio fidei casti ab hæreticis Calvinistis. Inediâ primum triduanâ maceratis mors denunciata. Prodiens è cubiculo P. Stephanus, rostrata clava pectori impacta, prostratus est: mox illi caput fune circumactum, tantaq; vi compressum, ut mortuus crederetur. Tota nox in diris cruciatibus acta, digitis, alijsq; tenerioribus corporis partibus intra bombardarum rotas contortis. Invitatus subinde ad sectam Calvinianam, libertate promissa; cum contentissimo studio negaret; admoto igne, ustulatum ei pectus; deniq; unâ cum P. Grodecio & quodam Canonico Strigoniensi jugulatus est; corpora in latrinam projecta. Cum postea inde extraherentur ab Illustrissima Catharina Palfia, Proregis Forgachij conjuge, suavissimo fragrabant odore: quin & cantus Angelici auditi sunt, & prodigia non pauca ad illorum tumultum patrata.

*Victima fidei.*

5. Lancastriæ in Anglia, anno 1628, P. Edmundus Arousmithæus, Anglus, quod sacerdos & Iesuita esset, docuissetq; extra Catholicam Ecclesiam non dari salutem; capitis damnatus, raptatus, suspensus, & quadrifariam sectus est. Sequenti die spectabilis factus Ambrosio Barlo, Ordinis S. Benedicti Sacerdoti absenti retulit. *Quàm bene secum actum esset Lancastriæ;* monuitq; ut simili se fortunæ pararet.

6. Xeresij in Hispania, anno 1616, P. Iosephus de Escalza. Hispanus. Cum Ministrum munus gereret, unus ipse plurium Coadjutorum obibat officia, eaq; infima. Illud sibi



ibi altè in animum impresserat: *Se omnium esse mancipium*. Aliquando laboribus fesso objecta est species Christi, gravi cruce onusti, audivitq; dicentem: *Eli, si tua crux tibi gravis videtur, meam aspice: neq; tibi persuadeas, quod sine me sis in tua.*

*Crux Christi  
auxilio.*

# VIII. SEPTEMBRIS.

1. **S.** P. Noster anno 1540 Sacrificio die Natali DEiparæ V. oblato, grave, valdeq; impeditum, negotium confecit. Fundatio Collegii Patavini, in ditione Veneta, impediabatur, à viro gravissimo tam valide: ut, quàmvis P. Laynez, illà suà, cordium domitrice, eloquentia, & rationibus Herculeis, pro illa perorârît in amplissimo Senatu Veneto, cum magno plausu & assensu, effectus tamen optatus, obtentus non sit. Deficientibus ergo mediis aliis, scribit Laynez ad S. Patrem, rogatq;: ut vel semel sacris operetur in eum finem. Fecit ille hoc die, rescripsitq; Lainio: bono animo esset, non dubitaret de felici eventu, DEum pro nobis esse. Nec sanè alium, quàm prædixit, res exitum habuit, usq; ad omnium stuporem. Quàmvis enim potens adversarius plurimos numeraret & sanguine & affinitate, & amicitia sibi junctos, à quorum suffragio causa pendebar: postquam tamen in frequentissimo Senatu, centum & quadraginta quinq; Senatorum, ventum est ad calculos, vix duo ceciderunt pro adversario. Tam insperato eventu, mirum quantum nobis conciliata est Sapientissimæ illius Reip. benevolentia. *Orlandin. hist. Soc. p. 1. lib. 8. n. 20.*

*Veneri Senatû  
affectus ergo  
societatem.*

2. Anno 1548 P. Gaspar Barzæus Goæ in India stupendam dixit concionem ad epulantes. Moris ibi est, ut quando annonæ caritas est, vel in militem stipendium non suppetit, epulum publicum præbeatur à Prætore animis demulcendis. Contigit, ut sexcenti hujusmodi adessent convivæ: ad quos jussus ex tempore dicere P. Gaspar, thema illud assumpsit: *Venite ad me omnes, qui laboratis &c.* tanto spiritu tantâq; eloquentiâ dixit, ut omnes, relictis dapibus, auribus assurgerent, & attoniti Prædicatorem audirent. Ubi peroravit, subjunxit: se proxima feriâ secundâ, quintâ & sextâ ad longè lautiores epulas ipsos invitare; quas iteratis sermonibus magno auditorum fructu præbuit. Præstitit idem & alia plura Obedientiæ cœcæ argumenta felici eventu: ut videre est apud *Orlandinum hist. Soc. p. 1. lib. 8. n. 120.*

*P. Barzæus in  
convivio com-  
cionatur.*

3. Sinensibus hic dies, nascenti DEiparæ sacer, admodum auspicatus illuxit. Eo enim P. Matthæus Riccius, Sinarum Apostolus, primò in urbem regiam Pechinum pervenit. Dei de eodem die anno 1609 primum erectum est Sodalitium Marianum, cujus primus Præfectus fuit Lucas quidam

*P. Riccius per-  
venit Pechinû*



dam, vir Apostolico spiritu fervens, atq; ut Evangelista ille, cultui Matris DEI propagande addictissimus. *Trigautius lib. 5. Expedir. Sinen. cap. 16.*

*Eodem die obierunt.*

*Vocatio ad Societatem.*

4. Spiræ in Germania, anno 1609, P. Ioannes Magirus, Germanus. Vocatus à DEO ad Societatem cum tergiversaretur, vidit per quietem fratrem suum germanum nuper vitâ functum, qui acerbè ipsi exprobatat torporem, & vivendi libertatem; deniq; Crucifixum monstrans, haustum ex ejus latere sanguinem conjicere in Ioannem visus est, cum his verbis: *Vide ne hic sanguis in cassum pro te effusus sit.* Ergo Societatem, contempta opima hæreditate, sine mora iniit, in qua ecclesiasten egregium agens, persanctè vixit. Febris demum illum extremis admovit: in quo morbo objecta illi Christi D. & S. Ignatij caelesti specie, suavissimè recreatus, dicebat: Meliores esse febres tales omni sanitate humana; & Socios ad Societatis virtutem, id est, Obedientiam potenter exhortatus, pie decessit.

*Thronus in celo Missionario paratus.*

5. Carthagenæ in India Occidentali, anno 1654, P. Petrus, Claverus, Hispanus. Fratrìs Alphonsi Rodriguez familiaris, ac velut discipulus in spiritualibus. Is pro Petro aliquando in preces effusus, vidit in celo thronum splendidum, audivitq; Angelum dicentem: *Thronus ille Claveri, tuo discipulo est destinatus. ob ejus virtutem & annos ab eo in Indiis ad DEUM convertenda.* Non solum gravioris mortificationis, sed etiam minorum, sæpe nobis molestiorum, erat studiosissimus. In summis caloribus sudorem non abstergebat, muscas nunquam abigebat, quamvis faciei aut manibus, usq; ad sanguinem infestas. Oraturus coronam spineam capiti imponebat, collo funem, ad singula Officij Divini verba impensè attentus.

*Purgatorium breve.*

6. Vartislaviz in Silesia, anno 1653, P. Ioannes Vazin, Germanus, Concionator per annos 33 celebris, *Tuba Evangelica* nomen meritis. P. Henricum Pfelschmit vitâ jam functum, celoq; donatum, cum sibi apparuisset, rogavit: An sua opera DEO placerent? *Licent, Placent:* respondit Henricus. Rogatus autem à P. Ioanne, an grave Purgatorium sustinuisset? respondit: *Modicum & breve id fuisse, DEO Charitatem, qua proximos in vita adjuverat, remunerante.* Addidit: *Placere DEO Apostolicos Sociorum labores Prædicationis, contra serpentem antiquum, pro hæresi depugnare.*

## IX. SEPTEMBRIS.

*Card. Toletus frustra conatur deponere purpuram.*

1. Cardinalis Franciscus Toletus è Soc. JESU, anno 1594, purpuram sacram, quam nondum anno integro gestaverat, à Clemente VIII. sibi invito impositam, exuere conatus est, oblato eidem Pontifici supplicè libello: ut vitæ Religiosæ, cui assueverat, se reddere posset. Sed Pontifex, re maturè per triduum perpensa, ac DEO precibus mulrùm commendata, demum accersito ad se Cardinali DEI nomine imperavit, ut amplius de nuntio remittendo dignitati impositæ nullatenus cogitaret. Quocirca progredi compulsus in eo vitæ genere, gravissimorum negotiorum curis à Pontifice semper occupatus fuit, quæ non minùs feliciter, quam dextrè ac sapienter expediebat. *Soutwellus in bibl. Soc.*

2. Anno



2. Anno 1614, postquam P. Franciscus Suarez solidum ac pereruditum volumen in lucem edidit, quo modestè simul ac liberè Catholicam Religionem adversus Britanniae Magnae regem Jacobum asseruit: magna id approbatione & plausu exceptum est omnium eruditorum, Praelatorum ac Principum, praesertim Philippi III regis Hispaniarum, & Pauli V. Pont. Max. qui hac die ad Suarium epistolam dedit in hæc verba: Dilecte Fili, salutem & Apostolicam benedictionem. *Accepimus, librum à te pro Catholica Religionis, atq; hujus Sanctæ atq; Apostolicæ Sedis defensione elucubratum. Libentissimè illius lectione delectati sumus. Nam à viro tantæ pietatis & eruditionis, non nisi magnæ utilitatis opus expectandum erat. Interim tibi, maximeq; pijs laboribus tuis, benedicimus.* Neque hac significatione benevolentiae suæ contentus, Cardinalem Burghesium Nepotem suum, prolixiorem aliam scribere iussit P. Suario epistolam, quæ magis familiares, & luculentas amoris sui notas præferret. Quod Cardinalis cumulatè præstitit. *Massejus in Vita cap. 16.*

*Liber P. Suarez pro defensione Catholicae fidei.*

3. In Prussiam è Litvania profectus Provincialis Magius anno 1570, Brunsbergam hoc die pervenit; ubi mirificè recreatus est conspectu maturascentium frugum, quas Brunsbergense Collegium, ceu adulta jam vinea, procreabat: ita sacra in templo fervebant opera, ita gymnasium florebat, eas Convictorum Nobilium contubernium, eas Clericorum Seminarium spes ostendebant. Tyrocinium in seposita Domus parte constituit: unde postea maxima commoda in provinciam emanarunt. *Sacchin. hist. Soc. lib. 6. n. 125.*

*Brunsborgen-  
sis Collegij  
reformatio.*

4. In Indiam Orientalem anno 1567 P. Organtinus cum 9 Sociis, in Occidentalem, Petrus Sancius Provincialis anno 1572 cum Sociis 14 ap-  
pulerunt. *Idem ibid. lib. 3. num. 225. & lib. 8. n. 305.*

*P. Organtinus  
in Indiam.*

*Eodem die obierunt.*

5. Ad Polociam in Russia, anno 1620, P. Andreas Leomanus, Litvanus. Depa-  
tensi in Livonia Collegio cum præset, à Suecis manibus pedibusq; ferro victis ab-  
ductus est in Sueciam: ubi multis ærumnis per annos 7 maceratus, in carcere frigi-  
dissimo, ad equuleum quoq; raptus est. Tandem liber dimissus, stigmata à manicis  
compedibusq; altè impressa, cum grandi collectæ patientiæ sarcina, retulit in patri-  
am. Polociæ amplitudinem charitatis suæ latè expandit: quando viginti Sociis ægris,  
mira diligentia serviendo, ostendit, Charitatem omnia ferre, omnia posse,

*Carcere arum-  
nosus.*

6. Virduni in Lotharingia, anno 1651, P. Joannes Parisor, Gallus, animarum  
zelo, & profundissimæ humilitatis studio insignis. Exhibuit hoc in moribus, quod  
in chartam conjecerat sive vorum, sive promissum, sanguine suo subscriptum, cujus  
tenor est talis. Bone JESU, Dux meus, humillimæ humilitatis Doctor & Professor,  
exaudi

*Humilitas.*



exaudi me. In conspectu Divinae Maestatis tuæ elegi, atq; iterum eligo, abjectus esse in domo tua, & Sanctissima Societate JESU, toto vitæ meæ decursu, & promitto me nunquam ab inita sanctæ humilitatis viâ deflexurum, Ex intimo cordis affectu renuncio omni sublimi in ea gradui, & dignitati cuilibet, paratus, vilia quælibet obire munia, pueros in infimis Grammaticæ classibus quantum per valetudinem licebit, docere: & quidquid contemptibilis est hominum oculis ad gloriam nominis tui aggredi, & prompta mentis alacritate, dum vivam, exequi. Ita promitto, ita statuo, atq; ex animo desidero.

*Ioannes Parisot, Avenione, anno 1644 ante celebrationem primæ Missæ,  
sic me Christus, Dux humilitatis adjuvet &c*

Non aliter vixit. Semper in Dei & suo conspectu humillimus; Professionem & Votum non admisit, nisi iussus.

*Victima oblationis.*

7. Burgis in Hispania anno 1599, qui illi regno planè Criticus Magnus fuerat, inter 6 Socios, in glorioso pestiferorum obsequio extinctos, primatum tenuit & temporis & dignitatis P. Christophorus de Ribera, hoc die sublatus, postquam recenter Præpositura Provinciæ functus fuerat, & in fatalem hanc arenam ultro descendiderat. Eodem die anno 1621, qui Belgio planè funestus fuit, simili morte occubuit vir eximius P. Joannes Chiffaire Belga: quem vel præcesserunt, vel secuti sunt, Duaci duo, Dionanri 6, Insulis duo, Attrebari unus, Antverpiæ 15, universim 27. Sequens etiam annus 1626 immunis non fuit ab huiusmodi funeribus, sublati per diversa Belgii loca Socii 9.

## X. SEPTEMBRIS.

*Card. Bellarminus infirmus prostratus.*

1. **R**obertus Card. Bellarminus supremo laborans morbo anno 1621, cum adverteret, velocem esse tabernaculi sui depositionem, amicissimum sibi P. Andream Eudæmonem Joannem, è Soc. JESU, tenerè amplexus, hoc die rogavit: ut quàm primùm ederet librum aliquem contra hæreticos, in eo disertè sancteq; testaretur, Card. Bellarminum cum eadem fide, quam in suis Libris propugnârat, mortuum esse. Item quoad opiniones de Auxiliis Gratiæ Dei, quæ inter Scriptores Societatis JESU, & Catholicos quosdam auctores alios agitantur, à se rata omnia haberi etiamnum, quæ de illis scripserat in Libris Controversiarum; neq; sententiam primam se ullatenus mutavisse. Interfuerunt huic obtestationi præter quinque: è nostris, tres ipsius Cardinalis agnati, Nicolaus Bellarminus Abbas, Marcellus Cervinus & Fabius Bellarminus, duo insuper cubiculi ipsius administri. Ut huius rei perpetuum esset monumentum, curavit prædictus P. Andreas per publicum Scribam Instrumentum confici, illudq; à juratis præfatis testibus propriæ manûs subscriptione muniri. *Petræ sancta in*

*lesuite defen-*  
*ditur Parisot, Vita Bellarm. lib. 7. cap. 3.*

2. Anno 1590 contulerunt aliquid Socij Collegij Claromontani Parisiensis,



senſis, ad eam urbem ſervandam, ne ab hoſtibus improviſo occuparetur. Sparſus inprimis ſub noctem fuit rumor, de urbe ab hoſtibus invadenda. Dato igitur conſueto per campanam ſigno, magna viſ propugnatorum, atq; inter alios manipulus noſtrorum ad mœnia convolavit. Hoſtes ubi ſenſerunt conſilia ſua prodita, nihil moverunt; ideoq; diſlapſi ſunt, qui accurrerant præſidarii, cives, & religioſi. Perſtitit tamen manipulus noſter cum paucis aliorum. Animadverſa ſolitudine, hoſtes rem tentandam putarunt, & quosdam cum ſcalis, ſilentio ſummo, præmilerunt. Sed non ſefellerunt vigiles Noſtros. Continuo inclamant, ad arma! expediunt ſe ad vim ſuſtentandam, & cum hoſtium aliquot per ſcalam murum conſcendiſſent, jamq; unus deſcenſum pararet, ſtrenuè ſcalas deuoluunt cum militibus. Interim advolarunt propugnatores plures, & periculum depulſum eſt. *Sacchin. hiſt. Soc. lib. 10. n. 127.*

3. Anno 1605 cum contra P. Petrum Cotonum virum religioſiſſimum, invidia ſtimulante ac hæreſi concitante, Pariſiis complures famoſi libelli ſparſi eſſent; Henricus Magnus rex Galliarum, cujus Confeſſarium agebat P. Petrus, mandatum dedit ad Præfectum urbis: ut ſevere diligenterq; inquireret in authores, typographum acriter puniret, & omnia conquireret exemplaria. *Hazart in hiſtor. Eccleſ. Gall. cap. 45.*

*Libri famoſi  
contra P. Cotonum.*

4. Anno 1549. hac die mortuus eſt Paulus III annos natus 82 cum ſediſſet annos 15 dies 20, ex perturbatione vehementi literis lectis Octavii nepotis ſui interminantis. Quare moriturus identidem illud Davidicum carmen occinebat: ſi mei non fuerint dominati, tunc immaculatus ero, & emundabor à delicto maximo. *Brietius.*

*Paulus III  
Papa moritur.*

*Eodem die obierunt.*

5. Nangafachi in Japonia, anno 1622, P. Carolus Spinola, Italus, illuſtriſſimi ſanguinis, cum octo è Societate Sociis, Japonibus, odio ſidei peremptus. Meaci in urbe regia, Miniſtrum Collegii ſeptennio egit, tanta charitate: ut quos ea incendi volebat P. Franciſcus Pacecus, iis author fuerit, ut frequenti uterentur conſuetudine Patris Caroli. Quotannis per menſis unius ſpatium Exercitiis Spiritualibus vacabat, & ſe ad Martyrum agonem parabat. In ſaviſſima contra Chriſtianos perſecutione, ſub Joſephi à Cruce nomine latuit, ad opitulandum Chriſtianis: & iniquiſſimis licet temporibus illis, quinq; millia Japonum baptiſmo luſtravit. Tandem 14 Decemb. anno 1618 captus, compactus eſt cum Sociis in celebrem Omurenſem carcerem, tam anguſtum; ut ſinguli captivi non integram trium palmorum ſpatium haberent; unde pædor, ſcætor, & immuneræ aliæ ærummæ, morte acerbioreſ, integro ſere quadriennio toleratæ. Hiſ tamen incommodis non contenti, fortiſſimi Chriſti pugiles, voluntarias alias adjiciebant corporis afflictationes, jejunia, flagellationes, inſom-

*Carcer Omureniſis.*



insomnia &c, tantusq; erat in corporis infirmitate vigor spiritus: ut P. Carolus dixerit: *Ergastulum illud sibi videri Paradisum*. Præter nostros novem, tenebantur eodem carcere; ex Ordine S. Dominici octo, Minoritæ quatuor, triginta alii Christiani. Cum ad supplicium vocarentur, psalmos inter dulcissimas lacrymas canebant. In loco supplicii, triginta millia Christianorum, qui confluerant, sunt censa. Columnis alligati, cecinere læti, præcinente P. Carolo; Psalmum, *Laudate Dominum omnes gentes*. Cum jam lento igne torrerentur, scintillæ quædam è rogo in pectus P. Caroli advolarunt; ei; adhærescentes, vestem incenderunt; unde factum, ut ante alios extingueretur. Socii ejus è Societate in glorioso hoc agone fuerunt, P. Sebastianus Quimura, primus è Japonibus Sacerdos; Antonius Kinni, Gonsalvus Fufai, Ludovicus Gavara, Michæel Xumpo, Petrus Sampo, Thomas Acafoxi, & Joannes Ciucoga: cui cum deesset palus, ad quem alligaretur, capite truncatus est.

*Concionator  
celebris.*

6. Romæ anno 1662, P. Joannes Rho, Italus Mediolanensis, vir culti ingenii, & raræ facundia: Cum Indias impetrare non posset, totum se dedit Italiæ excolenda concionibus sacris: quo munere functus est totis 37 annis, ea cum laude, ut paucos habuerit sibi pares. Splendorem quendam cælestem ejus orationi addebat vitæ innocentia, & ex abdito promicans flos Virginitatis illæ. *Sunt vell.*

## XI. SEPTEMBRIS.

*Charitas no-  
strorum vapu-  
lar.*

I. **C**Onchæ in Hispania jacta sunt anno 1554 Collegii fundamenta. Cum enim è Collegio Complutensi inter æstivos calores, subinde Socii aliquot valetudinis debiliore, ad fruendum cælo salubriore, mitterentur Concham: ea morum probitate ac compositione sese civitati commendarent; ut non nemo Canonicorum, Petrus Puteus, aliàs à Societate satis alienus, instructissimas ædes suas, cum adjunctis hortulis & fonticulis, eidem donaret, addita promissione de templo suis sumptibus extruendo. Sed optimè cœpta vix non evertit casus repentinus. Domi suæ deprehenderat civium quidam in turpi flagitio Sacerdotem, cui vindice ferro plagas aliquot mortiferas inflixit. Elapsus è manibus sauciùs, incidit in Patres nostros fortè obvios, petijtq; domum recipi, donec sub noctem ad tutiora se recipere posset. Admissus non gravatè, curata vulnera medicamentis, & animus Confessione Sacramentali, demum ad matrem æger deportatus est. Sed unde laudem sperare poterant, probrum ac dedecus reportarunt boni religiosi. Rumor enim illico per totam diocesim diditus est: unum è Societate in flagitio deprehensum & necatum esse. Sed non permisit DEus, ut charitas vapularet; tantumq; vitæ concessit saucio, ut veritas luculenter patesceret. Documentum tamen datum, ne nimis prompti simus, ad hujusmodi homines recipiendos. *Orland. hist. Soc. p. 1. lib. 14. n. 76.*



2. Ad sedandas in Gallia turbas Avenionenses contra P. Possevinum & totum Collegium, conflantibus hæreticis, & de hæresi suspectis, graves dedit literas Pius V. Pont. Max. anno 1569. ad Nuncium suum, ad Card. Armeniacum & Consules Avenionenses: quibus & Possevino major existimatio, & Collegio major securitas & autoritas est conciliata. *Sacchin, hist. Soc. lib. 5. p. 3. n. 145.*

*Littera Pij V.  
pro Societate.*

*Eodem die obierunt.*

3. Aquilæ in Italia, anno 1608, P. Sertorius Caputus, Italus. Crudus in se ipsum, & fere nimius in corporis castigatione. In juvandis proximis laborabat, quantum tres alii non desides. Sæpe ejus vultus cælesti luce perfusus, conspectus est. Invisentem SS. Sacramentum, Christus D. è tabernaculo procedens, amanter amplexus est. Corpus ejus, virginitate floridum, post quinq; annos repertum integrum, odore fragrans, molle, tractabile.

*Castitas.*

4. Rhenobercæ in Belgio, anno 1639, P. Hermanus Hugo, Belga, suavitate morum, & elegantia scriptorum eximius. Quàm piis in DEum arserit affectibus, testantur ejus pia desideria suavissimis elegiis in lucem data, typis sæpius repetitis. Præfuit Nostris Missionariis Castrensis in exercitu regis Hispaniæ, tam ampla in omnes charitate: ut voti religione se obstrinxerit, ad nulli, sive externo, sive domestico negandum, quidquid charitatis præstare posset. Hinc morbum & mortem traxit ab obsequiis charitatis agris impensæ in castris. Viaticum percipiturus, magna fiduciâ Dominum est allocutus: *Domine, tu nosti, quod verè te ex corde quaesierim, amaverim, serviverim: redde ergo mihi coronam iustitiæ.*

*Missionarius  
insignis.*

5. Posnaniæ in Polonia, anno 1637, P. Stanislaus Domaniewski, Polonus. Noctu, somno ter abrupto, tres dabat horas orationi. Per octavam Corporis Christi fere habitabat in templo. Quotidiani sacri apparatus, & actio gratiarum facile duas horas occupabat. Noctu ter totis viribus se cædebat; ut subinde lassus, ad Crucifixi pedes procumberet, sibi & animabus purgatorii misericordiam flagitans; quibus, quidquid boni ageret, malive pateretur, transcripserat. Ita Collegiis præerat, ut *Charitatis Reflor diceretur.*

*Oratio &  
morfificatio  
frequens.*

## XII. SEPTEMBRIS

1. Nchoatum est in Germania anno 1557 celebre Vormatiense Colloquium inter Catholicos & A catholicos. Utrinque designati erant viri docti 12; ex quibus seni ex quavis parte primatum dicendi tenebant, alii quasi subsidiarii, ubi opus esset, præstò esse debebant. Inter Catholicos Theologos aderant duo è Societate, Canisius & Gaudanus: omnibus præerat Episcopus Mespurgensis. Canisio datum negotium ordinandi ea, de quibus consultandum & disceptandum erat. Ex parte hæreticorum convenerant Melancthon, Erasmus, Schneppius, Pistorius, Sarcerius, Bullingerus, Brentius, Illyricus Flaccus & similes Novatores; tum suapte indo-

*Vormatiense  
Colloquium.*



le, tum principum heterodoxorum autoritate feroces. Priusquam ad conflictum capitalem veniretur, requisiverunt Catholici: ut inter duas tantum partes disceptatio institueretur, scilicet inter Catholicos & Protestantes, Augustanam Confessionem profitentes; ceteri secernerentur, & locum non haberent, ne confusio oriretur, dum quisque pugnat pro secta sua. Sed ex hoc ipso factum est initium confusionis Babylonicae: coeperunt enim sectarii inter se digladiari, & alii alios rejicere, tanquam non sinceros Augustanae Confessionis professores. Quinq; igitur Collocutores tandem rejecti sunt: qui contumeliae impatientes, expostulatorum libellum, quo collegarum fraudes aperiebant, obtulerunt Praefidi Colloqui, atq; ad sua redierunt. Septem quoq; reliqui, cum se Catholicis impares viderent, negotium abruperunt, & campum gloriae illis reliquerunt. Canisius ergo & Gaudanus, ad reformandos Vormatienses in fide & moribus conversi, operam posuerunt valde fructuosam in urbe admodum paucos Catholicos numerante. *Sacchin. hist. Soc. p. 2. lib. 1. n. 100 &c.*

*P. Palmius pacem conciliat.*

2. In Italia Genuae orta seditione anno 1575, cum ad arma ventum esset, nec modus reperiretur componendi seditiosos, frustra laborantibus Legatis Pontificio, Caesareo & Hispano; multum ad pacificationem contulit P. Benedictus Palmius, sua illa invicta vi dicendi quam etiam vaticinio firmasse visus est, quando intra horas 24, ope DEiparae V. pacem proclamandam praedixit ex vero. *Sacchin. hist. Soc. p. 4. lib. 3. n. 78.*

*Eodem die obierunt.*

3. In Paraquaria, anno 1632, P. Marcellus de Lorenzana, Hispanus. Multis gravibusq; laboribus, insidijs, ærumnis exercitus, Apostolicae professioni cumulatè satis fecit. Varijs gratis datis à DEo honoratus, & futura ex vero praedixit multoties, & compluribus sanitatem, impositis manibus, vel Evangelio recitato restituit; & à vipersa pestilentissima fauciatus, nihil damni accepit.

*Grammatica 42 annis doctus.*

4. Marchenae in Hispania, anno 1637, P. Michaël Sanchez, Hispanus. Ut ætatem teneriorem ad solidam virtutem formaret, firmaretq; totos duos supra quadraginta annos Grammatica docendae impendit. In obsequio pestiferorum eadem lue faucius, quam primum conualuit, rediit ad eandem spartam: quin voti quoq; religione se obstrinxit; quoties occasio similis obsequij se offerret, se eidem non defuturum. Quinq; vel sex horas quotidie dabat orationi, nocte supplente, si diurnae occupationes non permisissent.

*Vita Sanctorum.*

5. Antverpiae in Belgio anno 1685 P. Ioannes Bollandus, Belga, Author primus vastissimi operis, quod inscribitur, *Acta sanctorum*. Quamvis enim non modicam in simile Opus congerisset materiam noster Heribertus Rosweidus; quominus illi formam daret congruam, fecit mors intempestiva. Bollandus, pro amplitudine ingenii & eruditionis suae, quam excellentem concepit operis ideam, tam laboriosas ejus executioni

rationi  
fere ex  
magno  
materia  
vibus p  
flagris a  
Ordine  
monstr

A  
dentissi  
illi ada  
badene  
ratore  
gumer  
cilcur  
nam,  
tiq; fi  
da uolt  
scit sim  
quium  
nitate  
stras  
signa  
go cap  
terra i  
sentia

2  
Aus est  
Libellu  
Jesuit  
Sonn

eijs,  
hæret



cautioni admovit manus, tam operosas subiit curas in contrahendis Sanctorum Vitis  
fere ex omni Europa. Quinq; Tomos mensium Ianuarij & Februarij, edidit superstes,  
magno eruditorum & ascetarum applausu: in cæteris quoq; suam habet partem ex  
materia collecta Mirum est, illum tantis suffecisse laboribus; cum & multis nec le-  
vibus premeretur morbis, calculo, hernia, asthma &c. & cilicina veste, cruentisq;  
flagris assidue attereret corpus. Quanti virum æstimarint alij sacrarum familiarum  
Ordines, patuit ex solemnibus exequijs, quibus triduo illi parentarunt RR. PP. Præ-  
monstratenses, Dominicani, Franciscani & Carmelitæ. *Sonivell. in bibl. Soc.*

### XIII. SEPTEMBRIS.

1. **A** Nno 1598 magnum & munificum sui æstimatorem amisit Societas,  
Philippum II. regem Catholicum, cui tot regna per tot annos pru-  
dentissimè gubernata, dederunt nomen Sapientis. Initio quidem minus  
illi addictus videbatur, ac tardè illam in Belgium admisit: at ubi à P. Ri-  
badeneira de ipsius Instituto solidius est instructus, & à Ferdinando Impe-  
ratore informatus, non pauca nec levia optimæ de illa opinionis dedit ar-  
gumenta. Inter cætera est epistola data ad Præpositum Generalem Fran-  
ciscum Borgiam, quâ petijt suppetias in Americam expediendas. Ob bo-  
nam, inquit, relationem, quam habemus de Societatis personis, ingen-  
tiq; fructu quem fecerunt, & faciunt, in his regnis; optavi illorum aliquos  
in nostras Indias maris Oceani mitti; & quia in illis quotidie magis cre-  
scit similium personarum necessitas, & in maximum Divini Numinis obse-  
quium cederet, dictos Patres in illas partes pergere ob Sanctitatem, & bo-  
nitatem, quâ pollent. Quamobrem ego te hortor ac rogo, ad Indias no-  
stras prædictas ire jubeas 24 Religiosos, ubi à Senatu nostro fuerint de-  
signati. In quo ultra obsequium divino Numini faciendum, magnam e-  
go capiam voluptatem, omniaq; ad iter necessaria providebo; ac demum  
terra illa, ad quam perrexerint, ingens gaudium ac beneficium sua præ-  
sentia accipiet. *Euseb. Niremb. in Vita S. Borgie lib. 3. c. 8.*

Philippi  
Mors.

2. Parisiis anno 1669 manu carnificis publicè laceratus, & combu-  
stus est auctoritate Regis Christianissimi, per sententiam Judicis Justitiæ,  
Libellus Anonymi auctoris, Gallicè impressus sub titulo *Moralis praxis*  
*Jesuitarum*, tanquam infamatorius, scandalosus, & calumniis refertus.  
*Sonivell. in biblioth. Soc.*

Liber combu-  
stus.

#### *Eodem die obierunt.*

3. In itinere Brasiliensi, anno 1571, P. Petrus Diaz, Lusitanus, cum quatuor So-  
cijs, Gaspare Goë, Francisco Castrio, Michæle Aragonensi, & Francisco Paulo, ab  
hæreticis piratis Gallis, odio fidei, captus & in mare deturbatus est. Unus Sociorum,  
Gaspar



*Desertor Soci-  
etatis.*

Gaspar Gonsalvius, cum satis animi non haberet ad gloriosam mortem oppetendam, posita Societatis veste, immiscuit se turbæ, ut evaderet: sed postea & ipse cum inutili turba, ne illa alenda gravaretur navis, præcipitatus in mare, ignavia pœnas dedit.

*Victima fidei.*

4. Castellæ in Hibernia, anno 1647. P. Guilielmus Boytonus, Hibernus, cum operam daret absolvendis Catholicis; à victore milite hæretico, vel maximè Sacerdotes ad necem deposcente, cæteris impunitate promissa, interemptus est.

*Prædictio calamitatum.*

5. Comi. in Italia anno 1630 Magister Ludovicus Schiesla, Italus. Hunc inter impigros scholæ labores mors contagiosa intercepit. Cum in extremis esset, post diuturnum silentium, altum ex imo corde duxit suspirium, vatemq; agere coepit, prædicens urbi & Collegio imminentes calamitates. Expressit nominatim, quinam in Collegio essent peste morituri, imò qua die & qua hora. Unde ista nosset, petenti Magistro Guidoni, respondit: Curiosius ista quæri, quàm oporteat. Paulò post Sacramentis rite procuratus, piè decessit; secutaq; sunt omnia, prout Ludovicus prædixit.

6. Panormi in Sicilia anno 1576 P. Joannes Marchesius, Sículus, igne Charitatis, erga pestiferos ardentis conflagravit, cum Socijs duobus.

#### XIV. SEPTEMBRIS.

*Amacai conceditur nostris  
Area.*

1. **A** Pud Sinas, Sociis anno 1583 turpiter ejectis, sed mox Amacao revocatis, DEI inprimis, deinde Gubernatoris Sciauquinensis favore, area conceditur pro erigenda domo & æde sacra. Cum Sciauquinum, quæ urbs Proregis sedes est, ad Gubernatorem pro tribunali sedentem deducti essent ejusque mandata flexis de more genibus operirentur: quæ sivit is; qui, & unde, quorsum? Responderunt Patres per interpretem: se viros Religiosos esse, qui unum Cœli Dominum pro Numine venerantur; venisse se ab ultimis Occidentis partibus, annorum fere quatuor navigatione, illectos famâ de Sinarum Imperio acceptâ; non aliud se desiderare, quam modicam aream, in qua colendo Numini ædiculam, sibi exiguam construerent domum; victuros se corrogato à suis sumptu, nemini graves, nec unquam deserturos locum concessum favore Gubernatoris æstimando. Gubernator, ut erat vir comis & benignus, facile annuit, atq; hoc die, Exaltationi S. Crucis sacro, accersitis ad se denunciavit: habituros, suo imò & Proregis assensu, optatam aream; quam in sequenti die designavit loco peramœno prope Turrim, quæ tunc speciosissima ædificabatur publico sumptu. Patres amplissimis gratiis & vitro trigono (quod ibi pro gemma pretiosissima habebatur) remunerati Gubernatorem, infinitas DEo laudes dederunt pro insperato favore, ad primum in ea terra tandem figendum illi & sibi domicilium. *Trigantius de Expeditione ad Sinas lib. 2. cap. 4.*

2. In Brasilia anno 1561 ingens facta est gentilium barbarorum conversio,



versio, multa millia è vallibus, sylvis, & montibus educta, atq; ad vitam socialem agendam, in pagos sunt distributa, opera potissimum Patris Grævæ Provincialis, viri Apostolici & indefessi: qui hoc die solemnem instituit baptismum, in Taparica regione, lustravitq; Episcopus, ab illo & Sociis instructos, triginta supra quingentos, postero die octoginta paria Sacramento Matrimonii rite copulavit. *Sacchin. hist. Soc. p. 2. lib. 5. no. 28. & seqq.*

Conversio  
multorum.

3. In Moschovia cum anno 1581 P. Antonius Possevinus, Pontificis Legatus, urgeret M. Ducem, ut promissa exequeretur, præsertim quoad liberum Religionis Catholicæ exercitium: cæteris facile annuit, ultimum hoc planè abnuere decreverat; intentus tamen in eventum obsidionis Plefcovix, quam Stephanus rex fortiter urgebat, dissimulavit tantisper, iussitq; Possevinum interim redire ad Stephanum, Paulum Campanum ad Cæsarem & Venetos, Drenocium cum Socio, tanquam obsides, detinuit apud se. Ergo iter suum hoc die aggressi sunt illi; quod Possevino felix fuit hoc uno; quòd Moschum comitem & interpretem, sibi datum, Ecclesiæ Catholicæ aggregarit. *Sacchin. hist. Soc. part. 5. lib. 1. n. 133.*

Possevinus in  
Moschovia.

Eodem die obierunt.

4. Romæ anno 1596, P. Franciscus Toletus, S. R. E. Cardinalis, Hispanus. Sotus ejus in sæculo magister appellabat illum Prodigium ingenij; putabaturq; sua ætate neminem parem habere in sapientia: A Pio V ad Palatij Apostolici conciones habendas adhibitus est; à Clemente VIII in sacrum Cardinalium Collegium cooptatus. Etiam in ea dignitate procul habebat delicias, & vanam ostentationem: legumina illi cibus ordinarius, Sabbato panis tantum & aqua in honorem DEiparæ V. cuius templum eodem die quot hebdomadis è Vaticano pedes adibat; quæcunq; tempestas esset, ibiq; Sacrificabat: Festo Assumptionis præmittebat 40 dierum jejunium. Post mortem cuiuspiam apprensus dixit: *Ego auxilio Magne DEi Matris sum salvus.*

Toleti Card.  
nalis elogio.

5. In mari, anno 1571, superstites P. Petri Diaz; de quo hieri, Socij Septem hoc die, odio fidei in mare demersi sunt; ab hæreticis, cum in Brasiliam tenderent ad infideles convertendos; Petrus Fernandus, Ioannes Alvarez, Alphonsus Fernandus, Andreas Pais, Ferdinandus Alvarez, Petrus Diaz, & Didacus Calvalius.

6. Parisijs anno 1562, P. Paschasius Broëtus, Gallus, unus è Decem Primis Patribus, à S. Ignatio nomine Angeli Societatis honoratus. Italiæ primus Provincialis fuit; à Pontifice in Hiberniam missus cum auctoritate Nuncij Apostolici, multa egit ac passus est: Lugduni in Gallia coniectus in vincula ut explorator. Æthiopix Patriarcha destinatus, occubuit in Gallia, contracta lue pestifera ab ægro, cui inserviebat.

P. Broëtus  
ma.

7. Nesuisij in Litvania anno 1694 P. Andreas Domajewicz, Polonus. Ad Societatem illum compulsi triste vaticinium, à P. Sierakowski, Convictus Olomucensis Præfecto editum. Cum enim is in triduo antecinerali interesset Convictoribus suis, honesto lusu sedistrahentibus (qui erant circiter 40, atq; inter hos unus P. Andreas) repente

salvandum  
paucum.



penite solutus est in amarissimas lacrymas & singultus, quos nullo conatu cohibere potuit. Causam cum rogarent atq; urgerent adolescentes, aperuit: quod scilicet ex illo quadragenario numero, septemdecim tantum essent salvi futuri. Conternatus præ cæteris Andreas, in similes prorupit lacrymas, nec consolationem admisit, donec Pater illi indicaret: eum esse unum ex illis septemdecim. Ut tamen salutem suam faceret certiore: Societatem ardentissimè expetiit, atq; in ea religiosissimè vixit: vir mansuetissimus etiam extraordinarijs gratijs à DEO honoratus. *Ioann. Brictus in Vita P. Vjeyski cap. 23.*

## XV. SEPTEMBRIS.

*Tres Marty-  
res Japonenses*

1. Urbanus VIII Pont. Max. tres è Societate Japonenses Martyres, Paulum, Jacobum & Joannem Sanctos pronunciavit, atq; Missam & Officium de ipsis Societati concessit. Bullar. Constit. 71. Urbani VIII. Quam facultatem extendit Sacra Rituum Congregatio ad quosvis Sacerdotes Regulares & Sæculares, in templis Societatis. *Ibid.*

*Bellarmini  
corps transfer-  
tur.*

2. Anno exacto ab obitu Card. Bellarmini, cum Præposito Generali videretur satisfactum esse voto ejusdem Card. quo locum inter nostros defunctos sibi mortuo delegerat, & obtinuerat; ut etiam aliorum piis & æquis postulationibus satisfaceret, quibus tanti Viri sepulchrum speciale, & notabilius petebatur: translationem Corporis ejus demandavit P. Hieronymo Boschetto, Ministro domus Professæ Romanæ. Eductum igitur è communis sepulchro, hoc die, anno 1622, & agnitum ab eodem Præposito Gen. atq; PP. Assistentibus, inventum est pectore & capite nullatè vitiatis, eratq; vultus non modò integer, sed recentissima specie. Ablutum ergo, atq; indutum dalmaticâ, & Sacerdotali casulâ carbasinâ coloris violacei, incluserunt arcâ cypressinâ, quæ thecâ plumbeâ tegebatur, ac deposuerunt in sepulchro S. P. N. Ignatii propè aram maximam, ad latus dexterum; siquidem ejus, inter coelites jam relati, sacræ reliquiæ pro tumulo aram obtinuerant. Nec potuit dignior inferri S. Patris sepulchro, *Petrasanta in Vita lib. 7. cap. 4.*

*Colonia locus  
amiciu pro re-  
pio.*

3. Colonix Agrippinæ anno 1582 dum nostri de cõemendis vicinis ædibus ad extruendum templum Collegii, sunt solliciti præter spem oblatum est exiguum quidem, sed in proximo situm, cœnobium Sanctimonialium: quarum cum quinq; solùm superessent, & istæ inter se irreconciliabiliter dissiderent, convenerunt tandem, & facultas illis datâ; ut, quam quæq; mallet, aliam ingrederetur, religionem. Sic cum bona Summi Pontificis venia, emptum est Collegio cœnobium illud cum templo suo. *Sacchin. p. 5. lib. 2 v. 105.*

*Eodem*



4. Tabiræ in Japonia, anno 1622, P. Camillus Constantius, Italus. Post multos labores & ærumnas, fidei causâ, in exilium pulsus, rediit personâ militis reclus, horisq; nocturnis operam dabat animabus juvenis. Tentus ac rogo additus, præclarum Christianæ fortitudinis exemplum dedit. Medias inter flammæ egregiè de Animæ immortalitate ac felicitate Christianorum, dixit ad populum. Tum Psalmum, *Laudate Dominum omnes gentes*, occinuit, & post *Gloria Patri*, ter Japonicè exclamavit: *O quam bene est mihi!* Deniq; absumpto fere corpore, *Sanctus, Sanctus, Sanctus*, quinque decantavit; stupentibus barbaris infractum viri robur.

Victima fidel.

5. In Jafanatapa, Indiæ Orientalis provincia, anno 1623, P. Matthæus Fernandez, Indus, & P. Bernardinus Pecius, seu Senensis, odio fidei, à barbaris, confossi lanceis & capite truncati sunt: post strenuos in illa regione labores, baptizatis quinque millibus à solo P. Matthæo.

6. Taurini in Sabaudia, anno 1618, Cæsar Boschus Italus, Scholasticus. Societatem ingressurus, accitis in conclave parentibus, collegit omnia, quæ habebat, Musicæ instrumenta, illisq; perscitè ac per jucundè modulatus, dixit: *Valere, valere, omnes habemus, si ei fuerit latius instrumenta! Nam ego ad Christi vexillum, ad Societatem Jesu, me meaq; studia hinc transfero.* Dixit, abiecit, abiit: & in Societate ad omnem legum harmoniam ita composuit mores suos: ut nec sponte, nec per inconsiderantiam, visus sit, contra ullam delinquere.

Musica instrumenta abjecta.

7. Ulissingæ in Zelandia anno 1641 P. Joannes Suffren, Gallus; Concionator totâ Galliâ celeberrimus, & quod rarissimum, omnibus gratus. Non enim homines, præsertim Magistratus & Prælatos; sed viria, & eorum authores demones, acerrimè insectabatur. A Regina Mariâ Vidæa, Henrici IV conjugæ, & postea ab ejus filio Ludovico XIII, lectus, ut eis à confessionibus sacris & concionibus esset, tanta integritate munus illud per annos 31 gessit: ut nihil aulici juris saperet. Si quis ejus operam in profanis negotiis apud regem vel reginam expeteret: rotundè respondebat: *Id a! Principis conscientiam minime pertinere.* Coactus post diuturnos calculi dolores suscipere sectionem, nullum gemitum, nec ullam dedit vocem, præter illam identidem ingeminatam: *Tea Pater; quia sic placitum fuit ante te.* Jussus reginam comitari in Angliam, morbum ibi contraxit: ad quem curandum repetens Galliam, in portu Ulissingano religiosissimè decessit. Præter concionum Tomos duos, libros edidit spiritualissimos ad formandum hominem Christianum. *Sont vell.*

Missionarius aulicus exactus.

## XVI. SEPTEMBRIS.

1. A Nno 1675 Clemens X. Pont. Max. Constitutione *Cum dudum &c.* vetuit: ne professi Societatis translati ad aliam Religionem, transire inde valeant ad laxiorem, sine licentia Sedis Apostolicæ; in qua expressa erit mentio faciendâ tum Professionis in Societate, tum istius Clementinæ Constitutionis: aliàs invalida erit eorum Professio, & poenitentiæ postularum erunt subiecti. *Bullar. Societ.*

Professi Societatis ad quam religionem transire possint.



Valnii in-  
greditur Socie-  
tatem.

362

005

2. Compluti in Hispania, insignis Doctoris & Abbatis Petri Valnii, contigit anno 1571 ad Societatem accessio. Erat ita instructus tum terrenis opibus, tum naturæ & gratiæ dotibus: ut inter mortales jam videretur beatus. Is cum in Exercitiis S. Patris votum fecisset de Societate ineunda, postmodum autem videretur sibi corpore debiliior, quam ut ferre posset communem in Societate vitam, de executione voti atq; ejus obligatione, toto decennio deliberavit, arguente semper conscientia. Quam ut tranquillaret, rem tandem trium Doctorum integerrimorum judicio commisit. Ulli cum & voti liberam satisq; deliberatam emissionem haberent perspectam; nec ignorarent, quam attemperata esset humanæ infirmitati disciplina Societatis, quæ charitate subveniretur indigentibus; pronunciarunt: Petrum voti reum esse. Is sine mora Collegium adit, & P. Provinciale per sacra omnia obtestatur, ut confestim Societatis copiam sibi faciat. Qui cum distulisset, impatiens moræ Abbas postridiæ alteram, eamq; feliciorem fecit impressionem viribus totis. Admissus ergo, confestim torrentis instar post aggerem perfractum, se effudit in omne genus religiosæ pietatis: ut terguersationem pristinam & dispendium cumulatè compensaret. Et visus est DEus contentus esse tanta contentione in studio virtutum, nam post vix exactos in Religione menses tres, consummatum in brevi tyronem, ad veteranorum stipendia vocavit assumptiq; in cælum. *Sacchin. hist. Soc. p. 3. lib. 7. n. 118 &c.*

*Eodem die obierunt.*

Missionarius  
celebris.

3. Atrebat in Belgio, anno 1633, P. Joannes Carlier, Belga, Missionum religiosè & fructuosè agendarum exemplar accuratum. Fama illius fragrantissima commoti, Albertus & Isabella, Belgii Gubernatores principes, accitum ad se, liberaliter laudarunt, atq; ut ita pergeret, impensè sunt cohortati: quod etiam fecit P. Mutius Vitelleschus Præpositus Generalis, adjecto mandato; ut modum, quem in Missionibus teneret, perscriptum mitteret Romam, ad imitationem aliorum. Commune concionum ejus argumentum erant quatuor Novissima, quibus inveteratorum corda validè concutiebat; adjectâ insuper acri sui verberatione, etiam coram ipsis obstinatis. Non rarè ter quaterve in die ad populum dicebat, tanta contentione: ut aliquoties sudorem sanguineo similem sudasse, sit compertum. Nomen obtinuit Joannis non manducantis, nec bibentis, nec dormientis. Nam hora 12 noctis jam Ecclesiam adibat, & ære campano signum conveniendi dabat; inveniebatq; sæpe jam paratos, qui peccata deponerent.

Ultima cha-  
ritatis.

4. Hui in Belgio, anno 1636, P. Henricus Carlier, Belga, nepos ex fratre Patris Joannis, de quo proximè dictum. Inclementer in se severus, charitate erga alios diffuebat, assumpta non semel pestiferorum curâ; cui etiam immortalis tandem est; postquam Collegii Ministrum non ita pridem defunctum, vidit audivitq; se invitanti ad triumphantem Societatem.

s. Ro-



5. Romæ anno 1580, Januarius Duchus, Italus, Scholasticus. Tanta divinitus *Lacrymarum*  
replebatur dulcedine: ut ad divinam accumbens mensam ita lacrymis solum ma- *copia.*  
defacere consueverit; ut inde monstrari posset locus, in quo Januarius flexisset. So-  
licitus supra modum de dolore pro peccatis eliciendo, tandem Natali die Virginis  
DEiparæ, post susceptum SS. Christi Corpus, vocem audivit interiori; quæ jube- *Remissio peccat*  
batur bene sperare; dimissa ei esse peccata. Ita animo rediit serenitas. In supremo *torum.*  
morbo stupenda fortitudine sustinebat, latus sibi transfigi, & immisso chirurgi di-  
gito vulnus diduci, ad aperiendam cordi respirationem, cum aliunde esset interclu-  
sa recenti aëri via.

6. Xaoceæ anno 1591, P. Antonius Almeida. Hunc Lusitania dederat Socie- *Mantipiura*  
tati anno 1576. Cum oclusum in Sinam aditum cerneret Mandarinorum severitate, *charitatis.*  
rogaverat moderatores, ut liceret sibi servire servitute apud unum aliquem è Si-  
nensi populo, & opportunitatem prædicandi ethnicis Evangelii perpetuo libertatis  
damno emergere. Primus in Sinica sepultus humo, felicitis terræ possessionem Socii  
velut arrogavit, supremo in morbo gravissimis oppressus doloribus, illos augeri, sed  
amorem simul & patientiam augeri postulabat. Ad officii Ecclesiastici diurnum pen-  
sum addebat Officium B. Virginis, cujus quotidie recitandi morem à puero serva-  
verat. Peregrinationum & ærumnarum, quas ea fert vita durissimarum acerbiter  
sejuniis, ciliciis, flagellis cumulabat; Xaverianum illud *amplius*, amplius identidem  
ingeminans. *Juvencius cap. 19. v. 5.*

## XVII. SEPTEMBRIS.

1. **S** Pater anno 1554 cum Patribus Professis consultationem instituit de *Votum simplex*  
adjungendo 4 *Votis* solemnibus Professorum, voto simplici, quo o- *Professorum.*  
bligarentur Professi ad Prælaturas promoti à summo Pontifice, audire sua-  
dentem Generalem, & consilium ejus sequi, si ipsis videretur melius: edi-  
tumq; est & consignatum ab omnibus Decretum affirmativum. *Bartol. in*  
*Vita Sancti lib. 3. n. 32.*

2. Ferdinandus II Imperator à P. Præposito Generali Societatis ro- *Littera Ferdin*  
gatus, quid sentiret de quadam calumnia ex Curia ipsius evulgata? hanc *audi II Imp.*  
anno 1633 epistolam ad illum dedit: Reverende in Christo Pater. Remitto  
Reverentiæ Vestræ mendacium mendaciorum omnium mendacissimum:  
quod quidem risi, sed simul totus excandui. Et quia vestra Reverentia  
in hoc puncto, seu mendacio à nobis testimonium in contrarium petit;  
non detraximus ad conservandam bonam famam Matris nostræ Soci-  
etatis, in amplissima forma extra dare &c. *Gomez in Elog. Soc.*

3. Romæ P. Franciscus Toletus anno 1593, magno mœrore Socie- *Toletus' sis Car-*  
tatis, extimescentis, ne aliis hoc exemplo, in Societate nondum viso, ali- *dinalis.*  
qua ad ambitionem fenestra aperiretur, à Clemente VIII in Sacrum S. R.  
E. Cardinalium Collegium est cooptatus, dotibus & meritis quidem par  
digni-



dignitati tantæ, sed suâ & Societatis causâ summo studio reluctans, donec præcepto adigeretur. *Soutvell. in biblioth. Soc.*

*P. Leynez vult  
resignare Ge-  
neralatum*

4. Impositum Præpositi Generalis munus cum P. Jacobus Laynez, in annum tertium laudabiliter gessisset, abdicare se illo conatus est anno 1560, voluitq; in eum finem convocare Generalem Congregationem. Sed ab Assistentibus inhibitus est, & monitus, ut Instituto Societatis, quod perpetuum vult Generalem, non minus tribueret, quàm privatæ humilitatis suæ. *Sacchin. hist. Soc. n. 2. lib. 4. n. 13. & seqq.*

*Eodem die obierunt.*

*Bellarmini  
controversia.*

5. Romæ, anno 1621, P. Robertus Bellarminus, S. R. E. Cardinalis & Archiepiscopus Capuanus. Ad dignitates Ecclesiasticas interposito anathemate, ni pareret, impelli debuit. Electionis ejus in sacrum Purpuratorum Patrum Senatum, rationem dedit Clemens VIII hanc: *Hanc legimus: quia non habet parem Ecclesia Dei quoad doctrinam; & quia est Nepos Optimus & Sanctissimi Pontificis: scilicet Marcelli II. Doctrinæ prærogativam si illi subtrahant invidi, vel amulsi quidam Catholici; deferent heterodoxis: cum nullum censeant majorem sibi hostem, nullum totis castris acrius impugnent.* Nam, ut fassus est Theodorus Beza de quodam Bellarmini Volumine: *Vnus hic Liber, agebat nos omnes humi proturbat.* Unde in Angliæ Academia Cantabrigiensi primum, mox etiam in Oxoniensi, nova prælectio instituta est, ad Controversias Bellarmini, si possent, refellendas. E Catholicis primæ classis Sapientibus doctissimus Cardinalis Perronius, debellator hæreticorum in Gallia celeberrimus, asserit; Pluris à se fieri Controversias fidei Bellarmini, quàm ullum opus aliud, quod vel ab annis mille sit editum pro Ecclesiæ defensione. Cardinalis Baronius dicit, esse Turrim David, ex qua mille Clypei pendent, & omnis armatura fortium. Accedit & illud argumentum gravissimum; quod Opus hoc in solo Septemtrione, Vigessimam habuerit editionem. Sanctitatem Viri eminentem testatur, & Vita typis edita, & fama communis, & mira ab ipso patrata divinitus ante ac post obitum; & Processus instituti pro ejus Beatificatione.

*Vicima fidei.*

6. Londini in Angliâ, anno 1644, P. Rudolphus Corbæus, Hibernus, post multis sudoribus rigatam Angliam uberrimo fructu, tentus, & patibulo addictus est eâ causâ, quod plures ad Ecclesiam Romanam se duxerunt. Patibulum suavissimè exosculatus, suspensus est, atq; in 4. partes semianimis sectus.

*Sodalitates  
duæ.*

7. Romæ anno 1599, P. Joannes Tellerus, Gallus. Duo præclara subsidia præstitit vivis atq; defunctis. Pro vivis instituit Sodalitatem admodum frequentem eorum, qui carcere detentos juvarent, levando eorum inopiam, curando morbos, expediendo causas &c: quæ Sodalitas appellata est *Archiconfraternitas Caruarum.* Ad Defunctos juvandos impetravit apud Parochos: ut vespere post Salutationem Angelicam, ære campano signum daretur ad fundendas preces pro animabus Purgatorii. Assensum Parochorum detulit ad Gregorium XIII Pont. Max. qui id opus etiam Indulgentiis concessis ultro promovit. *Soutvell. in bibl. Soc.*



1. **A** Nno 1561 Parisiis, quò recens venerat cum Card. Ferrariensi, nuncium latum accepit P. Jacobus Laynez Præpositus Generalis, de recepta per Conventum Poissiacum Societate in Gallia. Strenuissimè enim pro illa decertarunt Cardinales quinq; maximæ autoritatis, Lotharingus, Turnonius, Armeniacus, Guisus & Borbonius, præter multos ex Episcopis. Lotharingus de illa recipienda retulit, sententiamq; suam multa cum laude Societatis exposuit, atq; accuratas preces adjecit. Secundùm eum Card. Turnonius, quanta DEus per novum hunc Ordinem, non in terris modò Christianorum, sed etiam apud Indos & barbaros populos efficiat, cum fusè percensuisset; hoc etiam, inquebat, addam: Ego his Patribus, ob eorum cognitam mihi vitæ probitatem, sanctioremq; doctrinam, Collegium illud meum, quod non sine magnis sumptibus apud meos ædificavi, perpetuò habendum, cum universis vectigalibus dono dedi &c. Similia cum adjecissent alii, erubescere tandem ac cedere debuit adversariorum pervicacia. *Sacchin. hist. Soc. p. 2. lib. 5. num. 197. & seq.*

*Societas recipitur in Gallia*

*Eodem die obierunt.*

2. Valentia in Hispania, anno 1617, P. Joannes Sanzius, Hispanus, paupertatis & humilitatis amator eximius. Tota cubiculi supellex illi erat lectulus, mensa, sella, ligneus Crucifixus, DEiparæ V. imago papyracea. Pauperibus ad portam distribuendi sportulas curam ipse gerebat; & id faciebat de genibus; ut Christo se servire meminisset.

*Paupertas eximia.*

3. Metis in Lotharingia anno 1657, P. Joannes Fagot, Lotharingus. Piè semper ac modestè hilaris, adq; labores tam promptus, quàm idoneus. Parisiis & alibi è pulpito Ecclesiastico auditus est magno cum gustu & fructu per annos fere sex supra quadraginta. Unde insensus illi dæmon, Nancæi minatus est per energumenam, se insignem illi confusionem adornaturum. Paulò post dum in alia civitate concionem orditur P. Joannes, repente memoriâ fallente, nihil habuit, quod diceret. Id operâ dæmonis contigisse, prodidit ipsemet Nancæi, palàm insultando; *Nunc malè est Fagoto.* Sed Pater cum rogasset Auditores; ut pro quodam afflicto orarent; oratione facta, feliciter perrexit in concione.

*Dæmon confusiorum turbas.*

4. Posonii in Hungaria anno 1661 P. Zacharias Trinkelius, Hungarus, vir magnis naturæ ac gratiæ donis ornatus. Multa & ardua pro DEI gloria & bonæ Societatis suscepit, perfecitq;. Illud edidit singularis humilitatis specimen: quòd post traditam cum plausu in Academia Græcenli Philosophiam, multis precibus impetravit, ut ad infimam Elementariam scholam anno sequente applicaretur. Sed descensus hic gradus ei fuit non solum ad Cathedram Theologicam, sed etiam gubernacula Provinciæ, & heroicam patientiam; qua per annos 30 graves podagræ dolores imperturbata animi serenitate toleravit. *Sourvelli. in bibl. Soc.*

*Humilitas honorata.*



*Missæ & Offi-  
cium de B. Sta-  
nislao Kostka.*

1. Clemens X cum ad preces Serenissimi Poloniarum regis Michælis, per Breve datum anno 1670, concessisset: ut quotannis die 13 Novemb. Missa & Officium dici posset de B. Stanislao Kostka S. J. per universum regnum Poloniæ & M. Ducatum Lityaniæ, & in omnibus per orbem Ecclesiis Societatis: anno sequenti, hoc die, alio Brevi declaravit: Indultum illud suum intelligi debere, quoad Regnum Poloniæ & M. D. Litv. de omnibus Ecclesiis, etiam non Societatis, & de omnibus Sacerdotibus tam sæcularibus, quàm Regularibus cujuscunq; Status, gradus & ordinis: in aliis verò extraneis locis extendi ad solas Ecclesias Societatis, Bullar. Constituit: 45. Clement. X.

*Eodem die obierunt.*

*Vocatio ad So-  
cietatem.*

2. Marchenæ in Hispania, anno 1636, P. Joannes de Herrera, Hispanus. Cùm ad Societatem se vocari sentiret, sed teneriore in matrem amore devinctus, tergiversaretur; è pia quadam Christi columnæ alligati effigie, audire sibi visus est hæc voces: *Et ego quando reliqui meam?* Addita & hæc verba: *Eatiam te in amorem magnum.* Magnus certè amor erga DEum & proximum, in Societate torcebat illi viscera, impellebatq; ad agenda quæ DEo gratissima, & animabus essent utilissima. Quod cùm per se non posset ita, ut optabat, præstare; assiduè precibus & mortificationibus implorabat gratiam iis, qui laborant in animabus ad fidem, vel poenitentiam adducendis. Fama est, DEum in vita & post mortem quædam non ordinaria per illum esse operatum.

*Spiritus conser-  
vatus.*

3. Bononiæ in Italia, anno 1649, P. Alphonsus Gianotti, Italus. Conceptum in tyrocinio Societatis spiritum, non solum laxavit nunquam, sed inflammavit assidue: ut multi viso Alphonso succenderentur ad perfectionem, dicerentq;: ex illo viso didicisse se; quid sit fervor spiritus. Virginitatis suæ custos integerrimus, cùm pro aliena etiam tuenda laboraret contra impuros quosdam, præmium operæ tulit fustigationem, & de scælis præcipitationem. Ut quendam è potestate dæmonis, cui se sanguine proprio authoraverat, eripetet: iussit dæmonem ad se amandari. Sed renuit ille, dicens, in Dei Seryum nihil sibi potestatis esse. Ad regendum Bononiæ Collegium, debuit Obedientiæ præcepto compelli; & rexit exemplo magno. Sæpe jejuniò sese macerans, Bacchanalium tempore dies totos jejunos transigebat. Virginitati suæ ne quàm labeculam afflaret objectum aliquod, oculis per omnem vitam non laxavit rigida modestiæ frenum, quod in tyrocinio illis iniecerat.

*Victima cha-  
ritatis.*

4. Cremii in Germania anno 1634, P. Paulus Langemantel, Germanus, cum Sociis duobus, post pretiosos labores contagiosa lue, correptis impenso, insignis cecidit victima charitatis: quæ per omnem vitam eum urgebat, ut se impenderet, & superimpenderet, puerorum institutioni, quibus in omnibus plateis & compitis erat notissimus, & miserorum auxilio,



**S.** Indiarum Apostolus, Xaverius, quàm primùm Goam in India per-  
venit post unius anni navigationem, triplicem dedit epistolam an-  
no 1542: geminam ad S. Ignatium, tertiam ad Socios. In hac cùm expo-  
sisset distinctè iter suum: & quanti labores cum non levibus incommo-  
dis, exantlandi sunt in prædicatione Evangelii apud gentes illas, subjun-  
git: Omnia incommoda, si DEI causâ, ut par est, subeantur; profectò  
magna solatia sunt, & materia multarum magnarumq; cælestium volu-  
ptatum. Equidem sic mihi persuadeo: Crucis Christi D. amatores vitam  
ejusmodi ærumnis exercitam, beatam ducere; crucis autem fugam, aut  
vacuitatem, mortis instar putare. Quæ enim mors acerbior esse potest,  
quàm sine Christo, ubi semel eum gustaveris, vivere, eumq; deserere, ut  
tuas sequaris cupiditates? Mihi credite, nulla crux est cum hac cruce  
comparanda. Rursus quàm beatum est vivere, quotidie moriendo, no-  
strasq; frangendo voluntates; ut quæramus, non quæ nostra sunt, sed quæ  
Jesu Christi &c. Ita ille. *Epist. veterum lib. 1. ep. 1.*

*Litteræ S. Xaverij.*

2. S. Franciscus Borgia cùm anno 1565 Societatis gubernationem  
adiisset, plurimùm ad ejus incrementum existimavit collaturum: si Do-  
mus Probationis tyronum instituerentur separata à Collegiis & Domibus  
Professis, quantum fieri posset. Hoc igitur die initium ejus separationis  
factum in Urbe, & paulò post in aliis aliquot Italiæ locis, insigni tyro-  
num profectu. *Sacchin. hist. Soc. p. 3. lib. 1. n. 54.*

*Domus Probationis separata à Collegiis.*

3. Anno 1560 insigne sidus cælo Societatis accessit, per ingressum  
in eam Roberti Bellarmini Nepotis Marcelli II Pont. Max. post edita per  
annum integrum apud suos varia Divinæ Vocationis & constantiæ suæ  
experimenta. *Petrasan: in Vita lib. 1. cap. 4.*

*Bellarminus accedit Societati.*

4. Clemens IX anno 1668 suspendit Breve Innocentii X, quo cele-  
bratio Congregationis Generalis in Societate quovis novennio, perpetu-  
is temporibus injuncta fuit. *Bullar. Constit. 26. Clement. IX.*

*Congregatio novennialis suspendita.*

*Eodem die obierunt.*

5. Ulyssipone in Lusitania anno 1579, P. Petrus Mascarenia, è prima regni no-  
bilitate Lusitanus, cum aliis 17 Sociis, navata insigni opera contagiosis per Lusitaniam,  
compendiosa morte vitam æternam lucratus. Ardenter petierat Missionem in Afri-  
cam, & impetraverat: sed cùm in Lusitania pestis grassari inciperet; censuit, frustra  
quæri alibi, quæ domi se offerret, palmam charitatis. *Ex Tann.*

*Victimachari-  
tatis.*

6. Ibidem anno 1604, P. Franciscus Cardoso, Lusitanus. Inter concionatores  
cùm emineret, magis æstimabat Catechismi traditionem pueris & rudibus; ideoque  
huic

*Catechismi  
traditio.*



huic magis quam concionibus se impendebat, ostentabatq; arundinem suam, discens: Plures se cælo addixit sceptro illo, quam concionibus. Cum pridie & in Concione matutina, & in Catechismo pomeridiano serventissimè ad confertissimum auditorem dixisset de morte: altera die repertus est ad mensam sedens in cubiculo, digito porrecto in illam libri aperti sententiam: *Beati mortui, qui in Domino moriuntur.*

*Novitius per-*  
*fectus.*

7. Marini in Italia anno 1556, Joannes Mendoza, Novitius, Hispanus, Petri Marchionis à Valle filius, & Arcis Neapolitanæ Præfectus. Impetratà à Philippo rege Hispaniæ veniā, in Societatem se recipere decrevit. Quod dum molitur, ita mores composuit: ut adolescens Mahometanus eo exemplo permotus, fidem sit amplexus Christianam. In Societate ad infima se officia abiecit; cumq; visitaretur à Duce Palliani, ita ut erat linteo præcinctus, prodiit è culina, amplexum accepit, & profundam admirationem animo visitantis impressit. Sic occupatum judicârunt superi cælo maturum, humilesq; unius semestris labores æterna quiete & gloria sunt remunerati.

## XXI. SEPTEMBRIS.

*Articuli 15 de*  
*gratia exami-*  
*nantur.*

**P**ost obitum Clementis VIII, & brevem 25 dierum Pontificatum Leonis XI, euectus est in Petri Cathedram Paulus V, opportunissimus disputationibus de Auxilijs Gratiæ; utpote qui fere omnibus sub Clemente interfuerat, & satis habebat ingenij, judicij, atq; doctrinæ ad Controversiam cum divino auxilio decidendam. Institerunt apud hunc nostri Theologi: ut tandem in examen veniret Prædeterminatio physica voluntatis humanæ. Non abnuît Pontifex: præmitti tamen voluit brevem discussionem 15 Articulorum de Gratia, quos proponebat, an essent vera & sincera S. Augustini doctrina? Habita igitur est coram Paulo V, anno 1605, 21 Septemb. Disputatio prima: in qua noster P. Joannes Bastida affirmavit, & ostendit; omnes illos articulos, uno excepto (scilicet quinto) esse doctrinam S. Augustini. Quantum excepit; quia in illo dici videtur; *quod DEUS ita exerceat dominium suum in voluntates humanas, sicut in cætera, quæ sub cælo sunt.* 7. g. in bruta: quod nec Augustinus dixit, nec subsistere potest. Circa decimum tertium Articulum, quo dicitur; *quod Gratia efficax necessaria sit ad singulos actus hominis;* advertit: restringendum esse, ad Actus pios & meritorios. Non enim datur ad actus peccaminosos, nec necessaria est ad omnes actus morales, scilicet ad eos, qui sunt merè naturales. *Eleuther. hist. de Aux. lib. 6. c. 1. & seqq. Disquisitiones in hist. de Aux. part. 2. cap. 13.*

*Rumor falsus*  
*de damnata*  
*doctrina Mo-*  
*lyne.*

2. Anno 1601 cum in Hispania mirificè tripudiarent adversarii Molinæ, quasi jam fulmine Vaticano exustus, aut afflatus esset; & doctrina Societatis, tanquam Pelagiana condemnata; unde non leves turbæ etiam in plebe, & rudibus scholaribus oriebantur; Nuncius Apostolicus per Hispaniam

Spania  
pis &  
tores co

3.  
lie est h  
Novitius  
di, aut  
tuit, qua  
4.  
oculi, nih  
meditaba  
res. Perfo  
cito tam  
que vuln  
bulatio: n  
petit pe  
ipsum de  
5.  
& consi  
Paupert  
gregatio  
cumq; ex  
eos restat  
cissim no  
DEipara  
de, secon  
circum

2. A Ne  
u  
licentia  
dinem R  
xioris, a  
dem. Pr  
munica  
possi  
haber



spaniam, Dominicus Ginnasius publico edicto commendavit Archiepiscopis & Episcopis; ut hujusmodi falsos rumores inhiberent, & calumniatores coercerent, *Eleuther. hist. de Auxil. lib. 3. cap. 16.*

*Eodem die obierunt.*

3. Caltageronæ in Sicilia, anno 1611, P. Angelus Sibilla, Italus. Angelus Siciliae est habitus modestiâ, vitæ innocentia, & singulari orandi studio. Per annos 30 Novitiis præfuit, magno exemplo, & regendi peritiâ. Nullam unquam se afflictandi, aut vincendi artem docuit, quam ipse non exercuisset. Mortem religiose appetiit, quam adhuc bene valens prædixerat.

*Magister Novitiorum.*

4. Romæ anno 1620, P. Joannes Amadeus, Gallus. Attentissimi quinq; in illum oculi, nihil in moribus ejus deprehenderunt, quod reprehenderetur. Christi dolores meditabatur tenerè atq; ardentè: unde illi heroica patientia inter adversa & dolores. Personæ cuiusdam sanctimonie famâ conspicuæ impensè commendaverat se, tacito tamen suo nomine. Oranti illi pro eo apparuit Christus, quinq; funicularis, quinque vulnerum symbolis, trahens Joannem in cælum, & dicens: *Cum ipso sum in tribulatione; eripiam eum, & glorificabo eum.* In morbo cum phrenesim timeret; iterum petiit personæ illius opem, quæ inter orandum pro ipso, vocem audiit: *In pace in idipsum dormiet, & requiescet.* Ita factum.

*P. Amadei innocentia.*

*Christus si patrocinator.*

5. Ulyssipone in Lusitania anno 1590 P. Vascus Pirez, Lusitanus. Perfectionis & conscientie munditici tam erat studiosus: ut illam singulis horis examinaret. Paupertati tam addictus: ut ex Collegio Portuensi Ulyssiponem migrans pro Congregatione Provinciali, totum illud iter pedibus, & victu emendicato sit emensus; cumq; ex longitudine itineris calcei essent disrupti, fasciis ex panno circumligatis, eos restauravit. Erga DEiparam Virginem tenerrima ferebatur pietate, ab ipsa vicissim non paucis cumulatus gratiis, imò & aspectu dignatus. In festo Nativitatis DEiparæ, dicebat, solere se singularem aliquem ejus favorem experiri. Visus subinde, secreta cordium cognovisse, spiritu Prophetico afflatus, & cælesti splendore circumfusus. *Sourcell. in bibl. Soc.*

*Viator pauper.*

## XXII. SEPTEMBRIS.

1. **A** Nno 1582 Gregorius XIII Pont. Max. concessit Præposito Generali, ut Religiosi, etiam Professi, ex Societate dimittendi, possint de ejus licentia transire non solum ad Carthusianos, sed ad quemvis alium Ordinem Religiosum, sive mendicantium, sive non mendicantium, paris, laxioris, aut arctioris observantiæ; de consensu tamen superioris loci ejusdem. Prohibuit autem quibusvis aliis Ordinibus, præsentis Privilegii communicationem & participationem. *Bullar. Societ. Constit. Cum alias &c.*

*Transitus ex societate ad alias religiones.*

2. Idem eodem anno & die Societati concessit: ut Ordines suscipere possint nostri à quocunq; Episcopo, communicationem Sedis Apostolicæ habente, etiam extra tempora à Jure statuta, & non servatis alas requi-

*Ordines quomodo nostri possint suscipere.*



sitis interstitiis, neque facta inquisitione de cantu, officiis, & ceremoniis Ecclesiasticis, idoneitate, ac proprii Ordinarii licentia. Indulgit insuper: ut non solum Minores, sed etiam Sacros, etiam Presbyteratus ordines suscipere possint, *tribus Dominicis, vel aliis festis diebus, etiam continuis*. Prohibuit autem aliis ejusdem privilegii communicationem, *Bullar. Societ. Constit. Pium & utile &c.*

*Eodem die obierunt.*

*P. Pineda monachus.*

3. Nangasachii in Japonia, anno 1633, P. Michæel Pineda, Japon. Multis in patria pro animarum bono exhaustis laboribus, proscriptus inde secessit in Philippinas Insulas. Sed zelo stimulante Apostolico, cum rediisset in Japoniam, omnibus exquisita solertiae artibus quærebatur ad necem. Metu percussus hospes, ad quem diverterat, non quidem eum prodidit; nocte tamen intempesta dimisit e domo inter crudissima frigora. Ab his alijsq; incommodis contracto morbo, intra triduum confectus est, hoc unum dolens: quod incruenta morte moreretur.

*Victima fidei.*

4. Jendi in Japonia anno 1637, Joannes Yama, Coadjutor Japon. Inter continua vitæ mortisq; pericula, Evangelio præstantem suâ eloquentiâ præstitit operam, per regna Japoniæ quaquaversum excurrrens. Tentis, & diuturno aliquot annorum carcere maceratus, civibus suis prodesse non desinit, cum voce non posset, scriptis prædicando & declarando fidei dogmata. Japonico tandem suspensio, e pedibus in scrobem pendens, sublatus est.

*P. Ribadeneira elegia.*

5. Madriti in Hispania, anno 1611, P. Petrus Ribadeneira, Hispanus. Puer se adjunxit S. P. Ignatio, apprimè illi charus ob morum facilitatem, fervens ingenium, & egregiam indolem; à quibus dotibus magnos olim fructus proventuros prævidit Ignatius. Nec fefellit spes Petrus, missionibus plurimis laudatè functus per Italiam, Siciliam, Belgium, Hispaniam. Collegia & Provincias magnâ prudentiâ, & charitate rexit, his Assistentis Hispaniæ munus obiit. Inter hæc, tot, tamq; doctas edidit lucubrationes; ut nihil aliud per omnem vitam egisse videretur. Vixit deniq; in Deum piissimus, Instituti observantissimus, Nostris charus, externis commodus, Principibus gratus, nemini gravis.

## XXIII. SEPTEMBRIS.

*P. Mesquita captivus ex captivitate.*

P. Joannes Mesquita in India à barbaris Badagis captus, & multis confixus vulneribus, anno 1560, mirabiliter evasit. Ut in ora Commorini promontorii Christianos, margaritarum piscatores, Badagarum infestationi expositos, in tutiorem locum transportaret Prorex Constantinus, in procinctu erat. Verùm Badagæ comparato celeriter exercitu prævenierunt, ac irruerunt. Lusitani in arcis præsidio vix 50 erant; eruperunt tamen, & vim hostium fortiter sustinuerunt, donec turba lembis contensis exitio se eriperet. Sed cum multitudini hostium resistendo non essent; quidam in mare se conjicientes, natatu evaserunt; alii, ac inter hos P.

Mesqui-



Mesquita, octo luculentis vulneribus saucius, abducti sunt, in captivitatem. Milites de sua & Sociorum libertate septem millibus aureorum pacti, illi-  
co dimissi sunt, P. Mesquita ut obses detentus, donec pecunia omnis nu-  
meraretur. Quæ cum tardius afferretur, dirissimè habitus est, & ferrea ca-  
tenâ in globum compactus. Misertus viri Christianus adolescens, Michaël  
nomine, ingenio promptus & audax, pretio corrumpit fabrum, qui Patri  
compedes injecturus erat: ut clavum, quo stringuntur, faceret fragilem,  
& modica vi solubilem; comparavitq; necessaria ad iter. Nocte intempe-  
sta solutis compedibus, excubitoribus sopitis, evadunt, totisq; 7 diebus &  
noctibus, per sylvas & saxa oberrant, inter præsentissima vitæ discrimi-  
na, donec tandem extra Badagarum fines, ad Lusitanos pervenerunt sal-  
vi, sed vix animam trahentes. Tota salus post DEum debebatur Michaëli,  
qui verè Angeli vices egit, & industria, & indefesso labore omnia explo-  
rans & perumpens. *Sacchin. hist. Soc. p. 2. lib. 4. n. 260 &c.*

2. Anno 1611 diploma Ordinum regni Bohemiæ in gratiam Socie-  
tis editum in hæc verba: Nos, Henricus &c. Percrebuit non solum in Pra-  
geni civitate rumor, sed per malevolos etiam dissipatum est scriptum,  
contra Patres Societatis JESU Pragæ commorantes, quasi bellicum instru-  
mentum, milites non paucos, in patriæ communis perniciem, collectos,  
& paratos haberent, ea nobis causa existit illorum collegii vestigandi,  
ac veritatem accuratè indagandi, quod singulari diligentia à nobis ter  
fuit factum per spectatos & exploratæ fidei viros, è tribus regni Ordini-  
bus, Baronum, equitum & civium, delectos, additis centurionibus. Ab  
iis totum Collegium, sursum, deorsum, perreptari, ac lustrari jussimus,  
ac ne vestigium quidem apparatus bellici repertum est: milites verò mul-  
tò minus. Hinc apertè intelleximus hæc omnia contra memoratos Pa-  
tres, ex odio conficta, & per summam iniquitatem, atq; injuriam, ut iis  
invidia conflaretur, in vulgus fuisse sparsa. Itaq; cum à nobis diploma  
testem innocentiae suæ, postulaverint, iis denegare, pro eo quod imposi-  
tum nobis est tuendæ veritatis munere, nec debuimus, nec voluimus.  
Quapropter hisce literis declaramus, & testamur illos extra omnem hanc  
culpam esse, dissipatosq; de ipsis sermones fictos esse, scripta commentitia  
& à veritate prorsus aliena &c. *Juvenius fol. 269.*

*Eodem die obierunt.*

3. Laureti in Italia, anno 1690, P. Nicolaus Bobadilla, Hispanus, unus è decem  
Primis Patribus. In Italia, Germania & Dalmatia doctè utiliterq; rem Catholicam  
Aaa 2 *P. Bobadilla  
logia.*  
gessit,

*Infamia no-  
strorum deter-  
sa.*



gessit, laboribus contentus, honoribus, etiam insulatis, à Ferdinando Cæsare oblati, religiosè repudiatis. Dum ægris serviret, peste contactus; cum pro orthodoxis & virtute, variè satageret, in capite vulneratus, ad indusium usq; spoliatus; imò veneno appetitus est: sed his omnibus Apostolica generalitate superior fuit; vir acri omnino ingenio, & zeli ac pietatis pleno. In generalibus quidem comitijs aliquid turbatum dederat, post obitum S. Ignatii: sed errorem tandem advertit, seriò respuit, egitq; religiosum, qualem sibi descripserat: ut scilicet esset Canis in dormitorio, columba in refectorio, cæcus in urbe, suspensus in cælum, mutus in ira, cadaver inter mulieres, sibi amarus, alijs dulcis.

P. Vasquez e-  
logia.

4. Complut. in Hispania anno 1604, P. Gabriel Vasquez, Hispanus; vir summæ ingenii, nec minoris in studendo laboris ac diligentia: quibus subsidijs tantum inter Theologos nomen consecutus est; ut à viris magnis diceretur *Hispanus Augustinus*, ab alijs, *Sol Theologicæ, Magister magistrorum, Angelus vni & intellectui*: nec defuerunt Academia, quæ ejus doctrinam, passim sibi sequendam, elegerunt. Studiis literarijs non minus junxit studium religiosæ perfectionis, utebaturq; illis ut instrumento ad virtutum consecutionem, & implendum nomen *Doctores Religiosi*. Labores ejus Scholastici & in S. Scripturam editi sunt Tomis 10 in folio.

P. Callant ca-  
lum petis.

5. Antverpiæ in Belgio 1625, P. Joannes Callant, Belga, contracta lue in obsequiis contagiosorum extinctus. Eodem, quo obiit tempore, animam ejus magna cum luce petentem cælum, vidit Anna de Jesu monialium S. Theresiæ mater, idq; suis narravit, antequam quidquam de morte P. Joannis posset resciscere.

## XXIV. SEPTEMBRIS.

Hæreticorum  
arrogantia.

1. IN Gallia, cum anno 1561 celebraretur conventus Poisiacus, ad inveniendam viam, qua reducerentur heterodoxi ad Ecclesiam: ingressus conventum Jacobus Lainius, Societatis Præpositus Generalis, qui cum Card. Legato Pontificio in Galliam venerat, jussu Pontificis; advertit, hæreticorum primarios ministros occupatis subsellijs tumide confidentes, dum Theologi Catholici rem agunt stantes. Non tulit rei indignitatem, egitq; cum Legato Card. Ferrariensi: ut deinceps ea abominatio & nota Catholicis illata, tolleretur. Egit Cardinalis, atq; ex eo die hæreticis nulla facta est sedendi copia. *Sacchin. hist. Soc. p. 2. lib. 5. n. 198.*

Expositio in  
Floridam in-  
juncta.

2. Anno 1566 prima Societatis facta est expeditio in Americæ regionem, *Floridam* dictam. Iverunt Petrus Martinus, & Joannes Rogerius Sacerdotes, & Franciscus Villaregius rei domesticæ administer. Hoc die in conspectum Floridæ venerunt, non tamen applicuerunt: sed placuit, præmittere in terram immanitate barbaram exploratores quosdam, ex quorum relatione caperetur certius & utilius consilium. Ægrè inventi, qui hanc spartam susciperent, eam posuerunt conditionem; ut P. Martinus cum ipsis iret, ejus consilio in dubijs, & auxilio in spiritualibus uteren-



uterentur. Ut id agi audivit P. Martinus, illico primus in scapham defiliit, & aliis ad sequendum animos fecit. Vix terras attigerant novem Belgæ, cum paucis Hispanis & Patre; mox coorta tempestas, navim, à qua exscenderant, procul ab conspectu abstulit, ac tandem in insulam Cubam compulit. Pater cum Sociis, cum diu per desertam regionem oberrassent, fere fame enecti, ad scapham iterum se receperunt lustraturi littora, si fortè in Hispanos alicubi inciderent. Sed cum fames iterum illos ad terram applicare còegisset; Belgæ duo, qui exscenderant, à barbaris circumventi & capti sunt; P. Martinum robustior quidam, in scapha ipsa arreptum, ad litus deportavit; ubi omnes tres in conspectu Sociorum sunt trucidati: reliqui paulò post in navim Hispanam inciderunt, & excepti sunt, non tam sua sorte læti, quàm mœsti de amisso Patre, cujus stupendam charitatem erant experti. *Sacchin. hist. Soc. p. 3. lib. 2. n. 141. & seqq.*

*Eodem die obierunt.*

3. In mari anno 1780, P. Georgius Fernandez, & P. Gomez Damaralius, Lusitani. Ambo in ea navigatione, quam Goâ Amboinum instituerant, à lavensibus barbaris, Christi & Lusitanorum hostibus, trucidati sunt, cum Christianos in navi expiarent.

4. Moguntia in Germania, anno 1626, P. Joannes Falco Germanus, Ecclesiastes ferventissimus, & in procurandis ægris pauperibus per Nosocomia indefessus. Non raro una die in templis urbium & sacriarijs varijs, senas septenasq; conciones habuit, raro exemplo; nec urbium vastitate contentus, zelo Apostolico rapiebatur ad pagos & villas circumjacentes. solo pane & caseo ad victum instructus, & ferventissimis Exhortationibus atq; Catechismis, rudes impellebat ad probitatem. Votum emisit per arduum: quod nunquam suo gustui in cibo potuq; sit obsecuturus, sed soli servitutus necessitati, vitatis omnibus superfluis, & vilioribus electis. Initio cujusvis mensis Rectori suo se sistebat; & de genibus renovato Obedientiæ voto, ei se pariturum punctualiter in omnibus, spondebat. Quotidie ante decubitum, calceos de pedibus detractos, capiti imponebat: ut profiteretur, dignum se pedibus omnium conculcari. *Ex Tann.*

5. In Brasilia anno 1653, P. Ioannes de Almeida, aliq; Mada, Anglus, virtutum & prodigiorum patrum excellentiâ tantus: ut redivivus Anchieta videretur. Putridas jumenti plagas curans in tyrocinio, collectos ex illis vermes, ut se pervinceret, ori ingessit. Inter orandum, non semel à terra sublimis visus est. Cum obtrectantes quosdam alienæ famæ, compescere non posset; tanto animi dolore æstuavit: ut plures viderint, illi è fronte cruentas erumpere guttas, & in terram usq; defluere. Miracula etiam post mortem ab eo patrata, rite in tabulas sunt relata.

*Victima fidei.*

*Zelus indefessus.*

*Votum peraratum.*

*Obedentia punctualis.*

*Victoria fidei.*



S. Xaverius  
Malacam ve-  
nit.

Qualiter acce-  
pit.

Antverpienses  
tumultus.

P. Suarez do-  
ctor & Sane  
Himonia

**M** Alacam in India appulit anno 1545 Novus Indiarum Apostolus Xaverius, quò jam præcurrisse famam suam invenit. Effusa enim in portum civitas, & quantum in ea erat puerorum (deliciæ Xaverii) cum nutricibus & matribus, infantes in ulnis gestantibus, vel manu trahentibus, Sanctum hospitem excipere gestiebant. Exscensione facta certatim irruunt, circumdant, gratulantur, salutant, beatos se prædicant, manus ad osculum poscunt, & quidquid poterant familiaris obsequii, depromunt. Ille sua illa amabilissima charitate modestiæque amplecti omnes, blandiri pueris & infantibus; & quod stupuerunt omnes, quemq; suo nomine compellare, ac si non hospes, terris illis primùm illatus, sed complurium annorum civis fuisset. In ipso igitur portu omnium torda occupavit, invitabaturq; certatim ad hospitia commoda: at ille more suo ad Nosocomium divertit, non suæ commoditati, sed ægrorum, operaturus. Ulus est in ea civitate Omnipotentia Divinâ tam liberaliter: ut numerus miraculorum iniri non potuerit. *Bartol. in Vita lib. 2. n. 3. & seqq.*

2. Antverpiæ anno 1576 tumultus gravissimus ex causa levissima coortus, Collegium involvit, ac fere diruit. Comprehensi fuerunt innocentius Angli aliquot, quasi proditoris, & incendendæ urbis rei. Accessit rumor, quasi in Collegio arma deposuissent. Concurrerunt ad duo millia civium jamq; vim & incendium Collegio parabant. Socii inter prandendum accepto nuncio de irruptione violenta, ad templum se receperunt morituri. Sed in tempore adfuerunt Proceres, qui, se omnia fideliter scrutaturos polliciti, tumultum composuerunt. Ingressi Collegium, solati sunt trepidos, omisso scrutinio, *Sacchin. hist. Soc. part. 4. lib. 4. n. 114.*

*Eodem die obierunt.*

3. Ulyssiponæ in Lusitania, anno 1617. P. Franciscus Suarez, Hispanus, Theologorum Societatis, & recentiorum sæculorum facile princeps, à Paulo V Pont. Max. in quaternis ad ipsum datis literis *Dofloris Eximij*, titulo honoratus, à Scriptoribus plerisque magnis alijs elogijs celebratus. Theologicam cathedram Sapientia suæ oraculis per annos 40 exornavit in Hispania, Romæ, & in Lusitania Conimbricæ, honorificentissimis literis iteratò invitatus à Philippo II Hispaniæ & Lusitaniæ Rege. Philosophiam & Theologiam illustravit Tomis 24 in folio tanta eruditione refertis: ut non sine fundamento persuaserint sibi non pauci; divinitus illi infusam fuisse Scientiam tantam. Nam & universitas Scientiarum sublimiorum illis conclusa videtur; & Franciscus discendæ Philosophiæ applicatus, tam exiguo profectu, licet multo labore, illi incumbere: ut sui pertæsus ipse, obnixè sollicitarit superiores, ut tanquam impar ingenio, amoveretur à studijs. Verùm paulò post, subito tanta ei lux, oborta est; ut qui



qui heri fuerat postremus, hodie primus esset inter condiscipulos. Visi quoque postea sunt splendidi radij à Crucifixi effigie in orantis Suarii faciem & pectus vibrati, ipsocubitis duobus à terra elevato. Eminentem Viri doctrinam æquabat, si non superabat, morum Sanctimonia, quam latè prosequitur Vita typis edita. Moriens exultabat, dicens: *Nesciebam, tam suave esse mori.*

4. Ad Rhenum in Germania, anno 1620, P. Godefridus Thelen, Germanus, periter ab hæreticis militibus captus ac pessimè habitus, tanquam Papisticæ idololatriæ (ut dicebant) seminator; tandem sex amplioribus vulneribus acceptis, glande plumbea trajectus, occubuit. Vir erat, Orationis studio ita addictus: ut ab ijs, qui ejus nomen ignorabant, vocaretur. *Ille Pater, qui tam frequenter & ferventer orare consuevit.*

5. Gadibus in Hisp. anno 1651, P. Joannes de Armenta, Hispanus. Quadraginta amplius annis, in primarijs Provinciæ Bœticæ civitatibus egit Ecclesiasten, summo plausu & fructu, obeundo pariter munus Catechistæ in pagis vicinis. Capti piratæ Angli 36; atq; ad mortem damnati, decreverant obstinate in sua secta mori. Verùm postulatâ à Magistratu Societatis operâ, Pater Armenta tantâ industria & vi dicendi eos aggressus est, ut posita hæresi, Catholicè sint mortui. *Sourveil. in bibl. Soc.*

*Ecclesiasten signa.*

## XXVI. SEPTEMBRIS.

1. Festum B. Josaphat Ordinis S. Basilii M. Archiepiscopi Polocensis sanctissimi, & gloriosi Martyris pro Unione Ecclesiæ Ruthenæ cum Romanæ; quod hodie Regnum Poloniæ & M. Ducatus Litvaniæ celebrat; suæcit in nobis memoriam illius affectus erga Societatem, quo dicentabat: *Se cum non habere pro bono Catholico, qui Societatem non amaret.* Idem cum in frequenti Nobilium confessu, præcipuæ nobilitatis virum acerbius ad mensam contra Societatis homines invehi audiret, graviter injuriâ Societatis commotus, *Apparet, inquit, Magnifice Domine, Te non esse ex numero Prædestinatorum, qui tam Sanctam Religionem adeò injuriosè carere præsumis.* Lancicius Tomo 2. Opusc. 17. cap. 4. n. 211.

*Eodem die obierunt.*

2. In Hispania anno 1641, P. Petrus Continens, Hispanus. Vir erat sui nominis, non solum in materia Voti secundi, verum etiam in frenando & continendo inquietissimo malo, linguâ, cujus planè dominus fuit. DEiparæ V. Imagines in ambulatoris particulatim singulas salutabat: Rosarium quoddam è puris Contritionis actibus recitabat. E Crucifixi effigie, fixis in illam oculis, patientiam hauriebat in doloribus maximis, quorum conscius chirurgus, stupebat altum viri silentium, imò illis illacrymabatur.

*Lingua Domini.*

3. Bahyæ in Brasilia anno 1654, Gaspar Almeida, Coadjutor Lusitanus, staturâ perpusillus, sed religiosa virtute magnus. Tota virium & ingenii contentione intentus erat in afflictationem corpusculi, Jejuniis, verberibus, & insomniis exhausti. Ut prolixè oraret, malebat multum sibi de somno, quàm parum de labore detrachere; etiam totas noctes coram SS. Sacramento non raro impendens orationi; nec poterat

*Mortificatio constans.*



*Abstinencia.*

terat illum dæmon vel terroribus, vel verberibus ab illa absterre: Multis multa prædixit, eventibus fideliter subsecutis. Duo cibarii panis frustra cum pomis duobus pro lauto convivio illi erant: pisces, carnes, & si quid aliud apponeretur, dabat pauperibus cum superiorum facultate. Totam Quadragesimam continuatâ inediâ sine cibo ducere tentantem vires defecerunt, cum tertio die totus concideret, spiritu quidem promptus, sed carne infirmus. Coadjutorem ostio domûs præfectum, sed jam ægrum & depositum, surgere iussit e lectulo, dixitq; longum illi adhuc superesse tempus, quo ad ostium pauperibus operam daret. Surrexit ille, & per annos plures curam ostii & pauperum gessit.

*Victima charitatis.*

*Vir misericordie.*

4. Augustæ Vindelicorum in Germania anno 1627, P. Tobias Paumbgartner, unus e 6 Sociis, qui eo anno in Germania heroicas animas posuerunt pro populo, pestifera lue laborante. Anno autem 1656 Monasterii in Westphalia P. Joannes Fabricius, Germanus, Vir planè misericordiæ Omnes preces & sacrificia, quæ pro mortuo oblaturâ esset Societas, obtulit animabus Purgatorii, quæ frequentes cubiculo ejus aderant, opem poscentes. Ut vivis pauperibus aliquid subsidii conferret, pretio corrogato æstate emebat ligna, quæ hyeme frigentibus distribueret. Ipse ardore charitatis, carbone pestifero consumptus decessit.

## XXVII. SEPTEMBRIS.

*Institutum Societatis approbatur.*

1. **P**aulus III Pont. Max. anno 1540 solemnî diplomate, incipiente *Regimini militantis Ecclesiæ &c.* approbavit institutum Societatis, eamque sub nomine *Societatis JESU* Religiosis Ordinibus annumeravit; cum restrictione quidem, ut non excederet numerum 60 Professorum; sed quam anno 1543, 14 Martii, ob ingentes fructus, quos per illam in Ecclesiâ Christi fieri vidit, penitus relaxavit. *Barol. in Vita S. Ignatii lib. 2. n. 46.* Diem hunc eandem ob causam exquisitissimo apparatu celebravit in Æthiopia, anno 1624, Princeps Abassynorum, & Imperatoris frater, Zela Christos: quod censeret auspaciissimum toti Reip: Christianæ, ob conditum Ordinem tanto opere ac zelo promoventem in terris Regnum DEI. *Gomez in elog. part. 2. Classe 2. n. 29.* Societas ipsa memor tanti beneficii, in Congregatione VII Generali Decreto 54, statuit: ut hic dies, peculiari veneratione à nostris celebraretur in gratiarum actionem pro ipsius Confirmatione, & pro impetrando felici ejusdem successu; proinde Patres omnes Sacra eo die peragenda offerrent, cæteri Rosaria, aliasq; preces, ac communionem sacram.

*Confirmatio Societatis.*

*Indulgentia pro Catechismo.*

2. Anno 1622 Gregorius XV largitus est varias Indulgentias nostris docentibus, & externis discipulis vel promoventibus Doctrinam Christianam ( seu Catechismum ) tradi solitam: scilicet ut peccata confessi & s. Communione refecti semel in anno, die constituto ab Ordinario loci, plena-

plena-  
cation  
rum 7  
famuli  
tos die  
Orator  
dem d  
seque  
lonalit  
charita

3.  
Petri C  
nuncius  
super m  
riguit  
est, use  
SUS, i  
tamen  
RIAM  
æger: &

4.  
Aus Ro  
perora  
habent  
placea  
In a ul  
dium au  
compar  
num vi  
tanæ cer  
ardere d

5.  
lute pro  
regis or

6.  
metica  
provin  
cum  
conje  
getra



plenariam consequantur Indulgentiam; item in articulo mortis, ad invocationem SS. Nominis JESU, saltem corde: præterea quovis mense annorum 7 & totidem quadragenarum. Qui verò in causa fuerint; ut pueri, famuli, aut quævis aliæ personæ ad doctrinam Christianam eant, ducentos dies; & qui diebus Stationum urbis hanc doctrinam in Ecclesiis, aut Oratoriis, de Ordinariorum licentia docuerint, ac etiam illi, qui ad eandem discendam accesserint, easdem Indulgentias consequantur, quas consequerentur & consequi possent, si Ecclesias Stationum ejusdem Urbis personaliter visitarent &c. *Bullar. Soc. Constit. incip. Pietatis & Christianæ charitatis &c.*

*Eodem die obierunt.*

3. Ingolstadii in Bavaria, anno 1606, P. Theodoricus Canisius, Belga, Frater P. Petri Canisii. Dixerat hic aliquando illi: Vide Theodrice, quid tibi mortis meæ nuncius sit allaturus. Dictionem eventus explicuit. Nam P. Theodoricus, audita super mensam in triclinio, morte P. Petri, subito stupore, velut apoplexiâ, ita obrigit: ut omni, etiam sui nominis, memoriâ sit destitutus, atq; per annos octo, hoc est, usq; ad mortem, nec legere jam nòllet, nec loqui, nisi duo illa SS. Nomina, JESUS, MARIA. Hæc quoties vellet, expedite pronuntiabat, & iterabat. Sub mortem tamen illa verba diserte protulit: *Ad calum! Ad calum!* & Jesum dixit; cui cum MARIAM addere inciperet; vita ipsum defecit. Sæpe Crucis signum fronti imprimebat æger: & ajunt, in fronte mortui figuram Crucis conspectam fuisse.

4. Cracoviæ in Polonia, anno 1612, P. Petrus Scarga, Polonus. Ex Præfato factus Romæ tyro Societatis, legum ipsius apices in moribus expressit, spiritum in perorando ad populum. Inter primos Poloniæ Concionatores facile princeps erat; habentq; etiamnum eum spiritum & gratiam ejus conciones typis editæ; ut semper placeant moveantq; nunquam satient quâvis singulis annis lectæ in tricliniis nostris. In aula regia citra pompam, citra ullum paupertatis, vel religiosæ disciplinæ dispendium aut laxamentum per annos 24 versatus est. Octo ante mortem annis ægro P. Petro comparuit P. Stanislaus Varsevitijs jam olim defunctus, suavitq; ut plures, quàm unum vitæ annum à Deo postularet. Supremum æger Beatissimæ Virgini Claremontanæ cererum candidum ipse confecit, misit, & accendi jussit: & ubi ille consumptus ardere desinit, P. Petrus desinit vivere.

5. Nissæ Silesiorum anno 1633, P. Stephanus Fodor, Bohemus, vitæ suæ pro salute proximi contemptor; inter alios 17 Socios, sæviante per Bohemiam contagione, ægris omni ope subveniens, optatam mortem consecutus est. *Ex Tann.*

6. In Anglia anno 1655 P. Andreas Vitus, Anglus. Suscepta navigatione in Americam, primus Christi fidem intulit in Marilandiam, Americæ Septentrionalis provinciam, sitam inter Virgineam & Novam Franciam. Ibi cum decennio insigni cum fructu laborasset; ab Anglis captus, in Angliam deportatus, & in carcerem conjectus est. Tandem ex Anglia proscriptus, cum iterum in Marilandiam suam pertrahere satageret, nec modum ullum reperiret: in ipsa Anglia inter labores Apostolicos


*Mors sancta*

*Concionator insignis.*

*Vitima charitatis.*

*Missionarius insignis.*





## XXVIII. SEPTEMBRIS.

1. **U** Lyssipone anno 1540 epistolam dedit S. Xaverius ad Doctorem Martinum Azpilcuetam Navarrum: qua inprimis prolixè illi agit gratias pro concepta erga se benevolentia: deinde ad complura Doctoris interrogata de Instituto Societatis, respondit; de his plenè se satis facturum, ubi occasione data coràm agere licuerit; deniq; subjungit: Ad id quod Epistola tua adjungit: *Multa, pro hominum consuetudine, de nostro Instituto dici: hoc tantùm in præsentia repono. Parum refert, Doctor egregie, ab hominibus judicari, præsertim ab ijs, qui pejus judicant, quàm intelligent &c. Epist. Veter. lib. 5. ep. 5.*

*Judicia hominum.*

*Doctrina Moliniana conformis Augustino*

2. Salmanticà Romam anno 1600 epistolam dedit R. P. Joannes Marquez Augustinianus, S. Theol. Professor in Academia Salmant. ad R. P. Bapt. Plumbinum Generalem Augustinianorum Procuratorem, & Consultorem Congregationum de Auxiliis gratiæ: in qua ei prolixè commendat P. Molinam, & doctrinam ejus; eò; quòd nihil omnino appareat in operibus ejus, quod non hominem inprimis Catholicum, & consummatè eruditum suboleat: quæ est, inquit, nostræ familiæ communis de illo æstimatio. Addit deinde: *Et quòd ad punctum de physica promotione spectat; arbitror citra controversiam esse, nunquam à S. Patre nostro Augustino cognitam fuisse, nec ei in mentem venisse.* Concludit postea: si fortè alicujus propositionis Molinianæ, quæ deferatur ad suam Sanctitatem vestra Paternitas Censor nominetur; rogo quàm vehementer possim, adfaveat: quoniam meo judicio liber ille *doctrinam valde sanam, & per omnia conformem Parenti nostro Augustino continet; & dicto Patri plurimum debet Ordo noster. Eleuther. hist. de Aux. lib. 2. cap. 11.*

*Eodem die obierunt.*

*Victima fidei.*

3. In Æthiopico itinere, anno 1625, P. Franciscus Macciadus, & Pater Bernardus Pereira, Lusitani. Sultano Sequedo, Æthiopiæ Imperatore Catholicis adjuncto, ad spes peramplas in bonum Ecclesiæ promovendas, cum proficiscerentur in Æthiopiam; à Mahumetano quodam principe intercepti odio fidei interempti sunt.

*Victima fidei.*

4. Cocuræ in Japonia anno 1633, Thomas Riocan; Ludovicus Casacu, Dionysius Jamomoto, Japonæ, primùm in exilium ejecti, cum in patriam redissent & impigri prædicando Evangelio insisterent; comprehensi, lento igne cremati, refrigerium meruerunt in cælo.

*Victima fidei.*

5. In insula Tatacurana Indiæ Occidentalis, anno 1566, P. Petrus Martinez, Hispanus, cum investigaret terras, quibus Evangelii semen injiceret; à barbaris extractus

tractus  
mortem  
salutare  
annos co  
addixit  
honores

**L**C  
chælis  
bristq; in  
Nimicu  
in energ  
cissimè  
ad Ece  
homin  
sol. in  
2.  
classicu  
Orci Sa  
suaq; i  
quog;  
tati C  
habere  
fuit lab  
aliquot

3.  
fella ch  
tendum  
etate v  
or effe  
obstac  
quia

con



tractus è scapha, flexis genibus, manibusq; in cælum elatis, capite clavâ confracto, *Post mortem*  
mortem, quam optabat, quamq; prædixerat, est adeptus. Post mortem ægris variis *beneficus.*  
salutarem attulit opem, uti & pluviam terræ sitienti.

6. Oetingæ veteris in Germania, anno 1634, P. Matthias Maile, Germanus, post *Victims chari-*  
annos complures educandis Bavariz Ducibus impenfos, pestiferorum obsequio se *satus.*  
addixit illiq; cum Sociis 80, in diversis Germaniz partibus, est immortalis. Inter  
honores aulae solebat pauperum ulibus calceos luere, atq; reficere.

## XXIX. SEPTEMBRIS.

1. Cùm in Insula Mauro, inter summas difficultates & pericula Evange-  
lium intrepidè prædicaret S. Franc. Xaverius, atq; in festo S. Mi-  
chaelis Archangeli Sacrificium DEo offerret: tam horrendo concussu, cre-  
brisq; impulsibus terra movit; ut metuerit, ne altare susq; deq; verteretur.  
Nimirum pugnante iterum Archangelo pro Christo, Satan furibundus, ut *Satan cedis*  
in energumenis solet, victum se, ac sede cedere fatebatur. Cessit verò feli- *Xaverio.*  
cissimè ibi Xaverio, licet apud barbarissimos, prædicatio, multis millibus  
ad Ecclesiam aggregatis, & urbe Tolo, quam vigesies quinquies millia *Conversio*  
hominum incolant, cum adjacentibus oppidis ad Christum conversis, *multorum.*  
*Bar-*  
*sol. in Vita lib. 2. n. 23.*

2. Eodem die, post annos aliquot, idem S. Apostolus Evangelicâ tubâ  
clasticum canere incepit in Iaponia, sub auspicijs S. Archangeli, contra  
Orci Satellites. Quasi primum prælij campum sibi delegit urbem Saxumam,  
suaq; illa ingenua comitate facile Regem induxit, ut annueret; Bonzium  
quoq; primarium, à quo responsa pro oraculis excipiebantur, ideoq; *Veri-*  
*tatis Cor* appellabatur, ita sibi devinxit: ut quàmvis in Religione non posset  
habere sequacem, haberet tamen laudum suarum eximium præconem. Nec  
fuit labor prædicationis sine fructu, conversis ad Christum etiam Bonzijs  
aliquot. *Idem ibid. lib. 3. n. 11. & seqq.*

3. Romæ anno 1558, jussu Pontificis Pauli IV in templo Domus Pro-  
fessæ chorus haberi cœptus. Cùm dubitaretur, quonam cantus genere u-  
tendum esset: ipsemet Pontifex significavit, fore sibi gratum, si absq; vari-  
etate vocum, musicoq; concentu, Officium absolveretur, & chorus simili-  
or esset pronunciantibus voce distincta & clarâ, quàm canentibus. Sic ergo  
obedienter cœptum est & paulò post feliciter desitum, superis alia obse-  
quia à Societate requirentibus. *Sacchin. hist. Soc. p. 2. lib. 2. n. 84.*

4. Collegij Monachienfis templū à Guiellelmo Bavariz duce magnificè *Collegium Mo-*  
constructum, solemnibus ceremonijs consecratum est, & hac die apertum *nachiense.*



anno 1591, sacra luce Michæli, cælestis militiæ Principi, cui dedicatum erat. Ea lux litterarijs ludis & spectaculis celebrata: nec non regali epulo, quo primores civium idem Guillelmus accepit in Collegij novis ædibus, à se pari munificentia conditis, ornatisq;. Cum verò deprecarentur Patres, ut liberalitati modum poneret, solebat illis subirasci, apertè professus, *se non modò Bauariæ collegijs, sed universæ societati parentis loco esse velle.*

*Eodem die obierunt.*

SS. Trinitatis  
enlms.

5. Romæ anno 1609, P. Franciscus Folianus, Rhetus ex Valle Telina, vir magnæ humilitatis & mortificationis, sed maximæ devotionis erga mysterium SS. Trinitatis. Admiranda sunt, quæ in ejus cultum exercebat; & quàmvis quædam minuta videantur, magni tamen affectus sunt argumenta. Inhabitabat Romæ triangulare cubiculum, tribus asseribus pro strato utebatur, trigonum habebat pectinem, ad mensam cultrum, fuscinulam tridentem, & cochlear in formam triquetram disponebat, nunquam pluribus quàm tribus ferculis vescabatur, ter non pluries bibebat, rosario utebatur trium decadam, conferto tricolore filo. Solemne ejus erat effatum: *Tria sunt omnia.* Solem sæpe fixo obtutu intuebatur, suspiciendo in eo lucem, splendorem & calorem, umbram Divinæ Triadis. Cum venia summi Pontificis, in Sacro quotidianæ Præfationi addebat alteram de SS. Trinitate. In pervigilio Festi ejus, tota nocte pervigil stabat ante aram sacrificali veste indutus, ac manè incredibili animi voluptate Sacrum per horam celebrabat. Placuisse DEo hos devoti cordis affectus, indicârunt tres flammulæ, in defuncti corde inventæ, quæ parte inferiore coalescebant in unam, stupente medico, alijsq; præsentibus. Moriturus, tres digitos triangulari forma compositos cordi imposuit, tanquam signaculum perpetui sui amoris erga Triadem Divinam, & sic piissimè decessit, publicè laudatus in triclinio ob singularem sanctimoniam opinionem.

SS. Eucharistiæ  
enlms.

6. Limæ in America anno 1626, P. Ferdinandus Monrois, Hispanus. Quotidie s vel 6 horas dabat orationi; quæ ut gravior esset DEo, monitus est à Christo D. ut sæpe gratias singulares ageret Patri æterno, pro concessio nobis SS. Eucharistiæ Sacramento: à quo tempore suavi luce perfundebatur ad illa Præfationis in sacro verba, *omne sanctorum, Pater omnipotens &c.* plurimumq; illo orandi modo profecit. Per 33 annos ita se Sacro parabat; ut vesperti mediâ horâ de illo meditaretur, manè sub sacro primo aliâ mediâ horâ; tum Sacrificio & gratiarum actioni post illud horam unam dabat, & duo sacra audiebat. Moriens, quidquid suffragiorum pro se offerendum esset DEo, in subsidium animabus Purgatorii testamento legavit, tabulis sumptuæ charitatis.

### XXX. SEPTEMBRIS.

DEus facienti  
quod est in se,  
dat gratiam.

1. **A**Nno 1602 habita est Congregatio & disputatio IX. de Auxil. Gratiæ coram Clemente VIII. Argumentum disputationis fuit; *An in libris S. Augustini legatur, constitutam esse à DEo legem infallibilem cum Christo Filio suo; ut quoties homo solis naturæ viribus fecerit totum, quod in se est, DEus illi tribuat gratiam: vel id sit de mente S. Augustini?* Respondit Valen-

Valenti  
gustat  
mere c  
Augusti  
Doctor

2  
barbar  
sionem  
nim jar  
in celsi  
oculis  
nuoque  
tui lun

3  
firi, ut  
funestu  
qui au  
incen  
risis P  
slaus,  
nente,

traher  
liarite  
cedere  
cio, il  
arcend  
aliquot  
urbs f  
mine,  
Saccbi

4  
furo  
in So  
præd  
latin  
mun



Valentia: non quidem totidem verbis legi eam sententiam in libris S. Augustini: sed nec legi oppositum; imò eam esse mentem S. Doctoris, non temere colligi ex scriptis ipsius; & multos gravesq; Doctores, addictos S. Augustini doctrinæ, eam defendere sententiam. Produxit deinde textus S. Doctoris.

2. P. Consalvus Silveria anno 1560 expeditione suscepta ad Cafres, barbaram Africæ gentem, atq; in regnum Monomotapæ, feliciter excensionem fecit, post sedatam divinitus gravissimam tempestatem. Cum enim jam jam sorbenda esset navis, vel vi fluctuum dissolvenda: Consalvus in celsiorem navigii locum egressus, genua posuit, sublatiq; in cælum oculis ac manibus brevi, sed ardente oratione opem poposcit. Continuoque venti posuerunt, serenitas rediit, stupentesq; vectores placidè portui sunt inveciti. *Sacchin. hist. Soc. p. 2. lib. 4. n. 223.*

*Tempestas oratione sedata.*

3. In Gallia anno 1567 aliquid fidelis operæ iterum contulerunt nostri, ut Rex & urbs Parisiensis salvi consisterent. Diem hunc fatalem & funestum utriq; voluerunt Hugonotti; jam res dispositæ erant, ut rex, qui animi causâ Meldis versabatur, ibidem opprimeretur, Lutetia autem incendiis repentinis consternata, occuparetur. Agebat per id tempus Parisiis Petrus Kostka, nobilis Polonus, ex eadem, qua Beatus noster Stanislaus, stirpe, quæ dein Culmensis fuit Episcopus. Hunc de clade imminente, secretò monuit amicus quidam Hugonottus; ut maturè se se subtraheret. Petrus sine mora rem detexit P. Oliverio Manaræo, quo familiariter utebatur. Oliverius homini persuadet ne gravetur unà secum accedere Magistratum, eumq; de periculo facere certiores. Accepto indicio, illico Magistratus ordinat, quæ & ad incendia sopiendâ, & ad hostes arcendos videbantur necessaria; factaq; inquisitione inventæ sunt domus aliquot pice, stramine, & simili materia ad ignem excitandum refertæ. Sic urbs supremum discrimen evitavit; rex autem Meldis monitus de discrimine, ægrè evasit DEi favore, & Helvetorum prædiariorum virtute. *Sacchin. hist. Soc. p. 3. lib. 3. n. 153.*

*Urbs Parisiensis servata.*

*Eodem die obierunt.*

4. In mari Baltico anno 1596, P. Martinus Laterna, Roxolanus. Brunsbergensis Patrum pietate, doctrinâ & consuetudine delectatus, exemplo sui Magistri, se in Societatem dedit, evasitq; in virum Apostolicum, planè mirabilem in poenitentia prædicandâ. In castris gloriosi regis Poloniæ, Stephani Batorii, triennio ad regem latinè, ad ceteros polonicè dixit, fructu uberrimo. Post Stephani obitum, ad Sigismundum regem accitus in Sueciam, cum inde rediret in Poloniam, navis capta est

*Victima facta.*



*Post mortem  
beneficiis.*

*Victima fidei.*

*Revelatio de  
salvandis in So-  
cietate.*

*Altare porta-  
tile Societati  
concessum.*

*Præfidiarij Lu-  
sitani excolis.*

ab hæreticis, & graviter vexati Catholici. Hos dum ad omnia Christi causâ fortiter toleranda, hortatur P. Martinus, agnitus, quod non solum Catholicus, sed sacerdos, & quidem Jesuita esset, sine mora præcipitatus est in mare, acceptis prius gravibus vulneribus. Post mortem, nobilem Polonum, Laurentium Bienczowski, cui quadri-  
gâ splendidâ vectus apparuit, è Tartarica servitute & ferreis compedibus, momen-  
to asseruit in libertatem, transtulitq; in campum Russiæ, milliaribus 50 dissitum; prout idem nobilis Romæ juratus retulit; pluribusq; aliis se beneficium præstitit.

5. In mari Iadico anno 1639, P. Maurus Mourcira, Lusitanus. Cum ex incen-  
sa ab hæreticis Lusitanorum navi, in aquas cum aliis desiliisset, illiq; alios adnantes  
cymbis exciperent; illum è corona Sacerdotali, seu vertice eo die raso, Sacerdotem,  
è velle verò Jesuitam esse advertentes; non tantum non receperunt eum aliis, sed  
crudeliter contis confecerunt

6. Sciçi in Japonia, anno 1633, Jacobus Antonius Tacusima, Japon, vir eloquens  
& præstantis exempli, odio fidei damnatus ad rogam, glorioso incendio conflagravit.

7. Barcinonæ in Hispania, anno 1607, P. Vincentius Matrese, Italus, Is ipse  
est, quem anno 1587, Frater Laurentius de Mola Capucinus, vir à solida virtute  
commendatus, cum supremum æger decumberet, advocari curavit. Præsentem sic  
compellavit: Jussi te, Pater, hæc horâ advocari; ut nunciem, quæ mihi DEus nunci-  
are mandavit: nimirum *Omnes, qui moriuntur in Societate salvantur, & ad celum ire*. Tem-  
perare disci latitudinem volenti Vincentio, respondit æger: Pater mi, res ita se ha-  
bet, ut dixi: & DEus mihi mandat, ut dicam; & idcirco te curavi advocari, Latus  
hoc nuncio P. Vincentius ita vixit: ut pretiosa morte moreretur in Societate.

## I. OCTOBRIS.

1. **A** Nno 1579 Gregorius XIII Altare portatile, à Paulo V. Societati con-  
cessum, sed à Concilio Tridentino universim sublatum, restituit So-  
cietati pro Missionibus ita; ut in eo licitè valeant Sacrificium celebrare ubiq;  
gentium, modò loca, etiam communia & profana, tuta & honesta sint; & Ge-  
neralis, vel Provinciales Præpositi, judicaverint, illo hic vel ibi utendum  
esse: possint quoq; fidelibus rite dispositis, Sacramentum Eucharistiæ ibidem  
ministrare. *Bullar. Soc.*

2. In India anno 1552 ineunte Octobri expeditionem suscepit, in insu-  
lâ florantissimâ Ceilanum, P. Manuel Morales, facta spe ipsius regis  
convertendi. Sed cum hoc evanisset; totus labor impensus est excolendis  
præfidiarijs Lusitanis, qui ibidem manita quædam loca tenebant, & navissi-  
mo cultore planè indigebant. Tribus primis concionibus bonus Pater vix  
aliam tulit fructum, quàm dicteria & contemptum: sed cum nihilominus  
instaret, & infractus urgeret opus suum; ea facta est animorum commotio,  
& mox commutatio; ut a prima luce ad profundam noctem eum distine-  
rent consentes. Princeps insuper quidam, arci Lusitaniæ vicinus, cum u-

zore,



ore, liberis, familia tota, & omni populo, lustralibus aquis tincti sunt.  
*Barol. hist. Asiat. lib. 5. n. 35.*

3. In Transylvaniam anno 1579, urgente Principe Bathoreo, Stephani regis Poloniae fratre, ac adnitentibus Pontifice, ipsoque Stephano, expediti sunt Socii decem; quos hoc die Claudiopolim, pro Collegio fundando deduxit Provincialis P. Sunnierus. Nullum prope in tota Transylvania templum erat, quod non occupassent Ariani, ceterique sectarii; ipse Princeps non nisi domi suae divinis mysterijs interesse audebat. Singulari tamen DEI Providentia factum est; ut, frustra obnitentibus heterodoxis ministris, Societas à Nobilitate licet haeretica, in Provinciali conventu sit admissa, & munia sua liberè exercere permissa. *Sacchin. hist. Soc. p. 4. lib. 7. n. 119.*

*Missio in Transylvaniam.*

*Eodem die obierunt.*

4. Romae anno 1572 ad vitam immortalem, & magnorum meritorum praemia transiit S. Franciscus Borgia, Tertius Societatis Praepositus Generalis: sed sollemnis memoria beatissimi obitus ejus, auctoritate Apostolica translata est primò in 3 Octob. denique in 10 mensis ejusdem.

5. Viennae Austriae anno 1558, P. Theodoricus Gerardi, Belga. Ea morum sanctimonia vixit Romae; ut vir magnus P. Martinus Olavius de eo dixerit: Multas virtutes in multis in Collegio Romano eminere; in Theodorico nullam desiderari. Morti vicinus, ad Theodoricum Canisium, sibi assistentem dixit: Concentum audio Angelicum, carissime Canisi; comitare me, concentum Angelicum audio. Ad Socios praesentes praecleara dixit de Vocationis praestantia; & adjecit: Si quid igitur contra illam diabolus injiciat, vel menti occurrat; illico abigendum non minus, quam si contra fidem quid occurrat.

*Concentus Angelicus.*

6. Syracusis in Sicilia, anno 1575, P. Michaël Ochoia, Hispanus, dono gratuito curandi morbos insignis. Usus est hac gratia non solum in Hispania, sed etiam Italia, & in ipsa urbe, ubi à P. Polanco febrim depulit. Utebatur autem plerumque curam corporum ad curam animorum, ut mens esset sana in corpore sano. Multum enim auctoritatis illi accevit ex hoc caelesti dono: unde & conciones, & alia Apostolica munia multum operabantur fructum in iis, apud quos versabatur.

*Donum curandi morbos.*

7. Coloniae in Germania anno 1655, P. Adrianus Horn, Germanus. Manè repertus est extinctus, cum pridie sanus fuisset: dormienti similis, laevam coronam DEI paræ V. gestans, ut omni nocte solebat. Pietas in illo eximia, puritas illibata, comitas ingenii, conciones DEO plenae, gubernatio suavis, provida, nulla; annonae caritate arcata. In exules peregrinos, qui bellico tumultu è variis ejecti provinciis affluebant, erat amantissime liberalis, victu, veste, viatico, etiam in re domi angusta. Aliquando de hujusmodi peregrinis alendis sollicitus, vocem audivit internam: ut bene speraret. Mox ad locupletem & aegram Virginem evocatus, liberali & opportuno subsidio est adjutus. Ceterum vir tam liberalis, non minus studiosus erat religiosae paupertatis. Unde consuetum ejus erat ad domesticos acroama: *Quia ne laemus sanctam pauperiam.*

*Liberalitas in peregrinos et pensata.*



1. **I**nter ceteros hominum Custodes, Angelos Sanctos, quos hodie veneratur Ecclesia, specialiter ille nostrum meretur amorem & cultum, ejus protectioni & directioni universa commissa est Societas: ut piè credere licet. Non esse hunc è grege Angelorum, sed præcipuis cæli principibus, argumento est: quod & consilio & robore plurimum valere illum oporteat; ut tantis & hominum & infernalium potestatum machinis atq; insultibus depellendis, par esse possit. Ipsi igitur honor & amor in sæcula.

*Primus conventus Procuratorum Romæ*

2. Anno 1568 Romæ primus Procuratorum, à Provincijs deputatorum, conventus habitus est, sub Præposito Generali S. Francisco Borgia, quovis triennio deinceps iterandus. Quàmvis enim & antè mitterentur subinde à Provincijs procuratores, qui de statu illarum & negotijs informabant Generalem: non tamen simul, ab omnibus missi, conveniebant, nec tempus conveniendi determinatum erat. Munus præcipuum hujusmodi Procuratorum est duplex: disquirere ac decernere, an sit cogenda Congregatio Generalis? deinde informare Generalem de Statu Provinciarum. Dubitatum fuit: an Procurator eligi posset ipse Provincialis? responditq; Borgia, non posse: sive ut minùs interturbaretur provinciarum administratio; sive ut incorruptius de necessitate cogendæ Congregationis Generalis judicaretur, dum non illi, quorum in manu administratio est, sed alij judicant. *Sacchin. hist. Spc. p. 3. lib. 4. n. 117.*

*Liber de immunitate Ecclesiastica.*

3. Ad P. Franciscum Suarez hoc die, anno 1607, Paulus V. Pont. Max: insignem dedit Epistolam, qua illi gratias agit pro misso ad se egregio volumine, quod scripserat pro tuenda Immunitate Ecclesiastica, à quibusdam Politicis infestata. *Multum, inquit, in eo (libro) diligentia ac doctrina, nec minus ardoris asserenda Catholicæ veritati, & divinæ B. Petri tuendæ authoritatis elucet, usq; adeo: ut opus universum Theologum eximium exprimat, ac pium. Est igitur, cur in Domino gaudeas, & gratias agas Patri luminum, à quo omne datum optimum, & omne donum perfectum. Nobis autem non potuit, nisi gratissimum esse beneficium, & tale beneficium, apud Ecclesiam Sanctam, humilitati nostræ commissam, opportunè à te positum &c.* Massejus in Vita cap. 15.

*Eodem die obierunt.*

*Zelator fidei*

4. In Japonia, in insula Xiqui, anno 1570, P. Cosmus Turrianus Hispanus, magnus fidei zelator: sine pane, vino, carnibus & lacte vivebat, sed cæli deliciis affluens passim habitus pro Apostolo, & amatus ut Pater. Omuræ regulum baptizavit, & moriens, triginta circiter Christianorum millia reliquit, 1. Nag.



5. Nangafachi in Japonia, anno 1633, P. Benedictus Fernandez, Lusitanus; & P. Paulus Saito, Japon, odio fidei interempti sunt, prono capite pendentes in for-  
veam. P. Paulus septem totos dies tormentum illud toleravit; P. Benedictus paulò  
citiùs extractus fuit, ut diutius torqueri posset, sed brevi in carcere extinctus est.  
Stupentes affirmabant satellites; se distinctè percepisse verba, quibus cadavera du-  
orum illorum Patrum, cum ad rogam deferrentur cremenda, se invicem salu-  
tabant Lusitanâ & Japonicâ linguâ, eamq; felicitatem sibi gratulabantur.

6 Lerenæ in Hispania, anno 1677, P. Franciscus Pardus, Hispanus, ardens & indefessus in Missionibus operarius. Theologicæ Cathedræ admotus propter ingenii  
excellentiam; nullum fecit finem petendi, donec à Præposito Generali impetraret  
relictis in perpetuum scholis, Apostolico Missionum muneri sese impendere. Impen-  
debat autem se tanta contentione; ut nec lassitudo per iter contracta, nec jejunia &  
fames, nec morbi graves, eum arcere potuerint. Expetebatur certatim ab Episcopis  
& Archiepiscopis ad excolendas dioceses suas. Unde funus ejus omnes urbis Ec-  
clesiæ mœsto ære campano celebrârunt, & trium Capitulum Canonici deduxerunt.

### III. OCTOBRIS.

1. E Boræ in Lusitania postquam Societati Collegium excitavit, & Aca-  
demiam à se institutam eidem plenè consignavit Henricus Cardi-  
nalis, regis frater ( postea rex ) anno 1567 Templum hodie moliri cœpit.  
Archiepiscopus solempni ritu, magna; ceremoniâ templi fundamenta au-  
spicatus est; urgente fabricam, & impensas suppeditante Henricò. Ut ve-  
rò Collegium Academicum justam haberet aream, sanctimoniales Sancti  
Salvatoris è regione Collegii sitas ære suo aliò transtulit. Alit hoc Col-  
legium ordinariè Socios 140: ejus Rector est etiam perpetuò Rector A-  
cademiæ. *Sacchin. p. 3. hist. Soc. lib. 3. n. 212 Soutvell. in Bibl. Soc.*

Collegium E-  
borense.

2. Felix fuit hic mensis anno 1564 duorum potentium regum in In-  
dia Orientali conversione, apud populos Celebes dictos. Cum Lusitanis  
navibus excurrerat ad illos P. Magallianes: per legatos enim ad Indiæ Præ-  
torem missos, petierant Christianæ doctrinæ magistros. Invenit ergo Ma-  
gallianes animos paratos imò magna contentione baptismum flagitan-  
tes. Primus Christianis adjunctus est rex Manadensis cum mille quin-  
gentis è flore suorum: reliqui dilati sunt aliquantisper. Contigit opportu-  
nè; ut rex Siani, vir inter suos justitiæ & prudentiæ singularis laude incly-  
tus, hospes esset apud Manadensem: qui cum videret, audiretq; quæ de  
Legis Christianæ mysteriis proponebantur, & tot Procerum assensu pro-  
babantur; non distulit suavi jugo Christi submittere colla, tinctusq; fonte  
sacro rediit ad suos, multos in Religionis Societatem verbo & exemplo  
traxit; tamq; fortem se probavit athletam Christi: ut utiam regno exutus,

Regum duorū  
conversio.

Rex Siani con-  
versus in fide.



fidus ei adhæreret. *Barol. hist. Asiat. lib. 6. n. 20 & seq.*

*Errores Cophtorum.*

3. Anno 1582, P. Baptista Elianus culturæ Maronitarum insudans, Memphim in Ægyptum est evocatus à Consule nationis Gallicanæ in illis partibus, ob spem rei bene gerendæ pro Ecclesia Catholica apud Cophtos. Adfuit hoc die, Patriarcham opportuno tempore convenit, ac referentem audiit: gentem suam reformatione quidem non egere, nec admissuram in ritibus; videret tamen Pater: an non in Fidei dogmata errores non leves, præsertim ex secta Dioscoriana, Certiorem de omnibus fecit Pontificem Gregorium XIII, ac interim pervolvendis Cophtorum libris se se applicuit. *Sacchin. hist. Soc. p. 5. lib. 2. n. 62.*

*Eodem die obierunt.*

*Victima charitatis.*

4. Cracoviæ in Polonia, anno 1591, P. Stanislaus Varsevitijs, Polonus, Obitis ad Turcas legationibus regiis, Senatoria nobilitate, & Præfecturâ Cancellariæ clarus, Episcopatu etiam à rege oblato, sed non admissio, Romæ cum aliquot è sua familia in Societatem se recepit, habuitq; B. Stanislaum Kostkam connovitum. Pro re Catholica, doctrinâ, concionibus, exemplo, magna & mira gessit. Deniq; in arena heroum, serviendo peste infectis, pretiosam animam pro fratribus posuit.

*Constantia in Vocazione.*

5. Neapoli in Italia, anno 1588, Pompejus Capuanus, Italus, Novitius, illustrissimæ familiæ Comitum Proregum flos. Cum nuptias detrectaret, submissæ sunt Veneris pedissequæ, quæ artibus suis castissimum juvenem emollirent, ac subjugarent. Sed ille sacro quodam furore plenus, prostibula in fugam conjecit. Callum induxerat genibus assiduitate flectendi & orandi. Cum apud parentem urgeret, ut Societati nomen dare liceret, tanquam delirus in obscurum conclave compactus est, adhibitiq; multi, etiam religiosi, qui à proposito juvenem dimoverent, sed frustra. Pervicit omnia; sed illo diu frui Societati non licuit; cœlo maturam virtutem sibi vendicante.

*Oratio nocturna.*

6. Cracoviæ anno 1662, Laurentius Chodorowicz, Polonus, Coadjutor, orationis studio, patientiâ, & charitate excellens. Noctu, cum medium silentium tenerent omnia, in templum se recipiebat, & erat pernoctans in oratione DEi usq; ad diluculum. Invertit aliquando lebetem fervente aqua plenum, cæq; dextram tibiam ac pedem perfudit, ac miserè ambussit. Sustinuit tamen omnem dolorem toto triduo, nec vulnus inspexit, nec tibialia detraxit. Triduo elapso, cum videret rem amplius celari non debere, horrore ac stupore fuit ipsis medicis cruda ejus patientia, præsertim quando tibialia cum cute & adhærente carne detracta sunt. Nemo illum iratum, nemo aliquid laboris detrectantem vidit. Consumptus est flammis charitatis inter obsequia strenua, peste infectorum.

#### IV. OCTOBRIS.

*Crucis amor.*

ANNO 1568 in India Orientali, ad proferendum Christi regnum profectus P. Petrus Mascarenia, appulit ad Insulam Sanguin. Reperit ibi & cre-



& regem & populum admodum sitientes baptismi atque ita dociles: ut intra paucos dies plerique capaces se præbuerint fontis divini. Abluti cum essent, mirum in modum exarserunt amore erga Crucifixum Redemptorem, & in triumphale ipsius signum, Crucem. Hanc ut pro dignitate concinnarent: rex cum proceribus dies aliquot per sylvas oberrantes, procerissimam speciosissimamq; quæsierunt arborem, quam in Crucem formarent; nec passi sunt operi serviles admoveri manus, sed sola nobilis juvenus arborem dejecit, dedolavit, ac tam affabre elaboravit; ut in omnibus vicinis regnis formosior non reperiretur. Ut ad locum designatum deportaretur, reges duo (nam & Siani rex aderat) subjecerunt humeros, unâ cum procerum primariis: ubi verò erecta fuit, omnes in genua procubuerunt, & regnantem à ligno DEum supplices adoraverunt. Pari diligentia & reverentia admotæ manus ad ædem sacram excitandam. Rex ætate jam proventus, non erubuit securim cædendis arboribus vibrare, regina cum gynecæo vellere herbas, & locum purgare, omnes omnia agere, ut intra dies paucos steterit templum, *Sacchin. hist. Soc. p. 3. lib. 4. n. 265.*

2. In Brasilia anno 1561 solemnissimus institutus est à P. Grana Provinciali baptismus, in pago Boni JESU: baptizati fere nongenti barbarorum, post laboriosam instructionem, instituta legitima conjugia totique homines ad normam disciplinæ Christianæ formati. *Idem p. 3. lib. 5. n. 288.*

3. Septimanæ in Hispania anno 1554 constituta domus Probationis, separata à Collegio, inopinata liberalitate viri Curialis, adeò infensi Societati; ut nec Jesuitam videre sustineret. Is erat Joannes Moschera, homo opulentus, & è primariis; qui repente, quo modo nescitur, non solum Societati est conciliatus, sed ita devinctus: ut geminâ ampla domo se exuerit, illiq; donaverit utramq;. Dicitur singularis P. Borgia, Septimanæ tunc commorantis, Humilitas virum ita subegisse. *Orlandin. hist. Soc. p. 1. lib. 4. n. 79.*

*Eodem die obierunt.*

4. In insula Mariduque, anno 1625, P. Joannes de las Missas, Indus Manilanus, A Mauris alijsq; barbaris, odio fidei nostræ furentibus, glande plumbea trajectus & capite truncatus est. Inde furor versus in templum, sacra omnia: profanata, in cadaver Patris barbaris modis sævitum, ex cranio propinatum. Iam ab ipsis religiosæ vitæ rudimentis, de insigni ejus sanctimonia opinio invaluit, ferturq; Crucifixus, coram quo orabat, ipsum allocutus.

5. Vendæ in Livonia, anno 1620, P. Ertmannus Tolgsdorff, Prutenus, Varmienfis, in vendæ operarius, qui operam suam



operarius indefessus; & Livoniæ Pater ac Apostolus appellatus ab Episcopo Ottone Schenking, Relicto Canonatu Gutsdiensi, se cum monasterio deserto, quod Rigæ tenebat, Societati tradidit. Absoluto Cracoviæ tyrocinio, remissus Rigam, totus in animarum salutem, & rei Catholicæ restaurationem incubuit, adolescentes è Prussia evocavit, emendicatis subsidij educavit, instruxit, Ecclesijs præfecit. Erga rudes & pauperes: ea charitate, & subveniendi studio ferebatur: ut non nisi honorificentissimis eum nominibus vocitarent, nunc Senem Dominum, nunc Livoniæ Patrem, & Episcopum. Etiam in decrepita ætate, diebus festis, horas antelucanas consentibus dabat; inde concionabatur ad Germanos; tum supplicationes atq; alia Parochi munia expediebat; & sacris operatus, dicebat ad Lothavos: quidquid erat temporis reliquum ad meridiem, iterum expiandis conscientijs tribuebat. A prandio catechismo imbuebat pueros & rudes; deinde Vesperas decantabat, & si opus esset, infirmis operam suam impendebat, stupentibus omnibus, tantum esse virum seni: sed eas charitas sufficiebat. *Ex Tannero*

*Carcere tyrocinium vita religiosa*

6. Cazorlæ in Hisp. anno 1596 Dominicus de Onate, Coadjutor, Hispanus. Sacularis adhuc, ex frivolis quibusdam conjecturis accusatus & damnatus, bonis omnibus spoliatus, innocens in carcerem est conjectus. Primum ibi vitæ religiosæ tyrocinium posuit vir bonus; cognitq; innocentia dimissus, putavit mundo non esse amplius fidendum. In Societate mortem imminuentem assidue animo versabat. Unde rogatus aliquando à Superiore, quid mente tractaret? respondit: *Quod me per pedes trahant ad tumulum; & quod severa ratio exigitur. Noctu audire sibi visus est has Angeli sui voces: Vita brevis est, labor exiguus, premium grande. Erapara te ad reddendam rationem.* Et obijt non imparatus.

*Mors nuntiata*

## V. OCTOBRIS.

*Possevinus Legatus Pontificis.*

1. **P** Antonius Possevinus anno 1581, caduceator inter Moschum & regem Poloniae Stephanum, in hujus castra, ad Plefcoviam posita, pervenit, post negotium cum Moscho jam tractatum. Rex confestim accitit Possevino, privatimq; & in Senatu auditis, quas afferebat à Moscho pacis conditionibus, suas & ipse protulit. Et quàmvis non multò ab similes essent prioribus, quas antè proposuerat: æquiores tamen videri poterant, postquam alter jam hostis premere cœperat Moschoviam. Joannes enim Sueciæ rex Narvam, aliasq; maritimas Livoniæ arces expugnaverat. Misso igitur cum his conditionibus, suisq; literis, ad Ducem Magnum interprete suo; Possevinus interim operam & obsequia sua cum corporalia, tum spiritualia, curando militi Polono in castris addixit, ratus, Religiosam charitatem & humilitatem non dedecere Pontificium Legatum, sed reddere venerabiliorem. *Sacchin. hist. Soc. p. 5. lib. 1. n. 137.*

*Nadardi viri & promotio.*

2. Anno 1631 Societati non parum splendoris accessit, per ingressum in eam prænobilis ac eximii juvenis, Joannis Everardi Nidardi: qui ea diligentia & felicitate ingenium literis, virtutibus animum applicuit; ut è

*scholæ.*



scholis ad aulam ab Augustissimo Imperatore Ferdinando III evocatus, primum Serenissimæ Filix suæ Mariæ Annæ, deinde Serenissimo Filio Leopoldo datus sit literarum ac pietatis Magister. In Hispaniam postea iussus comitari Seren: Mariam; tanquam arbiter ejus conscientix ita illi suam probavit prudentiam & operam: ut expeditum in Urbem cum charactere Oratoris Extraordinarii, tam studiosè commendàrit Clementi IX & X Pontificibus: ut ab illo Archiepiscopali dignitate, ab isto sacra purpura ex merito sit ornatus, invitus licèt ac reluctans. *Soutvellus in bibl. Soc.*

*Eodem die obierunt.*

3. Amacusæ in Iaponia, anno 1583, P. Ludovicus Almeida, Lusitanus. Celebrem chirurgum cum ageret in navi Lusitana, excultus Exercitijs Spiritualibus, Societatem ingressus, mirum in modum profecit in arte sua; ut nullus esset morbus quem non sanaret facilè, virtute divina. Sed in animarum cura, & zelo prædicandi Evangelium longè mirabilior fuit, laborum ac dolorum semper avidus & insatiabilis. Et affluebat illis affatim, à Bonziis non rarò quæsitus ad necem, ab idololatriis, piratis, & ipsis dæmonibus multoties malè mulctatus; aliquando comprehensus, spoliatus, verberibus oneratus, hianti cymbæ impositus, & mari alto commissus, evasit tamen. Aliàs Cangoximâ ejectus, per annum delituit in tugurio deserti litoris, solis agrestibus herbis vitam sustentans. Obiit magno cum luctu Ecclesiæ Japonicæ, quam annis 27, mirificè propagavit, & propugnavit.

*Chirurgus & lebris.*

4. Syraculis in Sicilia, anno 1590, P. Michæel Lætavallius, Italus, oratione, assiduo pro animabus labore, & mortificatione sui mirabilis. Etiam morti vicinus, Viaticum sacrum sumere noluit, nisi flagellatione de more præmissa, prout morbus & provecta ætas permittebant. Visus est inter orandum, ad tres palmos à terra sublimis; per annos 40, quibus in Societate vixit, nullam turpem cogitationem passus. Morientem DEipara V. cum S. Michæele, alijsq; Angelis invisit. Post mortem, Josephus Saladinus Antistes Syracusanus, rite inquiri jussit, in virtutes & miracula P. Michæelis, & juratis testimoniis firmatas tabulas misit ad Paulum V. Pont. Max. supplicando pro illius Beatificatione.

*P. Lætavallius & elogio.*

5. Divione in Gallia, anno 1654, P. Nicolaus Conde, Lotharingus æquè zelosus ac facundus, totam fere Galliam concionando peragravit uberrimo fructu. In cubiculo nullum habebat librum præter Sacra Biblia, quæ flexis genibus legebat quotidie: admiranda tamen vi memoriæ, abundabat omnigena eruditione, retinebatq; sine scripto conciones, per plurimos annos habitas. Legum nostrarum observantissimus, illi singulari affectu & exercitio afficiebatur, quæ jubet; ut ea libentius à nobis suscipiantur officia, in quibus magis exercetur humilitas & charitas.

*Memoria fecta*

6. Antverpiæ in Belgio anno 1629, P. Heribertus Rosweidus, Belga. Ab ipso tyrocinio prodidit; quàm esset Sanctis & Ecclesiæ præstiturus operam. Cum enim Philosophiæ studeret, diebus recreationum secedentibus alijs ad amœniora camporum & hortorum, ipse ad religiosa cœnobia se conferebat, & in bibliothecis obsoletos manu scriptos Codices, præsertim de Sanctorum Vitis, scrutabatur, & evoluebat, materiam congeriens pro valissimo opere, quod post P. Heriberti fata, Bollandus complavit.

*Scriptor fecta & luv.*



plexus est, & promovit. Edita à viro laboriosissimo supra 20 Volumina in materia diversa, recenset *Sourvellus in bibl. Soc.*

## VI. OCTOBRIS.

*Finis Conven-  
tus Procurato-  
rum.*

*Non cogenda  
Congregatio  
Generalis.*

*Drama causa  
tumultus.*

*Visita fidei.*

**I.** Romæ anno 1568 feliciter finitus est Conventus Procuratorum ex singulis Provinciis deputatorum, qui 2 Octob. inchoatus fuerat. Omnium consensu declaratum fuit: Congregationem Generalem non videri cogendam. Optabat illam privato sensu Præpositus ipse Borgia; ut in ea exoneraretur munere sibi imposito: at assistentes vetuerunt tentare aliquid, & communis Procuratorum consensus de non cogenda, fecit: ut vir Sanctus & humillimus, patienter ferret jugum officii, donec à Domino deponeretur. *Sacchin. hist. Soc. p. 3. lib. 4. n. 124.*

2. Panormi in Sicilia anno 1569, occasione dramatis publicè in scenam dandi à scholaribus nostris, coorta est concussitq; Collegium, tempestas ex causa levissima. Cum enim drama illud antè biduum privatim solum, probandi gratia exhiberetur in templo, paucis externis cum Prorege præsentibus, foribusq; templi occlusis: adfuit & Joannes Bezerra unus, è Sacris Quæstoribus, pulsatisq; foribus admitti voluit. Custos portæ, ratus vel puerorum vel alicujus de plebe petulantiam esse, nec aperuit, nec prospexit, quis adesset. Bezerra sui contemptum interpreteratus, abiit cum minis & diris, Ubi dies hic illuxit, jamq; frequens nobilitas confedisset, solus Prorex expectaretur: adfuit iterum Bezerra fulmine armatus, vetuitq; sub gravi anathemate drama in publicum dari. Cum enim dere sacra esset, scilicet Diva Virgine & Mart. Catharina, debere illud primum subire censuram Quæstorum sacrorum. Quàmvis verò idem drama antè annos aliquot Romæ jam datum esset cum plausu; ne tamen crabrones acrius irritaret Rector Collegii Paulus Achilles, detulit illud ad Bezerram, hic tradidit censoribus Theologis; Ab his cum nihil notatum esset inconveniens, soliq; ipsi in sole apparere videretur macula una & altera; tandem communi cessit judicio, spectator ipse interfuit, atque tragœdia eo successu; ut quater repetita, & plausum & lacrymas oblinuerit spectatorum. *Sacchin. hist. Soc. p. 3. lib. 5. n. 60.*

*Eodem die obierunt.*

3. Bazaini in India Orientali, anno 1551, P. Melchior Consalvius, Lusitanus. Collegio Bazaini illum S. Xaverius cum præfecisset, multum ibi rem Christianam Apostolico zelo auxit, multa subvertit idola. Quibus rei Christianæ progressibus irritati idololatæ obstinati, veneno propinato, mortem ipsi acceleravere.



4. Scimonosci in Japonia, anno 1628, Michaël Xucan, Japon. Catechesis & concionum assiduitate atq; vigore, multos è suis civibus abduxit à cultu idolorum. Macai ob fidem exul, & inde redux in Japoniam, nihil omisit, quod fidei propagationi & conservationi præstare pòtuit, inter continua vitæ discrimina. Vitam, quam in flammis volebat, terminavit in ærumnis.

5. Romæ anno 1583, Georgius Gilbertus, Anglus, Novitius. Prænobili & opulento genere ortus in Anglia, & morum concinnitate in Academiis & Aula regia, vixit: ut nihil cultius illo haberetur. Sola Calvinii secta, cui innutritus erat, florì huic nævum adperserat; quem tamen facile illi absterisit Robertus Personius noster, adducto ad Ecclesiam Catholicam. Ab eo tempore ita se totum impendit promovendæ rei Catholicæ, & juvandis tum Catholicis egentibus & fluctuantibus, tum operariis Evangelicis: ut non solum proventus omnes bonorum suorum, & industrias omnes illis impenderit; verum & vestes proprias sibi non semel detraxerit; & relietâ sponsâ nobilissimâ, se in famulum addixerit Missionariis nostris, Personio & Campiano. Quo zelo cùm internecinum hæreticorum odium incurrisset, & toto regno quæreretur sollicitissimè ad vincula: suasu Personii se recepit in Galliam, inde Romam: ubi cùm aliquamdiu sancto exemplo vixisset in Seminario Anglicano, in supremo morbo admissus ad Societatem, quam pridem ardentè expetierat, vota religiosa emisit. In morbo cùm potiunculam quandam nauseabundus respueret stomachus, cùm Rector Collegii insinuasset: ut amore Obedientiæ illam sumeret: alacriter hausit. Invisenti autem se paulò post cuidam Patri, jucundè dixit: *Proh! quanto me, Pater, delibutum gaudio offendis! In premium hujus promptæ, qua mihi vim parvam intuli, obedientia, se mihi Spectabilem obtulit DEipara V. sed fronte quàm serena, quàm propitiâ & suavi! Cùm tamen nuper eadem mihi severa apparuisset; quòd meo sensui paulò tertius nator adhæsissem. Inter cæli delicias unum dolebat: quòd ignava morte in lecto, non cruenta in patibulo, moreretur.*

*Obedientiæ  
prompta.*

## VII. OCTOBRIS.

I. N cossitu celeberrimo & acerrimo, inter Christianam & Turcicam Classem ad Echinadas insulas commissio anno 1571, etiam Societas habuit partem suam. Non pauci è Socijs dispersi erant per naves Venetas & Regis Catholici: qui ante certamen milites & vectores ad omnem eventum præparabant & verbis opportunis, & Sacramentorum ministratione: in ipsa verò pugna, Christi Crucifixi prælato signo, ad fortiter agendum pro ipsius gloria, incendebant animos, faucijs & moribundis tum corporalia, tum spiritualia præstabant obsequia; & in ipsos moribundos Turcas extendebant charitatem non sine lucro, baptizatis quibusdam in ipso agone. Partâ victoriâ auctus est labor in curandis animis & corporibus sauciorum victorum: qui subductâ in portus opportunos classe, uberem charitati Sociorum, præsertim Messanenorum præbuerunt materiam. Ex ipsa Urbe quoddam è nostris, Germanici idiomatis peritos, in Siciliam mitti volu-

*Constitus ad  
Echinadas.*

volu-



voluit S. Pontifex Pius V. ad opem Germano militi ferendam, *Sacchin. hist. Soc. p. 3. lib. 7. n. 38. &c.*

*In Hispania  
campes.*

2. In Hispania anno 1561 turbæ graves exagitarunt Visitatorem, P. Hieronymum Natalem, sed animum in bona causa infractum, non labe-  
factarunt. Placentiam tendenti occurrit e Societate laicus cum decreto Se-  
natûs regij, quo jubebatur Societas Hispanas observare leges, de non ex-  
portandis ad externa regna pecunijs, vel hominibus, sive discendi, sive  
docendi causâ. Mox supervenit Frater alius cum litetis P. Araozij & alio-  
rum quorundam, quibus significabant Aulam varias ob causas Societati  
offensam esse. Vix ingresso Placentiam, literas Regis exhibuit Prætor,  
quibus jubebatur, intra decimum quintum diem adesse in aula. Videba-  
tur historiæ Jobi pars quædam renovata. At sicut Jobo, ita Natali & So-  
cietati adfuit protector DEus. *Sacch. hist. Soc. p. 2. lib. 5. n. 36. &c.*

*Translatio  
corporis S. I-  
gnarij.*

3. Romæ anno 1699, facta est Translatio sacri Corporis S. P. N. Igna-  
tij, ex altari majori templi Domus Professæ, ad ipsius propriam Capellam  
insigni opere & pretioso cultu visendam. Interfuit Eminentissimus Card.  
Colloredo, supposuitq; unâ cum Patribus nostris primariis, bajulos hume-  
ros oneri sacro. Officiantem, ut ajunt, egit A. R. P. Noster Thyrsus; in  
processione decantatus Hymnus Ambrosianus, *Te DEum &c.* Ex liter. Rom.  
*Eodem die obierunt.*

*Silentium.*

4. Toleti in Hispania, anno 1588, P. Ioannes Peralta, Hispanus. Quidquid a-  
gebat, contendebat; ut id faceret quàm accuratissimè & exquisitissimè. Silentij per  
omnem vitam erat custos severissimus: unde illi multum suppetebat temporis ad o-  
randum & laborandum. Dicebatur; illi, qui cum Peralta ageret, adhærescere pietatem.  
Villaregij cum præfesset, secularium quorundam invidiâ, contra quos bona Collegij  
defenderat, infami notâ apud Superiores aspersus, & officio exauthoratus, tacuit  
heroico silentio: sed gloriosior refulsit innocentia, calumniarum nube calitus dissipatâ.

*Victima cha-  
ritatis.*

5. Bononiæ in Italia anno 1630, P. Angelus Orimbellus, Italus, suprema chari-  
tate Bononiensibus peste afflictis exhibita, eodem malo sublati. Petierat per episto-  
las à Præposito Generali copiam sibi fieri ejus obsequij; quod interveniente Cardi-  
nalis Spada, Gubernatoris Bononiensis, autoritate, non solum obtinuit: sed dupli-  
ci amplissimo nosocomio excitato, jussus est præesse. Mirum dictu, quanto gaudio ibi  
à Medicis, chirurgisq; quanto ab ægrorum confessariis, ex variis religiosorum Or-  
dinibus, sit exceptus, pro comperta viri prudentia & charitate. Et respondit ipse  
cumulatè omnium votis; effecitque insuper instinctu celesti motus; ut urbs Bononi-  
ensis publico Decreto in Patronos legerit SS. Ignarium & Xaverium: quorum præ-  
sentissimam opem in ea lue extinguenda est experta. Ipse tamen, Post amissos in e-  
odem obsequio Socios novem e Societate, opima charitatis victima cecidit. Ex Tannero.

6. Parisiis anno 1651, P. Jacobus Sirmondus, Gallus, studiosissimus Antiquitatis  
scrutator.



scrutator & illustrator. Præter multas Gallicas, Vaticanam bibliothecam planè exhaustit, non minùs Græci quàm Latini idiomatis peritus. Veteres Scriptores 36 recenset Soutvellus, quos Sirmondus notis doctissimis illustravit, insignibus elogiis à Card. Baronio, Jano Gruthero, & aliis doctis honoratus. Edidit præterea aliorum Opusculorum Decadem; Claudio Aquavivæ Præposito Generali fuit ab Epistolis per annos 16, Christianissimo Regi Ludovico XIII à sacris Confessionibus; inter assiduos labores vitam nihilominus protraxit ad annum ætatis 93, valetudine adeò vegeta; ut Jejunium Quadragesimale eodem rigore observaverit senecio, quo juvenis. *Soutv. 1a.*  
*wellus in bibl. Soc.*

# VIII. OCTOBRIS.

1. **V**ictoriam Christianæ classis ad Enchinadas insulas anno 1571 reportatam de classe Turcica, ut ipso pugnæ die S. Pio V. Pontifici revelavit DEus Romæ: ita eandem in Sardinia postridie manifestavit P. Antonio Boscho, viro religiosissimo. Decumbibat is Salsari, morbo lethali: cum ecce ingenti perfusus lætitia, in hæc erupit verba: O mirificam, & planè mirificam, qua cor meum exultat lætitiâ! Sciscitantibus lætitiæ causam, qui aderant, Patribus; Agamus, inquit, Domino grates de tam præclaro in nos beneficio. O beneficium, excellens! Quærentibus rursus, quodnam intelligeret beneficium, & suspicantibus, ne fortè vi morbi exerraret mente; Magnificam, reposuit, victoriam consecuta est classis nostra de classe Turcarum. Agite, in gratiarum actionem hymnum Eucharisticum SS. Ambrosij & Augustini decantemus; cœpitq; præcinere, Socijs alternantibus. Non fuisse vanam imaginationem, docuit nuncius post dies aliquot allatus. *Sacchin. hist. Soc. lib. 7. n. 100.*

2. Anno 1574, P. Everardus Mercurianus Præpositus Generalis egregiam dedit Instructionem ad Superiores Lusitanos de arte gubernandi secundum Societatis spiritum. Invaluerat enim ibi austerior quædam regendi methodus, qua potissimum Ludovicus Consalvius afflaverat superiores: ut minùs familiares essent subditis suis; & poenis magis, quàm benignitate, compellerent illos ad legum observantiam. Unde fiebat: ut plurimi fluctuarent in Religiosa vocatione, alii penitus deficerent ab illa. Admonitus de his Everardus, inprimis Provincialem constituit Emmanuel Rodericum, hominem ingenii mitioris; deinde monita magni ponderis dedit Superioribus: quibus sibi apud subditos sincerum conciliarent amorem, & auctoritatem non tremendam, sed venerandam. Dat illa *Sacchinus hist. Soc. p. 4. lib. 2. n. 85.*

3. Romæ anno 1699, in Capella nova S. P. N. Ignatii faberrimè

Ddd

elabo-

*Victoria ad Enchinadas revelata.*

*P. Mercurianus instructio ad Superiores.*



Capella S. I.  
gnatij consecra-  
tur.

elaborata, altare consecravit Illustrissimus Episcopus Vices-gerens Urbis. Eminet in illo statua S. Patris, magnitudine grandis viri, argentea tota, in habitu Sacerdotali deaurato, gemmisq; pretiosis distincto. Capella talis est, quam decuit non alibi, præterquam in medio, seu centro & corde Romæ, poni, & orbis oculis spectari. *Ex liter. Rom.*

*Eodem die obierunt.*

Victima fidei.

4. Nangasachi in Japonia, anno 1633 P. Joannes Acosta, Lusitanus. Per annos 29, gravissimis laboribus ærumnisque, pro Japonum salute perfunctus, tandem comprehensus est, & in scrobem è pedibus suspensus, quarto die cursum victoriæ atq; fortitudinis explevit.

Victoria præd-  
icta.

5. Sassari in Sardinia, anno 1571, P. Antonius Boschus, Hispanus. Societati nomen dedit, quod crebrior in illa esset S. Synaxis usus. Post vitam in ea insigni religione actam, morti vicinus, in plausum erupit dicens: *Magnificam victoriam nostra classis consecuta est de classe Turcarum.* Quare ad agendas DEO gratias omnes invitans, *Te DEum laudamus*, recitavit cum Sociis, ac biduo post, cælestia decantans intravit in gaudium Domini sui. Nuncius autem postea allatus de Victoria ad Enchinadas insulas reportata, prædictionem firmavit.

Crucifixus con-  
solator.

6. Valentia in Hispania, anno 1578, P. Gaspar Loarte, Hispanus. Vir erat ante initam etiam Societatem doctus ac probus, & jam tum divinis meditandis quaternas horas tribuens. Genæ cum esset Rector, vehementer re quapiam angebatur: sed mœrorem absterlit, ipsi spectabilis factus Christus Crucifixus, qui eum solatus dixit: *Bono animo esto: ego te per omnem vitam non deseram.* Et promissi veritatem dulcissimè expertus est Gaspar, Orationis tam erat amans, ut etiam æger, eo tempore, quo matutina domi persolvitur oratio, junctis & sublati in cælum manibus, quibus poterat viribus, orationi incumberet.

## IX. OCTOBRIS.

Victoria Ma-  
laca contra  
Turcas.

1. **I**N India Orientali anno 1547 formidabilis Acenorum regis, Mahometani, classis improvisò Malacam appulit, Lusitanis urbem & vitam ereptura. Classem constabant naves 60, præter minores arma, & annonam vehentes. Excensione facta nocte intempesta, sine mora tumultuari è urbem aggrediuntur: sed vigilēs fortesq; nacti præsidarios & cives, non sine clade rejecti sunt. Ergo in classem Lusitanorum, quæ portum tenebat, effusa bile, naves octo concremarunt, Ingens urbem obruit consternatio & luctus: sed commodum evenit, ut Sanctus Indiarum Apostolus ibi adesset; in quo uno plus solatii & auxilii repererunt afflicti, quàm in mille præsidariis; ut crassius probabit dies & ipsius vaticinio, precibus ac lacrymis, gloriosa de hoste reportata victoria. *Bartol. in Vita lib. 2. n. 29.*

Græcense Col-  
legium.

2. Græcium in Stiria anno 1573 pervenerunt Socii 12, duce Magio Provinciali, ad inchoandum Collegium, postulatu Serenissimi Archiducis

Caro-



Caroli, patris Ferdinandi II Imperatoris, ad reprimendam & extirpandam, quæ ibi nimium quantum invaluerat, hæresim. Advocatos ad se mira alacritate, & gentis more, porrectâ dexterâ, excipiens, Potestis, inquit, mihi credere: me desiderio desiderasse adventum vestrum. Principio quidem, non deerunt vobis difficultates; siquidem eritis, velut oves inter lupos; sed persuadeatis vobis, me fore vobis Patronum, & Patrem, & omnia, Nec liberalius locutus est, quàm egit, Collegium optimè instructum auxit ornavitque insigni Academia, ad quam confluit numerosissima & nobilissima juventus Stiria, Carinthia, Sclavonia, Carniolia, Carnia, Croatia &c. Deniq; tantis auctum est incrementis: ut jam ampliùs quàm centum & quadraginta Collegiales in illo alantur: *Sacchin. hist. Soc. p. 4. lib. 1. n. 72. Sourvellus in bibl. Soc.*

*Eodem die obierunt.*

3. Nangasachi in Japonia, anno 1633, P. Xystus Tocuum, & Damianus Fucaye Goadjutor, Japones, odio fidei, in scrobem capite depresso suspensi, occubuerunt, post strenuos labores conversioni civium suorum impensos. *Victima fidei.*

4. Monasterii in Gallia, anno 1639, P. Balthasar Belli, Gallus. Vir integerrimæ & planè religiosæ vitæ, postquam Lugduni, ante decennium, strenuam navavit operam peste infectis, & victor ex ea arena feliciter evasit; iterum eandem tentavit aleam apud Monasterienses: sed brevi labore ad palmam pervenit, decimo quinto die atro carbone ictus est sublatu. *Ex Tann. Victimæ charitatis.*

5. Romæ anno 1659, Venceslaus Kolowrat, Bohemus, Scholasticus Theologus, genere & virtute illustrissimus. Accepto nuncio de venia Societatem ingrediendi, data à Ferdinando III Imp. & Illustrissima matre, cui viduæ unicus erat Venceslaus; exultabundus exclamavit: *Latatus sum in his, quæ dicta sunt mihi: in domum Domini ibimus! Quàm dilecta tabernacula tua, Domine virtutum!* Familiæ suæ claritatem omnibus, quibus licebat, modis occultare studebat; solidæ humilitati, & perfectæ paupertati addictissimus. Cum toto patrimonio se exueret, suggessit quispiam: posse illum cum facili superiorum venia aliquid in suos usus retinere. Exhorruit, & avertat, inquit, istud à me Optimus DEus; qui certè providebit; ut quocunq; in Collegio degere me contingat, non desit mihi frustum panni, quo religiose regar. Monenti alteri, ne Illustrissimæ familiæ suæ oculos obsoletiore veste offenderet, reposuit B. Aloysii dilemma, cum diceret: se vel notum esse iis, à quibus videretur; vel ignotum. Ignotos nihil se morari, tanquam ignotum: notis verò id fore non offendiculo, sed exemplo. Egro Venceslao illustris & consanguinea matrona edulii quiddam opportuni submiserat. Rejecit, ceu rem nimis delicatam, dicens: Id genus delicias, Commitem quandam à Kolowrat, qui ipse jam esse desisset, non verò pauperem religiosum decere. Cum Societati longè plura dedisset, quàm quæ ad Foundationem Collegii requiruntur: adduci tamen non potuit, ut Fundatoris honores admitteret. Instantè petebat ab amicis, orari pro se, ut fieret *Magnus Sanctus*. Caterùm quàmvis nesciret, se Sanctum, vixit tamen, & obiit sanctè. Corpus depositum sub tumba B. Aloysii, prope Joannem Berchmans. *Abdicatio bonorum. Cibum delicatū rejecit eger.*



S. Borgia san-  
ctus.

1. **F**estivitatem Magni Servi DEI, S. Francisci Borgia, Præpositi Generalis Terti, celebrat hoc die non solum Societas, sed universa Christiana Ecclesia. Suspexit enim illum ut absolutissimam eximie Sanctitatis Idem à Divina Providentia propositam omnis statûs hominibus. Habent in illo, quam imitentur Principes, curam, & amorem subditorum, Aulici fidelitatem & pietatem, conjuges continentiam conjugalem, Adolescentes morum integritatem, Religiosi contemptum mundi, Sacerdotes cultum divinum, Prælati fugam honorum & humilitatem, omnes denique erga Deum & proximum ferventissimam Charitatem.

Victoria Malacensis à S. Xaverio prædicta.

2. In India Orientali Acani, de quibus heri, Malacensis urbis expugnationem profecuturi, militem hodie eduxerunt iterum in aciem; sed nihilo meliore fortunâ. Tanta enim è bellicis tormentis obruti sunt globorum procellâ, ut nec appropinquare urbi ausi, in sua se navigia recipere sint adacti. Sed quem in urbem collegerant, in civium quosdam interceptos effuderunt furorem. Naribus & auriculis mutilatos, incisisque pedum & manuum nervis, remiserunt in urbem, cum contumeliosa, imò sacrilega ad Præfectum epistola. Bilem movit Lusitanis barbarorum arrogantia; sed vanæ erant sine viribus iræ, incensis navigiis, quibus hostem adorirentur. Deliberantibus tamen, quid facto opus esset, supervenit opportunè Xaverius, & sententiam rogatus, sine cunctatione respondit: Nullatenus ferendam esse illatam DEO & regi Lusitano injuriam, eundem properè in hostem. Sed quibus navibus? subdebat Malacensis Præfectus Mellus. Vix quatuor residuæ sunt, non tam naves, quàm navium cadavera: numquid has opponemus hostilibus sexaginta? Etsi mille essent, reponit Xaverius; quatuor sufficient illis debellandis, cum non unius regis, sed DEI potissimum agatur causa. His animati milites, mira alacritate conclamare pugnam, nec dubitare de victoria, spondente Xaverio. Impigri ergo accingunt se omnes, ad restaurandas armandasq; naves, fuitque ea laboris contentio: ut intra quinque dies parata steterit quinque navigiorum classis cum una celoce. *Bartol. in Vita S. Xav. lib. 2. n. 30.*

*Eodem die obierunt.*

3. Oviedi in Hispania, anno 1591, P. Garcias de Alarcon Hispanus. Adolescentulus adhuc, minori fratri & sorori author fuerat, ut Christi patientis amore, in mensa id, quod palato magis arrideret, dimitterent signo dato, quod dabat ipse. Exem-

ple



plō S. Rorgia incitatus, Societati adscribi petiit, in qua Magistrum Novitiōrum, Rectorem, Provincialem, Visitatorem, & Assistentem egit, incredibili animæ suæ, & officii curâ. Per plures annos vesperi ne bolum quidem admisit: sub noctis medium surgebat ad preces: post quas unâ horâ quiescebat, & surgebat cum cæteris ad orandum. Patribus, quos ad mortualem lectulū suū mœstos vidit, dixit: Non est, quod vobis mors mea dolori sit: nunc enim plus habeo solatii, quàm unquam habuerim. Mortuus comparuit Vallisoleti cuidam, mortem ejus dolenti, dixitq;: se jam in æterna gloria cum bono DEO degere.

*Mors lata.*

4. Cæsaraugustæ in Hispania, anno 1593, P. Honoratus Abella, Hispanus. Si fœminas visere necessitas cogeret; faciebat id pudicissimæ plenus modestiæ, & sede una semper inter se ac fœminam vacua relictâ. Fuere tamen, quæ scelus ei obtulerunt: sed ille vel solo vultu, verecundiæ pleno procaces refutavit, nec ullius unquam gravioris noxæ reum se agnovit.

*Conversatio  
cauta cum fœ-  
minis.*

5. Straubingæ in Germania anno 1634, post 7 Socios in heroicæ charitatis officiiis anissos, postremus contagiosa lue concidit P. Adamus Straub Germanus, multa laude ornatus, tum ob virtutem religiosam, tum ob eximiam gubernandi peritiā, quâ duas Residentias, & tria rexit Collegia. Monachii eandem mortis pretiosæ gloriam consecuti sunt Socii 13.

*Victima chad-  
ruatis.*

## XI. OCTOBRIS.

1. **C**elebrata est anno 1551, sub Julio III Pont. Max. Sessio XIII in Concilio Tridentino, cui ex Societate interfuerunt missi à Pontifice PP. Jacobus Lainius & Alphonsus Salmeron. Unde à Præsidentibus Concilij designatum est, ut inter Theologos primi dicerent, tanquam Theologi Pontificij, Salmeronem quoq; præcederet Lainius. Hic, cum modestissimè excusasset, quod ex Ordinatione Præsidentum primus peroraret, subjunxit: Cum in præsentē materia, de Ven: Eucharistia, non ex sensu privato, sed Sacris Literis, secundum communem sensum SS. Patrum expositis, differendum sit, nullum se Patrem aut doctorem allegaturum, quem non ipse totum à capite ad calcem diligenter pervolutasset, atq; ex eo testimonia de rebus controversis collegisset. Hæc præfatus, duxit in altum disputationis, produxitq; ad firmandam sententiam suam sex circiter ac triginta Patres, quos omnes plenè ac solidè legisse debuit secundum protestationem præmissam. Ob quam doctrinæ ac eruditionis copiam, ingenijq; fœcunditatem cunctis Patribus erat prope miraculo: audiebaturq; avidissimè, etiam ad tres fere horas produceret sermonem. Accidit autem perincommodè: quod in ea studiorum ac aliorum laborum contentione versantem, febris quartana invaserit: ad quam depellendam, cum secessum aliquem ac diurnum aliquot vacationem peteret, non impetravit: malueruntq; Præsides Concilij, ut quo die febris accideret Lainio, conventus publicus non haberetur.

*Lainius factus  
de perorat in  
concilio Trid.*



beretur, quàm ut ejus præsentia & sententia carerent. *Orlandin. hist. Soc. p. i. lib. 11. n. 36 & seqq.*

*Officium de S. Ignatio.*

2. Anno 1667. constituit, præcepitq; Clemens IX: ut ab omnibus, qui ad Horas Canonicas tenentur, Officium de S. Ignatio Societatis IESU Fundatore recitaretur sub ritu duplici, perpetuis temporibus: atq; sub tali ritu celebrandum festum apponeretur in Romano Breviario. *Bullar. Constit. 11. Clement. IX.*

*Eodem die obierunt.*

*Idors ex fame*

3. In deserta insula Indica, anno 1555, P. Nicolaus Pasqualis, cum P. Andrea Gonzalez, & Alphonso Lopez. Ibant in Æthiopiam, juventuti & rei Christianæ operam ibi daturi: sed navis in arena desertæ insulæ hæsit. Præcipui eorum, qui cum illis vehabantur, consensu minoribus scaphis, evaserunt: & quamvis obnixè Patres invitarent, ut secum abirent: maluerunt isti cum misera turba, fame peritura, in insula manere: ut viventibus solatio, morientibus auxilio essent. Sic postquam alii post alios fame enecti ceciderunt, occubuerunt & ipsi alimentorum inopiâ, heroicæ Charitatis victimæ.

*Confessarius promptus.*

4. Neapoli in Italia, anno 1579, P. Joannes Pedelongus, Italus. Juris prudentissimus cum esset, videretq; innocentem quempiam, contra jus & fas, dampari ad mortem: crudeli sæculo nuncium remisit. Distributis in egenos facultatibus Societatem ingressus, inter cæteras religiosas dotes, excellebat singulari promptitudine & assiduitate penitentes juvandi, ita: ut antonomastico vocabulo vocaretur, *Pater Confessarius*. Religiosè obiit mortem, cujus tempus sibi alteriq; prædixerat.

*Picima charitatis.*

5. Lomzæ in Polonia anno 1624 Nicolaus Gruda Coadjutor, cum Sociis quatuor heroica morte decessit in obsequio contagiosa lue afflatorum.

*P. Varsevicijs anconia.*

6. Cracoviæ in Polonia anno 1591, P. Stanislaus Warsevicius. In Germania, quo studiorum causa missus fuerat, Philippo Melanchthone magistro usus, hæresim aureo porrectam literarum poculo combibit. Redux in patriam pudit eum falsitatis, errati poenituit. Brunsbergam venit, miratur locum, eumq; sibi puero in somnis olim monstratum recognoscens, Societatem cognoscit & amplectitur Romæ 24 Nov. anno 1567 annos 37 natus. Quatuor inde & viginti annos in Societate ita vixit, ut modestiæ, charitatis, obedientiæ, humilitatis, ardoris ad vitia debellanda & profligandum errorem, exempla posteris imitanda reliquerit. Primus Collegio Vilenensi per annos octo præfuit, Lublinense Collegium sexennio gubernavit. Complures hæreticos è prima Poloniæ nobilitate reduxit in Ecclesiæ suum. Nutantem in Suecia, quò missus à Greg. XIII fuerat, religionem toto quinquennio per summum laborem sustentavit. Quo tempore Sigismundi Principis, qui postea Rex Poloniæ fuit, hujus nominis tertius, pueritiam optima disciplina, sanctissimisq; institutis formavit. Diem fortunatum, quo vitam in Societate religiosam sequi decreverat annuâ memoriâ recolebat Omnia sibi bona venisse pariter cum illa dicens. Anno 1590 Provinciæ Procurator electus, Romam venit. Reversus Cracoviam, unde morbi publicè grassantes plerisque religiosos viros abegerant, summa contentione flagitavit, ut sibi liceret, in eadem urbe laborantibus opem ferre. Quod dum impigre præstat, correptus ipse mor-



morbo, charitatis præmium moriendo tulit. Eundem narrant aliquot post obitum annis, anno 1604. P. Petro Scargæ graviter ægotanti spectandum se dedisse, auctoremq; illi fuisse, ut 10 à Deo postularet annos, quos postea Scarga vixit. *Iuvencius fol. 177*

## XII. OCTOBRIS.

1. **A**Nno 1657 Alexander VII Pont. Max: Plenariam concessit Indulgentiam omnibus, tam Societatis personis, quàm cujuscunq; alterius Ordinis, & Congregationis Regularibus, & alijs quibilibet Ecclesiasticis & laicis, quotiescunq; in domibus Societatis Exercitia Spiritualia S. Ignatij per octidui spatium peregerint, & interea temporis verè pœnitentes & confessi, SS. Eucharistiæ Sacramentum sumplerint. *Bullar. Constit. 44 Alex. VII.*

*Indulgentiam  
absolventibus  
exercitiis.*

2. Molshemij in Alsatia adolescens, ope S. Ignatij liberatus est à dæmone, cui se tradiderat. Erat is Michæel Ludovicus, nobilis Germanus, à parentibus in Lotharingiam missus, ut Gallicam linguam in aula ducis condisceret. At enim juvenis præter linguam, mores didicit parum sanos, inter quos ludendi consuetudo & libido impotens illi exitio fuit. Amissis foliorum ludo pecunijs, anxius, cogitabat, quomodo alias, etiam à dæmone, acquirere posset. Adfuit repente dæmon sub specie elegantis juvenis, promisitq; argenti, quantum vellet; nec distulit promissa: tantum illico argenti obtrusit, quantum sufficeret ad ludum restaurandum. Redijt ad socios Michæel, repetit ludum & amissos recuperat nummos, imò collegas exhaurit suis. Placuit misero ea fortuna, nec dubitavit, ad illam conservandam, dæmoni se tradere, exarata sanguine suo syngrapha gemina, sub conditione vitæ in septennium prorogandæ. Inde in omne nefas effusus, jam deniq; prope aberat à fine septennij. Interim propitio oculo respicitur à misericordia Divina; innotescit matri, quod actum fuerat, quæ licet hæretica, cùm in Synagoga sua nihil inveniret remedij, Religiosis quibusdam filium tradidit curandum. Sed ille ab ipsis fugâ se expedit. Captus tamen à fratre Canonico Herbipolensi, ducitur Molshemium, ubi S. Ignatius plurimis inclaruerat miraculis, Patribusq; nostris committitur. Laboratum diu multumq;, donec hoc die, ad invocationem ardentem S. Ignatij, adactus est dæmon, sub specie deformissimæ ac grandis ciconiæ comparens, syngrapham reddere utramq;. *Bartholus in Vita S. Ign. lib. 5. c. 57.* Simile traditum supra 13 Januarij.

*Dæmon cogi-  
tur reddere  
syngrapham.*



## Eodem die obierunt.

P. Molina do-  
ctrina.

3. Madriti in Hispania, anno 1600, P. Ludovicus Molina, Hispanus, magnam nomen inter Recentiores Theologos, & multis machinis impugnatum, sed non eversum, decernente tandem Paulo V, anno 1606, Ut omnis doctrina Molinae indemonis persisteret. Præter doctos in Primam partem D. Thomæ Commentarios, & invictam Gratia & Liberi arbitrii Concordiam, quæ lapis offensionis fuit, edidit Tomos 6 de Jure & justitia, tanta Juris Civilis comprehensione: ut mirum omnino sit; hominem, qui in Theologicis studiis vitam consumpsit, tantam consecutum fuisse Juris scientiam. Nec minor fuit Molina religiosa virtute, quàm excellentiâ doctrinæ. Etiam in proventa ultra sexagesimum annum ætate, atq; in continuo lucubrandi studio, passus non est, aliquid sibi dari ultra communem victum & amictum. Breviario utebatur tam attrito: ut minores horæ in illo vix legi possent. Ad communia domus munia non minùs promptus propebat, quàm quivis accuratissimus tyro.

Sodalitas col-  
loquii Mariani.

4. Ingolstadii in Germania, anno 1618, P. Jacobus Rhem, Germanus. Integra illi semper virginitas, quam custodiebat severâ oculorum modestiâ, & corporis mortificatione. DEipara cultui addictissimus, instituit Sodalitatem *Colloquii Mariani*, in qua juvenes de Virgine DEipara instituerent pias Collationes. In sacello ejus Sodalitatis cùm incessisset cum cupido noscendi, quis titulus Virgini gratissimus esset? capente choro Litanias Lauretanas, didicit cælitus à DEi Matre sibi spectabili, præ aliis placere titulum *Matriæ admirabilis*. Hunc ergo tertio repeti jussit. Inter sacrificandum visus est non semel sublimis à terra; & sæpius absentia dixit, futura prædixit.

Theologi obse-  
qua humilia.

In America Mexicana anno 1637, P. Joannes Ledesma, Americanus. Inter Theologos ita inclaruit: ut à Senatu regio, sacra inquisitione, Præsulibus, adeoq; ab ipsa Hispania, Peruvia, & Sinis consuleretur, & ab ipso Professore suo, cùm ejusdem esset Collega in Cathedra Theologica, inter alios authores citaretur. Cùm grandævus regeret Seminarium Mexicanum; omnia ad eadem sacram pertinentia administrabat per se, altaria mundabat & vestiebat, pavimentum verrebat, candelas, etiam publicè, accendebat, & abstergebat &c. passimq; se vocabat S. Gregorii adiuturum. Erga Indos mirando ferebatur affectu: illos erudiebat, pascēbat, & viribus totis defendebat. Cùm Mexicū eluvione aquarum vastaretur: ipse jejunos miseris Indis conquistam annonam cymbâ advehebat: quod charitatis officium toto triennio, vastante urbem lue, continuavit. Mortuo Clerus Metropolitanus totus, Religiosi omnes, & Senatus universus solemniter parentârunt. *Tourvell. in bibl.*

## XIII. OCTOBRIS.

S. Ignatius li-  
beratur ab in-  
feris.

1. A Nno 1537. scripta est Venetijs sententia Vicarij Apostolici, pro S. Ignatio, qua contra omnes detractores, & falsos rumores, declaratur esse Sacerdos bonæ ac Religiosæ vitæ, doctrinæ sanæ, & qui in civitate Venetiarum multa eximie probitatis exempla dederit. *Nadasi in Indice Memor.*



2. Anno 1534 auspiciatissime electus est in summum Pontificem Paulus III. eodem planè anno, quo Henricus VIII rex Angliæ, excitato schismate Angliam avulsiit ab Ecclesia Romana, & fide orthodoxa; quove Parisijs jacta sunt prima Societatis fundamenta, emissis à primis Patribus votis in monte Martyrum, festo Assumptæ in cælos Virginis DEiparæ. Nimirum emergentibus malis providit confestim Divina Bonitas opportuna remedia; & viros, qui Anglicanæ Ecclesiæ subvenirent æquè intrepidi ac validi, & Vicarium suum, qui sapienter & gratosè approbaret, firmaret ac formaret Ordinem nascentem. Fuit Paulus magnus Institui Societatis æstimator, semperq; illam paterno fovit affectu, & Privilegijs non paucis. *Orlandin. hist. Soc. p. 1. lib. 1. n. 93.*

3. Anno 1584 Gregorius XIII, per Constitutionem *Exponi nobis &c.* Transiit ad statuit; nulli è Societate, licere deinceps ad Carthusiam secundò transire, nisi de licentia Præpositi Generalis. *Bullar. Soc. Carthusiam.*

*Eodem die obierunt.*

4. Romæ anno 1574, P. Sebastianus Romæus, Italus. Præfuit annis undeviginti Romano Collegio, insigni prudentia, & animi submissione; eoq; S. P. Ignatio apprime charus. Quàmvis plurimis distentis curis, non tamen exonerari volebat, sed alios ex alijs labores quærebat, dicere solitus: *Eos qui sunt de Societate, nunquam nisi agros, quiescere de ere.* Unde P. Julio Mancinello post mortem visus est sub albo conopæo, in lectulo longè ornatissimo, symbolo quietis, quam post perpetuos labores consecutus est in beata æternitate. *Labor in Societate premiatus.*

5. Hui in Belgio anno 1653, Magister Philippus Franciscus Pennant, Belga. Sex mensium paralyti lecto affixus, usq; manuum ac pedum destitutus cum jaceret: DEipara V. impensius ab eo implorata, per quietem se illi spectandam obtulit cum Filio parvulo in sinu, stipantibus latera, hinc S. Francisco Xaverio, inde P. Mastrillo; didicirq; ab ipsa, Sanitatem sibi à Xaverio conferendam, Allatam S. Xaverii, Mastrillum sanantis, imaginem, ubi manibus paralyticis attigit, repente illas movit, & sensim convalescens, ad S. Xaverii festum plenè convaluit. Verùm cum id alii alio traherent; iterum relapsus in morbum, præmissis precibus iterum ejusdem S. Xaverii imaginem affectis partibus admovit, & confestim vim & vigorem in illis recepit, Gratus pro beneficio, semper Xaverianam illam imaginem de collo gestavit. *Imago S. Xaverii facta bis sanat paralyticum.*

6. Zagrabia in Hungaria, anno 1621, P. Alexander Dobokay Hungarus. In catalogo beneficiorum à DEo acceptorum, posuit & illud: quòd adhuc sæcularis, post Sacram Communionem, audierit in aurem dexteram illapsa sibi hæc verba: *Ingrate re Societatem.* In Societate, supra caput concionantis Patris Alexandri, die Natali Christi Domini vidit vir nobilis splendorem quendam instar orbis lucidi. Mirum in eo fuit, quòd in diuturna & varia gubernatione neminem acerbius reprehenderit; quàmvis pro tuenda disciplina religiosa gravis esset & severus. Orationi tanto fervore intentus fuit: ut etiam sublimem à terra nonnemo viderit, *Vocatio ad Societatem.*

Ece

XIV.



S. Xaverius  
urget expediti-  
onem contra  
Acenos.

**S.** Indiarum Apostolus, Xaverius, dum totis viribus, multisq; promissis urget, quantocyus expediri à Lusitanis Malacensibus classem contra Acenos: ut majores faceret animos militibus, quorum non magnus erat manipulus (centum & octoginta in eam expeditionem designati numerabantur) palàm profitebatur: se ipsum cum classe iturum, cum non regis tantum, sed potissimum violati honoris Divini causa agatur. Et milites quidem hoc erecti promisso, jam victoriam tanquam certam canebant, non nescii: unum Xaverium adversus furentium Badagarum amplissimas copias, nuper pro exercitu integro fuisse. At cives tam pertinaaces obstabant: ut minarentur; ablato Xaverio, se in alias oras secessuros, urbe direptioni hostium relicta. Post multam altercationem, civitati adjudicatus est Xaverius: ut civibus solatio & praesidio esset; milites vero ad pugnam profectos, orationibus suis eminus juvaret. Sic dirempta lis est, & utrisq; periclitantibus praesto fuit vir Sanctus. *Bartol. in Vita lib. 2. num. 30.*

*Eodem die obierunt.*

Minister cha-  
ritativus.

2. Tolosæ in Gallia, anno 1621, P. Guilielmus Trebofius, Gallus. Minister Collegii cum esset; summa charitate providebat, ne quid sociis deesset, & ne ipsi legibus deessent. Si quis legi de verrendo cubiculo non satisfecisset; ipse illud, absente illo verrebbe, purgamentis ad januam relictis, ut adverteret, se moneri. In missionibus longinquis & arduis magno labore versatus est, parcissima utens refectio, verberatione sui largissima. Pro salute viri nobilis, paulò ante mortem, vovit gestationem cilicii per hebdomadam cum cruenta sui flagellatione. Quod quamvis exequi, morbo impeditus, non potuerit; obtinuit tamen, quod optavit.

P. Franciscus  
Suarez mor-  
tuus dat Eu-  
charistiam.

3. Ulyssiponæ in Lusitania, anno 1639, Hieronymus de Sylva Coadjutor, Lusitanus, vir eximiae probitatis, & observantiae disciplinae religiosae. Hic ipse est, qui Venerabilem Patrem Franciscum Suarium non semel in mentis excessu, & divino lumine illustratum vidit, atque ab eo vitâ jam functo, in deserto sacello Eucharistico epulo est refectus. Cum enim à P. Rectore Collegii in itineris socium assumptus, praeeunte in equo Rectore, ipse festo die Praesentationis DEiparæ V. divertisset ad Oratorium quoddam desertum, doleretq; se Ven: Eucharistiâ, ut semper eo die consueverat, refici non posse: vidit prodeuntem ad se P. Franciscum, praefertentem in lava auratam pyxidem; audivitque dicentem: se illius reficiendi causâ divinâ voluntate missum; simulque promptum è pyxide divinum orbiculum famelico porrexisset. Assensus deinde Rectorem, cum domum rediissent, accepit P. Rector epistolam à quadam Sanctimoniali S. Clarae scriptam, quâ totum referebatur, quod cum Fratre Hieronymo actum esset.



**I.** Festum Sanctissimæ Virg. & Matris Teresiæ admonet nos singularis S. Teresa com-  
mendat Socie-  
tatem.  
erga illam observantiæ & cultûs, ob eximiam Societatis æstimati-  
onem, commendationem, imò laudem usque ad invidiam: ut patet tum  
aliunde, tum ex libro Vitæ propriæ, quem sua manu conscripsit. Inter  
cætera cap. 23. erumpit in DEI laudem: *Laudatus sit Dominus, quòd mi-  
hi gratiam dederit, obediendi meis Confessariis, quàmvis imperfectè: qui  
quasi semper fuerunt isti benedicti homines Societatis Jesu &c.* Et paulò  
superius: *Fuit propter majus bonum meum, ut ego cognoscerem, & tra-  
starem cum gente adeò Sancta, qualis est Societas Jesu.* Cap. 38 scribit,  
se vidisse in cælo Nostros alba vexilla præferentes. *De aliquibus Religi-  
osis, inquit, unius certi Ordinis, & de toto Ordine simul, vidi magnas res:  
vidi illos in cælo cum vexillis albis in manu aliquoties, & alias res similes  
magna admirationis: propter quod habeo dictum Ordinem in magna vene-  
ratione &c.* Quod per hunc Ordinem intellexerit & indicarit Sancta So-  
cietatem Jesu verbis expressis in Originali Vita à se conscripta; testatur  
non solum Confessarius ejus, & Scriptor Vitæ, P. Franciscus Ribera; sed  
etiam Sanctius de Avila, Episcopus Seguntinus ipsius & ipse Confessari-  
us. Plura videri possunt apud Lancicium Tom. 1. pag. 81 & seqq. & apud  
Gomez in Elog: Soc. part. 1. Class. 7.

*Eodem die obierunt.*

2. Ciliæ in Styria, anno 1646, P. Paulus Cyrianus, Ungarus, inter alios 26 So-  
cios per provinciam Austriæ sublatos, in obsequio pestiferorum extinctus. Grassan-  
te in oppido illo peste, nec ullo comparente, qui miserorum curam in spiritualibus  
susciperet; eam sibi spartam ardentissimo studio depoposcit P. Paulus, Græcii tunc  
degens. Sed oppidanos, quibus Societas non satis cognita fuit, ita deprehendit à se  
alienos: ut nec hospitio eum dignati sint, nec crustam panis, nisi ab ipsis pestiferis,  
impetrare potuerit. Sed his non motus Pater, domum occupavit, quam pestis, sub-  
latis omnibus inquilinis, paulò antè vacuaverat, omni ad vitam tuendam subsidio  
deslitutam; cœpitq; inde vestigare ægros, ultro se in domos ingerere, diu noctuq;  
montes & valles percurrere concionibus & exhortationibus tum suum institutum,  
tum civium spirituale periculum inculcare: effecitq; tandem hac Apostolica conten-  
tione, ut alios de eo sensus conciperent indigenæ; & quem averfati fuerant, studi-  
osè præfarent. Sed bono ferius agnito, diu illis frui non licuit, sublato paulò post  
eâdem lue ipso P. Paulo. *Ex Alcambe Victimis.*

*Obsequium  
ingratis præsti-  
tum.*

3. In Insulis Philippinis, anno 1650, P. Franciscus Puche, Hispanus. Arduas Mis-  
siones sibi deposcebat, flumina ita, ut erat vestitus tranabat, vestes ejus intimæ me-  
ri centones erant. Ægrum senecionem alicubi inventum, ad suum conclave depor-  
tavit, sua illum veste contexit, cibo refecit, in fide instruxit, baptismo expiavit, &  
paulò

*vestis honorata*



*Ignis ab oran-  
te.*

paulò post morientem, in cælum expedit; mirè latus hujus animæ lucro: veste ve-  
rò, quā senem contexerat, non nisi festis diebus utebatur. Accurrit aliquando ma-  
nè ad Collegium nostrum, loci illius Decanus, monituras nostros de flammis, quæ  
è domo nostra videbantur erumpere. Facta omni diligentia nihil aliud deprehensum;  
quàm quòd eo tempore P. Franciscus inter ardentissima suspiria acriter se diverbe-  
raret.

*Victima chari-  
tatis.*

4. Lugduni in Gallia anno 1628 P. Ignatius Pomponius, Gallus gloriosa mor-  
te, cum Sociis 9 occubuit, qui capita sua pro peste afflictorum salute devoverant.  
Anno sequente non ignobiliore morte prostrati sunt unus & viginti, in diversis lo-  
cis Provinciæ Lugdunensis: Extra hanc provinciam in Gallia tredecim. Feracior  
gloriosorum funerum & coronarum fuit in Gallia annus 1630, quo sublatis sunt unus  
supra viginti.

## XVI. OCTOBRIS.

*S. Xaverius  
turbasam ex-  
peditionem ite-  
rum urget.*

**I** Nopinatus casus fere disturbavit expeditionem, quam Malacæ S. Xa-  
verius magno labore promovebat contra Acenos Mahometanos. Jam  
classis navium quinque; stabat in procinctu, miles non multus, sed alacer &  
fortis, ardebat prælium, effusa in portum cum præfecto civitas, calenti-  
bus votis & lacrymis iter felix precabantur, Xaverius in æde DEiparæ de  
Monte, Superos, ut secundarent, fatigabat; & jam sublatis anchoris ibant  
in altum: cum repente in oculis omnium (ò abyssum judiciorum divi-  
norum!) navis Prætoria scopulis impacta, dissolvitur, & profundo sor-  
betur. Oritur clamor & periclitantium & spectantium, accurritur undi-  
que ad juvandos naufragos; è quibus nemo quidem periit, sed consterna-  
ti omnes accusabant temeritatem suam, quòd tantillis copiis expeditionem  
tantam suscepissent, utiq; contra voluntatem DEI, ut ipsi ex hoc even-  
tu ariolabantur. Nec parcebant mobilis vulgi linguæ vel Præfecto urbis,  
vel Xaverio, jamq; sermones in seditionem ibant. Mittit ergo Præfectus  
Mellus hominem, qui Xaverium accersat quantocyus ad sedandum tu-  
multum. Faciebat ille tunc rem Divinam, jamq; ex DEO cognoverat, quid  
ageretur. Post sacrificium, antequam nuncius exponeret desideria Præ-  
fecti, jubet illum redire ad herum, atque monere, ut bono esset animo,  
DEum non defuturum causæ suæ. Ipse interea coram icone Virginis Ma-  
tris prostratus, multa prece & lacrymis rem agebat nunc cum Filio, nunc  
cum Matre: ut afflictis propitios se præstarent. Posthæc descendit ad ma-  
re; Præfectum animat, populum oratione opportuna demulcet, jubetque  
sperare meliora. Itur ergo iterum in consilium: cives obstinatè damnant  
expeditionem; milites videntes, Martem spirare Xaverium, poscunt illam;  
quos firmat Xaverius luculenro vaticinio, de adfuturis eodem die duabus  
navi-



navibus ante solis occasum, quibus classis esset augenda. Suspendis in hunc eventum animis omnium, cum horâ ante solis occubitum illæ advenissent; incredibile est, quanta lætitiâ urbem impleverint, quot inde Xaverio factæ sint gratulationes, applausus, & amplexus. Decernitur ergo iterum expeditio, sed non una adhuc difficultate impedienda: ut clariùs appareret, felicem ejus exitum non civitati dissolutæ & perversæ, sed meritis Xaverii datum. *Barcol. in Vita lib. 2. num. 31. & seqq.*

*Eodem die obierunt.*

2. In sylva Trevirensi, anno 1583, Richardus Biler, & Joannes Soppius, Novitii Germani, ab hæreticis, pro eo, quo in Jesuitas feruntur odio, trucidati. Corpora nudata feris objecta, sed post dies aliquot ab ipsis illæsa reperta, licet grassantibus eo loci agminibus luporum.

*Victima fidei*

3. Duaci in Belgio, anno 1652, P. Martinus P. Hermite, Belga, orandi & se affligendi studio insignis. Quâvis omnis ejus ferret oratio; in illa tamen quam pro injuriis in se, fundebat, vel maximè exardecebat ignis. Calumniam enim aliquam, vel aliud mali à malevolis passus, illico se recipiebat in cubiculum, & prostratus ad pedes Crucifixi, ardentè ingeminabat: *Domine dimitte illis non enim sciunt, quid faciunt. Per viscera, per vulnera tua, ne tribuas illis hoc peccatum.* Ita orantem tam liquida voluptate perfundebat DEus; ut nihil ei jucundius esset, quàm atrocem aliquam calumniam pati. Nihil erat tam arduum, aut odio vel invidiæ obnoxium, quod à superioribus sibi commissum, citra ullum humani oculi metum obedienter non perfecit. Majoribus festis occurrentibus palàm in triclinio se cædebat. Visus est aliquando Armenteriæ inter jacentium sub dio militum ægrorum acervos, per diem integrum reptare ad capita singulorum, atq; eos expiare & solari.

*Injuriarum, condonati.*

4. Crumlovii in Bohemia anno 1625, P. Joannes Janus, Germanus opima charitatis victima cecidit; postquam & miro ardore se pestiferorum curæ devovit, & ea dedit zeli sui specimina: ut cùm defunctum, noctu terræ mandare vellet Rector, Magistratus se interpoluerit, atq; clara die insigniq; pompa funus deduxerit; cui viri Senatorii humeros supposuerunt, adhibitis funeralibus, & solemnè Ecclesiasticorum comitatu.

*Victima charitatis.*

## XVII. OCTOBRIS.

I. A Nno 1600 gravem dedit epistolam Vallisoleti Doctor Joannes Garcia Coronel, primarius in Academia Vallisoletana Theologiæ Professor, Romam ad P. Joannem Bapt. Plumbinum, Procuratorem Generalem Augustinianorum, pro doctrina Molinæ de Auxiliis Gratiae, & contra Prædeterminationes physicas. Exponit ibi disertè, quomodo fere omnibus doctis per Hispaniam, suspectæ sint & invisæ Prædeterminationes illæ: Librum autem Molinæ audierit summis encomiis efferri. Certè, inquit, quæ contra illam (Molinæ doctrinam) objiciuntur, non multi ponderis sunt, & facile solvuntur. *Authoritas virorum, qui contradicunt, me*

*Epistola pro doctrina Molinæ.*



moveret, nisi satis animadverterem; his particulares respectus misceri quos penetrare non est difficile &c. *Eleuther. hist. de Auxil. lib. 2. cap. 13.*

*Tumultus Du-*  
*aceni.*

2. In Belgio Duacenum Collegium gravis involvit hæreticæ plebis tumultus anno 1578. Circa decimam diei horam cum vexillo & tympano insana colluvies accurrit ad Collegium, atq; edictum promulgat: ut Socii omnes confestim urbe excedant. Quærenti Rectori, cujus imperio hæc gererentur, respondent: Populi. Poscenti, quid causæ esset? reponunt: sic visum plebi. Atqui Magistratum adibimus, inquit Rector: at illi, penes se auctoritatem Senatûs esse; proinde maturarent egressum, aliàs ignominiosè ejiciendi. Cedendum ergo fuit furentibus; dimissæ scholæ, discessum inter armatas cohortes, & plaustra conviciorum, prosequentibus magno numero discipulis & civibus honestioribus. Aquicintum se receperunt nostri: ed statim Senatus & Academici Thomam Stapletonium, Theologiæ Professore, communi nomine ablegarunt, rogantes, ne longius abeant; sperare enim se, ubi impetus populi resederit, actutum revocandos. Nec aliter evenit. *Sacchin. hist. Soc. p. 4. lib. 6. n. 144. &c.*

*Eodem die obierunt.*

*Marcellus P.*  
*Mastrillus.*

3. Nangasachi in Japonia, anno 1637, P. Marcellus Franciscus Mastrillus, Italus. Admiranda utebatur familiaritate cum S. Francisco Xaverio, à quo in extremo vitæ periculo, illustri miraculo sanatus fuit, atq; jussus Indorum salutem se devovere. Vir innocentissimæ vitæ, incredibili ardens desiderio fundendi pro Christo sanguinem; multisq; à DEipara V. Sancto Eustachio, alijsq; Sanctis ornatus, gratijs. In Japonico itinere, multa & egit mira, & prædixit vera. Vix Japoniam feliciter quæsitam attingerat, cum captus à barbaris, visus est toto capite collucere, & inter orandum in carcere, conspectus in splendoribus Sanctorum & à terra sublimis. Aquis primùm infusus, & violentè expressis, deinde candentibus instrumentis cruciatus, in foveam demissus est, Japonico more capite deorsum verso. Cum quarto jam die adhuc esset superstes, extractus inde, gladio subiectus est: sed non nisi tercio ictu caput avulsam, ingeminanti JESUM & MARIAM. Mox à morte, compluribus in Europa conspectus est gloriosus, varijsq; varijs laborantes morbis adjuvit.

*Concionator ex-*  
*cellens.*

4. Granatæ in Hispania, anno 1556, P. Alphonsus, sen Basilius, de Avila, Hispanus, concionator verbo & opere potens. Conciones ejus dicebantur Tuba divina, tonitru, ignis, fulmen cælesti: nunquam enim ascendebat cathedram, nisi cruenta flagellatione in se excitasset flammam charitatis. Et tamen rogatus in extremis, ut aliquid diceret pro ædificatione Sociorum, dixit: Utinam, Patres, lingua hæc, quæ Ecclesiastæ munus obijt, in culina potius fuisset lacernula ad lebetes defricandos & abstergendos! Iniquos quosdam Judices, qui religiosum Sacerdotem publico supplicio affecerant, palàm die Dominico, pro concione, citavit ad tribunal Judicis vivorum & mortuorum, ubi se quoq; comparitum dixit: futurum autem, ut quem hic audire noluerint monitorem, ibi sint habituri Fiscalem. Post paucos dies religiosè decessit.



cessit P. Basilii, eademq; nocte extinctus est præcipuus feralis sententiæ author, quem alter quoq; brevi secutus est; familia utriusq; ad stipem corrogandam redacta. s. Callisij in Polonia, anno 1605, P. Joannes Cnapius, Polonus, Sancta heroum Charitatis morte defunctus in obsequio pestiferorum, vir exquisitus in religiosa disciplina & animarum zelo flagrans.

*Victima charitatis*

# XVIII. OCTOBRIS.

1. **U** Lyssiponæ in Lusitania anno 1553 in Collegio nostro S. Antonii a-  
pertæ sunt scholæ publicæ, Rege promovente, & urbe petente. Quinq; primùm Classes inferiores, cum Theologia Morali patuerunt, tanto discipulorum concursu: ut in ipsa illa Theologia, quæ minùs numerosa esse solet, quadringenti numerarentur Auditores. Alias classes, præter numerum & alacritatem discen-  
tium, egregiè ornavit excellentia Professorum, Cypriani Suarii, & Emmanuelis Alvari: quorum alter Rhetoricam, alter Grammaticam præclaris illustravit monumentis, quorum etiam annuum fructuosissimus in scholis usus est. *Orlandinus hist. Soc. p. 1. lib. 13. num. 53.*

*Lyssiponenses scholæ.*

2. In Japonia primam expeditionem in regiam urbem Meacum suscepit anno 1559, 8 Septemb. P. Gaspar Villela, sed tot obstaculis periculisq; impeditam; ut ægrè hoc die Sacajum tenuerit. Jam repentina maliciâ in medio cursu defigebant navim ærei spiritus, regno suo timentes; jam horribili tempestate obruebant, omniaq; movebant; ut vel perderent, vel averterent Evangelii præcones. Fuit, quando velis plenissimis volans navis, repente constitit immobilis. Ergo ethnici circumire vectores, & stipem viritum exigere, quæ ventum emerent ab idolis suis. Cùmq; ad Villiam venissent, contenderentq;, ut ipse quoq; symbolam conferret; negavit ille, docens; non ab alio, quàm à Conditore cæli & terræ DEo sperandam petendamq; opem. Illico conclamatur: ipsum infortunii esse causam; parumq; abfuit, quin præceps in mare ageretur, nisi DEus opportuno vento navim solvisset. *Sacchin. hist. Soc. p. 2. lib. 3. n. 164. &c.*

*Expedi-  
tio Japo-  
nica pericu-  
losa.*

*Eodem die obierunt.*

3. Goæ in India Orientali, anno 1553, P. Gaspar Barzeus, Belga, vir verè Apostolicus, S. Xaverij discipulus in prædicando Evangelio, & laborum æmulus; semper ab illo magni habitus. Laborum tantum susinuit, quantum denis operarijs, non ignavis, onerandis sufficeret. Mira egit pro re Christiana, præsertim in emporio Ormusensi. Inter extrema pericula intrepidus, sentiebat se omnia posse in eo, qui imbecillitatem suam confortabat. Plura eaq; mira, dat ejus Vira.

*Operarius laboriosus.*

4. Urgellæ in Hispania, anno 1605, P. Joannes Ricus, Hispanus, Ecclesiastes egre-



*Concio igne  
purgatorio ex-  
pianda.*

egregius: sed cum Majoricæ Rector, præter morem ibi concionaretur idiomate Castellano elegantiore; Alphonsus Rodriguez, qui ejus erat Socius, audit à DEO: Rector tuus expiabit concionem hanc igne purgatorio. Qua re intellecta, P. Joannes nunquam deinceps eo idiomate usus est, orandi & corpus vexandi studio assidue intentus. Cum pro mortuo oraret Alphonsus, vidit eum radiis undique, sed potissimum capite, collucentem, & velut coronatum,

*Aviditas pati-  
endi.*

In America apud Hiroquæos, anno 1646, P. Isaacus Jogues Gallus. Incredibili ardebat patiendi desiderio: unde cum aliquando totam noctem coram Venerabili Sacramento humi prostratus, peteret copiam, multa & acerba patiendo; responsum audit: *Exaudita est oratio tua: fiet tibi, sicut à me petisti. Confortare, & esto robustus.* Hurones ergo cum excoleret in Nova Francia, captus ab Hiroquæis summe barbaris, admiranda passus est, avitâ planè veterum Martyrum fortitudine.

## XIX. OCTOBRIS.

*Monasteriense  
Collegium.*

**I.** Monasteriense in Vestphalia Collegium institutum est anno 1588. Acriter se illi opposuerunt nobiliores duo è clero, omnes nervos intendentes; ut Jesuitæ vel non admitterentur, vel turpius ejicerentur. Sed in caput ipsorum brevi recidit ignominia. Cædis enim patratæ rei, non solum dignitate privati, sed civitate pulsi sunt. Festivius quiddam evenit hæretico ministello. Circumjacentes hæreticos non leviter urebat propinquitas Jesuitarum Monasterij receptorum. Cum igitur minister reformati Evangelii in territorio Osnaburgensi incidisset in quosdam cives Monasterienses, non potuit sibi imperare, quin acriter illis exprobraret admissionem Jesuitarum. Illi ut erant viri probi & simplices, audito Jesuitarum nomine, flexo poplite & capite aperto venerati sunt SS. Jesu nomen. Quod cum iterum iterumq; facerent; stomachari Prædicans, & vix non disrumpi; tandem aperte denunciat: nequissimum genus hominum Jesuitas, non honore, sed omni probro dignos esse: at illi tum quoq; caput aperuerunt. Sic consultus, & in rabiem actus impudens rabula in fugam se conjecit; ne cumlaret honores iis, quos infames volebat. *Sacchin, hist. Soc. p. 5. lib. 8. n. 88. &c.*

*Lauffenum op-  
pidum redit ad  
Ecclesiam.*

**2.** In Helvetia Lauffenum oppidum anno 1588 Ecclesiæ restitutum est. Institerunt Episcopus Basileensis & Nuncius Apostolicus, etiam Pontificis interposita autoritate: ut eò de Societate quispiam mitteretur. Missus est ex Collegio Lucernensi zelosus & industrius Sacerdos Jo-docus Itæus: qui mensis unius spatio, ita civibus & Prælatiis prædictis suam probavit operam: ut statio illi prorogata sit in menses quatuor, & socius laborum datus Sacerdos alter è nostris. Hi tam dextrè fortiterq;



coëptum opus promoverunt: ut tota civitas cum pagis quinque & Præfectura Zuïngensi, ejecto Prædicante heretico, & occlusâ synagogâ Lutheranâ, ad Ecclesiam Romanam hoc die ultro redierint, contestati; eam se usque ad sanguinis profusionem & mortem propugnaturus. *Idem ibid. n. 81.*

*Eodem die obierunt.*

3. Bivonæ anno 1564, P. Petrus Venustus Italus, A. S. P. Ignatio missus in Siciliam, Novitios isthic religiose instituit, ac digna egit Apostolico viro. Inter alios *Percussor non produrus.* Sacerdotem quendam publica scandala dantem, aggressus monuerat suaviter fortiterque: ut offendiculo esse desineret. Qui monitoris impatiens, redeuntem ex agro P. Petrum à tergo invasit, ac tertio vulneratum in capite, prostravit. Inventus Pater à Bivonensibus, cum volataretur in sanguine suo, rogatusq; : num nosceret percussorem? affirmavit, sed nunquam prodere voluit, dicens: *Scire illum: Deus illi- gnoscat*: simulq; Jesu Nomine pronunciato, exspiravit, relicta post se magna sancti- moniæ famâ.

4. In Lotharingia anno 1637, P. Laurentius Wortingtonus, Anglus, operarius *Carceris frue- tus.* tam extra, quàm intra carcerem Apostolicus. Post aliquot annorum labores Aposto- licos comprehensus, carceris molestias toleravit biennio, tanpro animarum fructu: ut ipse scripserit: Tot, tamq; frequentes ad expiandos animos ad me veniunt (in car- cerem) ut hebdomada qualibet, in carcere plures, quàm in 6 vel 7 hebdomadis fo- ris liber, excipiam confessiones. Denique proscriptus ex Anglia, venit in Belgium, & ad Missiones castrenses applicatus, plenus dierum & meritum migravit ad So- cietatem triumphantem. *Ex Tannero.*

5. Lovaniû in Belgio anno 1608, P. Martinus Delrio, Belga, Illustri genere or- tus, summisq; honoribus illustris relictis Cancellarii Brabantiae, & regii fisci Procu- ratoris, muneribus, Christum pauperem secutus est. Ad Societatem attulit non solum ingentem nominis famam, linguarum plurimarum peritiam, ingenium omnigena eruditione prophanarum scientiarum instructissimum: verum etiam virum bonum ad normam Evangelii probe efformatum. In Societate repuerascens, tam humilem docilemq; se præbuit tyronem; quàm eminentem, & scientiarum omnium varietate ad miraculum usque conspicuum, olim egerat Doctorem. Theologicis excultus stu- diis, laureâq; Doctorali ornatus, & acutissimum in speculativis, & solidissimum in sacris literis interpretandis egit Magistrum. Singularis promicabat ei in vultu can- dor animi, & castimoniae, à prima adolescentia servatae nitor. Compendium vitæ e- jus Religiosæ dici potest humillima obedientia, & obedientissima humilitas. Scripsit, ediditque vir doctissimus complura tum ante, tum post initam Societatem: inter quæ celebrantur passim, & in judiciis adhibentur, ejus Disquisitionum Magicarum Libri 6, in Tomos 3 distincti. *Sourvell.*

6. PP. Franciscus Ronsillus, & Georgius Blannerius. Navis prætoria, qua vehe- bantur, vadis impacta prope Nerium Gallæciæ promontorium, triste naufragium fecit. Pauci ope tabularum, aut brachiorum remigio, in littus evaserunt; plurimi vel hausti fluctibus vel rupibus illisi & obruti sunt. Inclinata sensim unum in latus ca- rina malum ingentem ita demisit, ut ejus apex sederet in terra, pontemq; veluti flecteretur, quo dum utantur è vectoribus præcipui, ac terram salui obtinent, sacerdotem *Vestima duo- charitatis.*



utrumq; hortantur, salutē consulere. Illi verō sacros se negarunt, donec vel unus restaret in navi: & adhuc trecenti supererant: quos dum peccata confitentes audiunt, decumanus repente fluctus omnes obruit anno 1596, ejecta cadavera in facello proximo sepulta sunt. Konfillus in Hispania: Blanus in Belgio natus erat.

## XX. OCTOBRIS.

*Institutio Episcoporum unde?*

**A** Nno 1562 Jacobus Lainius, Præpositus Generalis Societatis, præclarā habuit dissertationem in Concilio Tridentino, de Institutione Episcoporum, an sit immediatē à DEo, ut volebant Episcopi Hispani, vel mediante Pontifice Romano, tanquam Christi Vicario: prout sentiebant alii, Pontificis studiosiores. Fervebant partis utriusque studia fere usque ad contentionem. Lainius extra ordinem postremus disputavit, & integrum tempus solus explevit. In exordio sermonis commemoravit: tēse illi Synodo interfuisse, sub Paulo, sub Julio & sub Pio Pontificibus; semperq; se usum sinceritate loquendi, absq; fūco & respectu, eādē etiamnum se usurum professus est: nullam enim sibi suppetere rationem aliter agendi, utpote nihil aut quærenti, aut speranti, aut metuenti. Postea quæstionem ingressus, dixit: Quatuor à se suscipi; Quæstionis explicationem, suæ sententiæ expositionem, alienarum confutationem, & suæ comprobationem. Eam porro tenuit ipse, lateque ac solidē propugnavit sententiam, quā in Episcopos à DEo derivatur potestas, non immediatē, sed per Christi Vicarium, ac Divi Petri successorem, loquendo *de Potestate Jurisdictionis*, de qua potissimū lis erat: *Potestatem Ordinū* eos accipere immediatē à DEo, concessit. Omnia tanta vi rationum & eloquentia deduxit: ut multi Patrum, oppositam secuti sententiam, vel apertē eam deseruerint, vel mentem suam uberius, & accommodatē ad sensum Lainii, declararint. *Pallavicin. in hist. Conc. Trid. lib. 18. cap. 15. Sacchin. in hist. Soc. lib. 6. n. 85.*

### *Eodem die obierunt.*

*Victima fidei.*

2. Badenæ in Germania, anno 1573, P. Georgius Schorichius, Germanus, à S. P. Ignatio Societati adscriptus, atq; à culinæ officiis ad literas ingenium transferre iussus, In Germania pro fide tanta gessit: ut Dux Albertus eum delegerit ad inferiorem Bavariam ad fidem Orthodoxam reducendam, Quod ille feliciter præstitit: indeoque Badenam missus ad similes labores, veneno ab hæreticis propinato, sublevis est.

*Victima charitatis.*

3. Constantiæ in Germania, anno 1635, P. Balthasar Wegelin, Germanus. Per annos 30 Collegii Procurator accuratus, unaq; Operarius indefessus, laureatam mortem, ex charitate pestiferis exhibita, obtinuit, unā cum Sociis viginti & uno per Germaniam sparsus.

Poliz.



4. Posnania in Polonia, anno 1655, P. Stanislaus Woysza, Ruthenus. Cum *Sanctus opus B. Kostka.*  
informis, & fere monstrosus natus esset sine cranio & fere sine forma hominis, opus  
B. Stanislai Kostka, cui oblatum fuerat, plenè perfunctus est. Nemo illo promptior  
sive ad infirmos, sive ad sanos juvandos Sacramentalis poenitentiae remedio. In ani-  
mas Purgatorii quoque prolixè liberalis, saepe illas deposcendi auxilii causà ad se  
ventitantes habuit. Injuriarum tolerantissimus, pro quodam sibi injurioso, per an-  
nos 13, statis diebus, per singulas hebdomadas certas orationes & mortificationes  
Deo offerebat. Matura denique cælo ejus Apostolica charitas, in arena peste infecto-  
rum, quibus indefessus deservivit, coronata est.

5. Lovanii in Belgio Franciscus Gruythuyssen, Scholasticus, Belga. Non expe-  
ctato Sacerdotio, properavit in gloriosam pestiferorum arenam, illique florem at-  
tatis devovit, cum Sociis undeviginti, quos per diversa Belgij loca ejusdem gloriæ  
confortes habuit.

## XXI. OCTOBRIS.

1. Ex portu Sancianensi, anno 1552 literas dedit S. Xaverius ad P. Fran-  
ciscum Perez; quas ita orditur: *Francisce Perez, mando tibi in virtu-*  
*te S. Obedientie; ne post visas hæc meas literas, hæc amplius Malacca,*  
*sed quàm primùm poteris, expeditas te ad navigandum in Indiam &c:* scili-  
cet Collegii Cocinensis futurus Rector; Rectori autem mandavit, ut eo-  
dem die, quo veniret Perez, traderet ipsi officium. Quod exordium, non  
formatum juxta stylum hodiernum, videri posset duriusculum, & præferre  
non parum despoticæ potestatis: sed rationem hulus styli & mentis suæ,  
paulò post in iisdem literis aperit humillimus, & suorum amantissimus  
Xaverius, subjungens; *Quamquam hæc, & his plura majoraq; confidebam,*  
*vos, sola voluntatis mee indicatione, sine mora facturos: tamen ad magis*  
*vestrum meritum, interpono vim potestatis mihi tradite.* Unde patet, me-  
lius esse, imperanti parere Superiori, quàm satisfacere suadenti, aut peten-  
ti. Multum enim respectus humani habere solet hæc obediendi ratio. *E-*  
*pist. Novar. lib. 7. ep. 8.*

2. In India, Goæ anno 1548, ipso hoc die, sacro S. Ursulæ, so-  
lemni pompâ delatum est ad templum Societatis Caput unius Virginis &  
Martyris, è comitatu S. Ursulæ. Cum enim in itinere ventorum impulsu  
navis, qua vehebantur aliquot è nostris, impulla esset in arenas & syrtes,  
excussaq; gubernaculo, omni spe salutis essent destituti: P. Gomius pro-  
tulit in publicum sacrum Caput, invocataq; ab omnibus Sancta Martyre,  
salvi evaserunt repente, non sine manifesto prodigio. *Orlandin. hist. Soc.*  
*P. 1. lib. 8. v. 119.*

*S. Xaverij opti-  
sola severa*

*Sacris reliquiis  
seductis, &  
pestas.*



## Eodem die obierunt.

*Victima fidei.*

3. Nangasachi in Japonia, anno 1633, P. Julianus Nacaura, principe Japoniae stirpe natus atque olim à Rege Bungi ad Gregorium XIII Pontificem Max. legatus, ad obedientiam Sedi Apostolicæ deferendam Romam redux, in Societatem adscriptus est, in qua probum religiosum & impigrum operarium cum egisset, ad scrobent Japonicam odio fidei raptus est. Cum duceretur, populum comitantem allocutus, dixit: Illum se, illum Julianum esse, missum olim Romam à Japonia saniore & mitiore: pro illa Romana & vera fide se nunc vitam libenter deponere. Triduano tormento gloriam meritis æternam, decessit. Eodem mortis genere sublatus cum illo sunt Petrus & Matthæus Novitii Japonæ.

*Ecclesiastes insignis.*

4. Panormi in Sicilia, anno 1656, P. Aloysius la Nufa, Siculus, Illustrissimis oratus natalibus, patriæ suæ Apostolus, innumerabilium animarum lucris, prædicationibus & signis conspicuus. Ecclesiæ munus per annos fere 40 persanctè gessit. Viderunt quidam ex dicentis fronte splendidissimum radium promicantem & auditores illuminantem; alii conspexerunt Angelum concionanti assistentem; alii ex orantis ore fulgidum radium in caelos vibratum; aliis visa est ejus anima, comitantibus SS. Ignatio & Xaverio, aliisque de Societate, & innumeris, quos caelo lucratus fuit, caelos conscendere.

*Operarius insignis.*

5. In Peru, anno 1622, P. Emmanuel Ortega, Lusitanus, magnus in Lusitania, Brasilia, Paraquaria, & Provincia Peruana operarius, pro DEI gloria & animarum salute. Tempore ingentis cujusdam exundationis, noctu per horam circiter natavit, ad baptizandos indos, qui mergebantur, cum manifesto vitæ discrimine. Admiranda alia gessit, & passus est animarum causâ. Coadjutor spiritualis. Formatus cum esset, oblatam sibi 4 Votorum professionem non admisit: ne quid laxamenti in Instituto fieret sui causâ.

*Mors gloriosa.*

6. Regiomonti in Prussia anno 1653, P. Joannes Kihn Prutenus, cum in vasta hæretica urbe, quam dira pestis depopulabatur, Catholicis Sacramenta, hæreticis ea, quæ poterat, subsidia strenuè ministraret, non sine stupore acatholicorum, glorioso agone consummatus est vir zelotissimus.

## XXII. OCTOBRIS.

*Privilegiarum confirmatio.*

**A** Nno 1552 Julius III Pont. Max: confirmavit Privilegia Societati concessa à Prædecessore suo Paulo III; quo ad Dispensationem circa Jejunia & cibos prohibitos, atq; Absolutionem à quibuscunq; casibus hæreticos, in foro conscientiarum quæ & similia Privilegia, voluit non comprehendere sub quibusvis derogationibus, etiam in strictissima forma. Insuper concessit, ut cum facultate Generalis & aliorum, quibus ipse delegaverit, possint nostri, ex rationabili causa postponere Recitationem Horarum Can: Sacrificio Missæ, & Infirmis commutare in levius aliquid &c. *Bullar. Societ.*

2. In India epistolam dedit S. Xaverius ad P. Franciscum Henricum, labor-



laborantem in Travancoride, sed desiderantem inde excedere aliò, ubi fructuosior esset ejus labor. Docet eum Sanctus, id consilium non esse à bono, sed maligno spiritu, oprante, regionem illam destitui omni operario Evangelico: ut nec parvuli, qui moriuntur, perveniant ad cælum, utpote baptisimi expertes. Genus est, inquit, insidiarum ejus; majorem alibi divini obsequij spem ostentare: ut videlicet sollicitè, atq; avertat eos, qui utiliter operam navant DEO ibi, ubi sunt. Itaq; vereor, ne te suo illo artificio aggressus, idcirco sollicitè: ut ex istis abigat locis. At memento, te octo mensibus, quibus isthic versaris, plures animas conservasse, moribundis baptizandis infantibus, quàm omnibus annis, quibus in Lusitania & India fuisti &c. *Epistol. Ver. lib. 2. ep. 8.*

3. Aliam dedit idem Sanctus epistolam anno 1552, ex Sanciano Sinarum portu ad Franciscum Peram: qua ex amplitudine & ardore Spiritus sui Apostolici, significat: se jam in procinctu esse ad solvendum in Sinense Imperium, conducto ducentis aureis mercatore quodam Sinensi, qui eum expositurus esset ante portam urbis Cantonensis, & curaturus, ut ad Gubernatorem deduceretur. Quæcunq; fors apud hunc sibi contingeret, paratissimum se esse ad omnem, sive sint vincula & carceres perpetui, sive tormenta immanissima: cum melius sit hæc pati, quàm negligere Evangelij propagationem. *Epistol. Ver. lib. 4. ep. 15.*

*Eodem die obierunt.*

4. Nangasachi in Japonia anno 1633, P. Joannes Matthæus Adamus, Italus. Ærumnas plurimas perpeßus, Evangelii & animarum causâ, tandem comprehensus & fame cruciatus, extremos quinq; vitæ dies in tormento Japonico egit, de furca in fossam suspensus è pedibus; inde ad astra elatus.

5. Callisii in Polonia anno 1634, P. Blasius Plezzinius, Polonus. Cum adhuc adolescens insigni virtute præstaret; jussus est ab eo, cui erat in obsequiis, arenti terræ pluviam à DEO flagitare. Paruit Blasius, non diu oravit & cælum hætenus sudum, in pluvias affluenter solutum est. In Societate religiosum egit ad legum normam egregiè compositum. Dixit, duo se petiisse à DEO: ut, ne Domesticis molestus esset, non diu, sed acerrimè ægotaret; nec diu in vivis superflus esset. Utrumq; obtinuit, ac insuper notitiam diei sui extremi, quem prædixit.

6. Brunæ in Moravia, anno 1648, P. Samuel Richter, Moravus. Salutis animarum sitientissimus, promptissimum se ad illas juvandas, in quavis occasione præstabat; relicto etiam aliquando poculo, quo laboribus fessus suum levare volebat. Sibi dictum censebat illud Psalmographi: *Tibi derelictus est pauper, orphanus tu eris adjutor.* Adjuvit strenuè, donec in obsequio pestiferorum caderet gloriosè.

*Tentatio diaboli.*

*S. Xavierius significat se solvere in Sinas.*

*Victima fidei.*

*Pluvia oratione impetrata.*

*Zelus animarum.*



*Testimonia de  
doctrina Molinæ.*

1. **A** Nno 1597 ab Inquisitione Generali Hispana expedita sunt Romam Testimonia authentica de sensu variarum Academicarum & doctorum Hispaniæ circa Controversiam ferventem inter Ordines PP. Prædicatorum & Societatis de Auxilijs Divinæ Gratiæ. Mandaverat enim suprema Inquisitio Hispana Academicis Salmanticensi, Complutensi, & Siguntinæ: ut suum de Controversia illa iudicium perscriberent; idemq; ut facerent, doctissimos quosq; in Hispania viros rogayerat. Provincialibus item utriusq; partis injunxerat; ut, quod de Gratia sufficienti & efficaci sentirent, scripto consignarent, ad sedem Apostolicam mittendum. Obtemperatum ab omnibus accuratè. Digesta sunt omnia in Tomos 3, & Romam expedita anno dieq; prædictis, ad informandam Sedem Apostolicam. *Eleuther. hist. de Auxil. lib. 2. cap. 26.* ubi ostendit: ex Episcopis alijsq; Doctoribus, quorum iudicia Romam missa sunt, duplo plures fuisse pro Doctrina Molinæ, quàm contra illam.

*Collegia in  
Gallia fundata.*

2. In Gallia Guilielmus à Prato, Episcopus Claromontanus, anno 1560, inter mortales vivere desijt, Præsul in omnes partes optimus, ac memoriâ aternâ dignus, atq; à Deo datus Societati, collocandæ & educandæ in Gallijs. Triâ Collegia Societati fundavit munificentissimè, temporibus difficillimis (quando scilicet illa, in suis initijs, nondum satis cognita, pro inutili, imò noxia habebatur) Billomense, Mauriacense, & Parisiense; quod regiâ sua munificentia gloriosè consummavit Ludovicus Magnus, Rex Christianissimus, *Sacchin: hist. Sec. p. 2. lib. 4. n. 92.*

*Eodem die obierunt.*

*Prepara in-  
fante P. Man-  
serius.*

3. Sassari in Sardinia, anno 1635, P. Joannes Andreas Manconius, Sardinus, excellenti virtute, & prædicandi gratiâ celebris. DEiparæ V. cultui addictissimus, ejus aspectu multoties est honoratus, sed passim se illi sub Cruce spectandam obtulit. Semel tamen, cum ille vexaretur importuna cujusdam sceminae specie, identidem sese ingerente, ideog; mæsto esset animo: Cæli Regina, comitantibus SS. Catharina, atq; Cæcilia, admirabili pulchritudine & splendore conspicuam se illi objecit, dixitque: *Vide, an pulchritudo, qua corruptitur, cum hac possit ulla ex parte comparari?* Ante mortem rogatus, ecquid illi maximo esset solatio in eo articulo? Quod, inquit, nullam consolationem ipse mihi unquam indulsit.

*Leopoldus vi-  
ra.*

4. Leodii in Germania, anno 1634, Rudolphus Russellus, Anglus, scholasticus, vitæ innocentiam nullâ gravi noxâ temeratum, ut insigni virtutum apparatu ornaret, præter accuratam legum custodiam, duobus hisce usus est adminiculis. Nullam temporis particulam sibi elabi sine fructu sinebat; nec adamantinum suum decretum colloquendi semper de rebus pijs, unquam violavit.

*6. Hic*



1. Hispali in Hispania, anno 1547, Joannes de Soria Coadjutor, Hispanus, concione audita sanctius, relicta mercatura & sponsa Societatem ingressus, semper in illa religiosè vixit, maximè postquam à gravi morbo per S. Ignatium miraculo est liberatus. Nullum diem elabi sinebat, quin regulis, bis quotidie consideratè legendis aliquid temporis impenderet. Voto se obligavit, ad vitandum quodvis deliberatum veniale peccatum: Sabbatho totius hebdomadæ defectus confessione expiabat, quàmvis id aliquoties per hebdomadam egisset, & veniâ gauderet, etiam quotidie communicandi.

*Confessio frequens.*

## XXIV. OCTOBRIS.

1. **T**aurini in Pedemontio anno 1568 apertæ sunt Scholæ, magna exultantium civium gratulatione & commoditate; post erectum anno præterito Collegium, non sine specialis Providentiæ divinæ argumentis. Templo illata sunt solemnissima pompâ, quinque Sanctorum corpora, è quibus tria fuerunt SS. Martyrum è legione Thebæorum, Solutoris, Adventoris & Octavij; quartum Sanctæ Julianæ Virginis, quæ prædictorum Martyrum collegit, servavitque reliquias; quintum S. Gussolini Abbatis ad S. Solutorem, qui virtutis excellentiâ famam Sanctitatis meruerat, Scholæ & Collegio præfuit primus Rector P. Jacobus Acosta, quem celebrem fecit victoria de duobus Hugonottis reportata. Primus in arenam descendere præsumpsit discipulus; qui facili negotio subactus est. Discipuli ignominiam suam ratus magister, ipsum se congressurum denunciavit, ac Taurinensibus & Iesuitæ ostensurum: quid intersit inter discipulum & magistrum. Et erat literaturâ suorum non mediocriter tinctus, nec ulli cedebat audaciâ & verborum profluvio. Postridie commissum publicè certamen; tres horas tenuit. Ter ita victus hæreticus: ut tanquam intercluso spiritu, non posset hincere; & quisque videret, profligatum esse. Ad extremum pudore suffusus, quàmvis in fronte admodum perfricta, ita discessit: ut diceret, conventurum se Acostam privatim. At comparuit nunquam, & petulantem illi linguam infamia egregiè frenavit. *Sacchin. hist. Soc. p. 3. lib. 3. num. 116. & n. 173. & p. 4. lib. 3. n. 67.*

*Taurinensis schola.*

*Certamen cum Hugonottis.*

*Eodem die obierunt.*

2. Conimbricæ in Lusitania, anno 1604, P. Hieronymus Carvassus, Lusitanus, Orationi sex quotidie horas dabat, & genua centies submittebat. Paupertatem tam tenerè coluit: ut in ejus veste curiosus quispiam nonaginta numerârit assutos centones. Sollicitus aliquando de penis Purgatorii tolerandis, vidit apparentem sibi Virginem DEiparam, audivitque dicentem: Metum poneret; se non solum in hac vita, sed etiam in Purgatorio gementium esse Advocatam. Cum 45 esset annorum scripsit: sibi adhuc quindecim superesse annos vitæ: atque ita evenit.

*DEipara Pater trona in Purgatorio.*

3. Rhotomagi in Gallia, anno 1626, P. Joannes le Sec, Gallus, Charitate ac zelo



*Mors praevisa*

zelo praestanti, caput suum his in obsequium pestiferorum devovit. DEipara cultui addictissimus, assidue illam sollicitabat: ut cui ipsa ad Societatem aditum aperuisset, etiam perseverantiam impetraret. Exercitia spiritualia inchoaturus, dixit extrema sibi futura, & diem obitus, qui ita evenit, nominavit.

*Victima charitatis.*

4. Murciae in Hispania anno 1558 P. Marcus Antonius Fontova, Hispanus. Vices agebat Praepositi Provinciae Aragoniae, qui in Urbem profectus fuerat: sed cum lues contagiosa quasdam Hispaniae partes corripuisset, heroico charitatis obsequio se ipsum immolavit, ceciditq; charitatis victima cum Sociis duobus. Valentiae eodem anno ex eadem causa occubuerunt Coadjutores duo, plures Barcinone cum Rectore suo P. Joanne Gestis; Anno sequente Murciae P. Gaspar Lopez; Anno 1560 Gandiae extincti quatuor eodem charitatis igne.

*Mutatio affectus erga Societatem.*

5. P. Michael Turrianus, Complutensis Academiae rector, antequam Societati nomen daret, ab eadem Romam missus ad propugnanda sibi ejus jura. Romae cum degeret occursum aspectumq; nostrorum hominum ita refugiebat, ut ne sustineret quidem in sermone mentionem de illis fieri, malevolorum obtreptionibus circumventus. Itaque vix Joannes de Vega, Orator Catholici Regis ab eo exoravit, ut ipsum P. Salmeron obiter, noctu, secretis in aedibus, conveniret. Multis precibus ab eo obtinuit P. Salmeron, ut idem beneficium praestaret Ignatio Venit in conditum pomerii locum Turrianus oratione meditata contra Ignatium, tanquam certissimum praestigiatores, munitus. Quem ubi conspexit Ignatius, & comiter, ut solent, salutavit; ille perculsus aspectu viri, ejus comitate, atq; adeo *Servum qui loquebatur*, victus, fuit in amplexum, & desine inquit, plura; tuus sum, quid me jubes facere? Post quadriennium susceptus ad Societatem, cum S. Ignatius pupillam oculi sui vocitabat. Ejusdem nomen S. Borgias in libro vitae scriptum vidisse fertur. Cum patetide laboraret, ac lapsus humor in guttur, cibi & vocis meatum intercluderet, quo die migravit e vita, constitit humoris fluxus, ac liberis apertasq; fauces tandem reliquit dum sacro viatico resiceretur, quo pie & religiose sumpto, iterum occluso guttore est oppressus anno 1573 aetatis suae 81. *Juven. 779.*

## XXV. OCTOBRIS.

*S. Xaverius scribit ad P. Barzæum.*

1. **A** Nno 1552 Epistolam dedit S. Xaverius ex Sanciano Sinarum insula ad P. Gasparem Barzæum, Goani Collegij Rectorem, Virum funditus Sanctum & Apostolicum. Inter cetera, Memento, inquit, quae apud te reliqui praecepta, lectitare, atq; observare sedulo: maxime vero illa, quae ad submissionem animi pertinent, in quibus jubebam te exerceri quotidie. Vide etiam atq; etiam; ne circumspiciens ea, quae DEUS per te ac Socios universos effecit, obliviscaris tui. Mihi vero pro mea erga vos omnes charitate, pergratum esset, vos una cum animis vestris considerare; quam multa DEUS vestro vitio facere omittat: atq; haec malim vos intueri, quam quantas res per vos DEUS faciat. Nam prior cogitatio pudorem, ac demissionem animi afferet vobis, vestrae imbecillitatis miseriaeque; admonitis; posterior

sterior  
alienis  
quam n  
Societa

ep. 14.

2.  
N. cultu  
quam or  
cubicul  
lam voc  
cum Co  
Sommum

3.  
cere per  
An som  
persolve  
non dal  
collegi  
illudve  
ob me  
pietatis

4.  
pus. Per  
egit, ci  
dum, N  
versaba

5. **A**  
praeipu  
Anglia  
colligeb  
dos. St  
Collegi  
glican  
Ecclesie  
adole  
Kole



sterior autem facile in elationis & arrogantiae discrimen adducet, nixos alienis bonis, præclarisq; facinoribus, hoc est, Divinis. Circumspice, quæso quàm multis hæc perversa cogitatio periculum crearit: quàm exitialis hæc Societati pestis, si semel in ea serpere coeperit, sit futura. *Epist. Vet. lib. 4. ep. 14.*

*Eodem die obierunt.*

2. Nati in Italia, anno 1637. P. Michæel Montaltus, Italus, eximius DEiparæ V. cultor. Festa ejus præveniebat jejunio, pane & aquâ definito, & insomni nocte, quam orando & pia legendo transigebat. Ipsi festis diebus, eam quam è charta in cubiculo habebat, DEiparæ imaginem floribus adornabat, atque coram ea Formulam votorum Societatis, & alteram se illi devovendi, renovabat. A carnibus, etiam cum Concionatorem ageret, abstinebat, plerumq; pane cibario, & aquâ contentus; somnum non in lecto, sed in sella, pallio obvolutus, capiebat.

*DEiparæ cultor.*

3. In Brasilia, anno 1645, P. Antonius de Mattos, Lusitanus. Hollandico carcere per biennium maceratus, opinionem sanctitatis inde extulit. Cum valeret, noctu somnum capiebat stans, & baculo innixus, ut facilius excitaretur ad laudem DEO persolvendam. Cum Collegia vel Provinciam regeret; responsum ad interrogata non dabat prius, quàm conjectis in Crucifixum, vel humi defixis oculis, animum collegisset. Quibusdam preces ejus expetentibus, dixit: facturum se; sed ipsi hoc illudve occultum peccatum caverent. Quendam mari se committere non audentem ob metum piratarum, monuit: ut certa peccata occulta expiaret, & certa quædam pietatis officia obiret; sic securum navigaturum. atq; ita evenit.

*Notitia secretorum.*

4. Landspergæ in Germania, anno 1636, Magnus Angerer, Coadjutor, Germanus. Per annos 22, magno impigritatis exemplo, pistorem, hortulanum, & omnia eggit, citra ullum laboris tedium, citra ullum pietatis detrimentum. Inter laborandum, Marianum Rosarium mordicus ore tenebat, manibus occupatis, dentibus illud versabat, & lingua DEiparam salutabat, rarâ industriâ.

*DEiparæ cultor.*

XXVI. OCTOBRIS.

1. **A** Nno 1578 supplicem epistolam dedit ad Præpositum Generalem, Euerardum Mercurianum, Guilielmus Alanus, Sacerdos pijssimus è præcipua nobilitate Anglicana: qui orta persecutione Catholicorum in Angliâ, recepit se in Belgium, & profugos ex Angliâ juvenes Catholicos colligebat in Seminarium quoddam Duaci, piorum eleemosynis sustentandos. Suasum subinde Gregorio XIII Pontifici Max. ut simile Anglicanum Collegium institueret in Urbe, futurum columnen collabentis Ecclesiæ Anglicanæ. Pontifex, ut erat in omnem occasionem juvandæ & propagandæ Ecclesiæ intentissimus, erexit novum Seminarium, facileq; collecti sunt adolescentes Angli non pauci, quibus præpositus est Mauritius quidam Kolenocius, adjuncti duo è Societate, qui administrationis ac disciplinæ

Ggg

domo-



domesticae formam praescriberent, ac in usum deducerent. Illecti adolescentes humilitate & comitate nostrorum, optabant, ipsos praefici Seminario; quod etiam visum est Alano: ideoq; honorificas supplicesq; dedit literas ad Everardum Generalem; ut Societas ejus Seminarij susciperet gubernationem. Renuit Everardus graves ob causas: sed cum juvenes non contenti Praefecto suo: eo descendissent, ut maluerint deserere Seminarium: Pontifex revocatos quiescere jussit, curamq; & administrationem omnem Societati demandavit. Et favit Pontificiae dispositioni, ac Societatis curis, DEUS; dando tam felicia domui illi incrementa; ut plurimos tum piissimos Confessores, tum fortissimos Martyres aluerit, alatq; etiamnum. *Sacchin. hist. Soc. p. 4. lib. 7. n. 10 & seqq.*

*Eodem die obierunt.*

*Ecclesiastes ex-  
cellens.*

2. Toleti in Hispania, anno 1584, P. Franciscus Strada, Hispanus, Ecclesiastes tanti spiritus, ut ei vix parem habuerit Societas. Incredibili vi dicendi percellebat, contenebat, & in quam vellet partem flecebat corda, etiam juvenis, nondum Sacerdos, nec sublimiore literaturâ tinctus. Concionibus suis, & S. P. N. Exercitiis scitissimè traditis, velut duplici quodam Eliæ Spiritu, concussit Italiam, Belgium, Galliam, Lusitaniam & Hispaniam; odia internecina inter cives & civitates composuit, religiofas domos asecetis implevit, Societati complura Collegia crexit. Rogatus à P. Ribadeneira; unde illi esset ea vis in dicendo; ingenuè respondit: sibi inter dicendum, radium quendam & impulsam caelitus illabi, quo totis praecordiis intimè commoveretur. Labori & orationi intentus, modicum dabat somno: & expertus est, sibi dormienti à DEO infusam tantam homiliarum Divi Chrysostomi peritiam: ut illo licet antea nunquam lecto, ita concionaretur, ac si totum absumpsisset. Tantus cum esset, indignum tamen Societatis instrumentum semper & animitus se reputabat.

*S. Ignatius ap-  
paret P. Kesselio.*

3. Coloniae in Germania anno 1574, P. Leonardus Kesselius, Belga, P. Francisci Stradae concionibus Societati genitus, Vir potens docendo & agendo, praesertim in Colonia Agripina ab haeresi servanda. Cum ibidem peste infectis serviret, non animas tantum, sed corpora quoq; divinitus curabat: ut passim diceretur: quot quot Kesselio sua peccata aperirent, protinus convalescere, & vitam instituere magis probam. Incredibili tenebatur desiderio, S. Patrem, tunc adhuc supersitem, videndi & alloquendi, ideoq; petiit Romam eundi veniam. Sed S. Pater piis ejus votis cumulatè annuens, Coloniae se illi videndum miraculosè praebuit.

*Victima fidei.*

4. Nangasachi in Japonia, anno 1633, P. Antonius de Sousa, Lusitanus, odio fidei primo exilium perpeffus, deinde redux in Japoniam, aquae in os infusae & violenter expressae tormento cruciatus, demum in fossam capite deorsum suspensus, octavo die gravem illum agonem feliciter consummavit.

*Pietas doctrinae  
puncta.*

5. Romae anno 1556 P. Andreas Frusius, Gallus, non minus vitae probitate, quam doctrinae laude spectatissimus, adeo: ut illum S. Ignatius aliq; Angelo simillimum judicarent. Linguarum Latinae, Graecae, Hebraicae orat peritissimus, Theologus, jurisperitus, Medicus, Mathematicus insignis, praestans Musicus, praclarus

Orator.



Orator, Pòeta summus & omnino Extemporaneus. Exercitia Spirituaria S. Patris ex Hispanico Latine interpretatus est, isq; liber primus è Societatis lucubrationibus, typis prodiit in lucem, *Sourvell. in bibl. Soc.*

## XXVII. OCTOBRIS.

1. **G** Oa in India, anno 1578, sollemnis celebratus est Baptismus. Sacro fonte abluta est Neptis Mealis regis ad quem regnum Idalcans de jure pertinebat. Eodem die post meridiem Rudolphus Aquaviya viginti catechumenos lustralibus aquis tinxit: inter quos fuit vir Maurus genere, qui nullius hominis suasu, ex Balegate venit, baptizari petens, & quidem sine mora; quod diceret, se nescire, quando esset moriturus. Factum satis pio desiderio. Ecce autem statim à baptismo tanto sanguinis profluvio soluta illi est narium vena; ut anima corpore soluta, tempore eodem & militantem & triumphantem ingressa sit Ecclesiam, DEO divitias bonitatis suae mirabiliter spargente, *Sacchin; hist. Soc. p. 4. lib. 6. p. 228.*

*Mors senis statim post baptismum.*

*Eodem die obierunt.*

2. Valentiae in Hispania anno 1615, P. Petrus Bellidus, Hispanus. Orationi praeter horam ordinariam duas alias dabat mane, vespere tot, quot obedientia & ratio officii permittebat. Incipiebat Meditationem à Christi Passione, deinde ad attributa divina mentem erigebat, deniq; voluntatem suam divinae mactabat, in holocaustum; visus ab oratione prodire toto vultu radiis illustri. Multos monuit de rebus secretissimis. Sub mortem dicente quodam: *sursum corda;* respondit: Jam est ibi. Persona quaedam sanctitatis opinione illustris, cum rogasset Dominum: An omnes nostri qui in eo Collegio debebant, salvi essent futuri, & an cum Purgatorio? Responsum accepit: Salvandos omnes, sed tres tantum sine Purgatorio, inter quos Pater Bellidus. Hoc cum Patri Petro sub mortem referret superior, laetus subjunxit: Gloria Patri & Filio & Spiritui S. & felix decessit.

*Oratio officaria.*

*Salus sine purgatorio.*

3. Burdigalae in Gallia anno 1620, P. Guilielmus Bailius, Gallus. Mirabili instructus erat vi ad agendum cum haereticis ita, ut pauci cum illo agentes, abierint non conversi. Vocatus ad aegros disponendos ad mortem, antequam domo prodiret, inclementer se pro illis caedebat. Ad pulpitem sacrum non ascendebat, nisi acri flagellatione praemissa, cilicio indutus, & lingua per aquam lustralem expiata. Santonas Calvinii erroribus infectissimos, eo purgavit studio: ut à S. Eutropii, Santonum Apostoli, temporibus, nullus visus sit, ita Religionis negotium promovisse. Magorum, sagarumq; artes tam solerter deprehendebat: ut nunquam aberraret. In Sacrificio divino, cum Venerabilem hostiam communicaturus manu tenebat: Da mihi, aiebat, Domine Jesu animas, pro quibus victima factus es salutaris. Zelo animarum, & celebritate nominis sui eo devenit: ut velut proverbio appellarentur *Bailij* qui in eo genere maxime strenni essent. *Sourvell. in bibl. Soc.*

*Preparatio ad conciones.*

4. Romae anno 1705 P. Thyrsus Gonzalez, Praepositus Generalis, Hispanus. Societati praefuit annis 18; communi judicio & fama, etiam Curiae Romanae, Vir Sanctus



ctus & Doctissimus. Societatem gubernavit juxta Institutum rigorem; accuratus in manere suo humanorum negligens respectum, in adversis fortis & constans.

## XXVIII. OCTOBRIS.

Collegium Germanicum Romanum.

1. **N**atalis est hic dies Collegij Germanici in Urbe, S. Ignatii zelo & cura primum conditi. Cœptum est nobilissimum hoc opus sub Julio III Pontifice, suadente Cardinale Morono, qui Nuncium Apostolicum in Germania egerat; operam verò, curam & dexteritatem omnem impendente Ignatio. Nullum enim visum est præsenti subsidium ad juvandam inclytam Nationem Germanam; ab hæresi fere oppressam: quàm si in ipsa Roma, velut sinu Magistræ gentium, educarentur & bonis literis moribusq; formarentur juvenes Germani, qui doctrinâ sanâ & zelo Apostolico patriæ subvenirent. Collecti sunt initio juvenes quatuor supra viginti, quibus à Pontifice jussus est S. Pater scribere leges vivendi & studendi, totamq; Domum per suos gubernare. Sumptus necessarios benignè suppeditabat Pontificis & quorundam Cardinalium liberalitas. Sed brevè factum est, ut tam præclarè cœpta penè conciderent; sublato è vivis Julio Pontifice. Paulus enim Quartus, orto inter ipsum & Imperatorem bello, subsidia consueta subtraxit; Cardinalium quoq; largitiones in publicam nonæ caritate desinebant: nec deerant ex ipsismet, qui Ignatio suaderent ejus Collegij dissolutionem temporibus tam iniquis. At illi mens fuit alia, tamq; generosa; ut Cardinali Augustano reposuerit: *Subtrahant se omnes, quos ea cura gravat; sustinebo solus, etiamsi me venundari propterea opereretur.* Et sustinuit, juvante DEO. Juvenum enim, jam non paucis auctorum, partem amandavit ad varia Collegia nostra extra urbem, partem in urbe detinuit suisq; impensis aluit, etiam cum res satis angustæ domi essent. Prospiciebat enim divinitus edoctus, fore tempus; quo id Collegium, ut numero personarum, ita reddituum copia abundaret, cresceretq; in summam Ecclesiæ Germanæ utilitatem, hæreseos autem ruinam. *Barcolus in Vita S. Ign. lib. 4. n. 18. Orland. bist. Soc. p. 1. lib. 12. n. 8.*

S. Borgia Nativitas.

2. In Hispania splendidum Societati, imò universæ Ecclesiæ ortum est lumen, nascente, anno 1570, S. Francisco Borgia, primogenito Joannis Ducis Gandiæ, futuro Societatis Præposito Generali Tertio. *Sacchin. bist. Soc. p. 3. lib. 8. num. 37.*

B. Kostka susceptus ad Novitium.

3. Romæ anno 1568, B. Stanislaus Kostka, postquam à laboriosissimo itinere, per aliquot dies est refectus, die SS. Apostolis Simoni & Judæ Sacro, Tyronibus Societatis in Domo Professa est aggregatus. *Sacchin. bist. Soc. p. 3. lib. 4. n. 62.*

4. Ibi



4. Ibidem anno 1604 habita est coram Clemente VIII Congregatio & disputatio 33. de Auxilijs Gratia. Voluit Pontifex disputari de Scientia Media; quaesitumq; *An S. Augustinus, ante absolutum Decretum Divinae voluntatis, agnoverit, dari in DEO Cognitionem certam & infallibilem conringibilium, dependentium à causa libera: qualem Molina Dēo per Scientiam. Mediam tribuit?* Affirmativè respondit P. Bastida, latèq; probavit ex Sacris literis & S. Augustino. *Eluther. hist. de Aux. lib. 5. cap. 43.*

*Cognitio conringibilium.*

5. Anno 1707 Pontifex Max: Clemens XI epistolam dedit ad M. Duem, seu Czarum Moschoviæ Petrum Alexewicium, qua significat: multum solatij se cepisse, ubi ejus Ablegatus declaravit: ipsum constituisse, Catholicis per universas ditiones suas liberum & publicum concedere Religionis suæ exercitium; insuper fundare Conventum PP. Capucinis, & Collegium PP. Societatis JESU, ad erudiendam bonis literis, moribusq; probis juventutem; *quod consilium, inquit, magnam profectò populis tuis utilitatem est allaturum:* deniq; Missionarijs Chinenſibus liberum permittere passum per terras sibi subjectas. *Ex literis Romæ datis.*

*Littera Pontificis ad Czarum Moschoviæ.*

*Eodem die obierunt.*

6. In India Orientali anno 1568. P. Franciscus Lopez, Lusitanus. Post multos animarum causâ exantlatos labores, cum Cocino Goam navigaret, à Mauris comprehensus, & multum diuq; sollicitatus est; ut ad Mahometem deficeret, Execranti impium facinus, hasta in pectus adacta, caput acinace fissum, corpus in mare projectum.

*Victima fidei.*

7. In mari anno 1596, P. Georgius Vallier, & P. Franciscus Rosillus, Hispani. Cum exercitu Martini de Padilla in Angliam navigare jussi, horrida tempestate noctu involuti sunt. Deficiente evadendi spe, Patres omni, qua poterant, ope juvabant perituros, donec ipsi quoq; haurirentur. Pauci, qui variâ industriâ evaserunt, testati sunt: in densissimis illis tenebris, in quibus alter alterum videre non poterat, Patrum circumcursantium, & Christi Crucifixi imaginem circumferentium, vultus tanto splendore fulsisse, acsi meridiano sole illustrarentur.

*Lux involuta.*

8. Mexici in America anno 1572 P. Franciscus Bazanus, Hispanus. Indias expetiit, ut experimento probaret, quemadmodum ipse ajebat, an arbor inutilis cōtranslata aliquid boni, fructus sit allatura. In Societate, sedulo splendorem familiæ Marchionum S. Crucis, & ingenium doctrinamq; occultavit, delituitq; per 5 annos sub Francisci Aranæ nomine, inter labores domesticos sedulus & modestissimus Coadjutor. Re postea compertâ, studiis iterum est applicatus, & sacris Ordinibus initiatus transmissit in Americam, tam in itinere, quàm regione illa, insignia præbens Viri Apostolici argumenta.

*humilitas.*



*Liber exercitiorum vindicatur*

1. Anno 1645 Congregatio Lusitana PP. Benedictinorum, secuta exemplum Congregationis primariæ Cassinensis, Exercitiorum Spiritualium libellum vindicavit S. Ignatio; declaravitq; eum non esse à quopiam Benedictino monacho, ut recens quidam Historiæ Benedictinæ author perperam scripserat, compositum. Quam suam Sententiam publico Decreto firmatam, communicavit hoc die Societati. *Barthol. in Vita S. Ign. lib. 1. n. 21.*

*Academia Vilnensis instituitur*

2. Vilnæ in Lityania anno 1579 in Collegio Societatis per Valerianum Episcopum fundato, Studium Generale, seu Academiam & Universitatem Scientiarum, bonarumq; Artium, instituit Gregorius XIII, à Societate in omnibus ac per omnia, moderandam ac gubernandam illiq; Privilegia quarumvis aliarum universitatum gratiosè concessit, *Bullar. Cherub. Constit. 102 Greg. XIII. incip. dum attenta &c.*

*Charitas & naufragium duorum à nostris.*

3. In litore Malabarico P. Antonius Abrerus vela faciebat cum P. Bernardino Senensi. Orta subito Cocinum inter & Culanum hac die 1611 fœda tempestas classem sex navigijs majoribus & alijs minoribus bene multis constantem & Aliaticis onustam mercibus fregit. P. Abrerus ducentos Ethnicos, nullis ante monitis & adhortationibus victos, ad Sacrum baptismum perduxit. P. Bernardinus milites omnes, quorum ingens erat numerus, salutari confessione expiavit, neq; suæ prius vitæ consulere spsiit, quàm eorum salutem sempiternam in tuto collocasset. Eversa demum naui jactabatur undis, cùm ad B. Ignatium ore animoq; conversus, cernit oblatam ex improvise adnatam trabem. Huic se applicat, perq; iratos fluctus diu jactatus ad litoris cautes ejicitur. Exciuerat indigenas procellæ fragor & prædæ spes. Ab ijs haud dubiè spoliandus & necandus Ignatium rursus appellat, cujus ope mitigata barbarorum feritas incolumem accepit ad litus. Servatam superùm beneficio vitam dolor propemodum ademit. Paululum in litore processerat, cùm incidit in cadaver Socii charissimi P. Antonii Abreri. Triste ac dulce onus moerens ad PP. Franciscanos deportavit, quorum in æde sacra sepultum est. *Juvençius fol. 486.*

*B. Ignatii ore unus e naufragio liberatur.*

*Eodem die obierunt.*

4. In Japonia prope Fuximam anno 1633, P. Matthæus de Couros, Lusitanus, vir verè Apostolicus, tam in agendo, quàm patiando. Ecclesiam illam non solum excoluit maximis laboribus, ut Missionarius: sed etiam pro Episcopo gubernavit annis 2

ans 9. Sc  
tis, &  
bus in  
illus Ecol  
tur: ut in  
as, & alia  
per mens  
bra, qua  
tot vitæ  
veteribus  
se siltire;  
sum. Mox  
prosum, it  
nis fractus  
5. An  
lues conta  
nus è 17 h  
sublati su

1. G  
Ordin  
2.  
Lectio  
pit P. Ro  
nij ac  
peritiam  
ticipis exp  
ut non se  
versiarum  
in Vita  
3. I  
patum ef  
pro ea ta  
iplo dare  
Magist  
rent, ex  
US ill  
bandia



ais 9. Societati Japonicæ bis præfuit Præpositus Provincialis, temporibus difficillimis, & ardente persecutione. Admiranda sunt divinæ Provinciæ argumenta, quibus inter summa & assidua pericula famulum suum protexit, ad solatium afflictæ illius Ecclesiæ. Jam per montium inaccesorum juga, per sylvas & vepreta vagabatur: ut instantes falleret exploratores; jam flumina & maria pererrabat, jam per alias, & alias provincias irrequietus cursitabat. Aliquando in cæca subterranea specu per menses octo commoratus est; subinde satellites fugiens, in arcta delituit latebra, qualem memoratur S. Felix subiisse, araneo opere repente prætextam. Inter tot vitæ discrimina, & quotidianas mortes tabescens, decrevit tandem indulgere veteribus desideriis, quibus actus fuit in Japoniam, & Meacensi Magistratui ultro se sistere; si fortè placeret DEO, ut inter flammæ peteret cælum. Sed aliter DEO visum. Mox adfuit quispiam, qui evocatum P. Matthæum adjuvandum hominem leprosum, in semoto mapali degentem, ex urbe deduxit ad agrum: ubi ipsemet, ærumnis fractus placidè exspiravit, Japonicæ suæ expeditionis anno 43. *Soutvell. in bibl. Soc.*

5. Antverpiæ in Belgio anno 1625, cum in populum magna strage grassaretur lues contagiosa, hoc die gloriosè occubuit Thomas Verleyn Belga, Coadjutor, unus è 15 heroibus, qui in ea urbe sub vexillo charitatis meruerunt, & felici clade sublati sunt.

*Missionarius  
Laboriosus.*

*Victima chari-  
tatis.*

### XXX. OCTOBRIS.

1. **G**regorius XIII anno 1576 confirmavit, extenditq; Privilegium Societatis, ædificandi & habitandi ubiq; etiam intra cannas aliorum Ordinum. *Bullar. Soc. Constit. incip. Salvatoris Domini nostri &c.*

*Privilegium pro  
habitatione  
nostrorum.*

2. Institutam in Collegio Romano, recenter fundato à Gregorio XIII Lectionem de Controversiis fidei, primus hoc die, anno 1576 tradere coepit P. Robertus Bellarminus, aptissimus ad id muneris visus, tum ob ingenij ac eruditionis excellentiam, tum ob linguarum Græcæ & Hebraicæ peritiam, & comparatam septennio Lovanii in Belgio, agendi cum hæreticis experientiam. Nec sefellit opinionem de se conceptam. Ita rem egit; ut non solum quotidianis lectionibus satisfaceret: sed pro vastis Controversiarum suarum Voluminibus multam coacervaret materiam. *Petrassani in Vita lib. 2. cap. 5.*

*P. Bellarminus  
incipit docere  
Controversias.*

3. In Valle Tellina Collegium recenter inchoatum, anno 1560 dissipatum est à Grisonibus, seu Rhœtis, Vallis dominis, hæresi jam infectis, ac pro ea tam ardentè zelantibus: ut si alicubi vel unus esset Lutheranus, pro ipso daretur prædicans, atq; ex publico aleretur. Socij, quàmvis sub titulo Magistrorum tantum, essent ingressi, & à Concionibus publicis abstinerent, exturbati. Sed dum in una valle Societatem non tolerat Satan: DEUS illi aditum, stabilemq; possessionem aperuit in pluribus vicinæ Sabaudia, imò in tota ditione Ducis Sabaudij per Antonium Possavinum.

*à Rhœtis nostris  
expelluntur.*



non pridem Societati aggregatum. *Sacchin. hist. Soc. p. 2. lib. 4. num. 56. 57. e.*  
*Eodem die obierunt.*

*Honor. ex car-  
cere.*

4. Moguntia in Germania anno 1620, P. Joannes Sylvorstius, Belga. Groenii-  
 ga Catholicis operam praclaram praestitit, non minore fructu, quam labore. Ab  
 haereticis igitur raptus in vincula, visus eminus carcere, progubens in genua, gra-  
 tias DEo retulit pro tanto honore. Pro tribunali fidenter respondit: se non minus  
 ausum isthuc venire ad haereticos convertendos, quam ipsi sunt ausi Antverpiam ire  
 pro Catholicis pervertendis. In periculis & angustiis, magnam fiduciam DEo dicere so-  
 lebat: *Tuus sum ego: saluum me fac.*

*Libertas in lo-  
quendo.*

5. Posonii in Hungaria, anno 1634, P. Georgius Kaldi, Hungarus, vir acris in-  
 genii, eloquentiae & virtutis. Multa egregie dixit ac scripsit contra haereticos. Biblia  
 sacra ab illis depravata, restituit integritati suae, & Hungarico idiomate edidit. Ga-  
 brielem Bethlehemum, Transilvaniae principem victoriis insolentem, palam Tyrna-  
 viae corripuit: quod tot millia Christianorum Turcis prodidisset. Ea propter ex-  
 trema illi timebantur: sed ea libertate majorem ab eo principe retulit aestimatio-  
 nem & honorem, donatus etiam luculento pecuniae subsidio, pro Bibliorum sacro-  
 rum impressione.

*Radius ab Eu-  
charistia.*

6. Caltagiroriae anno 1622, P. Franciscus Earlia, Italus. Licentius vivens in sa-  
 culo, cum forte occurrisset Venerabili Eucharistiae, quae per plateam deferrebat,  
 erumpens inde radius, ita hominem perstrinxit, mutavitque: ut subito in alium mu-  
 tatus, ad Societatem se receperit, & plures exemplo suo ad frugem reduxerit. E-  
 ximius deinceps fuit in cultu ejusdem SS. Eucharistiae ac potissimum in iteranda cre-  
 brius communione spiritali: & dignabatur illum subinde DEus caelestibus visis &  
 solatiis, sapore quoque & odore admirando in usu ejusdem Sacramenti.

### XXXI. OCTOBRIS.

*P. Matthaei  
Ricci mortuus  
idola subver-  
sit.*

1. **P**ostquam Pechini apud Sinas, post obitum P. Matthaei Riccii, viri A-  
 postolici, & quasi Parentis Ecclesiae Sinensis, multo labore, & sin-  
 gulari Imperatoris gratia, Villam suburbanam, valde opportunam, pro  
 ejusdem sepultura compararunt Socii (non enim licet in urbibus sepelire  
 defunctos) delatum est illuc defuncti corpus, non ea pompa, qua Sinæ  
 utuntur, & est triumpho, quam funeri similior; sed eo apparatu, qui Chri-  
 stianos & Religiosam modestiam decebat: solemnibus vero exequiis di-  
 sta dies prima Novembris. Interim tumulo paratus est locus, divinoque  
 consilio factum: ut qui per universam vitam expugnarat idola, mortu-  
 us ea secum sepeliret. Erat in ea Villa aedificium non inelegans, in cujus  
 aula primaria ara consurgebat ingens e lapide; cui insidebat monstrum  
 grande, à capite ad calcem inauratum (quod Sinæ *Ticam* vocant, atque  
 telluri thesaurisque praesse fabulantur) in capite coronam, manu sce-  
 pitum gestans. Plutonem veterum gentilium Europæorum referebat. In

utroque



utroq; pariete picti videbantur decem Inferni principes, qui reorum scelera cognoscentes, ad meritas damnabant poenas. Ante eos stabant demones, multo terribiliores, quam nos pingimus, variis poenarum instrumentorum signis instructi, atq; horribiles. Damnatorum quoq; supplicia ita representabantur, ut spectantibus horrorem incuterent; nam alii in lecticis ferreis torrebantur, alii ferventi oleo coquebantur, alii in frustra discerpebantur, alii medii secabantur, alii a canibus lacerabantur &c. Ceterum hæc inferorum terribilissima demon ita composuit: ut non solum sceleratos non coercerent, sed incitarent. Facillimum enim illa evadendi modum adstruebant: si nimirum certo ritu adoraretur idolum, & ministris ejus aliquid stipis offerretur. Idola igitur omnia dejecta, concremata & deleta; ara ipsa diruta, parietum in fano pictura calce incrustata est. Tum in recenter erecta decentiore ara elegans Salvatoris nostri imago hoc die collocata est; tumulus aptatus, in quo deponeretur defuncti corpus, & locus pro cimiterio designatus. *Trigantius in expeditione Sinensi lib. 5. cap. 21.*

*Eodem die obierunt.*

2. Corcagiæ in Hibernia anno 1604, Dominicus Colinus, Coadjutor, Hibernus. Olaro sacus genere, contra Sectarios Centurio militavit in Gallia, deinde in Hispania dux classarius per annos octo; semper & miles bonus & vir probus. In Societatem receptus, missus est in Hiberniam ad populares suos juvandos: ubi captus ab hæreticis, varieq; sollicitatus, ut ad eorum castra transiret; cum fortis in fide & religione peristeret, crudeliter tortus, & manibus post terga revinctis, in veste Societatis ad patibulum raptus est. Escalis gravissimè monuit Catholicos, ne spe, metûve, aliisq; hæreticorum artibus, sinerent se perverti. *Suspiciæ, inquiebat, in calum, & ipsam fidem, quam præclari majores vestri sunt professi, non degeneres perseveranter conservate. pro qua & ego nunc, ut videtis, mortem oppeto.* Mox deturbatus & excarnificatus est.

3. Majoricæ anno 1617, Alphonsus Rodriguez, Hispanus, notæ Sanctitatis Coadjutor, à Christo D. & ejus Matre Sanctissima tenerrimè dilectus, plurimiq; singularibus gratiis ornatus. Inviserunt aliquando ægrotantem, dirisq; doloribus cruciatum, atq; ad lectuli pedem confidentes, dulci colloquio recreârunt, ac persanârunt. Pîa simplicitate dixit aliquando: *O Mater Dei, si tantum me amares, quantum ego te!* Respondit illico DEipara: *Falleris, mi Alphonse: plus ego te amo, quàm tu me.* Aliàs cum Patris cujusdam comes fuisset, ac largo sudore madidus orationi instaret: DEipara V. sudorem illi lacrymasq; absterxisse, traditur. Multa illi arcana & futura revelata; & vix quidpiam erat, quod oratione non impetraret. Merebatur has celi gratias & solatia profundissima sui demissione, & acri mortificatione. Dire se flagellabat, jejuniis macerabat, cibos sale non condiebat, in omnem se afflictandi occasionem assidue intentus.

4. Lugduni in Gallia anno 1663, P. Theophylus Raynaudus, Gallus Niceensis.

h h h

Quanta



Doctrina jun-  
cta virtuti.

Quanta fuerit viri eruditio, patet tum ex 19 Tomis in folio, editis de materiis di-  
versissimis; tum ex elogiis, quibus eum honorarunt doctissimi, primæq; dignitatis  
Scriptores. Doctrinam tantum ornarunt non mediocria virtutum decora. Regula-  
rum religiosarum imprimis observans, cibi parvus, castimoniam tam studiosus: ut ne-  
cessaria cum mulieribus colloquia, verbis admodum paucis definiret. Vocationis suæ  
tenacissimus, etsi subinde nec adversa deessent, nec sollicitatores, qui magna & splen-  
dida promittebant extra Societatem: datam ei fidem, omnibus aliorum promissis ha-  
buit potiore. *Soutwell. in bibl. Soc.*

## I. NOVEMBRIS.

Privilegia So-  
cietatis.

1. **P**AULUS III Pont. Max. anno 1549 Privilegia plurima Societati largi-  
tus est ad melius regimen ejusdem & ministeria, per Constit. incip.  
*Licet debitum pastoralis officij &c.* Bullar. Societ.

P. Barzeg ex-  
temporaneus  
Orator.

2. In India cum Chiaulenses Christianos viseret P. Gaspar Barzæus,  
vir sanctitatis fama & zelo Apostolico clarus; occurrit venienti cum cle-  
ro populus, omittens, quos in eum festum diem adornarant, ludis canna-  
rum & taurorum; supplicantes, urgentq; ut de sacro pulpito audiri ne  
gravetur. Excusat ille, quod id sine Vicarii offensa fieri non possit. Sed  
tumultu à populo concitato, misit ipse Vicarius, petiitq; ut populo satis-  
faceret. Auditus est extemporaneus Orator, eo gustu: ut iterum audiri  
mereretur. Nondum finierat prandium, cum adfuit vir primarius, qui  
civitatis nomine institit: ut ne gravaretur iteratio famentem populum  
verbo DEI reficere, quandoquidem ejus præsentia diu frui non liceret.  
Vicario assentiente, ducitur in campum apertum, cum templum nullum  
capere auditorem. Ubi excitatum pulpitum conscendit, eo verborum pon-  
dere, & affectuum ardore dixit: ut vastum illud auditorium, plorantium  
fletu, & misericordiam poscentium clamore, assidue resonaret. Finita con-  
cione primores urbis flexo poplite, cum lacrymis obsecrarunt: ut S. Seba-  
stiani templum, & annum redditum pro fundatione Collegii admitteret.  
Sed festinanti ad alia de his tractare non licuit. *Bartolus Asiat. hist. lib. 5.  
num. 24.*

P. Ricci ex-  
temporaneus  
Orator.

3. Apud Sinas solemniter apparatu celebrata sunt exequia P. Matthæi  
Ricci, de quo heri. Quamvis enim Sanctis Omnibus festus esset is dies:  
quia tamen Sineses, etiam Christiani, solemnissime, & non lugubri pa-  
ratu, celebrant funera suorum; visum est magno illi Servo DEI id hono-  
ris non denegandum. Convenere Neophyti omnes, cereis suis suffitibus  
que instructi ad agendam celebritatem; Missa prima de Omnibus Sanctis,  
qua potuit, pompa, & Musicorum consensu, cantata est: ea peracta, Patris  
tumba



tumba è loco, ubi asservabatur, in ædem sacram delata, cœptumq; recitari Officium Defunctorum, cui altera Missa funebris successit, ac denique post solitos Ecclesiæ ritus, in preparato fornice Defuncti depositio, inter veras largasque Christianorum, præsertim Doctoris Pauli, unius è primariis Mandarinis, lacrymas, *Trigautius in Expedit. Sinensi lib. 5. cap. 21.*

*Eodem die obierunt.*

4. Ximabaræ in Japonia anno 1622, P. Petrus Paulus Navarrus, Italus, cum duobus Sociis Japonibus, Dionysio Fugixima, & Petro Onizucca, odio fidei combusti. Pro morte tam gloriosa paravit se P. Petrus præmissis Confessione generali, & Exercitiis S. Patris. Audita mortis sententiâ, Rosario è collo pendente, velut torquatus, cilicio insuper armatus, ivit ad rogum, Sociis præcinctis Litanias; cecideruntq; felices victimæ Fidei & Charitatis Christianæ.

5. Limæ in India Occidentali anno 1592, P. Joannes de Atienza, Hispanus. Inter orandum ardentius Vallisoleti, sentire sibi visus est humeris suis insidentem indum, atq; identidem flagitantem: *Veni & juva me: Veni & juva me.* Ivit sine tergiversatione, & viriliter jovit apud Peruanos, superatis gravibus difficultatibus magno animo, prudentiæ & zelo.

6. In Gallia prope Biterris anno 1629 P. Claudius à S. Columba, Gallus. Cui Venerabilis Sacramenti impensissimè addictus, singulis propè horis illud visitabat in Sacello domestico, ibiq; etiam noctes magna ex parte ducebat insomnes. Si aliquando sacris operari non posset, Communione Spirituali, ut vocant, centies repetita per diem, damnum compensare nitēbatur. Occubuit pestifera lue, quâ tactis in pago quodam operam præstitit indefessam.

7. Eodem in obsequio anno 1618 felicem & laboriosam animam posuit Duci P. Gerardus Vervianus postquam his de contagiosa morte triumphavit superstes,

## II NOVEMBRIS.

1. **A** Nno 1567 prima in Peruviam, Indiæ Occidentalis regionem, suscepta est à Societate expeditio, postulante, urgente, & sumptus omnes largè suppeditante Philippo II Rege Hispaniarum. Ante octiduum parata jam processione, ita Oceanus insolescere cœpit, ut ab inferorum satellitibus concitari videretur ad absterrendos Evangelij præcones. Sed viros fortes, præsertim in causa pia, non terrent, sed animant, pericula. Postquam Calendis Novembribus deferbuit mare, postridie vela data mitioribus jam ventis. Prospera fuit, nec infructuosa navigatio. Sociis veteres omnes, inter quos complures regij Ministri, ad eximiam modestiam & pietatem, componentibus. *Sacchin. hist. Soc. p. 3. lib. 3. n. 265.*

2. Romæ anno 1578 Prælectiones Theologicas exorsus est P. Franciscus Suarez, & quidem auspiciatissime. Ipsum enim Pontificem Max. Gregorium



gorium XIII Auditorem habere meruit primæ Lectionis suæ. Dedit id gratiæ Pontifex humanissimus, tum eminenti doctrinæ viri, quam famæ secundissima longè latèq; celebrabat; tum excitandæ aliorum Auditorum aviditati. Primo aspectu visus est Suarez quibusdam famæ suæ minor; quod annum secundum supra trigessimum nondum explèssent; at ubi audiri, atq; thesauros eruditionis suæ aperire cœpit, communi suffragio superasse famam, & Pontificem auditorem meruisse, est pronuntiatus. *Massejus in Vita cap. 8.*

*Patres Basilienses componuntur.*

3. Anno 1686 P. Carolus de Noyelle, Præpositus Generalis, literis datis ad P. Thomam Ujeyski, olim Episcopum Chijoviensem, amplas ei gratias egit, pro felici labore impenso conciliandis Patribus Ord. S. Basilij, cum Illustrissimo Russiæ Metropoli, qui compluribus annis dissidebant, nec vel Nunciorum Apostolicorum industria, nec Curie Romanæ auctoritate componi poterant. Commissum deniq; negotium ferè desperatum Patri Thomæ qui sua comitate, prudentiâ, & sanctimonie opinione ita partes circumegit: ut plenè & huic & illi fuerit satisfactum, & pax æternò decreto sancita. *Brieti in Vita cap. 41.*

*Eodem die obierunt.*

*Mortificationis vices supplet Deus.*

4. Duaci in Belgio anno 1609, P. Georgius Colibrant, Belga, afflictandi sui singulariter studiosus. Modum ponere iussus tot suis mortificationibus obedienter respondit; se quidem pariturum, sed DEum vices suas acturum, & suppleturum. Nec multum fluxit temporis, cum acerbissimis calculi doloribus cruciari cœpit. Familiare illi fuit hoc acroama: *Ad vitam æternam.* Ad hanc dirigebat, & trahebat omnia.

*Victima fidei.*

5. In Germania anno 1642, P. Laurentius Passokius, Silesius. Præclaræ operæ in castris Catholicis positæ insignie præmium tulit, mortem gloriosam. Cum enim tribuni cujusdam in Lipsiensis pugna vulnerati, confessionem exciperet; ab hoste hæretico victore deprehensus, interrogatus est, quis esset? dixit, se Sacerdotem esse Catholicum. Iussus MARIAM Virginem DEiparam execrari, non tantum renuit, sed in amplas ejus laudes erupit. Gladio igitur percussus, & glande plumbea trajectus, feliciter occubuit. In eadem acie, eodemq; opere deprehensus P. Matthæus Gramerus, Bohemus, simili nece sublatu, simili laurea donatus est.

*Humilitas.*

6. Granatæ in Hispania, anno 1611, P. Aloysius Ponce Hispanus, Ducis de Arcos filius. Quantum eminuit sorte nascendi, tantum se deprimebat spiritu solidæ humilitatis, promptus ad omnium etiam abjectissima obsequia. Rerum terrenarum usu ita se privavit: ut nihil etiam tenue, acciperet, daretq; nisi petita prius & obtentata facultate. Confessionalem sedem tam diligens occupabat: ut diceret, se nisi hoc titulo, non mereri panem quotidianum. A medico monitus de morte imminente, *Benedictus*, inquebat, *Deus*, qui me beneficio tanto dignatus est; ut desideratum illum horam videam, quâ moriar in ejus domo.



III. NOVEMBRIS.

429

1. **F**ecit potentiam in brachio suo Magnus Indiarum Apostolus Xaverius, quando illud Romam vehebatur ex India anno 1614. Equum videbatur Claudio Aquavivæ, Præposito Generali, ut non sola India gloria retur novi Apostoli sacro Corpore, sed parte saltem aliqua illius frueretur Europa. Iussit ergo à Corpore adhuc integro & incorrupto, Goæ quiescente, præscindi Brachium, ac Romam devehî. In itinere incidit navigium quo sacra ipsa vehebantur, modicum, & non armatum (cercurum vocant) in Batavos piratas: qui prædam conspicati, harpyarum instar advolabant. Cum non suppeteret modus evadendi, vel se defendendi, Rector Domus Probationis Goanæ, Sebastianus Gonzalez, qui sacrum pignus vehebat, arrepto Brachio Xaveriano prodit ad navis marginem, & reliquis in genua procumbentibus, mandat hostibus jam jam assultum paratibus, ne propius accedant. Mira res! illico hostilis myoparo ita stetit defixus, ac si subito gelu mare duratum fuisset. Interim cercurus feliciter evasit, attonitis hostibus, Romamq; tenuit cum thesauro suo. *Bartolus in Vita lib. 4. num. 40.*

*Brachium S. Xaverij vehebat.*

2. Duacenum in Belgio Collegium exemit S. Pius V. anno 1568 ab omni Universitatis Duaci existentis jurisdictione. Cum enim Lectiones Scholasticæ jam inchoandæ essent, & Illustrissimi hospites invitati essent, misit ad Collegiû Magistratus Academicus, inhibendo; ne quid tentarent nostri: si Scholas aperire vellent, debere ipsos primùm Academiae juramentum præstare, seu incorporari eidem. Composita res est ad tempus, donec Româ venirent responsa, permissumq; ut scholæ inchoarentur. Interim S. Pontifex interposuit authoritatem suam, & missis ad Academiam literis, hac die datis, decrevit declaravitq; ut Collegium cum omnibus Studio- sis suis, exemptum esset à jurisdictione Academiae, & secundùm Institutum suum liberè doceret juventutem. *Sacchin. hist. Soc. p. 3. lib. 4. n. 208.*

*Exemptio Scholæ Duacenarum.*

3. Decreto 8 Congregationis Generalis XIV statutum est: ut quotannis per universam Societatem celebraretur Commemoratio omnium in Societate defunctorum, eo die, qui à Commemoratione Omnium Fidelium Defunctorum primus occurreret non impeditus; Sacerdotes omnes sacrum facerent paratu nigro; cæteri verò Coronam, seu tertiam Rosarii partem recitarent pro ipsâ Defunctis in Societate.

*Commemoratio defunctorum.*

Hhh 3

Eodem



## Eodem die obierunt.

*Victor in lue.* 4. Ebora in Lusitania anno 1608, P. Antonius Pinus Lusitanus Ninium gra-  
ciliū cum esset corpore, & à medicis vix tribus aut quatuor annis victurus dicere-  
tur: ad Societatem admissus non est. At ille medicis in faciem resistens, Ego, in-  
quiebat, & in Societate vivam, & vobis omnibus superstes ero; quod & evenit. Ter-  
te ad obsequia pestiferorum exposuit, subiitq; labores gravissimos, victor. Fratris  
germani literas ira, ut venerant, obsignatas, per tres annos in cubiculo habuit, iis  
pro atramentario tegendo usus.

*Seruitas sua-  
vitatis mixta.*

5. Hispali in Hispania anno 1609, P. Melchior de Saniyan, Hispanus. E tyroci-  
nio suis reddi debuit, ut furem parentem, virum nobilem, compesceret: at ille vo-  
to concepto se obligavit ad redeundum; id quod præsinit. Gubernationi Collegio-  
rum & Provinciarum maximam ætatis partem impendit, eo memorabilis, quod  
mira suavitatis acerrimus esset religiosæ disciplinæ vindex. Quotidie diem claud-  
ebat mortis imminenti memoriâ & meditatione.

*Victima spa-  
ritatis.*

6. Ingolstadii in Germania, anno 1634 Michæl Alber, Germanus, Coadjutor.  
Strenuus in obsequio pestiferorum, invidenda morte occubuit, post amissos in eodem  
obsequio Socios quatuor: inter quos laudatur zelus Patris Thomæ Resch; quod in-  
tra 13 annorum spatium, recensuerit ad centum & undecim millia capitum, quæ pro  
sacro poenitentiae tribunali à noxis suis absolvit.

## IV, NOVEMBRIS.

*S. Caroli Bor-  
romæi affectus  
erga Societatem.*

**F**estum S. Caroli Borromæi Card. & Archiepiscopi Mediolanensis, ob-  
oculos nobis ponit ejusdem singularem, munificam & constantem  
benevolentiam erga Societatem. Cum sacris Ordinibus initiatus, se ad  
primam hostiam DEO offerendam præpararet; adiit domum Professam  
Romanam, in qua Sacris S. Ignatii Exercitijs excultus est. Post celebratum  
primum Missæ Sacrificium, secundum obtulit in Saccello ejusdem domus,  
quo S. Pater usus est. Cum ad sanctiorem vitam aspiraret, elegit pro di-  
rectore P. Joannem Bapt. Riberam, cujus ductu maximis passibus ad cul-  
men perfectionis tendebat. Primis Sacerdotij sui annis quolibet anno, po-  
stea bis in annos singulos, animum excolebat Exercitijs S. Ignatii, semper  
adhibito è Societate direttore aliquo; imò alios quoq;, quos poterat, in-  
ducebat ad eadem absolvenda; specialiter Clericos Seminarii sui singulos  
iisdem exerceri curabat, tum in ipso ad illud ingressu, tum ante suscepti-  
onem sacrorum Ordinum; concinnavitq; pro illis habitaculum multis  
distinctum cellis, cui titulum inscripsit, *Asceterion*. Quotiescunq; iter su-  
scipiebat, adesse sibi voluit comitem è Societate, ac vespere ab eo pro-  
poni puncta Meditationis, Confessario ordinariè utebatur Patre Adorno,  
quem ita reverebatur: ut transiens cubiculum ejus, caput reverenter in-  
clina-



clinnaret, Mediolani Collegium & domum Professam fundavit, Domum Probationis Aronæ: præterea author fuit; ut in Helvetia duo fundarentur Collegia, Lucernense & Friburgense. Nec mori voluit sine assistente sibi P. Adorno; cui post mortem gloriosus apparuit, prædixitq; brevī secuturum. *Lancicius tom. 2. Opusc. 17. cap. 3. Nadasi in Anno dier. Memor 13 Jan. de P. Francisco Adorno.*

2. S. Franciscus Xaverius anno 1549 epistolam dedit ad Socios Goanos, in qua illos monet imprimis, ut in defectu Concionatorum student populum ædificare probæ vitæ exemplis. *Boni, inquit, apud improbos vitæ exemplo assidue concionantur, atq; adeo plus, quàm concionatores è suggestu saepe proficiunt; cum longè plus momenti ad permovendum, sit in factis, quàm in dictis.* Deinde obnixè commendat, ut sui ipsorum curam habeant. *Magnopere hortor: ut vobis ipsi, quod caput est, primum attendatis. Qui enim sibi nequam est, cui bonus erit? Quomodo alios curare potest, qui se ipsum negligit? Quomodo attentus ac diligens erit in rebus alienis, qui est dissolutus in suis &c?* *Epist. Veter. lib. 3. ep. 6.*

*Eodem die obierunt.*

3. Ulyssiponæ in Lusitania, anno 1599, P. Petrus de Fonseca, Lusitanus, magnū Societatis in Lusitania columen, tum ob religiosam prudentiam ac sanctimoniam, tum ob doctrinam & libros editos; tum ob res gestas, sive à privato, sive à Rectore Conimbricensi, Præposito Ulyssiponensi, Assistente Romano. Philippus II Hispaniæ rex maximis quibusdam negotiis ipsum adesse voluit. Domos Orphanorum & Catechumenorum, Seminarium quoq; Hibernorum, sua industriâ erexit. Domum Conversarum inchoavit, Xenodochia stabilivit, Fratres B. Joannis DEI in Lusitaniam evocavit; & plura alia bono publico indefessus instituit. Miræ fuit modestiæ in opinione sua submittenda sententiæ alienæ; miræ efficacitatis in tranquillandis mentibus perturbatis; miræ tranquillitatis in rebus turbidis & afflictis. Si à quopiam offensus fuisset: *Ego verò ajebat, bene illi faciam, velit, nolit.* Omnis ejus vitæ series instar horologii fuit: ita omnia ejus negotia in horas suas scitè distributa erant.

4. In Japonia anno 1614, P. Jacobus de Mesquita, Lusitanus, quam annis 48. magno labore excoluit. Tres Japonicorum Principum Oratores ad Obedientiam Gregorio XIII. Pont. Max. deferendam, deduxit in Europam. Redux in Japoniam, cum gravissima persecutio misceret omnia, è regno proscriptus, exul ærumnis confectus, in tenui piscatoris casa contabuit.

5. Syraculis in Sicilia anno 1621, Michæel Florius, Coadjutor, Italus. Quamvis eleganti quem diuturno labore excoluerat, præfesset hortor; nullum illius fructum delibavit unquam. Ad extremam usque senectam, vesperi ad sanguinem usq; se cadebat quotidie. Sub agonem ipsius comparuit ad portam Collegii homo ignotus, qui compluribus accensis facibus, eam ædium partem, in qua Michæel moriebatur, miro lumine illustravit.

*Epistola S. Xaverii  
verè ad Socios  
Goanos.*

*P. Fonseca  
comes.*

*Exul ob fidem*

*Mors gloriosa*



*Deemofinalys  
crofa.*

**S**. Xaverius è Japonia epistolam dedit anno 1549 ad Petrum de Sylva, Præfectum Malacensem, qua inter cætera commendat ei Japones pauperes, qui jam sunt, ac futuri sunt Christiani. Uritur autem ingenioso conceptu à lucrosa Lusitanorum negotiatione ducto. Quodsi, inquit, tantum mihi fidei tribueres, ut sumere me sineres officium tui in his locis Procuratoris; spondere ausim, effecturum me: ut quamcunq; mihi commiseris pecuniam, eam tibi plus quàm centuplicato fœnore repræsentem; idque lucro à periculis itinerum & naufragiorum planè securo. Scire ayes, quod hoc sit genus compendiosissimæ nundinationis? Missis ambagibus, dicam. Induc, sodes, in animum, largiri nobis, quod dividamus egentibus harum terrarum Christianis, qui modò sunt, & qui mox fient. Hujus sic collocatæ sortis, spondeo, fidejussore Christo, plus quàm centuplum in cælo tibi reddendum &c. *Epistol. Vener. lib. 5, ep. 15.*

*Sodalitatis im-  
pis 590 vers.*

2. Anno 1561 expediti à Pio IV in Ægyptum ad Cophtorum Patriarcham, Alexandriam tenuerunt PP. Christophorus Rodericius, & Baptista Ellanus. In itinere cum Christianos, qui eadem navi vehabantur, ad normam probi Christiani facile composuissent, non parum negotii habuerunt, in dissolvenda prava quadam Sodalitate, quam inierant inter se decem nobiles juvenes. Creabatur singulis hebdomadis Præfectus, cui ceteri parerent; leges sibi condiderant, quarum transgressores certà pecuniâ mulctabantur; omnia autem Bacchum & Venerem ispirabant. Effecerunt tamen Patres, præsertim orationibus ad DEum fufis; ut improba illa Sodalitas in sanctam converteretur. Sensim enim pudere coepit petulantes illos insolentiæ suæ, videntes, etiam vilissimos alios ad omnem probitatem in eadem navi compositos. Ergo tandem decreverunt mutare stylium, oppositasq; sibi scribere leges. Qui obscœnum verbum proferret, aut jurare audiretur, qui statutas preces negligeret &c. mulctam penderet. Factum deniq; ut electus Præfectus omnibus imponeret mandatum de noxiis suis per confessionem Sacramentalem expiandis. Et sic insolens illa de grege Epicuri decuria, in sanctam versa est cum omnium admiratione Sodalitatem. *Sacchin. hist. Soc. p. 2. lib. 5. n. 135 & seqq.*

*Paula simul-  
tas in nostros.*

3. Fuldæ in Germania anno 1573 gravissima concitata est ab hæreticis Nobilibus, & quibusdam insolentioribus Ecclesiasticis, in Nostros tempestas. Citati sunt hodie ad Concilium, quod ipsi constarunt. Sed Abbas, civitatis Dominus & Rom. Imperii Princeps, vetuit illud adire, suamq; prote-



protectionem cumulatè promisit & præstitit. *Sacchinus hist. Soc. p. 4.*  
*lib. 1. n. 91.*

*Eodem die obierunt.*

4. Xaoceæ apud Sinas anno 1593, P. Franciscus de Petris, Italus. Magno labore, nec minore periculo, rem Christianam promovit apud Sinenses. Coadjutori, in Vocatione sua firmando, dixit: se ad Societatem à DEipara V. invitatum disertis verbis: *Ingrederi Fidei meæ Societatem, & in ea vocatione perseverare.* Mortis suæ tempus non semel ex vero prædixit. Leni febricula tentatus accersuit P. Riccium; quem archisimè complectens, Vale, inquit, mi Pater, Deus me vocat paucisq; post horis expiravit. *Invenimus l. 19. part. 5.*

*Vocatio ad Societatem.*

5. Limæ in India Occidentali, anno 1613, P. Stephanus Pæz, Hispanus. Ad animarum salutem in illis partibus efficacius procurandam, usus est cultu & ope singulari DEiparæ V. Cujus Sabbata, panis & aquæ levamento contentus, transigebat. Ad perfectionem religiosam, per heroicas de se relatas victorias contendebat. Mortui corpus cum ad templum deferretur, visus est S. Ignatius ab ara maxima illi obviam ire, & P. Stephanum summa gratulatione excipere.

6. Vallisoleti in Hisp. anno 1642, P. Ludovicus de Valdivia, Hispanus. Postquam in Americam se transtulit, primum in Provincia Peruana insignem Novitiorum Magistrum, & post triennium Theologiæ Professore egit. Deinde ad fundandam Provinciam Chilensem translatus, multa pro Indis passus est, & egit contra quosdam violentos illorum oppressores. Denique ut Regem ipsum certiùs informaret de misero illarum gentium statu: in Hispaniam remigravit. Rex agnita hominis prudentia & dexteritate, insulas ei Episcopales obtulit: sed repulsam passus, instituit ut Regii Visitatoris munus in illis regionibus admitteret, regiâque suprema auctoritate statueret: quidquid ad pacificandos populos illos, & promovendam religionem adverteret necessarium. Accedente Præpositi Generalis Claudii assensu, munus, arduum sanè, admisit Valdivia, Oceanum remensus est, auctoritate Regia universam provinciam inspexit, supra decem Indorum millia iniqua servitute exemit, Hispanorum quorundam violentiam coercuit; rebusque ex sententia, & commodo Religionis, compositis, repetiit Hispaniam, ut Regem de gestis informaret. Qui probatâ Patri operâ, iterum illi dignitates varias obtulit; sed quas Valdivia longè post humilitatem religiosam habuit. *Sourvell. in bibl. Soc.*

*Visitationis regis*

7. In Perside anno 1650, P. Alexander de Rhodes, Gallus. Primus cum uno Socio lumen Evangelii iatulit in regnum Tunchin, Sinis finitimum, spatioque annorum trium supra quinq; hominum millia Christo subiecit, inter quos non pauci Mandarini aliq; è prima Nobilitate. Cum à rege juberetur regno exesse: ita per idoneos Catechistas rem Christianam promovit: ut intra triennium numerus fidelium creverit ad 30 millia. Simili felicitate fidem propagavit in Cocincina: verùm & inde egressus, rediit in Europam, conscriptisque Sociis migravit in Persidem, ubi post annum aliquot gloriosos labores, adiit iter Æternitatis, quievitq; in Domino. *Sourvell. in bibl. Soc.*

*Conversio multorum.*



*Fulda tumultu agitur, & sedatur.*

1. Cum Fuldæ ad datam heri citationem non comparuissent nostri: hodie ab iisdem hæreticis nobilibus, & insolentibus Ecclesiasticis, lata est sententia proscriptionis: ut intra decimum quartum diem Fulda excederent; si cunctentur, se validiore brachio adacturos. Quò cum progressam tem videret Abbas optimus: ad opem Cæsaris confugit, mirâq; facilitate ac celeritate, præter opinionem omnium impetravit mandatum: ne quis vel Abbatem, vel Catholicos, ac nominatim, ne quis quempiam è Societate læderet. Quo promulgato, quies nonnulla rediit: atq; Abbas rem ad meliorem statum reducere conatus est. *Sacchin, hist. Soc. lib. 1. part. 4. num. 91. & 92.*

*Duacena vocantur nostri*

2. Duacena quoq; tempestas, ab hæreticorum furore concitata, defrenuit. Senatus furentis plebeculæ plebiscitum rescidit, & honorifico edito decreto, Societatem summis ornatam laudibus, ne redire gravaretur, orabat, missis à Senatu & Academia Legatis Stapletonio & Ferrario. Ita quintodecimo ab excessu die ad pristinas sedes & labores redierunt Socii, eò civitati cariores, quo majore temeritate fuerant ejeti. *Idem ibid. n. 146.*

*Card. Bullionis absolutæ exortia.*

3. Romæ anno 1699 Eminent. Cardinalis Bullionius, Societatis amantissimus & amicissimus, ad Domum Probationis Tyronum nostrorum se recepit, spiritualibus S. P. N. Exercitiis novem dierum spatio vacaturus: ut se pararet imminenti solemnitati & muneri; aperiendæ scilicet Portæ Sanctæ pro Anno Sancto Jubilæi Magni. Quod munus Pontifex ipse obire consuevit: sed Innocentium XII adversa valetudo impedivit.

*Ericus à Lotharingia non obtinet aditum ad Societatem*

4. Hac die anno 1601 Card. Bellarminus literas dedit ad Ericum à Lotharingia Episcopum & Comitem Virodunensem, qui per Bellarminum admissionem ad Societatem impetraturum se speravit, quam à Pontifice maximo & Aquaviva impetrare non potuerat. Honorum ille lucem fugiens, delegerat Societatem, ubi delitescere tutò posset, in qua scilicet præclusum, interposita voti religione, sacris dignitatibus aditum noverat Romamq; contendebat anno 1596 in comitatu 20 adolescentium nobilium pari desiderio æstuantium, ut peteret à summo Pontifice veniam perdi pastoralis deponendi. Etsi autem iter ingressus erat dissimulato consilio, latere tamen omnino non potuit: ac Mussipontani collegii rector illud subodoratus, ad Claudium Aquavivam scripserat, quanti interesset publica rei, ut vir tantus Ecclesiæ sibi commissæ gubernacula non abjiceret. Monitus à Præposito Generali Pontifex, Ericum in statione jussit consistere

re, G  
rant à  
parenti  
in patri  
dunensi  
molesti  
ricus p  
ptus Ca  
se Ignat

impendi  
orum; E  
ruit; Side  
lias integ  
pellatem  
horavit.

6  
gimitari  
servaret  
confecta  
ejulq; sol  
ret; totu  
stram pe

7  
quam C  
Salmant  
rege Phi  
mac: Cor  
versatus  
de MAR  
Pauli ad  
erudition  
hebdoma  
stratione  
Societate

D  
liberi



re, Gravior Aquavivam de illius comitibus angebat sollicitudo. Profugerant à Gallia, genere omnes & pietate clari, sed insciis pleriq; invitisq; parentibus. Satiùs igitur duxit, ut illorum bona pars cum Erico rediret in patriam. Quinos Romanis tyronibus addidit; alios remissos ad Virodunensis Probationis domicilium, non nullos in aliud tempus distulit, molestiam & turbas ab eorum parentibus orituras reformidans. Quod Ericus nec per Bellarminum obtinere potuit, hoc ejus consanguineus adeptus Carolus à Lotharingia, qui Societatem amplexus anno 1622, dignum se Ignatio alumnum præbuit. *Juvencius fol. 907,*

*Eodem die obierunt.*

5. In Syria anno 1653, P. Joannes Amieu, Gallus. Per annos 18, multum laboris impendit Missionibus illis. Lepi Sodalitia duo Maronitarum crexit, tertium Armenorum; Francorum cœtum restituit. Missionem Damascenam ac Tripolitanam instituit; Sidoniam stabilivit, ibiq; Francorum Sodalitium posuit, multa perpeßus. Familias integras tum à Mahumete, tum à Græco schismate abduxit. Maroniticam tempestatem prudenter tranquillavit, & pro Romano Maronitarum Collegio utiliter laboravit, Vir Apostolicus, & rebus magnis agendis omnino idoneus.

*Sodalitia fundata,*

6. Limæ in Peruvia anno 1614, Alphonsus Oyandus, Novitius, Hispanus, Virginitatis florem ut non solum integrum, sed undequaq; nitidum & vigentem conservaret; multa & acri mortificatione corpus atterebat, cilicij asperrimis undequaq; contactum, & flagris laceratum. Per DEiparam V. insigni orationis dono excelluit, ejusq; sola cogitatione dulcissimis disfluebat lacrymis. Illi offerebat, quidquid ageret; totusq; in id incumbere, ut digna tali Regina offerret. In nullam legem nostram peccare visus est, nec unquam verbum otiosum loqui auditus.

*Virginitatis flos,*

7. Madriti in Hisp. anno 1669 P. Joannes Antonius Velasquez, Hispanus, Postquam Collegia Monfortense, Segobienſe, Abulense, Methymnense, Vallisoletanum, Salmanticense, totamq; provinciam cum laude gubernavit; Madritum evocatus à rege Philippo IV, constitutus est Consultor Congregationis ibidem erectæ, de Immac: Conceptione DEiparæ V. tuenda; quo in munere per annos aliquot egregie versatus est, editis etiam duobus Tomis in fol. de eadem Concept. Immac: ac tertio de MARIA Advocata, Alios 3 eruditos Tomos edidit in Psalmos, & Epistolam S. Pauli ad Philipp. septimum de Augustissimo Eucharistiæ Sacramento. Prudentia, eruditione & virtute viri captus rex prædictus, imposuit eidem: ut semel singulis hebdomadis secretò se accederet, admoneretq; si quid pro bona regni administratione desideraretur; at ille non minus humilis, quam sapiens, negavit homini & Societate id muneris convenire. *Sourvell. in bibl. Soc,*

*Defensor Immac. Conceptionis,*

## VII. NOVEMBRIS.

**D**idacus Alvarez, ex sacro Prædicatorum Ordine, anno 1596 Romam venit, acturus totis viribus contra librum Molinae de Concordia liberi arbitrii cum auxiliis gratiæ. Convenit sine mora Cardinalem Ale-

*Controversia de auxilijs gratiæ.*



xandrinum, Protectorem Ordinis sui, ex eodem assumptum ad Senatum Patrum Purpuratorum, ejusque patrociniū in negotio gravissimo imploravit. Ex parte Societatis, ubi intellexit Claudius Aquaviva Præpositus Generalis, Controversiam ex Hispania trahi Romam: omnes omnium Provinciarum Ordinis sui superiores Doctoresq; per literas consuluit: an istud certamen totius Societatis nomine esset suscipiendum? Ad quod mirā concordia, ac velut ore uno responsum ab omnibus est in hanc sententiam. In libro P. Molinæ nihil apparere, quod acriorem mereatur censuram; ideoq; abdicandum vel destituendum non esse iusta defensione. Cæterum videri satis fore, si Provincia ipsius, tutelam libri suscipiat, agatq; causam illius. Quod attinet ad doctrinam de Efficacia Auxiliorum Gratiæ: cum per totam Societatem & in omnibus ejus scholis rejiciatur sententia Prædeterminantium physicè voluntatem humanam; de hac Controversia suscipi posse certamen nomine totius Societatis. Claudius his acceptis responsis, admiratus tam diversarum mentium in unam sententiam, sine mutua communicatione conspirationem, constituit: ab hoc unanimi consilio non discedere. Sed adversariis placuit, non totam concitare & impugnare Societatem; satis gloriosam arbitrati reportaturos se victoriam; si Molinam debellassent. *Eleuther. hist. Auxil. Grat. lib. 3. cap. 1.*

#### *Eodem die obierunt.*

2. Genuæ in Italia; anno 1657, P. Augustinus Centurionius, Italus. Post Rem publicam Genuensem, cui Dux præfuit, magna cum laude administratam, gravissimisque aliis negotiis in variis ad reges legationibus perfunctus, in Societatem se recepit Septuagenario major. Malebat in eam vineam vel undecimā horā venire, quā non venire. Adhuc sæcularis, cum Ducis munus gereret, quotidie Pane Angelico vescabatur: ut inde robur gratiamque traheret ad illud rectè administrandum. Securius tamen esse judicabat in Religione quā sæculo mori. Tota ejus familia religiosa dici potest: cum & pater illius, & mater, fratres, sorores, filii, filiae, variis religiosis ordinibus sese addixerint, raro exemplo. Vixit in Societate non toto biennio, sed virtute cælo matura.

*Familia religiosa.*

*Abstinencia.*

3. Messanæ in Sicilia; anno 1622, P. Caesar Cossius, Italus. Somno quatuor tantum horas, reliquum orationi dabat. Diebus 15 ante festum Assumptionis DEiparæ V. totidemque ante festum S. Michaëlis jejunabat. Nunquam extra consuetam tempora, etiam in summis caloribus bibit, nunquam ullis cibis oleum salēve adhibuit; sabbatis nihil cocti cibi admisit. Pro meritum augmento in supremo senio biennium cæcitatem non minus alacriter quā fortiter tulit.

4. In Boetica anno 1621, Joannes de Aguilar, Coadjutor, Hispanus. Maluit in Societate Coadjutorem temporalem, quā in celebri alio Ordine, ad quem invitabatur.



barur, Sacerdotem agere. Procuratorem ruralem per annos 30 non minus religiosum, quam laboriosum egit. Duas horas, antequam alii surgerent, in oratione posuerat. Modico panis contentus, ipse agrum colebat, ipse seminabat, & granum excutiebatur: vespere non prius cibum sumebat, quam recitato DEipara V. rosario. Domum à laboribus redux non refectionem quarebat, sed jejunia stringebat; ubique sui domitor severus.

Procurator in signis.

# VIII. NOVEMBRIS.

**S** P. N. Ignatius anno 1607 insigni miraculo sanavit eximium quendam virum è sacra D. Dominici Familia, P. Alvarum de Molina, definitorem, & aliis gestis officiis clarum. Jacuit in America Lima, octo annorum paralyticus, ut nec pedem, nec manum, nec linguam in voces articulatas movere posset; neq; ullum restabat humanum remedium. Contigit: ut P. Jacobus de Oheda, ejusdem Ordinis Theologiæ Professor, Societatis & S. Ignatii amantissimus, ægroto offerret legendam Vitam S. Ignatii à Ribadeneira scriptam compendio. Inter legendum sensit æger singularem erga Sanctum in se crescere fiduciam, quæ eò evasit: ut ipso die Sanctorum Omnium voto concepto, de ipsius festo quotannis prævio jejunio, & aliis quibusdam pietatis exercitiis celebrando, se ipsius intercessionem humiliter commendavit ad impetrandam sanitatem. Iterabat hæc pia desideria & preces per totam octavam: cum sub vespere interi-ori jussu subito moneri se sentit: *Surge & ambula;* cui voci comes impetus quidam animi adfuit, quo excitabatur ad exiliendum è sedili, in quo collocatus fuerat. Surgit ergo, stat super pedes suos, format gressus, denique fidenter confert se ad locum, quò Patres convenerant ad publicam Theologicarum Thesium propugnationem. Improvisus hospes quanto stupore defixerit omnes, vix credibile est: postquam autem ordine narravit omnia, quomodo per S. Ignatium sit sanatus: omnes, stupore in gaudium converso, intermissa disputatione, ad agendas DEo gratias, hymnum Eucharisticum, *Te DEum &c.* Solemniter decantarunt. Inde Patribus nostris, rem ut gesta erat, nunciant, quam & instrumento legitimo, autoritateq; juridica consignarunt. Audito hoc miraculo, Christophorus Mesa, Societatis adhuc tyro, ad viam in domum æternitatis jam comparatus, ubi didicit; nostros convenire pro gratiis DEo agendis ob sanitatem Patri Prædicatori per S. Ignatium concessa, petiit à DEo; liceret sibi surgere, & cum Sociis hymnum Eucharisticum absolvere. Obtinuit petiitum, & exinde consanescens, integræ restitutus est valetudini. *Barol. in Vita S. Ign. lib. 5, n. 10,*

S. Ignatii opus paralyticus sanatus.

Item tyro ad ciceronem.



*Homo lingua  
aliarum crea-  
turarum,*

2. Romæ anno 1612, P. Bernardinus Piccius, Italus. Severus in se ipsum, corpori negabat, quidquid bonâ conscientia poterat; infligebat pœnas, quas poterat. In laude divina assiduus, dicebat, Hominem esse linguam aliarum creaturarum; ideoque debere illum etiam harum vice laudare DEum. Si quando per valetudinem sacro operari non posset: Coronam B. V. recitabat, & mox vires sufficientes impetrabat. Fœminæ optanti lacrymarum donum, author fuit; ut B. V. lacrymas meditaretur, & Filio offerret, Fecit illa, & impetravit. Inter orandum, aliquando visus est P. Bernardinus in aërem sublevatus, & cœlesti concentu recreatus.

*Vitima chari-  
tatis,*

3. Gandavi in Belgio, anno 1634, P. Nicolaus lamot, Belga, Philosophiâ cum laude traditâ, ad pretiosiores laureas aspirans, Gandavi pestiferorum obsequio se tradidit; ubi juvenem e domo ejectum, Sacramentis munitum, in humeros sublatum, viâ longissimâ ad Nosocomium deportavit: ac post heroicos alios labores nobili morte honoratus est.

*Tumulus spon-  
te apertus,*

4. Trajecti in Belgio anno 1571 P. Henricus Dionysius, Belga, vir in scholis & pulpito sacro præstans in docendo, disputando & movendo, Inter alios zeli sui fructus habuit Nicolaum Stratum, Decanum Trajectensem: quem à vita liberiore ad formam Evangelicam adduxerat. Ut animum gratum Magistro suo restaretur Decanus, testamento cavit: ut eodem, quo P. Henricus, tumulo conderetur. Miræ res! Biennio post ea ipsa, qua Decanus moriebatur, nocte, P. Henrici tumulus occultata virtute apertus est, ut mortuum Decanum reciperet, quiescerentq; simul corpora, quorum animus fuerat unus. Puellâ, à nativitate mutæ, quæ ægro P. Henrico lac caprinum asserre consueverat, post mortem dicitur apparuisse, ac miseræ opem tulisse.

## IX. NOVEMBRIS.

*P. Julius Man-  
cinellus venit in  
Turciam,*

1. P. Julius Mancinellus, postquam in Missione Ragusæ, in Dalmatia, egregie per biennium laboravit, fructu amplissimo; rogatu Regis Christianissimi, & Venetæ Reip. jussus est à Gregorio XIII Pontifice ad partes Turcicas operam suam transferre. Anno igitur 1583 cum Sociis quatuor Constantinopolim attigit heri; mox Galatam, seu Peram (quod est oppidum urbi Constantinopolitanæ proximum & oppositum in altero sinus marini litore) concessit, ad auspiciandam ibi perpetuam Societatis Missionem, quam Sixtus V. firmavit, & etiamnum ibi perdurat. Ibi non tam Turcis convertendis, quod periculosissimum, quàm Christianis excolendis, & apostatis ad Ecclesiam reducendis, operam impendunt Socii. Exceptus est Mancinellus cum Sociis singulari benevolentia à Consulibus Gallicæ ac Venetæ nationis: consignatumque illis est ex voluntate Pontificis vacuum cœnobium S. Benedicti cum templo; ubi muniis Societatis insistentes, proximorum saluti sese impenderunt, Sacchin, bist. Soc. p. 5. lib. 3. num. 23. Tanner, in Soc. Apost. limit.

Eodem



2. Madriti in Hispania anno 1656, P. Joannes de Guadarrama, Hispanus. Quamvis ingenio & eruditione excelleret; Grammaticam tamen solam docendam occupari voluit; & quibus potuit vijs, Professionem & Votorum fugit. Catenam latam plenam ferreis aculeis diu noctuq; gestabat, etiam in morbo & ardulis Missionibus, quas pedibus, sine viatico obibat; adjicebatq; quotidie flagellationem sui cruentam per horæ dimidium. Integras horas orabat, expansis in modum crucis brachijs, vel prostratus in terram; miro interim odore sæpe fragrans. Cum æger siti arderet, cuidam aquam offerenti respondit: *Non; quia est contra regulam; & volo esse fidelis DEO etiam in minimo.* Cardinalis Toletanus eum tanti faciebat; ut iis, qui illi confiterentur, 80 dies indulgentiarum conticesserit.

*Humilitas.*

*Observantia, regularum.*

3. Conimbricæ in Lusitania, anno 1553, Alphonsus Vassius, Scholasticus, Lusitanus. Præcipuo studio intentus erat, ut coram DEO versaretur, ubique; jamq; usq; ipso rem sibi facilem reddiderat. Christum reverebar in Superiore, Apostolos in Patribus, in alijs alios Christi discipulos. Horæ plures illi oranti, & lacrymis mananti, suaviter fluebant. Per quinq; menses lecto affixus, nullo die omisit matutinæ orationis horam, vesperti aliâ quoq; adjunctâ, præter duplex Examen. Sic religiosè occupatus, quievit in Domino.

*Præsentia Dei.*

4. Caleti in Gallia anno 1606 Remigius Croisius Belgæ. Cum enim post captum ab Hispanis Caletum, urbem Galliaë maritimam, oratu Præfecti eò missi essent nonnulli è nostris, qui civibus & præsidio, contagiosa lue laborantibus, auxilio essent; Frater Remigius, dum nulli parcat labori, prædictâ mortis horâ, gloriose occubuit.

*Victima charitatis.*

## X. NOVEMBRIS.

1. Epistolam dedit S. Xaverius ad P. Franciscum Mansillam, in India laborantem, ac tædiosum ob fructus parvitatem. Excitat ergo & solatur illum, commendatq; plurimum etiam refractarios. Summopere, inquit, te oro atq; obsecro, Frater charissime: ut erga istam nationem benevolentiam & charitatem præteferas non vulgarem; teq; vicissim diligere ab omnibus, & amari velis. Sic enim habeto: si ab eis diligaris, fore, ut istorum animos flectas, quocunq; libitum fuerit. Itaq; eorum imbecillitatem infirmitatemq; moderatè ac sapienter feres; atq; illud tecum animo reputabis: si minùs tales nunc sint, quales esse velis, certè aliquando futuros. Quodsi quidquid velles, nequiveris ab illis impetrare: accipies, quod datur; quod idem me facere solitum non ignoras. Hoc autem erga illos animo eris, ut talem eis te præbeas, qualem bonus pater improbis filiis: ut nunquam eis consulere desinas, quamvis cernas, multis eos vitiis coopertos &c. *Epist. Veter. lib. 1. ep. 7.*

*S. Xaverij missiva.*

2. Romæ habita est anno 1603 coram Clemente VIII Congregatio & disputatio de Auxilijs Gratia; propositumq;: *An omnia quæ Moli-*

*na*



*Disputatio de na docet circa actus omnes, qui elici possunt à libero arbitrio, simul cum auxiliis gratia. his, quæ de lege dixit, ea omnia dicat & asserat in ordine ad affectum Justificationis? Et an ex his, quæ de libero arbitrio & lege affirmat, resultet immediata ac proxima, vel remota preparatio ad justificationem & gratiam? Pro Molina respondit P. Ferdinandus Bastida, ostenditq; manifestè, neutrum doceri à Molina.*

*Testimonium  
pro doctrina  
Moline.*

3. Anno 1601 egregiam pro Molina dedit Epistolam hac die Academia Complutensis: quam cum Doctor Petrus Michæel, Academiae Procurator Clementi VIII. consignaret in manus, respondit Pontifex: Non desse, qui dicerent, Censuram illam, non fuisse è sensu Magistrorum Complutensium, sed compositam & dictatam à Patribus Societatis. Doctor ergo prædictus cum Doctores Complutenses de hoc dicto certiores fecisset: dederunt illi anno sequente 5 Aprilis aliam Epistolam, sanctè contestantes: omnino suam esse Censuram illam, datam ad requisitionem Sacrae Inquisitionis. *Eleuth. hist. Auxil. lib. 4. cap. 35.*

*P. Sfortia Pal-  
lavinus Card.*

4. Anno 1659 ab Alexandro VII. Pont. Max. solemniter in Sacrum Purpuratorum Ecclesiæ Patrum Senatum relatus est P. Sfortia Pallavicinus; quam tamen dignitatem constanter recusavit, donec Præcepto Obediendiæ Sanctæ adigeretur. *Sourvelles in bibl. Soc.*

*Eodem die obierunt.*

*Chavias fra-  
terna.*

5. Camberii in Gallia, anno 1623, P. Antonius Suffren, Gallus, Post domicilia & Provincias cum laude gubernatas, cum in gravem morbum incidisset, & preces pro eo indictæ essent; cuidam Fratri Coadjutori impensius oranti, facta adspectabilis DEipara v. dixit; P. Antonium eo morbo non moriturum: & convaluit. Cum autem aliquot post annis, P. Joannes Suffren ejus frater editis præclaris spiritalibus libris clarus, periculoso morbo conflictaretur: P. Antonius inter sacrificandum. DEo caput suum devovit pro illo in vita retinendo, tanquam utiliore. Ab ara redux, illico febri, quæ ei fatalis fuit, correptus est; P. Joannes convaluit.

*Amator DEI-  
pura.*

6. Antverpiæ in Belgio, anno 1626, P. Gailiellmus de Pretere, Belga, DEipara V. amoris & honori toto corde ac animo addictus, per annos 20 tria ejus Sodalia accuratissimè gubernavit, quibus quantum deinde addidit. Dictabat: se honori Mariano propagando esse paratum longissimè vivere, dilata beatâ æternitate. Multos, etiam primæ notæ, ad fidem orthodoxam, & varios Ordines religiosos, perduxit serviens animabus indefessè in quavis occasione etiam cum capitis periculo præsentè.

7. Florentiæ in Italia, anno 1630, P. Marcellinus Albergottus, Italus. Meditans de peccatis venialibus, cum videret, ea omnia in hac vitâ vitari non posse, servida moriendi cupidine accensus, petiit: ut peste afflatis servire, adeoque finem peccandi facere, posset. Impetravit utrumq; illud à Superioribus, hoc à DEo. Cum

*Florent.*

Florent  
capien  
sive di  
Redore  
servite  
tum est

i. C  
qua de  
nostri  
doctrin  
qui Abl  
& liter  
Rector  
ploratu  
tum v  
latron  
abiger  
mis am  
passione  
Soc. lib.

2.  
menfo  
Henric  
Gallica  
dere Le  
rum stu  
famoss  
rum tar  
lebiore  
quid co  
turam  
retur  
reficere  
sacro  
us po  
Pura



Florentino Collegio præfset Rector, rogatus à P. Ministro, quid in rebus angustis capiendum esset consilii? Respondit: Subsidium quærendum esse in Oratorio. Quæ- *subsidium in*  
sivit Minister in armariolo oratorii: sed nihil invenit. Ubi autem occurrit, Patrem *Oratorio.*  
Rectorem videri intelligendum de oratione ad DEum fundenda; instituta hæc est  
ferventer coram Veni Sacramento; & postmodum tantum auxilium ex insperato alla-  
tum est Collegio.

## XI. NOVEMBRIS.

i. Collegium Methymnae Campi in Hispania, anno 1552 insigni vexa- *Vexatio Colle-*  
tione exercitum est. Abbas loci, & Vicarius idem Episcopi, nescitur *gi Methym-*  
qua de causa, ipsa D. Martino sacra luce, per tabellionem edixit; ne *nensis.*  
nostri Confessionibus, concionibusq; operam darent: priusquam de vita  
doctrinaq; ipsorum cognosceretur. Nova res & insolens visa Patribus; ut  
qui Abbate ipso nec inscio, nec invito fungi munijs suis cœpissent, imò  
& literas Apostolicas, & Privilegia inspicienda dedissent. Protinus ergo  
Rector Collegii, cum uno è Patribus Doctore, Abbatem conveniunt, ex-  
ploraturi, quid maleficii in Sociis notasset. At ille, simul ac in conspe-  
ctum venerunt, ignominiosissimis verbis illos proscindere, ut seductores,  
latrones, &c. parumq; abfuit, quin baculo, quem manu gerebat, pulsatos  
abigeret; abripi tamen in vincula & carceres iussit; nec nisi urgentibus sum-  
mis amicorum precibus, sub noctem dimisit, insigni dato specimine; quo  
passiones hominem abripiunt, si non domentur maturè. *Orlandin. bist.*  
*Soc. lib. 12. p. 1. n. 50.*

2. Anno 1590 feliciter in urbem rediit P. Robertus Bellarminus, e- *P. Bellarmini*  
menso itinere laborioso & periculoso in Galliam & ex Gallia, cum Card. *reditus Romæ.*  
Henrico Cajetano, à Sixto V. expedito ad subveniendum afflictæ Ecclesiæ  
Gallicanæ. Quæ expeditio ut felicius procederet, visum est Pontifici, ad-  
dere Legato comitem P. Bellarminum. Ingens, qua ibatur, fuit populo-  
rum studium videndi Bellarminum, editis Controversiarum Tomis jam  
famosissimum. Ipse hæretici avebant nosse vultum viri, qui in regno ipso-  
rum tantam fecisset confusionem. In ea legatione duo illum fecerunt ce-  
lebriorem: alterum, quod à Cardinale nullatenus adduci potuerit, ut ali-  
quid consilii daret in negotiis politicis; alterum, quod eo ipso anno even-  
turam Pontificis mortem non semel prædixerit, quamvis ille integra ute-  
retur valitudine. Reduci in urbem post fata Sixti, non diu attritas vires *Emendatio Bi-*  
reficere licuit. Admotus enim à Gregorio XIV inter alios emendationi *bliorum.*  
sacrorum Bibliorum, quam cœperat Sixtus, eam præstitit operam: ut ipsi-  
us potissimum labori debeamus editionem Sixtinam, qua nunc utimur.  
*Petrasanta in Vual. 2. c. 9.* Kkk 3. Clau-



S. Xaverii bra-  
chii Romam  
debatum.

Obedientiā  
post mortem.

Victima fidei.

Victima fidei.

Lectulus de  
functi.

3. Claudius Aquavivā censuit, ut, cū integrum Xaverii corpus Ori-  
ens possideret, ejusdem aliqua parte Occidens frueretur. Goani patres ve-  
riti, nequid oriretur tumultus à civitate, si res palàm fieret, nocte tacita in  
ædem sacram ubi corpus beati depositum asseruatur, se hac die contule-  
rant anno 1614. Contremuit ædes tota ter, & ingenti metu omnes con-  
cussit. Cūm trepidi referrent gradum, unus animosior cæteris, vocem tol-  
lens, orare sanctum institit, ut qui suis majoribus tam audiens dicto sem-  
per fuisset, eandem obedientiam demonstraret exemplo memorabili, nec  
sacri corporis partem Europæ supplicanti denegaret. Visus est annuere  
Xaverius, & sedato terræ motu, Patres ædem ingressi partem brachii, qua  
protenditur à cubito ad carpum cum ipsa manu defecuerunt. Caro mol-  
lis & lenta, ut corporis vivi apparuit; fluxitq; rosei, & puri sanguinis ma-  
gna vis, quam linteo reverenter exceptam Patres ad Philippum IV in Hi-  
spaniam miserunt. Sacrum pignus P. Sebastianus Gonzalez Rector domus  
probatationis Goanæ, qui petebat urbem Indicæ Provinciæ procurator mi-  
rabiliiter prædonum incursum liberatum, Romam feliciter devexit.

*Eodem die obierunt.*

4. In Germania anno 1631, P. Joannes Arnoldi, Germanus, impiger operari-  
us in sylvescente vinea DEI. Cūm divinis operatus, à sacro & concione rediret: ap-  
paratus sacer à rusticis hæreticis direptus; mox in ipsum Patrem facto impetu gra-  
viter eum sudibus delumbarunt, deinde ascia perfracto capite, arbori est alligatus.  
Jugulum illi præscindens barbarus rusticus, *I nunc, inquiebat, & hoc ore, si potes, tu-  
um illud, Dominus vobiscum, proclamato.*

5. In Philippinis insulis anno 1649, P. Vincentius Damianus, Italus. In ipsis  
Indiis, Indias magis abstrusas & barbaras scrutatus, apud Jubigenses & Bacerenses  
heroe Apostolico digna gessit, ac passus est: donec in Crucifixi amplexu, odio fidei  
lancea confixus, candidam innocentie stolam, nulla graviore noxa unquam inqu-  
natæ, tinxit in sanguine suo & Agni.

6. Consentiæ in Italia anno 1653, P. Theodorus Massimanus, Italus, eximia vir-  
tutis famâ, potissimum autem orandi assiduitate, coram Tabernaculo Eucharistico  
clarus. Ipsa, qua decessit, nocte, Sanctimoniali singularis pietatis, per quietem ob-  
jecta est species lectuli holoserico aureo floridoq; pretiose instructi: cumq; interro-  
garet; Quinam sponso caelestis hic thalamus pararetur? audit, parari cuidam vir-  
tute insigni, tunc è vita migranti. Hoc responso accepto expectata, illico æris no-  
stri campani mortuale signum audit, didicitq; eum tunc vitâ functum. Neq; alie-  
num esse à vero obiectum illud lectuli schema crediderunt ii; quibus tam Sanctimo-  
nalis illius, quam P. Theodori virtus perspecta erat.



1. Indiarum Apostolus S. Xaverius anno 1552 è portu Sancianensi dedit Epistolam ad Dominum Jacobum Pereiram, sibi amicissimum, & erga se munificentissimum. Scribit inprimis se stare in procinctu ad solvendum in Sinas, modò mercator Sinensis, grandi pretio, ab ipso hoc D. Pereira accepto, conductus, fidem non fallat. Si sefellerit, significat: se alià viâ tentaturum ingressum in Chinam, scilicet cum Legato regis Sionis, quem intellexit mittendum ad Imperatorem Sinarum. Addit deniq; Faxit DEus: ut in Sinarum regis aula aliquando nos videamus! nam & Pereira nomine regis Lusitanie iturus erat ad Sinarum regem; sed invidia Præfeti Malacensis detinebatur. Me quidem, subjungit Xaverius, si in Sinas penetravero, aut servum in Cantonis carcere, aut certè in Pechini regia vinctum offendes. DEus nos pro sua immensa benignitate, in Sinarum regno; sin minùs, certè in cælesti, jungat & copulet. Amen. *Epistol. Veter. lib. 4. ep. 16.*

*S. Xaverius solus  
lustrus in Si-  
nas scribis.*

2. Ex eadem insula Sancianensi eodem tempore aliam dedit idem Sanctus epistolam, ad P. Franciscum Perez, Malacæ manentem; qua significat; dimissum esse à se ex Societate Fratrem Pereiram, mandatq; Perezio, ut eum nec sub testum recipiat, nec Goæ recipi patiatur, nec in eadem cum ipso navî iter agat: suadeat autem illi, ut se recipat ad PP. Franciscanos, vel Dominicanos, juvetq; illum in eo negotio pro posse. In epilogo Epistolæ; Ora, inquit, plurimum pro nobis divinum Numen: nam periculum diræ servitutis præsentissimum adimus apud Sinas. Sed consolatur nos hoc reputantes, quod persuasissimum habemus: longè præstare, captivum & vinctum esse solo DEI amore; quàm libertatem, quantumlibet jucundam, ignavâ ingratâq; fugâ laborum Crucis Christi, emere. *Epistol. Recens. lib. 7. ep. 12.*

*Dimissus à S.  
Xaverio.*

*Eodem die obierunt.*

3. Romæ anno 1615, P. Fabius de Fabiis, Aralus, de stirpe Magnorum illorum Fabiorum. Generis claritatem illustravit religiosa excellenti virtute, & præclare gestis muneribus, Magistri Novitiorum, Rectoris, Provincialis, Secretarii, Assistentis, Quidquid ageret, etiam in pusillo corpore magnum se Fabium prodebat. A tauro ferociente in cornua sublatu & malè quassatu, cum moneretur; ad S. Xaverii brachium, tunc ex India allatum, votum conciperet: negavit, se valetudinem miraculo quæsitam velle; malle, quod malit DEus.

*A tauro in cor-  
nua sublatu.*

4. Brunæ in Germania, anno 1643, P. Philippus Streidt, Bohemus. Ubique divinis, & sui recollectioni intentus, etiam apud vulgus Sancti nomen meruit. P. Mar-



Examen par-  
ticulari.

tinus Stredonius Provincialis, vir eximiae sanctimoniae famâ notus, de illo inter plu-  
ra sic scripsit: Nullam diei horam, qua non totam animam in Deum reflecteret, nisi un-  
quam elapsam esse, exploratissimum est. Examini particularis curam tam altè sibi im-  
presserat: ut eo die, quo illud negligeret, se nec dignum pane religioso, nec filium  
Societatis, putaret. DEiparam V. ingeniosis pietatis industriis venerabatur, cuius  
praesidio constantem vitae innocentiam credebatur conservâsse.

Visitatio fidei.

5. Londini in Anglia, anno 1606, Parvus Joannes, seu Nicolaus Odoenus, An-  
glus. Sub adscito Joannis Parvi nomine diu latuit, & in pusillo corpore magnam  
vim animi prodidit. Excelluit ingenio ad fabricandas latebras, quibus Patres & Sa-  
cer apparatus tegerentur, multisq; annis, sub specie famuli illis servivit. Depre-  
hensus tandem, & in carcerem conjectus admiranda toleravit. Iterum liber, iterum-  
que captus, acerbissimis tormentis per plures dies cruciatus est, ut proderet late-  
bras factas. Sed ille perstitit infractus, nec verbum ullum ei extorqueri potuit, quod  
alicui noceret. Tormentis non tantum non cessit, sed voluntarias mortificationes  
adiciebat, cilicio nunquam deposito, etiam in carceribus: donec fortis & sancta a-  
nima, visceribus tormentorum immanitate jam effluentibus, è lacero corpusculo se-  
liciter evasit.

### XIII. NOVEMBRIS.

S. Xaverius ur-  
get excommu-  
nicationem.

1. **H**OC etiam die ex insula Sinensi, Sancio anno 1552, qui extremus  
ei fuit in vita mortali, epistolas dedit ad Socios, S. Xaverius. In-  
data ad P. Gasparem Barzæum, Rectorem Collegii Goani, scripsi inquit,  
ad Franciscum Perez: ut Malacâ discederet quàm primùm, & cum om-  
nibus Sociis in Indiam se reciperet. Etenim nunc quidem tanto bono  
indigna videtur civitas illa, quæ causa fuit tanti mali, quod iter nostrum  
in Sinas, divinæq; gloriæ amplificationem, per summam injuriam impe-  
diderit. Iterum tibi mando: ut recentissimum illud mandatum meum  
summo studio diligentiaq; conficias; hoc est, ut transigas cum Episcopo;  
ut Malacæ Excommunicationes rite pronunciandas curet, in quas inci-  
derunt ii, qui nostro itineri obstiterunt: siquidem Legati Apostolici no-  
mine Sinas petebam. Id aded mihi curæ est duabus de causis, primùm,  
ut Malacensis Præfectus intelligat, quàm grave in se admiserit scelus, &  
quàm gravem pœnam incurrerit; ne posthac is sit in alios, qui fuit in me.  
Deinde ut nostri Ordinis homines, qui deinceps rei Christianæ causâ, Ma-  
lacam, Moluccum, Japoniam, Sinas petent, retinere audeat nemo. Et quo-  
niam plerosq; homines hodie magis pudet hominum, quàm DEI; qui-  
cunque ejusmodi sunt, tantæ notæ atq; ignominiae metu, à tam proje-  
cta audacia absterreantur &c. *Epist. Vet. lib. 4. ep. 17.*

Calari nostri  
suscepti.

2. In Sardinia anno 1564, Calari, quæ urbs Proregis sedes est, pri-  
dem ardentè desideratum, hodie tandem erectum est Collegium, post ad-  
ventum



ventum Sociorum decem. Effusa obviam civitas, prolixis omnium ordinum studiis excepti sunt hospites; nec quidquam omissum, quo cives optimi alacritatem & humanitatem suam testari possent, *Sacchin. hist. Soc. p. 2. lib. 8. num. 56.*

*Eodem die obierunt.*

3. Petricoviæ in Polonia anno 1607, Paulus Kostka, Polonus, Beati Stanislai Kostka Germanus, sed in illum iniquior, dum Viennæ studerent. Videtur DEus id dedisse meritis & precibus Beati adolescentis: ut Paulus tandem saperet, & cælestia præ terrenis haberet. Ergo ad saniora conversus, totum se & sua impendit divinæ gloriæ, erecto Patribus Franciscanis Prænitii templo & cœnobio; Parochiali Ecclesiâ & Xenodochio proventibus aucto; & fortunis suis tam liberaliter in pauperes dispersis; ut regno calorom omnino se maturum ostenderit. Sub hæc impetrata à Claudio Aquaviva copiâ ingrediendi Societatem, quam diu multumq; quæsierat; dum in procinctu est, ad Societatem triumphantem, ut spes est, migravit.

*Paulus Kostka impetrata Societate moritur.*

4. Viennæ Austriæ anno 1667 P. Joannes Bucellenus, Italus Brixienſis. Præter Collegia varia, Provinciam Austriæ gubernavit rara laude suavitatis, & fortis executionis. Missæ sacrificium eo animi ardore obibat: ut è secularibus complures eam operirentur horam, quâ ille celebrabat, Horas Canonicas ut plurimum ante Ven: Sacramentum humi prostratus recitabat. Annua S. Patris exercitia pridie præmisso jejuniis auspicabatur; è quibus semper se ipso major prodibat. Corpus exquisitis modis vexabat, etiam in modicis nihil illi indulgendo, quod non extorqueret aperta necessitas. Observatus est, in trislinio & alijs confectibus, per annos 30 & amplius, nunquam se reclinasse: in cubiculo etiam, sedili utebatur sine reclinatorio. Hyemali tempore nulla admittebat manuum tegumenta, nihil in cibis delicatum, nulum in cubiculo administrum, etiam in senili ætate, & munere Provincialis; quo perfunctus, Bibliothecæ publicæ curam suscepit, libros accuratè componebat & quot hebdomadis mundabat, ipsum quoq; verrendo pavementum. Tam humilem virtutem, & constantem in se austeritatem, singularibus identidem fauoribus honorabat DEus, *Soutwell. in bibl. Soc.*

*Austeritas.*

5. Constantiæ in Germania anno 1625 P. Paulus Laymann, Germanus, vir quàm profundè doctus, tam humilis & modestus. Quantus fuerit in Theologia Morali & Iure Canonico, locupletes sunt testes Volumina edita, avidèq; à doctis direpta. Consulebatur passim, etiam ex locis admodum remotis; & responsa habebantur pro oraculis: sed ipse videbatur nescire eruditionem suam; tam parum illâ afficiebatur, *Soutwell. in bibl. Soc.*

*Doctrina cum humilitate.*

XIV. NOVEMBRIS.

1. P. Edmundus Campianus, gloriosus Christi athleta, post toleratos jam acerbissimos equulei cruciatus, anno 1581, adductus est in aulam dictam Vestmonasterium, cum P. Thoma Cotamo: ubi recitato accusationis libello, jubentur ad sese purgandos, pro more recepto, manum sustollere: quod cum fecissent alii, qui aderant in eadem causa Catholici, Campianus

*P. Edmundus Campianus in tribunali aulico.*



panus autem ob brachia vi tormentorum dissoluta, manum attollere non posset; unus de Sociis accessit, & reverenter deosculatus, modicè manum ejus extulit. Tum Campianus: Profiteor coram DEo & Angelis ejus, & hoc, cui adsto, tribunali: me nec criminis læsæ Majestatis, nec perduellionis, nec ullius in patriam conjurationis, reum esse. Idem profitentibus & aliis Christi Confessoribus, abducuntur omnes in carcerem, post dies aliquot perimendi. *Sacchin. p. 5. hist. Soc. lib. 1. n. 243.*

*P. Molina causa defenditur.*

2. Anno 1598 Madriti in Hispania egregiam dedit epistolam Maria Imperatrix, Caroli V. filia, Maximiliani II Imperatoris conjunx, Rodulphi II & Matthiæ Imperatorum Mater, ad summum Pontificem, Clementem VIII quâ ei eximie, & materno planè affectu commendavit Societatem, ac specialiter causam P. Molinæ & libri ejus, utpote in Lusitania & Hispania rite approbati à S. Quæstitoribus, aliisq; viris doctissimis. Adjunxit huic quatuor alias epistolas ejusdem sententiæ, ad Card. Aldobrandinum, Madrucium, & S. Severinæ, atq; ad Ducem Sessæ, cui impensè commendavit: ut latè per Urbem spargeret, quod à plerisq; tunc ignorabatur; scilicet Librum Molinæ judicio contradictorio, ut ajunt, à supremo Lusitanæ Inquisitionis Senatu examinatum, & communibus suffragiis, etiam PP. Dominicanorum absolutum esse. *Eleuther. hist. de Auxil. lib. 3. cap. 5.*

#### *Eodem die obierunt.*

*Concionator insignis.*

3. Ferrariæ in Italia, anno 1598, P. Benedictus Palmius, Italus. Ab ipso S. P. N. susceptus, magnum & insigne dedit Historiæ Societatis argumentum. Concionando tantopere valuit, ut Auditorum voluntates videretur in lingua circumferre, & dicenti fuerit acclamatum: *Beatus venter, quæ portavit.* Primus inter Italos nota 4. fuit professus, primusq; Concionator à Societate à Pontifice assumptus.

*Pacis & charitatis victima.*

4. In regno Bengala Indiæ Orientalis, anno 1602, P. Franciscus Fernandus, Lusitanus. Dum totum se impendit salutis barbarorum; orâ inter eos & Lusitanos rixâ, accurrit Pater, ut partes componeret. Sed à furente turba probris & pugnis pessimè acceptus, atq; ad carcerem abreptus, in ferro & ærumnis diem supremum obiit, si non fidei, certè pacis & charitatis victima.

*Vires austa Missionario.*

5. Apud Sinas anno 1628 P. Nicolaus Trigautius, Belga. Quàmvis corpore esset admodum debili: non dubitavit tamen arduam in Indiam Missionem petere. Eâ impetratâ, tantæ corpori accesserunt vires: ut omnibus immensi itineris incommodis suffecerint; imò etiam ad remetiendum iterum iterumq; idem iter, quando inde expeditus fuit Romam Procurator, fuerint sufficientes. In vastissimo illo imperio, aliquando duas ternasq; provincias, Galliæ Hispaniq; pares, ob paucitatem operariorum curandas habuit: quas Apostolicis passibus peragrabat; donec fatiscente corpore, requievit à laboribus suis. Multis editis libris Latino Sinicq; idiomate, rem Christianam promovit. *Sourvell. in bibl. Soc.*



**I**N Japonia anno 1551, cum S. Xaverius in regia Bungenſi dies 40 egisset, cum ubere animarum converſarum proventu, & non una insigni victoria in publica coram rege ac proceribus disputatione Bonzios profligasset; abiturum parante navi Lusitana, convenit regem, quem constanter habuit benevolentissimum, vale ac salutaria illi daturus monita, siquidem sacro Fonti se nondum præbuit idoneum. Monuit ergo: ut agnitam veritatem cordi haberet, atq; sic uteretur temporalibus, ne bona amitteret æterna. Interea Bonzii repetitis cladibus efferati, desperata coquebant consilia, non solum de Xaverio, sed Lusitanis omnibus cum ipso rege suo, quemadmodum Amanguccii fecerant, tollendis: prius tamen semel adhuc disputationis aleam tentare voluerunt, evocato ad illam Bonziorum totius Japoniæ doctissimo, Fucarondono. Certamini dies sequens designatus. *Bartolus in Vita lib. 3. num. 41.*

*Disputatio S. Xaverii cum Bonziis.*

2. Anno 1615 post obitum glorioſæ memoriæ P. Claudii Aquavivæ, in Congregatione VII Generali, electus est in Præpositum Societatis Generalis P. Mutius Vitellescus, Italus, patria Romanus, illustri & antiqua familia oriundus: postquam insigni cum laude gubernavit Romæ Collegium Anglorum, deinde Collegium Neapolitanum, Provincias Neapolitanam & Romanam, atq; Assistentis Italiæ munere functus fuit. Triginta ferme annorum spatio sapientissimè Societatem gubernavit. *Soutvello in Biblioth. Soc.*

*P. Mutius Vitellescus Generalis.*

3. Idem P. Mutius hoc die anno 1639 prolixam præclaramq; dedit epistolam ad Patres Fratresq; Societatis, de celebrando Anno sæculari & Jubilæo ejusdem: quod quomodo faciendum sit, instruit. Vult in omnibus instaurari primævum Societatis spiritum, præcipuè per accuratum studium Orationis, per assiduam Christi patientis Meditationem, per S. Patris Exercitia spiritualia, per efficacem ordinationum executionem, procurandam potissimum à superioribus, & per Jubilæum ab Urbano VIII Pont. Max. concessum Societati. *Ex Epistolis Generalium.*

*Annus sæcularis Societatis.*

*Eodem die obierunt.*

4. In Paraquaria, anno 1628, P. Rochus Gonzalez de S. Cruce, Indus. Totus in animarum salutem effusus, varios isthic populos mitigavit, & Christo subjecit. Ipse barbaris mapalia concinnabat, leges & agros dabat, agriculturam docebat, rempublicam & magistratus ordinabat, communis omnium, rusticus, pater, magister, præfectus & omnia. Post sacrum celebratum, ab irruentibus conjuratis clavâ lignea, sihæ armata, percussus, caput confractum & resectum. Quinquaginta res barbari testati.

*Occisus loquens.*



testati sunt, auditus à se prodeuntes è truncato corpore has voces: *Occidistis eum, qui vos diligit: occidistis corpus meum, & ossa mea contrivistis; at non animam, quæ jam versatur inter beatos in celo. Multa vobis calamitates evenient ob mortem meam. Quia venient filij mei, pœnas repetituri ob violatam DEi Matris imaginem.* At illi: Hem, præstigiator ille adhuc loquitur! Mox evulsum illi cor è pectore, & unâ cum teli cuspidè, quâ confixum erat, injectum in ignem: sed combusto telo, cor integrum inventum, & anno 1633, Romam perlatum.

*Cor in igne integrum.*

*Corpora & Crucifixi illæsi ab igne.*

*Memoria defecit.*

5. Ibidem, eadem tempestate involutus, occubuit P. Alphonsus Rodriguez Hispanus, non uno Indico acinace concisus. Corpora circa templum raptata, igni bis injecta, unâ cum eburneo altero, & altero plumbeo Crucifixo. Sed tam corpora, quam Christi Crucifixi simulacra, integra reperta sunt postmodum inter cineres templi combusti.

6. Antverpiæ in Belgio, anno 1624, P. Adrianus Mangotius, Belga Animarum salutem ardentè promovebat verbo, calamo & exemplo. In extrema ætate tam gravem memoriæ passus est defectum; ut præsentissimus sibi, ne nominis quidem proprii meminere. Habuit tamen in promptu paucas vöculas, quas opportunè promebat. Si quid in laudem ejus diceretur, dicebat: *Miser sum.* Si quis compassionè ductus, miraretur ægritudinem ejus, dicebat: *Dominus est;* cuius scilicet dispositione justissima, hæc evenerunt. Si contentiosè disputantes, vel altercantes audiret, monebat: *Eratres sumus.* Aliàs infracto signaculo obseratum os habebat, nec nisi lacrymis loquebatur.

## XVI. NOVEMBRIS.

*Disputatio S. Xaverii cum Bonzijs.*

1. IN Japonia coram rege Bungi celebri certamine concurrerunt, Indiarum Apostolus Xaverius, & Fucarondonus Bonziorum princeps, atque oraculum Japonum. Initio non levis regem incessit metus, ne Xaverius par non esset versatili hominis ingenio & linguæ: sed cum non nisi absurdam Pythagoræ metempsychosim, & extremam libidinis fœditatem, quæ viget in Japonia, propugnandam suscepisset; Xaverius vi tanta rationum bruti illius redarguit impudentiam, ut moto omnibus stomacho ac rege jubente, aulâ sit ejectus. Exarsit belluino furore omnis Bonziorum natio, parumque absuit; quin cum Xaverio Lusitani omnes, & rex ipse perirent. Monebant, urgebantq; Xaverium Lusitani, ut in navim se reciperet, & cum ipsi solveret in Indiam: at ille quodvis discrimen pro Christo subire maluit, quàm fugam arripere sibi turpem, Neophytis scandalosam, hostibus optatam. Perstitit ergo intrepidus, ac DEO protegente illæsus. *Bartolus in Vita lib. 3. num. 43. & seqq.*

*Spiritus Nationalis.*

2. Anno 1656 fortem dedit Epistolam ad Patres Fratresq; Societatis P. Goswinus Nickel Præpositus Generalis, de vitando Spiritu Nationali & Provinciali, ob ingentia, quæ affert, damna. Nam 1. illo prædominante, Soci-

Soci-



Societas salva esse non potest; dividit enim separatq; membra à se invicem & à corpore. 2. Injuriam facit hic spiritus Christo, cujus membra sumus omnes, qui nos in unum corpus redegit, & suam Societatem appellavit. 3. Obscurat bonum nomen Societatis, & scandalum dat adversariis nostris, dum audiunt digladiari inter se Jesuitas, & unam Provinciam vel nationem pugnare contra aliam. 4. In apertum discrimen adducit Societatem; quæ ut sine charitate & animorum consensione stare non potest; ita nec subsistere cum spiritu nationes & provincias collidente. 5. Spiritus nationalis est certissima pestis, & mors Charitatis, ideoq; ignotus omnino fuit primis Patribus, qui ex diversissimis collecti nationibus, unam planè Anglicam, constarunt Societatem, non solum in una provincia, sed in una domo viventes, ut unius moris & spiritus, charitate omnes confluente in unum. Unde, quod Augustinus dixit ad Ecclesiam in Psal. 121. opportunè applicat Societati: *O Jerusalem (ò Societas!) quæ edificaris ut civitas, cujus participatio ejus in idipsum: fiat pax in virtute tua, fiat pax in dilectione tua: quia virtus tua dilectio est.* Ex epistolis General.

*Eodem die obierunt.*

3. In America apud Tepeguanos, anno 1616, P. Ferdinandus de Tovar, Indus, Illustri & benefica erga Societatem stirpe ortus in Nova Hispania, cum adhuc puer, videret matrem adornantem scriniolum pro asservando capite Patris Gundisalvi de Tapia, recenter in odium fidei cæsi, scriniolum autem illud esset nimis angustum, dixit Ferdinandus ad matrem: Nimis angustus est locus iste pro hoc capite. *Serva hoc scrinium, mater, meo capiti: nam & ego sic cadar.* In Societate totus effusus in Tepeguanorum salutem, cum veneficus quispiam illos concitasset in Patrem, & omne nomen Christianum, Pater Ferdinandus clavâ profligatus & lanceâ confossus, occubuit, insultantibus barbaris: ut suum punc *Pater noster, & Ave Maria*, decantaret.

*Victima fidei.*

4. Madriti in Hispania, anno 1628 P. Gaspar Sanctius, Hispanus. Humaniores literas, rarâ constantiâ, docuit per annos 30; & quidem per annos 12, antequam Sacerdotio initiaretur; post Theologiam & Sacerdotium, annos 18, cursu nunquam interrupto, etiam per triennium, quo Collegium rexit. Nunquam visus est iratus, nunquam mentitus, nunquam alicujus gravis noxæ reus: humilitate autem & religiosa simplicitate semper conspicuus. Hucti jussus Dæmon ab exorcista, in templo osculari pedes omnium humillimi, ad pedes P. Gasparis se abiecit, eosque est osculatus, Gaspare illum, ut mendacii patrem arguente. Applicatus tandem Explicationi S. Scripturarum tradendæ in Collegio Complutensi; tanto studio & ingenio id egit: ut 10 Tomos egregios interpretationis suæ ediderit. *Sourellus in bibl.*

*Humaniores  
litteræ 30 annis  
doctæ.*

5. In Frisia anno 1651, P. Daniel Stullius, Belgæ. Apostolico suo spiritu multum profecit apud eam gentem. Inter magis arduos labores, illo se stimulo excitabat: *Bonæ animo esto, Daniel. Bene tibi erit. Magna illa gloria parvo non emitur* Eucharistiam à cujusdam nauscente stomacho ejectam, intrepidus hausit. Cum ægro malè de se



merito Evangelica charitate ministraret; mortem inde, & vitam traxit immortalem.

## XVII. NOVEMBRIS.

1. **B**onzios Japones cum accepta heri ureret ignominia, nec matura adhuc videretur, quam concitarent, populi seditio: certamen infustum instaurare cum Xaverio decreverunt.

*Parisienses affi-  
ciuntur Socie-  
tati.*

2. Parisiis cum & scholarium nostrorum & aliorum proborum crederet notabiliter numerus, nec omnes caperent Sacelli angustiae. novi jacta sunt fundamenta ab Episcopo Cypri anno 1588. Soli Convictores sexaginta supra ducentos, iique melioris notae, numerabantur. Collegio satis frequenti additae lectiones de S. Scriptura, Lingua Hebraea, & disciplinis Mathematicis: ut nihil jam deesset, quod ad perfectionem Academiae desideraretur. Apparuit etiam communis Procerum erga Societatem propensio in Conventu, qui de publicis rebus habitus est. Ubi cum non nemo adversariorum agendum putaret, instaretque, de Societate vel ejicienda e regno, vel prohibenda docere: qui hujusmodi propositionibus & libellis excipiendis praerant, responderunt; Agendum potius esse, ut Collegia Societati quam plurima per Galliam struerentur. *Sacchin. hist. Soc. p. 5. lib. 8. n. 106.*

### Eodem die obierunt.

*Vidua fidei.*

3. In Paraquaria anno 1628, P. Joannes de Castillo, Hispanus. Impigre fatigentem pro re Christiana, Caciqui cujusdam divinitatem, sibi arrogantis, jussu, turba barbara invasit, fustibus delumbatum, nudumque per invia & devia raptavit, multis vulneribus concidit, telis confixit, denique arbori in modum crucis alligatum, saxi capiti illis, trucidavit. Baptizatos a Patre, ut quodammodo expiaret, impostor ille, capita eorum aqua calida abluit, linguas resta rasit, quasi infectas sale Baptismatis, & professione fidei Christianae.

*Amator Dei  
para.*

4. Platae in Hispania, anno 1626, P. Alphonsus Cortes, Hispanus. Scrupulis vexatus cum a DEipara V. remedium ardentem peteret; accepit ab illa monitum; ut esset magis addictus juvandis animabus Purgatorii. Eidem sollicito, num bene negotium salutis suae ageret? respondit illa: *Bene ipsum bene rem agere;* adjecit tamen, *ut ea, quae ageret, majore perfectione exequi niteretur.* Adfuit etiam morienti, & liquidissimo solatio clientem suum perfudit.

*Imitator B.  
Aloysii.*

5. Romae anno 1638, Petrus Angelus Bonchristianus, Italus, Scholasticus. Familiarissima ei fuit ad eximiam virtutem incitatio, Vitarum B. Aloysii, & Joannis Berchmans, lectio; quorum praecipue imitabatur modestiam, silentium, & sui afflictationem. B. Aloysii vitam in sinu gestabat, & ante ac post sumptam sacram Synaxim, caput ex ea legebat. Triduo ante cineres carnibus omnino abstinebat. Morti vicinus, auditus est saepe ingeminare: *Gaudeo Domine, quod sis immensus, infinitus, omnipotens, misericors. Et summum bonum volo, quod vs. Exultatio quod majestas tua sit tam exultatio, tam bona & amabilis.* His intentus mori desit,



**S.** Ignatius cum Sociis Romæ absolvitur mirabiliter, ac liberatur iustitiam dicē ab atroci fœdaq; calumnia, anno 1538. Comparuerat Romæ, & se in multorum gratiam insinuaverat quidam, religiosum eremitam Augustinianum indutus; qui cū etiam ē cathedra præsumpsisset Lutheri commendare errores; notatus à Sociis Ignatii, ac privatim monitus, non tantū: non respuit, sed ipsos monitores suos non dubitavit arguere hæreseos, & accusare. Ignatium, iactitabat, Compluti, Salmantica, Lutetia ac novissimè Venetiis damnatum hæreseos, & rogo cum scriptis suis addictum, fugā sibi consuluisse; nominabatq; huius rei testes aliquot Hispanos sui similes. Deniq; eō rem deduxit: ut Ignatius cum Sociis, si non crederentur hæretici, vehementi tamen suspitione laborarent, & ab hominibus passim desererentur. At ille, ut ordinatè procederet, inprimis ad Assertorem salutis suæ, principemq; Advocatum Christum recurrit, admonuitq; cum promissi, quo nuper sponderat: se illi & Sociis Romæ propitium futurum. Audiit, nec opem distulit Salvator, inde illam more suo præbens, unde minimè poterat sperari. Cardinalis, sacri Collegii Decanus, falsis de Ignatio rumoribus ita fuit præoccupatus: ut amicorum quendam seriò moneret, ne quid commercii cum illo haberet. Is ubi id ipsum ad Ignatium detulit; nihilo commotior Ignatius, solum petiit, ut ipso admittente, posset cum Cardinale loqui. Ad secretum admissus colloquium, ita ei suam probavit innocentiam: ut Cardinalis genibus flexis veniam ab illo precaretur, & post duarum horarum congressum, honorificentissimè deducens, fidum se illi Patronum semper futurum sanctè testaretur; quod & præstitit. Sic animatus Ignatius, non habuit satis, privatim agnosci innocentem, coram publico Gubernatoris Urbis tribunali convenit calumniatorem, ut publico decreto absolveretur innocentia. Et quidem in prima actione manifestè confudit hominem, producto proprio ipsius scripto, quo, antequam à Sociis Ignatii argueretur hæreseos, insigne scripserat ad amicum elogium Sanctitatis Ignatii. Deinde opportunissima Divinæ Providentiæ dispositione evenit: ut eodem planè tempore Romæ adessent Iudices illi tres, à quibus Compluti, Parisiis & Venetiis dicebatur Ignatius esse damnatus. Rogati ergo, perlibenter testimonium dederunt veritati, non sine encomio ipsius luculento. Adfuerunt & ex variis urbibus, in quibus laboraverant Socii, testimonia gravissima Episcoporum & principum, non solum de innocentia, sed etiam sanctitate illorum. Visum ergo fuit

*S. Ignatius cum  
sociis à calum-  
nia liberatus.*



non paucis, & ipsi Gubernatori, satisfactum esse cumulatè Ignatio tam præclaris documentis; nec esse necesse, ut ad publicam palinodiam adigerentur calumniatores, aut Decreto Judicis finiretur causa. At ille non præsentì solùm, verùm & futuris prospecturus temporibus, ad summum Pontificem recurrit, supplicavitq; : ut negotium Decreto publico terminaretur. Annuit Pontifex; nec Gubernator ampliùs tergiversari potuit. Solemni ergo & perhonorifico decreto calumnias accusatorum detexit ac diluit. Ignatii verò doctrinam sanam, sanctamq; vitam commendavit: Deus autem non multum dilatà vindictà calumniatores severè castigavit. *Bartol. in Vita S. Ign. lib. 2. n. 24 &c.*

*Disputatio de  
auxilii gratia.*

2. Coram Clemente VIII habita est anno 1602 Congregatio Decima & disputatio de Auxil. Grat. cùm autem Gregorius de Valentia, Theologus Societatis, adversa laboraret valetudine, substitutus ei est P. Petrus Arrubal, Professor Romanus. Proposuit Pontifex: *An Molina consentiat Cassiano quoad hanc Propositionem: Quod homo in natura lapsa habeat naturale judicium ad cognoscendum bonum & malum; habeatq; naturalem facultatem ad utrumq; amplectendum, absq; eo, quod aliquam ponat distinctionem?* Respondit Arrubal: Molinam illi non consentire. Quamvis enim in homine lapso agnoscat naturale illud judicium, & naturalem motum voluntatis: non tamen sine distinctione agnoscit. Distinguit enim semper; quòd tale judicium intellectus, & motus voluntatis solùm valeat ad finem naturalem, non autem supernaturalem: qua distinctione non utitur Cassianus. Probavit utrumque, *Eleuther. hist. de Auxil. lib. 5. c. 14.*

3. Anno 1603 eodem die habita est Congregatio & disputatio XXI. Quæsitum fuit: *An juxta S. Augustinum, Liberum arbitrium & Gratia sine duæ cause partiales, concurrentes ad eundem actum efficiendum?* Respondit P. Bastida: eam omnino esse doctrinam S. Augustini, probavitq; latè, *Ibid. cap. 25.*

#### *Eodem die obierunt.*

3. Romæ anno 1575, P. Jacobus de Ledesma, Hispanus, Romam tendenti, ut Societatem ingrederetur, Augustæ Christus D. conspicendum se dedit; bono animo esse jussit, promisitq; futurum; ut castè & perseveranter in obsequio DEi persisteret. Brixia verò vidit, audivitq; DEiparam V. eadem, & auxilium in morte promittentem. Adfuere cum illa Sanctæ, Maria Magdalena, S. Catharina Martyr, & S. Catharina Senensis, quæ in recessu, cælesti voce extollebant virtutem castitatis, canentes: *Quantum est donum castitatis, quod confert Deus pietatis! Divina res est castitas, Divina sumi & premia, qua continenti dat Deus.* Vixit in Societate excellenti virtute atq; doctrina, altioribus studiis diu præfectus.

*Castitatis laud.*



4. In nova Hispania, apud Tepeguanos, anno 1616, odio fidei à barbaris trucidati occubuerunt, P. Didacus de Orofco, Marchionis Mortaræ nepos; P. Bernardus de Cisneros, P. Ludovicus de Alabes, & P. Joannes de Valle; Viri ad tam gloriosum mortis genus præclare dispositi excellenti virtute, præsertim sui mortificatione & Apostolico zelo. Illud singulare occurrit de Patre Ludovico: quod cum eum adhuc infantem, sacris undis tinctum, in librum baptizatorum referret Parochus, è S. Dominici familia Religiosus, quodam præclaræ cruentæq; illius mortis vaticinio, folius illius nomen, præter morem, grandi & rubro caractere in librum retulerit. Ajunt DEiparam V. ter ipsi locutam, & de genere mortis odio fidei inferendæ, disertè certiore fecisse, etiam die expresso, quo id futurum esset. Ut igitur ad tam gloriosam mortem rite se disponderet, multa castigatione corpus exercebat, animum verò proluxa excolebat oratione, ad tres quatuorve horas productâ.

5. P. Joannes de Valle mira industriâ & labore. Indos excolebat: ut eos orare doceret, cibosq; parare; factus est illis colonus, coquus, pater, frater, servus & omnia, Arte pacificandi dissidentes, mirificè præstabat: unde P. Joannes à Pace dictus est. DEiparæ V. suprâ quàm explicari possit, addictus, in omnes artes eam colendi & extollendi assiduè intentus erat: responditq; Virgo pari affectu Clienti suo. Trimestri ante mortem scripsit: se à Tepeguanis odio fidei occidendum.

*Victima fidei.*

*Missionarij in-  
dusitrus.*

## XIX. NOVEMBRIS.

1. Cum Romæ novum domûs Professæ templum, regali magnificentia Alexandri Farnesii Cardinalis erectum esset; placuit Claudio Aquavivæ anno 1587, Reliquias S. P. Ignatii in illud deferre hoc die; tempore scilicet, quo ex omnibus Provinciis missi Procuratores convenerant Romam. Conditæ sunt sub dextrum latus aræ majoris, cum inscriptione lapidi incisa: Ignatio Societatis IESU Fundatori. Quæ quidem translatio miro ornata est spectaculo. Nam tumbâ apertâ, in qua deposita erant sacra lipsana, viderunt illa quidam ex Patribus præsentibus, stellis quibusdam conspersa, vividissimo splendore micantibus, aurei unius magnitudine. *Barol. in Vita S. Ign. lib. 4. num. 39.*

*Reliquia S. I.  
gnatii.*

2. Londini in Anglia anno 1581 è carcere, in quem odio fidei compacti fuerunt, P. Alexander Briantus, aliiq; plures Confessores, evocati rursus sunt ad tribunal ad sententiam audiendam. Cæteros antebat P. Alexander, crucem, quam in carcere sibi fabricarat, manu præferens. Incusatus ab hæretico audaciæ, jussusq; illam abjicere: *Neutiquam, inquit, id faciam; Miles Christi sum, vexillum ad mortem usq; non deferam.* Audacior alter cum crucem illi eripuisset, *Potes inquit, Crucem mihi extorquere de manibus, de corde non potes. Moriar pro eo, qui prior mortuus est pro me.* Pronunciata in omnes capitali sententiâ, vultu hilari elataq; voce occinuit P. Edmundus Campianus: *Te DEum laudamus, te Dominum*

*P. Briantus  
cum alijs dam-  
nantur ad  
mortem.*



*constemur! Servinus subjecit: Hac dies, quam fecit Dominus: exultemus & letemur in ea! Alii alia, omnes exultabant in DEo JESU suo. Sacchin. hist. Soc. p. 5. lib. 1. n. 246 & seqq.*

Congregatio  
Gen. XIV.

3. Anno 1696, cùm elapsum esset novennium à postrema Congregatione Generali XIII, inchoata est sub P. Thyrso Gonzalez Præposito Generali, Congregatio XIV. Quàmvis enim indicta fuisset in diem 15 Nov. quia tamen aliqui adhuc non advenerant, qui sperabantur propediem adfuturi, dilatus est Conventus in hunc diem. *Ex Decret. Congreg.*

*Eodem die obierunt.*

*Victima fidei.*

4. In Nova Hispania, apud Tepeguanos, anno 1616, P. Joannes à Fonte, Hispanus, odio fidei cæsus à barbaris, cum P. Hieronymo Moranta, & ipso Hispano. Fuit P. Joannes omnino indefessus in laboribus & ærumnis. Ipse laterculos Indis conficebat ad domos construendas, ipse aratra fabricabat & ducebat, ipse sanis famulus, infirmis coquus, medicus, nutritus, pater & omnia. P. Hieronymus verbo & opere potens, plurimis salutis fuit; vel una concione convertit quingentos. Deprehensus est aliquando in loco ab arbitris remoto, altera manu Crucifixum gestans, altera acerbè se flagellans, & ubertim plorans oransq; pro Indorum salute, & concionum suarum efficacitate. Cædendum in fidei odium, prædixit Alphonsus Rodriguez. Ipsi & Sociorum pro fide cæsorum heri ac hodie, corpora, post tertium mensem reperta sunt humi strata piliciis tecta, & planè recentia, duobus canibus illa custodientibus.

Tragœdia &  
Comœdia

5. Romæ anno 1672 P. Joannes Bapt. Giattinus, Siculo-Panormitanus, vir tam præstantis ingenii: ut omnes disciplinas liberales, quas tradit Societas, egregiè sit assecutus, & magna cum laude docuerit. Præter patriam & Latinam linguam calluit Græcam, Hebraicam, Syriacam, Chaldaicam, & Arabicam; manibus quoq; à natura instructus tam industriis: ut facile quidquid faciendum occurreret, effecerit. Historiam Concilii Tridentini à Card. Pallavicino Italicè conscriptam, insigni elegantia in Latinum transtulit idioma; variasq; conscripsit Tragœdias & Comœdias, quas fere quot annis agunt Romani Seminarij adolescentes, plaudente & proficiente auditore. Inter literarios hosce labores non minus illum exercebat virtutis religiosæ studium, atq; animarum zelus, quibus juvandis & frequenter ad populum dicebat conciones, & poenitentibus nunquam defessas aures dabat. *Soutwell. in bibl. Soc.*

## XX. NOVEMBRIS.

Clericus Socie-  
tatis licet con-  
sionari.

1. Gregorius XIII Pont. Max. Facultatem olim à Paulo III concessam Societati, ut etiam non initiati sacris ordinibus, si tamen idonei essent, possent populo prædicare verbum DEI, renovavit, & extendit etiam ad Clericos primâ tonsurâ tantùm insignitos, distinctè prohibendo: ne quis illos impedire præsumeret. *Bullar. Societatis.*

2. S. Xaverius post acres in Japonia cum Bonziis concertationes, & quadriennem in Japonia commorationem, Rege Bungi ultimùm salutato, inter



inter Christianorum lacrymas, & votorum nuncupationes pro ejus reditu, solvit in Indiam anno 1551. In eo itinere decumana tempestate jactatus, grandi miraculo navim salvavit, sed grandiore scapham, quam cum hominibus quindecim à navi avulserat tempestas. Cum enim crederetur, vel statim interiisse, vel navim nequaquam assequi posse: Xaverius mente ad DEum elevata prædixit; scapham ante triduum elapsam adfuturam salvis omnibus, quos vehebat. Nec fefellit eventus. Adfuit tandem, & ultro commodèq; ad navim accessit scapha; cumq; ex illa educerentur amissi, ac rogarentur: quomodo tanto tempore jactati, adesse potuissent? responderunt, se præsenre Xaverio timuisse nihil: ipsum omnibus animos addidisse, imò & scapham rexisse; idq; juramento affirmabant. Tum enim verò omnes occupavit stupor: siquidem & qui in navi erant, Xaverium semper in oculis habebant; & qui in scapha jactabantur illius præsentia & ope non carebant, communicante se Apostolo omnibus, etiam ultra vires naturæ. *Barolus in Vita lib. 3. n. 50.*

*S. Xaverii præsentia in duobus locis.*

3. Apud Sinas anno 1585 P. Rogerius & Almeida opportunissima occasione invitati Sciauquino discedentes, ubi P. Riccium cum Fratre Lanciani reliquerunt, in Sinarum interiora felicissimè penetrarunt, navigatione amœnissima per duos menses protracta. Interim Riccius Sciauquini alterum publicum baptismum insigni pompâ instituit, baptizatis personis 20, selectis. *Sacchin. hist. Soc. p. 5. lib. 5. num. 163.*

*Eodem die obierunt.*

4. In Hispania anno 1581, P. Didacus Borassa, Hispanus. Romæ, Dilingæ, Parisiis, tanto nomine ac frequentia Philosophiam docuit: ut alicubi *Philosophi* cognomentum tulerit, à quingentis auditus. Cæterum simplicitate religiosa & obedientiâ cecâ fuit illustrior. Hirundinem in arbore sedentem accipere jussus, ivit, & aviculam facile cepit, atq; ad Superiorem detulit, DEO vetera Patrum exempla restaurante ac commendante.

*Avicula jussu superioris capta*

5. In Hispania Nova apud Tenerapam anno 1616, P. Ferdinandus de Santaren, Hispanus, odio fidei à barbaris Tepeguanis casus, post multos labores illorum causâ exantlatos. Avidissimus ærumnarum dictitabat: *Velle ærumnam carere, idem esse; ac velle Christo tergum obvertere, atq; illum solum sub cruce relinquere.* Per annos 23 horridam illam vineam infracto animo coluit, DEO tandem par labori incrementum dante. Suprà 40 nova templa erexit, atq; ut minimùm quinquaginta millia capitum sua manu baptizavit. Qui fidei felix progressus non potuit non exacerbare dæmones, & satellites eorum: ut ad opprimendos omnes Christi operarios conjurarint; & non paucos, de quibus præcedentibus diebus, sustulerint morte cruenta. Prælufit P. Ferdinandus neci suæ crebra atq; corporis sui castigatione; cui non proprias solum adhibebat manus; sed subinde à duobus Indis arbori voluit alligari, & dira flagellatione con-

*Victima fidei.*

*cidi.*



cidi. Ante mortem rogavit barbaros, qua de causa, violentas manus sibi inferrent? Respondere barbari: satis superq; causæ esse, quod Christianus Sacerdos esset. Ita illi clavâ confractum caput, cerebrumq; dispersum.

## XXI. NOVEMBRIS.

*Congregatio  
Gen. VIII.*

1. **P**ost obitum P. Mutii Vitellesci Præpositi Generalis, ex ejus, dum viveret scripto suffragio renunciatus est Vicarius P. Carolus Sangrius Assistens Italiæ: qui Congregationem Generalem Octavam indixit, inchoavitq; hoc die, anno 1645; à qua electus est Generalis P. Vincentius Carafa. *Ex Decr. Congr. 8.*

*P. Petrus in  
Sinis honoratus*

2. Apud Sinas cùm P. Francisco Petrio concessa esset anno 1565 venia adeundi Cantonem urbem Sinensem: datus est illi hodie Senatus, coram quo exponeret postulata sua. Exposuit ille per libellum supplicem; se esse hominem literarum amantem, & præter scientias naturales, etiam cælesti quadam & divinâ instructum se esse: ad quam florentissimo & eruditissimo illi regno communicandam, optare se ac petere stabilem locum, in quo posset figere domicilium, & pro Regis ac regni felicitate offerre DEO cæli & terræ sacrificia. Quæsitum est ex illo: quædam esset illa cælestis divinaq; doctrina? Respondit Pater: Docere se, quomodo DEO cæli terræq; Conditor sit colendus, cujus beneficio homines vitam & beatitudinem æternam consequi possent; cultum autem illum consistere partim in certis ritibus, partim, & maxime, in observatione mandatorum ejus; qualia sunt: fidem ac pietatem colere, parentes honorare, proximum diligere, nemini injuriam facere &c. Quibus auditis, Mandarinum se invicem admirabundi inspectantes, continuo vestem purpuream Damasceno textu afferri jubent, eamq; humeris Patris injiciunt, tanquam tesseram viri præstantis ac eruditi. Sed plus impetrari tunc non potuit. *Sacchin. hist. Soc. p. 3. lib. 1. n. 140.*

*P. Franc. Suarez defunctus  
Eucharistiam  
habuit.*

3. In Lusitania anno 1637 Venerab. P. Franciscus Suarez, jam ante annos viginti defunctus, insigni beneficio recreavit Fratrem nostrum Hieronymum de Sylva, Coadjutorem, hominem vitæ valde religiosæ, & P. Francisco, dum viveret, perfamiliarum. Habebat is in more, ut diem Præsentatæ in templo DEiparæ V. communionem Eucharisticam celebraret: constitutus autem in itinere quodam, cùm copiam habere non posset divini epuli, deflexit in viam ad desertum quoddam Sacellum; ut saltem piis affectibus pasceret animam. Et ecce procedentem ad se videt P. Franciscum, sibi notissimum, Sacerdotali habitu indutum, auratam levâ pyxidem gestan-



stantem; qui ubi dixit se divinitus missum ad eum consolandum, caelestem ei panem porrexit, desinitq; videri; liquecente præ animi deliciis Hieronymo. *Massesius in Vita P. Suarii cap. 24.*

*Eodem die obierunt.*

4. Romæ anno 1584, P. Franciscus Turrianus, Hispanus, Concilio Tridentino magna doctrinæ opinione atque autoritate interfuit, à summo Pontifice missus. Societatem amplexus est ætate jam gravis, at senectâ utili adhuc & viridi; inter tyrones magno planè humilitatis documento versatus. Illud multæ atque reconditæ eruditionis suæ, ac positæ operæ in pervolutandis bibliothecis, pretium tulit: quòd cùm Pius V. festum Præsentationis è Breviario, ceu minus antiquum, expungi passus esset: ille ex vetustissimis scriptis atque Patrum autoritatibus, ita antiquitatem ejus Festi probavit, ut restitutum sit. Cujus laboris præmium videtur fuisse pia mors ipso hoc DElparæ V. festo oppetita. Virtutem eximiam admiranda eruditione, & copiâ editorum Librorum eximie illustravit; supra quinquaginta recenset *Sourvellus in bibl. Soc.*

*Festum Præsentationis B. V. Breviario restitutum.*

5. Ingolstadii in Germania, anno 1634, Nicolaus Martius, Scholaasticus, Germanus notam innocentiam, magno Indiarum desideratarum zelo, atque heroica charitate insignis. Tertium philosophiæ annum agens, cùm pestem latè grassari videret, advertit se jacturam Indiarum, quas impetrare nondum potuerat, utèunque compensare posse glorioso labore in obsequio pestiferorum. Annuente itaque superiore, solennibus verbis se devovit DEO, pro salute Sociorum: & biduo post suffocatus catarrho, insignis victima charitatis occubuit.

*Victima charitatis.*

6. In castris Sigismundi III. Regis Poloniæ, ad Smolenscum, anno 1609, P. Fridericus Bartschius, Prutenus. Societatem Romæ ingressus, Viennæ Austriæ Theologiæ exultus, Vilnæ in Litvania Theologicâ laureâ ornatus, datus denique est Sigismundo Regi arbiter conscientiæ. Propter eximias virtutes, excellentem doctrinam, & in conversando comitatem, Proceribus regni, aulicis, & ipsi hæreticis gratissimus & venerabilis, secutus est regia castra sub Smolenscum in Russiam: ubi dum militibus contagiosa lue infectis, impigrè omnem impendit operam, contracta lue decessit. Corpus Vilnam jussu regis delatum, solemnibus exequiis, panegyri, & præsentia Serenissimæ Reginæ Constantiæ cum Principe filio, est honoratum. *Sourvell. in bibl. Soc.*

*Victima charitatis.*

7. Braxellæ in Belgio anno 1658, P. Jodocus Andries, Belga, Ecclesiastes eximius & indefessus per annos prope 40, etiam si subinde bis vel ter in diem dicendum esset. Fuerunt fide digni, qui affirmarunt: vidisse se, dicentem caelesti luce circumfusus, & aliquando stellam ejus vertici insidentem. Cùm advertisset, ex parvis libellis piis, vel patentibus foliis, in populum sparsis, ferè plus fructus colligi, quam ex majoribus plurimos edidit præsertim de Perpetua Christi Cruce, & de Perpetuo gladio Regine Martyrum retulitque uberrimum operæ pretium. Moriens, alacri voce exclamavit: *In calum! In calum!* & abiit. *Sourvell. in bibl. Soc.*

*Ecclesiastes eximius.*

## XXII. NOVEMBRIS.

1. P. Franciscus Petrius cùm satis speciose Professionem suam exposuisset Gubernatoribus & Magistratui Sinenfi, ut heri narratum, re infecta

*P. Petrius Sinenfi re infecta.*

Mmm

Maca-



Macaum, unde venerat, se recipere coactus est. Quàmvis enim non deessent Mandarinì quidam, qui censerent, Viro tali, qui non aliud quæreret, quàm DEi cœli & virtutis cultum, posse concedi domicilium: sanctior tamen apud plures & altiores, fuit lex patria, de non admittendis peregrinis. Negotium quoq; legationis regis Lusitani ad Sinarum Imperatorem rejectum est: epistola tamen valde officiosa data ad regem, quâ se purgavit Imperator. Patri Petrio spem domicilii fecerunt nonnulli Mandarinì, si melius instructus linguâ Sinensi veniret: ut opus non esset interprete. Sed videtur fuisse officiosa rejectionis excusatio. Curiaë divinæ nondum visum est tunc maturum negotium illud, *Sacchin. bist. Soc. p. 3. lib. 1. n. 142.*

*Eodem die obierunt.*

*Jurandi consuetudo.*

2. Guadixii in Hispania, anno 1601, P. Petrus Bernal, Hispanus. Magnam sanctorum opinionem sibi comparavit, orandi, se mortificandi, & animas juvandi studio, vitiis extirpatis. Contra jurandi consuetudinem tanto ardore dicebat; ut etiam parvuli discitarent: se non juraturos, ne P. Bernal habeat, cur indignetur. Multa ex vero prædixit, & morbos periculosos impositione manuum fugavit.

*Fructus in carcere.*

3. Porti in Lusitania anno 1656, P. Nicolaus Nugentius, Hibernus. Magni Ecclesiæ elogium meritis, patriam suam per annos 40 multo labore excoluit difficillimis temporibus. Angli Præsidis jussu tentus, quatuor annorum ærumnosum carcerem toleravit, non suo tantum, sed Catholicorum etiam ad ipsum confluentium, magno fructu. Proscriptus denique ex Hibernia, in Lusitaniam se recepit: ubi & operarium, & Sociorum Superiorem insigniter egit: suo tamen gubernandi modo non contentus, quoties, posito magistratu, meminit obitæ gubernationis, à lacrymis sibi temperare non potuit. Morbos non paucos, oblato pro ægris sacrificio divino, feliciter curavit.

*Missionarius.*

3. In monte Frigido in Hispania anno 1607, P. Ferdinandus de Adamo, Hispanus. Invitatus à Præposito Provinciæ ad obeundas sacras Missiones, obtentu valetudinis debiliore subduxit se labori. At postea cum Asceticas S. P. N. exercitationes obiret, apertum Christi latus intuitus, perfususque divino lumine, erubuit, & cum lacrymis Missiones petiit: quas Apostolico planè zelo obibat, ingenti animarum fructu. Unde dæmon aliquando auditus est dicere; Alamellum (ita eum per contemptum vocabat) esse unum ex iis, quos haberet maximè inimicos.

*Dæmoni insensus.*

XXIII. NOVEMBRIS.

*Hieron. Natalis accedit Societati.*

1. Dies hic magnum virum dedit Societati anno 1545 Hieronymum Natilem: quem S. Pater, cum adhuc uterq; Parisiis vacaret studiis, jam maximè idoneum vidit propositis suis, captabatq; hominem omnibus, quibus poterat, modis. Sed ille, quamvis pietati apprime deditus, remis velisq; fugiebat viam perfectionis, quam monstrabat Ignatius: & cum hic

hic aliquem ex  
tum hanc  
du. Sec  
post ann  
florente  
mam se  
mè viri  
dem pos  
ut sine  
de ineu  
numerat  
dem fam  
rendas.

2.  
cisco Su  
ut 21  
mini p  
litate,  
missa ad  
trem H  
quomo  
sejus tr

3.  
rorum ex  
natis. M  
Jam antè  
quarta vi  
diebus, i  
fociorum  
libus i

4.  
severos  
ullius  
philos  
puden  
eripui  
audire



hic aliquando pressius instaret, Hieronymus productum Evangelii Codicem exhibens; En, inquebat, quem ego sequar; non te, qui quem exitum habiturus sis cum Sociis tuis, ignoro; simulque evolavit e conspectu. Sed insecutus est eum DEus, nec ullam animo quietem dedit: donec post annos complures, confirmata jam Societate, & Viris rebusque gestis florente, præsertim postquam S. Xaverii ex India datas literas legit; Romam se contulit, & ad obeunda Spiritualia Exercitia, quæ hætenus summè vitarat, animum applicuit. Ibi variis primùm agitatus spiritibus, tandem post decem, & octo dies, tam copioso cælitus perfusus est lumine: ut sine mora ulteriore, hoc die votum emiserit, & scripto consignarit de ineunda Societate, & vilissimis in ea officiis obeundis. Sic tandem annumeratus est Sociis, qui pridem potuerat esse unus de principibus ejusdem familiæ; magnoque deinceps usui fuit S. Ignatio, ad res magnas gerendas. *Orland. hist. Soc. lib. 5. n. 4. & seqq.*

2. In Lusitania, postquam Fr. Hieronymus de Sylva, à Ven. P. Francisco Suarez, divinitus spectabili, sacra Communione refectus fuisset, prout 21 Novemb. narratum: rediit ad Collegium suum Portuense, certus nemini patefacere, quod sibi contigerat in via. Sed DEus, salvâ viri humilitate, rem gestam aperuit per Sanctimoniam e familia S. Claræ, quæ missâ ad P. Rectorem Collegii schedâ, impensè eidem commendavit Fratrem Hieronymum, tanquam virum DEo charum; exposuitque distinctè; quomodo à P. Suarez pridem defuncto, divino epulo refectus fuit. *Massejus in Vita P. Suar. cap. 24.*

*Eodem die obierunt.*

3. Pragæ in Boëmia anno 1613, P. Marcus Soldanus, Italus in obsequio pestiferorum extinctus, cum aliis 15 Sociis, in simili per Boëmiam obsequio, similiter coronatis. Multa egregiè gessit in commodum miserorum, ideoque *Pater pauperum* dictus. Jam antè ter in pestilentem illam arenam descenderat, exieratque salvus & victor: quarta vice prostratus est, non tamen coronam amisit, ad quam paucis ante obitum diebus, ipsum vocaverant SS. Ignatius & Xaverius, qui se ei cum splendida plurium fociorum corona spectandos dederunt. Morte sua securitatem peperisse visus est superstitibus in eadem arena focis, nemine post illum extincto.

4. Cartilionæ in Italia anno 1621, P. Hector Lupatinus, Italus. Castimonie tam severus custos fuit à teneris; ut, ex quo rationis usum adeptus est, nullum foeminae ullius ministerium, nedum familiaritatem, admiserit. Patavii in lectulo Hectoris, philosophiæ tunc studentis, nondum religiosi, collocarunt foeminam insolentes & impudentes quidam: quam ille ubi domum redux vidit, confestim se fugâ de illa domo eripuit, nec in eam unquam pedem retulit. In Societate cum foeminas confitentes audiret, aures illis tantum, non oculos dabat, easque expediebat pari ædificatione &

*Eucharistia  
data à P. Suarez  
pateris.*

*Victima cha-  
ritatis.*

*Castitatis en-  
dos.*



brevitate. Charitate, patientia, obedientiâ præstans, & æger, & sanus nihil unquam aggrediebatur, nisi habito superioris ita volentis, nutu : qui nutus etiam sufficiebat ad inchoatum quodlibet opus omittendum.

## XXIV. NOVEMBRIS.

*Littera Pii IV  
ad Regem Hi-  
spania pro Soc.*

**P**ius IV Pont. Max. cognito decreto, in Hispania condito, quo veta-  
bat rex Philippus II, ex Hispania Romam mitti Collegio Romano  
subsidia quædam, plenissimam affectu paterno epistolam dedit anno 1561  
ad eundem regem pro Societate, & in particulari, pro Collegio Roma-  
no. Et officio, inquit, nostro convenit, Religiosam vitam degentes pa-  
trocinio nostro diligenter tueri ac fovere; & regibus maximè expedit,  
de servis ejus, per quem ipsi regnant, quàm optimè mereri. Dominus  
noster in servis suis recipitur, & honoratur, sicut ipse in Evangelio dixit:  
Qui recipit vos, me recipit. Sed inter Religiosorum Ordines, singulari  
ab Apostolica Sede studio, meritò complectendus est is Ordo, qui non  
ita pridem institutus, & ab hac Sancta Sede confirmatus, Jesu Societas  
appellatur. Hi enim operarii, licet novissimi, tanquam nonâ diei horâ,  
in vineam Dominicam ab ipso Domino inducti sunt: adeò strenuam ta-  
men, & utilem operam navare cœperunt: ut non modò spinas ex ea, &  
vepres evellere aggressi sint; sed ipsam etiam alibi auxerint & propagâ-  
rint. Incredibile ferè est, quantum tam brevi tempore hic Ordo profe-  
cerit, quantum Ecclesiæ DEi utilitatis attulerit &c. Descendens postea  
Pontifex ad Collegium Romanum; Hujus Ordinis, inquit, maximum in  
hac alma Urbe Collegium habemus, quod tanquam Seminarium quod-  
dam est aliorum, quæ per Italiam, & extra Italiam in Germania & Gal-  
lia propagantur. Ex hoc uberrimo Seminario Apostolica Sedes instituit  
delectos idoneos Ministros, tanquam generosas & frugiferas plantas, ali-  
os aliò, prout usus venerit, conserendas mittere. Nullum unquam hî  
laborem pro DEi honore, & hujus Sanctæ Sedis obsequio recusant - Ita-  
que multum debemus huic Collegio ita de Religione Catholica merito,  
& assiduè merenti - - Quamobrem Majestatem tuam hortamur in Domi-  
no, rogamus, & in remissionem peccatorum suademus: ut pro tua præ-  
senti in DEum pietate, in Religiosos & bene de Christiana Religione  
merentes Ordines, liberalitate, sicut Rex verè Catholicus, hoc Collegi-  
um complectare, & quàm commendatissimum habeas &c. *Sacchin. hist.  
Soc. p. 2. lib. 5. num. 158.*

*Eodem*



*Eodem die obierunt.*

2. Salmanticæ in Hispania, anno 1601, P. Franciscus Ribera Hispanus, Concio-  
nator & animarum zelator præstans. Talis cum etiam in sæculo esset, Societatem in-  
gressus est, postquam à P. Martino Gutierrez audivit: *DEO consecrandum esse, quod ha-*  
*bemus optimum*, id est, liberam voluntatem. Magistro P. Balthasare Alvarez, eos fe-  
cit in virtute solida progressus: ut exemplar esset perfectionis religiosæ. Concionan-  
tem ad populum, vidit S. Theresia, quæ ipso utebatur Confessario, ingenti splendore  
circumfusus; Christum verò Dominum assistentem, atque in ejus humeros reclina-  
tum, cumque suavi amplexu foventem. Audivit quoque dicentem: *Hic est, o Anima,*  
*qui sensu germano scripturas meas, ea veritate, quam ipsi infundat, explicat.* Novit ipsum ea-  
rum pretium expendere, quas ego mortalibus mei sanguinis effusione comparavi. *Gratulare tibi,*  
*quod cum habeas à Confessionibus; obtempera disti ipsius: ita voluntati meæ feceris satis.*  
Tertio post mortem die visus est multâ gloriâ conspicuus ante thronum DEI, è cujus  
pectore pulcherrimus lucis radius promicans, P. Franciscum miro splendore & gau-  
dio perfundeat. Unde patet: quantum auctoritatis debeatur doctissimis ejus Com-  
mentariis, quæ edidit in 12 Prophetas Minores, in Epistolam ad Hebræos, atque in  
Evangelium & Apocalypsim S. Joannis.

*Interpres à  
Christo lau-  
datum.*

3. Villagartiæ in Hispania, anno 1621. P. Bartholomæus Perez, Hispanus. Re-  
gularum amantissimus, & observantissimus, semper eas circumferebat in sinu. Quo-  
ties è cubiculo prodibat, fere semper Tabernaculum Eucharisticum invisebat. Jam  
morti proximus, & viribus destitutus petiit: an posset bonâ conscientia omittere an-  
notationem consuetam punctorum, in Libello Examinis particularis? manabatque  
jugibus lacrymis, quod tempus in Societate non optimè, juxta genium ipsius,  
collocasset.

*Regularum  
observantiæ.*

XXV. NOVEMBRIS.

1. **H** Abita est anno 1603 Congregatio & disputatio de Aux. coram Cle-  
mente VIII vigesima secunda. Argumentum disputationis fuit:  
*An, quod liberum arbitrium ex se, separatum à gratia, nihil habeat à Deo,*  
*nisi possibilitatem illam, quam DEUS tribuit ab initio, sit ex sententia S. Au-*  
*gustini, vel potius Pelagii?* Respondit P. Bastida, distinguendo tres sen-  
sus istius quæstionis, ostenditq; ex mente S. Augustini, & Molinæ, Li-  
berum arbitrium concurrens ad actum bonum, plus omnino habere à  
DEO, quàm possibilitatem illam. Quia DEUS per gratiam suam ipsum ar-  
bitrium movet, excitat, & adjuvat, ut actu operetur, & non solum pos-  
sit operari. Prolixè, clarè & nervosè hæc deduxit Bastida. *Eleuther, de*  
*Auxil. lib. 5. cap. 26.*

*Disputatio de  
auxilijs gratiæ*

2. B. Aloysius Gonzaga, à DEIPARA monitus de ingredienda So-  
cietate, toto triennio cum Patre Marchione Castilionensi, invictâ con-  
stantiâ luctatus, tandem assensum obtinuit, & anno 1585, die Divæ Virgi-

*B. Aloysius in-  
greditur Soc.*



ni ac Martyri Catharinæ sacro, Romæ tyrocinium Societatis est ingres-  
sus. *Sachin. hist. Soc. p. 5. lib. 5. n. 45.*

*Cordubense  
Collegium.*

3. In Hispania anno 1553 Cordubam venerunt Socii ad inchoan-  
dum Collegium, quod noster P. Antonius Corduba, vir de principe fa-  
milia, moliebatur; sed absolvit Joannes Corduba, ei sanguine junctus,  
Decanus Cordubensis. Erat is & genere & opibus præpotens, avidus au-  
tem cognoscendæ Societatis. Ubi ergo audivit, venisse Cordubam Patrem  
Villanovam cum Sociis, omnes invitavit ad se, hospitium præbet, libera-  
liter hospites habet; semper autem intentissimus, & diu noctuq; deditus  
explorandis eorum non solum moribus, sed mentibus; dabatq; passim  
occasionem, ut eos caperet. Sed dum hoc agit sollicitius, capitur ipsemet.  
Cum enim nihil deprehendere posset tota industriâ suâ, alienum à mori-  
bus religiosis; suspicere coepit ac amare Institutum tale, eoq; res deve-  
nit; ut domum propriam offerret pro Collegio, redditus quoq; assigna-  
ret annuos; & quod caput est, vitam ipse, statui suo non conformem, cum  
stupore civitatis mutaret in Prælato Ecclesiastico dignam. *Orlandinus  
hist. Soc. p. 1. lib. 13. n. 39.*

*Eodem die obierunt.*

*Ecclesiastes 16.  
sumus.*

*Prophetia de  
mundo mulie-  
bris splendorio-  
re.*

*Unus est totus  
Collegium.*

4. Avissi in Lusitania anno 1590, P. Ludovicus Alvarez, Lusitanus, Concio-  
nando tantam nominis celebritatem assecutus fuit: ut Summus Pontifex P. Præposi-  
to Generali dixerit, sibi relatum: Comparuisse in Lusitania novum quendam Paulum,  
è Societate: ita ardebat ejus oratio, & intimas ossium medullas penetrabat. Etiam in  
profecta ætate, pedes obibat Missiones trans Tagum, libros ipse bajulans, & cibi ali-  
quid: si nihil secum attulisset, precario visitabat, Xenodochio diversorii vice usus.  
Mundum muliebrem insolentiorum acerrimè insectatus, prædixit: Brevi fore, ut va-  
num petulantemque illum splendorem barbaris darent forminx, ad redimendos è vin-  
culis maritos. Quod evenit post funestam illam Sebastiani regis in Africa cladem.  
Puratur P. Ludovicus veneno sublatus à quodam, cujus pravyos mores corrigere  
studebat.

5. Madriti in Hispania anno 1627, P. Rodericus Ninno de Guzman, Hispanus,  
Illustrissimos natales splendida virtute, & singulari animas juvandi ardore ornavit.  
Ut obscurus & ignotus viveret, quâvis sublimioribus tradendis scientiis perido-  
neus, Grammaticæ classi infimæ docendæ applicari, efflictim petiit, & obtinuit. Sed  
non diu lucerna hæc sub modio illo latere potuit. Evectus ad Cathedram Ecclesiasti-  
cam miros plausus, & animorum motus excitavit; semelque auditus à Philippo IV.  
rege, mox in Aulicum Concionatorem assumptus est. Illud singulare, & planè mi-  
randum: quoddam sive Collegio, sive Domui Professorum præsetlet, sive Provinciam gu-  
bernaret, perinde assidens occupabat Confessionale, perorabat è Cathedris, serviebat  
in Nosocomiis, exhortabatur Sodales, instituere rudes, invisebat & morti parabat  
Ægeros; ut in proverbium venerit apud socios: P. Rodericum in se uno totum Colle-  
gium



gium circumferre, eo; quòd solus omnium munia impletet. *Ex Tannero.*

463

## XXVI. NOVEMBRIS.

1. **I**N Academia Ingolstadiensi Theologicas lectiones auspicati sunt anno 1549, Patres Salmeron, & Canisius. Salmeron Epistolas D. Pauli, Canisius Magistrum Sententiarum explanandum suscepit; Jajus, qui unà cum illis tunc advenerat, sed jam antè ibidem legerat, Psalmos Davidicos postea est interpretatus. Magno cum gaudio & honore venientes ex Italia excepti sunt Dilingæ à Card. Augustano, Monachii à Duce Bavarix, Ingolstadii ab Episcopo Aistetensi, & Academia tota; cujus Doctores omnes atq; Magistri ad eos consalutandos in diversorium conveniunt, atq; hospites liberali epulo exceperunt. Nec fefellerunt isti spes de se conceptas, in id totis connisi viribus, ut Catholicam juventutem in fide firmarent, hæreticorum corruptelas arcerent, ac extirparent. *Orlandinus hist. Soc. p. 1. lib. 9. num. 53.*

*Ingolstadii no-  
stri docent.*

2. In Hispania, dum Roma desudat in examinando P. Molinæ libro, jam fama volitabat, confixum esse, & Societatis doctrinam prope diem esse damnandam. Rumor hic cùm ad ipsum Philippum III Regem pervenisset, non distulit literis, quas hoc die anno 1598 dedit, convenire Clementem VIII, rogando: ut pro sua autoritate & sapientiâ pacem conciliaret inter dissidentes Ecclesiæ utilissimos, Ordines duos. Alias dedit literas ad Oratorem suum Romæ degentem, Ducem Sessæ: quibus ei commendat, ut procuret, ex æquo bonoq; judicium exerceri; ut neutra pars dissidentium, ulla in re iniquiore conditione prematur. Audiantur prius, & tum demum causâ satis cognitâ, jus æqualiter administretur. Multum contulisse videtur hæc sollicitudo & autoritas regis: ut Pontifex non staret judicio Censorum libri Molinæ: sed totam causam ad se transtulerit. *Eleuther. list. de Auxil. lib. 3. cap. 5.*

*Littera Regis  
Hisp. in causâ  
sa Molina.*

*Eodem die obierunt.*

3. Mutinæ in Italia anno 1629, P. Joannes Argentus, Italus. In Italia, Austria, Polonia, Transylvania, insignia prudentiæ, zeli, conjunctionis cum DEo, & perfecti Religiosi edidit exempla; fuitque passim in ea æstimatione; ut defuncto Præposito Generali, Claudio Aquaviva, licet absens, viginti novem suffragiis ad id muneris fuerit desideratus. Nullus illi in agendo fucus, unica in diem refectio, pro lectulo ursina pellis, paterna erga omnes facilitas, eximia in Virginem DEiparam & S. P. Ignatium, pietas; ut meritò creditum sit, eos conspectu suo ipsum recreasse.

*Absens habet  
suffragia pro  
Generalatu.*

4. Romæ anno 1572, P. Joannes Bapt. Sanchez, Hispanus. Vir quàm severus disciplinæ religiosæ exactor à se ipso, tam impatiens erratorum alienorum. Unde cùm

*Defectum ofer.*

in



in Sociorum quibusdam nonnulla adverteret errata, ad ipsam Societatem eā referebat, putabatque ipsam labi in deterius. Romam igitur evocatus, & venit obedienter, licet à morbo fractus; & melius de Societate sentire didicit. P. Balthasari Alvarez aliquando dixit: sibi ad mortem præ dolore oppetendam satis fore; si sciret, se uno adhuc integro die victurum. Ita cupiebat dissolvi, & esse cum Christo.

*Concionator  
S. Palatii.*

5. Romæ anno 1681, P. Joannes Paulus Oliva, Italus Genuensis, Præpositus Generalis Societatis JESU. Avum & Avunculum habuit Serenissimos Duces illius Reip. Concionandi munus per annos plurimos tanto plausu & fructu sustinuit: ut à 4 Summis Pontificibus, Innocentio X, Alexandro VII, Clemente IX & Clemente X, in Concionatorem S. Palatii Apostolici fuerit adlectus. Spiritum ipsius satis produnt Volumina edita. Onus gubernandi Societatem ob valetudinis imbecillitatem deponente P. Gofwino Nickel: suffectus eidem est à Congregatione Generali cum plena gubernandi potestate; & jure succedendi. Gubernavit Societatem annos viginti, insigni temperamento suavitatis & disciplinæ, ac exquisitæ prudentiæ encomio.

## XXVII. NOVEMBRIS.

*Panormi no-  
vum Collegiū.*

1. IN Sicilia Panormi jacta sunt anno 1586 fundamenta novi Collegii. Quod enim anno 1549 conditum fuit, minùs commodum videbatur, & potiùs Domui Professæ accommodatum. Consignatum ergo est Professis, novumq; unà cum Scholis inchoatum. Primo lapidi jaciendo manum admovit Prorex ipsa Sicilia, cum amplissimo Senatu. *Sacchin. hist. Soc. p. 5. lib. 6. num. 16.*

*Decretum de  
origine Car-  
melitarum.*

2. In Urbe emanavit tandem Anno 1698 Decretum Innocentii XII, quo, post multas altercationes, inter PP. Carmelitas & P. Daniellem Pappenbrochium è Societate nostra ferventes ( de Antiquitate & Origine Sacri Ordinis Carmelitarum ab Ella & Elisæo Prophetis ) utrique parti severum indicitur silentium: ut nec in libris impressis, nec in dissertationibus, nec in disputationibus, nec in Thesis scriptis vel impressis, de hac materia affirmativè vel negativè tractetur. *Ex literis Rom.*

*Eodem die obierunt.*

3. Mexici in America, anno 1595, P. Jacobus Herrera, Hispanus, humilitate, pietate atque animarum zelo eximius. Tam scitè sanctèque tractabat animas, quæ se ejus directioni commiserant: ut præter alios præclaros fructus, trecentæ Virgines, illius institutione, ad cælestem in variis coenobiis vitam degendam transferint.

*Senatus mi-  
nistri exisium.*

4. Duaci in Belgio anno 1617, Matthias de la Saulx, Belga Coadjutor. Magna curandorum ægrorum peritia, nec minor erga eosdem charitas in eo eluxit. Sed omnes præclaras ejus dotes vix non corruptit intempestivum & pertinax desiderium Sacerdotii. jam enim postridie dimittendus erat è Societate: cum noctu per quietem, videre sibi visus est S. P. Ignatium, ad pedes lectuli consistentem, & formidabili manu exitium sibi comminante, si non perseveraret in Societate. Tum ille in uberes lacrymas effusus, manè sine mora ad superiorem advolavit, & damnato errore suo, potestatem



testatem in Societate manendi effictim petiit, impetravitque; in qua deinceps ita vi-  
xit; ut omnibus charus, pretiosam meruerit mortem in obsequio pestiferorum,

5. Hispali in Hispania, anno 1611, P. Petrus Fontanus, Hispanus. A teneris Di-  
vinæ Eucharistiæ, ac DEiparæ V. cultui addictissimus, ut illis placeret magis, non  
castam solum, sed nitidissimam servare conscientiam studebat. Neverò per huma-  
nam fragilitatem navi aliquid subinde contraheret: mortem potius impensè opta-  
bat. Ad quam celerius obtinendam. Novemdiale Sacrum Beatissimæ V. instituit:  
cùm autem putaret, se nihil impetrasse; voluntati divinæ se plenè permisit. At pro-  
pior, quàm putarat, mors aderat; hominemque, quò desideraverat, abripuit intra  
paucos dies.

*Mors impetrata.*

## XXVIII. NOVEMBRIS.

1. IN Germania anno 1590, disputatum feliciter cùm hæreticis. Marchio

Badensis A catholicus medico utebatur domestico, Joanne Pistorio:  
qui inita cùm Patribus Collegii Spirensis familiaritate, conversus tandem  
est ad Fidem & Religionem Catholicam. Is misto sæpius cum Marchio-  
ne præfato de Religione colloquio, paulatim suspectam ei fecit sectam,  
Lutheranam. Marchio, vir prudens, salutis suæ consulturus, ut certi ali-  
quid circa Fidei controversias assequeretur, optavit colloquium alicujus  
ministri in secta sua celebrioris, cum suo Pistorio; scripsitque ea de re ad  
ducem Wirtembergensem. Dux suasit Jacobo Andrea Smigdelino, eo  
tempore inter Lutheranos rabulas famoso: ut præclaram susciperet occa-  
sionem, de sua religione merendi. At ille, ut tumidum est hoc hominum  
genus, prætendit: indecorum esse sibi, homini Theologo, disceptare cum  
medico de religione; adesset sibi par Theologus Catholicus, non recusa-  
turum se congressum. Accepta facile conditio, rogatusque adfuit sine  
mora P. Theodorus Busæus, Collegii Molshemienensis in Alsatia Rector,  
vir apprimè doctus. Locus certamini designatus urbs Bada, seu Badena:  
eò se minister, magna stipatus symmistarum manu, contulit, sub finem  
Novembris. Certatum eventu non dubio: ut patuit ex conversione Con-  
cionatoris aulici, qui victus Catholicorum argumentis, Ecclesiæ accessit.  
Marchio quoque in conscientia convictus erat: ne tamen Religionis mu-  
tationem leviter susceptisse videretur: aliud colloquium indicendum pu-  
tavit, ad quod invitavit Doctorem Egidium Hunnium. Sed is Smigdeli-  
ni clade territus, recusavit. Suscepit tamen eam spartam Joannes Pap-  
pus Doctor Argentinenensis, comparuitque cum octodecim Badensis Pro-  
vinciæ ministris, ante omnia professus: se nec cum Pistorio, nec cum Je-  
suita verbum facere velle, sed cum solo Concionatore aulico, nuper, ut a-

*Disputationes  
cum hæreticis.*

Nnp

jebat



jebat, seducto. Verum nec ex isto conditu palmam tulit hæresis. Concionator ille, DEO opitulante, tam strenuè rem egit contra Pappum: ut Marchio planè convictus, dicere solitus sit: præcipuam suæ conversionis causam fuisse Pappum, miserè profligatum. Accito igitur P. Theodoro, Lutheri errores execratus est, primus è Principibus Imperii conversis; 15 die Julii palàm Fidei Catholicæ fecit professionem, prædicantes è tota ditione sua proscripsit, sana occlusit, nihil metuens terrores & arma principum vicinorum. Aliis igitur artibus impetitus est, & porrectis venenatis cerasis sublatus, zelosissimus Princeps: è cujus linea descendentes Marchiones, etiamnum Catholici perseverant. *Sacchin. hist. Soc. p. 5. lib. 10. num. 104. &c.*

*Eodem die obierunt.*

*Lemures pel-*  
*luntur.* 2. Tornaci in Belgio anno 1614, P. Oliverius Manaræus, Belga. Ab ipso S. P. Ignatio hausit primitias Spiritûs Societatis, quas continuis magnisque incrementis auxit. Romanum Collegium primum, deinde Lauretanum rexir; ubi cum cubiculum quoddam lemures infestarent, lecta S. Ignatii Epistolâ, importunos hospites exegit. Ibidem non semel prodigiosam DEiparâ V. opem expertus est, tum inannonatum in pecunia suppeditanda. Etiam cum summa quæque in Societate munia gereret; nullum, vel Novitium, diu coram se aperto capite stare passus est; quàm humilis, tam charus omnibus.

*Victima fidei.* 3. Nangasachi in Japonia, anno 1629, Leonardus Kimura, nobilis Japon, Coadjutor. Quamvis literis satis tinctus esset, maluit tamen Coadjutorum classi adscribi, Proscriptis è Japonia Sociis, persistit constans, latuitque aliquantisper in solatium & opem Christianorum. Comprehensus, conjectus est in angustum carcerem, cujus ærumnas integro anno fortiter & lætus toleravit; distributisque in morem Collegii pietatis exercitiis, carcerem in domum religiosam, imò in Ecclesiam convertit, conversis in illo baptizatisque octoginta sex capitibus. Interrogatus à Judice, cur contra decretum Imperatoris persisteret in Japonia? Respondit: *ut Christi Evangelium predicarem.* Tum Judex bis repetita voce sententiam dixit: *Ergo igne absumendus es.* Amplas egit gratias Leonardus. Alligatus stipiti, sine ullo doloris signo, stetit magnanimus; ubi verò ignis vehementiâ combusta sunt vincula; libera utrâque manu ardentes prunas collegit, & illis caput, velut rosis, coronans, exultabundus cecinit: *Laudate Dominum omnes gentes &c.* & invictum spiritum DEO tradidit.

*Victima charitatis Rector.* 4. Brugis in Belgio anno 1621, P. Joannes Mans, Belga. Cum pestifera lues civitatem acerbè affligeret, Episcopus & Magistratus opem ab illo, ut Rectore Collegii imploravere. Non est passus P. Joannes alteri gloriosam hanc cedere palmam; se ipsum obtulit, & multis magnisque meritis mortem pretiosam sibi comparavit.

XXIX. NOVEMBRIS.

**I**N Congregatione & disputatione xxxiv de Auxiliis Gratiæ, habitâ anno 1604 coram Clemente VIII, demonstravit P. Ferdinandus Ba-

stita:



stida: Scientiam futurorum contingentium conditionatorum, quam disputatione præcedente probaverat, dari in DEo, esse omnino certam & infallibilem; & non conjecturalem tantum, seu probabilem. Talis enim maximè dedecet intellectum infinitè perfectum, cui nuda & aperta sunt omnia. *Eleuther. hist. de Auxil. lib. 5. cap. 45.*

2. Anno 1572 post beatum Pii V. obitum, successit auspiciatissimè in Ecclesiæ universalis regimen Gregorius XIII: sed continuò rumor in Aquilonares Provincias emanavit; creatum esse Pontificem alienissimum ab Jesuitico nomine; & jam illos ex urbe expulisse. At planè oppositum evenit: statim enim ab initio sui regiminis perbenignum se Societati exhibuit; crevitq; deinceps continuò beneficentia usq; eò, ut vix ultra posset. Primum beneficentiæ specimen edidit, quando sub extremum Novembrem, re communicata cum præcipuis Cardinalium, diligenterq; discussa, permisit: ut Societas pristinis juribus suis ac Privilegiis à Sede Apostolica concessis, liberè ac integrè frui posset; adeoq; sustulit Chorum recenter inductum à Pio V. & solemnem Professionem, quam idem emitte voluit statim cum suscepto Sacerdotio, reduxit ad terminos in Instituto Societatis designatos. *Sacchin. hist. Soc. p. 3. lib. 8. num. 12. & seqq.*

*Scientia futurorum contingentium conditionatorum.*

*Gregorius XIII beneficentia erga Societatem.*

*Eodem die obierunt.*

3. Vallisoleti in Hispania anno 1611, P. Antonius de Padilla, Hispanus. Grandibus procerum titulis & fortunis se exuit; ut pauperem Christum in ejus Societate indueret. Humilitas illi pro primo Spiritualis vitæ lacte, & omnium adversorum condimento, erat. In tyrocinio jussit illam aliquando P. Balthasar Alvarez, ejus Magister, à mensa surgere, & ante portam domus cum mendicis manducare. Fecit alacriter; diebusque Sabbathi exibat cum emptore, & emptas carnes humeris domum deportabat. Pro pulpito audiebatur secundissimis auribus; dicebatque de illo Rex Philippus II. *Satis esse ad permovendum concionem, videre in pulpito P. Antonium, tanta mundi desipientiâ gloriosum.* Cum ei Burgensis Archiepiscopatus offerretur, dixit: *Sibi pro morte letulum unicum; eumque rudem ac vetustum, sufficere.* Quamvis vitam severissima virtute transegisset; in morte tamen immimentis judicii intuitu visus est trepidare. Sed accepto divino Viatico se ipsum animans. *Quid timere, ajebat, debeo, Domine mi; cum mihi dixeris, quod me clausum in tuo corde gestes? Cum ita sit, eamus, quo vis, non est, quod pertimescam.* Et obiit placidè horâ, quam prædixerat.

*Humilitas.*

*Contemptus bonorum.*

*Mors intrepida.*

4. Milistadii in Germania anno 1633, P. Petrus Ximenez, Hispanus, magnum in Annalibus Austriæ nomen. Græcii & Olomutii multa fortiter atque utiliter egit contra hæreticos, qui ibi dominabantur; viditque dulces laborum suorum fructus. In causa DEI & Religionis, nullis movebatur respectibus humanis. Unde Viennæ quoddam, qui cum feminis nutibus colloquebantur, prehensa manu è templo eduxit, dicens: *Locum illum DEo sacrum esse, nec polluendum his sordibus.* Oratio illi proxima,

*Zelus domus DEI.*



lixa, quæ illum aliquando à sensuum officio abstraherat. Post Sacrum summa attentione peractum, duobus aliis intererat; ut suavissimo hospite suo familiarius frueretur.

*Concionator  
apostolicus.*

5. Romæ anno 1694, P. Paulus Segneri, Italus, Missionarius per Italiam, & Concionator planè Apostolicus. Cùm circa annum 1663, ad sacrum Exercitiorum spiritualium solitudinem Perusi se recepisset; audivit DEum in corde sibi loquentem: *Volo, ut amemus invicem.* Fuisse hanc DEI vocem, mox probavit eventus. Ab eo enim momento mutatus in virum alterum, qui semper probus Religiosus fuerat, maximis passibus ad culmen perfectionis evasit, passim pro Sancto habitus & proclamatus; à summo etiam Pontifice expetitus. pro concionibus in aula habendis; quibus omnis conditionis hominibus, non aures mulcebat, sed loquebatur ad cor, in virtute DEI.

*Ex Epistola P. Pinamontii ejus Socii in Missionibus.*

### XXX. NOVEMBRIS.

*Lauretanum  
Collegium ca-  
dit nostris.*

I. A Nno 554 erectum est Collegium Lauretanum Pœnitentiariorum à Julio III Pont. Max. datulq; illi est primus Rector P. Oliverius Manaraus. Expedivit illuc S. Ignatius Socios 14 in fine Novembris, jussu Pontificis: qui cum propter confluum populi sufficientes non essent, aucti sunt postea usq; ad viginti. Quàm gratus ibi fuerit DEo Sociorum adventus, & labor; declaravit insigni ostento. Dum enim quidam è Patribus concionem dicit ad Canonicos & populum, alii verò in exedris constitutis dant aures & operam pœnitentibus: visus est multis, cælestis quidam splendor è fastigio templi labi supra Sanctam DEiparæ Domum, templo inclusam; ubi cùm aliquamdiu consedisset, digressus est ad Pœnitentiariorum tribunalia, superq; capita ipsorum & confitentium ferebatur tempore notabili. *Orlandinus hist. Soc. p. 1. lib. 14. num. 23. &c.*

*Ignis supra pœ-  
nitentiariorum.*

*Angeli locu-  
Ante Societate.*

2. Etiam per Angelos declaravit DEus anno 1650, hoc die: quàm acceptus ei sit labor Societatis, specialiter Missionariorum. Perpiniani, in Comitatu Roussillonensi, nunc Gallis subjecto, cùm præter bella, famæ & pestis affligeret populum: instituta est Missio Societatis pro excitanda populi devotione majore, ad placandam Divinam Majestatem. Recitabantur Litanie Marianæ in regali Parochia, frequenti populo præsentem: cum ecce religiosior quidam è Missionariis nostris, videt DEiparam V. aræ majori insidentem, ingenti splendore circumfusam, cujus latera stipabant SS Ignatius & Xaverius; Angelorum autem Chorum numerosissimum & suavissimum, audivit occinentem: Gaude atq; exulta, Augusta cæli Angelorumq; Regina. Gaude & tu Ignati, gaude Xaveri. O te Beatum Ignati, qui eos nactus es filios, qui tot animas à peccati vinculis, infamiq; servitute eripiunt, & laboribus suis verè Apostolicis, ca-

lura



lum implent tot tantisq; animarum manipulis. Quæ porro felicitas, quæ beatitas, ex illa esse Societate, quæ aded constanter & operose hominum salutis ac perfectioni incumbit? O generosi Societatis Missionarii ite læti, ite alacres -- Vobis imprimis amici sumus, ut vos adversus hostes tueamur, & omnia à capitibus vestris mala propulsemus. O gloriose Ignati gaude; qui filios habes, quibus vel maximè favet cælestis Pater, quos amplectitur DEUS Filius, quos impensius amat Spiritus S. & potentissima Regina nostra. Et tu gaude o gloriose noster Seraphim Xaveri: qui ad divina illa animarum lucra & dux fuisti, & lumen ipse prætulisti. Tibi debetur illa laus, illa gloria, qui aliis ad sacras illas expeditiones exemplo illustriore præfultisti. Gaude ergo, gaude magne Seraphim Xaveri! MARIAE verò gloria! quæ ad pios illos ausus animos fecit, & consilia saniora suggessit. -- Gloria MARIAE, gloria Ignatio, Gloria Xaverio! Gloria, gloria, gloria in æternum, in æternum! *Hæc caelestes genii, quorum aspectu cantuq; per mediam circiter horam recreatus est Missionarius ille. Ita refert Jacobus Lobetius Tom. 1. Quæst. in Domin. 5. Festa, quæst. 4. in Domin. 3. post Pentec. super illa verba: Gaudium erit in cælo super uno peccatore &c. Gomez in Elog. Soc. p. 3. classe 3. num. 8.*

3. Gerundæ in Aragonia anno 1658 insigni miraculo sanitatem subito restituit moribundo Venerabilis Pater Franciscus Suarez. Jacebat in Seminario desperata jam valetudine Magister è nostris: quem cum quidam è Patribus supremis Sacramentis procurasset, magnâ noctis parte apud ægrum transacta, existimans supervicturum in crastinum, recepit se in Collegium. Sensit autem vehementem instinctum, ut aliquid de reliquiis Ven. P. Francisci deferret ad ægrum, ac per ipsum à DEO posceret sanitatem moribundo, ad augendum Doctoris nostri æstimationem & honorem. Manè sumpto reliquiarum loco, à charta rescisso chirographo, manu P. Francisci exarato, redit ad ægrum, schedamq; illi magna cum fiducia imponit. Nec mora: exclamat protinus æger: Revixi! P. Suarius me invisit, sanitatemq; reddidit! Videbatur non nemini aberrasse à mente: sed ille idem ingeminans, paulò post è strato le proripuit, totus in sospitatoris sui laudes effusus. *Massejus in Vita P. Suar. cap. 24.*

*Eodem die obierunt.*

4. Compluti in Hispania anno 1597, P. Milan, seu Æmilianus Garcia, Hispanus, Concionator ardens, operarius indefessus, & multis peccatorum conversionibus felix. Inter dicendum visus est non semel tota facie collucere; aliàs in festis Pentecostæ

*P. Suarez. fœ  
nat infirmum.*

*Concionator  
lustratus.*

*Non 3.*

*colla*



colles conspecta est Columba imminens capiti perorantis. Moriens, impensè rogavit, & obtestatus est Patres circumstantes; ut cum S. Paulo non aliud, quàm Jesum prædicarent.

*Litania Lauretana efficaces*

5. Osnaburgi in Germania anno 1630, P. Joannes Teintzerus, Germanus. Multos ad fidem Catholicam, non paucos ad vitam religiosam adduxit, sua illa de divinis loquendi eximia facultate. Osnaburgensis domicilii Procurator, & subinde Superior, ut difficillimis temporibus ex magnis angustis, in quas ab hæreticis coniecti erant, expediret nostros; author fuit: ut post meridiem Litanie Lauretanæ de B. V. dicerentur (qui mos etiam deinde perstitit) præsentissimamque DEiparæ opem sunt experti.

*B. Josaphat prædicit vitam prorogandam.*

6. Polociæ in Litvania anno 1650, P. Adamus Ciecierski, Polonus. Ad pietatem & pias lacrymas apprimè promptus, ad expediendas è vitiorum cano animas dexter fuit, infellum sibi propterea dæmonem passus, sed facile debellatum. Paralyti tactus, putabatur non procul abesse ab horâ extremâ: Sed B. Josaphat Martyr & Archiepiscopus Polocenlis, ei spectandum se exhibens, adhuc triennium vitæ promisit; quo elabente, piè decessit, oculis plerumque intentis in eam læstuli partem, ubi olim conspexerat B. Martyrem, fortè tunc etiam præsentem.

## I. DECEMBRIS.

*P. Rodericius venit in Egyptum.*

**P** Christophorus Rodericius à Pio IV Pontifice, cum authoritate Nunciarii Apostolici missus in Egyptum anno 1561, ut Patriarcham Cophtorum, cum gente ipsi subdita, reduceret ad Ecclesiam, prout in animo sibi esse significarat; hoc die Patriarcham convenit Cairi, quæ veterum Memphis fuisse dicitur. Traditis illi literis Pontificis, paucis exposuit: quanta charitate ac studio Pontifex optet Unionem Ecclesiæ Cophtorum cum Romana; ideoq; se missum esse, ut hoc in negotio, quantam posset, præstaret operam. Respondit Patriarcha Gabriel: Gratiam se habere Pontifici, quod ut verus Pastor & Pater omnium, curam Cophtorum susceperit, atq; ad se potissimum Nuncium suum destinârit; quàmvis non pauci alii Episcopi ejusdem secum essent mentis, de Unione cum Ecclesia Romana. Se quidem diligenter adlaboraturum & Nuncii operâ plurimum usurum. Hæc tunc. Paucis post diebus conveniunt apud Venetum Consulem Patriarcha & Rodericius: ubi iste alteras tradit illi literas Pontificis, quibus postulabat: ut Episcopum aliquem mitteret ad Concilium Tridentinè congregatum. Adjunxit Rodericius ex voluntate Pontificis: ut Patriarcha juvenes aliquot Cophtos mitteret Romam, qui ibi Christiana Catholicaq; addiscerent dogmata, ac tandem ad suos deferrent: deniq; Pontificia obtulit mûnera, pretiosum splendidumq; apparatus sacrum, Perlibenter ea suscepit Patriarcha; de concilio respondit, missu-

rum

tum se  
Turci  
exius.

2.  
auctari  
Ecclesia  
lam sua  
is, qui  
des duos  
næ addi  
Gonzale

3.  
Martyris  
Gregorii  
vi tempo  
pugnanti  
tinentes  
rit. Com  
nem publi  
tortentis  
etoriam t  
stupente  
stetit im  
4.  
gelici, sp  
ciatus est.  
ille, Nolo  
ut moriar  
ut Campia  
5. M  
Pueritiam  
societatis  
navit, & o  
se perfecti  
magna en  
doctissimi  
quenti,



rum se Episcopum anno sequente; de juvenibus deliberaturum: ne fortè Turcis res innotesceret. Tam prospera initia utinam similis coronasset exitus. *Sacchin. hist. Soc. p. 2. lib. 5. n. 142.*

2. Apud Sinas Imperator veteribus beneficiis suis insigne adjecit auctarium, hoc die anno 1691 ultro nostris offerendo erectionem novæ Ecclesiæ ac domûs suis sumptibus, extra Urbem Pekinensem, prope Villam suam, ubi magna anni parte commorari solet, cum magnatibus suis, qui ibi sua habent palatia. Locum designavit ipse medium inter ædes duorum primariorum ministrorum suorum, nostris & rei Christianæ addictissimorum. *Ex literis P. Antonii Thomæ datis ad P. Thyrsam Gonzalez Gen. Prep. anno 1691.*

*Sinarum Imp.  
nostris benefi-  
cia.*

*Eodem die obierunt.*

3. Londini in Angliâ anno 1581, P. Edmundus Campianus, Anglus, inclyti Martyris elogio passim honoratus. Romæ sublimioribus disciplinis instructus, jussu Gregorii XIII. Pont. Max. in Angliam rediit. Ibi, mirum dictu, quot hæreticos brevi tempore converterit, quot Catholicos in fide confirmavit, quot fortes in aciem pugnamque eduxerit pro fide athletas, præsertim edito in lucem exiguo libello, continente Rationes decem pro fide Catholica, quas nemo prudens legit, qui non probavit. Comprehensus & crudeliter tortus, post tormenta productus est ad disputationem publicam cum principibus sectariorum; ubi primùm ejus modestia & fracta tormentis valetudo, fannis excepta est, sed vis infracta argumentandi plausum & victoriam tulit non dubiam. Patibulo tamen addictus, more solito excarnificatus est, stupente vasto flumine Tamesi, Londinum præterfluente, quod eo tempore undis stetit immotis.

*Victima fidei.*

4. Ibidem eodem die coronatus est P. Alexander Briantus, Anglus; vir oris Angelici, spiritus Apostolici. In carcere dira fame & siti, & postea equuleo læpe cruciatus est. Cum crucem gestans ad tribunal prodiret, jussus est illam abjicere. Sed ille, *Nolo, inquit, nolo usque ad mortem vexillum meum, Crucifixi miles deservere hoc, ut moriar pro illo, qui pro me mortuus est prior.* Suspendus igitur, & excarnificatus est, ut Campianus.

*Victima fidei.*

5. Methymnæ in Hispania anno 1633, P. Ferdinandus de Castro Palao, Hispanus. Pueritiam egit tam innocenter; ut vulgò audiret *Puer Prædestinatus*; in Tyrocinio Societatis *Angeli & Sancti* titulum est assecutus, quem vitâ omni religiosissimâ firmavit, & ornavit profundissima humilitate, rigida paupertate, & indefesso Religiosæ perfectionis, atque literarum studio. Post Theologiæ Scholasticæ curriculum magnâ eruditionis famâ exactum, totum se dedit Theologiæ Morali, quam septem doctissimis Tomis in folio illustravit; auditus Compostellæ ab auditorio tam frequenti, ut nec antè nec post simile sit visum, *Sourvelli. in bibl. Soc.*

*Innocentia vi-  
ta.*



*Decretum Pa-  
risiis contra no-  
vros.*

**PP** Salmeron & Ribadeneira Bruxellas in Belgio pervenerunt, an-  
no 1557 laboranti Societati subsidio futuri. Multum enim ne-  
gotii facessabat Sociis Decretum Parisiis editum contra Societatem, sub  
nomine Academiae illius, quamvis re vera paucorum fuerit: eratq; id  
Decretum unica causa, quare Lovanium non admitteret Collegium. Di-  
cebant enim: si falsum, iniquum & famosum est id Decretum: cur Ponti-  
fex illud non damnat? Sed Patres, ne universam concitarent Academi-  
am, malebant illud concidere sine strepitu impulsu temporis, quam lu-  
premae autoritatis: nec defuit DEUS Societati tempore opportuno. *Sac-  
chin, hist. Soc. p. 2, lib. 1, n. 109.*

*Cardinales a-  
liquos voluit  
Lainium Pon-  
tificem.*

2. Romæ, cum anno 1559 Cardinales in Vaticano conclavi conve-  
nire non possent in eligendo Pontifice, post obitum Pauli IV: Otho Truch-  
sesius, Cardinalis Augustanus, P. Lainium, Præpositum Societatis Gene-  
ralem, ad se per libellum evocavit postridie Calend. Decembres, tan-  
quam de re maximi momenti cum ipso tractaturus. Ut conspectus est  
in conclavi Laynez, Cardinales aliquot, quibus viri virtus & sapientia  
perspectissima erat, illico suspexerunt eum, tanquam divinitus missum, cœ-  
peruntq; agere de ipso in Petri sede collocando. At verò ubi vir humilli-  
mus, quanta res ageretur, intellexit, inhorruit, raptimq; se oculis illorum  
subdixit, tanquam de se indignis modis accipiendo, agi sensisset. Non  
tamen hæc fuga Cardinalium consilia repente discussit: sed duodecim è  
gravissimis, jam ad summum honorem illi deferendum consenserant non  
facile destituti; nisi Pontificiæ sanctiones, & inveterata exempla, non a-  
hiunde, quam è Sacro Collegio, Pontificem assumi, postulassent. Hæc &  
apud multos Romæ vulgata sunt, & Otho ipse Cardinalis Augustanus  
post Lainii obitum, pro concione in exequiis, quas ei magnificas Dilin-  
gæ fecit, publicè prædicavit. *Sacchin, hist. Soc. p. 2, lib. 3, num. 47.*

*Crucifixus  
sanguine sudat*

3. Anno 1552 in Hispania in castro Xaverio conspecta est imago  
Christi Crucifixi sanguineo sudore manare: & postea nunciatum, eodem  
die Xaverium in India obiisse. *Nadasi in Indice Memor,*

*Eodem die obierunt.*

4. In Sanciano, insula Chineni, anno 1552, S. Franciscus Xaverius, Magnus  
S. Xaverius Indiarum Apostolus, & Thaumaturgus perpetuus, Magnam animam hoc die reddi-  
dit Creatori in terra deserta, ab omnibus desertus, inter dulces Crucifixi amplexus,  
post decennes in India Orientali labores, & plura quam vigentes centena millia Ethni-  
corum



eorum baptismo lustrata. Festum tamen ejus 3 Decembris celebrari mandavit Alexander VII. Pont. Max. Miraculorum multitudo & magnitudo, Thaumaturgi titulum illi asseruerunt. Potami, in oppido Calabriae, munerantur ducenta & 42 patrata intra triennium. Unde à pluribus per orbem urbibus, provinciis & regnis, in specialem Patronum & Protectorem solemniter est lectus: ut à regno Navarrae, urbe Neapolitana, Bononia, Parma, Placentia, Massa, Aquila, Tergesto, Goritia, Episcopatu Varmienfi &c. In Indiis ab urbe Goa, Malaca, Macao, Mexico, Manaria &c. Navigationum quoque per mare Pacificum, & bellorum in regno Chilensi cooptatus est Tutelaris. Hinc in ejus honorem non pauca condita templa & sacella: ut Romae, Neapoli, Panormi, Messanae, Genuae, Bononiae, Tridenti, Arimini, Trenchinij in Hungaria, Spitalii in Carinthia, Brugis in Flandria, Parisiis in Gallia, Lugduni, Ebre duni, Madriti in Hispania &c. &c. ut in omnibus glorificetur DEUS, magnus & gloriosus in Servo suo Francisco Xaverio.

5. Brisaci in Alsatia anno 1635, P. Godefridus Feller, Belga, prodigus vitae, obsequiis peste ictorum devota, heroum morte decessit, cum novem aliis Sociis in Germaniae locis variis. Anno autem 1638 Pragae P. Georgius Aquitanus, Silesius cum Sociis 4, simili morte conclusit vitam admodum religiosam, & Xaverianae virtutis æmulam. Bis pesti grassanti sese objecit: & cum superior ex moribundo quassisset, An paratus esset, pro DEO Conditore suo vitam profundere? mira vultus hilaritate, & verborum emphasi, respondit: Ego verò unam hanc vitam DEO? O si milles millio rum suppetereut; universas sicut unam profunderem!

*Victima chari-  
tatis.*

### III. DECEMBRIS.

1. **F**estivitatem gloriosi obitus Magni Indiarum Apostoli, S. Francisci Xaverii, quæ in hesternum incidit diem, transulit Alexander VII in tertium Decembris, unà cum Indulgentia plenaria, quam Gregorius XV, concesserat pro die præcedente. Officium ad ritum duplicem per universam Ecclesiam evexit Clemens X. Eandem festivitatem hoc die insigni & evidenti miraculo illustravit DEUS anno 1704 Romae, quando ingenti & evidenti prodigio per prædictum Sanctum plena sanitate repente donavit Sanctimonialem, dictam Angelam Mariam à SS. Trinitate, filiam Comitum de Sylva, Professam monasterii S. MARIAE de doloribus. Hæc à mense Julio ad Decembrem gravissimis torquebatur capitis, oculorum & pectoris doloribus, ex febris calida (qua non rarò mente movebatur) hydrope & asthmae ortis; cumque Sorores ejusdem Monasterii pridie festi S. Xaverij urgerent medicum, D. Emmanuelem Lopez, ut omnem artem & medicinam adhiberet ad curandam ægram; respondit is: Ad eam curandam non medico ordinario, sed Apostolo opus esse. Apprehendit eam vocem ægra, & quia sciebat imminere festivitatem Magni Orientis Apostoli, ad illum mentem & omnem post DEUM fiduciam convertit,

*S. Xaverii opo  
infirma sanata*

Ooo

persua-



persuasumque habebat; se illico sanam futuram, si aliqua sancti reliquia sibi admoventur. Quam primum ergo sequenti die easpectori inter oscula & suspiria appressit, sensit se sanitate donatam, surrexit, ipsa se vestivit, & cum sororibus ad templum concessit, hymnumque Eucharisticum decantavit. Miraculum hoc mox ab ejus superiore, Confessario & Medico ritè firmatum est juramento. *Ex lit. Rom.* Tridentini cum sacra synodus Sessione 25, hoc die coepta, varia de Regularibus cap. 16 sanxisset, subjunxit ibidem: *Per hac tamen S. synodus non intendit aliquid innovare, aut prohibere; quin Religio Clericorum Societatis JESU, juxta pium eorum Institutum, à S. Sede Apost. approbatum, domino & ejus Ecclesiae inservire possit.* Quae sententia sanctae synodi plurimum aestimanda.

*Gregorius XIII  
beneficentia in  
Societatem.*

2. Romae anno 1572, malevoli quidam, Gregorii XIII non pridem electi Pontificis aures assidue onerabant; quod in Jesuitas prodigalitate quadam congererentur Ecclesiarum, Monasteriorum, Abbatiarum & variorum Sacerdotiorum bona, praesertim in Germania. Polaneus igitur Vicarius Generalis, accuratum hujusmodi beneficiorum Societati collatorum catalogum cum obtulisset Pontifici hoc die, & ipse per otium considerasset: dolere se dixit, quod essent perpauca; optare, ut essent longè plura & majora, pro alendis tam strenuis in vinea Domini operariis. Praestititque re ipsa, quod optaverat. *Sacchin. hist. Soc. p. 3. lib. 8. num. 20.*

*Eodem die obierunt.*

*Victima fidei.*

3. Mindanai, in insula una Philippinarum anno 1634, P. Joannes del Carpio, Hispanus, strenuus apud Indos pietos operarius. Cum insulae illius regulus ager, impiè novisset; se si convalesceret, omnium, quos nancisci posset, Christum praedicantium Patrum capita Mahometo sacrificaturum; primus comprehensus est P. Joannes, & acinace altè impresso caesus; cum se DEO, positus humi genibus, victimam dedicaret.

*Tormenta sa-  
lutaria.*

4. Londini in Anglia, anno 1641, P. Joannes Percey, Anglicus, strenuus animarum zelator, inter gravissima pericula & arumnas. Carceribus Londinensibus quadriennio & amplius maceratus, variis tormentis cruciatus, cum exilium ei offerretur cum conditione non redeundi in Angliam: rejecit hanc, maluitque redire in carcerem. Inter alia tormenta, caput illi fune circumjecto, & fortiter contorto tam validè constrictum est; ut cranium ferè dissiliret. Sed ille ex hoc tormento, praeter ingens meritum, id commodi tulit; quod aurium tinnitum, & gravem capitis dolorem, quod pridem laboravit, inde amiserit. *Ex Tannero*

*Anima sana  
in corpore infir-  
ma.*

5. Senis in Italia anno 1608, initio Decembris, P. Franciscus de Benavides, Hispanus. Quantis foris affluebat opibus, utpote filius Comitis S. Stephani; tanto paupertatis tenebatur amore in Societate, ut fere solent ii, qui magis nobiles ac divites Religionem ingrediuntur. Corpus morbis satis fractum, voluntariis insuper cruciatibus



abus ita atterebat: ut P. Hieronymus de Florentia diceret: se neque corpus pejus, neque meliorem animam unquam novisse, quam in P. Benavides.

6. Bononiæ in Italia anno 1644, P. Georgius Justinianus, natione Græcus, patria Chius, & stemmate principum illius insulæ dominorum, vir magnâ industriâ & zelo ad animas juvandas instructus. Cùm Romæ humaniores doceret literas, ita discipulos virtutis amore inflammavit: ut amplius sexaginta ad religiosas domos convolatint. Admirabili concionandi facultate præditus, in insula Chio & Byzantiâ Christianam pietatem multum promovit. Bononia per annos 40, ita zelum suum explicuit: ut Apostoli Bononiensium nomen meruerit. Tredecim Sodalitates diversas ibi instituit, fovit, & provexit; quæ defuncto magnificum cenotaphium erexerunt. *Soubell in bibl. Soc.*

*Zelus anima- rum.*

#### IV. DECEMBRIS.

1. **G**loriosissimam in India victoriam reportavit Lusitana classis exigua, septem duntaxat navium, de numerosissima classe Acenorum & federatorum gentiliam, vaticinio & ope S. Xaverii; quam non solum multo antè prædixit, verum & cùm classes concurrerent, repræsentavit. A mense uno & dimidio nihil nuncii habebat civitas Malacensis de expedite classis suæ fortuna aut infortunio: ideoq; consternata sinistri aliquid ominabatur: cùm Xaverius hoc die, qui Dominicus erat, consensâ cathedra, ut concionem diceret: non longè protractus sermone, hæret, vultum varium induit, nunc trepidantis, nunc exultantis, nunc lugentis, oculis in Christi Crucifixi effigiem defixis. Tum velut à sensibus abalienatus fari aliquid, sed fractis, & non intelligibilibus vocibus. Tenuit id spectaculum non modico tempore attonitum auditorem, præsertim ipsum, qui aderat, urbis Præfectum, Melum: facileq; intelligebant, obiectam illi esse divinitus speciem conflictus alicujus. Tandem erectus, nam caput velut lassum in oram cathedræ reclinaverat, atq; vultu Angelum spirans. Recitemus, inquit, fratres, semel Orationem Dominicam & Virginis salutationem, ad agendas DEo gratias pro insigni victoria, quam hac ipsa horâ classi nostræ de Acenis dedit. Aderit die Veneris, illius nuncius, sequetur statim triumphans exercitus, latus & hostium spoliis dives: quibus dictis pulpito descendit, vaticinium feriâ sextâ cumulatè implevit eventus: Xaverius autem, qui præcipuè in ore exultantium ferebatur, maturata fugâ in oram Piscariam sese proripuit. *Bartholus in Vita lib. 2. n. 38.*

*Lusitana classis victoria relatâ à S. Xaverio.*

2. Sancta Virgo & Martyr Barbara, cujus gloriosum agonem hoc die celebrat Ecclesia, vel hoc nomine charior nobis esse debet; quod B.

*S. Barbara in-  
visti agrum B.  
Kostkamp.*



Stanislaum Kostkam Viennæ agrum inviserit & recreârit, quando ei Angeli divinam Eucharistiam ministrarunt. *Nadasi in Ind. Memor.*

*P. Skarga Apostatam Deo reconciliat.*

3. Cracoviæ anno 1585 P. Petrus Skarga obstinatum apostatam è Societate & fide, Christianum Franchen, multo labore & industria DEO & Ecclesiæ reconciliavit; atq; ad palinodiam, quam pertinax refugiebat, in principe templo, coram innumero populo canendam, induxit; discipulum etiam ejus in Arianismum delapsum sacro fonte tinxit eodem die, postquam eodem anno Veteranum quoq; Calvini assecclam & ministrum, Adamum Copichum, Ecclesiæ reddiderat. *Sacchin. hist. Soc. p. 5. lib. 5. n. 98 & seqq.*

*Eodem die obierunt.*

*Victima fidei.*

4. Jendi in Japonia anno 1623, P. Hieronymus de Angelis, Italus, & Simon Jemajo Japon, odio fidei flammis traditi & combusti, post insignem à P. Hieronymo è flammis ad populum habitam allocutionem. In plures provincias fidem primus intulit; in regno Cami cum vix mille reperisset Christianos, brevi decem millia baptizavit. In ipso carcere, quadraginta ethnicos illo detentos convertit ad Christum.

*S. Barbara spe-  
stabilis apparet*

5. Limæ in Peruvia anno 1613, Petrus de Salazar, Hispanus. Ferventiùs aliq; quando orantem, & de cælestibus meditantem, Angeli fidium dulcissimo concentu recrearunt: Sancta verò Barbara, cujus cultui eximie addictus erat, cum pluribus sanctis Virginibus ei spectandam se exhibens, quæsit: An vellet proficisci in cælum, ubi placidissima quies & vita sempiterna? Annuens Petro morbus paulo post occurrat, deinde pia mors in ipso divæ Barbaræ festo.

*Cassitatis cura*

6. Flexiæ in Gallia anno 1644, P. Joannes Chevalier, Gallus. Præcipua illi à teneris annis cura fuit conservandæ Virginitatis, eamque ob causam intra religiosa septa in Societate se recepit, atque DEiparæ V. & Angeli Custodis opem studiosissimè implorabat, quam & expertus est. Quadam enim nocte sensit renes sibi, veluti cingulo, tam arctè ab Angelo Custode adstringi: ut in clamores eruperit; contra carnis illecebras deinceps satis munitus. DEiparam V. ut Matrem suam filiali coluit affectu, quæ se illi non semel adspectabilem, & liberalem præbuit in largiendis gratiis, quas P. Joannes pro infirmis & aliis petebat. Amore divino ita æstuabat; ut ardorem ferre non valens, exclamârit non rarò: O amor! O faces! O incendia pectoris! Nec otiosus erat ille amor, sed foras erumpebat, miraue in proximorum subsidium operabatur. *Sourvell in bibl. Soc.*

*Amor Dei ardens.*

V. DECEMBRIS.

*Sodalitas Mariana Roma.*

1. Gregorius XIII anno 1584 Sodalitatem studiosorum in Collegii Romani Ecclesia erectam anno 1564, sub DEiparæ V. Annunciatae clientela, Primariam esse jussit; amplamq; concessit facultatem similes alias per variarum provinciarum Collegia eidem aggregandi, cum participatione gratiarum & Privilegiorum Primariæ concessorum. *Sacchin. hist. Soc. p. 5. lib. 5. n. 14.*

Anno



2. Anno 1590 Gregorius XIV, creatus est Pontifex Max. antè Nicolaus Sfondratus, dictus, qui uti Gregorii XIV nomen assumpserat; ita pro sua virtute excellentiq; pietate in totam Ecclesiam, ac proprio quodam erga Societatem studio, repræsentaturus animum & tempora Gregorii XIII sperabatur. Magni faciebat, & familiariter diligebat Claudium Generalem: qui cùm de more illi offerret Societatis obsequia: Non poterat, inquit, cadere in quenquam hoc munus, qui magis esset affectus in hunc vestrum ordinem, quem nos amamus, & magni æstimamus. Sub hæc inter alia paternæ benignitatis indicia notabile contulit domui Professæ subsidium, ad dissolvendum æs alienum, & in singulos menses elemosynam constituit Aureorum 50. Præterea Seminaria omnia, quæ Gregorius XIII inchoarat, non solum confirmavit hortante Claudio, sed etiam quæ sub extrema Sixti tempora vel derelicta erant, vel lababant; assignatis ex ærario Pontificio pensionibus in integrum restituit. *Sacchin. hist. Soc. p. 5. lib. 10. num. 65.*

Gregorio XIV  
affectus erga  
Societatem.

*Eodem die obierunt.*

3. In Mazua Sinus Arabici insula, anno 1596, P. Andreas Gualdanes, Lusitanus, Patris Andreæ Oviedo, Patriarchæ Æthiopiar, socius. Post strenuos & fructuosos in Æthiopia labores, à Turcis comprehensus, odio fidei hastis transfixus, occubuit.

*Victima fidei*

4. Romæ anno 1653, P. Octavius Boninus, Italus. Frequenter se excitabat ad curandas diligenter res animæ, illo apophthegmate Christi: *Quid prodest homini, si mundum universum lucretur, anima vero sine detrimentum patiatur?* Exhortationes, quas domi ad socios dicere parabat, Patri suo spiritali primùm ostendebat, rogabaturque; ut limaret; quod si factum esset, libentiùs eas pronunciabat, tanquam cælesti calculo jam probatas. Nobilem virum in secreto conclavi adiit, & deprompta è sinu Crucifixi effigie, supplex in genua projectus, tam accommodatè fortiterque aggressus est; ut ad frugem meliorem reduxerit. Quadam in urbe cùm scæminæ colla pectoraque impudenter nudata, gestarent; Pater autem ex juvenibus virisque pluribus rescisset, se illarum aspectu graviter tentari; conventionem facta cum Concionatoribus & Confessariis ejus loci, de non danda talibus absolutione, nisi meliora promitterent, fœda illa objecta brevi eliminavit.

*Humilitas in  
exhortatione.*

5. Choyneij in Polonia, anno 1656, P. Stephanus Staroscirski, Polonus. Missionarius impiger, Ecclesiasten zelosum non solum egit in vita mortali, verùm etiam post mortem. Cuidam enim è Sociis in Suetici carceris squalore tabescenti apparuit, monuitque: ut æternam vitam per patientiæ lucra contenderet adipisci.

*Concionator  
vixit & mor-  
tuis.*

VI. DECEMBRIS.

1. IN India anno 1575, P. Valignanus Visitator Congregationem collegit Provinciam, non solum de rebus Societatis, sed etiam promovendo

*Provincialis  
annus in India*



vendo Christianismo consultaturus. Inter cetera decretum est: ut Provincia Indica non divideretur in duas, quarum una esset cis Gangem, altera ultra Gangem: sed Provinciali addendum esse Vicarium, qui domicilia ultra Gangem gubernaret cum dependentia à Provinciali; ut per ejus visitationem consuleretur domesticorum necessitatibus, & nihilominus ab uno eodemque capite pendentibus omnibus domiciliis utriusque regionis conservaretur animorum conjunctio, & mutuum auxilium. *Sacchin. hist. Soc. p. 4. lib. 3. num. 221.*

*P. Lancicius  
Conversio*

2. In Litvania Venerab. P. Nicolaus Lancicius, anno 1590, tum adhuc adolescens, ejuratà Calvinì sectà, ad fidem orthodoxam conversus, in festo S. Nicolai Episcopi primò Sacram Eucharistiam sumpsit Vilnæ, Mira omnibus visa est adolescentis vocatio tam ad fidem, quàm Religionem. Sectæ Calvinì ita devinctus erat, ut passim profiteretur, ad sanguinem & mortem se pro ea pugnaturum. Unde cum rumore populari accepisset: Cardinalem Radivilium facultatem à rege obtinuisse, vi ac tormentis in hæreticos agendi: Nicolaus, ut palàm faceret, se nihil moveri terribilamentis, vel tormentis, veste à collo reducta nudatus, compluribus horis publice incessit, voluitque primus esse, in quem Cardinalis potestatem illam exerceret. Singulari tamen Providentiâ Divinâ contigit: ut quamvis tanto ardore pro secta Calvinì ageret, nunquam tamen adduci potuerit, ut ad Cœnam Calvinisticam accederet. Quod ipse pro magno beneficio divino deinde habuit. Post susceptam autem Catholico ritu Eucharistiam ira incaluit igne divini spiritus: ut nemine suadente, in Sacello DEiparæ V. votum conceperit, emisericque perpetuæ Castitatis, quam abs se nunquam læsam meminerat, etiam in illa fidei licentia. Religionis quoque ineunda in Societate Votum alterum edidit: in cujus executione non parum, nec levium impedimentorum habuit. Genuinam enim, eamque duram, à P. Provinciali conditionem accepit: ut primùm Parentem Calvinistam converteret, atque ab eodem licentiam ingrediendi Societatem obtineret. Iterum ergo, festo S. Nicolai die, audendum ratus, patrem aggreditur sub ejusdem Sancti auspiciis; & quamvis non statim, iterata tamen sæpius impressione, utrumque feliciter obtinuit. *Balbinus in Vita cap. 3.*

*Eodem die obierunt.*

*Ultimo fidei*

3. In regno Ceilano Indiæ Orientalis, anno 1616, P. Joannes Metella, Lusitanus; & P. Ludovicus Polingottus, Italus, odio fidei à barbaris confixi lanceis; capita

capita p  
abjecta

4 B

quas gube

lissi proph

tus DEI M

Ignatio, e

Humilita

commend

Patre com

semper lat

autem Virg

ego tibi pro

cit P. Fran

dacium, B.

Quamvis v

retur: con

toribus So

bus maxin

tatis 88, 9

brofii: I

habemur

s. A

eruditioni

nense, dom

Præposito

Austriz le

Non pau

visque leg

I. ANN

te

DEus hab

eretur vo

sputatione

vina volu

schola un

ut quod

ut mun

conditio



capita præcisa hastilibus affixa in spectaculum, cadavera ad Crucis pedem abjecta.

4. Bruxellæ in Belgio anno 1619, P. Franciscus Costerus, Belga. In Provinciis quas gubernavit, primus DEiparæ V. Sodalitates erexit, atque Antverpiæ loco Colossi prophani, ante Curiam grandem illius statuum poni curavit. Rogatus, quis cultus DEI Matri esset gratissimus? Respondit: *Constitui, quamvis exiguum.* A. S. P. N. Ignatio, cui Romæ chartæ erat adhuc juvenis, singulariter commendatam habebat Humilitatem, Obedientiam, & perpetuam quandam lætitiâ. Quæ tria ipsemet postea commendavit nobili juveni, Carolo Groëndonque, addiditque: se post acceptam à S. Patre commendationem illam, sollicitè cogitasse, ac B. V. interpellasse; quomodo semper lætus esse posset, præsertim in gravi infirmitate, v. gr. podagra? Respondit autem Virgo: *Francisce, promittas mihi, quod semper sis futurus humilis & obediens; ego tibi promitto, quod nunquam sis futurus aeger, adeoque semper poteris esse lætus.* Et adjecit P. Franciscus Carolo: Si quis tibi dixerit: P. Costerum ægrotare, scias fore mendacium, B. Virgini injuriosum. Idem enim erit Costero ægrotare & mori. Ita factum. Quamvis verò tam integra esset Virginitas; ut nec à cogitationibus fœdis infestaretur: corpus tamen assidue flagris & ciliciis in servitutem redigebat. Cum desertoribus Societatis nullam nostris volebat esse conversationem. Colloquiis spiritualibus maximopere delectabatur: si alia infererentur, obdormiscebat. Obiit anno ætatis 88, Societatis 67. Rogatus, an libenter moreretur? Responsum dedit S. Ambrosii: *Ita vixi, ut me vixisse, non pudeat; mori autem non timeo, quia bonum Dominum habemus.*

5. Romæ anno 1686, P. Nicolaus Avancinus, Germanus Tirolensis, vir multæ eruditionis, ac religiosæ perfectionis. Rexit Collegia Passaviense, Græcense, Viennense, domum quoque Professam Viennensem; Provinciam Bohemiæ pro Generali Præposito vîstavit; Romam adiit, primùm Procurator, deinde Elector à Provincia Austriæ lectus: ubi in Congregatione XII, Generali Assistens Germaniæ creatus est. Non pauca edidit felice venâ, vincula solutâque oratione, quæ passim in manibus oculisque legentium versantur.

## VII. DECEMBRIS.

I. ANNO 1605, habita est Congregatio & disputatio 35, coram Clemente VIII de Auxiliis Gratia. Quæstio erat: *An scientia, quam DEus habet de futuris conditionis liberis; sit in ipso ante absolutum Decretum voluntatis divinæ?* P. Bastida summa animi alacritate ad eam disputationem accessit: ac in primis ostendit: ab adversariis duplex poni divinæ voluntatis decretum, quamvis universa cæterorum Theologorum schola unum tantum agnoscat; scilicet alterum absolutum simpliciter; ut quod DEus absolute, simpliciter, & absque ulla conditione statuit, v. g. ut mundus sit; Alterum absolutum in se, quod tamen objectum habeat conditione certa affectum. v. g. Volo ut Tyrij convertantur, si illis Christi-

Lætitia perpe-  
tua.

P. Avanci-  
nus.

Scientia de fu-  
turis conditio-  
nis liberis.

Bm



stus prædicaverit. Demonstravit ergo Bastida: Scientiam divinam futurorum conditionatorum liberorum necessariò præcedere utrumque illud Decretum voluntatis divinæ: neque satis congruè posterius illud Decretum divinum dici absolutum, cum re vera sit conditionatum. *Eleuther, hist. Auxil. lib. 5. c. 47.*

*Oratio efficax.*

2. In Hispania singulari Providentia divina sublevata est anno 1567, egestas Collegij Vallisoletani, quòd S. Ambrosii dicitur. Prope erat dies, quo ob debita contracta satisfaciendum erat creditoribus; sed cum domus angustissima essent, recursus factus ad amicos; impetratum autem nihil, quod aliis facultas, aliis deesset voluntas juvandi. Vespere igitur indicuntur Sociis preces pro quadam urgente necessitate domestica. Oratum ferventer, & impetratum feliciter, quòd desiderabatur. Primo enim manè præ foribus fuit famulus ab Anna Pacia, opulenta matrona, missus, cum aureis trecentis. Latus opportunissimo subsidio P. Franciscus Porrius, paulò post præfatam adiit matronam amplissimas acturus gratias. At illa; nihil opus est, inquit, actione gratiarum; nam prope coacta misi. Cum enim ad quietem heri secessissem, somnus omnis fugiebat ab oculis, vox autem continuò ingerebatur auribus; Cur non subyenis pauperi Collegio Societatis? Urgebat autem ita: ut prope abfuerit, quin nocte intempesta mitterem nummos illos, quorum numerus etiam menti impressus fuit. Sic DEus die S. Ambrosii Ambrosiano suo subyenit Collegio, *Sacchin, hist. Soc. p. 3, lib. 3. num. 187.*

*Eodem die obierunt.*

*Admonitio Socie-  
tatis*

3. Romæ 1549, P. Petrus Codacius, Italus, Primus ex Italis Societati nomen dedit, Sacerdos jam tunc, honoratus & locuples è Pontificia familia, eamque & eximiiis virtutibus egregiè ornavit, & temporalibus subsidiis ita juvit; ut S. Pater fundatorum honores illi decreverit, & præter suffragia defunctis fundatoribus exhiberi solita, lapidem cum epigraphe poni iusserit. Illius enim curâ Societas domum & templum Romæ primùm accepit, illius erat alumna, tam tenerè & constanter amata; ut S. Ignatius dixerit: Eum ne verberibus quidem ex illa pelli posse.

*Angelorum  
Custodum o-  
pera in cura  
infirmorum.*

4. Apud Hurones in America, anno 1649, P. Carolus Garnier, Gallus, Apostolicis laboribus apud eam gentem clarus. Ad juvandos moribundos utebatur potissimum Angelorum Custodum operâ, quibus illorum curam impensis commendabat. Et vidit nonnemo ægrorum, Patri Carolo assistentem Angelum, qui infirmum monebat; ut Patris monitis atque consiliis diligenter pareret. Irruentibus deinde Hicroquais barbaris in Hurones Christianos, & promiscua eade ipsos delentibus, cum P. Carolus animam agentes expiaret, & catechumenos baptizaret, tribus globis trajectus est; cum nihilominus ad saucium quendam adreplisset, eumque à noxis absolveret, securi in caput adactâ occubuit.

*s. Ter.*



5. Tornaci in Belgio anno 1621, Ignatius de Rassinghem, Belga, Coadjutor. 11. *Benedictio Superiorum ad opera,*  
 Iustissimo licet genere ortus, & linguæ Latinæ non ignarus, elegit Coadjutorum  
 sortem, infimis nuncijs singulari alacritate addictus. Per omnem vitam nihil, quod  
 majus momentum haberet, aggrediebatur, nisi benedictione à superiore, de genibus  
 petita; quam ubi etiam pro supremo agone petiit & obtinuit, feliciter migravit.

### VIII. DECEMBRIS.

1. *C*um ad condendam stabilem & accuratam Rationem studiorum, *Studiorum ratio.*  
 vocati ex variis Provinciis Patres sex, virtute ac eruditione eximii,  
 convenissent Romæ anno 1584: ut tantum opus, quod universæ Societati  
 normam docendi præberet, auspiciato inchoaretur, & feliciter absolve-  
 retur: ipso Conceptionis Mariæ die deduxit illos R. P. Generalis Clau-  
 dius ad summum Pontificem Gregorium XIII pro benedictione obtinen-  
 da. Bene præcatus Pontifex Optimus, sedulitatem ac celeritatem operi  
 tam salutari, ut adhiberent, seriò est adhortatus. Domicilium peroppor-  
 tunum & commodum hybernis quidem sex mensibus in Pœnitentiaria S.  
 Petri, æstivis autem caloribus per trimestre spatium, in Quirinali mon-  
 te ad S. Andream illis est attributum. Horæ ternæ diebus singulis in con-  
 sultatione ponebantur: temporis reliquum legendis Doctoribus & Com-  
 mentariis, traducebatur. Totum negotium in duas primarias partes di-  
 stinctum fuit: in opinionum delectum, & praxim Scholarum. Quibus ex-  
 peditis accuratissimâ diligentia: totum opus rursus sub incudem revoca-  
 tum est, relectum coram omnibus illis sex Conditoribus, & siquid opus  
 fuerat, emendatum: deinde Collegii Romani Theologis traditum est: ut  
 ab ipsis primùm, deinde à reliquis per universam Societatem expende-  
 retur. Atq; sic satis operosè absoluta est Ratio illa studiorum. *Saccbin. hist. Soc. p. 5. lib. 4. n. 8. &c.*

2. Ferbuit, etiam festo die, disputatio de Auxiliis Gratiæ coram *Disputatio de auxiliis gratiæ*  
 Clemente VIII anno 1603, in Congregatione 23 Propositum fuit *Quid in-*  
*telligat Molina, dum dicit, quòd in actibus elicitis ex sola facultate natu-*  
*rali, respicientibus fidem, spem & charitatem erga DEum, DEus inserit se,*  
*& elevat eos, & facit supernaturales?* Respondit P. Bastida: Molinam  
 non velle; quod DEUS illos ipsos actus, qui eliciti sunt à potentia tantum  
 naturali, & in se sunt naturales, faciat supernaturales: sed quòd præce-  
 dentibus illis actibus naturalibus, solet DEUS per comprincipia superna-  
 turalia elevare potentias ad producendos actus supernaturales fidei, spei,  
 & charitatis. Et hoc probavit ex doctrina Molinæ. *Eleuther. hist. de Au-*  
*xil. lib. 5. cap. 27.*



3. Calari in Sardinia anno 1594, P. Petrus Espiga, Sardus, Pauperum & Captivorum Pater, Sardiniae Apostolus habitus. Corpore admodum pusillo ingentem animum circumferebat, quo Episcopatum & Archiepiscopatum oblatum repudiavit, atque ardua multa, Divinae gloriae & animarum causa, aggressus est, & superavit. Incredibile est, quam tenera, quam sollicita & ingeniosa charitate intentus fuit in omnem occasionem juvandi pauperes, captivos, & generis omnis afflictos. Clerum saecularem exemplo suo, & opportunis monitis, ad virtutum heroicarum exercitium, praesertim in cura pauperum, ita induxit: ut ignem divinum calitus super illos induxisse videretur. Magnatum quoque ita corda occupaverat, ut ea arbitratu suo flecteret, quod vellent, ad miseros juvandos. In supremo morbo rogatus à P. Collegij Rectore, anxio ne postobitum illius, Collegium exsolvendis debitis gravaretur; quantum ariis alieni contraxisset? Respondit; *Nulle quingentarum librarum.* Videns autem hominem consternatum; *Ne timeas Pater,* addidit: *Nam mutuum hoc DEO contractum est; cui incurruisti, id sine nobis restituere; & facturum omnino, ne dubita.* Vulgato eo Patris responso per urbem, adfuit eodem die, ægrum invisens Prorex cum Archiepiscopo, suscepitque promptus totum illud debitum suo aere exsolvendum. DEus quoque signis multis officiosam hanc & magnanimam Patris charitatem mirifice promovebat.

*Mutuum à  
DEO solven-  
dum.*

*Humilitas.*

4. Salmanticae in Hispania, anno 1559, Alphonsus de Prato, Coadjutor Hispanus. Audito S. Borgiae in Societatem ingressu, & profundissima humilitatis studio, Societatem expetiit, nec alium in ea gradum, quam Coadjutoris temporalis, admisit, quamvis illi parum scientiae deesset, ut vel inter Professos censeretur. Immaculae Virginis DEiparae Conceptioni addictissimus, cum à Visitato Ven. Sacramento, Fratres accederet, pro more suo locuturus de eo mysterio, praeter solitum vultu alacrior, & inflammator; mox inclinato ad assidentem capite, piam humilemque animam edidit.

## IX. DECEMBRIS.

*Semipelagianismus.*

1. **R**omae habita est anno 1602 Congregatio & disputatio XI coram Clemente VIII de Auxil. Grat, Examinata est propositio Molinae tertia & quarta, Semipelagianismi insinulata: *Quod possit homo ex sola facultate naturae diligere DEum super omnia.* Et *quod DEus expectet nostros conatus; quodq; DEus nos aliquando praeveniat.* Respondit pro Molina P. Arrubal: pluribus modis discrepare Molinae doctrinam à Cassiano, Semipelagianismi authore. Nam hic docuit 1. posse hominem viribus naturae diligere DEum super omnia tanquam finem supernaturalem, & charitate, quae est virtutum omnium perfectissima. 2. Super omnia, etiam ad finem supernaturalem ordinata. 3. Dilectione sufficiente ad justificationem. 4. Dilectione sufficiente atq; robusta ad implendam multo tempore legem naturalem, etiam urgentibus multis gravibusque tentationibus & difficultatibus, Molina nihil horum docuit. Probavit utrumque testimoniis di-

fertis



sertis ex utroque allatis. In altera quoq; propositione non convenire Molinam cum Cassiano ostendit: Quia hic docuit: DEum non vocare omnes homines, antequam operentur piè: sed potiùs alios esse, qui per conatus pios ex naturæ viribus, præveniunt & impetrant gratiam; alios autem, qui à gratia præveniuntur: ac proinde duos esse ordines adulatorum, qui in Ecclesia justificantur. Molina autem nihil horum asseruit, nec tales duas classes statuit; sed docet: omnes à DEo præveniri gratià ad justificationem. Probavit claris textibus Molinæ allatis. *Eleuther. hist. Auxil. lib. 5. cap. 15.*

2. Anno 1587 Sigismundus Sueciæ princeps, à Polonis electus in Regem, feliciter pervenit hoc die Cracoviam: ubi die S. Joannis Evang. coronatus est. In comitatu suo habuit P. Bernardum Golinium, quem conscientia suæ & pietatis habebat directorem, amabat ut patrem, sequebatur ut ducem. Tantùm verò in fidei ac religionis constantia profecerat: ut sæpe sollicitatus à Sueciæ proceribus ad mutationem religionis, disertè testatus sit: malle se potiùs paterno regno, quàm religione materna ( id est Catholica ) spoliari. *Sacchin. hist. Soc. p. 5. lib. 7. n. 36.*

*Sigismundus  
Rex Polonia.*

*Eodem die obierunt.*

3. Manilæ in Philippinis insulis, anno 1681, P. Franciscus Calderon, Hispanus: In Japonia per annos 30 strenuo labore promovit rem Christianam. Missionariis nostris domum redeuntibus, pedes ipse lavabat, suavissimè illud ingeminans: *Quam speciosi pedes Evangelizantium pacem?* Paupertati ita addictus erat: ut etiam Breviario uteretur alieno. Examen particulare, constanter ad mortem usque absolvit: cujus rationes notatæ sub cervicali inventæ sunt post mortem. Si quis morientem interpellaret, petebat sibi relinqui. *Putanine, ajebat, parvi momenti occupationem esse, agonizare?* *Mibi nunc negotium est cum DEO & Angelis.*

*Agonia labor.*

4. Placentiæ in Italia anno 1620, P. Julius Ursinus, Italus, ex inelyta Comitum Petilianorum familia. Angelica modestia & puritate conspicuus, protegente DEipara V. eandem illibatam servavit. Collegii Florentini Rector constitutus, caloræ Reginam eidem præfexit: & maternam ejus curam expertus est. Cuidam pro P. Julio infirmo impensius oranti, visa est manus lilium speciosum decerpens: unde intellexit, eum instar lilij candidissimi floruisse; sed jam non tam mortis falce succidendum, quàm divino pollice decerpendum. Eidem post illius mortem scire desideranti, qua in virtute potissimum emiquisset P. Ursinus? Vox manifesta dixit: *illum vixisse mortuum.* Non desunt fidem omnem commeriti testes, qui affirmant: se P. Julium vidisse inter orandum, aliquot cubitis à terra sublimem. Ante mortem Patri Spirituali asseveranter dixit: sibi adulescenti Beatissimam V. visam, dixisse voce manifesta: quod ipsa illius puritatis tuendæ curam susceperit.

*Vivens mortuus*



*P. Lainex cum aliis redit Romanam.* 1. **A**bsoluto feliciter Tridenti Concilio Oecumenico, anno 1564, Laini-  
us Præpositus Generalis, cum Salmerone, Polanco & Natali matu-  
rabant reditum in Urbem, Qua qua ibant, non gravabantur prædicati-  
one Verbi divini erudire populum. Venetiis eum plausum tulit Salme-  
ron in festis Christi Natalitiis: ut ibi relinqui debuerit, Duce multisque  
civium flagitantibus, ad sacras per Quadragesimam habendas conciones.  
Forolivii ea curiositas vexavit cives: ut videre vellent, quo apparatu in  
Collegio exciperetur Generalis Societatis Lainius, quàm splendido peri-  
petalmate vestita essent conclavia &c: cumque omnia vidissent ad sim-  
plicitatem & paupertatem religiosam composita, nec quidquam splendo-  
ris aut singularis commoditatis appareret: non sine indignatione reces-  
serunt; quod tantæ Personæ is esset neglectus, ac fere contemptus. Ni-  
mirum non intellexerunt, quæ esset pauperum spiritu beatitudo & gloria.  
*Sacchin. hist. Soc. p. 2. lib. 8. num. 1. & seqq.*

*Commendatio Societatis.*

2. In Hispania cum nonnulli è sacra PP. Prædicatorum familia, an-  
tefignano Melchiore Cano, acerbius inveherentur in Societatem, ac So-  
cios apud populum traducerent, velut præcursores Antichristi: quàmvis  
non deessent ex eadem sacra familia viri gravissimi & doctissimi, qui  
verbo & scripto Societatem defendebant; visum tamen est Reverendissi-  
mo P. Francisco Romæo, Generali totius Ordinis Magistro, per Episto-  
lam anno 1548, hoc die datam Romæ, omnibus eandem Societatem com-  
mendare, ac præcipere: ut eam potius tueantur, quàm persequantur.  
Omnibus, inquit, & singulis præfatis fratribus præsentium tenore man-  
damus & autoritate nostri officii, in virtute Spiritûs S. & Sanctæ Obe-  
dientiæ, ac sub pœnis arbitrio nostro taxandis, præcipimus: ne dicto  
Ordini per Apostolicam Sedem approbato, & confirmato, aut ejus insti-  
tutis ullo modo detrahere, aut de eo obloqui audeatis, tam in publicis  
lectionibus, sermonibus & congressibus, quàm in privatis vestris collo-  
quiis: quin potius eum, Presbyterosque ejus, tanquam vestros commili-  
tones, juvare, & contra impugnantes protegere, & tueri studeatis. In quo-  
rum fidem &c. *Dat. totam Epistolam Orlandinus hist. Soc. p. 1. lib. 8. n. 50*  
*Eodem die obierunt.*

3. Monasterij in Germania, anno 1655, Petrus Schmidt, Coadjutor, Germanus.  
Insignis religiosi, & præstantis œconomi elogio honoratus, orandi & laborandi stu-  
dium ita conjunxerat usu assiduo: ut laborantem juvaret oratio, orantem non tur-  
baret



baret labor. Noctu aliquando, iterata Angeli sui Custodis, ut putabat, voce, eaque altiore & urgente, impulsus est; ut surgeret, atque cellam vinariam adiret. Paruit, reperitque, Vini vas, ruptis aliquot vinculis, seu circulis, propè dissolutum, vinumque effusioni proximum. Inde in cultu S. Angeli Custodis, qui semper ei cordi fuit, magnopere confirmatus.

*Angeli custodi  
monium.*

4. In Paraquaria Sanctè defunctum P. Martinum Xaverium, ponit hoc die Nadasi. Fuit P. Martinus clarissimæ in regno Navarræ, & S. Francisc. Xaverium sanguine attingentis familiæ hæres unicus. Trophæa Indiarum Apostoli assidue, tamque fortiter stimularunt juvenem: ut annuo censu trium millium aureorum relicto, Matre invita, in Societatem se receperit, atque in Paraquariam evolarit. Ibi Guairanis laboriosam præstitit operam, insigni linguæ peritiâ, magnisque ac arduis itineribus exantlatis. Peste infectis ministrantem oppressit morbus contagiosus, non sine dolore, quòd morte incruenta defungeretur. Post mortem varijs conspectus est gloriosus.

*Victima chari  
tatis.*

## XI. DECEMBRIS.

1. **S**cholæ Collegii Cordubensis apertæ sunt anno 1553, in quinque classes inferiores distinctæ, magna Civitatis gratulatione. Paulò post postulatù Doctoris per Hispaniam celeberrimi, Joannis Avilæ, qui Cordubæ cum discipulis suis versabatur, Græcæ quoque literæ tradi coeptæ, & Officiorum explicari rationes. Ferebatur ille eo in Societatem affectu; ut quàm primùm vidit nostros in ea urbe figere domicilium, magnitudine gaudii elatus, in Canticum Simeonis eruperit: Nunc dimittis servum tuum Domine. *Orlandinus hist. Soc. p. 1. lib. 13. n. 41.*

*Joan. Avila af  
fectus erga soc.*

2. Apud Sinas Pechino à Nostreis expeditus est Joannes Ferdinandus, qui Fratrem Benedictum Gões Lusitanum, quibus posset viis deduceret Pechinum. Fuit is Frater à P. Nicolao Pimenta, Indiæ Orientalis Visitatore, expeditus ad inquirendum celebre illud, atque à multis quæsitum, regnum, *Cataium*. Patres enim, qui in imperio Magni Mogoris versabantur, ex relatione Saracenorum, multa de eo regno, quod ad Orientalem plagam jacere affirmabant, retenebant; atque in P. Visitatore zelum excitarunt juvandi regionem illam, & gentibus & Christianis, ut ferebatur, abundantem. Expeditus est ad illud iter Frater Benedictus à P. Hieronymo Xaverio, qui Missioni Mogorensi præerat, habitu negotiatoris Armeni, anno 1603, initio Januarii. Per immensum terrarum tractum, & sexcenta, imò continua pericula, eò tandem DEi protectione, & prudentiâ industriâque suâ eluctatus est, ut ad muros Sinenses, Sinas à Tartaria dividentes, pervenerit; ac tandem intra regnum admissus, ex urbe Soceu ad P. Matthæum Riccium, in Pechinensi metropoli habi-

*Benedicti Gões  
expeditio ad  
quarendum re  
gnum Cataium.*



tantem, literas dedit, significando de adventu suo, & causa itineris. Expeditus ad illum deducendum ad Socios Joannes Ferdinandus, agrè confecto fere quatuor mensium itinere, invenit tandem desideratum Fratrem Benedictum, sed gravi morbo laborantem, ex quo etiam post dies undecim decessit; cum nec medicus idoneus adesset, nec vires suppetere ad iter Pechinense. Incredibile dictu est, quanto delibutus fuerit gaudio, quod inter amplexus fraternos expirare liceret. Retulit autem: se certò comperisse, Cataium quæsitum non aliud, vel alibi esse, quàm Imperium Sinarum; & Metropolim à Saracenis appellatam Cambul esse Pechinum Sinense: & de his informari voluit Superiores suos in India & Proregem, qui ipsum expederant. *Trigaucius in Expeditione ad Sinas lib. 5. cap. 13.*

*Eodem die obierunt.*

*Humilitas.*

3. Mediolani in Italia, anno 1613, Ludovicus Vicecomes, Italus, Scholasticus, Nobilissimam domum ornavit insigni morum innocentia, & virtute. Ut Societatem ingredi liceret, multæ illi superandæ difficultates fuerunt: ad ejus pedes, qui religiosas vestes ipsi afferbat, exultabundus se abjecit, eosque exosculatus, gratias egit pro vestimentis salutis. Humilitatis studio præcipuo tenebatur, illis potissimum Bullæ Pontificis verbis accensus: *Requirunt hoc Institutum homines verè humiles in Christo.* Magno flagrabat desiderio, excellenti quadam ratione serviendi DEO: unde cum id per morbum, quo sensim atterebatur, non posset, mœrore tabescebat. Cumque à suo in Philosophia Magistro causam doloris explicare juberetur; in uberes lacrymas solutus, dixit: *Quia per adeò afflictas corporis vires, DEO servire non possum, prout illi servientum esse cognosce, & volo.* Dum extremè ungeretur, Crucifixum complexus, eam, quæungebatur, corporis partem, suavissimè osculabatur in simulacro Christi, oculos, aures, os, manus, pedes, & latus; & feliciter expiravit.

*Affectus sub extremaunctione,*

4. Parisijs anno 1612, P. Dionysius Petavius, Gallus, Vir virtute & doctrinâ planè eximius, atque inter prima Societatis lumina recensendus. Invitavit illum Philippus IV Rex Hisp. ad Academiam suam recentè Madriti erectam; Urbanus VIII Pont. non semel Romam evocavit: sed obstitit rex Galliarum Ludovicus XIII, non ferens, viro tanto regnum suum priuari. Præter editos Tomos, in folio Theologicorum Dogmatum, edidit complura alia varij argumenti Opuscula, & multa Græcorum Scripta in idioma Latinum transtulit, Latina quoque in Græcum. Cum in extremo morbo acerbissimis doloribus cruciatus, confidenter quereretur coram DEO; vocem cælitus audit: *Tu de me cogitas ut homo; Ego de te cogito ut Deus.* Unde mox & lumen & levamen ortum est ægro, *Sourvell. in bibl. Soc.*

*Levamen in morbo.*

XII. DECEMBRIS.

1. A Nno 1558 epistolam, paterno pariter ac Apostolico zelo plenam, dedit Præpositus Generalis Lainius ad Socios in India & Brasilia labo-

laborantem  
per un  
Indias p  
gnum, i  
vina su  
vocat S  
ejus in  
jus servi  
tum pro  
propter  
lariter,  
mala &  
fectam  
& quod  
rum; tu  
illius p  
tis ocu  
rant.  
que sal  
hostias  
ut vos  
rum ju  
diu per  
necessa  
negliga  
dum luc  
tò acru  
det utili  
væ, tim  
ligerter  
quot ann  
Indicos,  
Sacchin  
neos eju



*Littera P. Lai-  
nez ad Socios  
in India.*

laborantes. Inprimis significat: se pro ipsis quotidianas indixisse preces per universam Societatem in Europa. Deinde ostendit. 1. Vocationis in Indias præstantiam ex gravitate operis & operariorum dignitate. Magnam, inquit, Fratres charissimi, beneficium, magna indulgentia est divina summæq; Bonitatis, in eos universè omnes, quos ad hanc minimam vocat Societatem suam; gratiæq; suæ ope dignatur, per quam secundum ejus institutæ vitam degant: eorum tamen quibus ea sors evenit, ut in ejus servitium istis in regionibus elaborent, singulare inprimis est donum, tum propter momentum & gravitatem operis, quod vos tractatis; tum propter operariorum privilegium -- quod vobis datum est valde singulariter, non modò ut multa faciatis bona: sed etiam ut multa perferatis mala &c. 2. Declarat: quanta illis imposita sit necessitas tendendi ad perfectam virtutem: tum quia plurimas habent occasiones eam excolendi, & quodammodo excoquendi igne variarum tribulationum & ærumnarum; tum quia ad conversionem & spiritualem gubernationem barbari illius populi, non vulgaris requiritur virtus; tum quia universæ Societatis oculi in illos intenti sunt, & fructibus laboris ipsorum pasci desiderant. 3. Tradit præcepta, quibus juventur ad propriam corporis animique sanitatem ac salutem tuendam. Quandoquidem, inquit, vos tanquam hostias vivas integrè DEo ac procreatori nostro ac Domino obtulistis; ut vos usquequaq; in negotia gloriæ & obsequii ejus, & suarum animarum juvamen impendatis; id ita exequi mementote: ut corpus quidem diu perferre laborum suorum onus possit, curantes & valetudinem ei, & necessarias ad opus vires tueri; anima verò vestra nequaquam se ipsam negligat: quoniam Christi D. sententiâ, nihil vobis prodesset, totum mundum lucrari, si detrimentum vestræ animæ faceretis. Nec non ipsa, quanto acrius ad sui perfectionem connitetur, tantò ad alienas juvandas evadet utilior. Commendat ergo; ut cautè ambulent in medio nationis prave, timore & amore DEI regantur, orationi & Examini conscientie diligenter incumbant, inter ipsos labores mentem ad DEum elevent, & quot annis Exercitiis spiritualibus vacent &c. Quæ omnia non solum ad Indicos, sed etiam Europæos Missionarios juvandos, plurimum conferunt. *Sacchin. hist. Soc. p. 2. lib. 2. n. 188.*

*Eodem die obierunt.*

2. In Philippinis insulis anno 1626, P. Emmanuel Martinez, Hispanus. Virgineos ejus oculos videtur Christus honorasse eâ gratiâ, quòd se ipsi spectandum obiceret.



*Breviarium in  
aqua non ma-  
defactum.*

*Dolor de pec-  
catis impetra-  
tum.*

*Vitima chari-  
tatis.*

*Notitia Insti-  
tuti.*

*Vita commu-  
nis.*

cerit; orandi verò attentissimum studium, præsertim in persolvendis Canoniceis precibus, eo prodigio probavit: quòd Breviarium ejus in mare delapsum, nec mergi, nec omnino madefieri, permiserit. Morienti adfuit amicus quidam sæcularis, vanitatibus mundi nimium intricatus; videns autem P. Emmanuelem intrepidum, & religiosissimo apparatu mortem operientem, rogavit instantissimè; ut beatam æternitatem ingressus, impetraret sibi à DEO gratiam efficacem pro dirumpendis mundi laqueis, & strenua sui victoria. Vix animam egerat Pater; cùm vir ille altissimo de peccatis dolore saucius, in lacrymas amarissimas effusus, generalem de tota vita Confessionem instituit, & animum ad sequenda Christi signa convertit.

3. Suldæ in Belgio anno 1597, P. Franciscus Fabricius, Belga, strenuo gloriosoque inter pestiferos labori immortalis, decessit, vel in medio cadaverum putridorum solitus consistentes expiare.

4. Romæ anno 1686, P. Carolus de Noyelle, Societatis Præpositus Generalis, Belga. Ut summo suffragiorum omnium consensu Societatis regimen adiit: ita illud summa omnium, etiam externorum, approbatione, fere quinquennium tenuit. Instituti scientissimus, ut illud cæterorum observantiæ commendaret efficacius: in se ipso exemplar ipsius expressit absolutissimum. Admirabilis fuit viri constantia, tum in usu communis vitæ, nulla singularitate inquinatæ; tum in adversis æquissimo animo & vultu tolerandis. Illis, quæ personam ejus tangebant, videbatur prorsus non tangi: verum ad ea, quæ Societatem impetebant, admodum delicato erat sensu. Obiit in domo Professæ Romana, anno ætatis 71; parentavitque Optimo Patri non solum Societas singulari lætu; sed etiam Innocentius XI Pont. Max, lacrymis profusus, Ex literis Encyclicis A. R. P. Thyrse Gonz. Præp. Gen.

### XIII. DECEMBRIS.

*P. Laynez &  
Salmeron de-  
stantur ad  
Concil. Trid.*

*Monita & in-  
structiones eis  
date à S. Ignar-  
tio.*

I. Nchoatum est anno 1545, Sacrosanctum Concilium Tridentinum sub Paulo III Pont. Max, qui ut maximo studio intentus erat in felicem ejus progressum & exitum; ita præter Cardinales, Episcopos & Ordinum Religiosorum Abbates, interesse voluit quàm plurimos viros doctissimos, Theologiæ & Sacrorum Canonum peritos. Ex Societate recenter confirmata assumpsit duos è primis Decemviris, qui Theologorum Pontificiorum titulum & munus gererent, Jacobum Lainium & Alphonsum Salmeronem Hispanos, scientiæ magis & virtute, quàm ætate provectos. Nam Laynez vix quartum, Salmeron alterum, supra trigésimum agebant annum. Ne verò vel ætatis fervore, vel scientiæ præstantiâ, vel muneris excellentiâ, aut hominum plausu, evanescerent, & extra religiosæ humilitatis ac modestiæ septa abriperentur: Sapientissimis illos monitis & præceptis scripto traditis, instruxit S. Pater Ignatius. Tria, inquit, omnino in obeundo munere isto spectare vos volo. Primum in ipso Concilio maximam DEI gloriam; communeque Ecclesiæ bonum; deinde extra Concilium,



lium, antiquum vestrum iuvandi animas institutum, quod quidem potissimum nobis in hac professione vestra propositum est. Denique domi, & inter vos, privatam animi vestri curam, studiumque, ne vos ipsos negligatis ac deferatis; sed assidua vos culturâ ac diligentia, quotidie magis reddatis idoneos ad sustinendas impositas partes. Et in Concilio quidem decet vos in loquendo tardiores esse, in audiendo attentos atque sedatos, in perspicienda mente eorum, qui dicunt, sagaces. In disputationibus monumenta rationum in utramque partem afferenda erunt, ne vestro addicti iudicio videamini, perpetuo id curando, ne quis unquam ex vestra oratione minus æquus placatusque discedat: omnibus vos æquos esse convenit, nemini obnoxios. Jam verò extra Concilium nullum munus bene merendi de proximis prætermittetis: quin aucupandæ occasiones erunt, modò audiendi poenitentes, modò dicendi ad populum, modò instruendi pueros & rudes, denique visendi & fovendi ægrotos in nosocomiis, non modò idoneis sermonibus, sed etiam quibusdam pro facultate vestra munusculis; omnes autem in omni occasione cohortandi: ut pias ad DEum fundant preces, pro felici Sacræ Synodi progressu ac exitu &c. -- Restat tertium, quod in munere isto pro dignitate gerendo, spectare vos convenit: quod quidem in vobis ipsis tuendis conservandisque positum dicebamus. Quamquam enim vos non ignorare necesse est, quæ professionis sunt vestræ: tamen hoc imprimis meminisse æquum est; ut summa sit inter vos animorum conspiratio, mutua consiliorum omnium sententiarumque Societas; neve suo quisquam iudicio prudentiæq; præfidat. -- Horam aliquam de nocturnis dicabitis, tum cujusque diei actis inter vos conferendis, tum quæ postridie videbuntur agenda. -- Deinde quo majore vos & humilitate & mutua charitate contineatis: rogabit quisque singulis noctibus alternatim reliquos Socios duos (nam & Jajus illis accessurus erat) ut ipsum corrigant, & ubi visum fuerit, libera oratione castigent; nec castigantibus causam facti reddet, nisi postulatus & jussus. Matutinis temporibus, quemadmodum per diem vos gerere oportet, unâ deliberabitis; rationemque vitæ vestræ quotidie semel atque iterum à vobis ipsi reposceris. Hæc autem quinto saltem postquam Tridentum perveneritis, die executioni mandanda memineritis. *Ita S. Pater.* Quia verò his sapientissimis & opportunissimis monitis ac præceptis, boni illi Patres se suasque actiones summâ diligentia atque humilitate conformare studebant: DEUS, qui humilia respicit, tantam illis tam in dicendo, quàm agendo dedit gratiam: ut apud



omnes summam meruerint æstimationem, amorem & honorem: prout supra sæpius expositum. *Orlandinus hist. Soc. p. 1. lib. 5. n. 23.*

*Eodem die obierunt.*

*Victima fidei.*

2. Mindanai in Philippinis anno 1655, P. Alexander Lopez, Hispanus, & P. Joannes Montiel Italus in odium fidei cæsi, jussu Corralati, barbari regis. Cum enim missi essent, ad commonendum illum, ut secundum pacta conventa permitteret in sua ditione liberum Christianæ religionis exercitium; & Pater Alexander, pro veteri, quæ ipsi cum rege intercedebat, confidentiâ modeste urgeret; ut ipse quoque ei religioni accederet: parum absuit, quin illico necarentur à furibundo. Digressi ex aula, & paulò post ad illam revocati, in via lanceis confossi occubuerunt, diserte fatente Corralato; eos à ministris suis trucidatos; quòd suscipiendæ fidei Christianæ authores fuissent.

*Pactum pro impetranda morte.*

3. Ruremundæ in Belgio, anno 1630, P. Arnoldus Cathius, Belga, Vir multæ ac solidæ pietatis. Nulla illi hora præterfluebat, qua Christi Patientis mysterium aliquod non recoleret, & congruis affectibus non veneraretur. Zelus Charitatis non semel illum impulit ad operam præstandam peste infectis, ejus pretium non semel tulit, & ipse eadem infectus. Post strenuos in Hollandia labores, pepigit cum germano suo: ut qui prior migrasset è vita, alteri impetraret celerem obitum, si id ejus congrueret salutis. Obiit frater 18va Octobris; secutus est hac die P. Arnoldus.

4. Olomutij in Moravia, anno 1655, P. Gasparem Hildebrandum, Silesium, dum charitati suæ nimium indulget, erga contagiosa lue correptos, mors venenata, sed gloriosa, sustulit.

#### XIV. DECEMBRIS.

*P. Carolus Spinola capitur in Japonia.*

1. **P**. Carolus Spinola capitur in Japonia ab apparitoribus, anno 1619. Media nocte post festum S. Lucie V. & M. diem, audit à satellitibus gubernatoris Nangasachi effringi fores domus, in qua hospitabatur; facileq; affectus id, quod erat, ad orandum, & sese in holocaustum DEo offerendum, composuit. Sic deprehenso injecta sunt vincula, collum, manus, pedesq; tam arctè adstricti: ut vestigia vulnèrum quoad vixit, superfuerint. Nangasacho paulò post amandatus cum aliis aliquot captivis Christianis, inter quos nonnulli Religiosi, ex SS. Domineci & Francisci familia, in famosum Omorensem carcerem conjectus est. In quo cum invenisset alios quosdam sibi notos Religiosos, in dulcissimos ruerunt omnes amplexus, Psalmis & hymnis decantatis DEo, quòd contigisset aliquid pati pro ipso. Testatus est affectus suos P. Carolus in variis ad Socios datis epistolis, præsertim ad quendam Macai, in insula Sinensi, degentem. Ecquando ò DEus meus, inquit, hoc ego beneficium meritus sum; ut dignus efficerer, pro Nomine JESU contumeliam pati? O bene collocatos labores meos, quos itinere tam longo, ex Italia

*Mittitur in carcerem Omorensem.*

ia in J  
tyranni  
Societat  
atq; ut  
sperare  
tat. Q  
quæ mi  
nisi ad  
Pater, q  
tiâ, con  
& delict  
veni, li

2.  
randa Va  
Coadjuto  
ducem e  
Prætoris  
variis p  
tres Ma  
alligati;  
tem Chri

3.  
ter duca  
dum DE  
entis vi  
JESUM p  
& laudes  
na subin  
ret. In  
affere nu

P. M  
Q  
viam in  
urgente  
um ha  
Ovied  
enim



ia in Japoniam tuli! O bene remuneratos dolores, præsertim illos, qui tyrannidis hujus sævientiis temporibus tolerati sunt &c. Et ad alium è Societate in Japonia, datâ epistolâ; Tandem, inquit, venit hora mea; atq; ut clarè mihi innotuit voluntas Numinis; ita divina ejus Bonitas sperare me jubet: non egressurum me hoc carcere, nisi ut in cælum mit- tar. Quare consolationibus superabundo, ob tam felicem conditionem, quæ mihi obigit. Utinam ita Domino placeat, ut hinc non egrediar, nisi ad moriendum, aut ad Evangelium liberè disseminandum! O mi Pater, quàm liberaliter mihi Dominus labores meos omnes, vel hac gra- tiâ, compensavit, quòd amore illius captus sim! O Pater, quàm suavis & deliciosa res est, pro Christo pati! Id ego, ex quo in hunc carcerem veni, liquidius experior. *Fabius Spinola in Vita P. Caroli.*

*Eodem die obierunt.*

2. Apud Elicuranos in America, anno 1612, odio fidei cæsi, P. Martinus de A- randa Valdivia, Hispanus; P. Horatius Vecchi, Italus, & Didacus Montaltus, Indus, Coadjutor. P. Martinus perillustri domo natus, militaribus exercitiis in Equitum, ducem evaserat; dumque se per Exercitia S. Patris pararet ad capeffendum munus Prætoris; animum, cælitus illustratum, adjecit ad Societatem: in qua magno zelo variis populis barbaris salutarem præstitit operam. Cæso inprimis Fratre Didaco, Pa- tres Martinus & Horatius, clavis ferreis prostrati, hastisque confixi, arboribus sunt alligati; mox dissecto pectore, cor illis evulsus: ipsi tamen per quartam horæ par- tem Christum prædicasse, traduntur.

*Victima fidei.*

3. Romæ anno 1615, P. Petrus Antonius Spinellus, Italus. Parvulus septennis in- ter ducalis domûs illecebras, virginitatem DEO vovit; octennis noctu ad recitan- dum DEiparæ V. officium consurgebat. Docentis in schola, & S. Synaxim distribu- entis vultum ac pectus viderunt non pauci cælesti lumine illustratum. Visus quoque JESUM parvulum in sacra pyxide circumferre. DEiparæ V. totus addictus, ejus dotes & laudes præclaro ingenio, & erudito calamo est prosecutus; in ejus Domo Laureta- na subinde geminas noctes pervigil duxit in oratione, ut aliquid honoris à se averte- ret. Interiore veste una an centone potius, annis 18 usus est, pro lectulo terrâ, vel assere nudo.

*Septennis Vir- ginitatem vo- vet.*

## XV. DECEMBRIS.

1. **P** Melchior Carnerius Goæ consecratur Episcopus Nicænus, anno 1560. Quàmvis enim pro sua religiosa humilitate, vehementer cuperet, vitam in Societate agere privatam, & superioribus religiosis subjectam: urgente tamen Pontificis mandato, ut, quàm primùm Episcoporum tri- um haberetur copia, consecraretur; & instante Patriarcha Æthiopix Oviedo, quem sequi debebat; consecratio differri non poterat. Appulit enim Archiepiscopus primus Goanus, & cum eo Episcopus Malacensis,

*P. Carnerius consecratur E- piscopus Nica- nus.*

Qqg z

aderatq;



aderatq; Patriarcha Æthiopiarum. Cum igitur honorem & onus declinare non posset P. Melchior: ad suum solatium, & ad maiorem cum Societate conjunctionem, voto se obstrinxit: non solum se Societatis consiliis obtemperaturum: verum etiam iterum in ea Professionem solemnem emissurum, cum primum id à Pontifice impetraret. *Sacchin, hist. Soc. p. 2. lib. 4 n. 278.*

*Indulgentia  
festo S. Xaverii*

2. Romæ anno 1638 Urbanus VIII Pont. Max. Indulgentiam Plenariam concessit visitantibus Ecclesiis Societatis Jesu, ac Communione Eucharistica resectis in festo S. Xaverii; cum translatione Indulgentiarum, quando festum prædicti Sancti occurrit primâ Dominicâ Adventus. *Ballar, Constit. 256 Urb. 8.*

*Eodem die obierunt.*

*Mors prævisa.*

3. Forlivii in Italia, anno 1589, P. Marcus Antonius Mustoni, Italus, pietate, silentio, paupertate & obedientia insignis. Mortem obiit non improvisam. Redux enim ab ægra femina, quam disposuerat ad mortem, dixit Socio: Illam quidem ex eo morbo non obitram; sibi autem paucis post diebus esse migrandum: & migravit plenus gaudii, quod suavi cantu testabatur.

*S. Xaverii reli-  
quijs tibia sana-  
ta.*

4. In monte S. Gothardi anno 1654, P. Thomas Wernet, Germanus; populo, militi, nostris, gratus Ecclesiastes, Confessarius, Superior. Vir ad ardua quæque aggradienda & exequenda æquè fortis ac industrius. Admotis tumidæ suæ tibiarum S. Xaverij Ispanis, & Orientalium Indiarum petendarum voto concepto; surrexit è lecto, tibiâ sanâ. Sed heroicum votum exequi non potuit, in itinere decidentibus è monte nivium voluminibus oppressus.

*Eger pauper  
portatus.*

5. Palentiarum in Hispania defunctus, anno 1595, P. Antonius de Torres, Hispanus, hoc die ponitur à P. Nadas. In Indiis & Hispania magno fructu explicuit zelum suum Apostolicum. Pluribus in locis instituit, ut sextâ quavis feriâ historia seu exemplum aliquod pium narraretur, & pia flagellatio fieret. Palentiarum cum Rector esset Collegij, ac extra urbem ægrum pauperem, qui urbem ingredi non poterat, reperisset; illum in humeros sublatum, per urbem ad Xenodochium deportavit. Ibidem Sodalitatem Charitatis instituit, in quam fere nobiliores adlegit, pro adjumento pauperum, verecundorum. Per 4 horas orabat quotidie. A concione sudans, cilicium exuebat, sed aliud non minus asperum induebat. Licet tardius circa meridiem à concione rediret, positus humi genibus, plenum horæ quadrantem de genibus dabat examini Conscientiarum. Cum aliquando de Inferno ad concionem diceret: multis visus est Angelico vultu, magno splendore collucens.

6. In Polonia latè grassente lue contagiosa, anno 1631, præclaram nacta est Societas occasionem Apostolicæ charitatis Spiritum exercendi. Gedani hoc die, inter strenua obsequia pestiferis exhibita, occubuit P. Nicolaus Piwnicki, Prutenus, cum Sociis undecim alibi, varijs mensibus sublati.



1. S. Xaverius anno 1557 Malacâ scripsit Goam ad PP. Paulum Camertem, Epistolâ s. X. a. verij. Joannem Beiram, & Antonium Criminalem: ut hi duo posteriores quancocys proficiscerentur in Promontorium Comorinense. Paulo verò Camerti sollicitè commendat curam Domûs Goanæ, specialiter autem subjectionem omnem erga superiores. Paule Camers, inquit, Charissime multum oro te, per quo JESUM Christum prosequeris, amorem ut acriter invigiles utilitatibus, & conservationi domûs istius. Ante omnia tibi etiam atq; etiam commendo: ut plenam perfectamq; exhibeas obedientiam iis, qui ejus domûs qualemcunq; Præfecturam exercent. Sic habet: nihil te ulla in parte mihi gratius, nihil posse jucundius facere: quàm si plenè ad nutum ipsis obtemperes. Equidem si isthic essem, nihil, ne minimum quidem, facerem contra, vel præter, authoritatem & voluntatem eorum. Opto ac spero, DEUM intimo in animam tuam afflatu inspirationis suæ persuasurum tibi penitus: nulla te re majorem inire abs se gratiam posse, plusq; ad suum obsequium laudemq; conferre: quàm ejus amore abnegando tuam propriam voluntatem &c. Ex Epist. Veter. lib. 5. epist. 8.

2. Romæ anno 1602 habita est Congregatio & disputatio XII de Auxil. Grat. coram Clemente VIII. Collatæ sunt Conclusiones duæ Cassiani, cum doctrina Molinæ. Prima: *Quòd DEUS quodammodo occasiones querat, & expectet: ut datio & largitio suæ gratiæ rationabilis videatur.* Altera: *Homo in natura lapsa sufficientes habet vires ad resistendum gravibus temptationibus, & ad superanda singula difficilia.* Ad primam respondit P. Arrubal: In Molina nihil tale reperiri; nec verba *expectandi & querendi*, haberi in locis ex ipso allegatis. Deinde Cassianus per occasiones illas intelligit *Actus naturales*: à quibus alienus est Molina. Ad secundam reposuit: Cassianum docere; hominem per vires naturales posse superare multo tempore temptationes gravissimas, quales S. Job sustinuit: quod non docet Molina. Eleuther. hist. de Auxil. lib. 5. cap. 16.

Disputatio ad doctrinam Molinæ.

Eodem die obierunt.

3. Panormi in Sicilia, anno 1614, P. Vincentius Regius, Italus. Inter cæteras virtutes ejus eximia elucebat oculorum modestia, qua à blandioris sexus aspectu severè abstinebat. Unde cum quispiam sororis ejus Sanctimonialis effigiem ipsi offerret, rogaretque; an illam satis referret? respondit: Se id nescire; quippe qui illam nunquam aspexerit. S. P. Ignatium præcipuo cultu venerabatur, scilicet accuratissimâ regularum observantiâ; ideoque dicitur conspectum ejus meritis in morte.

Modestia oculorum.



*Temporis obser-  
vantia.*

4. Romæ anno 1624, P. Franciscus Sacchinus, Italus, Historicus Societatis & Secretarius quàm disertus, tam accuratus, & religiosus. Ut satis temporis haberet pro assiduis laboribus suis, sollicitè cavebat, ne minimum quid illius perderet. Unde P. Mutius, Præpositus Generalis, distabat: Sacchinum, ne unciam quidem temporis perdere. Eadem sollicitudine versabatur circa paupertatem religiosam; tum quòd eam à S. Patre in Matrem commendatam sciret; tum quòd velut in gremio ejus natus esset. Patrem enim habuit agrestem & mulionem, quo tamen ille gloriabatur; & quoties ad Collegium Romanum veniebat, digito eum monstrabat Sociis P. Franciscus dicens: En patrem meum. A sacro rediit, obvio P. Generalis administro Coadjutori dixit: Iret, ac Patri Generali diceret: se ad valetudinarium ire, & brevi moriturum, Ivit, & quarto die religiosè decessit.

*Infirmarius  
exactus.*

5. Placentiæ anno 1644, Laurentius Ortega, Coadjutor, Hispanus. Egrotos accuratissimâ curâ fovebat, præsertim senem quendam Patrem per annos quinque. Idem Pater post mortem convenit Fratrem Laurentium læta specie, eumque amanter amplexus, gratias egit pro tam effusus diuturnæ charitatis officijs, monuitque: ut constanter pergeret in eo officio: DEO enim id valde gratum esse; denique dato ipsi in fronte pacis osculo, videri desit. Illud in eodem Fratre mirandum occurrit; quòd jam inde à puero, nunquam sitierit (nisi in extremo morbo) adeoque nec biberit; cum experiretur id stomacho suo valde officere.

## XVII. DECEMBRIS.

*Exequis S. Ignatii in India*

**G** Oæ in India celebrata sunt anno 1557 magnificæ exequiæ S. Patri Ignatio; cui & Xaverium, & omnes, à quibus exculta est, & excolitur, debet India operarios. Interfuere Prorex, & honestissimi Lusitanorum; sacrum fecit Patriarcha Æthiopiæ Andreas Oyiedo, Consalvus Silveria pro concione virtutes & egregia S. Patris facta, quantumq; illi orbis terrarum, & India nominatim, deberet, gravi oratione explicavit, *Sacchin. hist. Soc. p. 2. lib. 1. n. 149.*

*Colonia nostris  
datur Collegiū*

2. Colonia in Germania anno 1556 attributum est Societati trium Coronarum Collegium. Cum enim Leonardus Kleffelius cum aliquot Socijs habitarent in domo conductitia, & satis incommoda; fructus autem facerent plures, quàm pro numero operariorum: complures viri probi & docti vehementer optabant, ad conservandam Religionem, sustinendumq; Academiæ splendorem, suscipi à nostris munus docendi. Evenit autem opportunè, ut Regens unius è tribus gymnasijs, quæ in urbe erant præter Academiam, relegendus esset; quòd Lutheranam spiraret hæresim. Vacans ergo Rectore Collegium Societati consignatum est: quod trium Coronarum dicitur, nomine imposito ab insignibus Urbis Colonien-sis, quæ tres repræsentant Coronas. Sed quia negotium cum onerosis Societati conditionibus transactum erat: alia deinde ades pro Collegio

com-



comparata est cum debita immunitate. *Orlandinus hist. Soc. p. I. lib. 16.*

*n. 26. Sacchin. p. 5. lib. 2. n. 105.*

*Eodem die obierunt.*

3. Ingolstadij in Germania anno 1608, P. Paulus Hoffæus, Germanus, hæretico-  
rum expugnator acerrimus, & fidei Catholicæ propugnator strenuissimus. Unde de  
ipso & P. Petro Canisio, usurpabat sapientissimus Bavarix dux Albertus, quod Eccle-  
sia canit de Principibus Apostolorum: *Canisius, & Paulus Hoffæus, nisi nos docue-  
runt legem tuam Domine.* Maximis muneribus par, in Societate præclarum egit Re-  
ctorem, Provinciale, Visitatorem & Assistentem; quattuorque interfuit Congrega-  
tionibus Generalibus. Animabus defunctorum juvandis addictissimus, sæpe illas ha-  
bebat ad portam cubiculi suffragia petentes: ideoque Juvenes nostros, si videbat eos  
aliquid ultra concessa sibi indulgentes, blandè monebat: *Veneretis & vos aliquando ad  
mebro suffragia.* Post mortem visus est unà cum P. Claudio Aquaviva, specie deco-  
ra gloriosus.

*Hæreticorum  
expugnator.*

*Animarum in-  
fugium.*

4. Compluti in Hispania anno 1625, P. Joannes Suarez, Hispanus. Assidua ejus  
in mente & corde occupatio erat, gratulari DEO de omni eo, quod est; & quasi assi-  
duis in eum rapi amoris actibus. Cuidam familiari suo fassus est; se persæpe ad sin-  
gulos passus elicere unum actum Amoris Divini. Nec loquebatur, nisi fere de DEO,  
ab aliis colloquijs dextrè subducere se solitus. Cùm quidpiam durioris imperij ali-  
quando à superiore expectaret, atque ab eo abhorreret; illico ad Ven. Sacramentum  
se recepit, & voto se obligavit, ad nullam excusationem prætendendam. Et præstitit,  
licet res esset valde ardua, & cum insigni ejus despicientiâ conjuncta. Sed victoriæ  
tam insignis opulentum pretium tulit; quippe per annos 12 postea magnis & miris à  
DEO gratijs & solatijs cumulatus.

*Actus amoris  
divini.*

*Obedientia  
prompta.*

5. Clatoviæ in Boëmia, anno 1648, P. Georgius Pelinga, Moravus, ardens Ver-  
bi divini prædicator & in Missionibus, præsertim Castrensis, strenuus ac felix o-  
perarius. Laus ejus non solum Boëmiam impleverat & Moraviam, sed Romam delata,  
singulare à P. Præposito Generali obtinuit encomium. *Ex Tannero.*

## XVIII. DECEMBRIS.

1. **S.** P. Ignatius anno 1544 jussu DEiparæ V. præclaram de studio Hu-  
militatis solidæ exhortationem dixit S. Mariæ Magdalenæ de Pazzis,  
Ordinis Carmelitarum. Spectandam enim se illi præbuit Virgo Mater,  
media inter Sanctos Ignatium, & Angelum Martyrem Carmelitam; jus-  
sitque Ignatium instruere Magdalenam in studio Humilitatis, Angelum  
in exercitio religiæ Paupertatis. Exhortationem S. Ignatii, prout ab  
ipsa Sancta est relata, exhibet Barrolus in Vita S. Ign. lib. 4. n. 5. atque  
inde concludit; quàm perfectus fuerit Ignatius in Humilitate: siquidem  
ipsum specialiter delegit Virgo DEipara in Magistrum ejusdem virtutis,  
eiq; tam capacem & præclaram commisit discipulam.

*S. Ignatius di-  
xit exhortatio-  
nem de humi-  
litate.*

2. An-



*Facultas alienandi bona.*

2. Anno 1576 Gregorius XIII Præposito Generali Societatis facultatem concessit: ut accepta debita informatione, possit quæcunq; bona domorum & Collegiorum Societatis alienare in evidentem ejusdem utilitatem, per se vel per alios, vendendo aut permutando, absq; alia à Sede Apostolica, vel ejusdem Legatis, aut Nunciis, petita licentia. In Emphiteusim autem possit tradere ad tres generationes. *Bullar. Societ.*

*Eodem die obierunt.*

*Mortificatio in omnibus.*

3. Cracoviæ in Polonia, anno 1629, P. Adamus Gorski, Roxolanus. In Sacrificio Divino conficiendo, & Horis Canonicis persolvendis ad stuporem accuratus, dicere solebat: *O quam ignorant Sacerdotes, quantas delicias habeant in opere isto!* Coram SS. Sacramento plures horas ducebat, Saxi instar immotus. Charissima ei erat Regula, qua jubemur in omnibus nostri mortificationem querere. Unde corpus suum nunquam permittebat acri aliquo dolore carere; præcipuasque ejus partes in mentes distribuebat, ut singulis mensibus aliud aliudve cruciaretur membrum. Pro generali Sanctæ vitæ regula sibi præscripserat: *Ita vivere, sicut in tertio Probationis anno vixeras.* Tesseram sui erga DEum affectus, hanc scripto reliquit: *Iuro, Domine, ac testor: quod nihil velim, nisi maximam gloriam Nominis tui; & maximam confusionem faciei meæ.* Theologiæ docendæ se accingentem Cracoviæ, mors omni apparatu sancta occupavit.

*Victimæ charitatis.*

4. Ingolstadij in Germania, anno 1648, P. Sebastianus Schaller, Germanus. Incredibili legum nostrarum observantiâ insignis: tanto lacrandarum animarum zelo æstuabat: ut voto concepto promiserit: se vitam, quaqua liceret, illis lucrandis impensuram. Et impendit: quando in obsequio pestiferorum nobilis cecidit victima charitatis.

## XIX. DECEMBRIS.

*P. Bellarminus  
Rector Collegii  
Romani.*

1. P. Robertus Bellarminus heri renunciatus Rector Collegii Romani anno 1593, ubi ex mœnore, ob impositum onus honorificum, collegit animum vir humillimus: formam regiminis ad normam Sacrarum literarum, legumq; Societatis sibi præscripsit, concinnavitq; Adhortationem ad Socios habendam, ex illa Ecclesiastici sententiâ cap. 32. *Rectorem te posuerunt? Noli extolli: esto in illis quasi unus ex ipsis - & non impedias musicam.* Cui divino monito ita conformavit gubernationem suam, ut potestate autoritateq; Superior, humilitate esset omnium infimus; congrua suavitate temperaret disciplinæ rigorem; & non animorum duntaxat, verum & corporum paternam haberet curam. Talem dum ageret Rectorem, meruisse visus est, ut ascenderet superius, & quidem passu velociore. Nondum enim exacto gubernationis Collegii triennio, iussus est Provinciæ Neapolitanæ curam suscipere: quam summa prudentiâ & charitate gubernavit; donec post mortem Card. Toletî à Clemente VIII

*evoca.*



evocaretur, ut illius loco munus Theologi Pontificii subiret, *Petrus Jan-  
sta in Vita lib. 2. cap. 10.*

*Eodem die obierunt.*

2. Granatae in Hispania, anno 1610, P. Joannes de Torres, Hispanus. Si quod a-  
nimae alicujus lucrum speraret, ab eo nulla illum occupatio, nulla corpori adversa,  
valetudo, nulla alia difficultas avertere valebat. Fama est, quæmonem cuidam autho-  
rem fuisse, ne cum illo suo inimico (ita P. Joannem appellabat) aliquid negotij ha-  
beret. Dies totos pro sacro poenitentiae tribunali infumebat, noctes verò meditando  
divinis dabat. His intentum cum mors impeteret; *Nunquam existimasset*, inquebat,  
*mori, rem tam dulcem esse: nec dubio, hanc esse vocationis gratiam.*

*Mors dulcis.*

3. In Hollandia, anno 1620, P. Petrus de Hollandre, Belga. Cum morti se vici-  
num adverteret, eadem, qua mortuus est die, scripsit ad Præpositum Provinciale:  
se protestari, quod ex ea, quam semper coluisset, voluntatis suæ cum Superiorum  
voluntate conjunctione, tantum per omnem vitam in Societate actam, jucundissimæ  
solidissimæque voluptatis hauserit; quantum omnes mundi deliciae conferre non pos-  
sunt. Ingenio erat ad summa omnia expectato, exquisitè observans legum, & pri-  
vatæ pietatis exercitiorum, ita: ut etiam extremo vitæ suæ die, observatus sit ad ho-  
rologij campanæque sonum attendere, ut distributorum in horas Crucifixi mysterio-  
rum meminisset.

*Voluntatis pro-  
pria cum superio-  
rum conformitas.*

XX. DECEMBRIS.

**I**gnatius iterata apparitione recreat matronam afflictam. In valle  
quadam Pedemontana, Lauzus dicta, grassabatur anno 1626 ingens  
luporum copia, qui insolita rabie etiam in homines sæviebant. Ad illos  
abigendos, oppidani novem dialem decreverunt supplicationem, ad Sa-  
cellum S. Ignatii instituendam. Auditi sunt, lupique turmatim dissi-  
perunt. Hoc Sancti præsidio excitati alii ejusdem vallis incolæ, cum lues  
pestifera, strage magna desæviret in pecora, ad eundem Sanctum recur-  
rerunt, edito voto, de sacra æde illi excitanda in proximo monte, ex ve-  
teris castri ruderibus. Nuncupato voto, cessat strages, ægra sanantur a-  
nimalia, diffatur omnis pestifera lues. Ergo populus voti reus, sacellum  
extruit; quod confestim magno vicinæ concursu, singulariq; pietate  
celebrari coepit. Nec defuit Sanctus supplicum precibus atq; solatio.  
Mulier, Thomæ Mussani conjux, cujus filium foedâ herniâ laborantem sa-  
narat, persolutura preces voto promissas, dum convertit ad montem, in  
quo sacellum erigebatur, oculos, videt S. Patrem cælesti fulgore circum-  
fusus, insidentem saxo elatiori, amœnissimo vultu amabilem. Recur-  
rit ad Parochum suum, visumque enarrat. Ille jubet eam insistere preci-  
bus & sumptâ sacrâ Eucharistiâ, diligentius Sancto se commendare. In-

*S. Ignatius ap-  
paret mulieri  
afflicte.*



terim gravi mœrore obruitur mulier: è quo ut emergeret, iterum oculos levavit in montem, nec defuit inde auxilium illi. Iterum vidit eodem in laxo Sanctum, cujus aspectus, mœrorem omnem momento discussit, animum serenavit, & miris demulsit deliciis. Unde mirum in modum circumjacentibus in oppidis & pagis crevit S. Ignatii cultus, ædificatis Sacellis & aris, institutis jejuniis, & in ejus anniversaria festività solemnīs veneratio. *Bartolus in Vita lib. 5. n. 99. & 100.*

*Eodem die obierunt.*

*Vocatio ad Soc.* 2. Goæ in India Orientali, anno 1562, P. Joannes Nunnez, Lusitanus, Æthiopiæ Patriarcha. Deliberanti de vitæ Sanctioris statu ineundo, spectandam se præbuit DEipara V. comitibus P. Petro Fabro, & Francilco Strada è Societate JESU, quasi vitæ ex Joanne: *Vas servare vobis meo usque ad defatigationem?* Annuente ipso *Sequere ergo vos, vobis*, subjunxit DEipara, & videri desiit. Incidit paulò post Joannes Conimbricæ in P. Petrum Fabrum, agnovitque illico, cum esse ipsum, quem nuper DEiparæ comitem viderat; cumque Faber eum alloqueretur iisdem illis verbis, quibus DEipara; *Vu servare Christo usque ad defatigationem?* Societati constanter se addixit, & post præclara non vulgaris virtutis documenta meruit Æthiopiæ dari Patriarcha, quam dignitatem egregijs dotibus ornavit.

*Orationis studium.*

3. In Sicilia, anno 1592, P. Hieronymus Domeneccus, Hispanus. Societatem in Sicilia præclare provexit, eique præfuit magna laude benigni Patris, accurati Superioris, periti medici, ita: ut Siculæ Societatis Angelus diceretur. Orandi studium tanti fecit, ut diceret: Etiam S. Franciscum ab illa Sanctitatis suæ eminentia prolapsurum fuisse, si non hoc præsidio se sustentasset. Vesperti cubitum concedendo ita sese componebat, quasi re vera nocte ista esset è vita migraturus.

*Infans pronuntiat Maria.*

4. Calari in Sardinia, anno 1623, Franciscus Hortulanus, Coadjutor Hispanus. Cum primum ex utero matris egressus est infans, mox junctis, instar orantis manibus, clara voce & distinctè pronuntiavit. MARIA, MARIA; prout mater & obstrictæ sanctè sunt testatæ. Et vixit semper addictissimus cultui DEiparæ V. raris favoribus ab ipsa dignatus. Cum ægro cuidam nostro amanter & accuratè serviret; vidit Christum Crucifixum brachia in amplexum suum protendentem, audivitque nunquam se ab illo deferendum.

XXI. DECEMBRIS.

*S. Thomæ Apostoli post vaticiniū.*

1. **I**Estum S. Thomæ Apostoli admonet Societatem vaticiniū, quo prædixit; eam olim in vastissimis Indiæ Orientalis regionibus, quas Christiana fide atq; legibus excolebat, laboraturam. Erectæ enim columnæ, vel ut alii volunt, Crucis, prope Meliaporem, Choromandelis regni metropolim, in loco milliaribus 15 distantis ab Oceano, inscripsit: Cum mare eò pervenisset, venturos in Indiam homines albī coloris, ad restaurandam Fidem & Religionem, quam ipse prædicabat. Eventus vaticinio fidem



dem fecit: cum enim Vascus Gama primum in Indiam appulit, mare pedem illius Crucis, seu columnæ, lambere cœpit. Secutus non multo post Xaverius cum Sociis, prædicationem cumulatè implevit. *Bartolus in Vita S. Xav. lib. 1. n. 25.* Unde patet: S. Thomam Apostolum etiam eo nomine rectè appellatum fuisse Didymum: Joan: 2 quod in Apostolatu Indico geminum habiturus esset Xaverium.

2. Etiam in India Occidentali, seu America, prædicasse S. Thomam Apostolum, non obscura demonstrant vestigia, quæ reppererunt Nostris, in terras illas appulsi. Inter cætera, fama fuit, sparsa per Paraquariam, vastam Americæ regionem, prædixisse illum: Post multa sæcula Sacerdotes, ejusdem Dei cultores, sibi successuros, qui eadem, quæ tunc ipse, posteros docerent; quique, ut ipse, Cruces manu gestarent. Postquam igitur Socii illuc delati sunt, visæ in manibus ipsorum Cruces fidem tecerunt; ipsos esse illos, quos Apostolus prædixerat venturos. *Imago Soc. 1. Sæc. lib. 1. cap. 2.*

*S. Thomas prædicavit in America.*

3. Eidem S. Apostolo templum magnificum Goæ excitari à Prorege Constantino, curavit P. Consalvus Silveria, post expeditionem Damannensem feliciter absolutam: ut regiones sanguine suo tinctas, veræ fidei lumine iterum illustraret, protegeretque recentes Evangelii prædicatores. *Sacchin. hist. Soc. p. 2. lib. 3. n. 13.*

*S. Thomas templum erectum.*

*Eodem die obierunt.*

4. Romæ anno 1577, P. Joannes Polancus, Hispanus. S. Patri Ignatio valde utilem præstitit operam in gubernanda & provehenda Societate, vir non minùs Religiosus, quàm prudens ac doctus. Quamvis autem, tanquam publico Societatis Secretario, ingens negotiorum congeries incumberet: concionibus nihilominus, sacrisque Lectionibus simul operam dabat; idemque & Doctrinæ Catecheticae, & Procuratoris Generalis officium administrabat; nec à culinæ triclinijque muneribus erat immunis. Eandem operam præstitit S. Patris successoribus, Jacobo Laynez & Francisc. Borgia; eratque maximè mirandum: quod in tam variarum maximarumque occupationum concursu, Polancus eodem semper esset vultu, eandemque animi serenitatem præferret semper. Post obitum S. Francisci Borgiae præfuit Societati & Congregationi Generali III ut Vicarius Generalis; denique Visitatione Siciliae laudatè perfunctus, vitâ quoque religiosissima defunctus est. *Sourell. in bibl. Soc.*

*P. Polanci elogium.*

5. Friburgi in Helvetia, anno 1589, P. Petrus Canisius, Belga, magnum rei Catholicae columen in Germania, infractus hæreticorum malleus, à quibus præclaro scommate appellabatur *Canis Austriacus*; quod Ferdinandus Cæsar illo potissimum uteretur ad varias contra sectarios expeditiones; à Catholicis verò passim elogio *Germania Apostolica* honorabatur. Laboribus Apostolicis Italiam, Austriam, Bohemiam, Germaniam, ac potissimum Bavariam excoluit; ut meritò de ipso dicere consueverit

*P. Canisii elogium.*



pijsimus Bavariae Dux Albertus: Petrus Canisius & Paulus Hoffmann, ipsi nos docuerunt legem tuam Domine. Poloniam quoque jussu Pauli IV, cum Apostolico Nuncio invisit, & Clerum praecipue in fide confirmavit; à Pio IV Pont. Max. specialibus literis ad ipsum datis, laudatus, ut indefessus fidei zelator; à Gregorio XIII Romam evocatus, ut collato consilio Germania juvaretur; persuasitque Canisius Pontifici optimo: ut Collegium Germanicum in Urbe ad incitas redactum, resuscitaret; quod ille praestitit abunde. Apostolicum fidei zelum par comitabatur Humilitas & Obedientia. Illa suadente Infulas Viennenses oblatas à Caesare non admisit; hac innuente, pari promptitudine & ascendebat ad sublimia, & descendebat ad ima, honoratus à DEO in vita & post mortem multis naturam supergressis gratijs.

*Columba super  
caput sacri-  
santis.*

6. Cordubæ in Hispania, anno 1576, P. Franciscus Gomez, Hispanus, vir planè columbinæ simplicitatis & mansuetudinis, sive cum externis conversaretur, sive domesticos gubernaret. Testata hanc ejus indolem candidissima Columba, quæ ipso Pentecostes die super sacrificantis caput confedit, & semel iterumque abacta, redijt, donec ab ædituo in sacrarium asportata est.

*Obedientia  
prompta.*

7. Antverpiæ in Belgio, anno 1624, P. Joannes Isenbrant, Belga, ad omnem Obedientiae nutum mirè promptus. Quidquid demandaretur vel nutu Superioris, singulari alacritate reponerat: *Libenter*. Hausto pridie ab ægris morbo sublatus, cum jam 8 horis in Sarcophago jacuisset, Frater verò, quo Socio usus erat, fortè illac transiret; audit clare & distinctè allapsas è tumba, velut viventis P. Joannis, voces: *Libenter! Libenter! Libenter!* Visus paulò post à quodam Patre caelesti splendore gloriosus, monuitque eundem de imminente morte, quæ brevi secuta est.

*Vox è tumba.*

## XXII. DECEMBRIS.

*Hæretici ur-  
gent expulsi-  
onem: stragem  
ex Transylva-  
nia.*

1. **I**N Transylvaniæ generali conventu, cum heri, anno 1588, in Societatem atrociter infecti essent Ariani & Calviniani Pseudo episcopi: hodie in Conventum admissus P. Wujecus Proprovincialis cum aliquot Sociorum, solidè calumnias refellit, ostendendo: quàm fideliter Societas operam suam instituendæ juventuti, juvandisque Catholicis impenderit; quàm pacis ubiq; tranquillitatisque, multas licet vexationes perpeffa, non studiosa modò, sed & custos fuerit &c. Egressis è templo, ubi Conventus agebatur, Patribus, Hæretica nobilitas, quanquam multum repugnantibus Orthodoxis, & ipso Regni Thesaurario Acatolico, Sombrio, mittunt libellum ad principem, iterum flagitantes: ut è regno idololatriæ, & ejus propagatores Jesuitæ, ejiciantur. Sed respondit Sigismundus princeps Bathoreus: nec Præceptores suos (à nostris enim literis institutus fuerat) nec homines sibi à Patre, ac Patrono, Stephano Rege Poloniæ, commendatos, & à regno receptos, indictâ causâ, pelli abs se decere; cum præsertim ejus religionis essent, quam ipsemet sequeretur; & aliqui etiam non Catholici, affirmarent, eos regno opportunos esse, & ad suo-

rum



rum institutionem liberorum retineri, postularent. Hæc tunc Sigismundus princeps insigni animi fortitudine, cui utinam constantia non defuisset. *Sacchin. hist. Soc. p. 5. lib. 8. num. 53.*

2. Anno 1592, Clemens VIII. Decretum misit Nuncio Apostolico in Belgium de confessione Paschali facta religiosis, in quo hæc habentur: præsentis nostro decreto sancimus, licere sæcularibus, Christi q; fidelibus universis liberè Missas diebus Dominicis, & aliis majoribus festis audire in Ecclesiis tam fratrum Prædicatorum, quàm aliorum mendicantium, nec non etiam Collegiorum Societatis Jelu, juxta illorum privilegia, & antiquas consuetudines, dummodo id in contemptum Ecclesiarum Parochialium non faciant: & tam dictis fratribus prædicatoribus, & presbyteris dictæ Societatis, quàm aliis privilegiatis prædictis, quibus id à Sede Apostolica indultum est, idoneis tamen & ab Ordinario approbatis, peccata sua, etiam Quadragesimali & Paschali, & quovis alio tempore, confiteri licitè possent: dummodo tamen sæculares Christi fideles Sacramentum Eucharistiæ die festo Paschatis Resurrectionis, in propria Parochia ab eorum Parocho sumant.

*Confessio Paschalis potest fieri Mendicantibus.*

*Eodem die obierunt.*

3. Londini in Anglia, anno 1642, P. Thomas Hollandus, Anglus post strenuos & admodum fructuosos labores, consuetâ Sacerdotum Catholicorum carnificinâ, sublatus est. Judex ipse disertè pro tribunali fassus est; nihil criminis habere P. Thomam, quàm quòd Sacerdos Catholicus esset. Auditâ capitali sententiâ lætus respondit: *DEO gratias*: in carcere verò Socios invitavit ad Hymnum Ambrosianum secum recitandum. Moriturus aiebat; se Catholicum esse Sacerdotem, & Jesuitam; paratum autem, religionis causâ, pro DEO ponere vel tot vitas, quot haberet capillos in capite, quotvè in Oceano essent guttæ, & Perfectiones in DEO. Caterùm in Conversatione cum externis & domesticis, tantâ pollebat gratiâ & eruditione in ferendis Colloquiis spiritualibus; *ut constaret de Spiritu, & Bibliotheca librorum spiritualium*, diceretur.

*Victima fidei.*

4. Monachij in Germania anno 1634, P. Matthæus Raderus, Germanus Tirolensis. Insigni constantiâ Rhetoricam docuit annis 22; ob excellentem peritiâ, eruditionem, & elegantiam linguarum Atticæ & Romanæ, à doctissimis id ætatis viris, Justo Lipsio, Martino Deserio, Velfero &c. magnis encomijs celebratus. Memoriam semper fuit vegetâ, etiam in fracto laboribus corpore; moribus verò innocentissimis, & suavissimo agendi modo, è religiosa humilitate nato. Eruditionem viri singularem testantur volumina ab ipso edita, præsertim ad illustrandos authores Græcos, & Latinos quosdam Classicos: Viginii duo recenset *Soutwell. in bibl. Soc.*

*Rhetorica ab eis 22. docita.*



*Littere S. Ignatii in Indiam.*

1. IN Indiam Orientalem anno 1549, pervenerunt geminæ, à S. P. Ignatio datæ Epistolæ: quarum altera S. Xaverius nominabatur, Sociis-que præficiebatur, Præpositus Provincialis per Indiam & transmarinas regiones in Oriente; adeoq; tunc primum India facta est Provincia Societatis, distincta à Lusitana, Altera conferebantur Xaverio gratiæ omnes & Privilegia à Sede Apostolica collata Præposito Generali Societatis. *Bartolus in Vita S. Xav. lib. 4. n. 13.*

*Indulgentiæ aliarum Ecclesiarum.*

2. Anno 1579 Gregorius XIII Religiosis Societatis Jesu concessit; ut in suis Ecclesiis obtinere possint Indulgentias omnium aliarum Ecclesiarum in locis, in quibus commorantur: si ante altare in quo Sanctissimum Sacramentum Eucharistiæ reconditum est, in ipsius Ecclesiis Societatis, oraverint pro S. Romanæ Ecclesiæ exaltatione, hæresum extirpatione, & inter Principes Christianos fovenda pace. Breve incipit: *Cum sicut accepimus.* Ex Bullar. Soc.

*Epistola Alexandri VII ad Remp. Venetam.*

3. Anno autem 1656, Alexander VII insignem & planè paternam dedit Epistolam in forma Brevis, ad Serenissimam Remp. Venetam, quibus eam hortatur ad restituendam Societatem in Dominium suum. Labores, inquit, quibus uti fideles operarii in Christi vinea, Societatis Jesu Religiosi exercentur, fructusq;, quos Domino benedicente ex illa percipiunt, Nobilitatibus vestris probè cognitos ac perspectos esse, non dubitamus. Adeò enim uberes sunt; ut bonus eorum odor longè sese lateq; diffuderit, & ad longinquas etiam remotasque regiones jam olim pervenerit. Nos, quorum humilitatem supremus ille Paterfamilias ac Dominus, domus suæ custodiæ, & agrî sui cultioni præposuit, sollicitudinis nostræ debitum, ac præcipuam curam esse putamus: utiles adeò servos, ac traditis à Domino talentis augendis imprimis opportunos, peculiari charitate completi &c. Concludit postea: Dignam itaq; prudentiâ vestrâ, dignam pietate, dignam perpetuâ in nos observantiâ, ac maxime opere ad divinum auxilium impetrandum, opportunam rem facietis; eos quàm primùm in nobilissimam istam civitatem, omnemq; vestram ditionem, recipiendo &c. *Gomez in Eloz. Societ. p. 1. Classe 1.*

*Eodem die obierunt.*

*Humilitas.*

4. Mauriaci in Gallia, anno 1610, P. Robertus Cuisnotus, Gallus, ad omnem virtutem ita formatus: ut Ruthenensis Antistes diceret: Solo hujus Patris aspectu, caelestes quosdam divini amoris igniculos aspicientibus injici. Humilitate erat tam

profun-



profundè solidèque fundata, præsertim in Christo Crucifixo: ut negaret, se ullis dæmonis machinis posse ad arrogantiam inflari. Moriturus, suavissimè recolebat illud Apostoli: *Sive vivimus, Domino vivimus; sive morimur, Domino morimur.*

s. Carpentoracti in Gallia, anno 1658, P. Balthasar de Bus, Gallus. Ab ipso initæ Societatis exordio, totus fuit in carne spiritui subjuganda; ideoq. unde unde poterat, tum Veterum Patrum, tum Recentiorum conquirebat heroicæ mortificationis externæ exempla, & quantum per Superiores licuit, æmulabatur. Sic subjugata carne, spiritum ejus tantis implebat DEUS cæli delicijs; ut illi nimix & subinde suspectæ viderentur. Cogitatione pariter ac Amore ita adharebat DEO: ut diceret, difficile sibi esse, mentem ad Creaturas convertere. Sub mortem, magno animi sensu, recitavit triste illud Ecclesiæ carmen, *Dies ira, dies illa* &c. ut securior, inter Amorem & Timorem DEI, transiret ad beatam Æternitatem. Adjecit & hymnum Ambrosianum, *Te DEum laudamus*, in gratiarum actionem, quod in Societate moretetur. Ad hanc ut vocaretur, eamque ingrederetur, ferventibus quatuor annorum precibus apud DEum institit. Magnus DEI servus, per omnem Galliam celeberrimus, Cæsar de Bus, pater noster Patris Balthasaris.

*Mortificatio.*

*Conjunctio cum DEO.*

## XXIV. DECEMBRIS.

I. ANNO 1589, in Japonia, regno Arimæ Christiano, inventa est Crux prodigiosa in medio diffusæ arboris aridæ, quam Japones Taram, vocant, putantque fugare dæmones. Cùm enim ligna pro festis Natalitijs Christi paraturus, exisset Michael quidam Christianus, aridum truncum viæ imminens securi stravit; cùmque fidisset medium, in quavis fissæ arboris parte apparuit crux è ligno alterius speciei, similiter diffusa: ut in quavis trunci parte crux appareret, cujus longitudo erat dodrans palmi, seu spithama. Inter ceteros ad prodigij famam accurrentes, adfuit etiam Protasius rex Arimæ; cui ante menses sex per quietem visi duo quidam cæli principes, nuntiaverunt: *Esse in terris ipsius signum JESU.* Hic ergo cùm vidisset prodigiosam illam Crucem, non dubitavit, eam esse Signum JESU, de quo nuper monitus fuit. Prostratus igitur humi, O, inqueiebat, ut te libens, gratusque accipio cælo missum pignus! *Ede, quid hoc signo imperes, Christe: parati ad Crucem ferendam sumus.* Sub hæc Crucem argentea inclusam theca, in qua videri trans pellucidam crystallum posset, Arimam ipse portavit; ubi longè celebrior facta est, secutis ad eam curationum ingentibus miraculis: ad quorum evidentiam, etiam ethnici ita commoti sunt; ut ex ipsis ante finem sequentis anni 1590 undecim millia Arimæ sint baptizati; in variis verò Ximi locis, usque ad novem millia. Verùm non solum benedictionis, sed etiam gravioris imminenti persecutionis ea crux signum fuit, *Sacchin. bist. Soc. pag. 5. lib. 9. n. 322. & seqq.*

*Crux prodigiosa.*

2. Im



P. Suarez in-  
vitatur ad con-  
siliandam  
Theologiam.

504

2. In Lusitania conabatur Ven. P. Franciscus Suárez expedire se curā  
Prælectionum Theologicarum in Academia Conimbricensi, in quibus  
jam ultra annum trigesium tum ibi, tum alibi processerat: Sed obstitit  
Philippus III rex Hispaniæ & Lusitaniæ, datis ad eum literis hoc die, an-  
no 1611, urgendo: ut saltem triennium adhuc ei labori, Ecclesiæ & ditio-  
nibus suis tam utili, impenderet; quibus evolutis, iterum institit; ut unum  
adhuc annum superadderet. Tam eximiam habuit opinionem de Docto-  
re illo, quàmvis plurimi alij in doctissima Hispania & Lusitania non dees-  
sent. *Massėjus in Vita cap. 17.*

*Eodem die obierunt.*

Victima fidei.

3. In Brasilia, anno 1554, Petrus Correa, & Joannes Sofa, Lusitani in odium fi-  
dei nobiles victimæ ceciderunt. Erat primum Petrus turmæ militaris ductor, mira-  
que sagacitate venabatur Brasilos barbaros, Lusitanis in servitutem vendendos. Mo-  
ritus respicit, atque ut miserum Brasilo è captivitate diaboli in libertatem filiorum  
DEI assereret, Societati sese addixit; in qua dum indefesso labore, miraque dexter-  
itate salutem illorum promovet, unâ cum Fratre Sofa, à barbaris obrutus sagittis  
occubuit; Christianis unicum Magistrum, omnium amicum, fratrem & patrem  
deplorantibus.

P. Claudii  
Mortis gesta.

4. Anconæ in Italia, anno 1587, P. Claudius Matthæus, Gallus. Humili stirpe ac  
paupere domo natus, virtute ac ingenio eò evasit: ut Henricus III, Galliarum rex, fre-  
quenter per duas tresve horas ab ejus ore penderet. Dux Guisus fere quotidie perfa-  
miliariter eo utebatur, etiam spiritualibus S. Ignatii Exercitijs per dies 40 ab ipso ex-  
cultus. Cùm Provinciam gubernaret, certior fiebat divinitus, quoties aliquis in Pro-  
vincia moriebatur. Claudium Aquavivam in Præpositum Generalem eligendum,  
diuque illi muneri præfuturum, cælitus didicit ac prædixit. In postremo Romam iti-  
nere quotidie per horæ dimidium Exhortationem habebat ad comites, vel ad aliquem  
famulorum. Redeuntem in Galliam, Anconæ mors occupavit.

Mortem cele-  
stem impet. atq.

5. Hippali in Hisp. anno 1584, P. Georgius Alvarez, Hispanus. Magna siti salu-  
tis animarum ardebat; magna in permovendis ad lacrymas obstinatis peccatoribus  
efficacitate pollebat. Persuasit aliquando parenti suo, ut Exercitijs Spiritualibus a-  
pud nos animam excoleret; Sed simul P. Rectorem oravit, ut illi calceos faciendos vel  
reficiendos daret tempore exercitii manualis: esse enim arte sua tutorem. Visus est  
non ab uno, nec semel, inter orandum cælesti lumine circumfusus. Morientem Ro-  
dericum de Flores rogavit P. Georgius: Ut celerem ipsi mortem impetraret. An non  
posses, agebat, mihi à DEO obtinere, ut proximum Christi nascentis diem in cælo cele-  
brem? Recepit Rodericus, id se curaturum. Et P. Georgius brevi æger, scilicet un-  
decimâ Decembris, hoc die optata morte migravit è vita.

## XXV. DECEMBRIS.

S. Ign. primogen. n. A Nno 1538, ipsa Natalis Christi nocte, S. P. Ignatius Romæ ad Præsepe  
natj DEI, in Basilica S. MARIE Majoris, ad Nives dicta, primum  
Missæ



Missæ Sacrificium DEO obtulit, post præmissam plus quam unius anni præparationem. *Nadasi in Indice Memor.*

2. Granatæ in Hispania anno 1560, Concionatorem è Societate age- *Concio efficax.*

bat P. Joannes Bapt. Sancijs, cum ea in animos auditorum autoritate: ut quodquid vellet illos flecteret. Fuit; cum in nosocomio, quod S. Joannes DEI erexerat, confertum auditorem è Clero, & primarijs alijs viris, ad opera misericordiæ Invitaret, præsertim in re valde angusta ejus domus. Inter alia, Eritne, inquiebat, in hac tam insigni corona, qui exemplo S. Martini, velit nudum Christum in suis pauperibus operire? Vix dixerat, cum profiliens in medium Sacerdos quidam, pretiosum sibi detractum pallium ad pedes Patris abjecit. Exemplum confestim secuti alii super alios, quidquid ad manum habebant, in unum conjiciunt cumulum, pecuniam, annulos, pallia, saga, thoraces &c. ut Sancijs inclamare debuerit: Satis esse, superque. Eandem industriam eadem felicitate repetit ipso Christi Natalis die, hortando, ut argentem nudumque Christum operirent. Tam facile calefacit Auditores ardens Orator. *Sacch. hist. Soc. p. 2. lib. 4. n. 178.*

3. Apud Sinas Pechini, urbe regia, tandem anno 1609, ipso Domini Natalis die aperuerunt Nostri Sacellum elegans, Europæo more constructum, cum aris duabus, altera Christo Salvatori, altera ejus Parenti Virgini dicata. Neophytorum ingens fuit concursus, sed major ethnicorum: quorum non pauci per eam occasionem gregi Christi sunt aggregati. *Trigaultius in Exped. Sinenf. lib. 5. c. 15.*

4. In Gallia, ut Lugdunum, urbem amplissimam, ab hæresi plenè purgaret P. Edmundus Augerius, qui supra duo millia hæreticorum ibi converterat: ex voluntate Senatûs, aggressus est cum alijs quibusdam Doctoribus bibliopolia recognoscere. Congesta est infinita vis librorum pestilentium; qui ipsa nocte Nascentis Christi, incensi, magna luce perfuderunt cælum: continuatum est incendium etiam per sequentes duos dies. *Sacchin. hist. Soc. p. 3. lib. 3. n. 161.*

5. In Transylvania anno 1588, alia fuit facies. Ab hæreticis, Gubernatore Getzio, & Nobilitate editum decretum: ut ex omni Transylvania intra 25 dies excederent Jesuitæ, nec ulli fas esset, eos apud se habere; multaque alia contra Religionem Catholicam decreta; Princeps Sigismundus coactus in verba impii decreti jurare. *Sacchin. hist. Soc. p. 5. lib. 8. n. 61.* In Livonia quoque Riga, ingens tumultus excitatus ab hæreticis anno 1585. *Idem ibid. lib. 5. n. 82.*

*Sacellum Pechini apertum*

*Libri hæreticorum combusti.*

*Ex Transylvania jubentur nostri exesse*



6. Post mortem Pauli IV diu inter Cardinales de eligendo Pontifice concertatum: quorum plerique subito motu Laynium, Societatis JESU Generalem, virum omni exceptione majorem eligendum proclamarunt. Sed tandem in die Natalis Christi, omnes in Joannem Angelum Medicinum Mediolanensem convenerunt. Coronatus est 8 Idus Jan. dictusque Pius IV ejus cellæ superuolitans columba & in ea quiescens creditur Pontificatum prænucciasse. *Brietius.*

*Pius IV Pont.  
dignatur.*

*Eodem die obierunt.*

7. Fremonæ in Æthiopia, anno 1593, P. Emmanuel Fernandez, Lusitanus, Patris Andreæ Oviedi, Patriarchæ, Socius, laborumque ac periculorum confors. Nestorianus Monacho contra Catholicos Imperatorem concitanti, prædixit: Catholicos ab Imperatore nihil passuros, ipsum autem pseudo-monachum, brevi ad tribunal divinum rapiendum: prout evenit. Mortem, quam occiduo antè prædixit, inter liquidissima solatia oppetiit. Comparenti enim sibi DEiparæ V. *Ah Domina mea*, aiebat! *Ah Domina mea!* Petenti Francisco Lopez Coadjutori, ecquid esset? respondit: *Vidi Virginem DEiparam, pulchritudine Druma mirabilem. Sine me, sequi abeuntem.* Et secutus est.

*DEipara apparuit moribundo*

*Victima fidei.*

8. Nangasachi in Japonia, anno 1628, Michael Nacascima, Japon, odio fidei interemptus. Christianam rem egregie promovit in Japonia, non uno sustuario honoratus. Denique comprehensus solito aquæ in os infusæ, & mox violenter cum sanguine expressæ, tormento cruciatus est. Soli torrendus expositus, leni aura è cælo aspirante, recreatus est. Deinde bulliente sulphurea aqua, quæ ex monte vicino manat, frequenter perfusus, & per stagna ejusdem aquæ raptatus, cum Christum & fidem constanter profiteretur, extinctus, seu potius cælo ortus est.

*Rabies hæretica.*

9. Londini in Anglia, anno 1628, P. Joannes Bennetus, Anglus ob fidei & animarum zelum gravissimis carceribus, & acerbissimis tormentis excruciat. Quibus tamen omnibus longè acerbius excogitavit & adhibuit tormentum hæretica rabies: quando in angustū cubiculum compacto P. Joanne, immisit spurcissimorum juvenum turmam, qui ante oculos Viri castissimi omne genus scditatum exercuerunt. Sed omnibus infractus, proscriptus tandem est ex Anglia, intentata dira morte, si rediret. Rediit tamen, & totis 35 annis in laboribus Apostolicis, & quotidianis mortibus, exactis, quievit in pace. Viri Sancti elogio passim honoratus.

*Autor variorum librorum*

10. In Belgio anno 1690, P. Cornelius Hazart, Belga. Per annos viginti & ultra Concionibus sacris Antverpiæ satis occupatus: ut non sola voce, sed stylo etiam prædicaret, tantum temporis invenit vir zelosissimus: ut præter Tomos 7 Historiæ Ecclesiasticæ, in folio, de Controversijs fidei distinctos libros 37 elucubravit, ediditque. *Sourvellus in bibl. soc.*

XXVI. DECEMBRIS.

*Viso S. Mariæ Magdæ Paz-  
zi.*

1. Contigit anno 1599 insignis visio S. Mariæ Magd. de Pazzis: quando in extasim rapta, in festo S. Stephani Protomartyris vidit: DEum S. Joannis Evang. animâ ita delectari; ut quodammodo præter illum, nemo



nemo esse in cælo videretur: quod idem præstabat DEus animæ S. Ignatii Soc. Jesu Fundatoris. Nam, ut ipsa Sancta subdit: Idem est S. Joannis, cum S. Ignatii, spiritus. Amborum enim fuit scopus hic & finis; amor & charitas in DEum & proximum: amore atq; charitate homines trahebant ad DEum. Tum addit: nullus felicius in terris nunc viget, quàm Ignatii spiritus: ejus enim filii in regendis animis contendunt potissimum, ut sciant; quantopere DEo placeat, interiorum excolere hominem, & interioribus exercitiis se dare. His enim efficitur, ut ardua & difficilia facile obeantur: nam virtus interior lumen animo infundit, ex quo nascitur is amor, quo amata omnia dulcescunt. Videbat præterea, Ignatii filios, quoties in terris hoc modo cum proximis agerent, toties illam instaurare, quam ex Ignatii anima DEus percipit, voluptatem. *Bartolus in Vita S. Ign. lib. 2. n. 47.*

2. In Africa anno 1561, hoc die, potentissimum Monomotapæ regem adiit P. Consalvus Silveria. Antequam regem accederet, præmisit ille ducem exercitus sui Antonium Cajadum Lusitanum, qui suo nomine Consalvum salutaret, ac munera deferret, ingens auri pondus, boves permultos, famulosq; in usus domesticos. Quæ cum omnia officiosè remisisset Consalvus, tanquam statui suo non accommodata: miratus est rex eam animi excelsum. Advenientem excepit ea humanitate, quam nec stipendiariis sibi regibus præstare solebat. Ubi verba salutis æternæ facere cœpit: eam illis gatiâ dedit DEus: ut intra breve tempus rex cum matre sua, multisque proceribus sit baptizatus. *Sacchin. hist. Soc. p. 2. lib. 5. n. 219 &c.*

*P. Silveria ad  
du regem Mo-  
nomotapæ.*

3. In Italia Robertus Bellarminus, juvenis adhuc annorum 22, nec gustata adhuc Theologiâ, ad stuporem concionatus est in templo primario Montis Regalis. Primam dixit concionem heri: quam cum summa voluptate audissent Prælati & cives: legatis ad Collegium missis, institerunt, ut altera etiam die, S. Stephano sacra, non gravaretur eos reficere verbo DEI. Erubuit Robertus, & cum temporis brevitatem oppoluisset, ad concionem parandam; repositum est: quidquid diceret, ratum gratumque futurum. DEo ergo confusus, dixit cum ea satisfactione: ut Canonici omnes acclamarent; heri audivimus te concionantem, hodie DEum per te. Rector Collegii scribens de his ad Generalem, non dubitavit, Bellarmino juveni accommodare illud: Nunquam sic locutus est homo. *Petrus. in Vita lib. 2. cap. 2.*

*Bellarminus  
primam dixit  
concionem.*



4. Rhemis in Gallia, anno 1654, P. Petrus Cellot, Gallus, vir ad omnes apices Legum & consuetudinum nostrarum formatus. Raro illo elogio celebrant eum Annua: quod cum Sacras Literas explicaret quatuor aut tribus Auditoribus, non minus libenter & diligenter parabat, Lectiones, quam si frequentissimum haberet Auditorem.

*Dimissio peccatorum.*

*Victimam charitatis.*

5. Carpentoracti in Gallia, anno 1628, Jacobus Vasserot, Coadjutor, Gallus. Cum luem publicam ardere videret; ut suppetias ferre posset laborantibus, impetravit à Superioribus. Pridie autem, quam egrederetur ad opitulandum infectis, per quietem spectabilem habuit Christum D. Sed tergo ad se converso procedentem. Consternatus hoc viso, flexis genibus conabatur eum sequi, humillimèque peccatorum suorum veniam flagitabat. Et mox vidit Christum facie ad se conversum, audivitque dicentem: *Dimittuntur tibi peccata tua.* Expergefactus, incredibili solatio est perfusus; & mox facta generali exomologesi, inter communicandum tantam vim profudit lacrymarum, ut ipsi Sacerdoti communicanti eas exprimeret. In limodochio, infectorum eam curam habuit; ut pater omnium videretur, donec & ipse charitate immolatus est.

*Memoria mortis.*

6. Rasisbonæ in Germania anno 1649, Marcus Grandl, Germanus. Coadjutor impiger & accuratus. Ut frequentius mortem haberet in mente, Sandapilam ipse sibi construxit, quæ semper sibi versaretur ante oculos. Profuit viro bono ea cautela. Nam dum universæ vitæ labes quadam die confessione diligenti, sanus adhuc, ad aures Sacerdotis deponit: repentinâ apoplexiâ ipso in opere pio oppressus est, Sacerdote absolutionem maturante, dum adhuc spiraret.

## XXVII. DECEMBRIS.

*S. Ioannes Evangelista. Iuadet Societatem ingredi.*

**S.** Joanni Evang. speciali devotione affectam esse Societatem, decet sum quia unus est S. Ignatii & Joannis spiritus; prout revelatum S. M. Magdalenæ de Pazzis: tum quia eximiam illius æstimationem prodidit adolescenti cuidam de statu vitæ deliberanti Parisiis. Is cum liberiori vitâ relicta, magis probam instituisset: nocte quadam percepit vocem, ad constantiam se adhortantis. Post octiduum similiter monitus, quæsit: quis esset, qui loqueretur. Respondum est: sum tui cognominis, Joannes, Evangelista. Capuccinumne, an Carthusianum agere placet? Ut Deo visum: reposuit adolescens. Rursus post octiduum comparet Apostolus, dataq; in manus schedula, en, inquit, tres tibi offeruntur Ordines, quem voles, elige: ego amplius non revertar. Erant autem in scheda duorum Ordinum nomina argenteis scripta literis; Tertium nomen, quod erat, Societatis Jesu, aureis. Intellexit adolescens mysterium, sibi que consuluit Societatem ingressus. *Imago primi Sec. Soc. lib. 2. cap. 9.*

2. In Transylvania lætus pariter ac tristis illuxit hic dies Sociis proscriptis.



scriptis. Lætus; quod digni haberi essent, pro Nomine JEsu contumeli-  
am, & bonorum omnium jacturam pati. Tristis, quod regio tam am-  
pla deferenda esset, & tam copiosus Catholicorum grex in medio lupo-  
rum relinquendus, unâ cum principe Sigismundo, Catholico quidem, sed  
cui hæretici jam dominabantur ita: ut nemo Patrum, etiam per supplicē  
libellum, aut literas, ipsum convenire posset. Erat Albæ P. Joannes Le-  
lesius, qui principem à pueritia educarat, & instituerat, Religionemque  
Catholicam in Transylvania quàm maximè propagarat ac sustentarat: is  
cùm ab aliquot annis paralyticus jacuisset; ut mortem jam vicinam ibi-  
dem opperiretur, impetrare non potuit. Meggesio ubi conventus Nobili-  
tatis est habitus, hodie proficiscentibus Patribus, tam vehemens coorta  
est procella: ut tectum templi, in quo proscriptionis decretum promul-  
gatum fuit, & caminum ab domo principis, & pontis Albani partem  
disjecerit. *Sacchin. hist. Soc. p. 5. lib. 8. n. 61.*

*Expulso nostro  
rum ex Tran-  
sylvania.*

*Eodem die obierunt.*

3. In Anglia anno 1656, P. Andreas Vitus, Anglus. Apostolicis laboribus patriam  
usque ad octogesimum ætatis annum strenuè juvit. Coniectus denique in carcerem,  
cùm consueto sibi jejuniò in pane & aqua, attritum & exhaustum corpusculum bis  
quot hebdomadis maceraret: carceris custos eam severitatem stupens. Si ita rem a-  
gere pergeret, inaquiebat, minimè parè fore, ut à Tiburni furca rectus penderet.  
Mihì verò, respondit Senex, istud ipsum jejunium abunde virium subministrat, ad  
quidlibet causâ Christi Domini mei, perferendum. Crescente deinde languore, cùm  
jam animam acturus videretur: Nondum, aiebat, venit hora mea, aut dies S. Joanni  
Evangelistæ Sacër. Jam dies cùm advenisset, vocem audivit: *Hodie mecum eris*; & mu-  
nitus Sacramentis, prout petierat, feliciter ex utroque ergastulo evolavit.

*Abstinencia &  
carcere.*

4. Gandiæ in Hispania, anno 1570, Petrus Aldea, Novitius Scholast. Hispanus.  
Magno fervore ad solidam eminentemque virtutem ferebatur; Sed cælo jam matu-  
rus, raptus est. Eodem tempore, quo Petrus Gandiæ moriebatur, Valentia Cathari-  
na Ferraria, pia mulier, cujus hospitio ante initam Societatem ille usus fuerat, cùm  
nocte intempesta orationi instaret, odore suavissimo sibi perfundi videbatur. Postri-  
die Francisco, illius marito, speciosus apparuit Petrus, & apprehensa ejus manu, dixit:  
Se illius memorem esse, prout olim promiserat. Vidit quoque octennis filiolus Pe-  
trum, unâ cum 40 Socijs, florèis fertis redimitos, & palmis instructos. Quæ cùm Ca-  
tharina manè in Collegio Socijs retulisset; adfuerunt paulò post Gandiâ literæ, qui-  
bus mortis Petri tempus, cum prædictis bene congruens, nunciabatur.

*Mortuus vult  
apparere.*

5. Viennæ Austriæ anno 1634, P. Joannes Hitzette, Lotharingus, glorioso labo-  
re pestiferis impensò consumptus est cum tribus Socijs. Fuit is annus tam funestus  
Germaniæ: ut præter innumeram populi multitudinem, è nostris 64, varijs in locis,  
obsequiis pestiferorum sint immortui.

*Vitima ab  
satis.*



*Proscriptio no-  
strorum ex  
Transylvania.*

1. **C**laudiopoli in Transylvania, post promulgatum proscriptionis decretum, deliberatum à nostris est: An parendum esset iniquissimo decreto; vel sparsim, & incognito, permanendum? Audendum, etiam cum vitæ periculo, censebant plerique; nec committendum, ut tam fortiter & feliciter cepta facile deserantur, & cum populo Catholico Princeps Sigismundus, velut agnus inter feras bestias, relinquatur. Nondum esse ventum ad tormenta: posse fieri, ut procella hæc, quò major esset, eò citius detoneret. Ex altera parte, cedendum suadebat, imprimis monitum Christi, ut orta in una civitate persecutione, recipiamus nos ad aliam; deinde ne refractarii videamur, & quod hæretici continuo clamant, legum contemptores & seditiosi. Vincendum potius esse in bono malum; fieri posse, quod non raro fit, ut modestia exarmet furorem, & patientia sævitiam. Ubi viderit nobilitas clausam Academiam Claudopolitanam, alia quoque Collegia & Gymnasia desolata, primum est, ut amissi boni sensus tangat illam, Carendo enim magis, quàm fruendo, plerumque rerum pretia cognoscimus. His & similibus in utramque partem allatis, Proprovincialis censuit, ad Principem Sigismundum decisionem esse referendam. At is, postquam serò tandem eum licuit convenire, cum laudasset operam sibi & populo à Societate præstitam, cedendum iniquitati temporis putavit, ultroque viaticum obtulit, & virtutis testimonium. Sic finem habuit prima Societatis in Transylvania commoratio. Sociorum alii in Poloniam rediére, alii in Austriam concessére, alii abiére in Moldaviam, quò vocabantur. Claudius Generalis non probavit, quòd omnes excessissent. *Saccin, hist. Soc. p. 5, lib. 8. num. 62.*

*Eodem die obierunt,*

*Anno Infantis  
Christi.*

2. Valentia in Hispania, anno 1583, Michael Gubernus, Hispanus. Ecclesiasten quamvis ageret, tranquillo dulcique dicendi modo amabilem: ob solidas tamen, quas adferebat, rationes, mirè fuit efficax, & in aula, atque ubique acceptus. Incredibili amore tenebatur erga Christum Infantem, cuius effigiem passim dulcissimis lacrymis rigabat: ab illo, dicebat, se suas habere conciones, & omnia. Ingredienti aliquando Bibliothecam, occurrit Infans JESUS; & cum P. Michael prætenderet, sibi jam prohibitum esse, de illius Infantia meditari; respondit Parvulus: *Vade, & rete veniam, ut tecum possis loqui.* Ivit, & impetrata venia redux, dulcissima cum JESU suo miscuit colloquia.

*Anno Deipha-  
ta.*

3. In Gallia, anno 1623, P. Nicolaus Pollienius, Sabaudus, silentii & Deiparæ V. amantissimus. Comparuit ea viro gravi & probo è clero, agro, sed vigilantissimo, comitumque habebat P. Nicolaum, quem iussit: ut agri pectus tangeret. Tactus agro salutaris



lotaris fuit. Ipse Pater cum adversa laboraret valetudine, geminos è Socijs Anicium euntes rogavit ad Sacros Divi Francisci Salesii cineres, id sibi impetrarent; ut die, quo ille migravit è vita, id est, die SS. Innocentibus sacro, & ipse migraret. Oratum & impetratum.

Mors impetrata.

4. Bruxellæ in Belgio anno 1630, P. Joannes à Gouda, Belga, Ecclesiastes eximius non solum oris facundia, sed etiam vitæ exemplo. Quàm potens verbo in cathedra, tam taciturnus domi, quamvis Ingenij esset admodum amœni. Rogatus quando suas conciones esset typis editurus? faceret humilitate respondit: *Tam esse ednas*; quasi non sui, sed alieni ingenij partus essent. Paupertatis studio, fere vacuum & inane iticolebat cubiculum; Calamo uno totos decem annos usus est: quamvis complures elucubravit, edideritque libros contra sectarios. Tria optavit pro morte: ut non lenta, sed præcipiti morte decederet; ut die aliquo Mariano; ut inter labores. Obtinuit omnia. Fractus enim concionibus per Adventum habitis, cum hoc die qui Sabbativus erat, mensæ communi accumberet, & finem prandii expectaret: dèrepente linquitur animo, moxque sacro inunctus oleo, placidissimè expiravit. *Sourvell, in bibl. Soc.*

Mors ad votum accidit.

## XXIX. DECEMBRIS.

1. Pius IV Pont. Max. vindicem famæ Societatis epistolam dedit anno 1564 ad Maximilianum Imperatorem. Sparserat enim non solum per Urbem & Italiam, sed etiam Germaniam, quidam Prælatorum, quos in his partibus vocant, libellos famosos; quibus præter crimina afficta, eam traducebat, & omnium odio propinabat, ut Religionem diabolicam, nationem execrandam, barbaricam sectam. Eò erumpunt impotentes animi motus, ubi non ratio sed cupiditas & invidia dominantur. Deprehensum tandem Authorem privat officio Pontifex, jubetque dari in vincula & severè puniri. Nec sanè grave supplicium effugisset, nisi pro more suo adnitente Societate, Pontifex ad agendum clementius flexus fuisset. Ad infamiam tamen Societatis evitandam vel abstergendam, literas laudis & commendationis plenas dedit ad Imperatorem, Cardinalem Augustanum, Ecclesiasticos Imperii Electores, atque Bavariæ Ducem: postquam à Cardinalibus Judicibus, quibus causæ cognitionem commiserat, pro Societate pronunciatum est, non sine elogio ejusdem. *Sacchin. hist. Soc. p. 2. lib. 8. n. 31. &c.*

Calumnia de-  
ser/a.

2. Aliam ad ipsummet Pium IV Pontificem, pro Societate dedit Epistolam, Cardinalis & Princeps, deinde Rex Lusitaniæ, Henricus, anno 1568: qua illam eximiè commendat Pontifici, significatque se Oratori regis in Urbe esistenti, dedisse in mandatis: ut omnia negotia, quæ ad commoda Societatis pertinent, singulari curâ & diligentia procuraret &c. *Gomez in Elog. Societ. p. 2. Class. 2.*

Eodem



## Eodem die obierunt.

P. Joannis  
Nunnius acta.

3. Ulyssipone in Lusitania, anno 1616, P. Joannes Nunnius, Lusitanus. Assidue illi erat cum DEO consuetudo, quam in noctem profundam coram Ven. Sacramento protrahere. Spiritualibus aulæ ministerijs applicatus, nec ullas gulæ illecebras, nec quidquid honoris speciem habebat, admisit, solitus non rheda, sed pedibus e Collegio ad aulam proficisci, ad tria vel quatuor passuum millia. Magnam in eamorum probitatem, & eximia virtutum decora florere fecit verbo & exemplo. Mortuum, in feretro per proceres adornato, sex primæ dignitatis optimates humeris extulere.

Liberalium  
erga pauperes.

4. Pragæ in Bohemia, anno 1611, P. Bernardus Oppel, Moravus, e Canonico Societatis religiosus. Magna in eo fuit nobilissima quæque capita ad fidem Catholicam adducendi dexteritas & felicitas. Rectorem agens velles sibi detractas dabat egentibus, calicesque aliquor in subsidium luctuactorum confluxit. Egeno ultimos, quos habebat, decem argenteos nummos dedit; quorum loco decem aureos invenit in scriniolo, in quo nihil repositum fuerat.

DEipara im-  
perii sanis-  
sem.

5. Montibus in Belgio, anno 1612, Joannes Daniel, Coadjutor, Belga, DEiparæ V. cultui addictissimus; a qua gravi hernia, qua miserè torquebatur, liberatus est. Inter orandum enim consopito, spectabilis facta, quasi ait: *Ioannes via sanari?* Respondente illo; cupere se, si id DEO placeret. Mox exasperatus, perfecte persanatum se invenit.

## XXX. DECEMBRIS.

Littera P. IV  
pro Societate.

1. P. IV Pont. Max. præter literas famæ Societatis vindices, heri datas ad Maximilianum Imp. alias in eadem causâ dedit hodie ad Danielem Archiepiscopum Moguntinum & Electorem. Non sine magna admiratione cognovimus, inquit, libellos quosdam maledictorum, probrorum, & contumeliarum plenos, nuper disseminatos per Germaniam fuisse, ad odium infamiamque constandam universo Ordini Societatis JESU, & quibusdam ex ea, præcipue qui cæteris sunt notiores. Sanè id molestè tulimus. Intelleximus enim, id maligni hostis instinctu actum fuisse: ut quoniam ab ejus Societatis Collegijs, quæ sunt in Germania, & aliis provinciis, magna & multiplex his miseris temporibus ad Ecclesiam DEI utilitas pervenit, eorum bona opera per malevolorum hominum obreccationes & calumnias impediuntur &c. *Sacchin. hist. Soc. p. 2. lib. 8. num. 35.*

Pecunia bene  
imponso.

2. In India insigni zelo atque industria rem Christianam promovit P. Gonzalus Rodriquez in Salfetis. Cum enim exeunte anno 1557. illuc venisset Franciscus Barretus Prorex, magnamque vidisset Christianorum, solitudinem ob hominum egestatem: obtulit P. Gonzalo aureos quingentos, annuatim persolvendos, quibus ad rem Christianam propagandam, pro

pro fu-  
ter, m-  
Tana,  
bat ter-  
tabat f-  
mancu-  
vam e-  
crucib-  
illud,  
fano, a  
verò ta-  
pauper-  
ille lar-  
genti-  
ter mil-  
ret oti-  
ropei  
center  
est ide-  
tione.  
ut par-  
causa,  
consta-  
emptor-  
batque  
gravi a-  
quos o-  
lertia a  
num. 1.

3.  
Societ-  
17. nat-  
ipsum  
privat-  
quiden-  
gratas



pro sua prudentia liberè uteretur. Tam opportuno subsidio invitatus Pater, moliri statim cepit foundationem novæ Christianitatis, quæ ab urbe Tana, in qua colluvies sectarum vigeat, esset commodè remota. Distabat tertio ab urbe milliario sylvæ, in qua templum cum idolo tricipiti, exstabat satis elegans, & ab idololatris frequenti visitatione adiri solitum, ad mancupanda vel exfolvenda vota: quibus saginabantur Brachmanes, Syllam ergo illam cum circumjacente agro inculto, emit Gonzalus, eamque crucibus erectis implevit; quibus cum profanata esse & sylvam, & fanum illud, existimarent ethnici, abstinebant à frequentatione illius. Deserto fano, ac oblati deficientibus, diffugerunt sacrificuli Brachmanes: Pater verò tanquam bona derelicta occupavit, pagumque in vicinia fundavit pauperum Christianorum: quos ubi artem colendi agrum edocuit, mox ille larga segete respondit culturæ. Sic factum, ut unius anni spatio quingenti numerarentur coloni, omnes Christiani; qui paulò post usque ad ter mille ascenderunt. Cavit autem diligenter: tum ne quisquam viveret otiosus: tum ne illis immiscerentur veteres Christiani, præsertim Europæi: qui liberiore vivendi ratione corrumperent novellum illum innocentemque gregem, ad omnem pietatem certis legibus efformatum. Usus est idem & alia solertis ingenij industriâ, instituta perquam sancta negotiatione. Apud circumjacentes ethnicos invaluit vetus error & consuetudo: ut parentes, sive ob egestatem, sive ex fastidio educationis, sive quæstus causâ, venderent parvulam prolem, pretio vix majore, quàm quo apud nos constat hædus anniculus. Horum plurimos, ne in Mauros inciderent emptores, assignata illa sibi à prorege pecuniâ emebat Gonzalus, educabatque Christo. Emebat & multos adultiores, vel membris mutilos, vel gravi ægritudine factos inutiles, vel qui credebantur non diu supervicturi: quos omnes vilî pretio comparatos, vitæ vel mortis Christianæ mirabili solertiâ aptabat, avarus animarum negotiator. *Bartolus hist. Asiat. lib. 7. num. 14. & 15.*

*Eodem die obierunt.*

3. Aronæ in Italia, anno 1596, P. Emmanuel Sa, Lusitanus, vir ex illustrioribus Societatis nominibus; in quo mira eruditio cum summa pietate eminebat. Vix annos 17 natus, in nova Gandiæ Academia Philosophiam magno plausu docuit, meruitque ipsum Academiæ Fundatorem, S. Franciscum Borgiam, tum adhuc Gandiæ Ducem, privatim habere discipulum. Romæ conciones habuit annis compluribus, nullo quidem Rhetorum artificio elegantes, & quasi ultro inconcinnas; semper tamen gratas, rationibus & spiritu validas, adeoque fructuosissimas. Fextur, non semel in-

*Philosophus & Ecclesiasticus*



fantis JESU & Matris ejus conspectu recreatus ; quæ etiam morienti adfuit cum S. Patre Nostro.

Otijs ofor.

4. Hispali in Hispania, anno 1644, P. Petrus de Urteaga, Hispanus. Ad populum plausu admirabili & fructu dixit per annos 45, etiam dum Collegia & Domum Professam iteratò gubernaret. Nec incarcerationum, ægrorumque curam interim deponebat. Quodsi fortè, dum regebat, in aliquem domi incidisset, à meridie aliquid otio indulgentem ; summa mansuetudine rogabat ; *Quid hic agis, mi Pater ? Et quomodo caram hodie à Domino mereberis, nisi ante nossem lucrum aliquod illi ex animabus attuleris ?* Apostolicos ejus labores etiam temporali fructu remunebatur Dominus, quando domesticam egestatem non semel prodigiosè sublevavit.

Senex crudus in se.

5. Eboræ in Lusitania, anno 1600, P. Joannes Stremosius, Lusitanus. Duo memorabilia de hoc traduntur. Alterum, quòd centesimum decimum ætatis annum excesserit : alterum, quòd etiam in ea ætate crudus in se ipsum fuerit, quotidianis flagris in strigosum corpus defæciendo.

P. Emmanuel Alvarus.

6. Ibidem anno 1582, P. Emmanuel Alvarus, Lusitanus. Eximia vitæ integritate atque prudentiâ præstans, Collegia rexit Eborensè & Ulyssiponensè, ubi etiam domum Professam cum laude gubernavit. Sed multò celebriorem fecerunt Libri editi de Arte Grammatica : quos & externi Grammatici insignes magni fecerunt ; & Societas universa recepit, in Scholis suis explicandos. *Sourvell. in bibl. Soc.*

### XXXI. DECEMBRIS.

1. **E**X insula Sanciano, anno 1551, solvit Malacam, ac inde Goam, reversus ex Japonia, Indiarum Apostolus S. Xaverius. Propositum est fuit, ordinandi res Societatis in India : ut posset iter arripere in Chinam. Advertit enim in Japonia ; prædicationem Evangelij longè majores proventus facturam : si illud probassent, ac suscepissent Sinenses. Japonenses quippe Religionis suæ ritus referebant ad Sinenses, tanquam magistros suos ; à quibus & deos & modum eos colendi acceperant. Proinde si illi aliud quoddam novum Numen admisissent : se non gravatè secuturos, dictitabant. Hujus ergo expeditionis curam Apostolicum Xaverij pectus assidue coquebat ita : ut eidem etiam sit immortalis anno sequente. Jam summam doctrinæ Christianæ, Sinensi idiomate concinnatam habebat, sibi & Sociis olim usui futuram ; jam cum Jacobo Perelra, sibi amicissimo, convenerat de navigio, & itineris Societate ; jam animum obfirmaverat ad quævis pericula, carceres, tormenta, & quamvis mortem. In Indiam ergo anhelabat : ut inde quantocius rediret in Sancianum. Et videbatur DEUS favere proposito. Statim enim ac Xaverius in Sanciano navim conscenderat ; ventus, qui adversabatur euntibus in Indiam, à puppi adspirare cœpit, plenisque velis navim agebat. Verùm non diu secundo

cursum



curſu frui licuit. Coortus enim typho, turbine repentino cælum naves-  
que involvit, atque eam, quæ Xaverianæ navi comes ibat, miſerando nau-  
fragio diſſolvit. Actum fuiſſet & de altera, niſi Xaverium vexiſſet, Perei-  
ra ergo cum cæteris accurrere ad ſanctum, & de ſalute ſua conclamare,  
niſi opem ferat. Ille tacitus ſecedit, & cùm aliquantiſper orans hæſiſſet;  
prodit in publicum, vultu Angelum referente, elatoque brachio, navi bene  
precatur, prædicitque: *Navim ſanctæ Crucis* (erat id nomen navi) *mari*  
*nunquam hauriendam, ſed quo fabricata fuerat loco, illic ſua ſponte diſ-*  
*ſolvendam.* Mox typho navim dimiſit liberam, ſecundus iterum afflavit  
ventus, exiitque per totam Indiam fama: navim Pereiræ nullo unquam  
caſu perituram; ideoque certatim omnes illa vehi, illi merces ſuas crede-  
re, ipſi naulum quodvis liberaliſſimè ſolvere, quaſi certam emerent ſecuri-  
tatem. Et ſanè è ſexcentis eluctata periculis, totis 30 annis, ab illo vatici-  
nio, ſuperſtes fuit, licet ægra, cariola, decrepita. Cavebant autem navar-  
chi: ut cùm eam reſci oporteret, non ſubduceretur in terram, ſed in ma-  
ri reſiceretur eò, quòd ſanctus prædixerat: in ſicco diſſolvendam. Admi-  
randa planè ſunt, quæ de ea navi traduntur. Cùm tandem in poteſtatem  
veniſſet Præſecti arcis Dienſis; hic videns undique hiulcam, & tantùm  
non carie deſluentem, Cocini juſſit eam in litus extrahi, & reparari. Ibi  
dum in diem ſequentem expectat artiſicum manus; noctu, velut ſenio fra-  
ctis artubus, in acervum lignorum collapſa, jacuit, ſolis ignibus utilis. Con-  
fluxit populus ad rarum ſpectaculum, tamque diuturnum Xaverij miracu-  
lum feſtis vocibus celebravit. At Georgius Nonnius infimæ notæ mer-  
cator, ratus; etiam diſſolutis tabulis aliquid Xaverianæ virtutis inſeſſe,  
raptam ingenti fiduciâ tabulam Liburnicæ ſuæ inſeruit; valuitque indu-  
ſtria & fides. Semper enim felici curſu famoſa naufragijs maria peragra-  
vit: donec eodem fato, quo navis illa S. Crucis, extracta in terram, ut re-  
ſiceretur, ſponte concidit, & diſſoluta eſt. *Bartholus in Vita S. Xaver. lib. 3.*  
*num. 50. & ſeqq.*

2. Ex regno Siam Indiæ Orientalis, anno 1688 in Decembri, Lega-  
tos regis Siamenſis Romam deduxit P. Guido Talciard, natione Gallus,  
ad venerandum ſummum Pontificem Innocentium XI, eundemque infor-  
mandum de ſtatu rei Chriſtianæ in regnis Siam, Tunchin & Cocincina.  
Opportunus fuit is adventus & informatio. Jam enim S. Congregatio de  
Propaganda Fide ex ſiniſtra æmulorum delatione decretum condiderat.



contra Missionarios Societatis in illis partibus: quod Innocentius rectius informatus suspendit. *Ex literis Rom.*

*Eodem die obierunt.*

*B. Joannis  
Francisci Regis  
Acta.*

3. Labovesci in Gallia, anno 1640, B. Joannes Franciscus Regis, Gallus, animarum zelo & miraculis clarus. Missionibus obeundis, Sodalitatibus instituendis & regendis, pauperibusque juvandis totum se, & vitam omnem, incredibili fructu impendit. In Missionibus post plures conciones in diem habitas, poenitentibus audiendis ita se addixit: ut non nisi vespere aliquid refectionis admitteret, nec aliud ferè, quàm lactis modicum, poma, & panem cibarium mendicatio impetratum. Noctu somno vix tres horas domi in Missionibus duas concedebat; reliquæ Orationi sacræ erant. Mortem suam prævidens, ideoque ex humilitate in stabulum deportari petens conspicuos habuit Christum & B. Virginem. Ad iusta funebria Viro DEI persolvenda in pago Labovese dicto, in quo obierat, confluerunt per altas nives Parochi 18, frequentissimum populum ducentes, quamvis resciri non potuerit; unde nuncium de morte Patris habuerint. Patentatum autem magna comploratione, tanquam communi & sancto Patri. Etiam pulverem de sepulchro illius multi experti sunt sibi salutarem. Beatorum numero adscriptus à Clemente XI anno 1716. colitur 24 Maij, plura habet vita ejus Brunsbergæ impressa.

*Vocatio ad So-  
ciationem.*

4. Messanæ in Sicilia, anno 1635, Marcellus Scaglione, Coadjutor, Italus. Deliberans de Societate ineunda, radium splendidum vidit cælitis erumpentem, è quo didicit, ibi vivendum & moriendum sibi esse. Quàmvis nobilis, & sacerdotio idoneus esset, elegit abjectus vivere in domo DEI. Sed cum non semel DEipara V. & cæli principes spectabili præsentia sua honorârunt. Per omnem vitam, in prandio & coena, eligebat aliquid melius, à quo amore DEI abstineret. Perseverantiam in Societate, quotidie per aliquem sanctum ejus diei petijt, & feliciter obtinuit.



IN-



# INDEX

## A.

- A**bdicatio bonorum 395  
P. Abella Honoratus cautè conversatur cum fœminis 397  
P. Abircrombius Robertus insignis operarius in Scotia moritur Brunsbergæ 160  
Abnegatio sui necessaria ad conjunctionem cum Deo. 26  
P. Abrahamus Georgius victima fidei videt Christum in sacra hostia. 164  
Abstinencia 12. 173. 376. 436. In carcere 505  
Academia Lovaniensis præclarum testimonium de Societate. 3  
Academia Modiolanensis tradita Societati. 14  
Academiæ Hispalensis suffragium pro libro Molinæ. 18  
Academiæ Complutensis sententiâ honorifica de libro Molinæ. 129  
Academia Vilnensis instituta. 422  
Academia Dilingana traditur Societati. 316  
Accursus hominum importunus tolerandus Operariis Evangelicis. 183  
P. Achilles Paulus superior mitis & rigidus. 174  
P. Acosta Joan. victima fidei. 394  
P. Acosta Jacobi certamen cum Hugonottis. 415  
Acta Lemosii & Pegnæ reprobata. 109  
Acta heroica P. Tollenarii. 127  
Actus ut sit supernaturalis debet procedere à principio supernaturali. 203  
P. Adamus Joan. victima fidei. 413  
Admissio ad Societatem sine restrictione conceditur. 98  
Adolescentia innocens & venerabilis. 81  
P. Adornus Franc. à S. Carolo Borromæo monitus de instante morte. 17  
Adversarius S. Ignatii in Patronum mutatus. 97  
Æger quietus 105  
Æger agris servit. 149  
Æger cibum delicatum rejicit. 395  
P. Emilianus Paulus diu cæcus, patiens, jejuni-  
um ejus rigidum. 250  
Affabilitas & suavitas superiorum. 130  
Affectus erga Societatem. 387.  
Affectus mutatio. 416  
In Agone lucta viri innocentis 20  
Agonia gravis loco purgatorii. 211  
Agonia brevis & suavis. 237. Agoniæ labor. 483  
De Aguilar Joan. procurator insignis. 436  
P. Aicha Gaspar extra domum religiosam potum non admittit, testamentum ejus religiosum. 267  
de Allagor Jacob. Coadjutor contemptor sui. 4.  
P. Alamantius Cosmus efficax in orando. 283  
P. de Alamo Ferdinandus Missionarius Dæmoni insensus. 458  
P. de Alarcon lætus moritur. 397  
Alber Michaël victima charitatis. 430  
P. Albenosa Matthæus canens moritur. 30  
P. Alberti Franc. mors pretiosa. 38  
P. Albergottus Marcellinus duo petit, subsidium habet in oratorio. 440  
P. Alberri Martini humilia obsequia placent R. V. diem mortis ei revelat. 339  
P. Albizius sanctus occultus. 95  
P. Aldea mortuus variè apparet. 505  
Alexander VII. creatur Pontifex 132. 13. Poenitentiariorum à Societate in vaticana S. Petri basilica constituit 71. Afficitur Societati 132. Ex-  
ga Societatem beneficus 194.  
P. Alexandrius veniam dat inimico. 327  
P. de Almarza Joan. Grammaticæ institutionem altioribus lectionibus præfert. 213  
P. Almeida Joan. itineranti imber parcit, assiduus in oratione. 30  
P. Almeida Anton. mancipium charitatis. 363  
P. Almeida Joan. patrator prodigiorum, victor sui. 375  
P. Almeida Gaspar constans in mortificatione ejus abstinentia. 376  
P. Almeida Ludov. Chirurgus celebris. 389  
P. Al-



# INDEX

- P. Almeida** cum duobus Sociis fidei victima. 209  
**B. Aloysius** suscipit ordines sacros 74. Magno fructu concionatur 83. Baptizatus antequam totus prodiret. 91. Ejus gloria & perfectio ostenta S. Mariæ Magd. de Pazzis 128. calitus vocatur ad Societatem, conjunctio mentis ejus cum Deo 235. Missa concessa de eo & officium 234. monetur de ingredienda Societate 313. Ingreditur Societatem. 461  
**P. Aloysius Petrus** lanceis confossus 86  
**Altare** portatile Societati concessum. 382  
**Altercatio** de gratiis æqualibus, sed non æquè efficacibus. 86  
**P. Altobonus Joan.** operarius strenuus 183. præservatur à morte 184  
**P. Alvarez de Paz** celebris Asceta. Votum ejus de vitandis peccatis venialibus, cum Christus amplexatur inter sacrificandum 23  
**Alvarus Vincentius** martyr pœnitens. 24  
**Sub P. Alvarez Joan.** Paulo Angelorum Collegia. 113  
**P. Alvarez Rodericus** vocatur à B. V. ad Societatem, inter Angelos ascendit ad cælum. 142  
**P. Alvarez** Gonfalyus octo horis orat. 278  
**P. Alvarez Balthasar** perfectus religiosus, Deipara illi commendat pietatem erga S. Josephum 284  
**Alvarus Barthol.** diligens sacrista, viaticum ejectum sumit. 327  
**P. Alvarez Ludov.** Ecclesiastes eximius, prophetat de mundo muliebri splendidiore. 462  
**P. Alvarez Georgius** mortem celerem impetrat. 504 (514)  
**P. Alvarus Emman.** auctor artis Grammaticæ Alumnatus Vilnensis erectio 19.  
**P. Amadæi** innocentia, Christus ei patrocinator. 369  
**Amacai** conceditur nostris area 358  
**Ambitio** Societati exosissima. 228  
**P. Amici Franc.** sapientia simplex. 41  
**P. Amien Joan.** fundat Sodalitiam. 435  
**Amor** Seraphicus 138. Amor Deiparæ. 425, 510  
**Anachoreta** puer. 5  
**P. de Anasco** Petrus à Deipara vocatur ad Societatem. 140  
**P. Anchieta** Josephus Apostolus & Thaumaturgus Brasiliæ, innocens Adam, dominium ejus in bestias, vates Marianus 219  
**P. de Andrada** Concionum, Missionum & scriptoris laborem egregiè combinat 234  
**P. Andries** Jodocus Ecclesiastes eximius. 457  
**P. Androtius** Fulvius rigidus erga pœnitentes. 331  
**Angelinus** Gerardus prædestinatus ad gloriam 283. Cum Angelo custode familiaritas 10. 155  
**Angelus** agonizantis curam gerit 76  
**Angeli** Custodis cultus fructuosus 155, 177. 485  
**Angelorum** Assistentia in Sacrificio 177  
**Angeli** laudant Societatem 468  
**Angelorum** opera in cura infirmorum 480  
**P. de Angelis** Hieron: victima fidei. 476  
**P. Angerus** conscientia angores patitur 79  
**P. Angerer** Deiparæ cultor 417  
**Annus** secularis Societatis 447  
**P. Ansaldu** Hieron: monetur, ne parcè petat à Deo & Deipara 44. Christus sacrificanti cor suum inferit. 45  
**P. Annatus** Franc: Janfenistarum impugnator Confessarius regius incorruptus 226  
**Antonius** Marcus Rosario cicurat ferocientem taurum. 222  
**Antverpienses** tumultus. 374  
**Apparatus** ad mortem 16  
**Apparitus** Mart: victima charitatis. 340  
**Approbatio** libelli exercitiorum S. Ignatii 292  
**Aqua** benedicta contra incendium 325  
**Aqua** cribro hausta 30  
**P. Aquaviva** Claudius, Christi favor erga illum. Mors ejus sine metu 41. eligitur Generalis 67  
**Provincialis** juvenis sed idoneus 124 ingreditur Novitiatum 279  
**P. Aquaviva** Rudolphus castitatem fortiter defendit. 271  
**P. Araosii** Antonii encomia 40  
**Aragonius** Vincentius eligit pauper potius in Societate mori, quàm in palatio Cardinalitio 135. P. de



# INDEX

P. de Aragona interior sanctitas 263  
 Arbitrii liberi ratio plerumque à Deo habetur  
 in donis distribuendis 110  
 Arbor obedientiæ 40  
 Ardor loquendi de Divinis 105  
 P. Aresius Joan. Domin: victima fidei & chari-  
 tatis. 137  
 P. Argentus Joan. absens habet suffragia pro  
 Generalatu 463  
 P. Arias Anton: in morte gaudet & luget. 82  
 P. Armanus Angelus S. Ignatii imagine ocea-  
 num compescit. 207  
 P. De Armenta Joan: Ecclesiastes insignis 375  
 P. Arnaya gravem calumniam heroica humili-  
 tate tolerat. 110  
 P. Arnoldi Joan: victima fidei. 442  
 P. Arnoux prodest Gallis 184  
 P. de Arriaga Roderici labores scholastici 217  
 P. Arriaga Paulus à B. V. jubetur ingredi So-  
 cietatem 346. Cultor passionis Dominicæ 347  
 P. Arousmithæus victima fidei. 348  
 De Arrogo victima charitatis 183  
 Articuli 15 de gratia examinantur 368  
 Assistentes novi eliguntur in Congregat: VI. 70  
 Assistentes novos vult eligi Pontifex. 89  
 P. de Atienca Joan. vocatur ad juvandum In-  
 dum. 427  
 Attritio & contritio naturalis non sufficit ad  
 justificationem 218 300  
 P. Avancinus Nicolaus. 479  
 De AUSA Sanctius Novitius solum diu tolerat,  
 visitatur à Christo Domino 60  
 P. Anasii dominium passionum, gustus morti-  
 ficatio. 264  
 P. Avellando Joan: victima charitatis, pietas &  
 modestia ejus in sacrificando 54  
 Avenionense Collegium gravi tempestate con-  
 cussum. 229  
 P. Augerii Edmundi læta mors, converforum  
 ab eo multitudo 26  
 P. Augerius sine difficultate aulam deserit. 220  
 Aviditas patiendi 408. Avicula jussu superio-  
 ris capra, 455

Aviditas audiendi Lectiones P. Maldonati. 7  
 P. de Avila Alphons: concionator excellens. 406  
 Avilæ Joannis affectus erga Societatem. 485  
 Avicula grata 304  
 Aulicus intaminatus 33. innocens. 107  
 P. Azevedio Ignat: cum alii 39 victima fidei. 270

## B

P. Backer Carolus victima fidei. 347  
 P. Bacza Joan: Bapt: victima fidei. 174  
 P. de Bæza Didacus concionator insignis. 314  
 P. de Bæza Gabrielis oratio ardens, exequiæ à  
 mendicis procuratæ 185  
 P. Bailus Guilielmus mirabilis in operibus suis. 419  
 Balbuties à B. V. sublata 191  
 P. Banassai Steph: mors jucunda, linguarum stu-  
 dium 21  
 Baptismi ritus 294  
 Baptizatorum multitudo 277. 387  
 S. Barbara invisit agrum B. Kostkam 475  
 S. Barbara spectabilis apparet Petro de Sala-  
 zar. 476  
 P. Barieræ Balthas: oratione profligantur bar-  
 bari 44  
 P. Barma concionator in se rigidus 169  
 Card: Baronius sepulchro S. Ignatii appendit  
 iconem & anathemata 291  
 P. Barnonius exultat in morte 154  
 P. Barradas Sebast: paupertatis amans, humili-  
 tatem in morte commendat 142  
 P. Bartilius Laur: deuotus erga B. V. cautè re-  
 spondet, humilis post mortem 333  
 P. Bartolus Dan: scriptor rerum Societatis. 17  
 P. Bartschius Frid: victima charitatis 417  
 P. Barzæus Gaspar pergit in Indiam 103, mira  
 operatur 121, vocem exercet 343, in convi-  
 vio concionatur 349, Operarius laboriosus  
 407, Extemporaneus Orator. 426  
 P. Barzena Peruianorum Apostolus 2  
 PP. Basiliani conciliantur. 428  
 P. Basile victima fidei, præfagia mortis ejus  
 cruenta. 80

Bastos



# INDEX

- Basilius Petrus** Coadjutor peregrinus à B. V. prandio reficitur 81  
**P. Bathaus** Joan: victima fidei 315  
**P. Bavinus** Hermannus Angeli custodis cultor. 61  
**Bay** Michael agnoscit & retractat suos errores. 113  
**Bathorei** Stephani Reg: Pol: benevolentia erga Societatem 239  
**P. Bazanus** Franc: humilis 421  
**P. Beauvan**, seu Bono perpetuo curat homines agrestes 196  
**P. Becanus** Mart: aulicus intaminatus, sermo ei brevis cum externis 33  
**Becchager** mortem ad votum obtinet 297  
**P. Bellarminus** Rob. fugit negotia secularia 27. fama de assumptione sui ad Cardinalatum turbatur 82. Cur factus Cardinalis, sub poena Excommunicationis jubetur purpuram assumere 83. qualem se praeiuit in nova dignitate 87. fit archiepiscopus Capuanus, elogium ejus à Card: Baronio, & Collegio Cardinalium 150, facit professionem 4. votorum 257. ejus labores ibid, ad nostros dicit exhortationem 290. moritur 314. infirmi protestatio 351. Corpus ejus transfertur 360, ejus Controversiae 364, accedit Societati 367, incipit docere controversias 423, redit Romam, emendat biblia 441, Rector Collegii Romani 496, primam dicit concionem 507, de controversiis ejus judicium Card: Perronii 55. 57. Capuae concionatur. 164  
**P. Bellauia** Ant. victima fidei & charitatis, parvulus gratiofus 298  
**P. Belli** Balchazar victima charitatis 395  
**P. Bellidus** Petrus efficax in orando 419  
**P. de Benayides** Francisci anima sana in corpore infirmo. 474  
**P. Benedictus** Mart: victima charitatis 284  
**Benedictio** Superiorum ad opeta 481  
**P. Bennetus** varie cruciatus 506  
**Berchmans** Joan: oratio 292, ejus modestia & encomia 310  
**P. Bernal** Petrus jurandi consuetudinem ab-  
 olat 418  
**P. Bertendona** vita à Christo prorogatur 304  
**P. von den Bergen** Franc: martyrium compen-  
 sat per frequentes sui mortificationes, colit  
 s. Josephum, domi Angelus, foris Aposto-  
 lus. 124  
**P. Bernal** mortificationi deditus 147  
**P. Berent** Simon conscientiae director divinitus  
 destinatus 186  
**Bencius** Franc: tergiversatur in vocatione ad  
 Societatem 189. Christi erga eum benignitas. 190  
**Joannes Bitter** habet breve purgatorium. 309  
**P. Bobadila** Nicol: elogia 371, appetit partem  
 gubernationis 231  
**S. Bobela** victima fidei 187  
**P. Boccop** victima fidei, integer in medio nati-  
 onis pravae 68. ( 277  
**P. Bodderus** victima fidei inter atrociora tormenta  
**P. Boim** Bened. vocatur ad Societatem 79  
**p. Bollandus** Joan: acta Sanctorum scribit 356  
**P. Bonchristianus** Petrus Angelus imitator B.  
 Aloysii 450  
**P. Borassa** Didacus jussu superioris capit a vicu-  
 lam 455  
**p. Bononius** humilis in exhortatione 477  
**p. Bonuctus** mortem appetit qualem opta-  
 vit. 37  
**p. Bordeus** Franc: mortem impetrat. 191, 230  
**p. Bonifacius** diu docet Grammaticam 105  
**S. Borgia** missus ad consociendum foedus con-  
 tra Turcas 74, patientia ejus in viarum in-  
 commodis 75, prima ejus vota 42, Conver-  
 sio ad vitam perfectiorem 174, contemptus  
 sui 191, oratio ad patres congregatos ante  
 electionem 234, expeditur à S. Pio V. in Hi-  
 spaniam, obedientia ejus insignis 248, pri-  
 mam hostiam litat 294, comes Legationis  
 in Hispaniam 333, beatus nuncupatur 340,  
 electus Generalis 341, mors 389. Nativitas  
 420, Sanctitas 396  
**p. Borges** Emman: victima fidei 315  
**S. Caroli Borromaei** affectus erga Societatem 430  
**Boschus** Caesar abjicit instrumenta musica 361  
**p. Boschus** Anton: victoriam praeiit 394  
 p. Bote



# INDEX

P. Bottelberch And: B. V. Ecclesiastes	273
P. Boytonus victima fidei	358
P. Bourchorstius sodalitatis præses eximius, sal- sum ejus responsum	225
Braccus Josephus Coadjutor indifferens ad mu- nia, morbi Dolores animabus purgatorii do- nat.	46
P. Bradleus victima fidei in carcere.	40
P. Brebeuff Joan: victima fidei & abstinencia e- jus stupenda inter horribilia tormenta.	102
P. Bredanus industrius in disponendis mori- bundis.	241
P. Brentus Jac: post luctam in agone victor.	20
Breviarium in aqua non madefit.	488
P. Briaptus cum aliis damnatur ad mortem.	453
P. Briantus Alexand. victima fidei	
P. Brignole Ant: liberalitas erga egenos 109. Thesauri divini præfectus Societati per er- rorem nihil præter se dat, contemnit mun- dum	109
P. Brilmacher victima fidei	328
P. Brixianus senex Sacerdos coadjutorum offi- ciis jungitur.	32
P. Broëti Paschasii encomia	359
P. Bruchman And: sanatur à B. Josaphat.	154
P. Bruner à S. Andrea impellitur ad Societa- tem.	149
Brunsberrgâ pelluntur Socii ab hæreticis Geda- nensibus 144. Collegii visitatio.	351
Brunsberrgensis Collegii desolatio, minister hæ- reticus in templo ejus concionari nequit.	220
P. Brunus à Deipara desponsatus. Cædes ipsius pro fide divinitus firmata	140
Brunus Guilielmus humilis 320. Studet Deo placere	321
Buceri Simonis paupertas & somnus durus	228
P. Bucelini austeritas	445
Bulla de noventhali Congregatione Gen. & tri- ennio superiorum 1. Contra Apostatas Soci- etatis extensa 22. Bulla cruciata quoad con- fessiones non utitur Societas	122. 225
Card. Bullonius absolvit exercitia	434
Bungi Rex fave Christianis 347, cum uxore &	

liberis conversus	159
P. Buni Nicol. victima charitatis	200
Burdigalenses turbæ contra Societatem	5
Burdigala excedunt Socii	155
P. de Bus Balthasar amans mortificationis, con- junctio ejus cum Deo.	520
P. Burnatius Mathias victima fidei.	305
P. Busæus scriptor sæcundus	206
P. Busenbaum Hermannus clarus theologia moral.	41
P. Bustamantius Bartholomæus accuratus Ma- gister tyronum 235, à periculo servatus	336
P. Buteux securus in periculis	179

## C

P. Cabarasius Sebast: Sodalitates condit, la- trones convertit.	267
Cadaver incorruptum	138
Cadavera se salutant	385
Caguinus Franc: efficax in orando	307
Ex Cajetani Franc: comunicantis ore flamen e- rumpit	149
Cajetanus Caesar contemptor mundi	300
P. Cajetani Octavii castitas defensa à S. Igna- tio 90. eidem amplexus à Jesu Eucharistica datus	91
P. Calderon Franc: humilis, labor ejus in ago- nia.	483
P. Callant Joan. cælum petit.	372
Calumniator Societatis punitus	7
Calvini libros deosculatur demon.	44
Calumnia gravis heroica humilitate tolerata.	110
Calumnia ope B. V. dissipata	180
Calumniator S. Ignatii incendio perit	210
Calumnia jure diluta 253. Calumnia: diræ 250	
Calumnia detesta	317
Calumnia detorta	511
Calari nostri suscepti	444
Camillus Cajet: nuntius Apostolicus	7
Campioni cum Beza congressus	146
P. Campianus Edm: victima fidei 280. 445. 471	
P. del Campo Joan: victima pro fide	37

Vyy

p. à Cam



# INDEX

P. à Campo Sabbati Mariani cultor rigide junat	301	P. Carlsantinus Carolus potens verbo & lacrymis	31
P. à Campo Joan: à visionibus illustris	307	P. Carlier Joan: Missionarius celebris	362
P. Canisii heroica resolutio 47. Rhetoricam docere jubetur post Theologiam traditam 48. Feruens animus & cruda corporis patientia 90. Natalis duplex 175. ejus elogia 499		P. Carlier Henricus victima charitatis	362
P. Canisius Theodoricus sanctè obiit	377	pp. Carmelitarum discalci: decretum contra Auctorem, qui in editione vitæ S. Theresiæ omisit ea, quæ sunt in commendationem Societatis.	185
P. de Cannas Joan. mira diligentia examen particulare absolvit	232	P. Carminata Joan. concionator per 60 annos.	228
Canonio Thomæ ab Angelis sudor abstergitur	229	P. Carnalius Michaël victima fidei	328
Canonizationem S. Ignatii urget Ludovicus XIII Rex Galliarum	73	P. Carnerus Melchior Episcopus Nicænus	319
Canonizatio SS. Ignatii & Xaverii.	95	Consecratur 491. Caroli IX Regis Galliarum de Societate judicium	205
P. Cansfeldus victima fidei	287	P. del Carpio Joan. victima fidei	474
Cantus Catechismi gratus Indis	28	P. Carrion victima fidei	296
P. Canus Petrus desiderat crucem	4	P. Carnallius Didacus victima pro fide frigore consumpta	71
Capella S. Ignatii consecratur	39	pp. Carthusiani Societatem ad merita sua admittunt	184
Capuanus Pompejus constans in vocatione.	386	P. Casarius Carolus desponsatur Christo	126
P. Capotus crudus in se; videt Christum in Eucharistia	355	P. de Casarubios Joannis orationis studium, reverentia erga omnes	31
P. Carafa Vincent: eligitur Generalis, magis patrem, quam matrem se exhibet 9, adolescens Angelus, superior suaviter severus, chatius & liberalis erga egentes	217	P. Cassui victima fidei	258
Carbonarius Apostolicus	335	P. de Castillo Joan: cultor B. V. 170, victima fidei	450
Carcer & catenæ 30 annis pro fide toleratæ.	86	P. de Castillo procurator eximius	302
Carcer Omuranius 302, 353, ærumniosus	351	P. Castanada post Rectoratus officia culinæ subit	223
Carceris fructus 409, carcer tyrocinium vitæ religiosæ	388	Castitas verecunda 2. Castitatis tuendæ præfidia 12. 68, castitas defensa 14, turpi remedio servata 17, servatur fuga 117, strenuè defensa 152. 271. 301, castitatis laudes 452, cura 476	
Cardinales aliquot volunt Patrem Lainæ Pontificem	472	P. de Castro Alphonsi fortitudo in tormentis pro fide; corpus occisi honoratum à Deo.	8
P. Cordin Joan: ægrum crucifixus amplexatur, sacrificat in cilicio	66	P. Cataldinus Josephus barbarorum industrius cultor, benedicitur	221
P. Cardoso Franc: catechismum tradit	367	Cathedræ duæ collatæ Societati in Hispania.	284
P. Cardoso Gonzalus victima fidei	195	P. Cathius Arnoldus inrit pactum pro impetranda morte.	490
Careræ familiaritas cum Angelo custode, ejus tergiversatio in surgendo offendit Angelum.	10	P. Causinus Nicol. Angelus pacis	252
Carilius Petrus ex Scholastico Coadjutor moritur inter orandum	256	Cautea in sermone.	120
Carigii appetunt baptismum.	326	P. de Cazorlan And. victima charitatis horreo peccatum.	219

Cecottus



# INDEX

Cecott9 Paulin9 Coadjutor efficax in orando. 29  
 Cenforum libri Molinæ iniquum iudicium 20  
 Cenfores libri Molinæ non probantur Pontifici. 30  
 Censura libri P. Molinæ ad incudem revocatur 2  
 P. Centurionius Aug: habet familiam religiosam. 436  
 P. Cepario Spiritus S. dictat exhortationem. 99  
 Cereus ardens non imminutus 110  
 Cereus ardens concionator Marianus 273  
 P. Cerquiera Episcopus Japoniæ pauper & liberalis, modi vivendi in Societate retinens. 69  
 P. de la Cerda Professor humanitatis per 50 annos 173  
 Certamen cum Hugonettis 415  
 P. Cerutus Jac: sæpius vota renovat 161  
 Ceylani regis filius Martyr 173  
 P. Chanowski Alb. infirmus in Collegio, sanus in Missionibus. 145  
 Charitas humilis 73. 139. Charitatis obsequia emolliunt animos 149 charitas excellens 215, charitas erga Socium 254, erga ægrum infirmum 289, charitas fraterna 291, exemplaris 299, charitatis & humilitatis specimen insigne 336, charitas nostrorum vapulat 354, charitas & naufragium duorum è nostris. Unus opè S. Ignatii liberatur 422, charitas fraterna. 440  
 P. Charlattus Quintin9 liberalis in pauperes. 288  
 P. de la Chaussee vocati9 50  
 P. Chessoy Adrianus Angelorum cultor, habet eos familiares  
 P. Chevalier curam habet servandæ castitatis, amore Dei ardet 476  
 Chodorowicz Laur: oratione & patientia excellit 386  
 Choreis antecinerilibus miscet se dæmon. 50  
 Chorus an inducendus in Societatem 324  
 Chorus nostrorum Romæ 379  
 Christus spectabilis in Eucharistia hæreticum convertit 147  
 P. Cichovius Nicol. dissimulat ingenium 118

Cilicium utiliter gestatum. 322  
 Civitas beata Collegio Societatis 8  
 Cladera Joseph persuasus Societatem petit & impetrat, studiosus meditationis, lectionis, & orationis 109  
 Claremontius devotus erga S. Ignatium 187  
 P. Clavius vindicat calendarium novum 49  
 P. Clavero Missionario thronus in celo paratus. 350  
 Clemens X officium S. Xaverii sub ritu duplici præcipit 225  
 Clemens VIII moritur 83 ( 74  
 Cleri informatio melior Indorum instructione Clericis Societatis licet concionari 454  
 P. Clutius vocatur ad Societatem 337  
 Coadjutor Apostolicus 7. Promotus ad Sacerdotium 160. Coadjutorum exemplar 189, Coadjutores non tractandi indulgenter 196  
 P. Cobongellus Jac: officium triplex quotidie recitat. 24  
 P. Codacius amator Societatis 480  
 P. Cochii Barthol. mortificatio gustus 280  
 Cocus accuratus 131  
 P. Codurjus Joan. jejuniis alit exercitia 334  
 P. Codurii Joan. animam vidit S. Ignatius ad celum ferri. 242  
 Cœcitas diuturna & patiens 250  
 P. Coello Gaspar convertit numerosos Japones  
 Coelho Franc: mors nunciatur 202. ( 199  
 Coelhus Alexand: providentiâ divinâ servatur 77  
 Cognitio contingibile. 421  
 Colet Petrus vult mori ex obedientia 111  
 Collegium Romanum 65, Ratisbonense 77. Parisiense gravem superat tempestatem 129, vexatur 208, collegia Societatis urbium præsidia 233. Collegia in Gallia fundata 414. Collegium Germanicum Romæ 420, collegii inspectio ab extraneo evitata 119, collegium Cordubense 462, Lauretanum 468  
 P. Colin Franc: abstinentia à cicolata laudata à B. V. 173. Colinus Domin: victima fidei 425  
 P. Collignon Joannis charitas erga ægros 295



# INDEX

Colloquia pia	269
P. Colnagi elogium	153
Colonia Agrippinam adit Societas 236, ibidem tempestas contra Societatem sedata 245. Coloniae locus emitur pro templo 360. Nostri datur collegium	494
Colonia Societatis in insulam Materiam.	91
P. à S. Columba Claudius victima charitatis	427
P. Colibrant Georgio Deus mortificationem supplet.	428
Columba supra caput sacrificantis	500
Columna infamis Societati diruitur	289
Commendatio Societatis à Ferdinando II Imp.	178
Commendatio Societatis 484.	(178)
Commemoratio defunctorum	429
Commoditatum neglectus	138
Concionantis capiti columba insidere visa.	11
Concionator carbo sit ignitus 16, ante concionem flagellatio 16, concionator cilicio horridus, sed caelesti splendore illustris	31
Concionatorum thesaurus primarius	26
Concionator lanceis confossus	86
Concipientum efficacia non tam in verborum strepitu, quam dicentis spiritu sita	88
Concionator in se rigidus 169, Apostolicus.	469
Concionum materia praecipua peccatorum fuga.	234
Conciones semper novae per 30 annos	252
Concionator validus 55, concionator excellens 446, concio igne purgatorio expianda 408, concio efficax 105, ad conciones praeparatio 419, concionator illustris.	469
P. Conde-Nicolai memoria felix	319
Confessarius accuratus 157, promptus	398
Confessionis sigillum servatum	169
Confessio paschalis potest fieri apud mendicantes 501, confessio frequens	415
confirmatio Societatis	376
conflictus ad Echinadas	391
conformitas voluntatis cum divina 187. 241. 497	
congregatio X Generalis 9. XIV. 21. XV finita 127. IV finita 153. congregatio novennis suspenditur 367, non cogenda 390 con-	

gregatio VIII 456. XIV.	454
P. Confalvius Melchior victima fidei	390
P. Confalvii Ludov. mortem luget Rex Lusitaniae.	108
consilia humana praesertim superiorum neglecta privant divino	104
conscientia aliorum facilius quam propria patitur 67, conscientiae angores	79
conscientiae cura praeter omnibus habenda	125
conscientiae director divinitus destinatus	186
conscientiae puritas in morte	203
conscientiae manifestatio coram P. Spirituali.	206
conscientiae expiatio	252
constitutiones Societatis primum promulgatae	134
consultores adhibendi	309
contemptus sui est aditus ad familiaritatem cum Deo 4, contemptus commoditatum 89	
contemptus mundi 109, bonorum	467
contemptus mundi Societatis amor	123
contemptus temporalis lucri	233
P. Continens Petrus dominus linguae	375
controversia de auxiliis gratiae 71. 435. finita 332. 344.	
P. Contzen Adami zelus contra haereticos	232
conversatio cauta cum foeminis	397
conventus primus Procuratorum Romae	384
finitus	390
Conversio sagarum 2, foeminarum illustrium 11, homicidae vindictam spirantis 55, saecularium facilius, quam spiritualium 58, insperata duorum gentilium in Japonia 158, numerosa ethnicorum 175, suburbii maximi Gouani 239, numerosa Aethiopum 247. copiosa 253. 359. 379. 433. duorum Regum 385, conversorum à P. Augerio multitudo 26, conversionis negotium irritum in Aegypto 43.	
Cor Marianum pectori P. Antonii Ruiz insertum	138
Cor in igne integrum 448, cordium secreta aperta	16
P. Corbinellus Lud: per gravem agoniam absolvit purgatorium.	211
P. Cordesius Ant: victima charitatis, facinus ejus heroicum 187.	P. cor



# INDEX

P. Corderius Balthasar linguæ græcæ peritus. 240  
P. Corbinellus Ludov. accedit Societati 262  
P. Corcionus Franc: instituit Sodalitatem silentiariorum. 277  
P. Cordona And: sui & honorum contemptor  
Cordubense collegium 462. (35  
P. Cordubensis Franc: abnegatio 288  
P. Cornæus multorum librorum scriptor 98  
P. Cornelius Joan: victima fidei in Anglia, per mortificationē disponit se ad martyrium 253  
P. Cornerius Thom: à B. V. curatus, ut posset in Societatem recipi 32.  
Corona graminea 133  
Corpora & crucifixi illæsi in igne 448  
P. Corquera Christoph: habet donum prophetiæ 279  
P. Correa Petrus venator barbarorum 326  
P. Cortes Alphonsus amator Deiparæ 459  
P. à Costa Jac: Doctor antiquæ Ecclesiæ 279  
P. à Costa Josephi vocatio in Indiam 62  
P. Cossus Cæsar abstineas 436  
P. Costensis Martinus coronatus Athleta Christi. 30  
P. Costerus Franc: cultor Dēiparæ 478  
P. Cotonus Petrus ab Henrico magno honoratus, contemnit honores, aulicus innocens. 107  
P. Cottamus victima fidei in Anglia, carceris ærumnas cilicio auget 206  
P. Coturius Julius Cæsar auxilio S. Angeli custodis felix 308  
Patris Cousin via arcta ad cælum 212  
Le Coussi Matthias forte venit ad Societ: 181  
P. Coyslardus Michaël operarius strenuus 221  
P. Cravina Petrus absens configit cum Christianis contra barbaros 19  
Cracoviæ domus professæ & probationis inchoata 42  
P. Criminalis Ant: primus è Societate pro fide casus. 51  
P. de la Croix Franc: Deiparæ cultor eximius. 296  
Crucis desiderium 4. Crux in cælo visa 45  
In cruce & periculis solidum gaudium 76  
Crucifixi intuitus monitor mortis 72

Crucifixus illustrat 326, Crucifixus consolator 394, sanguine sudat 472, crux prodigiosa 503  
P. Crucius Adrianus victima charitatis, ejus mortificatio 310  
Culrus B. V. damoni exosus 170  
de Cunha Dominicus pictor insignis vidit faciem Christi. 180  
Cura proximi commendata à Christo 131  
P. Cuiffotus Robertus humilis 502  
P. Cusani Nicolai dispositio ad Missiones, erga SS. Jēsu nomen reverentia 149  
P. Cussola Julius vexat corpus 120  
P. Cuvillonius Balduinus puer anachoreta, contemptor mundi 5  
P. Cyrianus Paulus ingratis præstat obsequium. 403  
P. Czaplinski per alphabeti literas se disponit ad mortem 318  
P. Czyzowski Nicolai mors pia & jucunda, tria requirit in Societate. 196

## D

P. Daix Francisci pietas. 56  
P. Damianus Vincent: victima fidei 442  
P. Daniel Ant: victima fidei 254  
P. Darbispheirus exul pro fide, Christus confortat incarcerationum, cura proximi ei commendatur, catechista celebris 131  
P. Darius Joan: in culinæ obsequiis & aliis virtutibus excellens 218  
David Sebast: sic cum ramum ex obedientia rigat 40  
P. David Joannes fugit foeminas 305  
P. Deekerus Joan: pie moritur, jejunium ejus rigidum 15  
Decretum Cenforum contra librum Molinæ non probatur Pontifici 97, decretum Parisiis contra nostros 472  
Decretum de origine Carmelitarum 464  
Defectum corrector 51, Osor 463  
Defunctus petit pro debitis à se relictis solvi 47  
Deipara V. præsidium in agone, vita diuturnior  
Vv 3 64



# INDEX

per eam impetrata 12.	Ejus benignitas 25,
byssum porrigit ad abstergendum sudorem	
37, solatur moestum ob mortem dilatam 44,	
studiorum publicorum patrona electa 45,	
clientem suum deducit ad caelum & conso-	
nat 57, 59, commendat curam animarum	
purgatorii 74, vocat ad Societatem 79, 140	
Peregrinum suum prandio & cena reficit 81,	
supplicat Filio pro diuturniore vita P. Salii	
91, Patrona & fundatrix exercitiorum S. I-	
gnatii 105, ejus cultus 117, ejus & Sancto-	
rum in morte conspectus 117, clientem suum	
in caelum deducit 145, facili in vota clien-	
tis 157, ejus cultor eximius 296, 417, ani-	
marum amans 301, moribundum tuetur 304,	
patrona in purgatorio 415, Impertit sanita-	
tem 512, invisit infirmum 414, 505	
P. Delgado Joan: deflet obstinationem regis	
ethnici 199	
P. Delrio Martini encomia 409	
Dentium dolor pro peccatis 307	
Desertor Societatis punitus 358	
Desiderium patiendi 6, 43	
Devotio erga Jesum infantem 2, erga S. Igna-	
tium 187	
Deus facienti quod est in se, dat gratiam 380	
Dextera incorrupta 286	
P. Diaz Petrus cum aliis victima fidei 357	
Dilectio naturalis inefficax 318	
Diligentia in parandis concionibus 75	
Dimissio e Societate fatalis 10	
Dimissi e Societate fraudes 80	
R. Dionysius Henricus tumultu suo excipit a se	
conversum 428	
P. Dionysius Joan: in templo assiduus, sermo	
ejus de B. V. & S. Ignatio 186	
Discipuli nostri in quavis Academia promove-	
ri possunt & debent, si digni sunt, 93	
Dispositio ad Missiones 149	
Disputationes de gratia ad suum tribunal revo-	
cat Clemens VIII 108	
Disputatio prima de gratia Societati plausi-	
bilis 109, Disputationes publicae 254, Dispu-	

ratio de Ven. Eucharistia 275
Disputatio de auxiliis gratiae 440, 452, 461,
481, 463, Disputationes cum haeticis 465
Divitia Joan: Coadjutor recreationis horam
coram Venerabili traducit uno genere cibi
contentus 45
P. Dobokay Alexander vocatur ad Societ: 401
Doctor Marianus 1
Doctrina P. Lessii de gratia & praedestinatione
indemnitas 245, Doctrina juncta virtuti 426
Daemon monialem induit 182, concionator 6
concionatorem turbat 365, cogitur reddere
syngrapham. 399
Doligier Petrus moribundus commendatus. 274
P. Domajewicz Andreae vocatio ad Societ: 359
P. Domaniewski Stanislaw oratio & mortifica-
tio 355
P. Domenecus Hieron. orandi studiosus 498
Domicilia Societatis intra 140, cannas con-
strui possunt 141
P. De S. Dominico Martini praeparatio ad Mis-
siones 165
Dominique Gerardi colloquia pia 269
SS. Dominicus & Ignatius in caelo nectuntur. 297
Domyne Joan: impetrat mortem in Societ: 325
Domus Societatis Nankini miro modo parata
162, in Domo religiosa nihil vile 86
Domus Professae Romanae construendae oppor-
tunitas oblata 99
Domus professa Romana a peste per votum
servata 227
P. Donatus Edm: strangulatus 40
Drama causa tumultus 390
P. Drexelius Hierem. Concionator per 23 an-
nos, libri ejus grati. 148
P. Drzuzbicki mortificatio honorata, confir-
matio in gratia 126
Duacum revocantur nostri. 434
Duchus Januarii habet copiam lacrymarum,
audit sibi remissa peccata, 363



# INDEX

## E

**E**boracense Collegium 385  
 Ecclesiastes insignis 411. 418  
 Edictum à Rege Lusitaniæ in favorem Christi  
 unitatis Indicæ 90  
 Edictum Reginæ Angliæ contra Jesuitas 270  
 Edictum in Gallia de retinenda Societate. 3  
 Efficacia in persuadendo 12  
 Effigies propria joco traducta 176  
 P. Eguia Jac. liberalis in pias causas, humilitas  
 ejus profunda 227  
 Eleemofyna lucrosa 432  
 Ab Electione in Generalem nulla natio ex-  
 clusa 227  
 P. Elianus Joan: Bapt: Hebræus gentē missio-  
 narius zelosus, lotionē pedum usitata in So-  
 cietate erga hospites firmatus baptismum  
 optat 84  
 P. Ellenix Lucas felix in disponendis sagis. 2  
 Elphinstonia à Deipara in cælum deducitur. 14  
 Emersonus carcerem 20 annis tolerat 96  
 Energumena liberata 43  
 P. Engelgrave Henrici eruditio 91  
 P. Enzinas splendore vultus illuminat noctu  
 Breviarium 3  
 Epistola P. Claudii ad Provincias post assum-  
 ptionem P. Bellarmini ad purpuram 87. P.  
 Olivæ ad Episcopum Chioviensem 94. S. I  
 gnatii de obedientia 116. P. Claudii de me-  
 diis conservandi Societatem 119. Ducis Ba-  
 variae pro Societate 120. Clementis VIII ad  
 card. Bellarminum 146. card. Burghesino-  
 mine Pauli V. ad P. Franc: Suarez 157. B. V.  
 ad Messanenſes vindicata 166. P. claudii de  
 oratione & pœnitentia 175. pauperrima 247  
 pro doctrina Molinæ 308. Episcopi Vilnen-  
 sis ad card. Hosium & Patres Brunsbergen-  
 ses 320. Pauli V. ad P. Franc: Suarez 327.  
 S. Franc: Salesii ad P. Leonardum Lessium  
 329. pro doctrina P. Molinæ 405. Pauli V.  
 ad P. Franc: Suarez de libro pro immunitate  
 Ecclesiastica 384. Alexandri VII ad Remp.  
 Venetam 502. Pii IV ad Maximilianum Imp.

in causa Societatis sui, ejusdem pro Soci-  
 etate. 512  
 Error notabilis in professione dissimulatus. 177  
 P. Ertmerus Mart: adolescens desponsat sibi  
 V. B. 72  
 p. de Escola Jaci: mancipium omnium, crux  
 christi ipsi auxilio est 349  
 P. de Escobar Ant: concionator validus 255  
 De Espalza Simon caput suum pro moribun-  
 do efficaciter denovet 222  
 P. de Espinosa Augustini mortificatio corporis  
 rigida 46 obedientia ejus cum oculorum a-  
 missione. 47  
 P. de Espinosa Petrus victima fidei 253  
 P. Esquera Alphonsus rigidus in mortificatione,  
 familiaris Angelo custodi 273  
 P. Esquiuel consalvus Dominus famulo subje-  
 ctus, jubet ex obedientia gallinas contice-  
 scere 318  
 P. Espiga Petrus mutuum refundit in Deum 482  
 Ven: Eucharistia proposita coercetur furibun-  
 dus 290  
 P. Everardus Præpositus Generalis commendat  
 suavitatem in regendo 228  
 SS. Eucharistia sapius adorata 51. Eucharistia  
 Veneratio 99. Eucharistia medica 105  
 Examen particulare 66. 100. 444. In examine  
 scholasticum juvat Angelus custos 73  
 Excitator accuratus 182  
 Exempla magis quam verba valent ad refor-  
 mandos mores 113  
 Exemptio Societatis à processionibus 271. à de-  
 cimis 318 Scholarum Duacensium 423  
 Exhortationem dicat Spiritus S. P. Ceparic. 99  
 Exhortatio ardens 207  
 Exequiæ à pauperibus procuratæ 185  
 Exercitia spiritalia vindicata S. Ignatio 313  
 Exilium nostrorum ex Gallia 10  
 Exilium fructuosum. 289. 155.  
 Expeditio prima in Peruviam 11. iusta in  
 peruviam 22. Felix in Americam 22. prima  
 in Brasiliam 42. Ad afres 46 in Africam 56  
 in Aethiopiam 61. In Indiam 63. in Orientem



# INDEX

57. in Floridam 97. prima in Angliam 146.  
prima in regnum Angola 168. In novam Hi-  
spaniam 209. In Floridam infausta 372. Japo-  
nica periculosa 407. In peruviam 427. Ad  
quarendum regnum Cataium. 485  
Expulsio nostrorum ex Transylvania 509

## F

**F**aber jubetur migrare Colonia 265. La-  
bor ejus Coloniae pro fide servanda 29  
quantus 175. mors & encomia 294  
**F**aber Stephanus S. Xaverii æmulus, oratio  
ejus nocturna efficax, rigidus in mortifica-  
tione 179. (443)  
**F**abius de Fabiis à tauro in cornua sublatus  
Facies occisi in spica relucens 169  
Facinus heroicum 187  
Facultas celebrandi ante auroram & post me-  
ridiem 173. promovendi Auditores philoso-  
phiae & Theologiae 174. alienandi bona 299  
496. dicendi Missam & officium de B. Stan.  
Kostka 314. Gradus conferendi 318. Grego-  
rii XIV suscipiendi Novitios 334. Clementis  
VIII erigendi congregationes 335  
Facultates variae 255. Facultatem contractus  
celebrandi potest Generalis dare provincia-  
li. 335  
**F**agot Joan: inter concionandum turbatur  
à Dæmone 365  
**F**alco Joannis zelus indefessus, votum per-  
arduum 373  
**F**ama vindicata 425  
Familia religiosa 436  
Card: Farnesii Alexandri exequiae in templo  
professæ Domus 81  
**F**arsia Franc: per radium ab Eucharistia vo-  
catur ad Societatem 424  
Favor Imp. Sincensis erga legem Christi 106  
Febris translata redit ad prius hospitium 98  
Ferdinandi I. Imp. affectus erga Societatem 14  
**F**erdinandus Jac. Missionarius astrensis e-  
gregius, Angeli ope equum conscendit 92

Fernandez Amb. coadjutor victima fidei 9  
**p.** Fernandus Emman: necis suæ authores non  
prodit 66. Felix in conciliandis dissidenti-  
bus. 67  
**p.** Fernandez Didacus felix in conversione bar-  
barorum 161  
**p.** Fernandez Domin: operarius strenuus 167  
mori desiderat 176  
Fernandez Joan: fructuosè contemnit injuri-  
am 243  
**p.** Fernandus Franc: pacis & charitatis vi-  
ctima 446  
**p.** Fernandez Emmanueli moribundo Deipara  
apparet. 506  
Ferras Vascus æger non ad domum paternam  
sed ad Nosocomium divertit 113  
**p.** Ferrer Raphaël victima fidei, appetit ardua,  
habet donum lacrymarum, spectaculum  
profanum discutit 105. 244  
**p.** Ferreras ad Societatem expeditus à Joan:  
Avila 255  
**p.** Ferrerius Christophorus testamentum pa-  
rentis corrigit, amat vocationem 334  
Festinandum in via perfectionis 60  
Fidei objectum debet voluntati proponi per  
actum intellectus supernaturalem 248  
Fidei actus 260  
**p.** Fischer Hieron: victima fidei in Silesia. 196  
**p.** Filceus Rogerius victima pro fide 77  
Flamma ex ore communicantis erumpit 149  
Flamma ex pectore in cælum evolans 346  
**p.** Florentia Hieron: veridicus concionator,  
quid postulet à Rege moribundo 96  
**p.** Florent: Gerardo Missionarius industrius. 109  
Michaël Florius gloriosè moritur 431  
de Flores Rodericus extaticus in oratione. 319  
**p.** Fodor Steph: victima charitatis 377  
Foeminarum aspectus vitatus 247 cum foemi-  
nis sermo brevis 174  
**p.** Folianus Franc cultor SS. Trinitatis 380  
Le Fore coadjutor 40 annis lecto abstinet. 75  
Fonseca Gaspar Novitius miræ patientiæ 81  
**p.** de Fonseca Petri cæcómia 431  
**p.** Fon-

P. For  
P. du  
cor  
Fortitu  
P. du  
P. Fra  
in S  
10.  
P. Fri  
cat  
Frere  
cha  
tor  
P. Frö  
V. Frö  
P. Fru  
Fulda  
Seda  
Fundat

P. o  
hab  
adn  
P. Gal  
Gallia  
P. Gal  
Gandi  
P. Gan  
de Gar  
P. Gare  
vand  
P. Gar  
P. Gar  
perá  
P. Gar  
jeli  
fer  
P. Ga  
mo  
ini



# INDEX

P. Fontanus impetrat sibi mortem 465  
P. à Fontibus Michæl à purgatorio immunis,  
coronatur post mortem à B. V. 5. 57  
Fortitudo in tormentis 8  
P. du Four Ant. post mortem honoratus 467  
P. Francisci Joannes sollicitus de perseverantia  
in Societate, stationes 7 habuit incubiculo  
10. Fratres quinq; à Costa in Societate 62. 283  
P. Frias Joan. concionum materiam habuit pec-  
catorum fugam. 234  
Frerédoux Ludov: Scholasticus, humilis ejus  
charitas, Angeli custodis auxilium experi-  
tur in examine scholastico 73  
P. Fröes Lud. Missionarius strenuus 260  
P. Fröes Joanni honor post mortem exhibit. 264  
P. Frufius Ant: pietatem doctrinæ jungit. 418  
Fuldæ gravis tempestas 236. 432. augetur &  
sedatur 434  
Fundatores Societatis JESUS & Maria 80

## G

**P.** Gagliardus Achelles cum duobus fratri-  
bus in Societate, collationes spirituales  
habet cum Scholasticis, sodalitates plures  
administrat. 257  
P. Galicia Hieron: lætus moritur 135  
Galliæ datur assistens 70  
P. Galvanellus superior excellens 88  
Gandiæ prima Societatis academia 80  
P. Gans Joan: promovet cultum B. V. 95  
de Garay Gaspar constans in vocatione. 61  
P. Gardineri studium animas defunctorum ju-  
vandi 24  
P. Garcia Emilianus concionator illustris. 469  
P. Garnier Carolus Angelorum Custodum o-  
perâ utitur in cura infirmorum 480  
P. Garnetus Henr. victima fidei 168. Magnus  
Jesuita & parvus Papa, Sigillum confessionis  
servavit, facies occisi in spica relucet 169  
P. Garnetus Thom. victima fidei in Anglia,  
mortem & tormenta contemnit, orat pro  
inimicis 238

P. Garzia Alphon. vult contemni & pati 89  
P. Garzia Franc: horret prælaturam, Archiepi-  
scopus Malabarum, Societatem habet ma-  
trem 342  
P. Gascon Petrus chirothecarum neglector, si-  
lentium commendat 230  
Gaylardi mors in Societate juveni da 203  
P. Gawronski Stan: commoditatum neglector,  
cadaver ejus incorruptum 138  
Gelofus Gaspar Coadjutor custodie linguam,  
metuit divinum judicium 31  
P. Gerardi Joan. tormenta voluntariâ mori-  
ficatione auget. 287  
P. Gerardi Theodoricus morti vicinus audet  
concentum Angelicum. 383  
P. Giannius Jacob. victima fidei. 333  
P. Gianotti Alphonfus conservat spiritum 366  
P. Giattinus Joan. Bapt: tragediarum & co-  
mœdiarum auctor 454  
P. Giedroyc conservat tyrocinii fervorem 266  
Gilberti Georgii obedientia præmiata 391  
P. Ginkiewicz Michaël concionator zelofus 299  
Goanæ insulæ conversio 232  
P. Godinez victima fidei. 213  
Goes Benedicti expeditio ad quærendum re-  
gnum Cataium 485  
Goffeti Jac. Coadjutorum exemplar 189  
P. Gomez Ferdin: in nube visus ascendere cœ-  
lum. 104  
P. Gomez Mart. prævidet mortem 144  
Gomez Petri charitas 299  
Super P. Gomez Franc: sacrificantis caput co-  
lumba 500, Gonczyn Laur: moribundum B.  
V. tuetur. 304  
P. Goed Gvilielmus Missionarius excellens 256  
P. Gottisfrido Alex: Generalis citò defunctus. 28. 96  
P. Gonzalez Francisci cubicalum instar ora-  
culi 94  
P. Gonzalez Joan. victima excellentis charita-  
tis 215  
P. Gonzalez Rodericus industrius in conver-  
tendis sagis, dæmon de eo vindictam sumit  
ejus vires Gonzalez imminuit 223

XXX

P. Gon



# INDEX

P. Gonzalez Thyrus electus Generalis	257. 419
Gonzalez Joan: orationis studiosus, munditiem in culina servat.	337
P. Gonzalez Rochus occisus loquitur	447
P. à Gonda Joanni mors ad votum accidit.	511
P. Grabenii Adalberti mors & acta	275
Grammatica diu docta	105. 36
P. Granadus Jac. per 30 annos Professor Theologiae.	7
Gratiae efficacia 281, in receptione gratiae datur locus libero arbitrio ibid. Gratia causa principalis in justificatione	285
P. Gratitude pro victoria 45.	( 320 )
Gravenius Wolfgangus disponit se ad somnium	394
P. Greef Angeli custodia tutus	166
P. Gretserus haereticorum malleus.	39
P. Grillus victima charitatis, labor ejus Deo gratus	195
Gregorii XIII liberalitas in extruendo Collegio Romano 14, moritur 135, beneficentissimus in Societatem, elogium ejus Brunsbergae lapidi insculptum 136, eidem parentatum 137, insigniter comparatione adducitur ad fundandum Collegium Romanum 153	
electio ejus in Pontificem, beneficentia ejus in Societatem 182 4-4, liberat Societatem à choro, & approbat vota simplicia 188, beneficus erga Societatem.	467
Gregorii XIV affectus erga Societatem	477
Gregorius XV creatur Pontifex, canonizat SS. Ignatium & Xaverium 53, concedit facultatem ingrediendi Societatem Carolo à Lotharingia Episcopo	153
P. Grossus Joan: carceris ærumnas patitur	77
Gruda Nicol: victima charitatis	398
P. Gruzewski Joannis encomia	309
P. de Guadarrama Joan. humilis, observans Regularum	439
P. Gualbertus apertione libri vocatur ad Societatem	163
P. Gualdanes victima fidei	477
Gubernatio Societatis non capitularis	162

Gubernandi talentum	73
P. Gubern9 Michæl amator infantis Christi, 510	
P. Gueret innocens graviter torquetur, sed opere Deiparæ V. sine dolore, Angeli custodis familiaritate honoratur	155
P. Guererus ægrotorum amans, æger non importunus	105
P. Grunera Joan: victima fidei	334
P. Gurrea Joan: à nudinis mimos & meretrices prohibet.	156
P. Gufmanni Lud. infamia gloriose absterfa, orat pro calumniantibus	13
P. de Gufman Jac. Missionarius insignis & perpetuus	176
Gustus mortificatio	264
P. Gutierrez Mart. in Martyrum choro visus B. V. eximius cultor, vidit Societatem sub ejus pallio	70
P. de Guzman Rodericus infima eligit, unus facit totum collegium	462

## H

Hæreticorum furor Rigæ	10
Hæretici non audent adhibere exorcismos	44
Hæretici & Schismatici Orientales perfidi. 59. 68	
Hæretici Ministelli controversias subterfugunt	165
Hæretici urgent expulsionem nostrorum ex Transylvania	100
Hæreticorum rabies	506
Hæreticorum vis ingens ad fidem redacta	73
Hæreticorum arrogantia	372
P. Halloix Petri somnus brevis	291
P. Hamelius Joan: victima charitatis	61
P. de Harrera Joan. vocatur ad Societatem. 366	
Hartus Joan: à matre animatur ad Martyrium.	230
P. Hartus Joan: exul pro fide	276
P. de la Haye Joannis paupertas accurata, stationes ejus in cubiculo	18
Hayi Joannis victoria de hæreticis	268

P. Hay-



# INDEX

**P. Hayyodus** Gaspar defenditur à Deipara V. in agone 12  
**P. Hazart** Corn: variorum librorum auctor 506  
**Henrici M.** edictum de retinenda Societate in Gallia 3  
**Henricus IV** Rex zelosissimè egit in Senatu pro Societate 14, inauguratur, Societatem restituit, Concionatorem ex illa sibi deligit 77  
 cor suum deponi voluit in templo Societatis 183  
**Henricus** Rex Gallia solos Gallos vult superiores in Gallia 219, conceditur ei 220  
**Henrici II** Regis Gallia mors luctuosa Societati 262  
 de Henricis Ant: mortem præsavit 240  
**P. Henriquez** Henricus diu laborat in excolendis Indis, honoratur post mortem 50  
**P. Henriquez** Leo per obedientiam & humilitatem terribilis dæmoni 134  
**P. Herbesti** Benedicti mors devota 85  
**Herer** Michæl elegit Coadjutorum gradum in Societate 211  
**P. L' Hermite** Mart: injurias condonat 405  
**P. Hernandez** Alphonsi modestia oculorum 257  
**Hernandez** Franc: à Deipara ad Societatem vocatur 34  
 de Hieronymo Josephi vita & mors 6  
**P. de Hieronymo** Francisci virtutes & miracula 180  
**P. Hieronymus** Joan. calumnias patitur, ejus innocentia triumphat 250  
**P. Hincza** Mart. habet talentum gubernandi 73  
**Hispania** Rex promover concordiam inter dissidentes de auxiliis gratia 106  
**P. Hoffæus** Paulus hæreticorum expugnator, animarum refugium 495  
**P. Hoffer** Georgii apparatus ad mortem 21  
**P. Holtbeyus** Operarius in Anglia 50 annorum 199  
**P. de Hollandre** Petrus suam voluntatem superiorum voluntati conformat 497  
**P. Hollandus** Thomas victima fidei 501  
**Homo** lingua aliarum creaturarum 438

Honor singularis post mortem exhibitus frequenter operario 264. Honor in carcere 424  
**P. Horn** Adrianus liberalis in peregrinos 383  
**Horologium** conciliat ingressum in regiam 32  
**Hortulanus** Franc. infans pronunciat Maria 498  
**P. Hosius** Didacus primus è Societate defunctus, animam ejus cælo inferri videt S. Ignatius 123  
**Hospitalitatis** pretium 283  
**P. Hubartus** Joan. pauperum curator, pelliferis quater devotus, semper illæsus 224  
**P. Hugo** Hermanus Missionarius insignis 355  
**Humanitas** Imperatoris Japonia erga Socios 170  
**Humaniores** literæ 34 annis tradita 134. item 50 annis 96. item 30 annis 449  
**Humilitas** vera nobilitas 96, erudita 97, dispositio optima ad labores Apostolicos 120, facit egregios concionatores 125, prima doctorum regentium 130, in morte commendatur 142  
**Domina** cordium 172, Mater honorum Superiorum 223. Humilitatis studium 43  
**Humilitate** & prudentia concilianda hominum benevolentia 225. Humilitatis commendatio S. Xaverio familiaris 132. Humilitas honorata 365  
**P. Huncke** Missionarius pauper, in culina servit, totum oppidum convertit 203  
**P. Hunnæus** Alexand. memoria stupenda, Missionarius efficax & venerabilis 119  
**P. Hunlæus** nemini displicet, 50 annis docet Theologiam, Philosophiam & linguam sacram 144  
**P. Hurtadus** Gaspar Theologus 300  
**P. Hurtadus** Melchior sitiens ærumnarum 331

## I

**Iacobita** Dioscorum sequuntur 96  
**P. Jacknowicz** Joannis humilis charitas 139  
**P. Jacobi** Barthol. Nestor Indicus 17  
**P. Ibannez** æstimator instituti 316  
**P. Jajus** Claudius contemnit praelaturas 308

Xxx 2

P. Jo:



## INDEX

Infans  
Infirmit  
Infirm  
Infirm  
Infirm  
Ingol  
Ingol  
Inimic  
Inimic  
Injuri  
Injuri  
Innocen  
Innocen  
Innocen  
Innocen  
Innob  
Innom  
Institu  
Deu  
re  
tus  
Institu  
Inten  
Interr  
R. Joa  
con  
Joanni  
S. Joa  
Joanne  
claus  
E. Josap  
etati  
ram  
Ira dor  
P. Nici  
P. Nici  
Alter  
Itiner  
Jubila  
Judici



# INDEX

Infans loquitur 290, pronuntiat Maria 498  
 Infirmitatis remedium 170  
 Infirmorum curator accuratus 190  
 Infirmorum cura accurata habenda 324. 289  
 Informatio juvenum & pauperum 23  
 Ingolstadii nostri docent 463  
 Ingolstadium expediuntur Socii 217  
 Inimicorum amor 152  
 Inimicis venia data luserosa 327  
 Injuriarum condonatio 200. 405  
 Injuriae contemptus utilis 243  
 Innocentia vitae mater eruditionis 82  
 Innocens graviter torquetur, sed ope Deiparae V. sine dolore 155  
 Innocentia triumphat 250  
 Innocentia vitae 414. 471  
 Innocentius XII eligitur Pontifex 273  
 Inobedientia erga medicum castigata sz. noxia 115  
 Insomnia per octo dies 93  
 Institutum Societatis immutari non permittit Deus 120, non licet impugnare etiam indirecte 198, approbatur 245. 277. 343. Dignus Dei 341, confirmatur & vota simplicia 42  
 Institutio Episcoporum unde? 410  
 Intentio pia labori praemittenda 252  
 Interregnum diuturnum noxium 231  
 P. Joannellus Franc: suam voluntatem divinae conformat 241  
 Joannis Dominici animam excipit Christus 340  
 S. Joannes Evang: suadet Societatem ingredi 508  
 Joannes III. Rex Lusitaniae moritur, ejus affectus in Societatem 224  
 B. Josaphat sanat infirmum 154 Defensor Societatis 375. Praedicat P. Adamo Ciecierski vitam prorogandam 470  
 Ira domita 247  
 P. Iscida Pintus victima fidei 342  
 P. Isenbrand Joan. prompte obediens, vox e tumba ejus 500  
 Ister felix 93. Indicium fructuosum 103  
 Itinerantium commoda neglecta 132  
 Jubilaeum persuadentibus baptismum 341  
 Iudicii divini metus 31

Iudicia hominum 378  
 Judkiewicz Michæl ante fornium manus ligat Cocus accuratus 331  
 Judices conservatores potest eligere Societas 198  
 Julius III Pontifex creatur 51. Institutum Societatis confirmat & declarat. S. Ignatium jubet sub obedientia petere necessaria sz. moritur 111  
 P. de Juliis Ignatius monetur de instante morte, Operarius indefessus, incommodorum tollerans 60  
 P. Justinellus Petrus de sterili matre natus vitima charitatis 293  
 P. Justinianus Aug. stupendae memoriae 88  
 P. Justiniani Fabii rigida mortificatio 98  
 P. Justinianus Georg: zelator animarum 475

## K

P. Kaldi Georg. liber in loquendo 424  
 P. Kedd Jodocus parvis libellis impugnatur haereticos 118  
 P. Keilert Engelbertus felix in dispositione ad mortem 142  
 P. Kesselio apparet S. Ignatius 418  
 Keyan Nicol. victima fidei, Deipara sitientem reficit 293  
 P. Kihn Joan. gloriose moritur 412  
 Kimura Leonardus victima fidei. 460  
 P. Klinka Mathias conciones semper novas dicat per 30 annos 252  
 P. Knudde diligens in parandis concionibus, egrediens & ingrediens cubiculum salutae B. V. 75  
 P. Kolich Lucas in expugnatione Budae operarius insignis, exequiis castrensibus honoratus 150  
 P. Kolowrat bonis se abdicat, cibum delicatum aeger rejicit 395  
 B. Kostka Stan: moritur, primus in Societate beatus 373. Susceptus ad Novitiatum 420  
 Sanitas obrenta 418  
 Kostka Paulus impetrata Societate moritur 445



# INDEX

**P. Kravarski** Adamus zelosus & felix in convertendis hæreticis. Carbonarius Apostolicus, in humilibus officiis mirè exercitus 335.  
336.

## L

**P. Labbe** Philippus collector conciliorum 104  
**Labores** Apostolici liberant à purgatorio. 57. 70  
**Labor** instructuosus compensatus 78. **Laborum** fructus 102. **Labor** conversionis fructuosus 143. assiduus remedium contra scrupulos 149  
**Laborandum** in Societate 181. **Laborum** Societatis præmia non honores sed labores 270.  
**Labor** in Societate præmiatus 401. **Laborum** solatium. 35  
**P. Læravallij** elogium 389  
**Læritia** perpetua 479  
**P. Lainez** Jacobi auctoritas in Concilio Tridentino 7. Missio fructuosa 20 redit Romam 58. Quantus 25 ingentes ejus & fructuosi labores 53. Cardinalis Mantuani de eo judicium 56. Cum **P. Salmerone** legatus Pontificius in Concilio Tridentino 215. Socius legati Pontificii 249. Concipit Canones de Sacramento ordinis 272. Jubetur gubernare Societatem 305. Ultimum locum eligit in Concilio Tridentino 309. Jubetur sententiam dicere de sacrificio missæ 329. 330. Vult resignare Generalatum 364. Facundè perorat in Concil. Trident. 397. cum aliis redit Romam 484. Literæ ejus ad Socios in Indiam 487. Cum **P. Salmerone** destinatur ad Concil. Trid. 488. Aliqui Cardinales volunt eum Pontificem 472  
**Lainez** Marci charitas fraterna 251  
**P. Lallemand** Hieron. cupidus missionis ardua. 37  
**P. Lallemand** Gabriel tormenta horribilia tolerat. 104  
**P. Lallemand** Ludov. pauper etiam in Bibliis & Breviario 129  
**Lampas** coram imagine S. Xaverii extincta sine ope humana reaccenditur 223

**P. Lancicii** Nic: acta, zelus fidei, ardor pacificandi 122. Sacerdotio initiatus, Deus in anima neomystræ mirificè sibi complacuit 142. Christus ei apparuit 271. Dolet de peccatis 272. Ejus conversio 478. Distractio 207  
**P. Landinus** Sylvester ob impatientiam in morbo semotus à Societate 84  
**P. Langemantel** Paulus victima charitatis 366  
**Laparus** Joan. assiduus in labore 347  
**Lapis** primus jactus pro templo Romano 294  
**P. à Lapide** Corn: doctus & humilis 97  
**P. de Laredo** Franc. gratias agit pro funebri panegyri 141  
**P. Lascius** Mart. purgat senatum Cracoviensem ab hæresi, inducit supplicationem 40 horarum in Poloniam 196  
**Lascowski** Joan: Martyr internus 277  
**P. Læterna** Mart. victima fidei 381, post mortem beneficis 382  
**Latrones** duo in cruce baptizati 282  
**Lauffenium** oppidum redit ad Ecclesiam 408  
**Laurentanum** Collegium cedit nostris 468  
**Lauretanus** Joan. Thom. prius Amurathes jubetur à B. V. ingredi Societatem 8  
**S. Laurentius** cultus à B. Stan: Kostka 305  
**P. Layman** Paulus doctrinæ jungit humilitatem 445  
**Lazzari** Basilii silentium strictum, nomen sancti obtinet, mira patrat. 75  
**Lechner** Joan: Bapt: victima charitatis 127  
**Lectio** librorum spiritualium utilissima 47  
**Lecti** usus neglectus 75  
**Lectulus** defuncti 443  
**P. de Ledesma** mortificatio cholera, somnus brevis, securitas salutis æternæ 173  
**P. Ledesma** Joan: Theologus humilis 400  
**P. Ledesma** Jac: visitatur à Deipara, audit laudes castitatis 452  
**Legati** expediuntur ex Japonia ad Pontificem Maximum 68. Adventus eorum in urbē. 112  
**Legatio** **P. Possevini** in Moschoviam 116. irrita ad Sinas 119, in Ethiopiam instructuosa 201  
**Legati** Japonæ Roma abeunt 212  
Leges



# INDEX

Leges quinq; studii perfectionis	175
Legio demonum à puella expulsa	311
P. Lelessi victima pro fide	76
P. Lenesquius Guilielmus moritur juxta vaticinium	95
P. Leomari And. carcer ærumnosus	351
P. Leonius Agnus & Leo 12. Institutor Sodalitytatum Marianarum	53
P. Leonis Guilielmus labores juvat oratione	287
de Leon Ant: Defensor castitatis	301
Leopoldus I nascitur 218. Eidem parentat Societas	171
Leprosus ex charitate in lectum admissus sanatur	10
P. Lessius Leonardus morborum ergastulum, patientiæ heroicæ, doctrina ejus de gratiæ auxiliis, & prædestinatione indemnus	19
Libelli famosi in Societatem	287
Liber, monita privata Societatis prohibito	158
Libros prohibitos legendi facultas 10. libri famosi contra Societatem 146. Liber confusus sub nomine Suarezii 301. Liber vitæ inspectus 315. Libri famosi contra P. Catonum 313	
Liber combustus 357. Liber exercitiorum vindicatus 422. libri hæretici combusti	505
Libertas concessa tractandi de auxiliis gratiæ 75	
Liberalitas divini erga strenuos operarios.	143
Liberalitas remunerata	188. 512
Libertas ad non consentiendum	339
Liberalitas in peregrinos compensata	383
Liberalitas profundissima erga egenos	108
Liberalitas in pauperes	288. 289
Libertas in loquendo	424
Linguarum studium & peritia	21
Linguae custodia	31. 297
Lingua S. Antonii mutat stylum concionatoris.	79
Litaniarum utilitas 322. Lauretanæ efficaces 470	
Litteræ Rudolphi Imp. in laudem Societatis. 260 Ducis Bavarix ad Clementem VIII pro Societate 282. Pii V. Pont. pro Societate 355. Pontificis ad Czarum Moschovix 421. Pii IV ad Regem Hispaniæ pro Societate 460	

Regis Hispaniæ in causa Molinæ 463. Fests dinandi II. Imp.	363
P. Loarte Gasparem crucifixus consolatur.	394
Loffredus Ant condonat injurias	200
P. Lugo Joan. Cardinalis reluctans, amans Societatis	322
P. Lohner Tob. author variorum librorum	201
P. Longobardus Nicol: Missionarius laboriosus, mortificationis assiduæ	330
P. Lopez Hieron: actus contritionis & confessiones Generales promovet	45
P. Lopez Ant. occisus cognoscitur ex libello examinis particularis	100
Lopez Franc: Gradum Coadjutorum eligit.	214
Lopez Didacus Studiosus perfectionis, confidentia ejus in morte, & securitas de salute	
Lopez Ant. victima fidei	281 (249)
P. Lopez Alexand: victima fidei	490
P. Lopez Franc. victima fidei	421
P. de Lorenzana Marcelli encōmia	356
P. Lorinus Joan: Interpres S. Scripturæ in Loquela cautela	117 29
P. à Lotharingia Carolus abdicatione honorum celebris 161. Societatem ingreditur. 221 à Lotharingia Ericus Societate non obtinet 434	
Lucernenses Helveti extorquent Collegium sibi concedi	20
P. Lupatinus Hector custos castitatis	459
p. Lupii Franc: mortificatio rigida, S. Martini exemplum renovat. Paupertas in eo honorata.	185
Lux in vultibus.	423

## M

P. Maccadius victima fidei, tres ei dies in vita jucundi	125
P. Macciadus Ant. victima charitatis	344
P. Macciadus Franc. & P. Pereira victimæ fidei.	378
P. Madridius Ant. Concionator, Carbo ignitus.	16
P. Masson Simon à Cosacis occiditur	185
P. May	



# INDEX

P. Magirus Joan. vocatur ad Societatem 350  
 p. Maignet Lud: oratio humilis. 148  
 P. Mayle Mathias victima charitatis 379  
 p. Mainburg magnificus in Societatem 339  
 P. Maithotter senum in Societate decanus 296  
 p. Maldonati Joan. lectiones avide audiuntur. 7  
 P. Maloesius Herveus victima pro fide 70  
 p. Mambrecus Joan. amator crucifixi 161  
 p. Manaraeus Oliverius Lemures pellit 466  
 Ambitus accusatur 50, à Greg. XIII innocens  
 pronuntiatur. 51  
 p. Mancinellus Julius venit in Turciam 438  
 Assiduus in Confessionalibus, linguarum pro  
 salute animarum studiosus, sardi & muti di-  
 fecti ipsi consistentes 312  
 Mancipium Marianum 285  
 P. Manconium Deipara invisit 414  
 P. Mansitus confessorius accuratus, sermo ejus  
 de divinis. 158  
 P. Mangottis Adrianus memoria destituitur 448  
 p. Manrique Petrus parat se ad mortem 16  
 p. Mans Joan. Rector victima charitatis 466  
 p. Mastuani Paali charitas erga Socium 254  
 Manuel Joan. liberalis in pauperes 289  
 Manus ante somnum ligata 131  
 Manuum lotio ante convivium caeleste 15  
 Marcellus II creatur Pontifex, hortatur S. Igna-  
 tium ad colligendos milites pro Ecclesia 134  
 moritur 163  
 S. Maria Deipara clientem suum post mortem  
 coronat 5, ingressum in Societatem suadet  
 8, vide Deipara.  
 S. Maria Magd. de Pazzis commendat Soci-  
 etatem. 198  
 Marianarum insularum incolæ domiti 267  
 p. de Marinis Joan: Bapt. Gen. Ord. Prædici:  
 hortatur suos ad concordiam cum Societa-  
 te. 114  
 Marinus Joan: Frater mansuetus 236  
 p. Marquez Fernandus demonem turbatorem  
 somni modestiâ reprimat 254  
 p. Martinez Petrus Episcopus Japoniæ ex elec-  
 tiosynis vivit 66

Martinez Franc, prima victima fidei apud Si-  
 nas. 123  
 p. Martinez Didaco Christus commendat In-  
 dorum salutem 126  
 p. Martinez vocatus cereus ardens 273  
 p. Martinez Petrus post mortem beneficus 379  
 p. Martinez Emmanuelis brevium non ma-  
 desit in aqua, impetrat alteri dolorem de  
 peccatis 488  
 Martini Josephi, innocens, vanâ gloriâ tenta-  
 tur in morte 238  
 p. Martinon Joan. Theologus moderatè amat  
 scripta sua. 48  
 Martinus petrus victor in tentationibus, mo-  
 netur de morte instante 341  
 p. Martinus Ignatius in alium Concionato-  
 rem mutatus 79  
 S. Martini exemplum renovatum 185 (190)  
 Martinus Joan: infirmorum curator accuratus  
 p. Martini Martini Atlas Sinensis 215  
 Martinus Michael sincerus in manifestatione  
 conscientiæ, delicta ejus in Eucharistia, Dei-  
 para erga eum favor 206  
 p. Martii Emm: jejunium perpetuum 280, rigi-  
 dus in se 324  
 Martius Nic: victima charitatis 417  
 p. Matrese Vincentio panditur revelatio de  
 salvandis in Societate 382  
 Martyr internus 277  
 SS. tres Martyres Japones 48  
 Martyr incognitus 128  
 Martyres Japonenses tres 360  
 p. Mascarenia petrus victima charitatis 367  
 Multos gentes convertit. 9  
 p. Masius Gaspar omni hora ad mortem para-  
 tus 54  
 p. Massimanus Theodorus habet lectulum qui-  
 etis 442  
 p. Massonius Laur: Missionarius Castrensis  
 præstans 276  
 p. Mastrillus Marcellus à S. Xaverio sanatur. 4  
 ejus martyrium 466  
 Mathias Imp. Societatem præficit Academicis  
 Viciis



# INDEX

Viennensi & pragenſi	224	P. Mendoza Ignat. contemptor mundi, facer-	
P. Matthæi Claudij geſta	504	dotum reverens, æſtimator vitæ in Societa-	
P. de Mattos Ant. noſcit ſecreta	417	te.	314
P. Mauritius Jac. viſtima charitatis	330	Mendoza Joan. Novitius perfectus	368
P. Maurus obſervans D. Thomæ	23.	P. de Mercado Hieron. in agone protectus.	167
Mayer Balthaſar cultor Deiparæ & Conciona-		Mercatorum conſternatio ſalutaris	12
torum	117	Mercatura quaſtuoſa	338
P. de Medeiros Gonſalvo revelatur prædeſti-		Meretrix in navi conſuſa & converſa	124
natio.	128	P. Mercuriani Everardi talentum gubernan-	
Medicinæ periti noſtri poſſunt ſubvenire in-		di 295. Præſcitur Societati 153. Inſtructio	
firmis citra aduſionem & incisionem	56	ad ſuperiores	393
Meditatio attentæ	105	Meſegner Joan. Coadjutor prævidet mortem.	8
Meditationes de Chriſti paſſione Japonibus ſa-		P. Meſquita Joan. evadit ex captivitate.	370
piunt	236	P. de Meſquita Jac. exul ob fidem.	431
P. Menard Renatus Operarius fructuoſus, ri-		Meſſis copioſa	303
gidus in mortificatione gulæ	306	Methodus ſervata in Miſſionibus	165
P. de Medrano Alphonſus audit à Chriſto So-		P. Methamus Thomas viſtima fidei in carcere	
cios Collegii Gratiæſenſis omnes eſſe præ-		17 annis.	245
deſtinatos	345	Methymnenſis Collegii vexatio	4. 41
P. Melendino Gonſalvo in calumniis Chriſtus		P. Metſch multos hæreticos ad fidem reducit	7. 3
vulneratus ſolatio eſt.	156	In Mexicanam provinciam veniunt Socii	267
P. Le Mello Martinus veſtem 30 annis porta-		S. Michaël Archangelus clienti opem ſuam	
vit	18	promittit & præſtat	89
P. de Mello Gonſalvus concionator efficax, iti-		Minifter charitativus	402
neris comitem habet B. V.	183	P. Miro humilis in orando, conficit ſummary-	
Memoria ſtupenda	32. 119	um conſtitutionum	328
Memoriæ defectus	448	P. Mirolus Franciſcus ſuavis in regendo	330
Mendacii fuga	238	Miſſa & Officium de B. Stan. Koſka conceſſa	366
P. Mendez Alphonſus Patriarcha Æthiopiarum	247	P. de las Miſſas Joan. viſtima fidei	387
Mendicandi ars nova	322	Miſſio fructuoſa	20
P. Menczynski Adalbertus viſtima Adei, ſermo		Miſſionis arduæ cupiditas 35. Indicæ deſideri-	
ejus de B. V. ejuſq; ſalutatio	112	um ardens 103. Regiomontana 133. Ad miſſi-	
P. de Mendoza Sancioſus viſtima charitatis	41	ones præparatio.	165
P. Mendoza Chriſtophorus viſtima fidei	156	Miſſio in Cyprium 303. in Sueciam ſine fructu	
P. de Mendoza Franc: viſtima fidei	174	306. in Tranſylvaniam	383
Mendozam Didacum moribundum B. V. in-		Miſſionarius excellens 59. Officium ſublime	
viſit	191	107. induſtrius	109. 453.
P. de Mendoza Ant. reflexus in reſpondendo.		Miſſionarii Societatis veniunt in portum Ame-	
Crucifixus gaudium & cælum	197	ricæ 131. Miſſionarius conſummatuſ.	145
P. de Mendoza Ferdinandus conſtans in reci-		Miſſionarii pretium 166. patientia 179. incor-	
tando Roſario	272	ruptuſ 180. tempore Jubilæi 181. pauper 203	
P. de Mendoza Franc: vir omnibus numeris		excellens 256. 260. Dæmoni inſenſuſ	458.
abſolutuſ	212	laborioſuſ 423. vires auctæ	445



# INDEX

Mlocki Jac. Scholasticus à Deipara Virg. ducitur ad cælum	59	Morbidus in collegio, sanus in Missionibus	145
Mocchius Joann. Bapt. cultor Sacerdotum; ejus patientia	93	Moribundos disponendi industria	241
Modestia religiosa	114	Moribundus à Jesu & Maria evocatus	34
In Moldaviam nostri penetrant	338	P. Morisæ Simonis mors ex obedientia	202
P. Moleti Bened. amor inimicorum, castitas defensa	132	Moriendi venia petita	237
P. Molinæ novitas doctrinæ affingitur it, pro ejus libro suffragium Academiae Hispalensis 18; Cassiano non consentit 26. 143. Concordat cum S. Aug. 26. Doctrina ejus indemonis 37, nova ejus discussio 31. Nec majores; nec minores tribuit vires libero arbitrio, quam S. Augustinus 108. Liber ejus ab inquisitione Lusitana approbatus; à Consilio regio Castellæ & Arragoniæ laudatus 139. Adversarii ejus malunt contra librum ipsius, 148. Doctrina ejus 400, conformis Augustino 378. Molinæ causa defenditur 446		patris Mors Henrici cruenta & jucunda mors	43
P. de Molina Petrus victima charitatis	297	Mors Jucunda 7. 27. prævisa 8. ad mortem præparatio per exercitia spiritualia	23
P. Molinæ Sebastiani mortificatio pro oblationis	302	Mors mulica 30, intrepida 467. Viris Apostolicis non est formidabilis 37 pretiosa Parisi Franci Alberti 38; subitanea P. Oviedo 54. Suavis in obsequio charitatis 65; devota 85. In morte gaudium & luctus	82
Monachienſe Collegium	379	Mors ex obedientia 111. Diuturna sed amœna 137, prævisa à dntu superioris pendens 144. jucunda 176, 203, 304. Mortis fugandæ medium ineptum	245
Monasterienſe Collegium	408	Mors Sebastiani Regis Lusitaniæ 298. Læta 397, ex fame 398, prævisa 416, beneficio B. V. accelerata 164. 465; Senis statim post baptismum 419; gloriosa	412. 431
Monerii Petri conscientia puritas in morte	203	Mortificatio corporis rigida 46. 98; constans 61	
Monomotapæ Rex baptizatur	25	Mortificationis studium 109, 236, gustus 125	
P. Monroi Petrus ex Coadjutore Sacerdos	160	indifereta 169, cholera 173 rigor 179. 185. 284; ejus frequens usus 187, insignis 147. indiscreta & lepida 247, rigida præsertim gustus 273; 280. Dispositio ad martyrium 253; vices supplet Deus	428
P. Monrois Ferdin. Cultor SS. Eucharistiæ	380	Moschus parva pace ferox	18
P. Montaldus Michaël Deiparæ cultor	417	P. à Motra Calixtus victima charitatis	57
Montano Egidio inobedientia condonatur	115	P. Mourera Maurus victima fidei	382
P. Montori Didaci oratio prælixa, constitetur generaliter singulis mensibus	202	P. Munfordus in carcere pro fide; adjuvat animas purgatorii	92
P. Montmorency adhibet consultores, negotia impigre tractat	309	P. Murdochus Guilielmus cilicium utiliter gestat	322
P. de Morales Franc. querelis modestis delectat Christum	69	P. Musart Carolus juvenum & pauperum in-formator	23
P. Morales Sebast. Episcopus Japoniæ	117	P. Mustoni Marcus Ant. mortem prævidet	492
P. Morales Manuel excolit prædicatorios Lusitanos	382	Mutatio effectus erga Societatem	416
Morbi & funera in Collegio Goano	66	Mutuum à Deo solvendum	432
in Morbo cibus submittitur 137, levamen	486		



# INDEX

## N

- P** Nacaura Julianus victima fidei 412  
P. Nadasi Joan. scriptor variorum libro-  
rum. 84  
Natalis Hieron. accedit Societati 458  
Nativitas Christi in stabulo celebrata 11  
P. Navarolæ Joan. æquanimitas, vivit in præ-  
sentia divina 190  
Naves Joan. operarius strenuus, ulcera sanat  
ope S. Ignatii 332  
Naufragium in portu 321, in naufragio zelo 243  
Navigatio Indici periculosa & fructuosa 124  
Arumosa 149, infelix 321, 323  
Navis Sanctæ Crucis 115  
Negotia secularia principum graviter vetita 24  
S. Philippus Neri Societati addictissimus 199  
Vultu admitti ad Societatem 288  
Nesvisiensis Collegii initia 241. (nia. 227  
P. Netervillus Robertus victima fidei in Hiber-  
P. Nickel Goswinus Vicarius Generalis 9. 129  
electus præpositus Generalis 103, petit Vica-  
rium Generalem 176, mors & encomia 292  
Nichesolius Lælius abnegat propriam volun-  
tatem 316  
Nicofoi Thomas victima fidei 280  
Nidardi Joannis virtus & promotio 388  
P. Nierembergus Joan. suaviter moritur, di-  
rector conscientiæ excellens 133  
Niger Emmanuel victima pro defenso Christo  
Eucharistico. 219  
P. Nobilius Robertus linguarum peritus, mo-  
do vivendi Brachmanum se conformat 21  
Nobiles forma aliorum 252  
Nomen Jesu Ordini nostro æternum est ac ve-  
nerabile. 1  
S. Norbertus strumam curat 214  
Nottin Philippus inter atrociora tormenta victi-  
ma fidei 269  
P. de Noyelle Carolus electus præpositus Ge-  
neralis 255. Habet notitiam instituti, amator  
vitæ communis 488  
P. Nugentius Nicol. in carcere fructificat 478

- à Nundinis Mimi & meretrices prohibita 126  
P. Nunnez Leonard. curā habet uni animæ. 248  
P. Nunnez Melchior humilis in mortificatione  
306. (jus acta 512  
P. Nunnez Joan. vocatur ad Societatem 498 E-  
P. Nunnus Alphonsus Rector juvenis, sed ma-  
turus, contemptor sui, industria ejus faciem  
hominum erudiendi, facilius meretricem,  
quā Sacerdotem convertit. 18  
Nunnus Joan. adlegitur Societati 385  
P. la Nuza Aloysius Ecclesiastes insignis 412

## O

- O** Bedia heroica P. Villaregii 15. cæca 39.  
288. heroica cum oculorum amissione  
47, explorat eam S. Ignatius 47, cæca rectā  
ducit ad cælum 74, sine discursu 86, cæca  
muscas enecat 131, Xaverii parati ad rede-  
undum in Europam 135, accurata 284, fortis  
286, studium ejus admirandum 303, prodi-  
giola 318, prompta 391. 495. 500, post mortem  
Obediendi ars 18. (442  
Obsequia humilia aptissima ad conversionem  
animarum 62  
Obsequium ingratis præstitum 423  
Occisus loquitur 447. (bos 383  
P. Ochia Michaël habet donum curandi mor-  
Oculorum modestia 257. 493  
Odvenus Nicol. victima fidei 444  
Officium & Missa de SS. Nomine Jesu 17  
Officium Ecclesiasticum triplex quotidie reci-  
tatum 24  
Officium de S. Ignatio 398  
p. Ogilbæus Joan. victima fidei insomnia per  
octo dies, patibulum osculo & amplexu ve-  
neratur 93  
p. Olavins Mart. jubetur ingredi Societatem,  
eam magni æstimat. 316  
p. Oldetonus Eduardus victima fidei 132  
p. Oleskievitz variis virtutibus præditus 228  
p. Oliva vicarius Generalis constituitur 216  
concionator S. Palatii 464



# INDEX

**P.** Olivarius Bernard. amans vocationis 324  
**P.** Oliverius Joan. Ant. victima charitatis 176  
**P.** Oller Raphaël operarius strenuus 68  
 de Onate Domin: mors nuntiatur 388  
**P.** Onnecking Conradus conciones flecendō  
 scribit, non quiescit à labore 181  
**Operarius** insignis 47. 412. indefessus 60, fer-  
 vens in nube ascendit cælum 104. strenuus,  
 sed iudicii sui tenax dimissus à S. Xaverio  
 133, strenuus 184. 332  
**Opera** salutaria debent aliquomodo procede-  
 re ex motivo fidei & pietatis Christianæ 238  
**P.** Oppel Bernardus liberalis in pauperes 512  
**Opus** naturale moraliter bonum 259  
**Orationis** studium 2. 31. 498. Oratio pro ca-  
 lumniantibus 13, nocturna pro defunctis 28,  
 efficacia 29. 37, assiduitas 30, ea profigan-  
 tur barbari 44, frequens 51, nocturna 81, ja-  
 culatoria 123, humillima 148, nocturna ef-  
 ficax 188, studium & fructus 182, ardens 185  
 studium inter studia 217, pro superiore effi-  
 cacia 225, octo horis continuata 278, proli-  
 xa & extatica, nihil subtrahit labori 329  
 efficax 419. 480  
**Oratoria** Societatis 167  
**Ordines** sacri suscipi possunt ante professionem  
 78, quomodo nostri eos possint suscipere 369  
**P.** Organtinus desiderat missionem Indicam. 103  
**P.** Orimbellus victima charitatis 391. (351)  
**P.** Orlandinus Nicol. primus historię Societa-  
 tis scriptor. 189  
**P.** Ortega Emmanuel operarius insignis 412  
**Ortega** Laur. infirmarius exactus 494  
**P.** Ortiz Orumnius mortuus crucifixum oscu-  
 latur 119. (par 288)  
**Ortunius** Joan. Novitius veteribus Anachoretis  
 Oculum à Deipara 170  
**P.** O'onus Franc. victima fidei 124  
**Ota** Augustinus victima fidei 306  
**P.** de Orazo Franc. inspicit librum vitæ. 315  
**P.** Ottellus Hieron. domi Agnus in pulpito Leo  
 Dominus cordium 85  
**P.** Oyandus Alphonsus integer vitæ 435

**p.** Oviedi Franc. mors subitanea 546  
**p.** Oviedo And. Patriarcha Æthiopiæ 59, Ex-  
 peditio ejus in Æthiopiam 61. Legatio &  
 spes dissipata 62. patriarchæ paupertas. 247

## P

**P.** de Padilla Ant. humilis, contemptor ho-  
 norum, moritur intrepidè 467  
**P.** Pacz Stephani defuncti animam excipit S.  
 Ignatius. 116  
**P.** Pacz labores in Æthiopia 192  
**P.** Pacz Stephanus Deiparæ cultor 433  
**P.** Paes victima fidei, sanguis occisi salit in  
 cælum. 157  
**P.** Pagius Franc. victima fidei 162  
**P.** Paliola Franc. victima pro fide 39  
**P.** Pallavicinus Sfortia per triduum disputat  
 ex Theologia, honores contemnit 213. Car-  
 dinalis 440  
**P.** Palmius Genux pacem conciliat 356  
**P.** Palmius Bened: Concionator insignis 446  
**P.** de Castro Palao Ferd: innocentis vitæ 471  
**Panormitanum** Collegium 464  
**P.** Pardus Franc: missionarius indefessus 389  
**P.** Paranympus Gaspar ob studium paupertas  
 tis à Deip: V. laudatur, concionatur in ci-  
 licio 35  
**Parisienses** Scholæ apertæ 71  
**Parisiensis** urbs fervata 380  
**Parisienses** afficiuntur Societati 450  
**Parisiense** decretum contra nostros  
**p.** Parisot Joannis humilitas 352  
**Parussius** Joan. prolixè meditatur, jejunium  
 ejus 205  
**de Paro** Carolus amat crucifixum 345  
**P.** Parritius osor vanæ gloriæ, ante communio-  
 nem obsequia culinæ &c. 192  
**P.** Passokius Laur. victima fidei 428  
**Pati** suave 182  
**Patiendi** ardor. 113  
**Patientia** stupenda 36, fortis 57, in viarum  
 incommodis 275, inter horribilia tormenta 102  
 Haq



# INDEX

- Hac fecundatus, constantia coronatus 148.  
 Hujus & dolorum aviditas 185, hæc & silen-  
 tium remedia tribulationum 234, in injuria  
 244, mira 386  
 Patriarcha Æthiopiæ & Episcopus è Socie-  
 tate, 171  
 S. Paulus simul cum P. Joanne Fernandez con-  
 cionatur 33  
 Paulus V. finit controversias de auxiliis gra-  
 tiæ 37, creatur Pontifex, opportunus dispu-  
 tantibus de auxiliis gratiæ 184. Decretum  
 ejus de beatificatione S. Ignatii, 286  
 Pauli IV erga S. Ignatium & Societatem bene-  
 volentia 195, jubet revidere institutum 325,  
 sensus ejus de Societate 256, afficitur Socie-  
 tati 283, moritur, induxit chorum in Soci-  
 etatem 315, qui post mortem ejus conti-  
 nuit, 316  
 Paulus III facultatem concedit concionandi  
 & Sacramenta administrandi 211, facultatem  
 dat admittendi Coadjutores tam spirituales,  
 quam temporales 214, moritur 353, creatur  
 Pontifex 401  
 P. Paumbgartner vir misericordiæ, victima  
 charitatis 376  
 P. Panonus vix natus ad orationem se compo-  
 nit, informator cleri, felix in promovendis  
 Discipulis ad statum religiosum 74  
 Paupertas accurata 18. Operariorum Evange-  
 licorum 42, empta 79, in Bibliis & Brevi-  
 ario 129, ejus amor 142, 217, mirabiliter  
 sublevata 152, rigida 161, ejus divitiæ 164  
 honorata 185, splendida 220, religiosa 484  
 Pax inter Sinenfes & Moschos promota 224  
 Pazmanus Card: Petrus zelosus pro Ecclesia,  
 humilis, magnificus 107  
 S. Mariæ Magd. de Pazzis visio 506  
 P. Pechamus moribundus à Jesu & Maria evo-  
 catus 34  
 Pecunia bene impensa 512  
 P. Pedelongus Joan. promptus Confessarius 398  
 p. Pelletarius Doctor Marianus 2  
 p. Pellitanus in vinculis prædicat 189  
 p. Penman paralyticus bis sanatur tactu ima-  
 ginis 408  
 p. Pequet Petrus victima charitatis 264  
 Percussor non proditus 409  
 p. Perey Joanni tormenta salutaria 474  
 p. Perez Ant. Theologus admirabilis 80  
 p. Perez Franc. cum Christo natus & mortu-  
 us, cum duobus filiis primam Deo hostiam  
 litat. 111  
 p. Perez Joan: à Crucifixo illustratus 326  
 p. Perez Barthol. observans regularum 461  
 Perfectioni studendum, media ad perfectio-  
 nem 190  
 Perfectionis religiosæ studium singulare 210.  
 Periculum in mari 285. (249)  
 Pericula propter DEum suscepta jucunda 33  
 Periculorum contemptus 42  
 p. Perinus Leonardus indifferens ad quodlibet  
 officium, erga eum reverentia 55  
 Perjurium vindicatum 285  
 Persecutio in Japonia 284  
 de Perseverantia in Societate sollicitudo 10  
 Perseverantiæ donum requirit gratiam effica-  
 cem non tamen prædeterminantem 35  
 p. Personi Rob. labores & pericula in An-  
 glia 140  
 Peruanum regnum Christo subiectum. 8  
 p. Petavius Dion. habet levamen in morbo 486  
 p. Petkorowski Gaspar multum laborat, pa-  
 rum comedit, in aula nihil damni pari-  
 tur. 69  
 p. de Petris Francisci vocatio ad Societa-  
 tem. 430  
 p. Petrius in Sinis honoratus 456. Sinis ex-  
 cedit. 457  
 Philippi II. Regis Catholici mors 357  
 p. Piccinus Bernardinus severus in se. 438  
 p. Piccolomini Franc. varia officia cum laude  
 gesta, mors ejus jucunda inter acerbos do-  
 lores patiendi desiderium 229  
 Pictaviam socii purgant ab hæresi 73  
 Pictura apta ad promovendam religionem. 27  
 p. Picius Domin. 34 annis tradit literas hu-



# INDEX

maiores, boni Patris cognomen obtinet 114  
 pietatis exercitia in diuturna navigatione 46  
 pietas Christiana 174. Doctrina juncta 418  
 pilus clericalis abrogatus FF. Coadjutori-  
 bus. 179  
 p. pinas Ant. victor in luc 430  
 p. pineda Michael. moritur 370  
 p. pinna Balth. aves habet sui observantes 189  
 p. pintus Franc. odio fidei trucidatus 15  
 p. pirez Vascus viator pauper 369  
 p. piscator Petrus 4. Votorum professionem  
 non admisit 258  
 p. pisquera ab Angelo nominatur Salvator 118  
 Pius IV Societatem & Collegium parisiense  
 commendat Regi Gallia 204. putatur alic-  
 natus à Societate 263, litera ejus ad Regem  
 Hisp. pro Societate 460  
 S. Pius V. pontifex creatur, ejus affectus erga  
 Societatem, abhorret ab ejus reformatione 9.  
 Collegium Colonienſe eximie commendat  
 193. Collegium poenitentiarii S. petri tra-  
 dit Societati 194. moritur 164  
 p. platerose Rob. professor inferiorum schola-  
 rum perpetuus & ordinatus 92  
 p. platus Hieron. moderatus amator scripto-  
 rum. 312  
 Plinius Indicus 98  
 p. plozzinius pluviam oratione impetrat 413  
 poenitentia etiam Martyribus non negligenda  
 24 fructuosa 84, sine ea nemini deceden-  
 dum 82, poenae publicae 130  
 poenitentiariae Vaticanæ Collegium occupa-  
 tum. 130  
 poenitentia Sacramentum inter absentes irri-  
 tum. 319  
 p. polanci elogia 499  
 p. pollicus amator Deiparae, mortem impe-  
 trat. 510  
 polocenſis Collegii primordia 251  
 Poloniae vastatio & restitutio per orationem 285  
 p. Polus Barthol. Missionarius actione & pati-  
 entia clarus 179  
 p. ponce Aloysius humilis 428

p. ponce Joannis humilitatis studium 42  
 p. ponceotto mors beneficio B.V. accelerata 164  
 pondo Thomas carcerem & catenas 30 annis  
 pro fide toleravit 86  
 p. pongracz victima fidei 348  
 p. de ponte Bernardo B.V. byssum porrigit ad  
 abstergendum sudorem 37  
 p. de ponte Lud. alcera celebris, Doctoris lau-  
 rea visus in caelo coronari, Angeli curant  
 vulnera ejus in flagellatione. Luminis divini  
 in eo copia, votum de non committendo  
 peccato veniali 63  
 p. portillus Hieron. efficax in persuadendo 12  
 p. porzecki victima charitatis 262  
 p. poslevinus pacem constituit inter polonos  
 & Moschos 19. Labores ejus, itinera, lega-  
 tiones, institutio seminariorum Pontificio-  
 rum 76. Legatus in poloniam & Moschovi-  
 am 317 321. 359. 388  
 p. potier Gabr. resignatus in superiorum di-  
 spositionem 177  
 p. prodo Hieron. à Jesu parvulo erigitur, pec-  
 cata sua publicat 64  
 de prato Alphonsus humilis. 482  
 praedestinationis Decretum absolutum est 5.  
 Non est propter liberi arbitrii bonum u-  
 sum 20, revelatio 114, gratuita 170, ejus  
 tessera conversio duorum ethnicorum 173  
 praedeterminatio physica lapidis offensionis 94.  
 Origo dissensionum 192. 270  
 pragenſe Collegium inchoatum 150  
 preparatio ad conciones 419  
 praesagia mortis cruentae 80  
 praesentia divinae exercitium 179  
 p. preitenberger Matthaeus obediens muscas  
 enecat 131  
 prescottus patitur pro fide ærumpas carceris 69  
 p. pretere Guilielmus amator Deiparae 440  
 princeps varia religionis tandem Catholica 85  
 Cum principibus reverenter & fidenter uten-  
 dum 24. (92  
 privilegium docendi etiam ubi academiae sunt  
 privilegiorum confirmatio 412

privi-



# INDEX

privilegium pro habitatione nostrorum	423
Privilegia Societatis	426
probationis domus separata à Collegiis	367
procurator eximius	302. 436
professor Theologiae per 30 annos	7
professi 4 votorum pareant superioribus non professis, vel tritum tantum votorum	201
professi Societatis ad quam religionem transire possint	361
professionem 4 votorum facturi, quomodo me- diocritatem in virtute excedere debent	72
promissio ingrediendi Societatem in formula votorum simplicium est verum votum	23
promotio literarum Sinensium	167
providentia divina 77. 184, ejus filium 133, erga ægrum	127
Provincialis pauper & humilis	59
Provincialis unus in India	477
P Pusche Franc. vestis honorata, ignis ab o- rante;	403
Pudicitiae & obedientiae insigne specimen	140
P Puellas Didacus Professor unius discipuli	6
Pungetus Apostata à Societate	278
Purgatorium 253; ab eo immunitas s. Religi- orum acre 263, breve	309. 350.
Purgatorii animæ adjutæ	92

## Q

Querelæ modestæ inter dolores delectant Christum	69
Quies laboriosa	10
Quies secunda in corde Christi	67

## R

Rabus Jac. conversus	125
P. Radau Missionarius consummatus	145
P. Raderus Matthæus 22. annis docet Rheto- ricam.	501
Radius ab Eucharistia vocat ad Societatem	424
P. Raimundus Vincent: amator pauperum	344
P. Ramirez Hieron. secreta cordium patent;	

vocatio ejus ad Societatem	16
P. Ramirez Joan. concionator efficax, multos ad religionem perducit, meretrices conver- tit, consulenti imago B. V. respondet	128
de Rassingham Ign. benedictionem Superio- rum adhibet ad opera	481
P. Rastellus Joan. caput suum devovet effica- citer pro P. Hossæo	227
P. Raulinns Franc. puerorum institutioni in- tentus;	310
P. Raynandus Theophilus doctrinæ jungit virtutem.	425
P. Realinus Bernardinus per B. V. vocatur ad Societatem	252
Recreationis hora coram Ven. Sacramento tractata	45
P. Reginaldi Valerii sermo cautus & castiga- tus	99
Regulæ propositæ	251
Regularum observantia	439. 461
B. Joannis Franc. Regis zelus 198, acta & mors.	516
P. Regius Vincent: servat modestiam oculo- rum.	493
Religio Christiana in Japonia cælitus defen- sa.	30
Religiosus accuratus	12
Reliquiarum cultus 166, translatio in templum Societatis 272, Reliquiis sacris sedatur tem- pestas	411
P. Renart pestiferæ luis vigesies victor tandem occubuit	41
Renatus victima fidei	300
P. de Renesio Joannis patientia fortis	57
Resolutio ad mortem oppetendam	175
Revelatio facta S. Borgiæ de salvandis in Soci- etate	64
P. Reuss Bernardus victima fidei	275
P. Rhem instituit Sodalitatem colloquii Ma- riani.	400
Rhetorica docta post Theologiam	48
P. Rho concionator celebris	354
à Rhœtis nostri expelluntur	425



# INDEX

P. de Rhodens multos convertit	433
P. Ribadenciræ elogia	370
P. Ribera Joan. Dæmoni concionanti silentium imponit 276. Job novus castitatem defendit.	214
P. Ribera Franc. interpres à Christo laudatus.	461
P. Ribarius Nunnus victima fidei	324
P. Ricciolus mathesim promovet & reformat.	241
P. Riccius Sinensem metropolim adit. Horologio conciliat ingressum. Ex imagine Salvatoris agnoscitur vivus Deus, domicilium stabile ei concessum apud Sinas 32. Christus promittit se ei propitium fore 246 fundat domicilium Societatis Nangasachi 49 Maximus promotor Sinensis Ecclesiæ moritur 180. 168. Pekinum venit 209. 349. mortuus idola subvertit 424. ejus exequiæ 426. feliciter adit Regiam Sinensem 202	
P. Ricus Joan. debet concionem igne expiare.	404
P. Richter Samuel zelosus	413
Rigā nostri coguntur excedere	339
Rigæ Societati traditur templum S. Jacobi.	131
Rigenfes turbæ	49. 213
Rigense Collegium cedit Societati	159
P. de Ripalda Joannis eruditio Theologica	158
P. Rifuig victima fidei	255
Ritus excipiendi hospites	61
P. Riviere Simonis humilitas fugit vanam gloriam	51
P. de Roa Martini gubernandi peritia	130
P. Robe Joan. febris liberatus, eadem iterum corripitur & extinguitur	98
P. Roberti Venuſtus victima charitatis.	170
de Rocha Venc. sanctos ante somnum veneratur, ejus patiendi desiderium	6
P. Roche Jac. Eucharistiā utitur pro medicina ardentem loquitur de divinis.	105
P. Rodericius Christoph. amat tribulationem & vincula 186, venit in Ægyptum 470	
P. Rodericius Petrus repentine, sed non im-	

provisè moritur	205
P. Simon Rodericius in Lusitania	270. 145
Rodes Franciscum itinerantem dirigit S. Ignatius	123
P. Rodriguez Alphonsus per 40 annos Magister Novitiorum	70
P. Rodriguez Christoph. Missionarius excellens, Provincialis pauper & humilis	59
Rodriguez Alphonsus amator DEiparæ	425
P. Rodriguez Alphonsi corpus & crucifixus in igne illæsus	448
P. Romanus Carolus videt adolescentem damnatum,	315
P. Romæi Sebastiani labor in Societate præmiatus	401
P. Romerus victima fidei	111
Rosarium Marianum oppositum prædicationibus.	244
Rosario sedata tempestas 253. constans ejus recitatio	272
P. Rose Guilielmi mortificatio rigida	284.
Mancipium Marianum	285
P. Rosellii Greg. patientia & dolorum avditas.	185
P. Rosmer Paulus cultor S. Dysmæ latronis cubiculum ejus egenum	218
Rosner Daniel viso in Eucharistia Christo convertitur	147
P. Rosweidus Heribertus scriptor sedulus	383
P. Rubinus Ant. victima fidei	111
P. Rubiola Hieron. utitur Litanis, novus mendicus	322
P. Rudomina And. videt operariorum Apostolicorum sudorem ab Angelis Deo offerri S. Ignatius ad moribundum in cælum deducendum venit	345
Ruels Gasparis pudicitia & obedientia specimen.	140
P. Ruggerius Michael primus domicilium apud Sinas figit	180
P. Ruiz Joan. vir miræ innocentia	12
P. Ruiz Didacus dies vacationum à studiis prolixiori orationi dat, singulis mensibus	dicm



# INDEX

diem deligit pro recollectione, Audet flexis genibus.	101
p. de Montoya Ant. amor Seraphicus, cor Marianum pectori ejus insertum	138
Ruiz Jac. cocus per 30 annos, Deiparae charus.	209
Ruiz Lud. constans in vocatione	256
Rumor falsus de damnata sententia Molinæ	368
p. Russellii Rudolphi innocentia vitæ	414
p. Rywocki Joann. studiosus mortificationis.	432

## S

<b>P.</b> Sa Emmanuel Philosophus & Ecclesiastes rarus.	513
Saa And. petit veniam moriendi, agonia ejus brevis & suavis	237
P. de Saavedra Isidori pia mors	137
P. de Saavedra Petri vocatio ad Societatem miraculosa	283
Sabbati Mariani cultor	301
P. Sachinus observans temporis	494
Sacellum Pechini apertum	505
Sacerdos senex Coadjutorum officiis fungitur.	32
Sacerdotes omnes quotannis aliqua Missionefungantur	181
Sacrificium in cilicio	79
Sagarum conversio felix	2
P. Sagerius Carolus victima fidei.	192
P. Sailus Thom. cubiculo egressurus B. V. statuat salutat B. V. pro diuturniore ejus vita supplicat, efficit, ut in castris tubæ clangore signum detur pro salutanda Beata Virg.	91
Saito And. Coadjutor exul pro fide	79
P. Salecius Jac. victima pro fide	51
P. Salianus Jac. Annalibus mundi celebris	31
P. Saller Adamo prædestinatio revelatur, conclusiones flectendo scribit.	214
P. de Samaiego Jac. cultor S. Michaelis, una	

veste 33. annis usus	89
Salmanticæ duæ Cathedræ Theologiæ obtentæ	13
de P. Salmerone fabula 346. Missæ onarius Apostolicus	19
Salvandorum paucitas	319
Salutatio B. V. egrediendo & ingrediendo cubiculum	75
Salus hominis in manu ejus	63
Salus sine purgatorio	419
ad Salutem non sufficiunt quicunq; actus naturales	105
P. Sancius Jac. vocatur ad Societatem	61
P. Sanchez Gaspar humaniores literas annis 50 tradit	96
P. Sanchez Ant. mortificatio	146
P. Sanchez Thomæ balbuties à B. V. sublata, studiorum prolixitas, ciborum parcitas, jejunia severa	191
P. Sanchez Barthol. victima fidei in Japonia.	
S. Xaverius peculiaris ejus patronus	216
P. Sanchez Michaël 42 annis docet Grammaticam.	356
P. Sanchez Joan. Bapt. defectuum Ofor	463
P. Sancius Petrus familiaris Sanctis	272
P. Sanctius Gaspar humaniores literas 30 annis docet.	449
Sanctorum veneratio ante somnum	6
P. Sandæus Joan. victima fidei	122
Sanga Matthias exul gloriosus	74
P. Sanguinot Alexius novus	303
Sanguis occisi pro fide salit in cælum.	157
P. de Saninan Melchior severus & suavis	430
Sanitas restituta ope P. Francisci Suarez	3
P. de Santaren Ferdin. victima fidei	455
P. Sanzii paupertas eximia	365
Sarabias Didacus patiens in injuria, Rosarium Marianum opponit prædonibus	244
P. Sarbiewski Matthias pro laurea Theologica gemmâ regiâ ornatur.	127
P. Sardus Ant. vocatur ad medendum animis, cum tribus filiis ingressus Societatem.	134
P. Sarmiento Sebastiani mors jucunda.	304



# INDEX

Sartro Michâel contra tentationes utitur formulâ votorum 281; cura ejus circa meditationem & examen	282	Semipelagianismus	482
Satan cedit S. Xaverio	379	Senensis Collegii initia	143
P. de Saura Barthol. amicus Christi, vota sapie renovat. Votum de eo, quod perfectus.	261	P. Serarii Nicolai affectus erga Gloria Patri &c. eruditio ejus insignis.	193
P. Scammanæ Josephi concionantis capiti columba insidere visa	12	Sermo de divinis 153. De B. V. & S. Ignatio 186	
P. Scarga Petrus concionator insignis	377.	scintillans.	105
Apostatam Deo reconciliat	476	P. Serpe Gaspar victima fidei & charitatis	298
Scaglione Marcelli vocatio ad Societatem	516	P. Serrarius Jac. moriens accipit osculum & amplexum à Jesu parvulo, mortuo nemo precatur requiem æternam	68
Schacher vestitur attritis, comitis Patrum occupatio.	158	Severitas superiorum in recalcitrantes	130
P. Schachtius Henr. ingeniosus & humilis in zelo.	3	Severitas suavitate mixta	430
P. Schall Adamus Mathematicus 323, feliciter fidem propagat	329	Sevilla Jonnes, constanter dissimulat linguam latinam 193. constans in petenda admissione ad Societatem	193
P. Schaller Sebast. victima charitatis	496	Siani Rex constans in fide	385
P. Schapelinck cautus in loquendo	29	P. Sibilla Ant. Magister Novitiorum	369
Schiefa Ludov. prædicit calamitates	358	Sigismundus Rex Poloniæ	483
Scholasticus zelosus 3, ex scholastico Coadjutor	256	Silentium strictum	75
P. Schorichius Georg. victima fidei	410	Silentii amans	392
P. Schottus And. libris numerosis clarus	31	P. Silveria novam sedem accipit in India	40
P. Schottus Gaspar Matheseos peritiâ insignis.	195	Sapientia simplex 41. Expeditio ejus ad Cafres 46. Adit regem Monomorapæ	507
Scientia futurorum contingentium conditionatorum.	467. 479.	Sirensis Imperatoris benevolentia erga nostros 36. 38. permittit exercitium fidei 200. 348. Nostros beneficis 471. In Sinas non datur accessus	288
P. Scribanus Carolus sedulus in examinanda conscientia. Cubiculum egrediens statuat B. Virginis osculatur, Rector Antverpiensis omnes Provinciæ infirmos ad se mitti petiit, Socium mortis accivit	239. 240	P. Sirmundi Jac. senectus vegeta	393
Scrupuli sunt crux	271	Sitis diu tolerata	60
Sebastiani Regis Lusitaniæ mors & affectus erga Societatem	298	Sixtus V. à Societate alienatus 4. ejus mors Societati opportuna 4. 331. Creatur Pontifex. 154.	(155. 268
Secretorum notitia	417	Societati se benevolum promittit & præstat.	
Securitas salutis æternæ 173. 245, in periculis.	179	P. Skarga apostatam Deo reconciliat	476
P. Segneri Paulus Concionator Apostolicus	468	P. Skarlinski repente moritur in obsequio charitatis	65
Seminarium Anglicum	295. 417	P. Sloskowski Joan. à B. V. vocatur ad societatem.	157
Seminaria Anglicana fundata.	143	P. Sluyskens aquâ benedictâ extinguit incendium	329
		P. Smigletius piè loquitur, victoria ejus de hæreticis	285
		Societas Jesu non desiderat pœnas adversariorum	



# INDEX

cum 8. Est Societas amoris 18. Non tenetur  
 dimissis dare alimenta 34. ejus restitutio in  
 ditionem Venetam 35. est dextrum brachi-  
 um Ecclesiæ 39. ejus præconium in morte  
 154. felix ob copiam aduersorum 123. ejus  
 protector ipse Pontifex 166. ei communi-  
 cantur privilegia aliorum ordinum 167. in  
 imperio Mogolis 171. vexatur ratione sigil-  
 li confessionis 203. recipitur in Galliam 365  
 Societatem ipso non indigere quisq; sibi per-  
 suadeat 110. est ordo mendicantium 258  
 Societas ex tribus statibus 311  
 Sodalitates erigendi facultas 6  
 Sodalitas pœnitentium instituitur operâ P.  
 Augerii. 108  
 Sodalitas silentiariorum 277  
 Sodalitas Sacerdotum Brixienſium unita soci-  
 etati 235  
 Sodalitas colloquii Mariani 400  
 Sodalitas impia conversa 432  
 Sodalitas Mariana Romæ 476  
 Sodalitia fundata 435  
 Soier Ign: scholasticus devovet se & moritur  
 pro incolumitate Collegii 35  
 P. Soldanus Marcus victima charitatis. 459  
 P. Sommalus Henr. ad ordinariam recreatio-  
 nis horam se disponit. 122  
 Somnus in colloquio profano 121  
 Somnus brevis 173. 291. ad somnum disposi-  
 tio singularis 320. somni turbator demon  
 modestiâ depressus 254  
 de Soria Joan. frequenter confitetur. 415  
 P. de Soto Thomas ex crucifixo cognoscit  
 DEum. 320  
 P. Soto major Jac victima charitatis, vocatio  
 ejus ad Societatem. Præsentia divinx ex-  
 ercitiū Remedium infirmitatis 170  
 P. de Sousa Ant. victima fidei 418  
 P. Soutvellus Robertus victima fidei, decies  
 toleravit equuleum, triplici donatus laure-  
 olâ. 84  
 P. Spinola Carolus solvit in Japoniam 122. pri-  
 ma expeditio infelix, captus cum sociis,

post biennium repetit iter feliciter 136. atti-  
 git Indiam 251. in carcere Omurano 302. 353.  
 victima fidei 354. capitur, mittitur in car-  
 cerem 490  
 Spinolæ Joan: Bapt. audax & felix facinus 152  
 Spiritus S. super communicantes 170  
 Spiritualia præ temporalibus quærenda 253  
 Spiritus Nationalis 448  
 P. Sporegus Christoph: cum socio victima fi-  
 dei in Suecia 225  
 P. Stanibursti innocentia & castitas defensa 14  
 P. Staroscirski Stephanus Concionator vivus  
 & mortuus 477  
 Stationes in cubiculo 10. 18  
 P. Stengelii Georgii copia librorum 137  
 Stephani Regis Poloniæ votum 144  
 P. Stibigk And. Concionator suavis & fortis 152  
 P. Stopellus in morbo & morte videt Deipa-  
 ram 342  
 P. Strada fructuosus concionator 338. histori-  
 cus insignis 347. Ecclesiastes excellens 418  
 P. Stredonii prædicationes, modestia Angelica.  
 oratio efficax 330  
 P. Streidus Philippus examinis particularis ob-  
 servator 443  
 P. Stremodius Joann. senex crudus in se 514  
 P. Strunica Didacus in morbo prodigiōse ci-  
 batur 137  
 Studium assiduū 18. boni communis 177  
 Studiorum ratio 481  
 P. Suarez Fran: Narivitas 7. ejus ope sanitas  
 restituta 3. liberatur à lectionibus Theolo-  
 gicis 65. primam hostiam offert 115. Socie-  
 tatis tyrocinium aliquoties repulsus ingre-  
 ditur. vaticinium de illo. periculum ejus  
 in portu 226. liber ejus iniquè damnatur  
 in curia Parisiensi. in Hispania probatur. &  
 laudatur. à Pontifice vindicatur. à Rege  
 Galliæ restituitur 242. strenuè defendit im-  
 munitatem Ecclesiasticam 244. Liber ejus  
 pro defensione fidei 351. doctrina & sancti-  
 monia 374. mortuus dat Eucharistiam 402.  
 456. inſtat Romæ Theologiam 427. sanat



# INDEX

- infirmum 469 invitatur ad continuandam  
Theologiam 504, Eucharistia à mortuo da-  
ta patescit. 419
- P. Suarez Jacob. constans in vocatione, assiduè orat, flamma supra collegium testis e-  
jus orationis 209
- P. Suarez Joan. assiduus in actibus amoris di-  
vini, obedientia ejus prompta 495
- Subsidium in oratorio 441
- P. Suequet Ant. novam vestem obsequiis culi-  
nz initiat 62
- P. Suffren Joan. Missionarius aulicus exactus 351
- P. Suffren Ant. fraternæ charitatis exem-  
plar. 440
- Superiores humiles 78, ipsi non tam inopia,  
quàm metus inopiæ formidandus 172, non  
sunt sui sensus tentaces 207
- Superstitio de solis defectu 265
- in Surgendo tarditas offendit Angelum Cu-  
lodem 10
- P. Susa Salvator hausta sanie exulcere ægro-  
tum sanat 39
- P. Swihorski Wenceslaus habet donum con-  
vertendi feminas illustres 11
- de Sylva Eduardus Coadjutor Apostolicus 7
- P. de Sylva Franc. quiescit in corde Christi 67
- P. sylveria Gonsalvus victima fidei Regem cum  
Proceribus baptizat. Corpus ejus crocodi-  
los mansuifecit, custoditur ab aquilis 100,  
adit Regem Monomotapæ.
- P. Sylvonius Joan. honoratur in carcere 424
- P. Syrwid Constantinus operarius laboriosus 325

## T

- P. Tablars Petro pretium evangelicæ pau-  
peris prius incognitum 30
- Taichien Mancius Coadjutor promovet fidem  
picurâ 27
- P. Tamburinus Angelus electus in Genera-  
lem 40
- P. Tanneri Matthiæ opera de Societate 53
- P. Tannerus Adamus, viri docti idea, copia

- librorum ab ipso edita 199
- P. de Tapia victima fidei & castimoniz 163
- P. Tavera Georg. victima charitatis pretiosa  
Taurinenses scholæ 415, (129)
- P. Thausch Gaspar fortiter obediens 209
- P. Teintzerus fructuosè adhibet Litanias Lau-  
retanas 470
- P. Tellerus Joan. duas fodalitates instituit 364
- Templum primum Nankini 168, in templo  
assiduitas 186. Templum domus professæ  
Rom. inchoatum. 242
- Tempestas in Hispania 392, oratione sedata 381
- P. Tennier Florent. curat strumas 337
- Tenenis Joan. accuratus excitator 182
- Tentatio diaboli 413
- P. Terentius Joan. Missionarius Sinensis præ-  
stans. 92
- Testimonium pro Missionariis Sinensibus 298
- Testimonia de doctrina Molinæ 414. 440
- P. Texeira ob jejuniū fragrat in corpore 145
- P. Thelen Godefridus ferventer orans victi-  
ma fidei 375
- Theologi duo à Pio V. expediti ad comitia  
Imperii, egregiam ibi operam præstant. 90
- Theologi obsequia humilia 400
- S. Theresiæ affectus erga Societatem 287, com-  
mendat eam. 463
- Theauri divini præfectus 109
- S. Thomæ Aquin. doctrina tenenda Professo-  
ribus Theologiæ, & quomodo 88
- S. Thomas Apostolus prædicavit in America  
499, ejus vaticinium 498. Templum ei Goræ  
erectum 499
- Tibaldus Joan. post luctum poenitentiz sentit  
consolationes divinas 102
- Timor Domini Operariorum nostrorum anti-  
dotum 102
- Toletanæ domus Professæ præclara initia 210
- P. Toletus Franc. Societatem ingreditur 211  
ejus elogium 359, fit Cardinalis 363. Conatur  
purpuram deponere. 342. 310
- P. Tolgsdorff Operarius zelosus 327
- P. Tollenaar Joan. acta heroica 129



# INDEX

Tormenta Japonica serobis & aquae	111
Tormenta salutaria	474
Tornaco socii eiectione	211
P. Tonera pluviam impetrat	214
P. Tortensis Hieron. accuratus religiosus	12
P. de Torres Ant. agrum pauperem portat	492
P. de Torres Joan. straviter moritur	497
P. de Fovar Ferdin. victima fidei	449
Trajecto expediuntur Socii	162
Transitus ex societate ad alias Religiones	369
Transitus ad Carthusiam	401
Translatio corporis S. Ignatii	392
ex Transylvania jubentur nostri exesse. sos. sro	
P. Trebosius Guilielmus minister charitativus	402
Trevirensis Collegii fundatio	433
Tribulationis & vinculorum amor	185
P. Trigantio Nicol. vires augentur	446
Ss. Trinitatis mira confessio	9
P. Trinkelii Zachariae humilitas honorata	365
P. Trugi Thom. concionatur & canit in flammis.	346
P. Tubfallini Joan. mors diuturna sed amoen.	137
P. Tuccius Steph. stupendus patientia	36
Tumultus Duaceni	406
Tumulus sponte apertus	438
Turbæ in Hispania externæ & internæ	58
Turbo contra societatem in Gallia	74
Turnonense Collegium in periculo excidii	345
P. Turrianus Cosmas zelator fidei	384
Turrianus Michael mutat affectum erga societatem	416
P. Turrianus Franc. festum Presentationis B. V. Breviario restituit	457
P. Tytkowski Alberti studium assiduum	38
P. Tytkiewicz Georg. ingreditur societatem	312

## V

**P** Vagnorii Alphonii labor conversionis fructuosus, patientia fecundatus, constantia renovatus 140

P. de Valdinia Lud. visitator regius	433
P. Valditarus habet venerationem apud Coartaneos	115
P. Valentia Greg. Doctor Doctorum, acerrimus in haeticos	157
P. Valesius victima charitatis	213
P. Valesii Domini. cubiculum pauperrimum	229
P. Valignani labores in promovenda Ecclesia Japonica & Sinarum	27
P. de Valle Joan. Missionarius industrius	453
P. Vallius Paulus victima pro fide	48
Valuicus Petrus ingreditur Societatem	362
Varia gloria fugienda	51
P. Vangrovicius libro Card. Hosii conversus	243
P. Varlichius Joan. procurator eximius	11
P. Varsevicus primus Rector Collegii Vilnensis 275, ejus in Sueciam infructuosa expedicio 216, redit ex Suecia 347, ejus encomia.	399
P. Varsevicus stansl. victima charitatis	380
P. Vascus Joan. cultus in lingua	230
P. Vasia Gabriel honori & amor B. V. additus.	228
Valius Alphonius in praesentia Dei versatur	430
P. Vasquez Gabrielis elogia	378
Vasserot Jacobo dimittuntur peccata, victima charitatis	508
Vaticinium de tempore mortis	92
Vaticinium de societate	352
Vayle Gabriel a Deipara invitatur ad calum	122
P. Vaxin Joan. habet purgatorium breve.	350
P. Ubierna Franc. impetrat longiorem vitam a Deipara Virg	123
P. La Vecchia Barnabas rigidus in se	319
de Vega Petrus Coadjutor sexagenarius artem suturiam discit & exercet	43
P. Wegelin Balthasar victima charitatis	410
P. Velari Joan. Bapt. agonizantis Angelus curam gerit.	76
P. Velasquez defensor Immac. Conceptionis	439
Veley Claudius contra spectra subsidio habet Jesum	337
Veneti Senatus affectus erga societatem	347
Venetum Collegium fundatum	139



# INDEX

Veneriis nostri exceſſerunt	178	P. Villar Petro ſecreta cordium patent	387	
P. de Venegas Melchior virtutes certas in ſin- gulos hebdomadae dies diſtribuit	212	Vilnenſe Collegium conditur 205, dies Natalis	274, Academia inſtituta	422
P. Venuſtus Petrus non prodiſt percuſſorem	406	Vindicta divina inexorabilis	134	
P. Verbieſt promouet rem Catholicam in ſi- nis	27	P. Viola Claudius Chriſti imitator	290	
Werden Henrici Coadjutoris patientia	72	Vir Apoſtolicus & corpore & animo valeat	4	
P. Veſſonus exul pro fide, 17 annis in carcere iucunda victima fidei	135	Virtuti magis quàm ſcientiis ſtudentum	108	
Vellis annis 30 geſtata, 18, nova obſequiis cu- linæ initiata 62 unius uſus per 3; annos, 89, nova non admiſſa 131, attrita ſed munda 118 honorata	403	Viſa in exercitiis 169	(nymphus 328)	
Viator pauper	369	P. Viſhangeus, efficaſ in orando, Deiparae para-		
Viaticum recusans Miſſionarius	74	Vita in ſocietate ſalutaris	114	(25)
Vicecomes Ludov. humilis affectus ſub extre- ma unctione	486	In Vita agendum, de quo in morte non doleamus		
P. Viciny promouet Generales Confeſſiones	260	Vita à Chriſto prorogata	304	
Victima fidei in Japonia 9, Victimæ pro fide 43 45, 52, 62, 76, & paſſim. Duo in carcere Sve- tico, 246, in Anglia 249, in Belgio	251	P. Vitelleſci Mutii Gener, ſuauitas & æquani- mitas 53, 447, magni æſtimat vocationem ad ſocietatem.	54	
P. Viera cum 6 in Japonia victima fidei	215	P. de San Vitores Didacus victima fidei	126	
Victima charitatis 47, 23, 63, 114 & paſſim		P. Vitus And. abſtinens in carcere 509. Miſſio- narius inſignis 377.	(para. 224)	
Victoria præclara Regis Bungi ſauentis Chri- ſtianis 54, Victoria prædicta 396, ad Enchi- nadas revelata 393, Malacæ contra Turcas 394 à S. Xaverio prædicta 396, relata 475		P. Viverius Chriſtoph. iuvatur patrocinio Dei- Ulyſſiponenſes ſcholæ	407	
Viennâ pellitur hæreticus præco	235	Vocatio in Indiam 62, ad Societatem 68, 170, 283, 350, 401, 170, imperata 433 316, ma- gni facienda 335, Patris Harrere	366	
P. Wiglocki Alberr. Encomiaſtes B. V. ſtatua B. V. objectâ defendit Collegium ab incen- dio,	188	Vocatio Dei ad fidem abſq; merito & diſpoſi- tione naturali 153, ad ſocietatem per Chri- ſtum Euchariſticum	169	
P. Ujeyski Thomas obtinet facultatem tran- ſeundi ad Societatem 85, facit profeſſionem 4 votorum 262, Episcopus religioſus 294, PP. Baſilianos conciliat	428	Vocatio P. Nunnez,	498	
P. Villalobos afflicto crux oſtenſa, cum pro- miſſione maioris afflictionis	86	Vocatio ad artem medendi animis	134	
à Villa Regali Franc. natiuitatem Chriſti in ſtabulo celebrat, lingua ulcus abſtergit	11	in Vocatione vacillantem B. V. firmat	225	
P. Villalpandus repræſentat fabricam templi ſalomonis 175.	(172)	Vocationis neglectus 252, Conſtantia in ea, 256 tenacitas	324	
P. de Villanova Franc. egregiæ mortificationis		Vocatio ad Societatem Marcelli Scaglione	516	
P. Villaregius Alexander memorabilis multis præclare geſtus	250	P. Voglerius Joan. Concionator familiares ha- bet S. Auguſt. & Chryſoſt. 242, ſigmenta hæreticorum in eum,	243	
		Volatilia non niſi deplumata menſe idonea 128		
		Votorum renovatio frequens 2, 151, veneratio 7, Votorum 4, profeſſio humiliter repudia- ta 33, Votum paupertatis, & de non admit- tendis dignitatibus 33, Vota duo poſt pro- feſſionem edi ſolita, Pontifici reſervata 40 de peccatis vitandis efficaſ 76, gradus & differentia declarata 221, formula votorum contra		



# INDEX

contra tentationes 281.	Vota simplicia 306,
primorum societatis Patrum 312,	simplicia
post professionem emittuntur 327,	simplex
Professorum 363,	perarduum 373. (34
P. Vortingus Joān: post multos labores moritur	
P. Vragonitius Operarius Christi strenuus 212	
P. Urrea Michaēl paupertatis amans victima	
fidei.	333
Ursinus Card. Alexand. ingeniosē amat socie-	
tatem, imitator Bellarmini	324
P. Ursinus Julius vivens mortuus.	483
P. de Urteaga Petrus otii osor	514
Ufus bonus gratiæ non provenit à solo libero	
arbitrio	28
Vultus splendor loco lampadis in Breviario	
noctū recitando	3
P. Walpolus victima fidei, equuleum 4 vicibus	
tolerat.	145
P. Wipperman Simon accipit osculum à Dei-	
para.	157
Wormatiense Collegium	355
P. Worthingtonus Laur. fructificat in carce-	
re.	409
P. Wrietus Petrus victima fidei in Anglia, 204	
Constantia ejus in fide	205
P. Wujecus Jac. vertit biblia polonicē, dexte-	
ra ejus incorrupta	286
P. Wysocki Simon pauperum Pater	223

## X

**S.** Xaverius fugit saniem ex ulcere 10, ejus  
zelus 13, securitas in summa tempesta-  
te, quam sedat 15, quam methodum tenuit  
in prædicando ibid. Describit dotes mit-  
tendorum in Indiam 17, ejus reverentia er-  
ga S. Ignatium 18, è Japonia revertitur in  
Indiam 32, Regem Lusitanæ fidenter admon-  
net de morte 34, erga S. Ignatium amor &  
reverentia 38, Japones deliciæ ejus 38, Si-  
nas adire cupit ibid. Nomen S. Ignatii in-  
ter reliquias gestat 41, duos è societate di-  
mittit 49, adolescentem non admittit, nisi

in Nosocomio probatum 46. Donum lingua-  
rum 60, Vaticinium duplex 60, simonem Ro-  
dericum amplexu sanat 85, miraculosè sanat  
infirmum 95, severitas in ebriosos 99, Philo-  
sophiæ Magister creatur 100, ejus suffragium  
pro præposito Generali 100, mover in Indiam,  
parat se ad iter 101, petit methodum agendi  
in India 104, Lauretum cum sociis invisit 109,  
Corpus ejus Malacam delatum, peste liberat  
civitatem 110, charitas ejus erga ægrum soci-  
um & Neophytos 117, fit inquisitio de sancti-  
tate ejus 119, est fortuna Regis Lusitanæ 119,  
Conciliat sibi S. Thomam 121, miracula 125,  
gravia monita 130, in Indiam solvit, itineran-  
tium commoda negligit 132, humilitatis com-  
mendatio ei familiaris 132, suadet non glori-  
andum in laboribus Apostolicis 133, observan-  
tiam Prælatorum & Magistratum graviter  
commendat 140, solvit in Sinas principalis Pa-  
tronus regni Navarra 141, urget proventus  
fundationum severe exigendos 154, conscien-  
tiæ arcana penetrat, desperabundum erigit 156  
Potamii mira operatur 160, sanat gravissimè  
infirmum 166, Goam appellit. Nuntii Aposto-  
lici potestate uti non vult absq; Ordinarii li-  
centia 172, Miraculum 177, duobus reddit sa-  
nitatem 181, ejus æmulus 179, curat lethali-  
ter infirmos 183, Imaginis ejus varius aspectus  
189, ægros sanat & pestem sedat 204, Neapo-  
lim liberat à peste 223, Ardor ad Japonicam  
expeditionem 233, laudat principes bonorum  
ministorum curam habentes 237, frustra fre-  
mente dæmone in Japoniam appellit 239, pec-  
catis suis adscribit, quod legatio ad sinas irri-  
ta fuerit 240, in itinere renuit visitare ma-  
trem suam 247, ope ejus liberatur è carcere  
250, urget excommunicationem 276, scribit ad  
S. Ignatium 285, sanat apostema 285, profici-  
scenti in Indiam dantur diplomata 286, epi-  
stola de tuendis Christianis 296, vota ei per-  
soluta 306, ope ejus puella à dæmonibus libe-  
rata 307, venit in Japoniam 313, filiolus ope  
ejus sanatus 332, item peste infecta 335, in qua-  
dam



# INDEX

**A**ma arce multos convertit 337. Malacam veniens qualiter acceptus 374, urget expeditionem contra Aenos 402, eandem turbatam iterum urget 404, epistola ejus severa 411, significat se solvere in Sinas 413, scribit ad P. Barzæum 416, imago ejus tacta bis sanat pa-  
galyticum 402, Brachium ejus vehitur Romam 429, scribit ad socios Goanos 431, Monita ejus 439, Brachium Romam delatum 442, solutus in Sinas 443, ab eo dimissus ex societate 443, urget excommunicationem 444, disputat cum Bonziis 447. 448. Est præsens in duobus locis 451, infirma sanatur 473, Refert victoriam Lusitanæ classis 475, Thaumaturgus 477, ejus epistola 432, Reliquiis ejus tibia sanatur 492, obediens post mortem. 442.  
P. Xaverii Hieron: expeditio in M. Magosis imperium, lectulus quietis in celo 229  
P. Xaverius Martinus victima charitatis 485  
Ximenus Joan. Coadjutor per obedientiam cæcam ducitur ad cælum, B. V. commendat eicuram animarum purgatorii. 74  
P. Ximenez Petrus Zelator domus Dei 467

## Y

**Y** Ama Joan: victima fidei 370  
de Yevencs Jacobi Coadjutoris cæca obe-

dientia. 30  
P. Yuki Didacus victima pro fide 32

## Z

**P.** Zanchez Gab. vir Apostolicus. 2  
P. de Zara Hieron: 30 annis tradit Grammaticam 36  
P. Zanovius Bernardinus cantus in sermone 120  
Zelus scholastici. 3  
Zelus ingeniosus & humilis 3. Apostolicus 31  
Zelus animarum 76. 255. 413.  
Zeli animarum præstantia 263, convertendi schismaticos 79, sine obedientia 116, fidei 122, Principis Japonici 197, in Naufragio 243, Regis Baciani baptizati 249, zelus & felicitas in convertendis hæreticis 335, zelus domus Dei 469  
P. de Zonanda Didacus victima fidei 130  
P. de Zuniga Joan. Rector Collegii ante sacerdotium, Supplicatio pro sanitate ejus, Mors ob mortem dilatat solatur B. V. 44  
P. de Zanuga agro providetur cibus 127  
P. Zuchi Nicolaus Concionator extemporaneus, ei Christus Concionem dictat 194

*Notandum: Defunctorum plerosq; excerptos esse ex Patris Nadasi Anno Dierum Memorabilem; quibus ex Sourvelli Bibliotheca Soc. JESU, Tannero & alij accesserunt.*

# FINIS.





30  
82

2  
m.  
36  
20  
3  
51  
13.  
ndi  
dei  
gio  
&  
ze.  
67  
130  
cer  
100  
14  
27  
ora  
94

100



Remington

7



Ueik liber inskriptions Cathalogo Societatis Jesu  
Crakowiensi ad S. Barbaram

Hic Liber

F

FASTI

SOC

Biblioteka Jagiellońska



stdr0022086



